









THE CORN LIEBOWITZ
OF THE UNITED STATES
OF AMERICA



A. CORN. CELSUS.
EX ICONIBUS A SAMBUCO EDITIS
Giacomo Lidl sc.

AUR. CORN.
CELSI
DE
MEDICINA
LIBRI OCTO

Brevioribus ROB. CONSTANTINI,
IS. CASAUBONI, Aliorumque
Scholiis ac locis parallelis illustrati.

Cura & Studio

TH. J. AB ALMELOVEEN,
M. D. ET PROFESSORIS.

*Editio ultima, in qua quid præterea sit præstitum,
Epistola ad Lectorem indicabit.*



PATAVII. MDCCCXXII.

Excudebat JOSEPHUS COMINUS
SUPERIORUM PERMISSU.

THE CORN

COLLEGE

OF THE

UNIVERSITY OF

THE STATE OF

NEW YORK



LIBRARY

OF THE

UNIVERSITY

Illustriss. ac Sapientiss. Viro

JOANNI BAPTISTÆ
MORGAGNO

In Patavina Academia Rei Anatomicae
Professori Primario, & Præsidi
Meritissimo,

JOANNES BAPTISTA
VULPIUS

S. P. D.



*Q*UID est, PRÆCEPTOR
AMANTISSIME, quod
vix hac inspecta Epistola qua Celsum &
Samonicum mea nuper cura, & diligen-
tia recusos Tibi dedico, pro Tua ista sin-
gulari ac perpetua oris animique Modestia

vultum contrahis, & Vulpio tuo subira-
sci videris? Non sum ego (quamquam
justis magnorum Virorum præconiis incre-
dibiliter delecter) ut solent alii in hu-
jusmodi Epistolis, hic laudes Tuas prola-
turus. Laudandi Te munus Viris laudatiss-
simis, & me undequaque majoribus, li-
bentissime relinquo. Decebat Lancisium
Amplissimum Virum, optimumque, si quis
alius, aestimatorem, Tuam (a) eximiam
eruditionem ac limatissimum judicium,
quod semper ipse maximi fecit, celebra-
re, & Te b Virum appellare omni do-
ctrina politissimum. Illum decebat, de-
cetque Anatomiae Scriptorem, & Profes-
sorem cum paucis hoc tempore conferen-
dum, Laurentium Heisterum, Te eo no-
mine insignire, quo eorum exemplum, &
auctoritatem secuti, Te alii Clarissimi ac
Solertissimi Auctores appellant, c nostra
ætate inter Anatomicos facile Princi-
pem, & d seculi hujus Ornamentum
splendidissimum. Viros quoque decet Præ-
stantissimos Gravissimosque qui Acta Erudi-
torum Lipsiæ conscribunt, cum aliis Te in-
numeris in locis, ac Tua quæque doctissi-
ma Scripta justis laudibus prosequi, tum
ubi

ubi e præcipuos Medicos Italiæ memo-
rant, Te inter primos nominare. De-
nique, ut nostrates omnes, magnamque in-
super exterorum Auctorum partem sciens
præteream, decebat Philippum Verheye-
nium f, decetque item Fridericum Ruyf-
chium g, Hermannum Boerhaavium h,
Lucam Scrochium i, Joannem Fabricium k,
Danielem Clericum l, Andream Goeli-
ckium m, Henricum Henrici n, Domi-
nicum Anellium o, Abrahamum Vate-
rum p, Hermannum Teickmeyerum q,
hos, inquam, omnes vel Professores Cele-
berrimos, vel Scriptores etiam Præcla-
rissimos, Tua decet, ut pulcherrima atque
utilissima Inventa, sic in observando in-
comparabilem Sagacitatem vel ipso rerum
testimonio, vel perhonorificis quoque ver-
bis extollere. Ego vero quid aliud pos-
sem quam egregias Tuas laudes ingenii
culpa, ut Horatius r inquit, deterere?
Accedit, illas satis esse claras tum per se,
tum renovatis apud doctissimas, & remo-
tissimas gentes, Scriptorum Tuorum Edi-
tionibus, tum tot Illustrium & Academia-
rum a quibus es expetitus, & Societatum
ac Collegiorum in quæ ultro cooptatus es,

testimoniis, tum vero multis maximorum
Principum honorificentissimis de Te Judi-
ciis, inter quæ illa eminent Principis Tui
Sapientissimi CLEMENTIS XI. Pon-
tificis Maximi, qui Te s. summa beni-
gnitate, laude, existimatione dignaba-
tur, & Augusti VENETORUM SENA-
TUS, qui post tot alia honestissima de Te
Decreta, novissimo Te iis Præmiorum
Additamentis, quibus alium nunc vide-
mus neminem, liberaliter cumulavit:
quamquam humana Præmia omnia illud
superat quod a Deo ipso Immortali Tibi
certo quodam modo concessum videtur, ut
quidquid usquam adversus Te instructum
est, id omne in multo ampliorem Tui In-
clyti ac nunquam interituri Nominis Glo-
riam conversum sit. Datum id est cum
Vero ipsi, cui vis semper maxima inest,
tum plurimis Tuis non adumbratis sed
expressis solidisque Virtutibus, Religio-
ni in primis, Integritati, Ingenuita-
ti, Fidei, Continentiæ: datum Humanita-
ti, Facilitati, Beneficiæ in omnes
Tuæ: datum isti pacis amantissimo,
aquisimo, & quod hoc tempore rarum est,
gratis præsertim Animo Tuo. Quas
omnes

omnes etsi ego præ ceteris quotidie excellentes experior suspicioque Virtutes, tamen has quoque, ut reliqua, aliis qui id magis pro dignitate præstare valeant, celebrandas relinquo. Illud tantummodo hac Epistola a Te peto, ut quam Tu ipse eximiam Virtutem in Te esse, non negas, quam præ te fers, qua una demta (hoc centies Te pro Tua singulari Modestia asseverantem audiui) vix aliud præterea in Te boni agnoscis, istum, inquam, de quo modo dicebam, gratissimum Animum Tuum, quem tamquam exemplar jam diu ante oculos mihi proposui, pro meo modulo nunc imitari liceat, ac Tibi de me secundum Deum, & Parentes optime merito Præceptor, quando alia ratione in præsentia non possum, hoc saltem oblato munusculo, meam acceptorum Beneficiorum memoriam, observantiam, atque, ut uno verbo omnia complectar, meam a Te spectatam & publice & commendatam pietatem, publice quoque testari. Nec profecto video cui potius quam Tibi Celsum dicarem, cujus sanum illud dicendi genus, non redundans & laciniosum, non flosculis inepte sparsum, & calamistris
inu-

*iniustum, illam denique, ut cum Tullio u
loquar, puram & illustrem brevitatem
qua nihil est in historia dulcius, omnes
in Tuis Anatomicis Descriptionibus (id
quod recte vel in Diario Parisiensi x ani-
madversum est) jure ac merito admi-
rantur. Sed ut nihil horum esset, ut
nihil aliud Tibi deberem: hæc certe Tibi
deberetur Editio. Dum enim me Doctis-
simis Epistolis Tuis ad hanc optime cu-
randam erudivisti, etsi illud primum ef-
fectum est, ut posita mihi sic ante oculos
tota operis absolutissimi quidem, sed in-
credibilem in modum ardui & longi, dif-
ficultate, inter meas Anatomicas & Medi-
cas occupationes, & in his temporis an-
gustiis animo caderem; tamen, cum postea
Epistolas ipsas edere permisisti, maxima
ex parte meum onus allevasti, & Edi-
tioni huic præcipuum ornamentum, futu-
ris autem, & fortasse a me (ubi satis
otii dabitur) olim suscipiendis, ingens
adjumentum præbuiisti. Id verum ne sit,
non Te ipsum, qui Tua omnia Benefacta
modestissime extenuas, sed Aequos ac Eru-
ditos homines qui proximam meam Epi-
stolam, imo Tuas illas perlegerint, velim*

*existimare. Quod reliquum est, Deum
O. M. ex animo precor, ut Te, PRÆ-
CEPTOR AMANTISSIME, & in hunc
qui hodierno die incipit annum, & in
alios præterea plurimos sospitem, bonis-
que omnibus affluentem, mihi, huic Nobi-
lissimæ Academiæ, & toti Literariæ Rei-
publicæ conservet.*

*Patavii Kalendis Januarii Anno a Vir-
ginis Partu M. DCC. XXII.*

a Dissert. de Vena sine pari, pag. 95. *b* Ibidem. *c* Ibid. p. 84. & Dedication. Compend. Anat. A. 1719. *d* Ibidem. *e* A. 1718. p. 14. *f* Anatom. lib. 1. tr. 2. c. 24. & multis aliis in locis. *g* Advers. Anat. & Thesaur. Anat. X. p. 48. & alibi. *h* Institut. Medic. 3. edit. passim. *i* Acad. N. C. Cent. VIII. p. 332. & alibi. *k* Histor. Biblioth. Fabric. Part. 4. p. 12. *l* Histor. Lator. Lumbric. p. 183. & multis aliis in locis. *m* Histor. Anatom. p. 95. *n* Disput. de Ves. Sem. Mul. p. 7. & alibi. *o* Suit. de la nouv. Meth. p. 67. & multis aliis in locis. *p* Nov. Duct. Salival. *q* Elem. Anthropol. p. 176. *r* Carm. I. Od. 6. *s* In Decr. S. P. Q. R. *t* Epist. ad Heister. *u* De Claris Orator. *x* Journal. des Scavans A. 1707. p. 714.

JOANNES BAPTISTA VULPIUS

M. D.

Medico, & Erudito Lectori

S. P. D.



ON solum suscepta a Fratribus meis Antiquos Latinos Auctores edendi provincia, verum etiam quotidianæ Amicorum postulationes, duos, inter illos, eruditissimos Medicinæ Scriptores a me potissimum deposcentium, in causa fuerunt, ut Aur. Corn. Celsi, & Q. Ser. Samonici libri Cominianis typis, eadem prorsus diligentia, qua ceteri hætenus prodierunt, recuderentur. Qua in re præstanda, quod ad Celsum attinet, Th. J. Almeloveenii Viri Doctissimi, & de hoc Auctore optime meriti, Editione ultima Amstelodamensi, habita apud Jo. Wolters in 8. anno 1713. tamquam meliori, usi sumus, nihil quidquam (ne ipsis quidem Præfationibus exceptis) quod in ea propositum sit, omittentes, imo eandem tanta cum fide exprimentes, ut nostræ hujus paginæ illius paginis, & lineæ lineis respondeant. Eam tamen quotiescumque opus esse credidimus, cum accuratioribus aliis contulimus, semper autem, & diligentissime quidem, cum Elseviriana anni 1657. a Famigeratissimo Lindenio curata, utpote quam in plerisque ipse est secutus Almeloveenius. Itaque multos typographicos errores in prima, nonnullos vero in hac etiam Elseviriana deprehensos sustulimus. Ceteros autem ea qua licuit ratione ex parte indicavimus. Cum enim Cel. Præceptor meus Jo. Bapt. Morgagnus, cujus vel
solum

EPIST. AD LECTOR.

solum nomen maximum per se ipsum præconium est, plurima mihi partim vetera, partim nova in Celso menda, & plerorumque facilem, manifestamque emendationem doctissima ad me scripta Epistola demonstrasset; etsi ab ipso impetravi ut edere hanc possem, id tamen ita impetravi, ut nihil propterea me in Celsi verbis novaturum esse, promitterem. Quod igitur potui; eandem huic nostræ Editioni præfixi; singulis autem Celsi locis, de quibus ea in Epistola sermo est, magno tuo commodo in paginarum marginibus numeros apposui, romanos quidem Epistolæ paginis, barbaros autem ipsius lineis respondentes, ut nullo negotio quid de quoque loco Vir Cl. censeat, possis invenire. Idemque ad ea quoque loca præstitimus quæ de obscuris, eruditionis suæ luce, præclarissima reddidit. Quoniam vero & de Vita, & de Elogiis, & de Scriptis Celsi haud pauca præmisit, & inter hæc, Fragmenta etiam ipsius nonnulla, a nemine adhuc prolata; idcirco miscellaneas de Celso ejusque Scriptis Notitias quas Eruditissimus Jo. Alb. Fabricius in Bibliotheca sua Latina, ejusque novo ac pleniori Supplemento congeffit, in hoc Auctore recudendo omittere visum est, ne quæ fatis a Sapientissimo Morgagno, Joanne Rhodio, aliisque Præstantissimis Viris in hac nostra Editione luculenter de Celso exposita sunt, inutiliter repeterentur: ceteroquin hoc nostrum, a multis probatum, institutum alias in reliquis Auctoribus, quos in animo emittere est, servaturi. Auctorum tantummodo a Celso citatorum Indiculum diligenter a laudato Fabricio collectum, ex memorato ejus novo Supplemento depromptum, & a nobis paginis lineisque hujus nostræ Editionis accommodatum, addidimus, sublati idcirco eorundem Auctorum nominibus e rerum & verborum Indice qui in fine occurrit, aliquantulum meliori ordine dispositus

nunc

E P I S T O L A

nunc & concinnatus. Catalogum quoque Editionum non solum emendavimus, verum etiam adauximus. Ut autem nonnullorum Doctorum Virorum morem, Serenum Samonicum in Celsi calce, tamquam ejus pedisequum in publicum emittentium, persequeremur (est enim Sereni Opusculum non cum Celsi quidem libris comparandum, sed tamen latinæ tum antiquitatis, tum medicinæ monumentum) probatissimam Roberti Constantini Editionem expressimus, qui Lugduni typis Gulielmi Rovillii A. 1566. in 8. una cum Celso Serenum emisit. Hanc nobis, non ubivis obviam, Editionem libentissime utendam dedit Humanissimus Morgagnus. Textum cum Londinensi Editione quæ II. Poëtarum Latinorum collectionis volumine occurrit, aliisque vetustioribus collatum, non parum emaculatiorem reddidimus. Quinetiam, cum ad eundem tum emendandum, tum illustrandum interfervire plurimum possit Epistola, reconditæ & abstrusioris eruditionis plenissima, quam de Sereno ad nos scripsit idem quem merito sæpius laudavimus, J. B. Morgagnus; hanc bona Auctoris venia textui præmisimus: & quemadmodum Varias Lectiones, & breves, sed eruditas, Notas quæ Constantinianæ Editionis marginibus appositæ sunt, signis parum certis & clavis indicatæ, ad singularum paginarum calcem rejecimus, perpetuo & sæpius iterato literarum alphabeti ordine, veluti digito, demonstratas: ita numeris suo loco interjectis, quotiescunque memoratam Epistolam, & qua in pagina, lineaque consulere oporteat, te, Benigne Lector, diligenter admonuimus. Cum autem in eadem Epistola, non tantum de Sereni Samonici, verum etiam de Pseudo-Macri, de Strabi, de Trotulæ ætate differatur, ac de ejusdem Samonici Vita, Elogiis, Scriptis, Editionibus pleraque omnia quæ scitu digna sunt, exponantur; hac de causa quæ ex aliis, & nomi-

AD LECTOREM.

nominatim ex Cl. Fabricio præmittere in nostris Editionibus consuevimus, in hac prætermisimus. Tantummodo Indiculum Sereni capitum attexere non inutile omnino arbitrati sumus. Tandem, ne aliquid prorsus huic Editioni nostræ deesset quod in aliquibus, antiquis præsertim, occurreret; Carmina illa quæ sub nominibus Q. Rhemnii Fannii Palæmonis, & Vindiciani feruntur, ex eadem Constantini Editione petita (ipsis tamen ope Stephanianæ Editionis aliquantulum emendatioribus redditis) in hunc librum eo libentius recepimus, quod Carminis Vindiciano attributi, in laudata Epistola mentio fit, nonnullis ex eo versibus expensis, veroque omnium Auctore luculentissime patefacto.

Atque hæc, nostra Editione jam jam ad finem properante, perscripseram, cum in eam spem veni ut duas alias Præstantissimi Morgagni in Celsum Epistolas, ad me perbenigne scriptas, eo permitte, possem adjicere. Hæ quidem brevitate prioribus longe cedunt; rerum autem pondere, novitate, atque utilitate minime cedunt. Altera enim, quæ ipse in MS. Celsi Codice invenerit, cum primam suam conferret Epistolam, docet, ejusdemque Codicis ope rem prorsus inexpectatam demonstrat, scilicet aliquot Capita (& quibus quidem de rebus agentia) in libro Celsi IV. deesse. Altera, MS. alterius Codicis auctoritate, eadem omnia confirmat: & præterea Viri Cl. Jacobi Facciolati, in hoc Celeberrimo nostro Seminario Studiorum Præfecti Eruditissimi, & de saniori latini sermonis cultu, atque elegantiæ præclare meriti, pulcherrimas Animadversiones XV. in totidem Celsi loca complectitur, cum his illustrandis, tum vero maxime latinæ linguæ a nonnullis vocibus quas Eruditi omnes tamquam certas Celso tribuere, & ejus auctoritate in accuratiora quæque Lexica inferre non dubitabant, repurgandæ utilissimas. Harum singulis

FPIST. AD LECTOR.

lis accedunt laudati Morgagni Additamenta ex Codicum etiam inspectione petita, quibus consentientibus vocem illam in primis *verticillati* quæ occurrit libr. 8. cap. 1. pag. 504. l. 24. ejusque unius loci auctoritate in latina Lexica inuenta est, Librariorum oscitantia debere, ostendit, cum sit ibi omnino legendum *vertici lati*. Sed id, atque alia in iisdem Epistolis per te leges. Viro enim Modestissimo quidem, sed tamen nostri Amantissimo, exorato, tandem obtinuimus ut quæ in privatum nostrum commodum properante calamo exaraverat, ea in commune Studioforum omnium, ut nobis placeret, vulgare possemus. Itaque has ambas posteriores Epistolas post breviora Variorum Auctorum in Celsum Scholia collocavimus, futuras proculdubio cum duabus illis prioribus splendidius nostræ hujusce Editionis ornamentum. Vale.





JO. BAPTISTÆ MORGAGNI
In Patav. Gymnasio Primarii Anat. Professor.

I N

AUR. CORN. CELSUM

EPISTOLA AD

JO. BAPTISTAM VULPIUM

In ejusd. Gymnasii Anatomico Theatro
Publicum Incisorem.

Jo. Bapt. Morgagnus Jo. Bapt. Vulpio S. P. D.



5 *Uanquam te deficere nihil,*
puto ad Aur. Corn. Celsum,
& Q. Serenum Samonicum
pari industria, & diligen-
tia laude edendos atque a
V. Cl. Fratris tuo Corn. Ne-
pos, & C. Valerius Flac-
cus non ita pridem editi
sunt; tamen quando meam quoque sententiam, &
10 *monita assidue postulas, atque adeo flagitas, non*
committam, mi Vulpi, ut tanto isti desiderio tuo
ipse videar defuisse. Et primum quod ad Celsum
attinet (nam de Sereno alias scribam) illud recte
statuisti, ut eam præ cæteris editionem sequaris
b *quam*

quam Vir, dum viveret, Eruditissimus procura-
vit Th. J. Almeloveenius. Cujus mei hac de re ju-
dicii rationem afferam, si prius de iis quæ in illa
editione proposita sunt, tum Vita, tum Elogiis
Celsi pauca admonuero. Cum Joannes Rhodius, 5
a quo Vita illa scripta est, ignorare non deberet,
Epistolas duas, alteram ad J. Callistum, alte-
ram ad P. Natalem immerito in Marcelli volumi-
ne, Corn. Celsi præferre nomen propterea quia prior
certe Scribonii est, quod luculenter ab eodem ipso 10
Rhodio in alio a est libro demonstratum; utraque
autem vel ipso (ut nunc cætera ornittamus) di-
ctationis genere ita a scriptis Celsi discrepat, ut id
qui non videat, nihil ille prorsus videat; cum
hæc, inquam, ita essent; non intelligere me, 15
fateor, qua tandem ratione sibi licere crediderit
Rhodius, Vir alioqui pereruditus, illarum Epi-
stolarum, perinde ac si Celsi essent, testimonio pas-
sim uti ad ea quæ de hujus vita proponit, compro-
banda. Qua de Rhodii inconstantia, atque adeo 20
prolapsione tantum abest ut Almeloveenius Lecto-
res monuerit; ne Amanuensium quidem Rhodii,
aut Typographorum Hafniensium in illo Opusculo
describendo gravia quædam ac manifesta correxit
errata, ut ubi Largii Designatiani (ejus videli- 25
cet cujus Epistolam Marcellus exhibet) nomen in
Largii designationi non sine totius sententiæ in-
credibili depravatione mutavere, vel ubi Celsum
Roma oriundum aperte monstrare, scribunt ipsius
lib. 5. cap. 21; in lib. autem 7. cap. 26. ipsum pro- 30
dere, pharmacorum (eorum, inquam, pharmaco-
rum quæ præbuisse dicitur) artificiosam mistio-
nem se accurate intellexisse: quæ nempe capita li-
cet ita diligenter perlegas, ut ne littera quidem una
te fugiat; quod tamen ad propositum faciat, re- 35
peries nihil. Hos autem locos, & præsertim po-
stre-

a Not. in Scribon. pag. 11.

5 *strenum eo magis emendare oportebat, quod nul-*
lum præterea aliud verum ac luculentum Celsi
ipsius testimonium protulit Rhodius, quo illud sal-
tem: ipsum non legendo tantum (quod plures pu-
 10 *tarunt) atque exscribendo, sed observando etiam,*
suumque iudicium interponendo in re medica versa-
tum esse, probaret: mirum sane in eo qui tot annos
in relegenda Celso consumpserit, cum Is. Casaubonus
tres ejusmodi locos in Scholiis annotaverit suis,
 15 *quæ Scholia edidit b. Almeloveenius, aliosque ipse*
animadverterim, de quibus totidem, exempli cau-
sa proponere satis est: c Ego sic restitutum esse
neminem memini: & d Neque audiendi sunt,
qui osse nudato, diem tertium expectant, ut
 20 *tunc excidant. ante inflammationem enim*
tutius omnia tractantur: & e In omni fisso
fractove osse, protinus antiquiores medici ad
ferramenta veniebant, quibus id exciderent.
Sed multo melius est ante emplastra experiri.
 25 *Elogia autem, & Testimonia de Celso nulla*
potius afferri oportuit, quam aut ita concepta,
aut ita pauca, ut in ista editione allata sunt,
tanquam illud quod Egnatio f. excidit, certissi-
 30 *mus esset: Cornelii Celsi Fabius, quod sciam,*
ex veteribus tantum meminit. Quid enim?
An non Columnellæ proferri plures poterant loci,
unde intelligeretur, & quam late fusa rerum scien-
tia, & qua elegantia, & qua auctoritate, &
qua fama, & quibus temporibus, & quot etiam,
 30 *ex parte, volumina Celsus scripsisset? velut ubi*
g Cornelium Celsum vocat non solum agrico-
lationis, sed universæ naturæ prudentem vi-
rum, aut ubi h de Apibus negat quicquam præ-
 b. 2. cipi

b ad pag. 118. lin. 22. c lib. 7. cap. 7. p. 426.
 1. 16. d lib. 8. c. 2 p. 509. l. 24. e lb. c. 4. p. 517.
 1. 6. f in Epist. Dedic. Celsi. g de Re Rust.
 lib. 2. c. 2. h l. 9. c. 2.

cipi posse elegantius quam a Celso jam dictum
 sit, *aut ubi i his verbis utitur* : quamvis doctis-
 simi Viri (*Celsi*) auctoritatem reverebar, ta-
 men ambitione submota, quid ipse censerem,
 non omisi : *aut his k* : Julius Atticus, & Cor- 5
 nelius Celsus ætatis nostræ celeberrimi aucto-
 res : *itemque l* : Celsus, & Atticus, quos in
 re rustica maxime nostra ætas probavit : *deni-*
que m : ut Carthaginiensem Magonem rustica- 10
 tionis parentem maxime veneremur ; nam hu-
 jus octo & viginti memorabilia illa volumina
 ex senatusconsulto in latinum sermonem con-
 versa sunt ; non minorem tamen laudem me-
 ruerunt nostrorum temporum viri Cornelius
 Celsus, & Julius Atticus. Quippe Corne- 15
 lius totum corpus disciplinæ quinque libris
 complexus est. *Quos quidem libros quinque d*
rei tantum rusticæ disciplinam pertinuisse, tum
ea ostendunt quæ antecedunt, ac subsequuntur,
tum id confirmat quod in Vita Celsi tradidit Rho- 20
dus, videlicet antiquorum quæ calamo scripta
sunt, ejus de re medica exemplarium hanc commu-
nem esse inscriptionem : A. Cornelii Celsi Ar-
tium Liber VI. quam quidem & in Gudiano ob-
servavit Vir Cl. Jo. Alb. Fabricius n, & Manu- 25
tii suis in editionibus fideliter repræsentarunt,
quos nimirum secutus est H. Stephanus, sed his
verbis : Operis ab eo scripti de artibus pars
sexta. Et quintam quidem fuisse eos libros de
re rustica, ex primis ipsis sextæ versibus satis in- 30
telligi, recte ab eruditis hominibus est adnotatum.
Quo autem ordine essent partes reliquæ locatæ, &
quot in libros distributæ, & num sexta ultima es-
set, de his nihil videor legisse quod pro certo habere
possimus. Conjectura enim esset, neque illa satis 35
firma,

i Ib.c.6. k l.3.c.17. l l.4.c.8. m l.1.c.1.
 n Suppl. Biblioth. Lat. lib.2. c.4. & Bibl. Ibid.

firma, si quis id jungens quod modo dictum est,
 cum ordine in pervulgato eo o Fabii loco observato :
 Corn. Celsus rei militaris, & rusticæ etiam, &
 medicinæ præcepta reliquit, colligeret, quar-
 5 tam Operis partem fuisse de re militari. Conje-
 ctura quoque est docta hæc quidem, & quam cum
 altero p Fabii loco, de iis quæ Celsus ad Scepti-
 corum exemplum non parum multa scripsit de
 Philosophia, valde consentire, animadverto; sed
 10 tamen conjectura est, quam laudatus Fabricius
 proposuit, cum q de hoc nostro Celso videtur,
 inquit, accipiendum quod S. Augustinus præf.
 libri de hæresibus ait, opiniones omnium Phi-
 losophorum qui varias sectas condiderunt us-
 15 que ad tempora sua sex non parvis volumini-
 bus Celsum quendam absolvisse. Ad qua-
 tuor autem quas nominavimus, partes de re ru-
 stica, medica, militari, & philosophica, ut si-
 ne dubitatione aliæ duæ doctis ab hominibus ad-
 20 duntur, de arte videlicet rhetorica, & de jure
 civili; ita suspicari aliquos posse, video, an non
 aliæ insuper adjici debeant. Neque hoc tamen dico
 ob librum de herbis jure ac merito longe alii Scri-
 ptori attributum, aut quod Celsum peculiares li-
 25 bros scripsisse censeam de arte veterinaria, quan-
 quam Rhodius in ejus Vita postquam libros cæteros
 memoravit, hæc habeat: Veterinariam quoque
 conscripsisse autor est Mercurialis lib. 4. cap. 2.
 Moveret quidem me mei eruditissimi Civis au-
 30 thoritas; si locum quem ad istum modum indicavit
 Rhodius, alium esse putarem ac illum qui in Præ-
 lectionibus Patavinis, lib. 4. cap. 2. sic legitur:
 Scripserat enim Celsus de medicina brutorum.
 Nam hoc negare potest nemo qui modo Celsi verba
 35 legerit r: amurca ad tertiam partem decocta,

b

3

vel

o Instit. Orat. l. 12. c. 11. p Ibid. l. 10. c. 1.

q loc. cit. r l. 5. c. 28. p. 338. l. 31.

vel sulphur pici liquidæ mistum, sicut de pecoribus proposui, hominibus quoque scabie laborantibus opitulantur. *Quinetiam Columellam pluribus in locis s ad varios bouum, oviumque morbos proposita a Celso remedia laudantem invenio.* 5
Veruntamen ut Robertus Constantinus t, atque adeo noster Almeloveenius u eo Celsi loco nihil aliud significari, docuerunt, nisi quod tradiderat in libris de re rustica; ita ex his etiam Columellæ non video quæ confici possit, peculiare alios de medici- 10
na veterinaria libros a Celso fuisse conscriptos, cum ea omnia inter rei rusticæ præcepta (quod & ipse Columella, & Cato fecerunt) opportuna tradi potuerint, neque aliter accipere necesse sit verba Mercurialis. Non veterinariam igitur peculiari- 15
bus libris complexum esse Celsum, suspicor, sed alias ex iis artibus quas indicat Quintilianus x. Marcus, inquit, Censorius Cato idem orator, idem historiæ conditor, idem juris, idem rerum rusticarum peritissimus. -- Quam multa, 20
imo pene omnia tradidit Varro? Quod instrumentum dicendi M. Tullio defuit? Quid plura? cum etiam Cornelius Celsus mediocri vir ingenio, non solum de his omnibus conscripserit artibus, sed amplius rei militaris, & rusticæ etiam, & medicinæ præcepta reliquerit. 25
Nosti quot, & quam varia argumenta tractata sint a Varrone; nam etsi libri ejus plerique perierunt; inscriptiones tamen sunt nobis ab antiquis Scriptoribus conservatæ, quas tanquam in tabella 30
Cl. Fabricius y exhibuit: in primis, ut totius erat antiquitatis peritissimus, rem historicam esse Varronem persecutum, nemo ignorat: quod Cato-
z in Adnotat. ad Cels. u in Scholiis in Cels. x In-
stit. Orat. lib. 12. c. 11. y Biblioth. Lat. l. 1. cap. 7.

nam quoque illum Censorium fecisse, constat, & Quintilianus isto in loco diserte confirmat. Num ergo Celsus, etsi nihil præterea aliud scripsisset, Historiam saltem attigisse, non suspicabimur?

5 Sed ne diutius in his quæ minus sunt certa, hæreamus; ad ea quæ certissima sunt, reliqua de Celso Columellæ Testimonia, atque Elogia redeo: quæ inter, eo magis quæ protinus afferam, omissa
10 adhuc (quod sciam) fuisse miror, quod deperditorum ejus de re rustica librorum Fragmenta quædam in nonnullis præsertim eorum videntur esse servata. Nam lib. 1. cap. 8. Ejusmodi, inquit, villicum (illiteratum, sed tenacissimæ memoriæ) Cornelius Celsus ait, sæpius numos domino,
15 quam librum afferre, quia nescius literarum vel ipse minus possit rationes confingere, vel per alium propter conscientiam fraudis timere. Lib. 2. cap. 9. Nam, quod ait Celsus, ubi mediocris est fructus, optimam quanque spicam
20 legere oportet, separatimque ex ea semen reponere. Lib. 3. cap. 2. Albuelis (vitis) utilior, ut ait Celsus, in colle, quam in campo: in arbore, quam in jugo: in summa arbore, quam in ima, ferax & materiæ frequen-
25 tis, & uvæ. atque iterum: Prudentis magistri est -- illud in totum præcipere, quod & Celsus ait --: Nullum genus vitium conferendum esse, nisi fama; nullum diutius conservandum, nisi experimento probatum. Lib. 7. cap. 2.
30 Igitur id pecus (ovillum) quamvis mollissimum sit, ut ait prudentissime Celsus, valetudinis tutissimæ est, minimeque pestilentia laborat. Capite autem 3. ejusdem libri: Nam melior est (agnus) autumnalis verno, sicut ait
35 verissime Celsus. Lib. 8. cap. 13. Anser autem non ubique haberi potest, ut existimat verissi-

me Celsus, qui sic ait: Anser neque sine aqua, nec sine multa herba facile sustinetur, neque utilis est locis confitis, quia quicquid tenerum contingere potest, carpit. Sicubi vero flumen, aut lacus est, herbæque copia, nec minus juxta fatæ fruges, id quoque genus nutriendum est: quod etiam nos facere censemus, non quia magni sit fructus, sed quia minimi oneris. *Lib. 9. cap. 14.* Quam rationem (*reparandi apes ex juvenco perempto*) diligentius prosequi supervacuum puto, consentiens Celso, qui prudentissime ait, non tanto interitu pecus istud admitti (*an amitti?*) ut sic requirendum sit. *Sed cum ex aliis præterea Columellæ locis, ac præsertim ex sine memorati novissime capitis & sententias Celsi, & quid de his Columella censuerit, cognoscere possimus; tamen eos quos protuli, dignos præter cæteros judicavi qui minime in Almeloveenii editione omittentur.*

Porro neque Plinius silentio erat prætereundus, qui toties Celsum inter Auctores (*& quidem non Externos*) quos secutus est, retulit in primo Naturalis Historiæ libro, atque alibi etiam, ut libro 10. cap. 53. & (*quod Almeloveenius non ignoravit*) in calce capitis quarti, libri 20. ubi ex Celso diserte nominato remedium adversus podagram attulit, quod in libro hujus habemus quarto, cap. 24. Nam alium quendam Plinii locum ex lib. 14. c. 2. Græcinus, qui alioqui Cornelium Celsum transcripsit: non contemno quidem; sed tamen non tanti, quanti facere Eruditi nonnulli Homines videntur, facio. Etsi enim Julium hunc Græcinum (*hunc, inquam, ipsum Justum etiam Lipsii 2, atque Henrici Savillii a judicio*) &

2 & a in Agric. Taciti.

ab Seneca b haud semel laudatum, & a Corn. Ta-
 cito c insigni illo elogio ornatum invenio: pater
 Julii (Agricolæ) Julius Græcinus senatorii or-
 dinis, studio eloquentiæ, sapientiæque notus,
 5 iisque virtutibus iram Caii Cæsaris meritis.
 namque Marcum Sillanum accusare jussus, &
 quia abnuerat, interfectus est; ut ad Celsi lau-
 dem non mediocriter pertineat quod ab ejusmodi
 Viro credatur esse transcriptus; haud facile tamen
 10 censuerim, aliud voluisse Plinium significare, ni-
 si quod super helvenaca, de qua ibi loquitur, vite
 Celsi ille judicium descripserit. Neque enim, ali-
 ter si esset, aut Plinius ipse d inter eos Scriptores
 quorum auctoritatem in libris 14. 15. 17. 18. se-
 15 cutus est, præter Celsum, Græcinum quoque no-
 minasset, atque adeo in libri 16. Indice hunc,
 Celso omisso, memorasset, aut Columella e sæpe
 adeo sententiam Julii Græcini nominatim laudas-
 set, atque ipsa, ut videtur, verba, quæ pro Græ-
 20 cini Fragmentis haberi fortasse possunt, plerunque
 retulisset; imo ipsum, non Julii Attici, quod
 facit, f sed Cornelii Celsi velut discipulum scri-
 psisset duo volumina similium præceptorum de
 vineis edidisse. Utcunque id est; hæc veterum
 25 Auctorum testimonia antiquam Celsi famam, at-
 que etiam (quod vel ex iis intelligi potest quæ de
 Græcino modo attigimus) ætatem ipsam indican-
 tia, istuc omnia prætermittuntur.

Unus Quintiliani locus, cum proponi plures
 30 possent, & in his aut ubi g Celsum de eloquentiæ
 præceptis accurate scripsisse, judicat; aut ubi h
 eundem eruditum appellat virum; aut ubi i in-
 ter

b De Benef. l. 2. 21. & Epist. 29. c in Jul.
 Agricolæ Vita. d Nat. Hist. l. 1. e de Re
 Rust. Vid. l. 3. c. 2. 3. 12. & l. 4. c. 3. 28. f Ib.
 l. 1. c. 1. g Instit. Orat. l. 3. c. 1. h l. 9. c. 1.
 i l. 10. c. 1.

EPISTOLA IN

ter paucissimos eloquentes, quos in philosophia
literæ Romanæ tulerunt, ipsum dilaudans,
scripsisse, ait, non parum multa, scepticos
securum, non sine cultu, & nitore; unus, in-
quam, profertur Quintiliani locus, isque Celso
cum haud multum æquus, tum qui etiam quam
revera sit, multo passim iniquior videatur non at-
tendentibus videlicet, mediocri virum ingenio
ibi k Celsum dici, ubi contentione quasi quadam
facta, Scriptores omnium longe ingeniosissimi, & 10
in his Homerus, Plato, Aristoteles, M. Tul-
lius, collaudantur.

Quid vero de iis dicemus quæ multa ex Verderio
sine ulla animadversione proponuntur? In aliquo
Celsus Hippocratis verbo latine reddendo aliquid 15
interdum humani passus sit; num propterea continuo
pronunciandum erat, Hippocratem, & Græca pe-
ne omnia parum feliciter vertisse? An non erat
potius animadvertendum, quanto ille, quam nos,
Hippocratis ætati propior fuit, tanto fidelioribus 20
atque integrioribus Hippocratis exemplaribus usum
esse; ut nisi quid aliud omnino obstet, non ex no-
stris exemplaribus Celsi versionem reprehendere, sed
ex Celsi versione nostra emendare exemplaria iis præ-
sertim in locis deceat qui aliter in aliis antiquis 25
codicibus scripti sunt: quod me quidem, cum Hip-
pocratem publice interpretarer, aliquando, & for-
tasse haud incommode, facientem annis superiori-
bus audivisti. Sed denique apud Celsum, in-
quit, observationes quædam sunt ludicræ. Quæ 30
tandem? Si nimirum ægrotus summis digitis
extrema parietum evellat, hoc est lapillos ex
muro extradicet (Celsus l. ita habet: si qua mi-
nuta eminent, carpat) signum mortis esse;
quasi vero istiusmodi observationem aut Celsus de 35
Hippocrate *, de illo, inquam, Hippocrate,
quem

k l. 12. c. 11. l. 1. 2. c. 6. p. 55. 9. * Præn. n. 4.

quem felicius (si Diis placet) vertisse oportebat , non accepisset ; aut qua ratione , causaque vera esse possit , explicare Medici prorsus nescirent . Sed jam ad ipsos Celsi libros veniamus .

- 5 Hos cum ego libros ante multos annos ruri diligenter perlegerem , exemplari usus parvulo ex iis Lugdunensibus quorum uno ipsum quoque Josephum Scaligerum usum esse , ex Lindenio cognosces ; meminime ducentos minimum locos ex iis quos corruptos esse , intelligebam , conjectura (neque enim aut ulli , calamo ; aut alii , formis descripti , quos conferrem , ibi erant libri) conjectura , inquam , ductum emendare , vel ut verius dicam , quo emendari modo possent , inter legendum divi-
- 10 nare voluisse . Quas divinationes cum postea aliquando cum excusis libris conferrem , non ante sensi , me actum egisse , quam libellum a Lindenio procuratum in manus sumerem . Hic enim Vir diligentissimus , & magnis ad Celsum restituendum
- 20 subsidiis instructissimus quæ ego suspitione attigeram , ea prope omnia ex veterum librorum auctoritate , & Virorum Summorum conjecturis selectissimis reposuerat . Quorsum hæc ? inquires . Nempe ut intelligas , me Almeloveenii , qui Lindenium fere secutus est , editionem probantem , non temere , sed facto periculo , atque instituta cum aliorum libris comparatione judicare . Et vero ut
- 25 certis in locis , quorum aliquot in hac Epistola indicabo , minime de ea Lindenii editione Thomæ Bartholini in judicium improbem ; in plerisque tamen eorum qui a me sunt diligenter perpensi , non video esse cur verear ne non sit cæteris anteferenda . Huc adde quæ Almeloveenii sedulitas , ac solertia adjunxit , & in his quæ ad locos vel in-
- 30 certæ scripturæ commonstrandos , vel obscuros illustrandos , vel memorabiles indicandos , comprobant-

bandosæ in calce tum singularum pagellarum, tum
 libri universi adscripsit. Quibus omnibus in rebus
 etsi hominis exercitatissimi eruditionem, diligen-
 tiam, egregiamque de studiosis lectoribus bene me-
 rendi voluntatem jure laudo, atque commendo;
 noli tamen credere, sic illum, meo quidem judicio,
 peregrisse omnia, nihil ut reliquerit industrie tuæ.
 Imo sic habeas, velim: prope innumera adhuc su-
 peresse quæ adjici possint, hujusque rei conjectu-
 ram facias ex iis quæ has mihi litteras alia inter
 studia, atque occupationes scribenti in memoriam
 videris esse redacta.

Nam ut a postremis incipientes, ad priora de-
 mum revertamur; hæc memorabilia, ac digna sunt
 certe quæ extenso quasi digito Lectoribus ostendan-
 tur: jam tum Celsum lib. 3. cap. 19. primum for-
 tasse ex omnibus quos nunc de re medica habemus,
 Scriptoribus (quæ enim huc Rubeus n. profert ex
 Hippocrate, ne aliter accipienda sint, vereor)
 primum, inquam, nutrientium, ut vocant, Cly-
 sterum usum, & opportunitatem litteris manda-
 visse; Ultimum, inquit, auxilium est, in al-
 vum ptisanæ vel alicæ cremorem ex inferiori-
 bus partibus indere, siquidem id quoque vires
 tuetur: Jam tum lib. 6. cap. 7. in gravis au-
 ditus curatione monuisse, aurem ipsam confide-
 rare oportere, si forte appareat sordium coitus:
 hasque, ante, ubi opus sit, emollitas, auricu-
 lari specillo eximendas esse: Jam tum; id-
 que paulo infra; scripsisse: purgare aurem oport-
 ere, & spiritum continere, donec inde hu-
 mor aliquis exspumet: Jam tum lib. 7. cap.
 26. id in urethræ incisione præcepisse, quod & ali-
 bi, velut in jugularium venarum sectione, ali-
 quando haud inutile esse posse, animadverto: sci-
 licet primum cutem quamplurimum attrahen-
 dam,

n Annot. in Cels.

dam, deinde urethra incisa, & hærente in ea calculo exempto, tum cutem remittendam; sic enim fieri, ut incisum colem integra pars cutis contegat, & urina naturaliter profluat:

5 Jam tum eodem in libro, capite autem 16. docuisse, tum crassius intestinum perforatum inter-452, 15. dum glutinari, tum si angustius vulnus abdominis est, quam ut prolapsa intestina commode refundantur, incidendum esse, donec satis pa-

10 teat: quod quidem monitum meministi ut præ cæteris inculcaverit hac ætate nimium lentis, ac mediculosis Chirurgis Experientissimus Vir Abr. Cyprianus o. His locos adde quos Reditus p. con-

15 firmavit, atque illustravit sive de Serpente veneno, sive de Hirundinibus, & chelidonia. Celsus namque in extremo sexto capite libri sexti earum quas ibi memorat, Avium acies, inquit, extrinsecus læsa, interposito tempore in anti-369, quum statum redit, celerrimeque hirundinis. 23.

20 Unde etiam locus fabulæ factus est, per parentes id herba restitui, quod per se sanescit.

Idemque lib. 5. cap. 27. Venenum, inquit, serpentis -- non gustu, sed in vulnere nocet. -- 309, 22.

Ergo quisquis exemplum Psylli secutus, id 25 vulnus exuxerit, & ipse tutus erit, & tutum hominem præstabit. Illud interea ante debet attendere, ne quod in gingivis, palatove, aliave parte oris ulcus habeat. Neque tan-

dem is prætermittendus est locus, quo nos uti consuevimus, ut quid prisci Anatomici intestini cæci 30 appellatione significarint, Celsi etiam auctoritate ostendamus. Nimirum lib. 4. cap. 1. crassius, inquit, intestinum a dextra parte incipiens, in 184, sinisteriorem pervium & longum est, in dexte-31.

35 riori non est; ideoque cæcum nominatur.

Atque
o Epist. ad Millington. p. Osserv. int. alle
Vipere, & Esper. int. a cose natur.

Atque hi quidam sunt ex multis locis quos ut memorabiles indicare poterat Almeloveenius ; nunc duos (haud amplius) ex non paucioribus adscribam , quos quidem poterat declarare . Nam quod 153, 6. lib. 3. cap. 18. scriptum est : Confert etiam ali- 5 quid ad somnum filanus juxta cadens ; quot tandem ex studiosis Adolescentibus putas intelleturos quid sit iste filanus ; cum eruditus Vir Jo. Casarius q vocis insolentia permotus , se pro ipsa saliens rivus repositurum fuisse , fateatur , nisi 10 in ea verba forte incidisset unde incipit Sex. Pomp. Festi r liber secundum Aldi partitionem duodevicesimus : Tullios alii dixere esse filanos , alii rivos : quæ & G. Valla viderat , ac Silanum pro rivo exposuerat . Et Ronsseus s quidem eadem quæ 15 Casarius , habet : idemque senserat , ac tradiderat Pantinus t . Ego vero cum Festi verba rele- go : Tullios alii dixere esse filanos , alii rivos , alii vehementes projectiones sanguinis artuatim (Jos. Scaliger , alique legunt arcuatim) 20 fluentis , quales sunt Tiburi in Aniene . Ennius in Ajace . Ajax misso sanguine tepido Tullii efflantes volant ; ut suspicor , quædam librariorum incuria esse omissa , aut saltem vel depravata , vel in non suum locum transposita ; 25 quid enim illa : quales sunt Tiburi in Aniene , ad sanguinem ? ita minus miror R. Constantinum u legere , non Tullios alii dixere esse filanos , sed Tubulos alii dixerunt esse salientes , & saliens in Celfo scribendum credere pro filanus . Por- 30 ro Josephus Scaliger in suis in Festum Castigationibus hæc notat : Silani ; Glossario silvani . Silvanus , Κρηνὴς , hoc est fons aquæ saliens : ac pariter in iis Notis quæ ex editione Festi Romana ,

Ca-

q Comment. in Celf. r de Verb. Signific.
s Enarration. Celf. z Annotation. in Celf.
u Adnot. in Celf.

Castigationes Scaligeri consequuntur, hæc habentur : In antiquo Lexico Latino Græco, Silvanus exponitur Κρηνός, & ita fortasse legendum tum hic, tum apud Cornelium Celsum : qua
 5 in opinione Jacobum quoque Cujacium x, & Hieronymum Columnam y fuisse, non ignoro : & certe in Philoxeni Glossis : Silvanus, vel Silbanus, Κρηνός, se etiam legisse, ostendunt Gerardus Joannes Vossius z, & Robertus Keuchenius.
 10 a Hæc etsi ita sunt ; tamen illa vicissim haud sunt ignoranda, non modo hos duos quos novissime laudavimus, Viros, & præterea Jo. Jacobum Hofmannum b pariter censere, in Glossis, atque adeo in Festo legendum esse Silanus, & Silanos ;
 15 sed & reapse Turnebum c in Petri Danielis Aureliani latino Onomastico perantiquo, in membranis scripto, sic invenisse : Silanus tubus ; ac Lambinum d in Vocabulario Latino-græco cujus ipse Puteanus copiam fecerat : Silanus, Κρηνός. Neque
 20 Constantinus e ipse negat, Tullios etiam, & silanos in Festo legi ; imo hæc scriptura in omnibus quæ adhuc viderim, excusis Festi exemplaribus habetur. Huc adde ex iis Fabulis f quæ sub C. Julii Hygini nomine circumferuntur : cum
 25 (fuscina) eduxisset, tres Silani sequuti sunt, qui ex Amymones nomine Amymonius fons appellatus est ; quinetiam ex divina illa Atheniensis Pestilentiae descriptione Lucretiana g :

30 Multa siti prostrata viam per, proque voluta

Cor-

x Observation. l. 11. c. 2. y in Ennii Frag. ex Ajace. z loco infra cit. a In Frontinum de Aquæd. ad illa verba : compluribus salientibus aquis instruxit urbem. b Lexic. Universal. ad vocem Silani. c Advers. l. 28. c. 6. d Comment. ad Lucr. l. 6. e loc. cit. f Fab. 169. g De Rer. Nat. l. 6.

Corpora silanos ad aquarum strata jacebant
 Interclusa anima nimia ab dulcedine aquarum ;
sic enim post Aldum , ut probe nosti , rejecta Ma-
rulli emendatione , & Pii scriptura , qui sic a-
mnis , & sola amneis pro silanos posuerant ; ve- 5
tustis , emendatisque libris auctoribus , Viri Do-
ctissimi edidere , ex quibus Lambinus , h Gifa-
nus i , Creechius k hunc etiam ipsum de quo agi-
mus , Celsi locum in eandem sententiam produxe-
runt , nec Munckerus l in allatis Hygini verbis 10
exponendis , aut Vossius in Etymologico Linguae
Latinae m (ubi , ut opere in longo , haud mirum
quod pro Mythologico Hygini citet P. Astronomi-
con) pratermisit . Neque vero omissus est ab iis
quos supra nominavi , Hofmanno n , & Keuche- 15
nio o , aut denique a Samuele Pitisco p ; quini-
mo ab his duobus diserte adscriptum est , silanum
esse hic a Celso positum pro rivulo susurrante de-
cidentium leniter aquarum ; ut mihi illud Vir-
gilianum q in memoriam reduxerint : 20

-- levi somnum suadebit inire susurro ,
 multoque etiam magis illos Poëtarum aliorum locos
 ad quos Celsus potuit respexisse , ut hunc Hora-
 tii : r

Fontesque lymphis obstrepunt manantibus 25

Somnos quod invitet leves ,
 illumque inprimis Ovidii s , qui in Somni ipsius
 domo , ac penetralibus describendis , nullo modo
 sibi esse rivum pratermittendum existimavit ,

-- per quem cum murmure labens 30

Invitet somnos crepitantibus unda lapillis .

Ve-

h loc. cit. i Conlectan. Lucret. k Not.
 ad Lucr. l. 6. l Not. ad Hygini Fab. 169.
 m ad vocem Silanorum. n o loc. cit. p Le-
 xic. Antiquit. Roman. ad vocem Silanus .
 q Bucolic. Eclog. 1. r Epod. 2. s Meta-
 morph. l. 11.

Verum ante eos omnes a quibus ut nonnulla alia
 quæ supra indicavi, ita hunc Celsi locum in istius-
 modi sententiam productum esse, comperi, pro-
 duxisse invenio L. Gr. Gyraldum in eo Dialogis-
 5 mo t, in quo a Barbulejo suo ex se quæsitum esse,
 proposuit, quid sibi vellet hæc inaudita vox Si-
 lanos; ipse vero antiquam vocem esse Latinam,
 & tubos aquarum significare, & fistulas, osten-
 dit. Cæterum ad hujus vocis antiquitatem com-
 10 probandam fuit aliquando cum pertinere fortasse,
 crederem, Silanorum cognomen, Romæ in Junia
 Gente celeberrimum; sed postea vidi, tum Anto-
 nium Augustinum u id ipsum deducere a Silo, Ser-
 giorum, & Licinorum cognomine, significante,
 15 ut Festus x est auctor, nasum sursum versus re-
 pandum, tum nostræ hujus vocis originem ex ara-
 bica Silan, quod est fluxus aquæ, a Thoma Er-
 penio y, quocum faciunt Hofmannus z, & Vos-
 sius a, derivari. Quæ omnia cum ita sint, ne-
 20 que aliquis; quod sciam; in antiquis Celsi codi-
 cibus aliud quam filanus, legisse se, scripserit,
 quam quidem vocem in primis, ac præterea in opti-
 mis quibusque editionibus constanter video esse ser-
 vatam; ut nihil in Celso mutandum, ita Lecto-
 25 res monendos censeo quid Eruditissimi Homines
 de hoc vocabulo, ejusque significatione tradide-
 rint.

Non ita difficile, nec tamen æque omnibus fa-
 cile erit conjicere quid sibi Celsus voluerit libro 5.
 30 in fine capitis 21. quod est de Pessis. Si concide- 271
 re, inquit, vitio locorum mulier solet, co- 15.
 chlex cum testis suis comburendæ, conteren-
 dæque, deinde his mel adjiciendum est. Si

c non

z Dialogism. 18. u De Familiis Roman.,
 in Junia. x De Verbor. Signif. l. 17. y An-
 not. in Lexic. Arabic. Rapheleng. z a locis
 cit.

non comprehendit, adeps leonina ex rosa mol-
lienda est. Si enim hæc ita juncta; ut in ple-
risque editionibus; legantur, tanquam aut unum
ad morbum, aut unum ad pessum spectarent; co-
gitare potest quispiam num forte ea verba si non 5
comprehendit hoc significant: si mulier quæ vitio
locorum concidit, nihil percipit; vel an sic etiam
sint accipienda: si mel contusis cochleis adjectum
eas non satis, ut alibi Celsus loquitur, cogit;
quo videlicet modo tum Scribonius b, hæc omnia, 10
inquit, sive contusa, sive creta diligenter,
melle Attico despumato comprehendantur; &
alio in loco c, deinde cæteris miscentur, quæ
& ipsa recipere debent tantum mellis, quan-
tum satis erit ad comprehendenda & continen- 15
da ea; tum Vegetius d, quæ diutissime trita,
melle optimo adjecto comprehendantur: vel
denique erit fortasse qui sic opinetur: fecisse hic
Celsum quod ubi e præcepit de extrahendis calculis
fæminarum, aperte fecit, ut ad Virgines etiam 20
respiceret; his igitur non eos pessos, quos nimirum
non comprehenderent, sed tantummodo e leoni-
na adipe, rosa mollita, inunctiones, vel si ma-
vis, quæ nunc vocitant nascalia imperavisse.
Ego vero ut duas illas priores explicationes multis 25
de causis quas enumerare necesse non est, minime
probare me posse, fateor; sic ne hanc quidem tertiam
tueri velim, propterea quod si id Auctor spectasset;
certe (ut alia fileam) in superioribus quoque pes-
sis nonnullis adversus morbos cunctis fæminis pari- 30
ter communes proponendis, Virginum rationem ha-
buisset: neque vero habendam ipsi fuisse in toto hoc
capite, is intelliget qui pessorum nomine nihil hic
nisi nascalia præcipi, animadvertet. Eorum,

b Compos. Med. Comp. 70. c Comp. 106.
Sic & 88. & 227. d Art. Veterin. l. 4. c. 27.
e l. 7. c. 26. p. 481, 27.

170 ,
 posita molli lana excipiuntur , eaque lana na- 15.
 turalibus conditur . Quoniam igitur sic conne-
 xorum ut proposuimus , Celsi verborum nulla satis
 5 placet sententia ; an melior possit existere viden-
 dum est ex iisdem in duas , ut ab Lindenio , &
 Almeloveenio factum est , particulas ita sejun-
 ctis , ut singulae ad singulos tum morbos , tum
 pessos indicandos pertineant . Cumque omnis vel
 10 in sic disjunctis obscuritas oriatur ex illo verbo
 comprehendit ; etsi hoc non satis illustratur syn-
 onymo quod in ora libri sui adscripsit R. Constan-
 tinus , συλλαμβάνεται , propterea quia non pau-
 ciora ferme significat hoc apud Græcos , quam
 15 comprehendit apud Latinos ; mihi tamen causam
 præbuit suspicandi , an ut apud illos non tantum
 significat complectitur , capit , percipit , &c.
 verum etiam interdum concipit , qua videlicet
 ratione ab Aristotele positum invenitur lib. 2. de
 20 Generat. Animalium ; sic Celsus , Græcos hic imi-
 tatus , eadem scribat significatione , comprehen-
 dit ; ut hæc ejus sententia sit : Si mulier non con-
 cipit ; adeps leonina , oleo rosaceo emollita , ac
 lana molli excepta subjicienda est : quæ sane ex-
 25 plicatio magis probabitur ab iis qui cum memine-
 rint , non modo apud recentiores aliquos Auctores
 pinguedinem leonis ad juvandam venerem commen-
 dari ; verum ipsum quoque Aetium f ex eodem
 oleo in fellis vesicula leonina servato pessum , seu
 30 potius nascale ad conceptionem adjuvandam pro-
 posuisse : tum minime ignoraverint , æqualem fer-
 me Celso Scriptorem Columellam g in re qui-
 dem haud ita absimili scripsisse : brumæ tempo-
 ribus aliquando insita vitis comprehendit : &
 35 vitis truncus insitus cum comprehendit ; hoc est

f Tetrab. 4. Serm. 4. c. 32. g de Re Ru-
 stic. l. 4. c. 29.

cum indito surculo coaluit intime sic ut ipsum jam
 alat : quæ omnia eo fusius exposui quod ex iis quæ
 adhuc consului, Lexicis, aliisque ejusdemmodi
 libris plane intelligerem, quosdam hujus verbi si-
 gnificatus ex iis esse quæ doctorum alioqui Homi- 5
 num, & in his rebus versatissimorum magnam
 quantumvis diligentiam fugerunt.

Jam vero ex innumeris prope locis quorum in-
 certam scripturam commemorare poterat Almelovee-
 nius, hos paucos habe. Lib. 2. cap. 29. in quo ci- 10
 bi, ac potiones quæ alvum movent, traduntur,
 me non præterit, Nicolai illius qui Florentiæ pri-
 mus omnium quos non ego modo, sed & Viri nove-
 rint longe Eruditissimi Thomas Bartholinus h, Al-
 meloveenius noster, & Jo. Albertus Fabricius i, 15
 primus, inquam, Celsum descripsit formis, atque
 etiam L. Ant. Juntæ, ac Manutiorum libros post
 mulsum, vinumque dulce, vel salsum hæc habere :
 aqua : tenera omnia tepida : dulcia : pingua :
 hancque scripturam hætenus probare Almelovee- 20
 nius, ut cum Lindenio scribat : aqua, omnia
 106, tenera, tepida, dulcia, pingua. Attamen in
 29. proximo capite 30. quod propter Operarum incu-
 riam apud Almeloveenium inscribitur 25. in quo
 contra, quæ alvum adstringunt, proponuntur, 25
 numquam ego post asperum & vinum, & defrutum
 107, legi : aqua vel tepida vel præfrigida, dura, id
 31. est, ea quæ tarde putescit, ideoque pluviati-
 lis potissimum, omnia dura, macra ; hæc, in-
 quam, superiori loco perspicue opposita nunquam 30
 legi, quin vehementer dubitarem, an non magis
 in ipso probanda esset altera scriptura quam Cæsa-
 rius, Pantinus, Stephanus, Rubeus, atque alii
 sequuntur : aqua tenera, omnia tepida, dul-
 cia, pingua ; ut aqua videlicet tenera oppona- 35
 tur

h Dissert. IV. de libris legend. i Bibl.
 Lat. l. 2. c. 4.

rur duræ, sicut a Rubeo k explicatum est; aut
 certe utramque scripturam; quod factum video a
 Constantino, & Ronseo; esse censerem proponen-
 dam. Initium quoque sectionis 16. capitis 28.
 5 libri 5. cum hoc habeat Nicolaus: Scabies vero est
 durior cutis rubicundus; Junta autem, Cesa-
 rius, Pantinus, Stephanus, alique tria postre-
 ma verba ita scribant: durior cutis rubicundior;
 Manutii vero: humor cutis rubicundus; Con-
 10 stantinus denique ad libri oram: tumor durior
 cutis. Alii, durities cutis; Ronseus autem:
 al. humor durior c. r. al. durities cutis; cum
 igitur usque adeo hic varient codices; equidem
 haud improbaverim quod Almeloveenius, missis cæ-
 15 teris aut manifeste vitiosam, aut minus probabi-
 lem sententiam habentibus, ultimum cum Lindenio
 selegerit, & scribere maluerit: Scabies vero est 338, 2.
 durities cutis rubicundior. ex qua pustulæ o-
 riuntur; erat tamen de tanta ista varietate Le-
 20 ctor monendus tum ne pro certo crederet, Celsum
 ita scripsisse, tum ut inquireret quo igitur modo
 scripsisset, an sic, exempli causa: Scabies vero
 est aspritudo cutis rubicundior, ex qua pustu-
 læ oriuntur. Ut enim mittam, verbi aspritudo
 25 vestigia quædam fortasse in illo durior relicta esse,
 quod pleræque, & in his vetustissima, editiones
 servarunt; certe in ejus quæ proxime antecedit,
 sectionis principio cum hæc de pustulis Celsus scri-
 psisset: Earum plura genera sunt. Nam modo 336, 8.
 30 circa totum corpus partemve aspredo (aspritu-
 do ex optimis, vetustisque exemplaribus quæ Rho-
 dius l, & Constantinus m nominant, legendum
 est) quædam fit, similis his pustulis &c. eæque
 modo rubent, modo colorem cutis non exce-
 35 dunt; cum, inquam, Celsus hæc scripsisset; a

c 3 veri
 k Annot. in Cels. l in Lexic. Scribon.
 m Adnot. in Cels.

- veri similitudine non prorsus abhorret, jungere
 cum illa sectione hanc quæ sequitur, eo quod ex-
 338, 9. empli causa proposuimus, initio voluisse, eoque
 est, inquit, quoque prurit magis, eo diffici- 5
 lius tollitur. Verbis autem opus non est, ut
 intelligatur, aut libro 6. cap. 14. (quod perperam
 Almeloventii Opera 16. fecere) in quo de Uvæ
 morbo sermo est, omittere non decuisse, veterem
 librum a Constantino, & Ronsseo in suorum mar- 10
 gine descriptum, cujus auctoritate, proxima iis
 quæ afferemus protinus, verba in suam sedem re-
 stituta sunt, non succo habere, sed succus in hoc
 389, loco: Chelidoniæ quoque succo per cochlear
 30. illita uva maxime prodest: Aut libro eodem, 15
 cap. 6. in extrema fere sectione 1. cum illis verbis:
 350, In ipsum vero oculum primo die, nisi immo-
 30. dica inflammatio est, nihil recte conjicitur;
 alteram quoque, librorum videlicet Nicolai, Fun-
 tæ, Manutiorum, Stephani, Constantini, scri- 20
 pturam, quæ a Ronsseo, aliisque præterea saltem
 in ora adscripta est, proferre convenisse: nisi mo-
 dica inflammatio est; præsertim cum hæc conti-
 nuo sequantur: sæpe enim potius concitatur eo
 pituita quam minuitur: Aut lib. 7. cap. 2. ad 25
 410, 5. illa verba: si - ægrum fluens alvus exercuit,
 neque per alimenta quicquam corpori accedit;
 indicandum fuisse: Manutios tamen; quos cum
 dico, Egnatium quoque ipsum dico; pro exercuit,
 legisse exhaurit, Stephanum autem exhausit; 30
 quam quidem scripturam, magis profecto cum pro-
 ximis quæ modo allata sunt, verbis ipso loquen-
 di genere congruentem, Constantinus quoque, ac
 Ronsseus adnotavere: Aut eodem libro 7. cap. 12.
 sect. 1. quæ est inscripta de Dentibus, post ea 35
 verba quibus docemur tum cognoscere, in eorumne
 evulsione aliquid ex osse cui inhaerent, fractum sit,
 tum

tum fracti ossis particulam, incisa etiam, si opus sit, gingiva, vulsellæ ope esse extrahendam; quæ porro subjiciuntur: Quod si fractum statim non 444, est, sed intumescit extrinsecus maxilla, ut os 16.

- 5 hiare non possit; non sine iis legi oportuisse quæ ipsorum loco sunt tum in pervetusto Nicolai libro, tum in illis quos Junta, & Cæsarius edidere, quorum quidem verborum præcipua pars est a Constantino, Ronseio, aliisque in margine proposita:
- 10 Quod si factum statim non est, indurescit extrinsecus maxilla, ut is hiare non possit; hoc est, si fracti ossis particula educta statim non sit: Aut denique libro 8. cap. 10. ubi de membris, ut reponantur ossa, extendendis, hæc habentur: Sub
- 15 qua (inflammatione) & difficile, & periculose 532, vis nervis adhibetur. nam distentionem nervorum vel cancer sequitur; vel certe, cum mitissime agitur pus; duo fuisse non omittenda, alterum, plerorumque libros non habere: cum mitissime agitur, sed ut diutissime alatur, Manu-
- 20 tiorum: ut mitissime alatur, Constantini scriptum calamo: agatur; ut proclive sit suspicari, scripsisse Celsum: ut mitissime agatur; alterum, in iisdem omnibus, imo ipsius quoque Lindenii libro non distentionem nervorum legi, sed disten-
- 25 tio.

Verum in hisce aut omnibus, aut certe fere omnibus locis erunt fortasse qui minus necessarium fuisse judicent variantem scripturam indicare.

- 30 Quid vero de iis censebunt quos protinus memorabo, in quibus, nulla alia monstrata scriptura, eam Lindenius, atque Almeloveenius sine ulla dubitatione unam ediderunt quam aut nullo pacto, aut minus profecto laudabiliter tueri possimus?
- 35 Libro enim 3. sic capitis 18. initium proposuerunt: Et febrium quidem curatio exposita 148, est. Superfunt vero alii corporis affectus, qui 14.

huic superveniunt, ex quibus eos, qui certis partibus assignari possunt, protinus jungam. Incipiam ab infania. Ego vero qui in aliis omnibus quæ adhuc videre licuit, Celsi exemplaribus constanter legerim: eos, qui certis partibus assignari non possunt; vixque meminerim, Constantinum, atque Ronseum, nullo tamen antiquo codice citato, & in ipso tantum margine suorum librorum, istud non esse delendum, indicavisse; quæ Nostri & reapse deleverint, & delevisse se, reticuerint, plurimum miror. Nam si quis forte dicat: quid ergo? Num infania, lethargus, apoplexia, paralysis, comitialis, cardiacus, aut regius morbus (de quibus videlicet sermonem habendi ab istis verbis Corn. Celsus initium capit) affectus igitur sunt qui certis partibus assignari non possunt? ego etsi illum ad Pantini Annotationes possem rejicere ex quibus quæ ratione id negare Celso licuerit, intelligeret; non tamen faciam, sed hoc unum respondebo, non quid aliis, & his nostris potissimum, sed quid Celsi, aliorumque latinorum rei medicæ Scriptorum temporibus apud ipsos in usu esset, ac consuetudine, esse spectandum. Serenus certe Samonicus n. lethargi, & comitialis, ac regii morbi; Plinius autem Valerianus o & horum, & cæterorum qui sunt paulo supra nominati, curationes seorsum, extraque aliorum qui certis partibus assignantur, ordinem proposuerunt, quanquam uterque a capite orsus, & deinceps thoracem, imum ventrem, artusque ipsos perlustrans, ante poterat in suis quemque sedibus, si quas eorum certas esse, censuisset, nullo negotio collocare. Quorum Scriptorum aliquis forte auctoritatem contemnat; ipsius autem Celsi contemnere qui possit? Hic vero si, ut

Lin-

n de Medicina Præc. o 1.2. c. 58. & seq. & 1.3. c. 7. & seq.

Lindenius, atque Almeloveenius proponunt, eos
 de quibus loquimur, affectus certis partibus assi-
 gnari posse, scripsisset; qua tandem ratione sta-
 tim atque ipsorum tractationem cum libro tertio
 5 absolverat, hoc uti libri quarti initio (quod qui-
 dem omnes ad eundem pariter modum exhibent, &
 in his Lindenius etiam, ac Almeloveenius) po-
 tuisset: Hactenus reperiuntur ea genera mor- 182, 7.
 borum, quæ in totis corporibus ita sunt, ut
 10 iis certæ sedes assignari non possint: nunc de
 his dicam, quæ sunt in partibus. Opera quo-
 que pretium est animadvertere quomodo ipsi eodem
 in libro quarto capitis 21. finem ediderint: Ne-
 que alienum est, fovere inferiores partes a- 235,
 15 qua, decocta ex verbenis comprimimentibus, ex 18.
 iisdem aliqua cataplasmata imo ventri inguini-
 busque circumdare; præcipueque ex aceto. Vi-
 tare autem oportet rutam, & ne supinus dor-
 miat. Nempe igitur Celsus in nimia seminis pro-
 20 fusione (de hac enim agit in eo capite) rutam
 quam ceteri laudaverunt Medici, ipse improbave-
 rit? Vi enim sua; in Scholiis inquit Almelovee-
 nius; nimium extinguere semen posset. At quan-
 to veri similia scripsisset, si indicata plerorum-
 25 quæ librorum scriptura: præcipueque ex aceto
 rutam vitare, etiam (alii habent: &) ne su-
 pinus obdormiat; Lectores monuisset, paulo ali-
 ter duntaxat interpungendo & librarios potuisse
 hunc locum corrumpere, & nos posse restituere,
 30 si videlicet (quod factum esse, nuper vidi etiam
 in Constantini editione, & ad eundem fere mo-
 dum in Ronsssei Enarratione) scribamus: Neque
 alienum est - cataplasmata imo ventri ingui-
 nibusque circumdare, præcipueque ex aceto ru-
 35 tam: vitare etiam, ne supinus obdormiat.
 Non difficilius est, præsertim alia aliorum libro-
 rum scriptura animadversa, locum restituere,
 quem

quem libro 5. in capitis 27. initio comperies : Se-
 307, 6. quitur, ut de his (vulneribus) dicam, quæ
 morfu fiunt, interdum hominis, interdum si-
 miæ, sæpe canis, nonnunquam ferarum, aut
 aliorum animalium, aut serpentium. Omnis 5
 autem feræ morfus habent quoddam virus.
 Quæ postrema verba cum in libris editis ab Nico-
 lao, itemque a Manutiis ad hunc modum scripta
 sint : Omnis autem fere morfus habet quod-
 dam virus, imo a Manutiis scriptum sit ferè ; 10
 miror, Almeloveenium hos potius non esse secu-
 tum, præsertim qui hic laudet Panaroli Pentec. 2.
 Observationem 32. (legendum est 42.) quæ est de
 Mulieris morfu venenato, cui addere ex Hil-
 dano p alias potuisset idem ostendentes, morsum 15
 videlicet hominis aut esse virulentum, aut cer-
 te ; ut Plinii q verbis utar ; inter asperrimos
 non injuria numerari. Quæ etiamsi non ita se
 haberent, neque Serenus Samonicus r qui respe-
 xisse ad hunc Celsi locum videtur, scripsisset : 20
 Sive homo, seu similis turpissima bestia no-
 bis
 Vulnera dente dedit, virus simul intulit
 atrum ;
 Celsus tamen ipse per se istam sibi scripturam asse- 25
 reret. Cum enim post ea de quibus agimus, ver-
 ba, hæc continuo subjecerit : Itaque si vehemens
 vulnus est, cucurbitula admovenda est ; hæc-
 que, ut tota reliqua prima sectio, de omnibus
 universe morfibus sint necessario accipienda ; ne- 30
 que enim alioqui de hominis, ac simiæ morfibus,
 velut est pollicitus, in toto hoc capite verba face-
 ret ; necesse profecto est, ut non modo omnis fe-
 ræ, sed etiam omnium animalium morsum fere
 vi- 32
 p Cent. 1. Obs. 84. 85. & Cent. 4. Obs. 87.
 q Natur. Hist. l. 28. c. 4. r De Medic. Præc.
 cap. de Hominis, ac Simiæ morfu.

virus quoddam inferre, posuerit, quod videlicet
 cucurbitula sit extrahendum. Idem quoque Cel-
 sus quid de duobus aliis locis censendum sit, satis
 superque demonstrat. Nam quod ab Nostreis edi-
 5 tum est libro 8. cap. 1. Primo vero duo, radii 505, 5.
 & brachii, ossa juncta paulatim dirimuntur,
 rursusque ad manum coeunt, modo crassitudi-
 nis mutato. Siquidem ibi radius plenior, cu-
 bitus admodum tenuis est; non sine vitio esse
 10 iis omnibus apparebit qui paulo ante, hæc scripta
 esse, animadverterint: Quæ res sedem brachio 504,
 præstat. quod constat ex ossibus duobus, iis 29.
 nimirum quæ illico nominat, ut in eo quoque de
 quo sermo est, loco, ac describit Celsus, radio
 15 videlicet, ac cubito; ut manifestum sit, cum
 brachium ipsum constet ex radio, non oportuisse
 scribere: duo, radii, & brachii, ossa; sed vel
 satis fuisse: duo brachii ossa, vel si nominanda
 erant: duo, radii & cubiti, ossa, omnino scri-
 20 bere oportuisse: verum enim a Celso reapse scri-
 ptum sit, haud satis liquet ex scriptura, in aliis
 omnibus quæ adhuc vidimus, exemplaribus in hunc
 unum modum depravata: duobus radiis brachii
 ossa. Alter locus in eodem pariter libro occur-
 25 ret, capite autem 5. quod de Naso fracto est, ubi
 & Lindenius, & Almeloveenius hæc edidere:
 Sin, quod intus inditum est, lædit; sicut ma- 522,
 xime fit, ubi interior cartilago perfracta est, 21.
 exercitatae nares eadem tantummodo habena
 30 continendæ sunt. Ubi tamen, non exercitatae,
 sed excitatæ nares, ipse Celsus indicat, esse le-
 gendum, ut qui non modo alibi, atque adeo etiam
 paulo infra eodem verbo eadem significatione est 523,
 usus, sed & paulo supra de fracta nasi cartila- 20.
 35 gine in suam sedem reponenda verba faciens, Quic-
 quid, inquit, e cartilagine concedit (libentius 522, 1.
 legerem: concidit, cum cæteri quos consului,
 libri

libri constanter habeant : Quicquid in cartilaginem incidit) excitandum leniter est , aut subiecto specillo , aut duobus digitis utrinque compressis : mox quæ in nares injicienda sint , docet , quæ desiderare cartilaginem ; non sinant , item quæ extrinsecus habena circumdanda sit quæ nares sic excitatas , contineat : post quæ videlicet ea continuo subjicit de quibus loquimur , verba . Sed & in cunctis quos ad hoc tempus inspeximus libris , non exercitatae , sed excitatae nares scriptum est : quod utinam significasset Lectoribus Ameloveenius ; hac quippe scriptura commonstrata aut illam alteram rejecissent , aut saltem quid Celsus revera scripsisset , amplius sibi in ejusdem , ut nos fecimus , aut in aliorum etiam scriptis statuisse esse quærendum . Quod quidem in locis nonnullis facturos scio in quibus Vir ille ad istum alterum modum se gessit , ut puta cum lib. 4. cap. 234, 3. 21. ad illa verba : Id faciunt etiam albæ violæ , hæc adnotavit : Mercurialis Variar. Lect. L. 1. c. 3. videtur olivas legisse . Illud tantummodo minus placet , quod hæc ita adnotet , quasi vero præter Mercurialem nemo omnium id legisset ; cum ego contra in nullo adhuc libro : albæ violæ , sed in omnibus invenerim : albæ olivæ : quæ quoniam ; ut ibi ostendit Mercurialis meus tum ex ipsarum natura , tum ex Medicorum auctoritate ; adstringendo utiles sunt ; sane hic videntur convenire ubi & gummi , & passum laudantur , quocum videlicet Celsus ipse oleas albas in eo capite conjunxit in quo ea quæ alvum adstringunt , proposuit . Multoque etiam minus dubito , quin doctus Lector nostri conjecturam non sequatur quam ad initium adscripsit capitis 5. libri 3. Cum enim Celsus de Diaria Febre sermonem instituens , hæc habeat : Igitur si (febris) semel tantum accessit ,

f l. 2. c. 30. p. 107 , 27 , 31.

fit, deinde desit, eaque vel ex inguine, vel
ex lassitudine, vel ex æstu, aliave simili re
fuit, sic, ut interior nulla causa metum fe-
cerit; *Almeloveenius*, pro inguine, malim,
5 *inquit*, sanguine, vel ingluvie, quomodo enim
ex inguine posset oriri febris? dein (*Celsus*)
enumerat causas externas, quas inter inguen
cenferi non potest. Verum enimvero si has inter
cenferi inguen non potest; qua, quaeso, ratione
10 sanguis ipse censeretur? Certe autem inter causas
externas censetur ictus, vel alia ejusmodi ipsi
etiam pedi vis illata a qua & inguinis tumor, &
hujus socia diaria febris existit: sic enim ex in-
guine diariam oriri febrem, ita manifestum est,
15 ut minime oportuisset, *Almeloveenium* quærere,
quomodo ex inguine posset oriri febris? præ-
sertim cum ipse *Hippocrates* in *Epidem.* t scripse-
rit: Ex bubonibus febres omnes malæ, præter
diarias: eandemque prorsus in *Aphorismos* u sen-
20 tentiam retulerit, cujus postremam partem a *Gale-
leno* x, *Oribasio* y, *Philortheo* z, *Liebautio* a,
Heurnio b ad eundem atque a me modum explica-
tam esse, scio, per externas scilicet, evidentesve
causas, inguinis tumorem, ac diariam febrem ex-
25 citantes. Recte igitur illud fecit *Almeloveenius*,
quod in hoc loco nihil in *Celsi* verbis mutavit:
quod utinam in pluribus aliis facere; quamvis ipso
præeunte *Lindenio*; noluiſſet; dici enim haud po-
test, mi *Vulpi*, quoties, & quot *Viri* longe etiam
30 doctissimi, & in restituendis *Veterum* scriptis ex-
ercitatissimi, cum medicinam afferre se crederent,
quantum ex integro, sanoque reſecuerint.

Hoc autem quod in aliis improbo, ne ipse ad-
mit-

t l. 2. ſect. 3. u ſect. 4. aph. 53. x Com-
mentar. 2. in Aph. Hipp. y Comment. in
Aph. H. z Comment. in Aph. H. a Schol.
in Aph. H. b Enarrat. Aph. H.

mittam ; etsi postremo hoc loco dubitationes , quin-
etiam divinationes quasdam communicare tecum
statui in aliquot Celsi locos , in quibus Almelo-
veenius nihil quidquam subesse vitii , judicare se ,
ostendit ; hæc tamen velim sic accipias , ut ad te , 5
aliosque quibus præsertim codicum Celsi vetustio-
rum copia est , ad inquirendum , conferendumque
excitandos , non ad aliquid in Celso præmature
immutandum a me adscripta esse , existimes .
Et primum libri 3. caput 27. numquam me perlege- 10
re potuisse , fateor , quin mirarer vehementer , in
illud unum idemque caput , in quo de apoplexia ,
paralysi , aliisque nervorum affectionibus actum
181, 6. esset , ea quoque ad extremum conjici quæ ad Sup-
purationes pertinent , quæ in aliqua interiori par- 15
te oriuntur , atque adeo suspicarer , postrema hæc
omnia aut alicunde avulsa , eodem esse reponenda ,
aut saltem in peculiare , ac penitus divisum caput
secernenda . Libris autem Celsi , editisque in ipsum
Commentariis , quæ adhuc licuit , consultis omni- 20
bus , non modo vestigium ullum antiquæ divisio-
nis , sed ne unum quidem reperire Scriptorem po-
tui qui in eadem dubitatione fuisset , præter Rons-
seum c , qui , addubito , inquit , vehementer
num quæ hîc subsequuntur , antedictis cohæ- 25
reant : mihi certe fini 22. capitis annexenda
videntur , quod eodem capite de tabidis , &
pulmone suppuratis agit . Neque minus pro-
pemodum dubito ; quamvis nec Ronsseum , nec
alium aliquem habeo præeuntem ; quin pariter in 30
libri 4. caput 20. quod est de Vulvæ , hoc est de
Uteri , Morbo , temere a librariis contrusa fue-
rint quæ in illius calce leguntur de Nimia Urinæ
Profusione ; quasi vero hoc mali viros nunquam ,
sed mulieres tantum corripere , ut propterea inter 35
peculiares earum morbos ita præsertim , nulla scili-
cet

c Enarrat. Cels.

- et de viris mentione facta, a Celso referri potuisset. Verum ad alia, ut puto, errata librorum veniamus. In libri ejusdem 4. capite 1. scriptum est: atque hæc quidem juncta sunt. 183,
- 5 Renes vero divisi: qui lumbis sub imis coxis inhærent, a parte earum resimi, ab altera rotundi. Mitto, pro divisi alios omnes quos inspe- 32.
xi, libros, & recte fortassis, habere diversi;
duo vero quorum primum vix tandem in Manutio-
10 rum libris, alterum in nullo adhuc reperi, præ-
termittere non possum; sic enim legendum credo:
qui lumbis sub imis costis inhærent, a parte
earum rotundi, ab altera resimi: qua in lectio-
ne, tibi præsertim adeo in Anatome exercitato,
15 probanda, non est sane cur laborem; quid enim esse
manifestius potest quam Renes ne ima quidem sui
parte summas coxas, hoc est innominata ossa, at-
tingere; sub imis autem costis positos esse: neque
ea resimos esse parte qua coxas, vel costas spectant,
20 sed rotundos; contra qua alter alteri obvertuntur,
non rotundos esse, sed resimos? In capite ejus-
dem libri quarto sect. 2. ubi inter ea quæ asthmatis,
atque orthopnoæ communia sunt, hoc primum le-
gimus: quod propter angustias, per quas spi- 198,
25 ritus evadit, sibilum elidit; videndum censeo, 14.
an non potius oporteat legere: sibilum edit. Nam
quid sit spiritum elidit, quomodo vel ipse alibi d
locutus est Celsus, satis id quidem; quid autem
sit sibilum elidit, haud satis videor intelligere.
- 30 Quod si igitur legamus: sibilum edit; commen-
tarii loco esse poterit quod Cassius Medicus e in
Problemate habet 22. Cur, inquit, difficulter
spirantes sibilo non absimilem vocem reddunt?
Quoniam morbus ipse est præclusio, atque
35 compressio inanium pulmonis fistularum: per

an-
d l. 5. c. 28. p. 316, 10. e Med. Quæst.
& Probl.

angustum autem foramen dum fertur spiritus, talis redditur sonus. *Velin etiam hæc attente consideres in ejusdem libri capite 24.* Quidam (podagrici, chiragrici) cum toto anno a vino, mulso, venere sibi temperassent, securitatem totius vitæ consecuti sunt. idque utique post primum dolorem servandum est, etiamsi quievit. Quod si jam consuetudo ejus facta est, potest quidem aliquis esse securior his temporibus, quibus dolor se remisit: majorem vero curam adhibere debent hi, quibus id revertitur. quod fere vere autumnove fieri solet. *Quanam, quæso, ratione postrema hæc accipiemus? Num hi quibus id revertitur, ii sunt quibus dolor reverti solet? At quid attinebat his majorem curam imperare, quasi ille aliquis quem securiorem esse jussit, non pariter ex iis esset quibus consuevit reverti dolor? Certe de utrisque dicit: si jam consuetudo ejus facta est. Num igitur hi quibus id revertitur, erunt ii quos jam nunc revertens dolor reapse invadit? At multo minus id attinebat monere; nam quis, reapse invadente dolore, majorem nescit curam esse adhibendam? Quid ergo est? Una ego litterula omissa has tantas huic loco offusas tenebras esse, puto. Si enim legamus, non hi, sed his, aut etiam (nam ii lego in vetustissimo libro ab Nicolao typis descripto, quem porro secutus est Junta) iis, quibus id revertitur; perspicua profecto, & Celso digna, & cum superioribus, ac consequentibus verbis apta, & coherens existit sententia, hæc videlicet: Quibus dolor primus decessit, ii sibi diu, atque omnino temperent, necesse est, ut ne amplius revertatur. Quibus autem sæpius dolor reversus est, eorum aliquis minus quidem sibi temperet, licet his anni temporibus quibus dolore solutus esse consuevit; at contra iis temporibus quibus*

bus solet redire, id est vere ut plurimum, atque
autumno, iis, inquam, temporibus sibi podagri-
ci omnes magis temperent, necesse est; nimirum
quia nisi majori temperantia consueti morbo occur-
5 ratur, majus tunc periculum est ne redeat. Sed
ut hoc in loco unam a librariis omissam litteram;
sic in altero unum, aut plura esse ab ipsis addita
verba, crediderim. Libro enim 5. cap. 15. ubi le-
gimus: Quinetiam silvestris papaveris, cum 279,
10 jam ad excipiendam lachrymam maturum est, 10.
manipulus, qui manu comprehendi potest, in
vas demittitur, & superinfunditur aqua, quæ
id contegat, atque ita coquitur; existimassem
forstian, Celsum ita scripsisse, ut Scribonius Lar-
15 gus f: fasciculus, quantum manu comprehen-
di potest; nisi continuo primum illud verbum rur-
sus posuisset: Ubi, inquit, jam bene manipu-
lus is coctus est. Itaque cum papaveris manipu-
lus idem sit ac quod manu comprehendi potest, ideo-
20 que & Ovidius g, & Plinius h, & Palladius i,
ut manipulum significarent, ille quidem dixerit:
Arentisque rosæ quantum manus una pre-
hendat;
alter vero: Mercurialis herba quantum manus
25 capiat; postremus autem: buxi folia, quantum
manus ceperit; videtur profecto Celsus post illa:
papaveris, cum jam ad excipiendam lachry-
mam maturum est; vel scripsisse: quantum ma-
nu comprehendi potest, in vas demittitur,
30 vel potius: manipulus in vas demittitur; sic ut
ea verba: qu. manu comprehendi potest, expli-
cationis causa in ora alicujus veteris libri adscri-
pta, imperitia librariorum inter ipsius Celsi verba
recepta sint: quod quidem & in aliis describendis

d Au-

f Compos. Med. Comp. 83. g de Medi-
cam. Faciei. h Nat. Hist. l. 25. c. 5. i de
Re Rust. l. II. tit. 14.

Auctoribus haud raro accidisse, notum est, & sepe in nostro hoc contigisse, cum Lindenius *k*, animadvertit, tum Rhodius *l*, nonnullis prolatis exemplis, indicavit. In loco autem quem protinus afferam ex ejusdem libri 5. capite 28. sect. 2. quæ est de Carcinomate, nihil quidem aut additum, aut omissum est; & verborum tamen solum mutata distinctione, sententia misere depravata est. Postquam enim ejus de quo ibi agitur, morbi plura genera, vel plures, si mavis, gradus sunt memorati, hæc subjiciuntur: Tolle nihil, nisi κακόνδες potest: reliqua curationibus irritantur. Et quo major vis adhibita est, eo magis quidam usi sunt medicamentis adurentibus. Sic autem verba hæc distinguenda sunt: Tolle nihil, nisi κακόνδες potest: reliqua curationibus irritantur; & quo major vis adhibita est, eo magis. Quidam usi sunt medicamentis adurentibus. Distinctionem hanc comprobant quæ continuo sequuntur: quidam ferro adusserunt: quidam scalpello exciderunt. neque ulli unquam medicina profuit: sed adusta protinus concitata sunt, & increverunt, donec occiderent: & reliqua, quæ eo nimirum omnia pertinent, ut ostendant: vitia ista curationibus, sicuti positum est, præsertim vehementioribus, adhibitis exasperari. Res ut perspicua, ut facilis sit, vides; tamen ex omnibus quos ad hunc diem hujus distinctionis confirmandæ gratia consului, libris, vix unum, Roberti videlicet Constantini, invenire potui in quo ad eundem fere modum distincta sint verba. Haud multo gravior in describendo Celso plerorumque error hujus pariter sententiam mutat in lib. 7. cap. 18. ubi inter ceteras notas quibus Enterocelen dignoscamus, hæc quoque sic

k Epist. ad Lect. *l* in Scribon. Compos. 4.
& 104.

sic proponuntur : frigore omni (tumor) contra- 457 ,
 hitur , calore diffunditur ; estque tum scrotum 14.
 & rotundum , & tactu leve . Hic vero esse scri-
 bendum : tactu læve , ipse per se Auctor indicat ,
 5 qui paulo supra inter signa quibus nos docuit Epi-
 plocelen ab Enteroccele distinguere , tactu vero ,
 inquit , tumor inæqualis est . Hujusmodi autem
 errorem baud notassem ; sed ut Operarum Almelo-
 veenii , sane vel in ipsa A. 1713. editione , quam
 10 correctiorem esse , in libri fronte confirmant , &
 qua mihi una ad hoc tempus datum est uti , non
 valde diligentium , sicuti multis in locis collato
 Lindenii exemplari (quod a te sedulo fieri , velim)
 animadverti ; ut Operarum , inquam , Almelo-
 15 veenii , fortuitum lapsum prætermissem , nisi
 etiam in Lindenii ; Lindenii autem ? imo vero
 Junta quoque , Manutiorum , Casarii , Stepba-
 ni , Constantini , Ronsssei , aliorumque exemplari-
 bus animadvertissem , cum tamen in primo illo ,
 20 Nicolai videlicet , itemque in Pantiniano scriptum
 sit : læve . Sed & in his , & in cæteris omni-
 bus , quos modo memoravi , libris frustra quæsi
 qua ratione intelligere melius possem quod legimus
 in proximo capite 19. Minister autem sinistra 460 ,
 25 manu comprehenso scroto , sursum versus eum 30.
 debet extendere , & quam maxime ab inguini-
 bus abducere ; omnes enim ii libri pariter habent :
 eum , vix Constantino , sed in ora , scribeute :
 eam , aut id , quam videlicet posteriorem vocu-
 30 lam , aut aliam nullam in vetustiorum librorum
 aliquo me invenire posse , speraveram . In aliis
 autem verbis quæ in ejusdem 6. libri capite occur-
 runt 26. sect. 1. Nonnunquam etiam prolapsus 474 ,
 in ipsam fistulam (id est urethram) calculus , 26.
 35 qui subinde ea extenuatur , non longe ab exitu
 inhærescit ; in his , inquam , verbis ne Constan-
 tinus quidem id exhibuit quod quærebat . Nam
 d 2 quod

quod in margine ad vocem ea adnotavit : *urina* ;
 vel subaudi , nimis id longe petitum videtur , cum
 vox *urina* non ita prope posita sit : neque præterea
urina extenuat hærentem calculum , sed auget ; vel
 si extenuat , cur igitur extenuatus sic inhærescit ? 5
 Ego vero pro qui sperabam vel quia , vel quâ in libro
 aliquo posse inveniri , ut Celsus hoc diceret : quia ;
 vel qua parte subinde urethra extenuatur ; propte-
 rea ; vel ea in parte calculus inhærescit . Viden-
 dumque esse , censebam , num forte huc pertineret 10
 quod Aretæus in vidisse se , dicit ; postquam enim
 scripsit : Secunda porro calamitas est , cum per
 colem calculus transmittitur . Nam si amplior
 sit , quam urinæ iter (Græci urethram vocant)
 capere possit ; in eo multum temporis hæsitat , 15
 &c ; tum hæc subjicit : Ægerrime autem tortuosi
 calculi exeunt : quosdam enim & hamatos vi-
 di , in meatibusque adnatas quasdam duritias .
 Sed & secundum naturam solere urethram contrahi
 in ipso primo , sive exteriori suo orificio in ipsis 20
 etiam , ut nosti , fœminis observavimus n : quod
 eo potissimum memoramus , quia ubi Celsus in pro-
 xima hujus capituli sectione 4. de minori fœmina-
 rum calculo verba facit , cum cæteri quos inspexi-
 mus , libri ; nisi prorsus memoria nos fallit ; omnes 25
 sic habeant : Ergo & per se sæpe excidit , & si
 in primo quod est angustius inhæret , eodem
 tamen unco sine ulla noxa educitur ; ibi Alme-
 loveenii , ac Lindenii exemplaria , omnino abjecta
 (quam bene alii viderint) illa voce : primo , 30
 481 , hæc exhibent : & , si in urinæ itinere , quod est
 23. angustius , inhæret . Porro ambo ; ut ad alium
 locum veniamus ; in ejusdem capituli sectione 2.
 quæ est de calculis e vesica extrahendis , hæc in
 480, 6. ipso fine habent : Quocunque autem modo cer- 35
 vix

m De Sign. Diut. Morb. l. 2. c. 3. n Ad-
 vers. Anat. IV. Anim. 24.

vix ea parte facta est, leniter extrahi, quod
asperum est, debet. Haud equidem diffiteor,
bunc locum in aliis omnibus quos consului, libris
manifesto esse vitiatum; sic enim in cunctis legi-
5 tur: Quocunque autem modo cervix ea parte
facta est; Attamen cum proxime scriptum fuerit,
non qua parte, sed quo & ferro, & modo cervix
vesica sit aperienda; semper ego, potius in ea par-
te, quam in facta subesse vitium existimavi, &
10 hac propterea ratione esse tollendum: Quocunque
autem modo cervix patefacta est; praesertim
cum supra Auditor de ejusdem cervicis sectione ad
hunc ipsum modum locutus sit: Cum vero patefa-
cta est (hoc est cervix; haec enim proxime antece-
15 dunt: rupta cervice, quam habuisset incisa)
in conspectum calculus venit. Non me praeterit,
Almeloveenium, quamvis omnibus quos vidi, libris,
atque adeo ipsius etiam Lindenii, repugnantibus,
qui nempe constantissime habent: Cum vero pate-
20 facta est; scribere eo in loco maluisse: Cum via 478,
perfecta est; tamen & ipse, idem locutionis genus 12.
in eadem re ante paucos versus in Celso servavit;
nam post illa: - plaga facienda est, qua cervix 477,
aperiatur; donec urinæ iter pateat sic, ut pla- 32.
25 ga paulo major, quam calculus sit; continuo
haec subdit: Nam qui metu fistulae (quam illo
loco ῥοπυάδα Græci vocant) parum patefa-
ciunt; &c. Essent alii loci in quos meas; qua-
les eae cunque sunt; divinationes proferre possem;
30 sed quia jamdudum sentio, me justum longe esse
praetergressum epistolæ modum; unum tantummo-
do, eumque ad rem nostram anatomicam pertinen-
tem, attingam, quem locum ne ipsi quidem Paa-
Wio o, Anatomes, ut tute scis, haud ignobili
35 Doctori suspectum fuisse, mirum est. Libro igitur
8. cap. 1. in maxillæ inferioris descriptione hac

501, 7. *habentur*. Verum ipsius maxillæ partes extre-
 mæ quasi bicornes sunt. Alter processus intra
 latior, vertice ipso tenuatur, longiusque pro-
 cedens sub osse jugali subit, & super id tempo-
 rum musculis illigatur. Alter brevior, & ro- 5
 tundior &c. *Etsi in nullo eorum quæ ad hoc tem-
 pus vidi, exemplarium aliam quam hanc ipsam in-
 veni scripturam; non possum tamen non credere,
 Celsum potius ita scripsisse*: Alter processus infra
 latior, vertice ipso tenuatur. Si enim res id pa- 10
 teretur, ut scribere potuisset: Alter processus in-
 tra latior, extra tenuatur; nihil immutandum
 esse, censerem; nunc igitur cum & res ipsa, &
 quod non obscure oppositum est: vertice ipso tenua-
 tur, requirant, ut illud ante posuerit: infra la- 15
 tior; non video cur unius litterulæ mutatione ut
 vitari hic locus a librariis, ita a nobis restitui
 non possit. Hanc tamen, aliasque omnes quas in
 hac epistola proposuimus, sive divinationes, sive
 dubitationes, velim tibi persuadeas, nihili nos & 20
 in præsentia facere, & semper esse facturos, nisi
 ab Doctissimis Viris, & longe magis quam nos
 Anatomici, in emendandis scriptis Veterum exer-
 citatis probentur. Quod si forte unam modo, aut
 alteram haud prorsus censerent esse improbandam; 25
 satis magnum nobis videremur earum fructum cepis-
 se, cum quæ de Xenophonte, cujus e libris quæ-
 dam menda auferebat, Muretus p, ea nos de Cæl-
 so etiam dicere, nequaquam dubitaremus: Nihil
 est tam pusillum quod non avide accipi debeat, 30
 quod quidem ad tam politum, tamque utilem
 Scriptorem pertineat. Parvum est, quod affe-
 rimus; sed magnus is, quem adjuvamus.

Vale. Patavii Postrid. Idus Decembr. MDCCXX.

VI.

p Var. Lect. l. 3. c. 15.

VIRIS CELEBERRIMIS,

PETRO PETITO

E T

MATTH. SLADO

Illi Gallorum, huic Batavorum

Medicorum Principibus,

THEOD. JANS. ab ALMELOVEEN S. D.

ANtiquioris Medicinæ parentes nobilissimos licet, atque ob eleganter fidelissimeque tradita præcepta summopere necessarios, a plurimis nostræ sæculi hominibus non modo negligi & contemni, verum etiam acerrimis proscindi dictæis, usque adeo percrebruit, Viri Præstantissimi, ut hospes in literis, in Arte quoque nostra plane peregrinus sit oporteat, qui tam nota atque vulgaria se nescire fateatur. Nec tantum illi, verum etiam (en quo tandem pigrities desidiaque homines perduxit?) illorum cultores vel maximo odio, imo ludibrio habentur. Quod cum animadvertissem, quorum nominibus Scriptorem hunc, quem ob innumera translata loca, non immerito quidam Latinum appellare solent Hippocratem, de novo nostra cura prodeuntem, inscribi gratum esset, non ita diu quærere debui, siquidem non alios nisi Vos, Viri eruditionis fama, multisque ac magnis in universam literarum rempublicam meritis celeberrimi, operis hujus patronos certissimos antiquissimosque potui eligere, quos

d. 4.

quos

quos ne Celsus ipse quidem, si in vitam ei daretur reditus, scriptorum suorum censores recusaret. Nunc itaque nihil mihi restat, quam ut obnixè Vos rogem, ut me in amicitiam Vestram recipere, hancque inscriptionem, tamquam benevolentiae observantiaeque erga Vos meae, quaecunque documentum admittere dignemini. Valete. Dabam Trajecti ad Rhenum a. d. xv. Kalend. Februarii
CIC IC CXXCVII.



THEOD. J. ab ALMELOVEEN

LECTORI BENEVOLO

S. D.

Multos non modo proximi, verum etiam hujus seculi eruditione atque fama præstantissimos viros operam in emendandis atque illustrandis A. C. CELSI de Medicina libris, non vulgarem posuisse, qui ignorat, næ scriptorem illum ignoret necesse est. Quis enim est, qui vel primis labris Medicinam gustasse præ se ferat, quem Cæsarii, Pantini, Constantini nomen fugiat? quis Jeremiam Tbreverium, quis Balduinum Ronseum de fama non noverit? quis de Jodoco Lommio, Petro Pavio nil audivisse se ausit profiteri? quis denique, quid Joannes Antonid. van der Linden præstiterit non observavit? quorum Virorum exemplis, quibus duci solemus, incitatus incredibile quanto legendi, relegendique flagraverim desiderio! quod repetita aliquoties lectione non leviter accrevit, adeo ut notare quædam ab aliis prætermissa, & hunc Auctorem cum aliis conferre scriptoribus subinde cœperim; quod cum vidissent Celsi nostri cultores diligentissimi, operæ pretium me facturum existimarunt, si cum orbe literato hunc nostrum communicarem laborem, promissisque abbinc fere anno datis satisfacerem. Quod cum altius in animum descendisset meum, protinus istis expoliendis memet applicui. Veruntamen quum variarum lectionum numerum in majorem molem excurrere viderem, editionem vero formæ commodioris, & si ita loqui liceat, portatilis desiderari, consilium mutavi, satis habens loca duntaxat sive nostri Auctoris, sive alterius medici, parallela indicare, Scriptoris nostri sententiam quæ aut illustrarent aut confirmarent. Editioni autem huic rerum atque verborum indicem, quem in omnibus aliis desiderari sciebam

edi-

editionibus adjecimus, de industria, ne nimiam in molem assurgeret nunquam e manibus deponendum hoc Medicina ἑγχερίδιον, aliquanto contractiorem; quod præ manibus nobis sit ejusmodi lexicon, quale una cum notis eruditissimis in Celsum a viro famâ super æthera noto, Joanne Rhodio confectum, incendio tristissimo absumptum summo opere dolemus, alii editioni subnectendum. Subjuximus, quæ loca difficiliora explicant R. Constantini annotationes selectas ex exemplari, alias rarissimo, e Cl. Grævii Bibliotheca deprompto. Scholia eruditorum facile principis Isaaci Casauboni, margini codicis quo fuerat usus, festinantissime illita, quæ ex τῆ πάλιν Isaaci Vossii Gazophylacio secum attulit Gothofredus Thomasius, ὁ χαρίεστος, pro amicitia atque necessitudine, quæ inter nos intercedit non vulgaris, quam benignissime mecum communicavit; quæ licet breviora, numero pauciora, minimeque publicæ luci ab Auctore adaptata, ob religionem tamen, qua summa eum colo, suppressere non potui aut minus grata fore putavi. Quid vero ipsi præstiterimus lectione ipsa consequetur H. Lector; quem duo monitum velimus, numerum margini impressum loci paralleli paginam versumque indicare, alterum in notulis, ubi citati libri sæpenumero auctoris vericetur nomen, Hippocratis debere intelligi.

CLARISSIMO VIRO, DOMINO
GUIDONI PATINO

BELLOVACO,

*Doctori Medico Parisiensi, & Professori
Regio, Amico suo Magno Salutem.*

CLARISSIME VIR,

CICERONIS ista gloriatio est: *Latinos omnia
invenisse melius, quam Græcos; aut ab illis ac-
cepta fecisse meliora.* Augusta profecto, & magno vi-
ro magnarumque rerum fiduciam habente digna!
Quam & veram minimeque vanam deprehendit,
quisquis a Romanis posteritati tradita comparat
cum Græcis. Ne longum abeam, Oratorum quidem
laus ita ducta fuit ab humili ad summum: fuere &
Philosophiæ studia sic ad Latinos traducta, ut ne
bibliothecis quidem Græcis eguerint. Neque vulga-
re est, quod de nostra arte Celsus promeruit. Quam
enim ab Hippocrate, ab Asclepiade, ab aliis Græ-
corum plurimis accepit scribendi de Medicina mate-
riam, hoc ipso fecit meliorem, quod primus eam
sic conceperit, ut esset ad discendum aptior, ad fa-
ciendum promptior. Græcorum antea nemini, quod
sciam, id laudis datum, quod artem redegerit in
systema, & corpus methodo constitutum. Celsus
præstitit; & res faciendæ medicinæ utiles ac solum
necessarias ita ingeniose ac diligenter ex antiquis e-
legit, ita per partes digessit, hasque ipsas innexuit
inter se, ut vel Recentiores inter non noverim,
quem ipsi jure possis antepone. Neque ad eam lau-
dem refert, sermone tantum, an etiam opere fuerit
medicus. Si enim coire ista semper necesse est, quo-
tus-

tusquisque hodie medicus est? Cathedrarios quippe videas medicinæ scientiam plerumque subtilius, quam ex usu, excolere, atque hoc per ambitionem, quam vocant veri scrutationem, agere, ut ingenio & facundia vincant. Contra, qui quæstui serviunt, bene gnari, morbos non eloquentia, sed remediis curari, ut populo placeant, ex quo ille major est, sufficere credunt secreta jactare & his curatorum longas ostentare tabellas. Hippocrates certe pro Medicis habet, qui veram artis sibi cognitionem compararunt: sed transferre ad usum suadet, & fructum eorum, quorum gratia est inventa. Sapere ne putandus est, qui lucernam accendit, & subter modium ponit? Sapit, & bene de se ac proximo meretur, qui accensam imponit candelabro, ut alluceat omnibus qui sunt in domo. Cæterum hoc dubitare de Celso docti solent, fueritne in operibus Artis exercitatus. Quo de quia meam aliquando sententiam rogasti, dicam paucis. Magnum quid medendi scientia est: majus, prudentia atque sapientia. illa quippe scientiæ oculus; hæc manus est. Absque prudentia si est, neque tempora lustrare Medicus rei bene gerendæ, neque præcipites captare occasiones potest. Absque sapientia si est, tractare homines ignorat, & suo quemque calopodio calceare. Uti vero scientia nisi discendo, hoc est, legendo, audiendo, cogitando; ita prudentia & sapientia, nisi faciendo & rebus se gerendis accommodando, non comparantur. Ex artis scientia Celsus si venit æstimandus, vix persuaderi potest, ut is non habeatur pro Medico, & quidem usu longo atque exercitatione perfecto, qui suis scriptis Medicinæ intima penetralia subiisse, abdita quæque enucleasse, penitus abstrusa rimatum esse, suam ubique de iis sententiam interponendo se prodit. Quod esse judicium novisti ejus, qui præfatus olim ad Rubeum fuit. Probum mihi, & ex toto probatum. Si, quæ in
nul-

nullius non morbi curatione elucent, prudentiam
 atque sapientiam spectemus, ubi, te quaeso, unum
 Hippocratem si excipias, utriusque aut salubriora
 praecepta, aut fideliora monita reperisti? Quæ si
 numquam noster venit in rem, quemadmodum fuit
 affectus? Putasne secreta atque arcana artis, hoc
 est intimas & occultas ad salutem cujusque pertinen-
 tes rationes scire posse eum, qui in conclave num-
 quam penetravit? Quæ sola felicitis ingenii magnitu-
 dine complexum, & ob id alieni operis interpretem
 atque Hippocratis ejusque sectatorum discipulum, &
 exscriptorem habendum esse potius, quam medici-
 næ aliquem auctorem, judicium est viri egregie eru-
 diti. Cui per me subscribere, quibus libet, licet.
 nam a me non impetro. Si rectum tamen, heu,
 quantos auctores amissimus! Ex toto quippe Galeni
 oceano, si dicere per invidiam fas est, non tot in-
 teriora medendi consilia quis hauserit, quam ex ube-
 re hoc Cornelii rivo. Fateor, plus est in Galeno
 florum, ut & foliorum: sed fructuum plus in Celso
 est. Taceo multis locis sic illum loqui, ut, se fe-
 cisse medicinam, liquido satis demonstret: nullo
 sic, ut contrarium inde queat liquere. Solum obsta-
 re videtur, quod Plinius sua ætate, hoc est centum
 & viginti præter propter annis post, solam hanc ar-
 tium Græcarum nondum exercuisse scribit Roma-
 nam gravitatem, & in tanto fructu paucissimos Qui-
 ritium attigisse, eosque ipsos statim ad Græcos trans-
 fugisse; imo vero authoritatem aliter quam Græce
 eam tractantibus, etiam apud imperitos expertesque
 linguæ, non fuisse. Si ex vero ista, sicuti causam
 non credendi non habemus oculato testi, quei credi-
 mus Celsum, ex gente Cornelia, omnium Romæ
 nobilissima, oriundum, factitasse artem, populus
 quam expertus damnavit? Non hoc ulli volo per-
 suasum, fuisse ἐκ τῶν περὶ ὁδοῦ τῶν, quos vocat Mo-
 destinus l. 6. §. 1. ff. de Excusationibus; atque adeo
 soli-

solitum ἀνὰ πλὴν πόλιν ποιεῖν, & ægros visitatum
circuire mercedis causa. M. Catonem meminit idem
Secundus professum, esse commentarium sibi, quo
mederetur filio, servis, familiaribus. Nec alia ra-
tione medicinam exercuisse Cornelium puto; nec
apud alios, nisi forte quod nonnemini video place-
re, in gravioribus casibus sit passus se adiri, & eam
rogari operam, quæ virum nobilem non dedeceret.
Verbo: talem opinor fuisse Medicum, qualis Cato
fuit, aut quales sunt hodieque Regum archiatri.
Qui, etsi non omnibus vigilant, miserabilibus ta-
men personis & ad se, ceu Æsculapium aliquem,
confugientibus suam negare opem non sustinent;
scientes, nulla re hominem magis accedere ad De-
um, quam salutem hominibus dando. Præter hæc,
quæ aut dici in eandem sententiam, aut objici pos-
sunt, jam sunt ab aliis vel occupata vel refutata:
ut necesse non sit illis repetendis vel tempus prodi-
gere, vel doctas tuas aures & gravioribus intentas
curis obtundere. Hoc unum dicam, qualis qualis
noster fuerit, dignissimus est, vel doctrinæ cultu,
vel elegantiae nitore, non solum qui legatur, sed
qui numquam de manibus deponatur. Me, fateor,
nullius post Hippocratem lectione vel affici magis,
vel erudiri. Quo factum, ut & sæpius relegerim,
& numquam sine voto, existeret aliquis, qui aut
daret eum nobis quam emendatissimum, aut emen-
dandi materiam suppeditaret. Quam tuo tandem
beneficio consecutus nobilem & locupletem, statim
operi admovi manum; quo & meæ satisfacerem cu-
piditati, & expectationi eorum, apud quos nulla
non occasione & laudare Cornelium nostrum, & se-
rio commendare sum solitus. Quam autem feliciter
mihi res sub manu successerit, te velim vel in pri-
mis judicare. Nam hæc inter plurimas mihi causa
est, quod Celsum istum, quem meum imagine qua-
dam adoptionis feci, celeberrimo tuo nomini, &
mul-

multis mihi nominibus suspiciendo colendoque consecrarim. In seculi quippe hujus & tam antiquitatis fastidiosi, quam novitatis omnis cupidi, conspectum proditurientem, nec sine patrono ausum, cujus in clientelam potius, quam tuam debui dare? Absque illis certe subsidiis, quæ mihi numquam sine summa laude loquendum studium tuum juvandi publicum tulit, si fuisset, vel animum non applicuissem ad recognitionem Authoris ut eruditissimi, ita & corruptissimi. Quis credat, post Egnatii, Cæsarii, Constantini, Stephani, Pantini, Ronflei, Rubei, tot illustrium virorum diligentissimas curas, fuisse mihi plusquam bis mille locis corrigendum? Quo ipso quia fecisse me opus putabam non pœnitendum, aut tuo nomine & seculo indignum, etiam hoc ausus sum illi inscribere. quamvis non ignorem multo plura majoraque me debere amoris & beneficiis in me tuis. Itaque te rogo, Vir Clarissime, hanc cautionem accipere crediti, & animi ad omnem se gratitudinis memoriam obligantis. Certe hunc, quem eo vultu, quo omnes literatos soles amplecti, suscipiendum tibi offero, si non industriæ, saltem laboris mei fœtum, testem esse volo, quanti & sim & in perpetuum tibi sim futurus debitor. Deus autem immortalis diu te sospitem atque incolumem Rei medicæ, literariæ, publicæ, imo mihi & omnibus bonis conservet. Dabam Lugduni-Batav. Mense Augusto, anni clc lxxi.

*Tui nominis atque dignitatis
cultor propensissimus*

JOH. ANTONIDES
VAN DER LINDEN.

LE-

LECTORI S.

SISTO tibi, amice Lector, AUR. CORN. CELSUM, authorem latinissimum, medicum sapientissimum, prudentissimumque. Cujus ego amorem tibi si velim commendare, idem fecero, quod hederam qui suspendit vino veteri & bono. Quemadmodum namque virtutem non potest non amare ac sequi quisquis ejus pulchritudinem atque pretium novit: ita Celsum nemo non aestimat, nemo non diurna versare manu, versare nocturna studet, quin in succum & sanguinem, quod ajunt, convertere, nisi qui ignorat, quanto nitore atque cultu, quanta industria atque solertia istos de Re Medica libros octo (solos nobis ex pluribus eisque eruditissimis ingenii ac vigiliarum egregie elaboratarum monumentis reliquos) scripserit, atque ex Hippocrate cumprimis, medicinae parente, contraxerit, adhibitis in omni graviore negotio etiam in consilium aliis, & semper quidem optimis authoribus. Quales omnino necesse est fuisse, si sola confusus ingenii magnitudine, nulla artis exercitatione comparata notitia, tam admirandum nobis opus concinnare est aggressus. Quod me non credere, jam supra dixi. Scepticos in scribendo sequutum, author est Quintilianus. Quod si de sermonis ornatu intellexit, concedi potest: non facile, si de modo doctrinae. Ita enim scripsit, ut qui neutiquam dubitavit, non suam modo sententiam aperte profiteri, sed & summorum quoque virorum ad incudem cum rationis tum experientiae revocare; quia & necessaria ac laudanda in artibus libertate mutare praecepta eorum, qui medendo scribendoque se ostendebant aberrare, non tam a placitis & a doctrina majorum, quam ab officio medici. quod Asclepiades esse dicebat, referente nostro, ut tuto, ut celeriter, ut jucunde curet. Ubique autem ea usus est modestia Celsus, ut, etsi numquam tanti putaret authorem, quanti hominum salutem, neminem sua tamen laude fraudaret.

Quam-

Quamquam vero jam ipsius ætate Medicina esset in tres sectas, easque plurimum inter se dissentientes, diducta; ita tamen Dogmaticæ (quæ minime omnium desectebat ab Hippocratica) se applicuit adhæsitque, ut nihilominus etiam ab Empiricæ atque Methodicæ principibus acceperit, quæ rationalis conjectura atque fidelis usus comprobassent: dignus vel ipso proposito, ut eum penetrasse cujusvis sectæ omnia, atque delectu habito, in hanc velut multorum operum epitomen conguessisse meliora quæque, credamus. Forma operis, supra quam nostrum putat vulgus, ornata est, & ordinata. Sermo toto in opere plenus, purus, venustus, castus, & quod præcipuum est, accommodus rei tradendæ; adeo ut in medicina quidem nemo uti meliore scribendi magistro queat. Ordo, quam in toto dilucidus, in partibus articulatus, tam est in utrisque appositus ad usum. Quænam ut solum Celsus spectavit, ita nihil eo non pertinens, non necessarium attulit: quin, resectis omnibus, non dicam superfluis, sed quæ aliunde & possunt & revera debent accipi, eam solummodo Medicinæ partem persecutus est, in qua proprie & principaliter ars consistit. Quo de dicerem plura, nisi te discere hoc ex ipso autore malletm. Ego certe propter quæ dixi, illum mihi semper habui familiarem, & dignum, in quo non solum versando studii, sed & emendando operæ plurimum, atque laboris ponerem. Itaque conquisitis in eam rem necessariis, quæ quidem potui, hoc in præsentem egi, ut textum exhiberem quam maxime emendatum. Feci id adjutus iis subsidiis, quorum mox catalogum exhibebo. Quantum fecerim, non aliunde rectius cognosces, quam si conferre editionem hanc cum omnibus velis, quæ prodierunt hætenus. Præter quæ dixi, sæpe mihi fuit Hippocrates adeundus. Quem quanti noster fecerit, non tam ex ore ipsius, quam opere disces. quod, quia omnibus paginis quamplura exinde transsumta continet, auctori meruit nomen Hippocratis Latini. Quæ causa mihi curatius utrumque conferendi, & colligendi quoque,

1 IN CELSUM PROLEG.

quæ Foësius in doctissimis suis ad Hippocratem notationibus pridem observavit. Quædam, sed admodum pauca, ex ingenio tentavi, & nisi cum res aperte postularet. In cæteris, ubi mei mihi libri & ingeniosæ summorum virorum conjecturæ non prælucebant, malui errorem retinere, aut locum in suspitione saltem relinquere. Quod & eo securius mihi licere putavi, quia Cl.D. Johannem Rhodium, virum inter seculi & nostræ artis primos, a multis annis ex multo plurimis cum membranis tum libris emaculatissimum & quem ab Authore habuit, nitori haut dubie restitutum ac luculentissimis commentariis illustratum, penes se servare scio. Quem & rogo (si quid veteris se amicitiae memoria patitur rogari) ut ne diutius protollat expectationem atque desiderium eorum, qui & Celsum & Rhodium in pretio & amore magno suo merito habent. Glossemata offendi plura: nullum tamen, præter forte unum, quod nimio erat ἀποσδιόνυσον ausus sum de medio tollere, quia nullum huc præeuntem habebam librum. Librorum in capita distinctiones uti ab ipso authore esse certum est ex VI. 12. & VIII. 9. in fine: ita lemmata illis adscripta esse a librariis, & e margine in titulos transsumpta, ne locus quidem dubitandi est. unde & aliquid licere mihi in istis putavi. quin, si forma operis sivisset, redire eo, unde venerant authoris injussu, jussissem. Præter hæc animus erat, notas addere, & quasdam nostras in authorem observationes: sed, præter quam modo retuli, causa alia fuit libri forma. Quam & ego & typographus εὐμετακόμισον in præsens malebamus: ille, lucri gratia; ego, authoris. Quem mihi spes est reperturum tanto plures emtores lectoresque, quanto est editio ista cæteris emendatior, & elegantior atque aptior ad circumferendum. Vale, & tuus mihi favor sit stimulo ad tuum in commodum majora melioraque conandum.

AUR.



A U R E L I I
C O R N E L I I C E L S I

V I T A

A Clarissimo Viro

J O A N N E R H O D I O

C O N S C R I P T A .



C O R N E L I I C E L S I laudabilem in Re Medica operam annis jam mille sexcentis, & quod superat, Experientia, veritatis prima parens, feliciter probavit. Nec melioris animi quisquam ita ab omni humanitate remotus fuit, cui non venerandum tam illustre nomen. At ingenio magis, quam origine notum, quam, relicta soli animo gloria, temporis diuturnitas posteritatis memoriae exemit. Quamvis enim Romæ vixisse Celsum, ipsius, five ut aliis visum, Scribonii Largi ad Jo. Callistum Epistola indicio sit: non desunt tamen causæ, cur addubitem, patria, an jure civitatis ipsum Romanis accenseam. Maximeque, quum

præter hunc, quidam Julius Celsus Hadriano Imperatori a Consiliis, vel ex aliorum sententia, Alexandri Severi temporibus, Juris scientia perhibeatur claruisse. Vid. Spartianum in Hadr. 30. & Pompon. Jc. lib. 2. in fin. de Orig. Jur. & Politianum lib. 5. Epist. ad Jac. Modestum. Equidem Celsum Patrem ac Filium Jureconsultis annumerat Hotomannus in Descriptione Jurisconsultorum, & Juventium Celsum Patrem ad Vespasiani Imperatoris tempora refert Jacob. Gothofred. Histor. Jur. Civil. cap. 7. de Jurisconsultorum successione. Idem Celsum Patrem & Filium sub Trajano, Hadriano, Antonino Pio vixisse censet. Verum & Apulejus Celsus Valentis ac Scribonii Largi in Medicis Magister occurrit apud Scribonium Largum de Compos. Med. cap. 94. & 171. Cujus præter Agricola Woverius in Apuleji Vita mentionem injecit. Nisi forte cum Cornario in Marc. Empirici Præfat. interposito inciso, Apulejo, Celso, distincte legendum fuerit. Ita in Præfat. Marcell. & Apulejus & Celsus occurrunt. Volaterranus etiam meminit in Anthropologia lib. 14. Celsi cujusdam, qui Philosophiæ Stoicæ sectator, Origenis erat adversarius, magiæ scientia notus, cui Lucianus Pseudo-Mantem inscripsit. Eiusdem quoque nominis ibidem, imperante Nerone e Galliis puer novennis martyrio nobilitatus. Numo etiam innotuit apud Augustin. Dialogo 5. de Num. Celsus quidam III. Vir. Noster autem Augusti ævo floruit, ex quorundam sententia, inter quos Jo. Britannic. in Juvenal. Sat. 6. & 7. Ovidii autoritate, vel ut Jo. Cajo placuit, Cl. Tiberii, A. C. 29. aut certe Caji Imp. conjectura Sambuci, Viri Antiquitatis notitia clarissimi. Major tamen eruditorum pars, sub Tiberio vixisse, vel forte ipso imperante natum usque ad Trajani tempora vitam produxisse, censet; quamvis & sub Nerone vixisse putet Thom. Fienus. Ut uno seculo

vetu-

vetustior Galeno videatur. Cæterum, non levem hic de Patria ejus dubitandi occasionem præbet Cæl. Rhodiginus, qui Antiq. Lect. Lib. 14. cap. 5. Veronenses, ait, cum Macrobio, Vitruvio, & Plinio, Celsum quoque suum ortu civem agnoscere. Librorum inscriptionibus hujusmodi divinationes stabiliri assolent. Sed exigui momenti munimento. Notius enim est, quam ut pluribus confirmetur, Librorum titulos Literatoribus & Librariis arbitrarios fuisse, vixque veterum quempiam ulli suorum Commentariorum quidquam prænotasse, referente de semet idipsum Galeno lib. 7. Meth. Med. cap. 1. qui id officii ab Amicis habuit: haud dubie istius ævi modestia, quod ingenia admiratione superiora protulit. Sed enim, ut mala exempla ex bonis initiis orta: ita ex æmula, in conquirendis magnorum ingeniorum monumentis, Principum munificentia, accrescente paulatim Librariorum avaritia, omnes prope optimorum etiam Autorum præscriptiones impune, ad lucrosam cujusque libidinem, immutatae, ne dicam adulteratae.

Atque ut ad Celsum redeam; quot ejus hodie Editiones, tot ferme Inscriptiones diversae. Cæsarii habet: *Aurelii Cornelii Celsi de Re Medica VIII. Libri eruditissimi*. Vulgatæ Lugdunenses omnes, & Leydenis modestius, sine phalerato encomio: *A. C. C. d. M. Libri VIII*. Horum priorem Cælius sic mutavit: *Aurelii Cornelii Celsi Romani de Re Medica Libri VIII. pereruditi*. H. Stephanus in suo exemplari cæteris Medicinæ Principibus adjecto, receptæ lectioni subdidit: *Operis ab eo scripti Pars Sexta*. Vett. Codicum MSS. auctoritatem secutus, quibus communis hæc inscriptio: *A. Cornelii Celsi Artium Lib. VI*. Nihil tamen hic præter consilium & rem ab illo temere factum. Patriam enim sive Autor ipse sive alius quispiam addiderit, id certe non caret vetustatis exemplo, potissimum apud Græcos, quos

inter Celsus sibi *Hippocratem Coum* inprimis imitandum proposuit, cujus etiam pleraque non infelicitè Latino sermone reddidit, suam ipse testatus in Epist. ad Pullum Natalem, in hoc studiorum genere diligentiam, longe accuratiorem, quam Largii Designatiani, qui Epistola ad filios se fuisse liberiores fatetur, quemadmodum notante Cornario in Dedic. Marcelli, in plerisque Hippocratem expressit, ut integras sententiarum periodos ex ipso descriptas subinde in eo videas; imo tota capita nihil aliud quam Hippocratis sententias ad verbum reddunt. Hinc non immerito Hippocratis Simiam dixit Nic. Monardus, de V. S. in Pleurit. f. 8. Et si vero Latini Scriptores Patriam haut usque jactabant: neutiquam tamen diffitendum, antiquitus Romanæ civitatis jus gloriosum fuisse. Quo forte venditores Autorem nostrum commendare satagebant; siue is meritis & gratia civium numero adscriptus esset; siue Roma oriundus. Posterius tamen ut credam, suadet præter apertum Autoris lib. 5. cap. 21. textum, Epistola ejusdem ad Callistum, & persuadet ad Pullum Natalem altera; in quibus inprimis Viri boni genius conspicitur. Imo Marcellus in Præf. Operis Cornelium Celsum inter viros illustres & cives enumerat, quicquid ei imposuerit Verderius Cens. p. 144. Ejus Columella, Claudii tempore clarus, ut æqualis aut certe paulo superioris, Rei Rust. lib. 1. cap. 1. sic meminit: *Nostrorum temporum Cornelius Celsus totum corpus Disciplinæ quinque libris complexus est. Quem Rusticam intellexisse, vero proximum est. Quintiliani sententia Inst. Orat. lib. 10. cap. 1. is Vir Eruditus, inter eos Philosophos Latinos, quos eloquentes literæ Romanæ tulerunt, qui scripsit non parum multa, Scepticos sequutus, non sine cultu & nitore. Ideoque ob nimiam novitatis cupiditatem, ejusdem censura notatur. Scripta ejus sigillatim prodidit Volaterra-*

terraneus Anthropol. l. d. Cornelius Celsus mediocri Vir ingenio, non solum artem Rhetoricam, sed de Re Militari, & de Rusticana, deque Medicina libros composuit. Quæ omnia Jo. Doufa æternum gentis & generis sui decus in Sylva Extemporal. hoc Epigrammate venustissime complexus:

Facta urbana, tuo res Rustica munere, scriptis

Nec minus illustris est Medicina tuis.

Hinc quoque Militiæ tractasti commoda Rhetor:

Hoc Martem Musis jungere, Celse, fuit.

Subjungit Polyhistor Italus: Ad nos tantum ejus Medicina pervenit Oratorio more conscripta. Sed & quædam Rhetorica ejus nostra ætate Sixti Popmæ studio feruntur emissa. Veterinariam quoque conscripsisse autor est Mercurialis lib. 4. cap. 2. & Phil. Ingrass. Quæst. de Veterinar. cap. 9. Herbarium vero ei adscriptum, Apuleji potius credit in vita Apuleji Elmenhorstius. Julium quidem Celsum inter Rei Militaris Scriptores enumerat Rob. Valtur. quemadmodum huic a nonnullis adscripta sunt Julii Cæsaris Commentaria. De quibus tamen nihil vere constat. Varia sane ejus eruditio aliud prodere non potest quam Virum ingenue natum, magna seculi felicitate, quod bonarum literarum erat feracissimum. Excepit nempe coluitque ea ætas Viros scientia, prudentia, ac eloquentia summos, Tullium, Salustium, Catullum, Virgilium, Propertium, Horatium, Tibullum, Manilium, Vitruvium, Antonium Musam, Ovidium, Livium, Scribonium Largum, Valerium Maximum, Vellejum Paterculum: atque si se in Claudii imperium ipsius extenderit vita, Quintum Curtium, Persium, Senecam, Silium Italicum, Plinium, Viros omnes consummatissimos, in quibus tamen postremum nonnulli Celso juniorem censent. Opinionem meam firmat laudabilis veterum consuetudo, qua tria nomina Nobiliorum, Celso etiam Plinii autorita-

te rata, Libertis raro, nec ferme sine gravi causa unquam concessa scimus, quibus tamen semper fervile nomen remansit. Nec moror, quod Celsi Epistolæ apud Marcellum in limine Operis Prænomen desit, quo soli Romani insigniebantur. Nomen enim apud bonos Autores sæpe Prænomen & Cognomen includit. Hinc Martialis:

Ut jugulem curas, nomen utrumque bibam.

Salutaribus itaque disciplinis Græcisque literis, non levi nobilitatis indicio, recte institutus, facile potuit seculo tam augusto ac beato, nihil non (ut ipse in Epistola ad Natalem refert) dignum sublimi Romanorum majestate de bono Medicinæ Artis splendidissime scribere, idque perennitati & literis mandare, utilitatis magis quam delectationis causa.

Scio equidem, non deesse multæ autoritatis Viros, qui ex modo adducta Celsi Epistola opinantur, ipsum animo in diversa studia diviso, Græca duntaxat Medicinalia in Latinum convertisse, aut Empedoclis & Democriti exemplo non ut merus atque ad quæstum Medicus, sed ut sapientem, atque, ut Columellæ verbis utar, universæ naturæ prudentem, Medicinam veluti Philosophiæ partem cum sapientiæ studio conjunxisse. Ideoque nec factam ejus ab Aureliano mentionem, Barthio Adv. lib. 38. cap. 3. censente. Nec denique unquam Medicinæ operatum. Credat qui volet. Nec eam litteram meam facio. Medicum certe agnovit magnus Scaliger de Re Num. 36. Remedia quidem, Hippocratis & Galeni exemplo, aliunde congesta digessisse, ultro largior, ipsam vero Morborum τέχνημασιν & διαταξίν proprio ingenii ductu contextam pro me res ipsa loquitur. Quin ipsum Pharmaca præbuisse, non mediocri gloria, ex ipsius ad Julium Callistum Epistola satis liquet. Quorum artificiosam mentionem se accurate intellexisse prodit ipse

ipse lib. 7. cap. 26. Unde Cornarius fortassis inter Pharmaceuticos reposuit. Imo dedita opera ab aliis prætermissa proferre ac illustrare voluisse censuit Minadous variæ eruditionis Medicus, de Ext. Affect. lib. 2. cap. 3. Maximeque Medicum ejus Chirurgica probant, quæ Gesneri in Catalogo Chirurgorum sententia, veterum solus Latine scripsit, ut vere ipsum inter Chirurgos reponat doctissimus Septalius Animadv. lib. 8. Caut. 1. & 40. Tanta vero id fide peregit, ut Hieronymus ab Aquapendente Medicus & Chirurgus usu vel annis nemini secundus, in Operat. Chirurg. cap. de Chir. Dent. his verbis sese in ipsius laudes diffuderit: *Mirabilis Celsus in omnibus: quem nocturna versare manu, versare diurna, consulo.* Nec mirum: quum Celsus eruditissimo Manardo Epist. Medic. lib. 9. Epist. 1. bonus & fidelis Hippocratis interpres, licet in aliquo verbo quandoque lapsus videatur. Quod Viro in omni literarum genere exercitato vel ipsa πολυγραφία libenter profecto condonari jubet, quamvis non diffiteatur ipse non pauca se ex aliena quandoque sententia posuisse. Horatio pariter Augenio de Miss. Sanguin. lib. 8. cap. 1. Lommio, Ronsleo Epist. Medic. lib. 8. sect. 3. cap. 7. Schenckio, Jo. Heurnio, Bened. Matamoro, Rod. a Castro, innumerisque præclari judicii Medicis, propter singularem & succinctam cum elegantia doctrinam, Latinus Hippocrates appellatur, in quo Pantini judicio Comment. ad Celsi lib. 1. cap. 1. optimæ Methodi ac viæ rationisque docendi discendique, & in summa brevitate mira Artis & Sapientiæ observatio plerunque animadvertatur. Recte igitur Agricola de Pond. Rom. lib. 4. *Celsi*, inquit, *autoritas Medicis nota est, aut saltem esse debet.* Quam elegantissimis verbis Cælius Rhodiginus Antiq. Lect. lib. 26. cap. 3. insinuavit: *A. Cornelio Celso versuram faciunt multi. Verum citra illius sententiam*
nihil

*nihil ferme promunt; perinde ac verba sint veterum sacrorum, quæ demutasse piaculare flagitium plane censerī debeat, quodque hostiis majoribus procures. Inde Fernelio, Franciæ Hippocrati, referente Plantio in Vita Fernelii cum ob orationis puritatem, tum ob sententiarum pondus, quam charissimus fuit. Jurisconsultis procul dubio iisdem nominibus usque adeo venerabilis, ut Pandectas suas hujus Viri auctoritate muniri voluerint. Verum, ne nimis laudibus verius is oneretur, quam ornatur, quem mortalium nemo recte vituperavit: unicum Heurnii judicium, inter cætera gravissimum, huic Virtutum coronæ lemnisci loco satis erit. Ita ille Meth. Stud. Med. cap. 5. *Latinos inter Medicos primus est Cornelius Celsus: sed prudenter legendus. Nam in multis Asclepiadem Methodicum sectatur, ut fatetur ipse. Hujus cote stylum subigemus, & pluris Latinitatem ejus quam Medicinam faciemus. Unicus itaque Celsus, ut scite idem in Epist. ad Ronff Celso præfixa, Medicis Latinis præferatur: qui pomœria Romanæ eloquentiæ eo protulit, ut Medicina suavissimo ore eloquentiæ jam sese cultioribus ingeniis merito commendet.**

His quotquot naturæ associavit benignitas, æquos adferte animos, eleganti favete linguæ. Ita Vobis, & verum animi sermonisque cultum, & firma valetudinis præsidia parabitis. Tantum est.

Optandum est, ut sit mens sana in corpore sano!

LIBRI

Quibus J. A. van der Linden usus fuit in
hoc opere recognoscendo.

MSS. seu ἀπόγραφοι Codicis Parisiensis, descri-
ptum anno CIO CXXIV. Communicavit V. Cl.
D. Job. Hoornbeeck, SS. Theol. D. & Profess. ordin.
in Academia, ac V. D. Min. in Ecclesia, quæ est
Lugd. Batavorum, Collega reverendus.

Liber editus Venetiis, apud Aldum 1528. in 4. sed
sedulo collatus atque emendatus a V. Cl. Jac. Carpen-
tario, Doct. Med. Parisiensis & Prof. Regio, ex codi-
cibus duorum Med. Parisiensium, nempe Jo. Fernelii,
viri incomparabilis, & Jo. Capellani, qui ei in co-
mitiva Archiatriæ anno CIO ID LVIII. successit apud
Henricum II. Galliarum Regem. Mutuo dedit V. Cl.
D. a Guido Patinus, Bellovacus, Doct. Med. Pari-
siensis & Professor Regius, amicus mihi eximius.

Alius ibidem editus 1549. in folio cum Medicis anti-
quis. Quem sua manu V. Cl. Nic. Nancelius contulit
cum editionibus, quotquot suo tempore extabant, ex-
cepta Stephani; toto opere ad marginem adscriptis non
modo lectionibus, ubi a libro, qui erat præ manu,
variabant; sed & propriis conjecturis, raro non bonis
& doctis. Hunc quoque utendum dedit V. Cl. D. b Gui-
do Patinus, ob singulare publicum juvandi studium
nunquam & nulli non laudandus.

Alius Lugduni editus apud Joan. Tornæsium 1554.
in 16. cui ad oram V. ill. Jos. Scaliger, seculi miracu-
lum, & veteris cujusdam codicis lectiones & suas emen-
dationes atque notas adscripsit. Quem ipse testamento
reliquit V. Cl. D. Ælio Everhardo Vorstio, Botanices
ac Medicinæ, dum viveret, Professori Primario; ego
autem usui acceptum debeo V. Cl. D. Adolfo Vorstio,
Paren-

a Lettres de Feu Mr. Guy Patin, Lettre CXVI.

b Idem ibidem.

*Parenti optimo in utraque & professione & dignitate
successori dignissimo, ac Collegæ meo honorando.*

*Variae lectiones, e Ms. Codice antiquo Bibl. Regiæ
Parisiensis, qui inscriptus erat, Medicina antiqua,
descriptæ anno 1631. a V. Cl. D. Joh. Walæo, Med.
Doct. & postea Professore insigni.*

*Variae lectiones e libro Sacri Jobannis, ab eodem ex-
cerptæ. Et has & præcedentes mihi utendas dedit D.
Antonius Clementius, Cl. D. Walæi ex sorore nepos,
juvenis doctus, probus, pius, & si fata sivissent,
longiore vita dignus.*

*Præter quæ contuli etiam eorum editiones, emenda-
tiones, annotationes, lectionesque varias, quarum in
epistola ad Cl. D. Patinum feci mentionem. Quemad-
modum & illa, quæ Janus Cornarius in comm. ad Gal.
de Comp. Pharm. quæque alii & celebres inter Criticos
(quos Fax Artium liberalium exhibet) authores obser-
varunt. Hoc quoque te scire tua interesse, Lecton ami-
ce, putavi. Nunc adi ad authorem. Quem, si cum
cura & studio leges, spondeo,*

Lectio lecta, magis decies repetita, placebit.



INDICULUS EDITIONUM

CELSI,

,, AUCTUS, & EMENDATUS. ,,

In Folio,

Apud

Nicolaum, *Florentiæ* 1478.Leonardum Pachel, Uldericum Sinczenzeler,
Mediolan. 1481.Joannem Rubeum, *Venet.* 1493.,, --- *Ibid.* 1496. ex Maittaire de Orig. Artis Ty-
pograph. pag. 337. ,,,, Lucam Ant. Juntam, *Venet.* 1524.Christian. Wechelum, *Parif.* 1529. ,, cum Scrib.

,, Largo; non in 4. ut alii ponunt. ,,

Aldi filios, cum Medicis antiquis, *Venet.* 1547.Joannem Oporinum, cum Notis Gulielmi Pantini,
Basileæ 1552.Henricum Stephanum, Tom. III. Medicor. Princip.
Parif. 1567.*In Quarto, apud*,, -- -- *Lugduni* 1516. ex Fabricii Bibliotheca
,, Latina. ,,Aldum & Andr. Asulanum, *Venet.* 1528. ,, ex e-
,, mend. Bapt. Egnatii. ,,Francisc. Raphelengium, cum Notis Jerem. Thri-
verii Brachelii & Balduini Ronfsei, *Lugd. Ba-*
tav. 1592.*In Octavo, apud*Joan. Soterem, cum Notis Jo. Cæsarii, *Hagenoæ*
1528. & *Salingiaci* 1538.

- -- *Paris*. 1533.
 Matthæum Cerommium, cum Notis Thriverii, *An-*
-tuerp. 1539.
 -- -- *Tiguri* 1540.
 ,, Sebast. Gryphium, *Lugd*. 1542.
 Marc. Anton. de Galassis, *Patavii* 1563.
 Gulielm. Rovillium, cum Annotationibus Rob.
 Constantini, *Lugd*. 1566. ,, & in 12. ut in Lind.
 ,, Renovato. ,,
 Hieronymum Scotum, *Venet*. 1566.
In Duodecimo, & minori forma, apud
 Joann. Tornæsum, *Lugd*. 1549.
 Joan. Tornæsum & Gulielmum Gazejum, *Lugdun*.
 1554.
 -- -- *Lugd*. 1587. Epistre François a Monfr. de la
 Scala, p. 325.
 -- -- *Lugdun*. 1592.
 -- -- *Ibid*. 1608.
 Joann. de Tournes, *Genev*. 1625. ,, & 1626. ut ait
 ,, Fabricius in Biblioth. Latina. ,,
 Joann. Elsevirium, ex recognitione Joan. Antonid.
 van der Linden, *Lugd. Batav*. 1657.
 Salom. Wagenaar, *Lugd. Batav*. 1665.
 ,, Joann. Wolters, ex emendatione Theod. Janso-
 ,, nii ab Almeloveen, & cum ejusdem aliorum-
 ,, que Scholiis brevioribus, & locis parallelis,
 ,, *Amstelod*. 1687. ,,
 ,, *Ibid*. recusa edit. hæc 1713. apud eundem. in 8.,,
 ,, & Jo. Fel. Bielkium, cum Præfat. Georgii Wol-
 ,, fangi Wedelii, & Indice locupletissimo, *Fe-*
 ,, *næ*, eodem anno. in 8. ,,
 In Bibliotheca Eduardi Bernardi sunt binæ editio-
 nes, seu duo exemplaria cum Mss. collata. Ex-
 stant No. 7489. seu 143. & 7495. seu 149. pag. 227.
Catal. Mss. Angliæ.

Simon Bevelacqua, *Lugdun.* 1516. in 4.
 Simon Silvius. Ejus dedicatio exstat in Edit. *Parisi.*
 1529. Sed est impressus apud Christian. Weche-
 lum in fol.

JODOCI LOMMII Commentarii de Sani-
 tate tuenda in primum librum de Re Medica Au-
 relii Cornelii Celsi, Medicorum Romanorum
 longe principis. *Lovanii* apud Anton. Mariam
 Bergagne, 1558. in 8.

HIERONYMI RUBEI Annotationes in
 libros VIII. A. C. Celsi de Re Medica, quibus
 omnia, quæ ad universam Medicinam spectant,
 dilucide & compendiose explicantur. *Venet.* ex
 Typographia Francisci Rampazeti, 1614. in 4.

PETRI PAAW Amstelædamensis Succentu-
 riatu Anatomicus, continens Commentaria in
 Hippocratem de Capitis vulneribus. Additæ in
 aliquot capita libri VIII. A. C. Celsi explicatio-
 nes. *Lugd. Bat.* apud Jodocum a Colster A. 1616.
 in 4.

JOANNES MORISOTUS scripsit An-
 notationes in Corn. Celsum, *Basil.* apud Joan.
 Oporin. 1547.

„ **JOANNES RHODIUS** quoque videtur
 „ posse addi inter eos qui Commentaria in Cel-
 „ sum scripsere, propter Dissertationem de Acia
 „ ad Cornelii Celsi mentem &c. quæ primo pro-
 „ diit Patavii apud Paul. Frambottum 1639. in 4.
 „ deinde secundis curis auctior &c. Accedit de
 „ Ponderibus, & Mensuris Vett. Medicor. in-
 „ primis C. Celsi, ejusd. Rhodii Dissertatio, &
 „ Vita Celsi. *Hafniæ*, litteris Matthiæ Godic-
 „ chenii, sump. Petri Hauboldi Bibl. 1672.
 „ in 4.

PROMISSÆ EDITIONES.

*Franc. Vertunianus in Epistol. Dedicat. in Librum
Hippocrat. de Capitis vulner. cum
Notis Scaligeri.*

UNum addam, quod tibi ac Asclepiadis omnibus scio fore gratissimum, si a te tuique simillimis hunc primum suum conatum probatum iri animadverterit Scaliger, idem in reliquo Hippocrate tentaturum: quod jam in non minus eloquenti, quam fido ejusdem Hippocratis interprete Celfo, cursim volutando, perfecit, cujus novam editionem, si per otium relegere dignabitur, castæ emendatæque Latinitatis amantibus propediem adornat.

*Joannes Tornæsius in Epistolis Gallicis ad
Jof. Scaligerum, pag. 325.*

J'Imprime *Corn. Celsus* en petit volume, comme autrefois feu mon Pere l'avoit imprimé. Je me fers de ce que je treuve de bon en l'edition de Constantin par Rouillé, & en celle de Henri Estienne. J'ay entendu depuis deux jours que vous avez des Notes sur cet Auteurlà, tant de feu Monsieur vôtre Pere que de vous. Je vous supplie bien fort & avec toute affection, qu'il vous plaise me vouloir faire part de ce que vous avez: je l'imprimeray avec toute la diligence qu'il me sera possible. Vous ferez du bien au public, & je reconnistray le secours que vous m'aurez fait ainsi que le trouverez bon.

Paulo post.

Pour revenir a mon affaire, je vous prieray me faire ce bien que d'envoyer a Paris au Sire Ambroise Drouard Libraire juré près Saint Benoist ce
que

que vous aurez sur *Celsus*, afin qu'il me le fasse tenir le plus promptement qu'il pourra. &c.

P. Colomesius Gallia Oriental. pag. 116.

Celsum etiam pollicebatur Jo. Walæus D. M. de cujus morte Sam. Sorberius in *Epistol. Gallicis* p. 442. In eundem Authorem notas parabat Ælius Everardus Vorstius apud Leydenfes primarius Medicinæ Professor, de quo Cunæus in laudatione funebri.

*Lettres de Feu Mr. Guy Patin, Lettre CXVI.
de la dernière édition.*

On dit que Mr. Rhodius en fait imprimer un (Celse) a Padouë, & nous avons ici (a Paris) Mr. Mentel qui en promet un pareillement en vertu de plusieurs manuscrits & revisions qu'il a devers soi. Pour ce dernier, quoi qu'il dise & promette beaucoup, il ne fait jamais rien, & dit toujours qu'il fera merveille.

JACOBUS HOLSTIUS Tonningæ Medicus scripsit *Commentarium in Celsum. Morhof. Polyhistor. liter. IV. cap. 12. pag. 174.*

PETRUS DACQUETUS Furnensis Medicus scripsit *Commentarium in Celsum. Valer. Andr. Dessel. Biblioth. Belgic. p. 734.*

TESTIMONIA

E T

ELOGIA de CELSO.

Quintil. Instit. Orat. Lib. XII. Cap. XI.

Quid plura? cum etiam Cornelius Celsus mediocri vir ingenio non solum de his omnibus conscripserit artibus, sed amplius rei militaris, & rusticæ etiam, & medicinæ præcepta reliquerit? dignus vel ipso proposito, ut eum scisse omnia illa credamus.

*Franciscus Floridus Sabinus Lectiō.**Subcisso. lib. I. cap. IV.*

Cornelium Celsum ego tam excellentem scriptorem fuisse reor, ut paucos ei anteponendos Latium protulisse censeam, cum medicinam tam candide, eleganterque Romanis literis illustraverit, quam potuit, qui ingenium sic ad omnes scientias versatile habuit, ut ad id unum a natura formatus videretur, quod vir præstantissimus tractare constituisset. Itaque cum ejus, quæ exstant, lucubrationibus nihil sit pulchrius, nihil elegantius, quam ornate Philosophica explicasse credendus est? de quibus non pauca ab illo Scepticos imitato scripta fuisse, memoriæ prodidit Fabius Quintilianus, in iis etiam Celso persæpe (ut ejus de Oratoria Institutione libri testantur) adversatus, quæ ad Oratoriam artem spectantia, utinam cum infinitis aliorum voluminibus commune naufragium passa non fuissent. Nam & Celsi ingenium latius agnosceremus, & Rhetoricos ad Herennium libros non modo non ad Celsum, sed ne ad mediocrem quidem Celsi auditorem esse referendos, tamquam in speculo (ut est in proverbio) conspiceremur.

Clau-

Claudius Verderius Censio. in Auctores, pag. 144.

Cornelius (Celsus) de Latinitate est tam bene meritus, ut inter Latinos videatur is, qui inter Græcos Theophrastus fuit. Sed Hippocratem, & Græca pene omnia parum feliciter vertit. Exemplo sit Aphorismus quidam Hippocratis, quem ille sic interpretatur lib. II. cap. VII. circa finem. *Alvus nigra, inquit, sanguini atro similis repentina, sive cum febre, sive sine febre, perniciosa est.* αὐτόματ' autem in Hippocratis Græco non *repentinum*, sed *spontanum* significat: ut idem alio Aphorismo αὐτομάτως κόπας προαγγέλλας ἢ κήρυκας τῶν νόσων esse dixit, hoc est lassitudines non quidem repentinas, sed spontaneas, prænuncias & præcones morborum esse. Etenim ex repentino motu repentina lassitudo evenire potest, non tamen erit morbi prænuncia, quia causam habet motum: deinde vero Celsus, *repentina*, particulam ita collocat, ut ad *alvumne* an ad *febrem* referatur, vix dignoscas. Melius itaque vertit Theodorus: *Dejectiones nigrae modo sanguinis atrii sponte venientes, cum febre sive sine febre pessimæ sunt, & quo plures sunt pravi colores eo pejus: sed si ex medicamento tales digeruntur melius est, & quo plures non pravi colores eo melius.* Nec quoque integrum Aphorismum vertit Celsus, sed sententiam Hippocratis secuit per medium. Nec Theodorus utique bene vertit, sic enim transtulit Aphorismum 79. particulæ IV. *Si quis sanguinem mingit, & grumos, & guttatim emittit urinam, ac dolorem ad ventrem imum, & pectinem & fæmen, vitii vesicæ laborat.* Celsus in eundem errorem incidit. *Aut si paulatim distillat, ait Celsus, vel si sanguis per hanc editur, & in eo quedam cruenta concreta sunt, idque ipsum cum difficultate redditur, & circa pubem inferiores partes dolent, in vesica vitium est.* Græcum autem Hippocratis, *in vesica*, non habet, sed *circa vesicam*, hoc est, περὶ κύστις.

Celsus lib. II. cap. 2. *Si Austri pluviaeque hyemem occupant, ver autem frigidum & siccum est, gravidae quidem feminae, quibus adest partus, abortu periclitantur: haec vero quae gignunt, imbecillos vixque vitales edunt. Ceteros lippitudo arida, & si seniores sunt, gravedines atque distillationes, male habent.* Hæc ad verbum ex Hippocrate esse videntur, nisi quod συντόμος ἀποδυνήσκειν, *male habere* non est. Magna certe est differentia inter male habere & continuo mori. at male habet, qui continuo moritur. credo equidem: sed ita sit, Celsus Hippocratem non bene vertit. Pylorum intestinum a Græcis ita dictum esse commentatur quod per partes inferiores, tanquam per ostium, ea quæ in corpore excrescunt, emittat: cum Pylorum, pugnante e diametro ratione, tale nomen sortitum esse ex Galeno pateat, quia scilicet nihil nisi prius in chylum (chylum enim pro Latina voce usurpant medici) conversum tanquam bonus janitor exire sinat, & postea ad inferiora intestina deducit, non ut dejiciat, sed ut remoretur potius in corpore, & ab hepate in sanguinem transmittatur. Eaque ratione permotus Galenus V. de Usu partium, non τῶν δευτερομάτων, sed alimentorum ait esse instrumenta: ideoque a natura flexuosa facta ut cibus non repente fluat, sed perstans concoquatur & nutriat. Apud Celsum denique observationes quædam sunt ludicræ: qualis hæc, si nimirum ægrotus summis digitis extrema parietum evellat, hoc est lapillos ex muro extradicet, signum mortis esse.

Ab hoc Latinitatis amantes Latinas morborum nuncupationes repetere debebant. *Vertunianus in Hippocrat. librum de Vulneribus Capitis, pag. 71.*

Medicorum Deus. Casaub. Ep. 29.

Purissimus Scriptor Cornelius Celsus. *Voss. de Vitiis Serm. I. c. 16.*

INDEX

SCRIPTORUM & MEDICORUM A CELSO LAUDATORUM,

COLLECTUS A

CL. JO. ALBERTO FABRICIO

pag. 444. novi Supplementi Biblioth. suæ

Latinae, nunc vero huic Editio-

ni accommodatus.

- A** *Sculapius*. pag. 1. 87, 31. 91, 4. 93, 30.
lin. 13. 117, 30. 118, 10. 119, 16.
Ammonius Alexandrinus. 121, 15. 122, 26. 143, 29.
chirurgus. 406, 4. 149, 26. 150, 8. 194, 2.
τίμος dictus. 481, 6. 200, 6. 204, 18. 230, 14.
Andreas. 241, 22. 252, 15. 241, 24. 374, 5. *Ejus vo-*
lumen quod de tuenda
Andron. 269, 14. 395, 12. *sanitate composuit*. 29,
Andronium medicamen- 2. *Antiqui Medici ti-*
tum. 389, 24. *midius balneo utebantur*,
Apollonii duo chirurgi. *Asclepiades audacius*.
406, 3. 93, 29.
Apollonius Empiricus. 3, *Asclepias collyrium*. 362,
25. *qui Mus cognomina-* 23.
rus est. 241, 22. *Athenion*. 280, 19
Apollophanes. 252, 7. *Attalum emplastrum*. 262,
Arabis cujusdam malagma. 34.
254, 32. *Boëthius*. 270, 33
Archagathus. 267, 21. *Cæsarianum collyrium*.
Aristogenes. 257, 20. 364, 9
Ariston. 259, 1. *Cassius medicus*. 223, 27.
Asclepiades. 3, 34. 5, 9. 8, 281, 7.
12. 29, 2. 57, 12. 85, 7. *Chironium ulcus*. 322, 19
Chry.

lxx INDEX SCRIPTORUM

- Chrysippi discipulus** nō igno-
 bilis medicus apud An-
 tigonum Regem . 161, 16
Chrysippus medicus . 3, 7.
 258, 14
Cleon . 357, 10
Cleophantus ex antiquiori-
bus Medicis . 143, 24
Crato . 373, 20. 394, 27
Ctesiphon . 258, 19
Democritus . 3, 1. 57, 5
Dexius . 259, 28
Diocles . 175, 11. 418, 4.
 554, 4. **Carystius** . 3, 6.
 221, 19. *ferramentum*
Διοκλέης γραπίσκον .
 418, 4
Diogenes . 265, 30. 307, 15
Dionysius . 402, 17
Empedocles . 3, 1
Empirici . 17, 14. 241, 16
Epirotes Philippus , vid.
Philippus Epirotes .
Erasistratus . 3, 8. 5, 7. 7, 7.
 13, 14. 14, 33. 119, 6.
 137, 17. 139, 15. 165,
 31. 204, 16. 219, 4. 222,
 5. 240, 13. 241, 15. 394,
 27
Euelpis . 352, 29. 360, 8.
 361, 5, 11, 19. 363, 1.
 365, 31. **Ocularius me-**
dicus maximus Celsi tē-
pore . 352, 29
Euelpistus Phlegetis F. chi-
rurgus . 406, 7
Eurbycleus . 257, 31
Faber quidam . 554, 11
Fabulae de Ajace & Oreste .
 150, 20
Glaucias Empiricus . 3,
 25
Gorgias chirurgus . 406, 2.
 448, 22
Hecatæus . 264, 26. 305, 29
Heracrides Tarētinus Em-
piricus . 3, 26. *citatur* .
 128, 20. 145, 22. 280,
 28. 426, 6. 554, 5, 11
Heras . 273, 6. 322, 10
Hermon . 362, 6
Heron chirurgus . 448, 24
 ,, **Herones duo** . 406, 3. ,,
Herophilus . 3, 8. 7, 7.
 137, 16. 138, 1. 241, 17.
 432, 22
Hierax . 364, 18
Hieron , vid. *Heron* .
Hippocrates Cous vir &
arte & facundia insignis,
Democriti, ut quidā cre-
diderunt, discipulus . 3, 3.
recentiores Medici licet
in curationibus muta-
runt, tamen optime il-
lum prælagisse fatentur .
 41, 27. *citatur* . 5, 2.
 88, 11. 121, 34. 137, 17.
 175, 8. 191, 14. 227, 12.
 348, 12. 515, 4. 527, 2.
 547, 24. 549, 19. 554, 4.
 557, 21. *more magnorum*
virorum, confessus est se
errasse . 515, 4.
 Hip-

- Hippocratis successores* . 137, 34
Hirenæus , vid. *Irenæus* .
Homerus . 2, 1
Jollas . 273, 19
Irenæus . 341, 33
Judæus Medicus . 263, 9.
 273, 13
Lysias . 251, 33
Machaon . 1, 17
Medus . 253, 29
Meges , ut ex scriptis ejus
 intelligi potest, chirurgorum
 eruditissimus . 406,
 10. citatur . 408, 14.
 426, 17. 448, 16. 479,
 28. 555, 27
Menemachus . 382, 24
Menophilus . 373, 12
Methodici . 15, 3. vid. in-
 fra , *Themison* .
*Metrodorus Epicuri disci-
 pulus* . 161, 31
Micon . 254, 18. 257, 14.
 340, 28. 342, 5
Mithridatis antidotum .
 276, 2
Moschus . 253, 22
Myron , vide , *Micon* .
Nileus . 253, 15. 355, 10.
 357, 10. clarus admodum
 auctor . 554, 5
Numenius . 259, 16. 271,
 5
Nymphodorus . 554, 11
Pantbeinus . 253, 34
Petron . 137, 18
Philes . 357, 13
Philippus Epirotes , medi-
 cus apud *Antigonum Re-
 gem* . 161, 20
Philocrates . 264, 6. 305,
 28
Philonis collyrium . 351,
 12
Philotas . 261, 26
Philotimus , clarus admo-
 dum auctor . 554, 5
*Philoxeni Ægyptii plura de
 chirurgia volumina* . 405,
 34
*Plistonicus Praxagoræ di-
 scipulus* . 6, 14
Podalirius . 1, 17
Pelyarchus . 253, 9. 529,
 24
Polybus . 293, 32. 374,
 15
Polyidas . 268, 28
Praxagoras . 3, 7. 6, 14
Protarchus . 255, 15. 340,
 3, 25. 554, 11
Ptolemæus chirurgus . 373,
 9
Pythagoras . 2, 34
Pythagorici numeri . 122,
 16
Serapion . 340, 4. *Empiri-
 cus medicus* . 3, 21
Sosagoras . 258, 9
Sostratus chirurgus . 406, 3.
 413, 13. 448, 18
Tharrias . 159, 1. 165,
 24
 The-

<i>Themison</i> .	4, 2. 16, 29.	<i>Tryphon pater</i> .	346, 17.
	119, 18. 225, 15. 372, 8.	<i>chirurgus Romæ</i> (non	
<i>Methodicorum</i> .	post <i>As-</i>	<i>diu ante Celsum</i>) .	406,
<i>clepiadem auctor</i> .	15,		7
	4	<i>Zeno</i> .	241, 21
<i>Theodorus</i> .	352, 11	<i>Zopyrus, qui Ptolemæo Regi</i>	
<i>Theoxenus</i> .	259, 9	<i>antidotum composuit</i> .	
<i>Timæus</i> .	274, 5		275, 23





A. CORN. CELSI
MEDICINÆ
LIBER PRIMUS.

P R A E F A T I O.



5 **U**T ALIMENTA fanis cor-
poribus Agricultura, sic a fa-
nitatem ægris Medicina pro- p. 16.
mittit. Hæc nusquam qui- 30.
dem non est. Siquidem etiam
imperitissimæ gentes herbas,
aliaque prompta in auxilium vulnerum mor-
borumque noverunt. Veruntamen apud Græ-
cos aliquanto magis, quam in cæteris na-
10 tionibus, exulta est: ac ne apud hos qui-
dem a prima b origine, sed paucis ante
nos sæculis; utpote cum vetustissimus au-
ctor Æsculapius celebretur. Qui, quoniam
adhuc rudem & vulgarem hanc scientiam
15 paulo subtilius excoluit, c in deorum nume-
rum receptus est. Hujus deinde duo filii,
Podalirius & d Machaon, bello Trojano
ducem Agamemnonem secuti, non me-
diocrem opem commilitonibus suis attu-
lerunt.

a De Vet. Med. T. viii. 22. b De Vet. Med.
iii. 8. c Orat. Thess. N. 178. d Orat. Thess.
183. Maxim. Tyr. Dissert. xxix. Plato de Rep.
l. iii. pag. 407. T. 2. ed. H. Steph. Aristides,
Oration. in Asclepiada.

lerunt. Quos tamen Homerus non in pe-
 stilentia, neque in variis generibus mor-
 borum aliquid attulisse auxilii, sed vulne-
 ribus tantummodo ferro & medicamentis
 mederi solitos esse proposuit. Ex quo ap- 5
 405, paret, has partes medicinæ solas ab his ef-
 29. se tentatas, easque esse vetustissimas. Eo-
 demque auctore disci potest, morbos tum
 ad iram deorum immortalium relatos ef-
 se; & ab iisdem opem posci solitam. Ve- 10
 rique simile est, inter non multa auxi-
 lia adversæ valetudinis, plerumque tamen
 eam bonam contigisse ob bonos mores,
 quos neque desidia, neque luxuria vitia-
 rant. Siquidem hæc duo, corpora, prius in 15
 Græcia, & deinde apud nos affligerunt.
 Ideoque multiplex ista medicina, neque
 olim, neque apud alias gentes necessaria,
 vix aliquot ex nobis ad senectutis princi-
 pia perducit. Ergo etiam post eos, de qui- 20
 bus retuli, nulli clari viri medicinam ex-
 ercuerunt; donec majore studio litera-
 rum disciplina agitari cœpit, quæ ut a-
 nimo præcipue omnium necessaria, sic
 corpori inimica est. Primoque medendi 25
 scientia, sapientiæ pars habebatur, ut &
 morborum curatio, & rerum naturæ con-
 templatio sub iisdem auctoribus nata sit:
 21, 30. scilicet his hanc maxime f requirentibus,
 qui corporum suorum robora inquieta 30
 cogitatione, nocturnaue vigilia minue-
 rant. Ideoque multos ex sapientiæ pro-
 fessoribus peritos ejus fuisse accepimus:
 clarissimos vero ex his Pythagoram, &
 Empe-

e Serv. ad Virg. *Æn.* I. 641. *Isid. Orig.* L. XIV.
c. III. p. 1162. *Suidas V.* Ἀβροδία f *Cælius*
Aurelianus. Tard. Pass. l. v. c. 9. *Hippocrat. De-*
monstr. de nat. hom. 13.

Empedoclem, & Democritum. Hujus autem (ut quidam crediderunt) discipulus Hippocrates Cōus, primus quidem ex omnibus memoria dignis, ab studio sapientiae disciplinam hanc separavit, vir & arte & facundia insignis. Post quem Diocles Carystius, deinde Praxagoras & Chrysippus, tum Herophilus & Erasistratus sic artem hanc exercuerunt, ut etiam in diversas curandi vias processerint.

Iisdem temporibus in tres partes medicina diducta est: ut una esset, quæ victu: altera, quæ medicamentis: tertia, quæ manu mederetur. Primam *διατητικὴν*, secundam *φαρμακευτικὴν*, tertiam *χειρουργικὴν* Græci nominaverunt. Ejus autem, quæ victu morbos curat, longe clarissimi auctores etiam altius quædam agitare conati, rerum quoque naturæ g sibi cognitionem vendicaverunt, tanquam sine ea, trunca & debilis medicina esset. Post quos Serapion, primus omnium, nihil hanc rationalem disciplinam pertinere ad medicinam, professus, in usu & experimentis eam posuit. Quem Apollonius, & Glaucias, & aliquanto post Heraclides Tarentinus, & alii quoque non mediocres viri secuti, ex ipsa professione se *ἐμπειρικόν*s appellaverunt. Sic in duas partes ea quoque, quæ victu curat, medicina divisa est, aliis rationalem artem, aliis usum tantum sibi vendicantibus: nullo vero quicquam post eos, qui supra comprehensi sunt, agitante, nisi quod acceperat: donec Asclepiades medendi ratio-

A 2

nem

g De Vet. Med. xxxvi. 18. de Steril. xviii. 1.

11, 7. nem magna ex parte mutavit. Ex cujus
 successoribus Themison nuper ipse quoque
 quædam in senectute deflexit. Et per hos
 quidem maxime viros salutaris ista nobis pro-
 fessio increvit.

Quoniam autem ex tribus medicinæ par-
 tibus, ut difficillima, sic etiam clarissima
 est ea, quæ morbis medetur, ante omnia
 de hac dicendum est. Et, quia prima in
 ea dissensio est, quod alii sibi experimento- 10
 rum tantummodo notitiam necessariam ef-
 se contendunt: alii, nisi corporum rerum-
 que naturalium ratione comperta, non satis
 potentem usum esse proponunt: indicandum
 est, quæ maxime ex utraque parte dicantur, 15
 quo facilius nostra quoque opinio inter-
 poni possit.

Igitur hi, qui rationalem medicinam
 profitentur, hæc necessaria esse proponunt:
 Abditarum & morbos continentium cau- 20
 sarum notitiam, deinde Evidentium, post
 hæc etiam Naturalium actionum, novissi-
 me Partium interiorum. Abditas causas
 vocant, in quibus requiritur, ex quibus
 principiis nostra corpora sint, quid secun- 25
 dam, quid adversam valetudinem faciat.

5, 10. Neque enim credunt, posse eum scire, quo-
 32. modo morbos curare conveniat, qui, un-
 6, 32. de hi sint, *h* ignoret. Neque esse dubium,
 7, 3, 19. quin alia curatione opus sit, si ex quatuor 30
 principiis vel superans aliquid vel deficiens
 adversam valetudinem creat; ut quidam
 ex sapientiæ professoribus dixerunt: alia,
 si in humidis omne vitium est; ut He-

ro-

*h De Flatib. II. 3. 4. Pallad. ad Hippocr.
 Epid. VI. pag. 224.*

rophilo visum est: alia, si in spiritu; ut Hippocrati: alia, si sanguis in eas venas, quæ spiritui accommodatæ sunt, transfunditur, & inflammationem, quam Græci
 5 φλεγμονήν nominant, excitat, eaque inflammatio talem motum efficit, qualis in febre est; ut Erasistrato placuit: alia, si
 manantia corpuscula per invisibilia foramina subsistendo iter claudunt; ut Asclepiades contendit. Eum vero recte curaturum,
 10 quem prima origo causæ non fefellerit. Neque vero inficiantur, experimenta quoque esse necessaria; sed, ne ad hæc quidem aditum fieri potuisse, nisi ab aliqua ratione,
 15 ne, contendunt. Non enim quilibet antiquiores viros ægris inculcasse; sed cogitasse, quid maxime conveniret; & id usu explorasse, ad quod ante conjectura aliqua ducti essent. Neque interesse, an initio ple-
 20 raque explorata sint, si a consilio tamen cœperunt. Et id quidem in multis ita se habere. Sæpe vero etiam nova incidere genera & morborum, in quibus nihil adhuc
 usus ostenderit, ut ideo necessarium sit a-
 25 nimadvertere, unde ea cœperint; ceu sine quo nemo mortalium reperire possit, cur hoc, quam illo, potius utatur. Et ob hæc quidem in obscuro positas causas persequuntur. Evidentes vero has appellant,
 30 in quibus quærunt, initium morbi calor attulerit, an frigus; fames, an satietas; & quæ similia sunt. Occursurum enim initio dicunt eum, qui originem non ignorat.
 Naturales vero corporis actiones

A 3

appel-

i Hippocr. de Art. xx. 4. k Plato de Republ. l. 3. Tom. 2. pag. 405. ed. H. Steph. Lindan. Exercitat. Batav. pag. 754.

appellant, per quas spiritum trahimus & emittimus; cibum potionemque assumimus & concoquimus: itemque, per quas eadem hæc in omnes membrorum partes digeruntur. Tum requirunt etiam, quare venæ nostræ modo submittant se, modo attollant: quæ ratio somni, quæ vigiliæ sit. Sine quorum notitia, neminem putant vel occurrere, vel mederi morbis, intra hæc nascentibus, posse. Ex quibus quia quam maxime pertinere ad rem concoctio videtur, huic potissimum insistent; & duce, alii, Erasistrato ¹, atteri cibum in ventre contendunt: alii, Plistonico Praxagoræ discipulo, putrescere: alii credunt Hippocrati, per calorem cibos concoqui. Acceduntque Asclepiadis æmuli, qui, omnia ista vana & supervacua esse, proponunt. Nihil enim concoqui, sed in crudam materiam, sicut assumpta est, in corpus omne diduci. Et hæc quidem inter eos parum constant. Illud vero convenit, alium dandum cibum laborantibus, si hoc; alium, si illud verum est. Nam si teritur intus, eum quærendum esse, qui facillime teri possit. Si putrescit, eum, in quo hoc expeditissimum est. Si calor concoquit, eum, qui maxime calorem foveat. At nihil ex his esse quærendum, si nihil concoquitur: ea vero sumenda, quæ maxime manent, qualia assumpta sunt. Eademque ratione, cum spiritus gravis est, cum somnus aut vigilia urget, eum mederi posse arbitrantur, qui prius illa ipsa, qualiter eveniant, perceperit. Præter hæc, cum in interiori-

¹ *Macrob. Satur. VII. 15. in Cælius Aurelianus. Acut. Morb. l. I. c. 14.*

rioribus partibus & dolores & morborum
 varia genera nascantur, neminem putant
 his adhibere posse remedia, *n* quas ipse igno- 4, 27.
 ret. Necessarium ergo esse, incidere *o* cor- 13, 4.
 5 pora mortuorum, eorumque viscera atque
 intestina scrutari. Longeque optime fecisse
 Herophilum *p* & Erasistratum, qui nocen-
 tes homines, a regibus ex carcere acceptos,
 vivos inciderint, considerarintque, etiam-
 10 num spiritu remanente, ea, quæ natura ante 11, 12.
 clausisset, eorumque *q* posituram, colorem,
 figuram, magnitudinem, *r* ordinem, duri-
 tiem, mollitiem, lævorem, conflatum:
 processus deinde singulorum & recessus, si-
 15 ve quid inferitur alteri, siue quid partem al-
 terius in se recipit. Neque enim, cum dolor
 intus incidit, scire, quid doleat, eum, qui
 qua parte quodque viscus intestinumve sit,
 non cognoverit. Neque curari id, quod *x*-
 20 grum est, posse ab eo, qui, quid sit, igno-
 ret. Et cum per vulnus alicujus viscera pa-
 tefacta sunt, eum, qui sanæ cujusque colo-
 rem partis ignoret, nescire, quid integrum,
 quid corruptum sit; ideo nec succurrere qui-
 25 dem posse corruptis: aptiusque extrinsecus
 imponi remedia, compertis interiorum &
 sedibus & figuris, cognitaque eorum magni-
 tudine: similesque omnia, quæ proposita
 sunt, rationes habere. Neque esse crudele,
 30 sicut plerique proponunt, hominum nocen-
 tium, & horum quoque paucorum, suppli-
 ciis remedia populis innocentibus seculorum
 omnium quæri.

Contra hi, qui se ἐμπειρικὸς ab experien-

A 4

tia

n De diæt. I. T. 1. Gal. Med. M. l. 2. *o* Cic. T.

Q. 11. 39. *p* Tert. de An. c. x. & xxv. Gal. Adm.

An. 111. 5. *q* Gal. ad Eug. de prop. l. p. 50. T. 1.

r De Vet. Med. xli. 25. seq. A. Tral. vii. 3.

tia nominant, evidentes quidem causas, ut
 necessarias, amplectuntur: obscurarum ve-
 ro causarum & naturalium actionum quæ-
 stionem ideo supervacuam esse contendunt,
 quoniam incomprehensibilis natura sit. Non
 posse vero comprehendere, patere ex eo-
 rum, qui de his disputarunt, discordia:
 cum de ista re, neque inter sapientiæ pro-
 fessores, neque inter ipsos medicos conve-
 niat. Cur enim potius aliquis Hippocrati
 credat, quam Herophilo? cur huic potius,
 quam Asclepiadi? Si rationes sequi velit,
 omnium posse videri non improbabiles: si
 curationes, ab omnibus his ægros perdu-
 ctos esse ad sanitatem. Itaque neque dispu-
 tationi, neque auctoritati cujusquam fi-
 dem derogari oportuisse. Etiam sapientiæ
 studiosos maximos medicos esse, si ratio-
 cinatio hos faceret: nunc illis verba su-
 peresse, deesse medendi scientiam. Differ-
 18, 33. re quoque pro natura locorum, genera
 119, medicina; & aliud opus esse Romæ, a-
 15. liud in Ægypto, aliud in Gallia. Quod si
 morbos hæ causæ facerent, quæ ubique eæ-
 dem essent, remedia quoque ubique eadem
 esse debuisse. Sæpe etiam causas apparere,
 ut puta lippitudinis, vulneris; neque ex his
 patere medicinam. Quod si scientiam hanc
 non subjiciat evidens causa, multo minus
 eam posse subjicere, quæ in dubio est. Cum
 igitur illa incerta incomprehensibilisque sit,
 a certis potius & exploratis petendum es-
 se præsidium; id est, his, quæ experien-
 tia in ipsis curationibus docuerit, sicut
 in

*f. Thessal. orat. 130. Galen. de Simpl. Med. Fa-
 cult. III. 12. Clem. Alex. Strom. l. VI. Valeriol.
 Enarrat. lib. II. Enar. V.*

in cæteris omnibus artibus. Nam nē agricolam quidem aut gubernatorem disputatione, sed usu fieri. Ac, nihil istas cogitationes ad medicinam pertinere, eo quoque disci, quod, qui diversa de his senserint, ad eandem tamen sanitatem homines perduxerint. Id enim fecisse, quia non ab obscuris causis, neque a naturalibus actionibus, quæ apud eos diversæ erant; sed ab experimentis, prout cuique responderant, medendi vias traxerint. Ne inter initia quidem ab istis quæstionibus deductam esse medicinam, sed ab experimentis. 15, 28. Egrorum enim, qui sine medicis erant, 15 alios propter aviditatem primis diebus protinus cibum assumpsisse, alios propter fastidium u abstinuisse, levatumque magis eorum morbum fuisse, qui abstinerant. Itemque alios in ipsa febre aliquid 20 edisse, alios paulo ante eam, alios post remissionem ejus: optime deinde his cessasse, qui post finem febris id fecerant. Eademque ratione alios inter principia protinus usos esse cibo pleniore, alios exiguo; 25 gravioresque eos factos, qui se implerant. Hæc similiaque cum quotidie inciderent, diligentes homines x notasse, quæ plerunque melius responderent: deinde ægrotantibus ea præcipere cœpisse. Sic medicinam ortam, 30 tam, subinde aliorum salute, y aliorum interitu, perniciofa discernentem a salutaribus. Repertis deinde medicinæ remediis, homines de rationibus eorum differere cœpisse: nec post rationem, medicinam esse

t Diod. Sicul. l. 82. u Hippocrat. de Arte T. VI. de Vet. Med. x. 17. x Præcept. II. 26. 27. y Columell. l. I. c. I.

se inventam ; sed post inventam medicinam ,
 rationem esse quæsitam . Requiere etiam ,
 ratio idem doceat , quod experientia , an
 aliud . Si idem , supervacuam esse : si aliud ,
 etiam contrariam . Primo tamen remedia 5
 exploranda summa cura fuisse , nunc vero il-
 la explorata esse : neque ulla aut nova ge-
 nera morborum reperiri , aut novam deside-
 rari medicinam . Quod si jam incidat ma-
 li genus aliquod ignotum , non ideo tamen 10
 fore medico de rebus cogitandum obscuris :
 sed cum protinus visurum , cui morbo id
 proximum sit ; tentaturumque & remedia si-
 milia illis , quæ vicino malo sæpe succur-
 rerint ; & per ejus similitudinem opem re- 15
 perturum . Neque enim se dicere , consilio
 medicum non egere , & irrationabile ani-
 mal hanc artem posse præstare ; sed has la-
 tentium rerum conjecturas ad rem non per-
 tinere , quia non interfit , quid morbum 20
 faciat , sed quid tollat . Neque ad rem per-
 tinere , quomodo , sed quid optime dige-
 ratur : sive hac de causa concoctio interci-
 dat , sive de illa ; & sive concoctio sit il-
 la , sive tantum digestio . Neque quærendum 25
 esse , quomodo spiremus , sed , quid gravem
 tardumque spiritum expediat : neque , quid
 venas moveat ; sed , quid quæque motus
 genera significant . Hæc autem cognosci ex-
 perimentis . Et in omnibus ejusmodi cogi- 30
 tationibus in utramque partem differi pos-
 se . Itaque ingenium & facundiam vince-
 re : morbos autem , non a eloquentia , sed
 remediis curari . Quæ si quis elinguis usu
 discre-

z *Maxim. Tyrius serm. xl.* z *Lucian. Hip-
 pias . pag. 503. Tom. II. ed. Bened.*

discreta bene norit, hunc aliquanto majorem medicum futurum, quam si sine usu linguam suam excoluerit. Atque ea quidem, de quibus est dictum, supervacua esse tantummodo. Id vero, quod restat, etiam crudele; vivorum hominum alvum atque præcordia incidi; & salutis humanæ præsidem artem, non solum pestem alicui, sed hanc etiam atrocissimam inferre: cum præfertim ex his, quæ tanta violentia quærantur, alia non possint omnino cognosci, alia possint etiam sine scelere. Nam colorem, lævorem, mollitiem, duritiem, similiaque omnia, non esse talia, inciso corpore, qualia integro fuerint. Tum quia, corporibus inviolatis, hæc tamen metu, dolore, inedia, cruditate, lassitudine, & mille aliis mediocribus ^b affectibus sæpe mutantur. Unde multo magis verisimile, interiora, quibus major mollities & lux ipsa nova est, sub gravissimis vulneribus & ipsa trucidatione mutari. Neque quicquam esse stultius, ^c quam quale quid vivo homine est, tale existimare esse moriente, imo jam mortuo. Nam ne uterum quidem, ut nihilominus aerem contineat, spirante homine posse diduci: simulatque vero ferrum ad præcordia accessit, & discissum transversum septum est, quod membrana quadam superiores partes ab inferioribus diducit (*διάσπαγμα* Græci vocant) hominem protinus animam amittere: itaque demum mortui præcordia & viscus omne in conspectum latrocinantis medici dari: quod

neces-

^b Quintil. declam. VIII. pag. 116. ed. Gron.

^c Aristot. Hist. Anim. III. 2.

neceſſe ſit tale eſſe, quale mortui ſit, non
quale vivi fuit. Itaque conſequi medicum,
ut hominem crudeliter jugulet; non ut
ſciat, qualia vivi viſcera habeamus. Si quid
tamen ſit, quod adhuc ſpirante homine
conſpectui ſubjiciatur; id ſæpe caſum of-
ferre curantibus. Interdum enim gladia-
torem in arena, vel militem in acie, vel
viatorem a latronibus exceptum ſic vulne-
rari, ut ejus interior aliqua pars, & in alio
alia, aperiatur; atque ita ſedem, poſitum,
ordinem, figuram, ſimiliaque cognoscere
7, 12. prudentem medicum, non cædem, ſed ſa-
20, 7. nitatem molientem; idque per miſericor-
diam diſcere, quod alii dira crudelitate co-
gnoverint. Ob hæc, ne mortuorum quidem
lacerationem neceſſariam eſſe. Quæ, etſi
non crudelis, tamen fœda ſit, cum aliter
pleraque in mortuis ſe habeant: quantum
vero in vivis cognofci poteſt, ipſa curatio
oſtendat.

Cum hæc per multa volumina, perque
magnæ contentionis diſputationes a medi-
cis ſæpe tractata ſint atque tractentur: ſub-
jiciendum eſt, quæ proxima vero videri
poſſint, neque addicta alterutri opinioni,
neque ab utraque nimium abhorrentia,
ſed media quodammodo inter diverſas ſen-
tentias. Quod in plurimis contentioni-
bus deprehendere licet, ſine ambitione ve-
rum ſcrutantibus, perinde ut in hac ipſa
re. Nam quæ demum cauſæ, vel ſecun-
dam valetudinem præſtent, vel morbos ex-
citent; quomodo ſpiritus, aut cibus,
vel

vel deferatur, vel digeratur, ne sapientia
quidem professores scientia comprehendunt,
sed conjectura prosequuntur. Cujus autem
rei non est certa notitia, ejus opinio cer- 5, 33.
tum reperire remedium non potest. Ve-
rumque est, ad ipsam curandi rationem
nihil plus conferre, quam experientiam.
Quamquam igitur multa sint, ad ipsas artes
proprie & non pertinentia, tamen eas adju-
vant, excitando artificis ingenium. Itaque
ista quoque naturæ rerum contemplatio, 406,
quamvis non faciat medicum, aptiorem ta- 29.
men medicinæ reddit. Profecto verisimile
est, & Hippocratem & Erasistratum & qui-
cunque alii, non contenti febres & ulcera
agitare †, rerum quoque naturam ex ali-
qua parte scrutati sunt, non ideo quidem
medicos fuisse, verum ideo quoque majores
medicos extitisse. Ratione vero opus
est ipsi medicinæ, si non semper inter ob-
scuras causas, neque inter naturales actio-
nes, tamen sæpe. Est enim hæc ars e con- 57, 16.
jecturalis, neque respondet ei plerumque
non solum conjectura, sed etiam experien-
tia. Et interdum non febris, non cibus,
non somnus subsequitur, sicut assuevit.
Rarius, sed aliquando morbus quoque ipse 5, 22.
novus est: quem non incidere, manifeste
falsum est; cum ætate nostra quædam, ex
naturalibus partibus carne prolapsa & aren-
te, intra paucas horas expiraverit; sic ut
nobilissimi medici neque genus mali, ne-
que remedium invenerint. Quos ideo nihil
tentasse judico, quia nemo in splendida
perfo-

d *Augustin. de Doctr. Chr.* II. 39. *Hippocrat. Epist. ad Thessal. fil. De decent. Ornat. T. I. II. III.*
† i.e. tradere. e *Hip. Cratev. ep. 7. Plato de leg.*
XIII. p. 976. T. 2. *Arist. Or. Plat. I. p. 364.*

persona periclitari conjectura sua voluerit ;
283, 5. ne occidisse , nisi servasset , videretur . Veri-
tamen simile est , potuisse aliquid excogi-
tare , detracta tali verecundia , & fortasse
responsurum fuisse id , quod aliquis esset 5
expertus . Ad quod medicinæ genus , ne-
que semper similitudo aliquid confert ; &
si quando confert , tamen idipsum rationa-
bile est , inter multa similia genera , & mor-
borum & remediorum , cogitare , quo po- 10
tissimum medicamento sit utendum . Cum
igitur talis res incidit , medicus aliquid
oportet inveniat , quod non ubique for-
tasse , sed sæpius tamen etiam respondeat .
Petet autem novum quoque consilium , non 15
ab rebus latentibus (istæ enim dubiæ &
incertæ sunt) sed ab his , quæ explorari
possunt ; id est , evidentibus causis . Inter-
est enim , fatigatio morbum , an sitis ; an
frigus , an calor ; an vigilia , an fames fe- 20
cerit ; an cibi vinique abundantia , an in-
temperantia libidinis . Neque ignorare hunc
27, 33. oportet , quæ sit ægri natura : humidum
magis , an magis siccum corpus ejus sit :
validi nervi , an infirmi : frequens adversa 25
valetudo , an rara : eaque , cum est , vehe-
mens esse soleat , an levis ; brevis , an longa :
quod is vitæ genus sit secutus ; laboriosum ,
an quietum ; cum luxu , an cum frugalitate .
Ex his enim , similibusque , sæpe curandi 30
nova ratio ducenda est . Quamvis ne hæc
quidem sic præteriri debent , quasi nullam
controversiam recipiant . Nam & Erasistra-
stus non ex his fieri morbos dixit ; quo-
niam

niam & alii, & iidem alias post ista non febricitarent.

Et quidam Methodici seculi nostri, sub auctore (ut ipsi videri volunt) Themisone contendunt, nullius causæ notitiam quicquam ad curationes pertinere: satisque esse, quædam communia morborum intueri. Et quidem horum tria genera esse, unum adstrictum, alterum fluens, tertium mixtum. Nam modo parum excernere ægros, modo nimium: modo alia parte parum, alia nimium. Hæc autem genera morborum, modo acuta esse, modo longa; & modo increfcere, modo consistere, modo minui consuevisse. Cognito igitur eo, quod ex his est, si corpus adstrictum est, digerendum esse: si profluvio laborat, continendum: si mixtum vitium habet, occurrendum subinde vehementiori malo. Et aliter acutis morbis medendum, aliter vetustis: aliter incrementibus, aliter subsistentibus, aliter jam ad sanitatem inclinantibus. Horum observationem medicinam esse. quam ita finiant, ut quasi viam quandam, quam μέθοδος Græci nominant, eorumque, quæ in morbis communia sunt, contemplatricem esse contendunt. Ac neque rationalibus se, neque experimenta tantum spectantibus annumerari volunt: cum ab illis eo nomine dissentiant, quod in conjectura rerum latentium nolunt esse medicinam: ab his eo, quod parum artis esse in observatione experimentorum credunt. Quod ad Erasistratum pertinet, primum, ipsa evidentia ejus
opini-

opinionī repugnat; quia raro, nisi post horum aliquid, morbus venit. Deinde non sequitur, ut quod alium non afficit, aut eundem alias, id ne alteri quidem, aut eodem tempore alio noceat. Possunt enim quædam subesse corpori, vel ex infirmitate ejus, vel ex aliquo affectu, quæ vel in alio non sunt, vel in hoc alias non fuerunt, eaque per se non tanta, ut concitent morbum; tamen obnoxium magis aliis in-
 13, 11. juriis corpus efficiant. Quod si contemplationem rerum naturæ f (quam non temere Medici sibi vendicant) satis comprehendisset, etiam illud scisset, nihil omnino ob unam causam fieri, sed id pro causa apprehendi, quod contulisse plurimum videtur. Potest autem id, dum solum est, non movere, quod junctum aliis maxime movet. Accedit ad hæc, quod ne ipse quidem Erasistratus, qui transfuso in arterias sanguine febrem fieri dicit, idque nimis repleto corpore incidere, reperit, cur ex duobus æque repletis, alter in morbum inciderit, alter omni periculo vacarit; quod quotidie fieri apparet. Ex quo disci potest, ut vera sit illa transfusio, tamen illam non per se, cum plenum corpus est, fieri; sed cum horum aliquid accesserit.

Themisonis vero æmuli, si perpetua, quæ † promittunt, habent, magis etiam, quam illi rationales sunt. Neque enim, si quis non omnia tenet, quæ rationalis alius probat, protinus alio novo nomine artis indiget: si modo, quod primum est, non

me-

f *De Vet. Med.* xxxvi. 18. † *Horat. Epist.* i. lib. 2. Quod medicorum est, promittunt medici.

memoriæ soli, sed rationi quoque infistit. Sin, quod vero propius est; vix ulla † per- 119,
petua præcepta medicinalis ars recipit, iidem 25.
sunt, quod ii, quos experimenta sola susti-
5 nent: eo magis, quoniam, si compresserit
aliquem morbus, aut fuderit, quilibet e-
tiam imperitissimus videt. Quid autem com-
pressum corpus resolvat, quid solutum te-
neat, si a ratione tractum est, Rationalis
10 est medicus: sin, ut ei, qui se rationalem
negat, confiteri necesse est, ab experientia,
Empiricus. Et ita apud eum morbi cogni-
tio extra artem, medicina intra usum est.
Neque adjectum quicquam Empiricorum pro-
15 fessione, sed demtum est; quoniam illi mul-
ta circumspiciunt, hi tantum facillima, &
non plus, quam vulgaria. Nam & hi, qui
pecoribus ac jumentis medentur, cum pro-
pria cujusque ex mutis animalibus nosse
20 non possint, communibus tantummodo in-
sistunt. Et exteræ gentes, cum subtilem
medicinæ rationem non noverint, com-
munia tantum vident. Et qui ample va-
letudinarios nutriunt, quia singulis sum-
25 ma cura consulere non sustinent, ad com-
munia ista confugiunt. Neque, hercules,
istud antiqui medici nescierunt, sed his
contenti non fuerunt. Ergo etiam vetustis-
simus auctor Hippocrates dixit g mederi 19, 20.
30 oportere, & communia, & propria intuen- 18, 10.
tem. Ac ne isti quidem ipsi intra suam 96, 15.
professionem consistere ullo modo possunt.
Siquidem & compressorum & fluentium
morborum genera diversa sunt; facilius-

B

que

† De Loc. in Homin. T. L. 2. g Epidem. 1.
5. & III. 2.

que id in his, quæ fluunt, inspicere potest. Aliud est enim sanguinem, aliud bilem, aliud cibum vomere: aliud dejectionibus, aliud torminibus laborare: aliud sudore digeri, aliud tabe consumi. Atque in partes quoque humor erumpit, ut oculos, auresque: quo periculo nullum humanum membrum vacat. Nihil autem horum sic, ut aliud curatur. Ita protinus in his a communi fluentis morbi contemplatione ad propriam medicina descendit. Atque in hac quoque rursus alia proprietatis notitia sæpe necessaria est; quia non eadem omnibus, etiam in similibus casibus, opitulantur. Siquidem certæ quædam res sunt, quæ in pluribus ventrem aut astringunt, aut resolvunt. Inveniuntur tamen, in quibus aliter, atque in cæteris, idem eveniat. In his ergo communium inspectio contraria est, priorum tantum salutaris. Et causæ quoque æstimatio sæpe morbum solvit. Ergo etiam ingeniosissimus seculi nostri medicus, quem nuper vidimus, Cassius, febricitanti cuidam & magna siti affecto, cum post ebrietatem eum premi cœpisse cognosceret, aquam frigidam ingessit. Qua ille epota, cum vini vim miscendo fregisset, protinus febrem somno & sudore discussit. Quod auxilium medicus opportune providit, non ex eo, quod aut strictum corpus erat, aut fluebat; sed ex causa, quæ ante præcesserat. Estque etiam proprium aliquid *h* & loci & temporis, istis quoque auctoribus. Qui, cum disputant, quem-

h Apher. 1. 2. Orat. Thess. filii. 130.

quemadmodum sanis hominibus agendum sit, præcipiunt, ut gravibus aut locis aut temporibus magis vitetur frigus, æstus, fatietas, labor, libido; magisque ut conquiescat iisdem aut locis aut temporibus, si quis gravitatem corporis sentit; ac neque vomitu stomachum, neque purgatione alvum sollicitet. Quæ vera quidem sunt; a communibus tamen ad quædam propria descendunt. Nisi persuadere nobis volunt, sanis quidem considerandum esse, quod cœlum, quod tempus anni sit: ægris vero non esse. Quibus tanto magis omnis observatio necessaria est, quanto magis obnoxia offensis infirmitas est. Quinetiam morborum in iisdem hominibus aliæ atque aliæ proprietates sunt: & qui secundis aliquando frustra curatus est, contrariis sæpe restituitur. 405, 16. Plurimaque in dando cibo discrimina reperiuntur: ex quibus contentus uno ero. Nam famem facilius fert *k* adolescens, quam 32, 25. puer: facilius in denso cœlo, quam in tenui: facilius hieme, quam æstate: facilius uno cibo, quam prandio quoque assuetus: 33, 7. 25 inexercitatus, quam exercitatus homo. Sæpe autem in eo magis necessaria cibi festinatio est, qui minus inediam tolerat. Ob quæ conjicio, eum, qui propria non novit, 17, 30. communia tantum intueri debere: eumque, 30 qui nosse propria potest, illa quidem non oportere negligere, sed his quoque insistere. Ideoque, cum par scientia sit, utiliorem tamen medicum esse *l* amicum, quam extraneum. Igitur, ut ad propositum meum red-

B 2

eam

i Aphor. 11.22. *k* Aphor. 1.13. *l* Plant. Pers. IV. 4. 46. Hippocrar. Dionys. 29. 30. 31.

eam , rationalem quidem puto medicinam
 esse debere : instrui vero ab evidentibus cau-
 sis ; obscuris omnibus , non a cogitatione
 artificis , sed ab ipsa arte rejectis . Incide-
 re autem vivorum corpora , & crudele , & 5
 supervacuum est : mortuorum vero , in di-
 12, 11. scuntibus necessarium . Nam positum & or-
 dinem nosse debent . Quæ cadavera melius ,
 quam vivus & vulneratus homo , repræsen-
 tant . Sed & cætera , quæ in vivis cognosci 10
 modo possunt , in ipsis curationibus vulne-
 ratorum paulo tardius , sed aliquanto mi-
 tius usus ipse monstrabit . His propositis ,
 primum dicam , quemadmodum Sanos agere
 conveniat : tum ad ea transibo , quæ ad 15
 Morbos & curationes eorum pertinebunt .

C A P U T I.

Quemadmodum sanos agere conveniat .

20
SA N U S homo , qui & bene valet , &
 suæ spontis est , nullis obligare se legi-
 bus debet ; ac neque medico , neque iatro-
 alipta egere . Hunc oportet a varium habere
 vitæ genus : modo ruri esse , modo in urbe , 25
 sæpiusque in agro : navigare , venari , quie-
 scere interdum , sed frequenter se exercere .
 28, 12. Siquidem ignavia b corpus hebetat , labor
 firmat . illa maturam senectutem , hic lon-
 gam adolescentiam reddit . Prodest etiam 30
 interdum balneo , interdum aquis frigidis
 uti : modo ungi , modo idipsum negligere :
 nullum cibi genus fugere , quo populus
 utatur : interdum in convictu esse , inter-
 dum

m Cicero A. Qu. II. 39. a Cel. Aur. de Morb.
 Acut. I. 14. b De Dieta l. I. T. I. 18. l. II. T. xxx-
 VII. 13. & 28. 1. Off. Med. XII. 4. Dion. Chrys. Or.
 I. p. 5. ed. Cas. Pallad. ad Hipp. l. 6. Epid. p. 252.

dum ab eo se retrahere: modo plus iusto,
modo non amplius assumere: * bis die po- 33, 29.
tius, quam semel cibum capere: & † sem-
per quam plurimum, dummodo hunc conco-
quat. Sed ut hujus generis exercitationes
eibique necessarii sunt; sic athletici super-
vacui. Nam & intermissus propter aliquas
civiles necessitates ordo exercitationis cor-
pus affligit: & ea corpora, quæ more eo-
rum repleta sunt, celerrime & senescunt, &
ægotant.

De Concubitu.

Concubitus vero neque nimis concupiscen-
dus, neque nimis pertimescendus est. Ra-
15 rus, corpus excitat; frequens, d solvit.
Cum autem frequens, non numero sit, sed
natura, ratione ætatis, & corporis, scire li-
cet, eum non inutilem esse, quem corpo-
ris neque languor, neque dolor sequitur.
20 Idem interdiu peior est, tutior noctu: ita
tamen, si neque illum cibus, neque hunc cum
vigilia labor statim sequitur. Hæc firmis
servanda sunt: cavendumque, ne in secun-
da valetudine adversæ præsidia consuman-
25 tur.

CAP. II.

Quæ imbecillis servanda sint.

30 **A**T imbecillis (quo in numero magna
pars urbanorum, omnesque pene cu-
pidi literarum a sunt) observatio major ne- 2, 29.
cessaria est: ut, quod vel corporis, vel
loci, vel studii ratio detrahit, cura re-
stituat.

B 3

* Vide Nonn. de Re Cibar. l. i. c. 4. c De Vet.
Med. xviii. † Casaub. in Athen. ii. 8. d De
Gen. i. 5. ii. Præd. viii. 15. 16. a Nazianz.
Orat. Funeb. in Basil. Magn.

stituat. Ex his igitur, qui bene concoxit, mane tuto surget: qui parum, quiescere debet; &, si mane surgendi necessitas fuerit, redormire. Qui non concoxit, ex toto con-
 25, 21. quiescere, ac neque labori se, neque exer- 5
 24, 8. citationi, neque negotio credere. Qui cru-
 14. dum sine præcordiorum dolore ructat, is
 37, 19. ex intervallo aquam frigidam bibere, & se
 nihilominus continere. Habitare vero ædi-
 ficio lucido, perflatum æstivum, hibernum 10
 solem habente: cavere meridianum *b* so-
 lem, matutinum & vespertinum frigus;
 itemque auras fluminum atque stagnorum;
 minimeque nubilo cælo, soli aperienti se
 committere, ne modo *c* frigus, modo calor 15
 moveat: quæ res maxime gravedines de-
 stillationesque concitat. Magis vero gra-
 vibus locis ista servanda sunt, in quibus
 etiam pestilentiam faciunt. Scire autem
 40, 17. licet, integrum *d* corpus esse, cum quotidie 20
 mane urina alba, dein rufa est. Illud con-
 coquere, hoc concoxisse significat. Ubi ex-
 perrectus est aliquis, paulum intermittere:
 36, 11. deinde, nisi hiems est, fovere os multa 25
 aqua frigida debet. Longis diebus meri-
 diari potius ante cibum; sin minus, post
 eum. Per hiemem potissimum totis nocti-
 bus conquiescere. Sin lucubrandum est,
 37, 19. non post cibum id facere, sed post conco-
 ctionem. Quem interdium vel domestica, 30
 vel civilia officia tenuerunt, huic tempus
 aliquod servandum curationi corporis sui
 est. Prima autem ejus curatio, exercitatio
 est. quæ semper antecedere cibum debet:

in

*b De Dieta. III. x. 6. 7. 8. c Aphor. III. I.
 Epidem. VI. 4. 41. d Plin. XXVIII. 6.*

in eo, qui minus laboravit, & benè con-
 coxit, remissior: in eo, qui assuetus est, &
 minus concoxit, amplior. Commode vero
 exercent, clara lectio, arma, pila, cursus, 38, 26.
 5 ambulatio. atque hæc non utique plana,
 commodior est: siquidem melius ascensus
 quoque & descensus, cum quadam varie-
 tate corpus moveat; nisi tamen id perquam
 imbecillum est. Melior autem est sub divo,
 10 quam in porticu: melior, si caput patitur,
 in sole, quam in umbra: melior in umbra,
 quam parietes aut viridaria efficiunt, quam
 quæ tecto subest: melior recta, quam fle-
 xuosa. Exercitationis autem plerumque fi-
 15 nis esse debet & sudor, aut certe lassitudo,
 quæ citra fatigationem sit: idque ipsum,
 modo minus, modo magis faciendum est.
 Ac ne his quidem, athletarum exemplo,
 vel certa esse lex, vel immodicus esse labor
 20 debet. Exercitationem recte sequitur, mo-
 do unctio, vel in sole, vel ad ignem; mo-
 do balneum, sed in conclavi quam maxime
 & alto & lucido & spaciofo. Ex his vero
 neutrum semper fieri oportet; sed sæpius
 25 alterutrum, pro corporis natura. Post hæc
 paulum conquiescere opus est. Ubi ad ci-
 bum ventum est, nunquam f utilis est ni- 24, 33.
 mia satietas: sæpe inutilis nimia abstinentia:
 sæpe, si qua intemperantia subest, tutior est
 30 in potione, quam in esca. Cibus a falsamen-
 tis, oleribus, similibusque rebus melius in-
 cipit. Tum caro assumenda est, quæ assa
 optima, aut elixa est. * Conditæ omnia dua-
 bus de causis inutilia sunt, quoniam & plus

B 4

pro-

e *Epid.* vi. 3. 13. f *Aph.* ii. 51. *Vet. Med.* xv.
 10. 15. *Tert. carm. ad Sen. Leon. Imp. nov. Const.*
 i. *Arist. de Mor.* ii. 2. * *Salmas. ad Simpli-*
cium p. 21. 22.

propter dulcedinem assumitur, & quod modo par est, tamen ægrius concoquitur. Secunda mensa bono stomacho nihil nocet, in imbecillo coacescit. Si quis itaque hoc parum valet, palmulas, pomæque, & similia melius primo cibo assumit. Post multas potiones, quæ aliquantum frim excesserunt, nihil edendum est: post satietatem, nihil agendum. Ubi expletus est aliquis, facilius concoquit, si, quicquid assumpsit, potionem aquæ frigidæ includit, tum paulisper invigilat, deinde bene dormit. Si quis interdium se implevit, post cibum neque frigori, neque æstui, neque labori se debet committere. Neque enim tam facile hæc inani corpore, quam repleto nocent. Si quibus de causis futura inedia est, labor omnis vitandus est.

CAP. III.

Observationes quedam, prout res novæ incidunt, & corporum genera, & sexus, & ætates, & tempora anni sunt.

ATQUE hæc quidem pene perpetua sunt: quasdam tamen observationes desiderant & novæ res, & corporum genera, & sexus, & ætates, & tempora anni. Nam neque ex salubri loco in gravem, neque ex gravi in salubrem transitus fatis tutus est. Ex salubri in gravem, prima hieme: ex gravi in eum, qui salubris est, prima æstate transire melius est. Neque vero ex multa fame nimia & satietas: neque ex nimia satietate fames idonea est.

Peri-

g Aphor. I. 16. a Aphor. II. 16.

Periclitaturque & , qui semel , & , qui bis
 die cibum incontinenter , contra consuetudi-
 nem , assumit . Item , neque ex nimio labore
 subitum ocium , neque ex nimio ocio subi-
 5 tus labor , sine gravi noxa est . Ergo , cum
 quis mutare aliquid volet , paulatim debe-
 bit *b* assuescere . Omnem etiam *c* laborem
 facilius vel puer vel senex , quam infuetus
 homo sustinet . Atque ideo quoque nimis
 10 ociosa vita utilis non est ; quia potest inci-
 dere laboris necessitas . Si quando tamen
 infuetus aliquis laboravit , aut multo plus ,
 quam solet , etiam is qui assuevit , huic jeju-
 no dormiendum est : multo magis , si etiam
 15 os amarum est , vel oculi caligant , aut ven-
 ter perturbatur . Tum enim non dormien-
 dum tantummodo jejuno est , sed etiam in
 posterum diem ita permanendum , nisi cito
 id quies sustulit . Quod si factum est , sur-
 20 gere oportet , & lente paululum ambulare .
 At si somni necessitas non fuit , quia modice 22 , 3.
 magis aliquis laboravit , tamen ingredi ali-
 quantum eodem modo debet .

Communia deinde omnibus sunt post fa-
 25 tigationem cibum sumpturis , ubi paulum
 ambulaverunt , si balneum non est , cali-
 do loco , vel in sole , vel ad ignem ungi ,
 atque sudare : si est , ante omnia in tepida-
 rio residere : deinde , ubi paulum conquie-
 30 runt , intrare & descendere in † solium ; tum
 multo oleo ungi , leniterque perfricari ; ite-
 rum in solium descendere : post hæc , os
 aqua calida fovere , deinde frigida . Bal-
 neum his fervens idoneum non est . Ergo si
 nimium

b Aphor. II. 50. II. De Diet. XLIV. 2. 3.

c Aph. II, 49. † Alveum A. ad Heren. lib. IV. 10.

nimium alicui fatigato pene febris est, huic
 abunde est, loco tepido demittere se ingui-
 nibus tenus in aquam calidam, cui paulum
 olei adjectum sit: deinde totum quidem
 corpus, maxime tamen eas partes, quæ in
 aqua fuerunt, leniter perfricare ex oleo,
 cui vinum & paulum contriti salis sit adje-
 ctum. Post hæc, omnibus fatigatis aptum
 est, cibum sumere, eoque humido uti; a-
 qua, vel certe diluta potione esse conten-
 tos; maximeque ea, quæ moveat urinam.
 Illud quoque nosse oportet, quod ex labo-
 209, re sudanti frigida potio perniciosissima est:
 19. atque etiam, cum sudor se remisit, itinere
 fatigatis inutilis. A balneo quoque venien-
 tibus Asclepiades inutilem eam judicavit.
 Quod in his verum est, quibus alvus facile,
 nec tuto, resolvitur, quique facile inhor-
 rescunt: perpetuum in omnibus non est,
 cum potius naturale sit, potione æstuan-
 tem stomachum refrigerari, frigentem ca-
 lesieri. Quod ita præcipio, ut tamen fa-
 tear, ne ex hac quidem causa sudanti ad-
 huc frigidam bibendam esse. Solet etiam
 prodesse, post varium cibum, frequentesque
 dilutas potiones, vomitus, & postero die
 longa quies, deinde modica exercitatio. Si
 assidua oscitatio urget, invicem modo aqua,
 modo vinum bibendum est, raroque balneo
 utendum. Levatque lassitudinem etiam la-
 30 boris mutatio: eumque, quem novum ge-
 nus cujusdam laboris pressit, id, quod in
 consuetudine est, reficit. Fatigato quoti-
 dianum cubile tutissimum est: insolitum

ibile

con-

d. Apher. II. 48.

contra ; lassat . Quod enim contra se con-
suetudinem est , nocet , seu molle , seu du-
rum est .

Proprie quædam ad eum pertinent , qui
5 ambulando fatigatur . Hunc reficit in ipso
quoque itinere frequens frictio : post iter,
primum sedile , deinde unctio ; tum calida
aqua aut balneo magis inferiores partes ,
quam superiores foveat . Si quis vero exustus
10 in sole est , huic in balneum protinus eun-
dum est , perfundendumque oleo corpus &
caput : deinde in solium bene calidum de-
scendendum est , tum multa aqua per caput
infundenda , prius calida , deinde frigida est .
15 At ei , qui perfrixit , opus est in laconico
primum involuto sedere , donec insudet ;
tum ungi ; deinde lavari : cibum modicum ,
potiones meracas assumere .

Is vero , qui navigavit , & nausea pressus
20 est , si multam bilem evomuit , vel abstinere
cibo debet , vel paulum aliquid assumere .
Si pituitam acidam effudit , utique sume-
re cibum , sed assueto leviozem : si sine vo-
mitu nauseavit , vel abstinere , vel post ci-
25 bum vomere . Qui vero toto die , vel in ve-
hiculo , vel in spectaculis sedit , huic nihil
currendum , sed lente ambulandum est .
Lenta quoque in balneo mora , dein cœna
exigua prodesse consueverunt . Si quis in
30 balneo æstuat , reficit hunc ore exceptum ,
& in eo retentum acetum : si id non est ,
eodem modo frigida aqua assumpta . Ante
omnia autem scire convenit f naturam cor-
poris : quia alii graciles , alii obesi sunt ; alii
calidi

calidi; alii frigidiores; alii humidi; alii
 sicciores; alios adstricta, alios resoluta al-
 vus exercet. Raro quisquam non aliquam
 partem corporis imbecillam habet. Tenuis
 vero homo implere se debet, plenus exte- 5
 nuare, calidus refrigerare, frigidus calefa-
 cere, madens siccare, siccus madefacere.
 itemque alvum firmare is, cui fusa: solvere
 is, cui adstricta est. Succurrendumque sem- 10
 per parti maxime laboranti est.

De causis quæ implent corpus.

20, 28. Implet autem corpus modica g exercita-
 tio, frequentior quies, unctio, &, si post
 prandium est, balneum, contracta alvus,
 modicum frigus hieme, somnus plenus & 15
 non multum nimis longus, molle cubile,
 animi securitas, assumpta per cibos & po-
 tiones maxime dulcia & pingua, frequen-
 tior cibus, &, quantum plenissime potest
 digerere. 20

De his, quæ extenuant corpus.

40, 6. Extenuat corpus aqua calida, si quis in
 eam descendit, magisque si falsa est: in je-
 juno balneum, inurens sol, & omnis ca-
 lor, cura, vigilia, somnus nimium vel bre- 25
 vis vel longus: lectus, per æstatem, terra;
 hieme, durum cubile: cursus, multa am-
 bulatio, omnisque vehemens exercitatio, vo-
 mitus, dejectio, acidæ res & austæræ, &
 semel in die assumptæ epulæ, & vini non 30
 perfrigidi potio jejuno in consuetudinem ad-
 ducta.

Cum vero inter extenuantia posuerim
 vomitum & dejectionem, de his quoque
 pro-

g Cassiodor. Variar. I. Ep. 39.

propria quædam dicenda sunt. Reiectum
 esse ab Asclepiade vomitum *h* in eo volu-
 mine, quod de tuenda sanitate composuit,
 video: neque reprehendo, si offensus eorum
 5 est consuetudine, qui quotidie ejiciendo vo-
 randi facultatem moliuntur. Paulo etiam
 longius processit. Idem purgationes *i* quo- 85, 7.
 que eodem volumine expulit. Et sunt hæc 118,
 perniciosæ, si nimis valentibus medicamen- 10.
 10 tis fiunt. Sed hæc tamen submovenda es-
 se, non est perpetuum: quia corporum tem-
 porumque ratio potest ea facere necessaria,
 dum & modo, & non nisi cum opus est,
 adhibeantur. Ergo ille quoque ipse, si quid 31, 14.
 15 jam corruptum esset, expelli debere confes-
 sus est. Ita non ex toto res condemnanda
 est. Sed esse ejus etiam plures causæ pos-
 sunt: estque in ea quædam paulo subtilior
 observatio adhibenda.

20 *De Vomitu.* 87.

Vomitus utilior est *k* hieme, quam æ-
 state. nam tum & pituitæ plus, & capitis
 gravitas major subest. † Inutilis est gracili-
 bus, & imbecillum stomachum habentibus:
 25 utilis vero plenis & biliosis omnibus, si vel
 nimium se replerunt, vel parum concoxe-
 runt. Nam, si plus est, quam quod con-
 coqui possit, periclitari, ne corrumpatur,
 non oportet: si jam corruptum est, nihil
 30 commodius est, quam id, qua via *l* pri-
 mum expelli potest, ejicere. * Itaque, ubi
 amari ructus cum dolore & gravitate præcor-
 diorum sunt, ad hunc protinus confugiendum
 est. Idem prodest ei, cui pectus *m* æstuat,

&

h Plin. L. xxvi. 3. *i* Scribon. Larg. Epist. ad
 Callist. *k* De Salubr. Diet. vi. 2. 3. 4. † Aph.
 iv. 6. *l* De loc. in Hom. L. v. 11. 12. *m* Soran.
 Ephes. Isagog. c. 7. * Aph. iv. 17.

& frequens saliva, vel nausea est; aut sonant aures, aut madent oculi, aut *n* os amarum est. Similiterque ei, qui vel cœlum, vel locum mutat; hisque, quibus, si per plures dies non vomuerunt, dolor præcordia infestat. Neque ignoro, inter hæc præcipi quietem. quæ non semper contingere potest agendi necessitatem habentibus: nec in omnibus idem facit. Itaque istud luxuriæ causa fieri non oportere confiteor: interdum valetudinis causa recte fieri, experimentis credo. Commoneo tamen, ne quis, qui valere & senescere volet, hoc quotidianum habeat. Qui vomere post cibum volet, si ex facili facit, aquam tantum tepidam ante debet assumere; si difficilius, aquæ vel salis, vel mellis paulum ad-
 15
 jicere. At, qui mane vomiturus est, ante bibere mulsum, vel hyssopum esse, aut oradiculam debet; deinde aquam tepidam, ut
 20
 supra scriptum est, bibere. Cætera, quæ antiqui medici præceperunt, stomachum omnia infestant. Post vomitum, si stomachus infirmus est, paulum cibi, sed hujus idonei, gustandum; & aquæ frigidæ cyathi
 25
 tres bibendi sunt, siquidem vomitus fauces exasperavit. Qui vomuit, si mane id fecit, ambulare debet, tum ungi, deinde cœnare: si post cœnam, postero die lavari, & in balneo sudare. Huic proximus cibus
 30
 mediocris utilior est: isque esse debet cum pane hesterno, vino austero meraco, & carne assa, cibisque omnibus quam siccissimis. Qui vomere bis in mense vult, me-
 lius

n Aphor. IV. 17. Coac. Prænot. 200. o Soran. Ephes. I. Isag. c. VII.

lius consulet, si biduo *p* continuarit, quam si post quintumdecimum diem vomuerit; nisi hæc mora gravitatem pectori faciet.

De Dejectionibus.

5 Dejectio autem a medicamento quoque petenda est, ubi venter suppressus parum reddit, ex eoque inflationes, caligines, capitis dolores, aliaque superioris partis mala increpant. Quid enim inter hæc adjuvare
10 possunt quies & inedia, per quæ illa maxime eveniunt? Qui deicere volet, primum cibis vinisque utatur his, quæ hoc præstant. Dehinc, si parum illa proficiunt, aloenumat. Sed purgationes quoque, ut 29, 4.
15 interdum necessariae sunt, sic, ubi frequentes sunt, periculum afferunt. Assuescit enim non ali corpus; & ob hoc infirmum erit; cum omnibus morbis obnoxia maxime infirmitas sit.

20 *De his, quæ calefaciunt, & refrigerant corpus.* p. 105.

Calefaciunt unctio, aqua q̄ salsa, magisque si calida est; omnia falsa, vinum austerrum. Contra *r* refrigerant, in jejuno, amara, carnosa; si post cibum est, balneum, & somnus, nisi nimis longus est; & omnia acida; aqua quam frigidissima; oleum, si aqua miscetur; & lotus

De his, quæ humidant, & siccant.

30 Humidant autem corpus labor minor, quam ex consuetudine, frequens balneum, cibus plenior, multa potio; post hanc, ambulatio, & † vigilia. Per se quoque ambulatio multa & vehemens, & matutinae exerci-
tationi

p *De Salubri Diet.* T. VII. 13. q *II. De Diet.* xxxv. 4. r *De Dieta* xxxv. 7. † *Siccare*, ait Galenus *M. Med.* c. 7.

tationi non protinus cibus adjectus; ea genera escæ, quæ veniunt ex locis frigidis, & pluviis, & riguis. Contra siccant immodica exercitatio, fames, unctio, si ne aqua calor, sal immodicus, frigida aqua, cibus exercitationi statim subjectus, & is ipse ex siccis & æstuosis locis veniens.

De his, quæ alvum adstringunt & solvunt.

106. Alvum adstringit labor, sedile, creta 10
 107. figularis corpori illita, cibus imminutus, & is ipse semel die assumptus ab eo, qui bis solet: exigua potio, neque adhibita, nisi cum cibi quis quantum assumpturus est, cepit: post cibum quies. Contra solvit aut- 15
 69, 28. etā ambulatio atque esca, motus qui post cibum est, subinde potiones cibo innix-
 20 trem vomitus solutum comprimit, compressum solvit. Itemque comprimit is vomitus, qui statim post cibum est: solvit is, qui tarde supervenit.

De ætatum varietate.

- 19, 21. Quod ad ætates vero pertinet, inediam facillime sustinent s mediæ ætates, minus 25
 juvenes, minime pueri & senectute confecti. Quo minus fert facile quisque, eo sæpius debet cibum assumere; maximeque eo eget, & qui increfcit. Calida lavatio, & pueris & senibus apta est. Vinum dilutius pue- 30
 ris, senibus meracius, neutri ætati, quæ inflationes movent. Juvenum minus, quæ assumant, & quomodo curentur, interest. Quibus juvenibus fluxit alvus u, plerumque
 in

f Aphor. I, 13, 14. t Aphor. I, 14. Cassii
 Medic. Probl. 46. u Aphor. II, 20. 53.

in senectute contrahitur. Quibus in adolescentia fuit adstricta, sæpe in senectute solvitur. *W* Melior est autem in juvene fufior, in sene adstrictior.

5 *De varietate temporum.*

Tempus quoque anni considerare oportet. 19, 23.
Hieme plus esse *x* convenit; minus, sed meracius bibere; multo pane uti, carne potius elixa, modice oleribus; semel die cibum capere, nisi si nimis venter adstrictus est. Si prandet aliquis, utilius est exiguum aliquid, & ipsam ficcum sine carne, sine portione sumere. Eo tempore anni calidis omnibus potius utendum est, vel calorem moventibus. Venus tum non æque perniciofa est. At vere *y* paulum cibo demendum, adjiciendumque portioni, sed dilutius tamen bibendum est: magis carne utendum, magis oleribus, transeundum paulatim ab elixis ad assa. Venus eo tempore anni tutissima est.

De dieta ciborum portionumque.

Æstate vero & *x* portione & cibo sæpius corpus eget; ideo prandere quoque com- 25 modum est. Eo tempore aptissima sunt & caro & olus: potio quam dilutissima, ut & sitim tollat, nec corpus incendat: frigida lavatio, caro assa, frigidi cibi, vel qui refrigerent. Ut sæpius autem cibo utendum, 21, 2.
30 sic exiguo est.

Autumnalis dieta.

Per autumnum vero, propter *x* cœli varietatem, periculum maximum est. Ita- 42, 21.
que neque sine veste, neque sine calcea-

C

mentis

W Aph. II. 53. *x* De Sal. diet. I. 2. De diet. III. III. N. II. 12. 13. Aph. I. 15. Orib. Sard. de Vict. rat. Aegin. I. 53. *y* De Sal. diet. I. 8. *z* De Diet. sal. I. 17. *a* Aph. III. 4.

mentis prodire oportet, præcipueque diebus frigidioribus, neque sub divo noctu dormire, aut certe bene operiri. Cibo vero jam paulo *b* pleniore uti licet; minus, sed meracius bibere. Poma *c* nocere quidam putant, quæ immodice toto die plerumque sic assumuntur, ut ne quid ex densiore cibo remittatur. Ita non hæc, sed *d* consummatio omnium nocet. Ex quibus in nullo tamen minus, quam in his noxa est. Sed his uti non sæpius, quam alio cibo convenit. Denique aliquid densiori cibo, cum hic accedit, necessarium est demi. Neque *e* æstate vero, neque autumnò utilis venus est. Tolerabilior tamen per autumnum: æstate in totum, si fieri potest, abstinendum est.

CAP. IV.

De his, quibus Caput infirmum est.

PROXIMUM est, ut de his dicam qui partes aliquas corporis imbecillas habent. Cui caput infirmum est, is si bene concoxit, leniter perfricare id mane manibus suis debet; nunquam id, si fieri potest, veste velare, aut ad cutem tondere: utileque lunam *a* vitare, maximeque ante ipsum lunæ solisque concursus: sed nusquam post cibum progredi. Si cui capilli sunt, eos quotidie pectere: multum ambulare; sed, si licet, neque sub tecto, neque in sole: utique autem vitare solis ardorem, maximeque post cibum & vinum: potius ungi, quam lavari; nunquam ad flammam ungi, interdum ad prunam. Si in balneum venit,

b De Salubr. Diet. I. 25. *c* Æginet. I. 53. de Affect. L. I. 3. *d* Aphor. II. 51. Actuar. M. M. III. 9. *e* Aëtius Tetrab. I. Serm. III. c. 8. *a* Macrob. Saturn. VII. 16.

venit, sub veste primum paulum in tepidario insudare, ibi ungi, tum transire in calidarium: ubi sudarit, in solium non descendere, sed multa calida aqua per caput se totum perfundere, tum tepida, dein frigida; diutiusque ea caput, quam cæteras partes perfundere; deinde id aliquandiu perfricare; novissime detergere & ungere. Capiti nihil æque prodest atque aqua frigida. Itaque is, cui hoc infirmum est, per æstatem id bene largo canali quotidie debet aliquandiu subjicere. Semper autem, etiamsi sine balneo unctus est, neque totum corpus refrigerari sustinet, caput tamen aqua frigida perfundere. Sed cum cæteras partes attingi nolit, demittere id, ne ad cervices aqua descendat; eamque, ne quid oculis, aliisve partibus noceat, defluentem subinde manibus ad hoc regere. Huic modicus cibus necessarius est, quem facile concoquat: isque, si jejuno caput læditur, assumendus etiam medio die est: si non læditur, semel potius. Bibere huic assidue vinum dilutum lene, quam aquam magis expedit; ut, cum caput gravius esse cœperit, sit, quo confugiat: eique ex toto neque vinum, neque aqua semper utilia sunt: medicamentum utrumque est, cum invicem assumitur. Scribere, legere, voce contendere, huic opus non est, utique post cœnam: post quam nec cogitatio quidem ei satis tuta est; maxime tamen vomitus alienus est.

CAP. V.

*De his, qui lippitudine, gravedine,
destillatione, tonsillisque laborant.*

35, 9. **N**EQ UE vero his solis, quos capitis
imbecillitas torquet, usus aquæ fri-
gidæ prodest; sed iis etiam, quos assiduæ
lippitudines, gravedines, destillationes,
tonsillæque male habent. His autem non
caput tantum quotidie perfundendum; sed
22, 24. os quoque multa frigida aqua fovendum
est: præcipueque omnibus, quibus hoc uti-
le auxilium est, eo utendum est, ubi gra-
vius cœlum Austri reddiderunt. Cumque
24, 8. omnibus inutilis sit post cibum aut conten-
tio, aut fatigatio animi; tum his præci-
pue, qui vel capitis, vel arteriæ dolores
habere consueverunt, vel quoslibet alios oris
affectus. Vitari etiam gravedines, destil-
lationesque possunt, si quam minime is,
qui his opportunus est, aërem vel loca a-
quasque mutat; si caput in sole protegit,
ne incendatur, neve subitum ex repentino
nubilo frigus dimoveat: si post concoctio-
nem jejunos caput radit: si post cibum ne-
que legit, neque scribit.

CAP. VI.

Ad solutam Alvum remedia.

QUE M vero frequenter cita alvus
exercet, huic opus est pila simili-
busque superiores partes exercere;
dum jejunos est, ambulare; vitare so-
lis nimium ardorem, continua balnea;
ungi

ungi citra sudorem ; non uti cibis variis ,
 minimeque jurulentis aut leguminibus . ole-
 ribusve his , quæ celeriter descendunt ; o-
 mnia denique fumere , quæ tarde conco-
 5 quuntur . Venatio , durique pisces , & ex
 domesticis animalibus assa caro maxime ju- 108, 1.
 vant . Nunquam vinum falsum bibere ex-
 pedit , ne tenue quidem ; aut dulce ; sed
 austerum , & plenius , neque id ipsum per-
 10 vetus . Si mulso uti volet , id ex decocto
 melle faciendum est . Si frigida potiones
 ventrem ejus non turbant , his utendum
 potissimum est . Si quid offensæ in cœna
 sensit , vomere debet ; idque postero quo-
 15 que die facere : tertio , modici ponderis pa-
 nem ex vino esse , aut ova fricta ex oleo ,
 vel ex defruto , similibusque aliis : deinde
 ad consuetudinem redire . Semper autem post 24, 8.
 cibum conquiescere , ac neque intendere a- 22, 28.
 20 nimum , neque ambulatione quamvis leni
 dimoveri .

CAP. VII.

Remedia ad Coli dolorem.

25 **A**T SI laxius intestinum dolere con-
 suevit , quod κόλον nominant , cum
 id nihil nisi genus inflationis sit , id agen-
 dum est , ut concoquat aliquis ; ut lectione ,
 & aliis generibus exerceatur ; utatur balneo
 30 calido , cibis quoque & potionibus calidis ;
 denique omnimodo frigus evitet , item dul-
 cia omnia , leguminaque , & quicquid in-
 flare consuevit .

CAP. VIII.

Quæ agenda sint Stomacho laborantibus.

SI QUIS vero stomacho laborat, legere clare debet; post lectionem ambulare; tum pila, vel armis, aliove quo genere, quo superior pars movetur, exerceri. Non aquam, sed vinum calidum bibere jejuns. Cibus bis die assumere; sic tamen, ut facile concoquat. Uti vino tenui & austero; & post cibum, frigidis potionibus potius. Stomachum autem infirmum indicant pallor, macies, præcordiorum dolor, nausea, & nolentium vomitus, in jejuno dolor capitis. Quæ in quo non sunt, is firmi stomachi est. Neque credendum utique nostris est, qui cum in adversa valetudine vinum aut frigidam aquam concupierunt, deliciarum patrocinium in accusationem non merentis stomachi habent. At, qui tarde concoquunt, & quorum ideo præcordia inflantur, quive propter ardorem aliquem noctu † sitire consueverunt, ante quam conquiescant, duos tresve cyathos per tenuem fistulam bibant. Prodest etiam adversus tardam concoctionem clare legere, deinde ambulare, tum vel ungi vel lavari; assidue vinum frigidum bibere; & post cibum, magnam potionem, sed, ut supra dixi, per siphonem: deinde omnes 24, 11. potiones aqua frigida includere. Cui vero cibus acescit, is ante eum bibere aquam egelidam debet, & vomere. At si cui ex hoc frequens dejectio incidit, quotiens alvus

† *Aphor. v. 27.*

alvus ei constiterit, frigida potione potissimum utatur.

CAP. IX.

*Quid observandum sit dolore
Nervorum laborantibus.*

SI CUI vero dolere nervi solent, quod in podagra chiragrave esse consuevit, huic, quantum fieri potest, exercendum id est quod affectum est, objiciendumque labori & frigori: nisi cum dolor increvit; sub quo quies optima est. Venus semper inimica est. Concoctio, sicut in omnibus corporis affectibus, necessaria. Crudititas enim id maxime lædit, & quotiens offensum corpus est, vitiosa pars maxime sentit. Ut concoctio autem omnibus vitiis occurrit, sic rursus aliis frigus, aliis calor. Quæ sequi quisque pro * habitu corporis sui debet. Frigus inimicum est seni, tenui, vulneri, a præcordiis, intestinis, ve- 46, 14. sicæ, auribus, coxis, scapulis, naturalibus, b ossibus, dentibus, nervis, vulvæ, cere- 75, 34. bro. Idem summam cutem facit pallidam, 25 aridam, c duram, nigram. Ex hoc horrores tremoresque nascuntur. At prodest d juvenibus, & omnibus plenis. Erectiorque mens est, & melius concoquitur, ubi frigus quidem est, sed cavetur. Aqua vero frigida 30 infusa, præterquam capiti, etiam stomacho 35, 9. prodest. * Item articulis doloribusque, qui sunt sine ulceribus. † Item rubicundis nimis hominibus, si dolore vacant. Calor autem adjuvat omnia, quæ frigus infestat: item

C 4 lip-

* *Aph.* III. 2. a *Aph.* V. 24. b *Aph.* V. 18.

c *Aph.* V. 20. d *Aph.* V. 21. * *Aph.* V. 25.

† *Aph.* V. 23.

lippientes, si nec dolor, nec lachrymae sunt: nervos * quoque, qui contrahuntur; præcipueque ea ulcera, quæ ex frigore sunt. Idem corporis colorem bonum facit: urinam movet. Si nimius est, corpus effeminat, nervos † emollit, stomachum solvit. Minime vero aut frigus aut calor tuti sunt, ubi ‡ subita insuetis sunt. Nam frigus, lateris dolores, aliaque vitia; frigida aqua, strumas excitat. Calor concoctionem prohibet, somnum aufert, sudore digerit, obnoxium morbis pestilentibus corpus efficit.

C A P. X.

Observatio in Pestilentia.

EST etiam observatio necessaria, qua quis in pestilentia utatur adhuc integer, cum tamen securus esse non possit. Tum igitur oportet peregrinari, navigare. Ubi id non licet, gestari, ambulare sub divo, ante æstum, leniter; eodemque modoungi: & ut supra comprehensum est, vitare 22, 4. fatigueationem, cruditatem, frigus, calorem, libidinem; multoque magis se continere. 25 Si qua gravitas in corpore est, tum neque mane surgendum, neque pedibus nudis ambulandum est, minimeque post cibum, aut balneum: neque jejuno, neque cœnato vomendum est: neque movenda alvus; 30 atque etiam, si per se mota est, comprimenda est. Abstinendum potius, si plenius corpus est. Itemque vitandum balneum, sudor, meridianus somnus, utique

* Aphor. v. 22. e Aphor. v. 16. † Aphor. v. 22. ‡ Aphor. III. I.

si cibus quoque antecessit; qui tamen semel die tunc commodius assumitur; insuper etiam modicus, ne cruditatem moveat. Alternis diebus invicem, modo aqua, modo vinum bibendum est. Quibus servatis, ex reliqua victus consuetudine quam minimum mutari debet. Cum vero hæc in omni pestilentia facienda sint, tum in ea maxime, quam Austri excitant. Atque etiam peregrinantibus eadem necessaria sunt, ubi gravi tempore anni discesserunt ex suis sedibus, vel ubi in graves regiones venerunt. Ac si cætera res aliqua prohibebit, utique abstinere debebit: atque ita a vino ad aquam, ab hac ad vinum, eo, qui supra positus est, modo, transitus eï esse.

LIBER SECUNDUS.

Præfatio.



INSTANTIS autem valetudinis signa complura sunt. In quibus explicandis non dubitabo authoritate antiquorum virorum uti, maximeque Hippocratis; cum recentiores quoque medici, quamvis in curationibus mutarint, tamen hæc illud optime præfagisse fateantur. Sed antequam dico, quibus præcedentibus morborum timor subsit; non alienum videtur exponere, quæ tempora anni, quæ tempestatum genera, quæ partes ætatis, quæ-

lia

lia corpora maxime tuta vel periculis opportuna sint, quod genus adversæ valetudinis in quoque timeri maxime possit. Non † quod non omni tempestatum genere, omnis ætatis, omnis habitus homines per omnia genera morborum & ægrotent & moriantur; sed quod frequentius tamen quædam eveniant. Ideo utile est scire unumquemque, quid, & quando maxime caveat.

C A P. I.

Quæ anni tempora, quæ tempestatum genera, quæ partes ætatis, qualia corpora vel tuta vel morbis opportuna sint, & quod valetudinis genus in quoque timeri possit.

IGITUR saluberrimum † ver est: proxime deinde ab hoc, hiems: periculosior æstas: autumnus * longe periculosissimus. Ex tempestatibus vero optimæ † æquales sunt, sive frigidæ, sive calidæ: pessimæ, 33, 31. quæ maxime variant. Quo fit, ut a autumnus plurimos opprimat. Nam fere meridianis temporibus calor: nocturnis atque matutinis, simulque etiam vespertinis, frigus est. Corpus ergo, & æstate, & subinde meridianis caloribus relaxatum, subito frigore excipitur. Sed ut eo tempore id maxime fit, sic quandocunque evenit, noxium est. Ubi æqualitas autem est, saluberrimi sunt b fere- ni dies: meliores pluvii, quam tantum nebulosi, nubilive: optimique hieme, qui omni vento vacant: æstate, quibus Favonii perflant. Si genus aliud ventorum est, salubriores

† *Aph.* III. 19. † *Aph.* III. 9. * *Aph.* III. 9. † *Aph.* III. 8. a *Aphor.* III. 9. b *Aphor.* III. 15.

briores Septentrionales, quam Subfolani,
 vel * Austri sunt. Sic tamen hæc, ut inter-
 dum regionum forte mutantur. Nam fere
 ventus ubique a mediterraneis regionibus ve-
 niens, salubris; a mari, gravis est. Ne-
 que solum in bono tempestatum habitu cer-
 tior valetudo est; sed peiores morbi quo-
 que, si qui inciderunt, leviores sunt, &
 promptius finiuntur. Pessimum ægro est cœ-
 lum, quod ægrum fecit. adeo ut in id quo-
 que genus, quod naturâ pejus est, in hoc
 statu salubris † mutatio sit. Ætas media
 tutissima est: quia neque juventæ calore,
 neque senectutis frigore infestatur. Longis
 morbis senectus, acutis adolescentia magis 47, 8.
 patet. Corpus autem habilissimum quadra-
 tum est, neque gracile, neque obesum. Nam
 longa & statura, ut in juvenia decora est, sic
 matura senectute conficitur. Gracile corpus
 infirmum: obesum hebes est. Vere tamen
 maxime, quæcunque d humoris motu novan-
 tur, in metu esse consuerunt. Ergo tum lip-
 pitudines, pustulæ, profusio ‡ sanguinis,
 abscessus corporis, quæ ἀποσήματα Græci
 nominant, bilis atra, quam μελαγχολίαν
 appellant, infania, morbus comitialis, an-
 gina, gravedines, destillationes oriri solent.
 Hi quoque morbi, qui in articulis nervisque 238, 4.
 modo urgent, modo quiescunt, tum maxi-
 me & inchoantur & repetunt. At æstas e
 non quidem vacat plerisque * his morbis;
 sed adjicit febres, vel ardentes, vel ter-
 tianas, vomitus, alvi dejectiones, auricu-
 larum dolores, ulcera oris, caneros, cum in
 cæteris

* Galen. de Theriac. l. i. c. 11. p. 945. T. 13.

† Aph. III. 3. c Dicæarch. Geogr. c. x. p. 56. Aph.

II. 54. ‡ Soran. Ephes. Isag. c. 5. d Aph. III.

20. e Aph. III. 21. * Soran. Ephes. Isag. c. 5.

167.

cæteris quidem partibus, tum maxime ob-
 scœnis; & quicquid sudore hominem resol-
 vit. Vix quicquam ex *f* his in autumnum non
 incidit: sed oriuntur eo quoque tempore fe-
 bres incertæ, lienis dolor, aqua inter cutem, 5
 tabes, quam Græci *φθίσιν* nominant; urinæ
 difficultas, *σπαγγυρίαν* quam appellant; te-
 nujoris intestini morbus, quem *ειλεὸν* no-
 minant. Fit item lævitas intestinorum,
 quæ *λειεντερία* vocatur; coxæ dolores, mor- 10
 bi comitiales. Idemque tempus & diutinis
 malis fatigatos, & ab æstate, etiam proxi-
 ma pressos interimit; & alios novis mor-
 bis conficit; & quosdam longissimis impli-
 cat, maximeque quartanis, quæ per hie- 15
 mem quoque exerceant. Neque aliud magis
 tempus pestilentix patet, cujuscumque ea
 generis est; quamvis variis rationibus no-
 cet. Hiems autem g capitis dolores, tussim,
 & quicquid in faucibus, in* lateribus, 20
 in visceribus mali contrahitur, irritat.

Ex tempestatibus, † Aquilo tussim mo-
 vet, fauces exasperat, ventrem *h* adstringit,
 urinam supprimit, horrores excitat, item
 dolorem lateris & pectoris. Sanum tamen † 25
 corpus spissat, & mobilius atque expeditius
 reddit. Auster *i* aures hebetat, sensus tar-
 dat, capitis dolorem movet, alvum solvit,
 totum corpus efficit hebes, humidum, lan-
 guidum. Cæteri venti, quo huic vel illi 30
 propiores sunt, eo magis vicinos his il-
 lisve affectus faciunt. Calor omnis & je-
 cur & lienem inflammat, mentem hebe-
 tat, & ut *k* anima deficiat, ut sanguis pro-
 rumpat,

f *Aph.* III. 22. *g* *Aphor.* III. 23. † *Cæl.*
Aurel. Acut. Morb. II. * *Aph.* III. 5. *h* *Aph.*
 III. 17. 13. † *Aph.* III. 17. *i* *Aph.* III.
 17. *k* *Aph.* V. 16.

rumpat, efficit. Frigus modo / nervorum
 distentionem, modo rigorem infert; illud
 σπασμός, hoc τέτανος Græce nominatur: ni-
 grorem in ulceribus, & horrorem in febr-
 5 bus excitat. In siccitatibus, * acutæ febres,
 lippitudines, † tormina, urinæ difficultas,
 articulorum dolores oriuntur. Per imbres,
 m longæ febres, alvi dejectiones, angina,
 cancri, morbi comitiales, resolutio nervo-
 10 rum, quam παράλυσιν Græci nominant. 178.
 Neque solum interest, quales dies sint, sed
 etiam quales ante præcesserint. Si hiems
 sicca Septentrionales ventos habuit, ver au-
 tem Austros & pluvias exhibet, fere sub-
 15 eunt n lippitudines, tormina, febres, ma-
 ximeque in mollioribus corporibus, præci-
 pue in muliebribus. Si vero, Austri o plu-
 viæque hiemem occuparunt, ver autem fri-
 gidum & siccum est, gravidæ quidem fœ-
 20 minæ, quibus tum adest partus, abortu
 periclitantur: hæ vero quæ gignunt, im-
 becillos, vixque vitales edunt. Cæteros lip-
 pitudo arida, & si seniores sunt, grave-
 dines atque destillationes male habent. At
 25 si a prima hieme Austri ad ultimum ver
 continuarint, laterum dolores, & infania
 febricitantium, quam φρενίτιν appellant, 148.
 quam celerrime rapiunt. Ubi vero calor a
 primo vere orsus æstatem quoque finilem
 30 p exhibet, necesse est multum sudorem in
 febribus subsequi. At si sicca æstas q Aqu-
 lones habuit, autumnno vero imbres Austri-
 que sunt, tota hieme, quæ proxima est, tuf-
 sis, destillatio, raucitas, in quibusdam etiam
 tabes

l Aph. v. 17. * Aph. III. 7. † III. 16.
 m Aph. III. 16. n Aph. III. 11. o Aph. III.
 12. p Aph. III. 6. q Aph. III. 13.

tabes oritur. Sin autem autumnus quoque æque siccus & iisdem Aquilonibus perflatur, omnibus quidem mollioribus corporibus, inter quæ muliebria esse proposui, secunda valetudo contingit: durioribus vero instare possunt & aridæ lippitudines, & febres partim acutæ, partim longæ, & hi morbi, qui ex atra bile nascuntur.

§ Quod ad ætates vero pertinet, pueri pro-
 ximique his vere optime valent, & æstate
 prima tutissimi sunt: senes æstate & autum-
 ni prima parte: juvenes hieme, quique inter
 juventam senectutemque sunt. Inimicior se-
 nibus hiems, æstas adolescentibus est. Tum
 si qua imbecillitas oritur, proximum est, ut
 infantes, tenerosque adhuc pueros serpentia
 & ulcera oris, quæ ἄφθας Græci nominant,
 vomitus, nocturnæ vigiliæ, aurium humor,
 circa umbilicum inflammationes exercent.
 Propria etiam & dentientium, gingivarum
 exulcerationes, distentiones nervorum, fe-
 briculæ, alvi dejectiones, maximeque ca-
 ninis dentibus orientibus male habent. Quæ
 pericula plenissimi cujusque sunt, & cui
 maxime venter adstrictus est. At ubi æ-
 tas paulum processit, & glandulæ, & verte-
 brarum, quæ in spina sunt, aliquo incli-
 nationes, strumæ, verrucarum quædam ge-
 nera dolentia, ἀποχχορδόνια Græci appel-
 lant, & plura alia tubercula oriuntur. In-
 cipiente vero jam pube, & ex iisdem multa,
 & longæ febres, & sanguinis ex naribus
 cursus. Maximeque omnis pueritia, & pri-
 mum circa quadragesimum diem, deinde
 septimo

r *Aph.* III. 4. f *Aph.* III. 18. t *Aph.* III.
24. u *Aph.* III. 25. W *Aph.* III. 26. x *Aph.*
III. 27. y *Aphor.* III. 28.

septimo mense, tum septimo anno, postea
 circa pubertatem periclitatur. Siqua etiam
 genera morborum in infantem inciderunt,
 ac neque pubertate, neque primis coitibus,
 5 neque in fœmina primis menstruis finita * 172,
 sunt, fere longa sunt: sæpius tamen his 17.
 morbi pueriles, qui diutius manserunt,
 terminantur. Adolescentia & morbis acutis, 43, 15.
 item comitialibus, tabique maxime obje-
 10 cta est: fereque juvenes sunt, qui sangui-
 nem exspuunt. Post hanc ætatem & laterum
 & pulmonis dolores, lethargus, cholera,
 insania, sanguinis per quædam etiam velut
 ora venarum, ἀιμορροΐδας Græci appellant, 62, 12.
 15 profusio. In senectute, b spiritus & urinæ 401.
 difficultas, gravedo, articulorum & renum 494.
 dolores, nervorum † resolutiones, malus
 corporis habitus, καχεξία Græci appellant,
 nocturnæ vigiliæ, vitia longiora aurium, o-
 20 culorum, etiam narium, præcipueque solu-
 ta alvus, &, quæ sequuntur hanc, tormi-
 na, vel lævitas intestinorum, cæteraque fusi
 ventris mala. Præter hæc graciles, tabes,
 dejectiones, destillationes, item viscerum
 25 & laterum dolores fatigant. Obesi plerun-
 que acutis morbis, & difficultate spirandi
 strangulantur, subitoque c sæpe moriuntur.
 quod in corpore tenuiore vix evenit.

C A P. II.

30 De signis adversæ valetudinis futuræ.

ANTE adversam autem valetudinem,
 ut supra dixi, quædam notæ orian-
 tur; quarum omnium commune
 est,

* *Aph.* III. 28. & *Aph.* III. 29. & *Aph.*
 III. 30. b *Aphor.* III. 31. † *Aphor.* III.
 31. VI. 57. c *Aph.* II. 44.

est, aliter se corpus habere, atque consuevit; neque in pejus tantum, sed etiam in melius. Ergo si plenior aliquis, & speciosior, & coloratior factus est, a suscipienda habere bona sua debet. Quæ quia neque in eodem habitu subsistere, neque ultra progredi possunt, fere retro, quasi ruina quadam, revolvuntur. Pejus tamen signum est, ubi
 58, 19. aliquis contra consuetudinem emacuit, &
 31, 22. colorem decoremque amisit: quoniam in
 53, 24. his, quæ superant, est quod morbus demat; in his quæ desunt, non est quod ipsum morbum ferat. Præter hæc, protinus timeri debet, si graviora membra sunt; si crebra ulcera oriuntur; si corpus supra consuetudinem * incaluit; si gravior somnus pressit; si tumultuosa somnia fuerunt; si sæpius expergiscitur aliquis, quam assuevit, deinde iterum soporatur; si corpus dormientis circa partes aliquas contra consuetudinem † insudat, maximeque si circa pectus, aut cervices, aut crura, vel genna, vel coxas. Item, si marcescit animus; si loqui & moveri piget; si corpus torpet; si dolor præcordiorum est, aut totius pectoris, aut, qui in plurimis evenit, capitis; si salivæ plenum est os; si oculi cum dolore vertuntur; si tempora astricta sunt; si membra inhorrescunt; si spiritus gravior est; si circa frontem intentæ venæ moventur; si frequentes oscitationes; si genna quasi fatigata sunt, totumve ‡ corpus lassitudinem sentit. Ex quibus sæpe plura, nunquam non aliqua febrem antecedunt. In primis tamen illud

con-

a Aphor. I. 3. * Aph. IV. 39. † Aph. IV. 38. ‡ Aphor. II. 5.

considerandum est, num cui sæpius horum aliquid eveniat, neque ideo corporis ulla difficultas subsequatur. Sunt enim quædam 96, 15. proprietates hominum, sine quarum notitia non facile quicquam in futurum præfagiri potest. Facile itaque securus est in his aliquis, quæ sæpe sine periculo evasit. Ille sollicitari debet, cui hæc nova sunt; aut qui ista nunquam sine custodia sui tutu-
ro to habuit.

CAP. III.

Quæ bona in ægrotantibus signa sint.

15 **U**B I vero febris aliquem occupat, sci-
re licet, non periclitari, si in latus
aut dextrum aut sinistrum, ut ipsi in usu
est, cubat *a*, cruribus paulum reductis; qui
fere sani quoque jacentis habitus est: si fa-
cile convertitur; si noctu dormit, si inter-
20 diu vigilat; si ex facili spirat; si non confli- 51, 10.
etatur; si circa umbilicum *b* & pubem cutis 51, 16.
plana est; si præcordia ejus sine ullo sensu
doloris æqualiter mollia in utraque parte
sunt: quod si paulo tumidiora sunt, tamen
25 digitis cedunt & non dolent. Hæc valetu-
do, ut spacium aliquod habebit, sic tuta
erit. Corpus quoque, quod æqualiter molle
& calidum est, quodque æqualiter *c* totum
insudat, & cujus febricula † eo sudore fi-
30 nitur, securitatem pollicetur. Quando jam
ad sanitatem venit corpus, sternutamentum
etiam inter bona indicia est, & cupiditas
d cibi vel a principio servata, vel etiam
post fastidium orta. Neque terrere debet

D

ea

*a Aëtuar. M. Med. 11. 3. b Aph. 11. 35. c De
Judicat. 1. 3. † Aph. 14. 55. d Aphor. 11. 31.*

ea febris, quæ eodem die finita est: ac ne
 ea quidem, quæ, quamvis longiore tempore
 tenuit, tamen ante alteram accessionem ex to-
 to quievit, sic, ut corpus integrum, quod
 οὐκ ἀνδρῶν Græci vocant, fieret. Si quis au- 5
 tem incidit vomitus, mixtus esse ex bile &
 pituita debet: & in urina subsidere album,
 læve, æquale; sic ut etiam, si quæ quasi nu-
 beculæ innatarint, in imum deferantur. Ac
 venter ei, qui a periculo tutus est, reddit 10
 mollia, figurata, atque eodem fere tempore,
 quo secunda valetudine assuevit, modoque
 convenientia his, quæ assumuntur. Pejor ci-
 ta alvus est. sed ne hæc quidem terrere pro-
 tinus debet, si matutinis temporibus coacta 15
 magis est, aut si procedente tempore pau-
 latim contrahitur, & rufa est, neque fœ-
 ditate odoris similem alvum sani hominis
 excedit. Ac lumbricos quoque aliquos sub
 fine morbi descendisse, nihil nocet. Si in- 20
 flatio sine inflammatione in superioribus par-
 tibus † dolorem tumoremque fecit, bonum
 signum est sonitus ventris inde ad inferiores
 partes devolutus; magisque etiam, si sine
 difficultate, cum stercore excessit. 25

C A P. IV.

Mala signa egrotantium.

54, 28. **C**ONTRA gravis morbi periculum
 est, ubi supinus æger jacet, porrectis 30
 manibus, & cruribus: ubi residere vult
 in ipso acuti morbi impetu, præcipue-
 que pulmonibus laborantibus: ubi noctur-
 na vigilia premitur, etiamsi interdiu som-
 nus

e De Judicat. 1.8. f De Judicat. 1.6. g De
 Judicat. 1.7. † Prænot. x. 1. Aph. 1v. 72.

nus accedit. ex quo tamen peior est; qui
 inter quartam horam & noctem, quam qui
 a matutino tempore ad quartam. Pessimum
 tamen est, si somnus neque noctu, neque
 5 interdiu accedit: id enim fere sine conti-
 nuo *a* delirio esse non potest. Neque vero 64, 16.
 signum bonum est, somno ultra *b* debitum 54, 33.
 urgeri: peiusque, quo magis sopor inter-
 diu, noctuque continuat. Mali etiam mor-
 10 bi testimonium est, vehementer & crebro
 spirare: a sexto *c* die cœpisse inhorrescere: 49, 20.
 pus expuere: vix excreare: dolorem habere 56, 3.
 continuum: difficulter ferre morbum: ja-
 ctare brachia & crura: sine voluntate *d* la- 54, 31.
 15 chrymare: habere humorem *e* glutinosum 54, 14.
 dentibus inhærentem; cutem circa *f* umbi- 49, 21.
 licum & pubem macram; præcordia *g* in-
 flammata, dolentia, dura, tumida, inten-
 ta; magisque, si hæc dextra parte quam fini-
 20 stra sunt: periculosissimum tamen est, si ve-
 næ quoque ibi vehementer agitantur. Mali
 etiam morbi signum est, nimis celeriter ema- 48, 9.
 crescere: caput & pedes manusque † fri-
 gidas habere, ventre & lateribus calenti-
 25 bus; aut frigidas *h* extremas partes acuto 55, 22.
 morbo urgente; aut post sudorem *i* inhorre- 285,
 scere; aut post vomitum *k* singultum esse, 27.
 vel rubere oculos; aut *l* post cupiditatem
 cibi, postve longas febres hunc fastidire; 53, 17.
 30 aut multum sudare, maximeque frigido 56, 11.
 sudore; aut habere sudores non per totum 301,
 corpus æquales, quique febrem non finiant. 24.
 Malæ etiam febres, quæ quotidie tempore
 eodem revertantur; quæve semper pares

D 2. acces-

a *Aph.* VII. 18. *b* *Aph.* II. 3. *c* *Aph.* IV. 29.
d *Aph.* IV. 52. VIII. 2. *e* *Aph.* IV. 53. *f* *Aph.* II.
 35. *g* *Aph.* II. 28. † *Aph.* VIII. 12. *h* *Aph.*
 VII. 1. 26. *i* *Aph.* VII. 4. *k* *Aph.* VII. 3.
l *Aph.* VII. 6.

accessiones habeant, neque *m* tertio quoque die leventur; quæve sic continent, ut per accessiones increcant, per decessiones tantum molliantur, nec unquam integrum corpus dimittant. Pessimum est, si ne levatur *q* quidem febris, sed æque concitata continuat. Periculosum est etiam, post arquatam *n* morbum febrem oriri; utique si præcordia dextra parte dura manserunt, aut dolentibus iis læva. Nulla acuta febris leviter terrere nos debet. Neque unquam in acuta *o* febre, aut a somno non est terribilis nervorum distentio. Timere etiam ex somno *p*, mali morbi est. Itemque in prima febre protinus mentem esse turbatam, membrumve aliquod esse resolutum. Ex quo casu quamvis vita redditur, tamen id fere membrum debilitatur. Vomitus etiam periculosus est sinceræ pituitæ vel bilis; peiorque, si viridis, aut *q* niger est. At mala *u*rina est, in qua subsidunt subrubra aut livida: deterior, in qua quasi fila quædam tenuia atque alba: pessima ex his, si tanquam ex fursuribus factas nubeculas repræsentat. Diluta quoque, atque alba, vitiosa est, *r* sed in phreniticis maxime. Alvus autem mala est, ex toto suppressa. Periculosa etiam, quæ inter febres fluens conquiescere hominem in cubili non patitur; utique, si quod descendit, est perliquidum, aut albidum, aut pallidum, aut spumans. Præter hæc periculum ostendit id, quod excernitur, si est exiguum, glutinosum, læve, album, idemque subpallidum: vel si est

m *Aph.* iv. 43. *n* *Aph.* iv. 62. *o* *Aph.* iv. 66. *p* *Aph.* iv. 67. *q* *Aph.* iv. 22. *r* *Aph.* iv. 72.

est aut lividum, aut biliosum, aut cruentum, aut peioris odoris, quam ex consuetudine. † Malum est etiam, quod post febres longas sincerum est. 56, 33.

CAP. V.

De signis longæ valetudinis.

POST hæc indicia, notum est longum morbum fieri: sic enim necesse est, nisi occidit. Neque ulla alia spes in magnis est, quam ut impetum morbi trahendo aliquis effugiat, porrigaturque in id tempus, quod curationi locum præstet. Protinus tamen signa quædam sunt, ex quibus colligere possumus, morbum, etsi non interemerit, longius tamen tempus habiturum. Ubi frigidus & sudor inter febres non acutatus circa caput tantum, & cervices oritur; aut ubi, febre non quiescente, corpus * insudat; aut ubi corpus modo b frigidum, modo calidum est, & color alius ex alio fit; aut ubi, quod inter febres † aliqua parte abscessit, ad sanitatem non pervenit; aut ubi æger pro spacio parum emacrescit. Item, 48, 9. si urina modo liquida & c pura est, modo habet quædam subsidentia; si lævia atque alba rubrave sunt, quæ in ea subsidunt; aut si quasdam quasi miculas repræsentat; aut si bullulas excitat. 60, 31.

CAP. VI.

De indiciis mortis.

SED inter hæc quidem, proposito metu, spes tamen superest. Ad ultima vero

D 3 jam

† Aph. VII. 6. a Aph. IV. 37. Coac. Præn. IV. 8. 39. 40. De Jud. VI. 9. VIII. 2. 3. 4. 5. * Aph. IV. 56. b Aph. VII. 60. † Aph. IV. 51. c De Jud. VI. 1. 2. Aph. VII. 31.

jam ventum esse testantur, *a* nares acutæ,
 collapſa tempora, *b* oculi concavi, frigida
 languidaque aures & imis partibus leniter
 verſæ, cutis circa frontem dura & intenta,
 color aut niger aut perpallidus; multoque
 magis, ſi ita hæc ſunt, ut neque *c* vigilia
 præceſſerit, neque ventris reſolutio, neque
 inedia. Ex quibus cauſis interdum hæc ſpe-
 cies oritur, ſed uno die finitur. Itaque diu-
 tius durans, mortis index eſt. Si vero in
 morbo vetere *d* jam triduo talis eſt, in
 propinquo mors eſt: magisque, ſi præter hæc
 oculi quoque lumen *e* refugiunt, & illachry-
 mant; quæque in iis alba eſſe debent *f*,
 rubefcunt; atque in iisdem *g* venulæ pal-
 lent; pituitaque in iis innatans, noviffime
 angulis *h* inhæreſcit; alterque ex his minor
 eſt; iique aut vehementer ſubſederunt, aut
 facti tumidiores ſunt; perque ſomnum;
 palpebræ non committuntur, ſed inter has
 ex albo oculorum aliquid apparet; neque id
 fluens alvus expreſſit: eademque palpebræ
 pallent, & idem *k* pallor labra & nares de-
 colorat: eademque labra, & nares, oculi-
 que, & palpebræ, & ſupercilia, aliquave ex
 his pervertuntur; iſque propter imbecilli-
 tatem jam non audit, aut non videt.
 Eadem mors denunciatur, ubi æger ſupi-
 nus *l* cubat, eique genua *m* contracta ſunt:
 ubi deorſum ad pedes ſubinde delabitur:
 ubi brachia & *n* crura nudat, & inæquali-
 ter diſpergit, neque iis calor ſubeſt: ubi
 hiat *o*: ubi affidue dormit: ubi is, qui men-
 tis ſuæ non eſt, neque id facere ſanus ſo-
 let,

a Præn. 11.6. Coac. Præn. 1.104. *b* Præn. 11.7.

c Præn. 11.13. *d* Præn. 11.17. Pl. VII.51. *e* Pr.

11.19.20. *f* Pr. 11.23. *g* Id. 11.24. *h* Id. 11.24.

i Aph. VI.52. Præn. 111.1.2. *k* Aph. IV.49. *l* Pr.

111.8. *m* Id. 111.14. *n* Id. 111.10. *o* Id. 111.3.

let, dentibus *p* stridet: ubi ulcus, *q* quod aut 63, 22.
ante, aut in ipso morbo natum est, aridum,
& aut pallidum, aut lividum factum est.
Illa quoque mortis indicia sunt, * unguis, 66. 14.
5 digitique pallidi; frigidus *r* spiritus: aut si
manibus quis in febre, & acuto morbo,
vel insania, pulmonisve dolore, vel capitis,
in veste *s* flocos legit, fimbriasve diducit,
vel in adjuncto pariete, si qua minuta emi-
10 nent, carpit. Dolores etiam circa coxas
& inferiores partes orti, si ad viscera trans-
ierunt, subitoque desierunt, mortem sub-
esse testantur; magisque, si alia quoque
signa accesserunt. Neque is fervari potest,
15 qui sine ullo tumore febricitans, subito
strangulatur, aut devorare salivam suam
non potest: cuive in eodem febris corporis-
que habitu cervix *z* invertitur, sic ut devo-
rare æque nihil possit: aut cui simul & con-
20 tinua febris & ultima corporis infirmitas 52, 6.
est: aut cui, febre non quiescente, exterior
pars *u* friget, interior sic calet, ut etiam si- 51, 25.
tim faciat: aut qui, febre æque non quie- 90, 23.
scente, simul & *w* delirio & spirandi diffi-
25 cultate vexatur: aut qui, epoto *x* veratro,
exceptus distentione nervorum est: aut qui
ebrius obmutuit. Is enim fere *y* nervorum
distentione consumitur, nisi aut febris ac-
cessit, aut eo tempore, quo ebrietas solvi
30 debet, loqui cœpit. Mulier quoque gravi-
da *z* acuto morbo facile consumitur: & is,
cui somnus dolorem *a* auget: & cui protinus,
in recenti morbo, bilis atra *b* vel infra vel
supra se ostendit: cuive alterutro modo se

D 4

prom-

p Id. iv. 4. *q* Id. iv. 7. 8. * Aph. viii. 12.
r Id. iv. 9. *s* Id. iv. 14. *t* Aph. iv. 35. *u* Aph.
iv. 48. *w* Aph. iv. 50. *x* Aph. iv. 16. v. 1. Coac.
iv. 24. *y* Aph. v. 5. *z* Aph. v. 30. *a* Aph. 11.
1. *b* Aph. iv. 22.

promptus, cum jam longo morbo corpus
 51, 12. ejus esset extenuatum & confectum. Spu-
 70, 32. tum etiam biliosum, & purulentum, sive
 71, 2. separatim ista, sive mixta proveniunt, in-
 teritus periculum ostendunt. Ac, si circa 5
 septimum diem tale esse coepit, proximum
 est, ut is circa quartumdecimum diem de-
 cedat, nisi alia signa mitiora pejora ve ac-
 cesserint. quæ quo leviora graviora ve sub-
 secuta sunt, eo vel ferio rem mortem, vel ro
 maturiorem denunciant. Sudor quoque d
 301, frigidus in acuta febre pestiferus est: atque
 24. in omni morbo vomitus, qui varius, &
 52, 18. multorum colorum est; præcipueque, si malus
 in hoc odor est. Ac sanguinem quoque in 15
 febre vomuisse, pestiferum est. Urina ve-
 52, 21. ro g fulva & tenuis in magna cruditate esse
 consuevit; & sæpe, antequam spacio matu-
 rescat, hominem rapit. Itaque si talis diutius
 permanet, periculum mortis ostendit. Pest- 20
 fima h tamen est, præcipueque mortifera,
 nigra, crassa, mali odoris. Atque in viris
 quidem & mulieribus talis deterrima est.
 In i pueris vero, quæ tenuis & diluta est.
 Alvus quoque varia, pestifera est; & quæ 25
 strigmentum, sanguinem, bilem, & viride
 aliquid, modo diversis temporibus, modo
 simul, & in mistura quadam, discreta ta-
 31, 31. men repræsentat. Sed hæc quidem potest
 31, 32. paulo diutius trahere. In præcipiti vero jam 30
 esse denunciat, quæ liquida, eademque vel
 52, 34. nigra l, vel pallida, vel pinguis est; uti-
 53, 2. que, si magna foeditas m odoris accessit.
 Illud interrogari me posse ab aliquo scio:
 si cer-

c Aph. iv. 23. d Præn. v. 4. e Præn. xii. 11.
 12. 13. 14. f Aph. vii. 37. g De Jud. vii. 5.
 h Præn. xi. 14. 15. i Plin. xxviii. 6. k Præn.
 x. 8. 9. l Viét. Acut. xlviii. 1. m Præn. x. 6.

si certa futuræ mortis indicia sunt, quomodo interdum deserti a medicis convalescant, quosdamque fama prodiderit in ipsis funeribus revixisse? Quinetiam viri jure magni nominis Democritus, ne finitæ quidem vitæ satis certas notas esse, proposuit, quibus medici credidissent: adeo illud non reliquit, ut certa aliqua signa futuræ mortis essent. Adversus quod ne illud quidem dicam, quod in vicino sæpe quædam notæ positæ, non bonos, sed imperitos medicos decipiunt (quod Asclepiades sciens, funeri obvius inclamavit, eum vivere, qui efferebatur:*) nec protinus crimen artis esse, si quod professoris sit. Illa tamen moderatius subjiciam. Conjecturalem o artem esse medicinam, rationemque conjecturæ talem esse, ut cum sæpius aliquando responderit, interdum tamen fallat. Non itaque, si quid vix p. millesimo in corpore aliquem decipit, id fidem non habet, cum per innumerabiles homines respondeat. Idque non in his tantum, quæ pestifera sunt, dico: sed in his quoque, quæ salutaria. Siquidem & etiam spes interdum frustratur, & moritur aliquis, de quo medicus securus primo fuit. Quæque medendi causa reperta sunt, nonnunquam in pejus aliquibus vertunt. Neque id evitare humana imbecillitas in tanta varietate corporum potest. Sed est tamen medicinæ fides, quæ multo sæpius, perque multo † plures ægros prodest. Neque tamen ignorare oportet, in acutis morbis fallaces magis notas esse & salutis, & mortis.

C A P.

* Soran. Ephes. cap. iv. in Hipp. de Arte xv. 6.7. o Sext. Emp. adv. Mat. l. i. c. 3. Macrobi. Sat. vii. 15. p Cic. de N.D. ii.4. q Quintil. Declam. viii. p. 110. † Galen. M. Med. lxi. r Aph. ii. 19.

CAP. VII.

De notis, quas aliquis in singulis morborum generibus habere possit.

SED cum proposuerim signa, quæ in omni adversa valetudine communia esse consueverunt; ad ea quoque transibo, ut, quas aliquis in singulis morborum generibus habere possit notas, indicem. 10
Quædam autem sunt, quæ ante febres, quædam quæ inter eas, quid aut intus sit, aut venturum sit, ostendunt. Ante febres, si caput grave est, aut ex somno oculi caligant, aut frequentia sternutamenta sunt, 15 circa caput aliquis pituitæ impetus timeri potest. Si sanguis, aut calor abundat, proximum est, ut aliqua parte profluvium
48,9. sanguinis fiat. Si sine causa quis emacrescit, ne in malum habitum corpus ejus decidat, metus est. Si præcordia dolent, aut inflatio gravis est, aut toto die non concocta fertur urina, cruditatem esse manifestum est. Quibus diu color *a* sine morbo regio malus est, hi vel capitis doloribus con- 25
stistantur, vel terram edunt. Qui diu habent faciem *b* pallidam & tumidam, aut capite, aut visceribus, aut alvo laborant. Si in continua febre puero venter nihil reddit,
64,17. mutaturque ei color, nec somnus *c* accedit, ploratque is assidue, metuenda nervorum distentio est. Frequens autem destillatio in corpore tenui longoque, tabem timendam esse testatur. Ubi pluribus diebus non descen-

a II. Præd. xxxix. 1. 2. 3. *b* II. Præd. xxix. 7. 8. *c* Aph. vii. 18.

descendit alvus, docet, aut subitam dejectionem, aut febriculam instare. Ubi pedes tument, & longæ dejectiones sunt, aut dolor in imo ventre, & coxis est, aqua intercutem instat. sed hoc morbi genus ab ilibus oriri solet. Idem propositum periculum est his, quibus, cum voluntas desidendi est, venter nihil reddit, nisi & ægre & durum. Cum tumor in *d* pedibus est, idem-
 10 que modo dextra, modo sinistra parte ventris, invicem oritur atque finitur, a jocinore id malum proficisci videtur. Ejusdem morbi nota est, ubi circa *e* umbilicum intestina torquentur (*σπόρον* Græci nominant)
 15 coxæque dolores manent, qui neque tempore, neque remediis solvuntur. Dolor autem articulorum, prout in pedibus, manibusve, aut alia qualibet parte sic est, ut eo loco nervi contrahantur; aut si id mem-
 20 brum, ex levi causa fatigatum, æque frigido, calidoque offenditur, *ποδάγρην* *χεῖρα γρᾶν*ve, vel ejus articuli, in quo id sentitur, morbum futurum esse denunciat. Quibus in pueritia sanguis ex naribus flu-
 25 xit, dein fluere desit, hi vel capitis doloribus conficiuntur necesse est, vel in articulis aliquas exulcerationes graves habent, vel aliquo morbo etiam debilitentur. Quibus foeminis * menstrua non proveni-
 30 unt, necesse est capitis acerbissimi dolores sint, vel quælibet alia pars morbo infestetur. Eademque his pericula sunt, quibus articulorum vitia, ut dolores, tumoresque, sine podagra similibusque morbis, oriun-
 tur,

d *Præn.* viii. 4. *e* *Aph.* iv. 11. * *Aph.*

tur, & desinunt. Utique, si sæpe tempora
 iisdem dolent, noctuque corpora insudant,
 frons prurit, lippitudinis metus est. Si
 mulier a partu vehementes dolores habet,
 neque præterea signa mala sunt, circa vi- 5
 gesimum diem aut sanguis per nares erum-
 pet, aut in inferioribus aliquid abscedet.
 Quicumque etiam dolorem ingentem circa
 tempora & frontem habebit, ei alterutra
 ratione finiet: magisque, si juvenis erit, 10
 per sanguinis profusionem; si senior, per
 suppurationem. Febris autem, quæ subito
 sine ratione, sine bonis signis finita est, fe-
 re revertitur. Cui fauces sanguine & in-
 terdiu & noctu replentur, sic, ut neque 15
 capitis dolores, neque præcordiorum, ne-
 que tussis, neque vomitus, neque febricu-
 la præcesserit, hujus aut in naribus, aut
 in faucibus ulcus reperietur. Si mulieri ex
 inguine febricula orta est, neque causa ap- 20
 paret, ulcus in vulva est. *f* Urina autem
 crassa, ex qua quod desidit, album est, si-
 gnificat circa articulos, aut circa viscera
 dolorem, metumque morbi esse. Eadem
 viridis, aut viscerum dolorem, tumorem- 25
 que cum aliquo periculo subesse, aut cor-
 pus certe integrum non esse, testatur. At
 si *†* sanguis aut pus *g* in urina est, vel vesi-
 ca, vel renes exulcerati sunt. Si hæc crassa,
 carunculas *h* quasdam exiguas aut quasi ca- 30
 pillos habet, aut si *i* bullat, aut male *k*
 olet, aut interdum quasi arenam, interdum
 quasi sanguinem trahit, dolent autem coxæ,
 quæque inter has superque pubem sunt, &
 acce.

f *Aph.* iv. 74. *Plin.* xxviii. 6. *†* *Aph.* iv. 78.
 81. *g* *Aphor.* iv. 75. *h* *Aphor.* iv. 76. *i* *Plin.*
 xxviii. 6. *k* *Aph.* iv. 81.

accedunt frequentes ructus, interdum vo-
 mitus biliosus, extremæque partes frige-
 scunt, urinæ crebra cupiditas, sed magna
 difficultas est, & quod inde excretum est,
 5 aquæ simile, vel rufum, vel pallidum est,
 paulum tamen in eo levamenti est, alvus
 vero cum multo spiritu redditur, utique in
 renibus vitium est. At si paulatim destil-
 lat, vel si sanguis per hanc editur, & in eo
 10 quædam cruenta concreta sunt, idque ipsum
 cum difficultate redditur, & circa pubem
 interiores partes dolent, in eadem vesica
 vitium est. Calculosi vero his indicis co-
 gnoscuntur. Difficulter urina redditur; pau-
 15 latimque, interdum etiam sine voluntate,
 † destillat. Eadem arenosa, † est. nonnun-
 quam aut sanguis, aut cruentum, aut
 purulentum aliquid cum ea excernitur.
 Eamque quidam promptius recti, quidam
 20 resupinati, maximeque hi qui grandes
 calculos habent, quidam etiam inclinati
 reddunt, colemque extendendo, dolorem
 levant. Gravitatis quoque cujusdam in ea
 parte sensus est; atque ea cursu, omnique
 25 motu augetur. Quidam etiam, cum tor-
 quentur, pedes inter se, subinde mutatis
 vicibus, implicant. Fœminæ vero oras na-
 turalium suorum manibus admotis scabe-
 re crebro coguntur. Nonnunquam, si digi-
 30 tum admoverint, ubi vesicæ cervicem is ur-
 get, calculum sentiunt. At, qui spuman-
 tem sanguinem excreant, his in pulmone vi-
 tium est. Mulieri gravidæ in fine modo fu-
 sa alvus elidere partum potest. † Eidem si 73, 34.
 lac

† *Aph.* v. 80. 1 *Aph.* iv. 79. in *Aph.* v. 34.

† Solet. *Treverius*.

lac π ex mammiis profluit, imbecillum est,
 quod intus gerit. Duræ mammæ, sanum il-
 lud esse, testantur. Frequens \circ singultus,
 & præter consuetudinem continuus, jecur
 inflammatum esse, significat. Si p tumores 5
 super ulcera subito esse desierunt, idque a
 tergo incidit, vel distentio nervorum, vel
 rigor timeri potest: at, si a priore parte id
 evenit, vel lateris acutus dolor, vel insania
 expectanda est. Interdum etiam hujusmo- 10
 di casum, quæ tutissima inter hæc est,
 47, 14. profusio alvi sequitur. Si ora q venarum,
 401. sanguinem solita fundere, subito suppressa
 17. sunt, aut aqua inter cutem, aut tabes sequi-
 tur. Eadem tabes subit, si in lateris dolo- 15
 re orta suppuratio intra r quadraginta dies
 purgari non potuit. At, si longa f tristitia
 cum longo timore & vigilia est, atræ bilis
 morbus subest. Quibus sæpe ex naribus
 fluit sanguis, his aut lienis tumet, aut ca- 20
 pitis dolores sunt: quos sequitur, ut quædam
 ante oculos tanquam imagines obversentur.
 At, quibus magni lienes sunt, his t gingi-
 væ malæ sunt, & os olet, aut sanguis aliqua
 parte prorumpit. Quorum si nihil evenit, 25
 215, necesse est in cruribus mala ulcera, & ex
 13. his nigræ cicatrices fiant. Quibus causa do-
 loris, neque sensus π ejus est, his mens la-
 borat. Si in ventrem x sanguis confluit,
 ibi in pus vertitur. Si a coxis, & ab infe- 30
 rioribus partibus dolor in pectus transit,
 neque ullum signum malum accessit, sup-
 purationis eo loco periculum est. Quibus
 sine febre aliqua parte dolor, aut prurigo,
 cum

π *Aph.* v. 52. \circ *Aph.* vii. 17. p *Aph.* v. 65.
 q *Aph.* vi. 12. r *Aph.* v. 15. f *Aph.* vi. 23. t *De*
Int. Aff. xxxiv. 9. 10. *Æg. de Re Med.* L. iii.
 c. 49. u *Aph.* ii. 6. x *Aph.* vi. 20.

cum rubore & calore est, ibi aliquid sup-
purat. Urina quoque, quæ in homine pa-
rum sano liquida est, circa aures futuram
aliquam suppurationem esse denunciat.

5 Hæc vero, cum sine febre quoque vel la-
tentium, vel futurarum rerum notas ha-
beant, multo certiora sunt, ubi febris ac-
cessit; atque etiam aliorum morborum tum
signa nascuntur. Ergo protinus insania ti-
10 menda est, ubi expeditior alicujus, quam
fani fuit, sermo est, subitaque loquacitas
orta est, & hæc ipsa solito audacior: aut
ubi raro quis & vehementer spirat, venaf-
que concitatas habet, præcordiis duris &
15 tumentibus. Oculorum y quoque frequens
motus; & in capitis dolore offusæ oculis
tenebræ: vel, nullo dolore substante, so-
mnus ereptus, continuataque nocte & die
vigilia; vel prostratum z contra consuetu-
20 dinem corpus in ventrem, sic, ut ipsius al-
vi dolor id non coegerit; item, robusto
adhuc corpore, insolitus dentium stridor, 55, 1.
insaniæ signa sunt. Si quid etiam abscessit,
&, antequam sputum prodiret, manente
25 adhuc in corpore solita febre, subsedit,
periculum affert primum furoris, deinde
interitus. Auris a quoque dolor acutus,
cum febre continua vehementique, sæpe
mentem turbat: & ex eo casu juniores in-
30 terdum intra septimum diem moriuntur;
seniores tardius: quoniam neque æque ma-
gnas febres experiuntur, neque æque in-
saniunt. ita sustinent, dum is affectus in-
pus vertatur. Suffusæ quoque b sanguine
mulie-

y Coac. Præn. III. 331. 332. 333. z Coac.
Præn. VI. 104. a Coac. Præn. II. 58. b Aph.
v. 40.

mulieris mammæ, furorem venturum esse, testantur. Quibus autem longæ c febres sunt, his aut abscessus aliqui, aut articulorum dolores erunt. Quorum faucibus in febre illiditur spiritus, instat his nervorum distentio. Si angina subito d finita est, in pulmonem id malum transit; idque sæpe intra septimum diem occidit: quod nisi incidat, sequitur, ut aliqua parte suppu-
 226, 14. nem e tormina: post hæc, intestinorum læ-
 vitas oritur. Post nimias destillationes, tabes f. Post lateris g dolorem, vitia pulmo-
 num: post hæc, h insania. Post magnos i
 51, 6. fervores corporis, nervorum rigor, aut di-
 58, 30. stentio. Ubi caput k vulneratum est, deli-
 rium: ubi vigilia l torfit, nervorum disten-
 tio: ubi vehementer venæ m supra ulcera
 moventur, sanguinis profluvium erit.

Suppuratio vero pluribus modis excitatur. 20
 Nam si longæ febres sine dolore, sine ma-
 nifesta causa remanent, in aliquam partem
 id malum incumbit, sed in junioribus tan-
 tum: nam in senioribus ex ejusmodi mor-
 bo quartana fere nascitur. Eadem suppu- 25
 ratio fit, si præcordia dura & dolentia ante
 n diem vigesimum hominem non sustu-
 lerunt, neque sanguis ex naribus fluxit,
 maximeque in adolescentibus; utique, si
 inter principia aut oculorum caligo, aut 30
 capitis dolores fuerunt: sed tum in infe-
 rioribus partibus aliquid abscedit. At si
 præcordia tumorem o mollem habent, ne-
 que habere intra sexaginta dies desinunt,
 hæ-

c *Aph.* IV. 44. d *Aph.* V. 10. *Ad. Meth. Med.* I. 17.
 e *Aph.* VII. 23. 75. f *De l. in Hom.* XXVII. 1.
 g *Aph.* VII. 11. h *Aph.* VII. 12. i *Aph.* VII. 13.
 k *Aph.* VII. 14. l *Aph.* VII. 18. m *Aph.* VII. 21.
 n *Coac. Præn.* II. 228. o *Coac.* II. 232.

hæretque per omne id tempus febris, tum
 in superioribus partibus fit abscessus: ac,
 si inter ipsa initia sanguis e naribus non
 fluit, circa aures erumpit. Cumque omnis
 5 longus tumor ad suppurationem fere spe-
 ctet, magis eo tendit is, qui in præcordiis,
 quam is, qui in ventre est. & is, qui supra
 umbilicum, quam is, qui infra est. Si las-
 situdinis etiam sensus in febre est, vel in
 10 maxillis, vel in articulis aliquid abscedit. †
 Interdum quoque urina tenuis & cruda sic
 diu fertur, ut alia salutaria signa sint, ex-
 que eo causa plerunque infra transversum
 septum (quod *στάππωμα* Græci vocant)
 15 fit abscessus. Dolor pulmonis, si neque
 per sputa, neque per cucurbitulas, neque
 per sanguinis detractionem, neque per vi-
 ctus rationem finitus est, vomicas aliquas
 interdum excitat, aut circa vigesimum diem,
 20 aut circa tricesimum, aut circa quadregesi-
 mum, nonnunquam etiam circa sexagesi-
 mum. Numerabimus autem ab eo die, quo
 primum febricitavit aliquis, aut inhorruit,
 aut gravitatem ejus partis sensit. Sed hæ
 25 vomicæ modo a pulmone, modo a costa-
 rum parte nascuntur. Quod suppurat, ea
 parte, quam afficit, dolorem inflammatio-
 nemque concitat, ipsumque calidius est:
 & si in partem sanam aliquis decubuit,
 30 onerare eam ex pondere aliquo videtur.
 Omnis etiam suppuratio, quæ nondum ocu-
 lis patet, sic deprehendi potest: si febris
 non dimittit, eaque interdum levior est, no-
 tu incrementum, p. multus sudor oritur; cupidi-

E

tas

† *Aph. iv. 31. p. De loc. in Hom. xxviii. 12.*

tas tussendi est, & pene nihil in tussi ex-
 creatur; oculi cavi sunt; malæ rubent; ve-
 næ sub lingua inalbescunt; in manibus
 sunt adunci ungues; digiti, maximeque
 summi, calent; in pedibus q tumores sunt; 5
 spiritus difficilius trahitur; cibi fastidium
 est; pustulæ toto corpore oriuntur. Quod
 si protinus initio dolor & tussis fuit, &
 spiritus difficultas, vomica vel ante vel cir-
 ca vigesimum diem erumpet. Si serius ista 10
 cœperint, necesse est quidem increcant,
 sed quo minus cito adfuerint, eo tardius
 solventur. Solent etiam in gravi morbo
 55, 6. pedes cum digitis unguibusque nigrescere.
 quod si non est mors consecuta, & reli- 15
 quum corpus convaluit, pedes tamen de-
 cidunt.

CAP. VIII.

*Quæ notæ in quoque morbi genere vel spem
 vel pericula ostendant.* 20

SEQUITUR, ut in quoque morbi ge-
 nere proprias notas explicem, quæ vel
 spem, vel periculum ostendant. Ex vesi-
 ca dolenti, si purulenta a urina processit, 25
 inque eo læve & album subsedit, metum de-
 trahit. In pulmonis morbo, si sputo b ipso
 levatur dolor, quamvis id purulentum est,
 tamen, si æger facile spirat, facile excreat,
 morbum ipsum non difficulter fert, potest 30
 ei secunda valetudo contingere. Neque in-
 ter initia terreri convenit, si protinus spu-
 tum mistum est rufo quodam sanguine,
 dummodo statim sedetur. Laterum c do-
 lores,

q De loc. in Hom. xxviii. 8. a Præn. xix.

ii. b Præn. xiii. 16. Præd. ii. xii. 2.

c Aph. v. 15.

lores, suppuratione facta, deinde intra
 quadragesimum diem purgata, finiuntur. 62, 15.
 Si in jecinore vomica est, & ex ea fer-
 tur pus purum *d* & album, salus ei facilis. 71, 13.
 5 Id enim malum in tunica est. Ex suppu-
 rationibus vero hæ tolerabiles sunt, quæ
 in *e* exteriorem partem feruntur, & acuun-
 tur. At ex his, quæ intus *f* procedunt,
 hæ leviores, quæ conclusæ cutem non af-
 10 ficiunt, eamque & sine dolore & ejusdem
 coloris, cujus reliquæ partes sunt, finunt
 esse. Pus *g* quoque, quacumque parte erum-
 pit, si est læve, album & unius modi, sine 410,
 ullo metu est; & quo effuso, febris proti- 34.
 15 nus conquievit, desieruntque urgere cibi fa-
 stidium & potionis desiderium. Si quan-
 do etiam suppuratio descendit in crura,
 sputumque ejusdem factum pro rufo puru-
 lentum est, periculi minus est. At in ta-
 20 be ejus, qui salvus futurus est, sputum esse
 debet album, *h* æquale, totum, ejusdem-
 que coloris, sine pituita: eique etiam si-
 mile esse oportet, si quid in nares a capi-
 te destillat. Longe optimum est, *i* febrem
 25 omnino non esse: secundum est, tantillam
 esse, ut neque tantulum cibum impediat,
 neque crebram sitim faciat. Alvus *k* in hac
 valetudine ea tuta est, quæ quotidie coa-
 30 ctæ, eaque convenientia his, quæ assumun-
 tur, reddit. Corpus id, quod minime te-
 nue, maximeque lati *l* pectoris atque setosi
 est, cujusque cartilago exigua, & carnosa
 est. Super tabem si mulieri quoque suppressa
 menstrua fuerunt, & circa pectus atque

E 2

scapu-

d Aph. vii. 45. *e* Præn. vii. 3. *f* Præn. vii. 5.
g Præn. vii. 6. *h* Prædict. ii. xii. 2. *i* Præd.
 ii. xii. 4. *k* Præd. ii. xii. 5. *l* Præd. ii.
 xii. 7.

scapulas dolor mansit, subitoque *m* sanguis
erupit, levare morbus solet: nam & tussis
minuitur, & sitis atque febriculæ desinunt.
Sed iisdem *n* fere, nisi redit sanguis, vomica
erumpit: quæ quo cruentior, eo melior est. §
Aqua autem inter cutem minime terribilis
161, 5. est, quæ nullo antecedente morbo cæpit:
deinde, quæ longo morbo supervenit; uti-
que, si firma *o* viscera sunt; si spiritus faci-
lis; si nullus dolor; si sine calore corpus est; 10
æqualiterque in extremis partibus macrum
est; si venter mollis; si nulla *p* tussis; nulla
sitis; si lingua, ne per somnum quidem, ina-
rescit; si cibi cupiditas est; si venter medica-
mentis movetur; si per se * excernit mollia & 15
figurata; si non extenuatur; si urina, & vini
mutatione, & epotis aliquibus medicamen-
tis mutatur; si corpus sine lassitudine est, &
motum facile sustinet: siquidem in quo o-
mnia hæc sunt, is ex toto tutus est: in quo 20
plura ex his sunt, is in bona spe est. Artic-
ulorum vero vitia, ut podagræ chiragræque,
73, 7. si juvenes *q* tentarunt, neque callum induxe-
runt, solvi possunt: maximeque *r* tormini-
bus leniuntur, & si quocumque modo ven- 25
73, 16. ter fuit. Item morbus *f* comitialis ante pu-
bertatem ortus, non ægre finitur. Et, in
quo ab una parte corporis venientis accessio-
nis sensus incipit, optimum est a manibus
pedibusve initium fieri: deinde, a lateribus: 30
pessimum inter hæc, a *z* capite. Atque in
his quoque ea maxime profunt, quæ per
dejectiones excernuntur. Ipsa autem deje-
73, 25. ctio sine ulla noxa est, quæ sine febre est;
si ce-

m II. Præd. xiv. 3. *n* II. Præd. xiv. 6. 7.
o II. Præd. xi. 6. *p* II. Præd. xi. 16. * *Aph.* vii.
29. *q* II. Præd. xv. 6. 7. 8. *r* II. Præd. xv. 4.
f II. Præd. xvi. 1. *Aph.* v. 7. *t* II. Præd. xvi. 7.

si celeriter desinit ; si contrectato ventre
 nullus motus ejus sentitur ; si extremam al-
 vum spiritus sequitur. Ac ne tormina qui- 224.
 dem periculosa sunt , si sanguis & strigmen-
 5 ta descendunt , dum febris cæteræque acces-
 siones hujus morbi absint : adeo ut etiam
 gravida & mulier , non solum conservari
 possit , sed etiam partum reservare . Prodest
 10 que in hoc morbo , si jam ætate aliquis
 processit . Contra , intestinorum & laxitas 226.
 facilius a teneris ætatibus depellitur : uti-
 que , si ferri urina , & ali cibo corpus inci-
 pit . Eadem ætas prodest & in coxæ dolore ,
 & humerorum , & in omni resolutione ner-
 15 vorum . Ex quibus coxa , si sine torpore est ,
 si leviter friget , quamvis magnos dolores
 habet , tamen & facile & mature sanatur :
 resolutumque membrum , si nihilo minus
 alitur , fieri sanum potest . Oris resolutio
 20 etiam , alvo cita finitur . Omnisque dejectio
 y lippienti prodest . At varix z ortus , vel 368 ,
 per ora venarum subita profusio sanguinis , 28.
 vel tormina , insaniam tollunt . Humero- 348 ,
 rum & dolores , qui ad scapulas vel manus 15.
 25 tendunt , vomitu atræ bilis solvuntur . Et
 quisquis dolor deorsum tendit , sanabilior est . 76 , 5.
 Singultus b sternutamento finitur . Longas
 dejectiones c supprimit vomitus . Mulier fan- 32 , 19.
 guinem vomens , d profusis menstruis , li- 202 ,
 30 beratur . Quæ menstruis e non purgatur , si 33.
 sanguinem ex naribus fudit , omni pericu-
 lo vacat . Quæ locis laborat , aut difficul-
 ter f partum edit , sternutamento levatur .
 Cui calor & g tremor est , saluti delirium est .

E 3

Lieno-

u II. Præd. xxx. 14. x II. Præd. xxxi. 12. 15.
 16. y Aph. vi. 17. z Aph. vi. 21. a II. Præd.
 xlii. 2. b Aph. vi. 13. c Aph. vi. 15. d Aph. v.
 32. e Aph. v. 33. f Aph. v. 35. g Aph. vi. 26.

139, 18. Lienosis bono *h* tormina sunt. Denique, ipsa febris, quod maxime mirum videri potest, sæpe præsidio est. Nam & *i* præcordiorum dolores, si sine inflammatione sunt, finit; & in jocinoris *k* dolore succurrit; & nervorum distentionem *l* rigoremque, si postea cœpit, ex toto tollit; & ex difficultate urinæ morbum tenuioris intestini ortum, si urinam per calorem movet, levat. At dolores capitis, quibus oculorum caligo, & rubor cum quadam frontis prurigine accedunt, sanguinis *m* profusione, vel fortuita, vel etiam petita, summoventur. Si capitis, ac frontis *n* dolores ex vento, vel frigore, aut æstu sunt, gravedine & sternutamentis finiuntur. 15
 Febrem autem *o* ardentem, quam Græci *καυσώδη* vocant, subitus horror exsolvit. Si in febre aures *p* obtusæ sunt, si sanguis e naribus fluxit, aut venter resolutus est, illud malum desinit ex toto. Nihil 20
 plus adversus *q* surditatem, quam biliosa alvus potest. Quibus in fistula *r* urinæ minuti abscessus, quos *φύματα* Græci vocant, esse cœperunt; iis, ubi pus ea parte profluxit, sanitas redditur. Ex quibus cum ple- 25
 raque per se proveniant, scire licet, inter ea, quæ ars adhibet, naturam plurimum posse. Contra, si caput in febre continenti dolet, neque quicquam remittit, malum atque mortiferum est: maximeque id pericu- 30
 culum est pueris, a septimo anno ad quartumdecimum. In pulmonis morbo, si sputum primis diebus non fuit, deinde a septimo die cœpit, & ultra septimum mansit, pericu-

h *Aph.* vi. 48. *i* *Aph.* vi. 40. *k* *Aph.* vii. 52.

l *Aph.* iv. 57. *m* *Aph.* vi. 10. *II. Præd.* xxxvi. 5.

n *II. Præd.* xxxvi. 8. *o* *Aph.* iv. 58. *p* *Aph.* iv.

60. *q* *Aph.* iv. 28. *r* *Aph.* iv. 82.

periculosum est : quantoque magis mixtos, 56, 4.
 neque inter se diductos colores habet, tan-
 to deterius. Et tamen nihil pejus est, quam
 sincerum id edi, siue rufum est, siue cruen-
 5 tum, siue *f* album, siue glutinosum, siue
 pallidum, siue spumans: nigrum *z* tamen
 pessimum est. In eodem morbo periculosa
 sunt, tussis, destillatio; etiam, quod alias
 salutare habetur, *u* sternutamentum. Pericu-
 10 losissimumque est, si hæc secuta subita *x* de- 72, 3.
 jectio est. Fere vero, quæ in pulmonis, ea-
 dem in lateris doloribus, & mitiora signa,
 & asperiora esse consuerunt. Ex iocinore si 67, 3.
 pus *y* cruentum exit, mortiferum est. At
 15 ex suppurationibus hæ *z* pessimæ sunt, quæ
 intus tendunt, sic ut exteriorem quoque cu-
 tem decolorent: ex his deinde, quæ in ex-
 teriorem partem prorumpit; tum quæ maxi-
 mæ, quæque planissimæ sunt. Quod si, ne
 20 rupta quidem vomica, vel pure extrinse-
 cus emisso, febris quievit, aut quamvis
 quieverit, tamen repetit; item, si sitis est,
 si cibi fastidium, si venter liquidus, si pus
 est lividum & pallidum, si nihil æger ex-
 25 creat nisi pituitam spumantem, periculum
 certum est. Atque ex his quidem suppura-
 tionibus, quas pulmonum morbi concita-
 runt, fere senes moriuntur: ex cæteris ju-
 niores. At in tabe sputum mixtum puru-
 30 lentum, febris assidua, quæ & cibi tempora
 eripit, & siti affligit, in corpore tenui pe-
 riculum subesse testatur. Si quis etiam in eo
 morbo diutius traxit, ubi capilli *a* fluunt;
 ubi urina quædam *b* araneis similia superfi-

E 4

dentia

f Præn. XIII. 6. *t* Præn. XIII. 8. *u* Aph. VI.
 16. Coac. Præn. III. 174. Præn. XIII. 10. *x* Aph.
 V. 12. *y* Aph. VII. 45. *z* Præn. VII. *a* Aph. V.
 II. *b* Præn. XII. I. Coac. Præn. V. 49.

168, 5. dentia ostendit; atque in sputis odor *c* fo-
 dus est; maximeque, ubi post hæc orta
 71, 10. dejectio est, protinus moritur: utique, si
 tempus *d* autumnus est: quo fere, qui cæte-
 ra parte anni traxerunt, resolvuntur. Item, 5
 pus expuisse in hoc morbo, deinde ex toto
 spueri *e* desiisse, mortiferum est. Solet etiam
 in adolescentibus is morbus, ex vomica,
 fistulave oriri. qui non facile sanescunt,
 nisi si multa signa bonæ valetudinis subse- 10
 cuta sunt. Ex reliquis *f* vero minime faci-
 le sanantur virgines, aut eæ mulieres, qui-
 bus supervenit tabes, quod menstrua sup-
 pressa sint. Cui vero sano *g* subitus dolor
 capitis ortus est, dein somnus oppressit, sic 15
 ut stertat, neque expergiscatur, intra septi-
 mum diem pereundum est: magis si, cum
 54, 20. alvus cita non antecesserit, palpebræ dor-
 mientis non coeunt, sed album oculorum ap-
 paret. Quos tamen *†* ita mors sequitur, si 20
 id malum non est febre discussum. At *h* aqua
 inter cutem, si ex acuto morbo cæpit, ad
 sanitatem raro perducitur: utique, si con-
 traria his, quæ supra posita sunt, subse-
 quuntur. Æque in ea quoque tussis *i* spem 25
 tollit: item, si sanguis sursum *k* deorsumve
 erupit, & aqua medium corpus implevit.
 Quibusdam etiam in hoc morbo *l* tumo-
 res oriuntur, deinde desinunt, deinde rur-
 sus assurgunt. Hi quidem tutiores sunt, 30
 quam qui supra comprehensi sunt, si atten-
 dunt: sed fere fiducia secundæ valetudinis
 opprimuntur. Illud jure aliquis mirabi-
 tur, quomodo quædam simul & affligant
 nostra

c Aph. v. 11. *d* Aph. iii. 10. *e* Aph. vii. 16.
 78. *f* II. Præd. xiii. 5. *g* Aph. vi. 51. *†* cita
 vel certa, lego. *h* Præn. viii. 1. *i* Aph. vi.
 35. vii. 47. *k* II. Præd. xi. 30. *l* II. Præd.
 xi. 33.

nostra corpora, & parte aliqua tucantur.
 Nam, siue aqua inter cutem quem implevit,
 siue in magno abscessu *m* multum puris coit,
 simul id omne effudisse, æque mortiferum
 5 est, ac si quis sani corporis vulnere factus
 exanguis est. Articuli vero cui sic dolent,
 ut super eos ex callo quædam tubercula in- 68, 23.
 nata sint, nunquam liberantur: quæque eo-
 rum vitia vel in *n* senectute cœperunt, vel
 10 in senectutem ab adolescentia pervenerunt,
 ut aliquando leniri possunt, sic nunquam
 ex toto finiuntur. Morbus quoque comitia-
 lis post annum quintum & vigesimum or-
 tus ægre curatur: multoque ægrius is, qui 68, 27.
 15 post quadragesimum annum cœpit; adeo ut
 in ea ætate * aliquid in natura spei, vix 68, 26.
 quicquam in medicina sit. In eodem mor-
 bo, si simul totum *o* corpus afficitur, ne-
 que ante in partibus aliquis venientis ma-
 20 li sensus est, sed homo ex improvise con- 172, 9.
 cidit, cujuscumque is ætatis est, vix fa-
 nescit: si vero aut mens læsa est, aut ner-
 vorum facta resolutio, medicinæ locus non
 est. Dejectionibus *p* quoque si febris accessit; 68, 34.
 25 si inflammatio jecinoris, aut præcordio-
 rum, aut ventris; si inmodica fitis; si lon-
 gius tempus; si alvus varia; si cum dolore
 est, etiam mortis periculum subest: maxi-
 meque, si inter hæc tormina vetera esse cœ-
 30 perunt. Isque morbus maxime *q* pueros ab-
 sumit usque ad annum decimum: cæteræ
 ætates facilius sustinent. Mulier *r* quoque
 gravida ejusmodi casu rapi potest: atque,
 etiamsi ipsa convaluit, partum tamen per- 61, 34.
 dit.

m *Aph.* vi. 27. *n* *II. Præd.* xv. 2. * *Aph.* ii.

45. *o* *II. Præd.* xvi. 4. *p* *II. Præd.* xxx. 3. 4.

q *II. Præd.* xxx. 10. *r* *II. Præd.* xxx. 14.

dit. Quin etiam tormina *ſ* ab atra bile orſa mortifera ſunt: aut ſi ſub his, extenuato jam corpore, ſubito nigra alvus profluxit. At inteſtinorum *z* lævitas periculoſior eſt, ſi frequens dejectio eſt; ſi venter omnibus 5 horis & cum ſono & ſine hoc profluit; ſi ſimiliter noctu & interdiu; ſi, quod excernitur, aut crudum eſt, aut nigrum, &, præter id, etiam læve, & mali odoris; ſi ſitis urget; ſi poſt potionem urina non redditur 10 (quod evenit, quia tunc liquor omnis non in veſicam, ſed in inteſtina deſcendit;) ſi os exulceratur; ſi rubet facies, & quaſi maculis quibuſdam colorum omnium diſtinguitur; ſi venter eſt quaſi fermentatus, pinguis at- 15 que rugoſus; ſi & cibi cupiditas non eſt. Inter quæ cum evidens mors ſit, multo evidentioreſt, ſi jam in longinquum quoque id vitium eſt: maxime etiam, ſi in corpore ſenili eſt. Si vero in tenuiore inteſtino 20 morbus eſt, † vomitus, ſingultus, nervorum diſſentio, delirium, mala ſunt. At in morbo arquato, *z* durum fieri jecur, pernicioſiſſimum eſt. Quos lienes *x* male habent, ſi tormina prehenderunt, deinde converſa 25 ſunt vel in aquam inter cutem, vel in inteſtinorum lævitatē, vix ulla medicina periculo ſubtrahit. Morbus inteſtini tenuioris ex urinæ *y* difficultate, niſi febre reſolutus eſt, intra ſeptimum diem occidit. Mulier *z* 30 ex partu, ſi cum febre vehementibus etiam & affiduis capitis doloribus premitur, in periculo mortis eſt. Si dolor atque inflammatio eſt in his partibus, quibus viscera

con-

ſ *Aph.* IV. 24. *t* *II. Præd.* XXXI. 2. 3. 4.

† *Aph.* VII. 10. *u* *Aph.* VI. 42. *x* *Aph.* VI. 43.

y *Aph.* VI. 44. *z* *Aph.* V. 55.

continentur, frequenter spirare, signum malum est. Si sine causa longus dolor capitis est, & in cervices ac scapulas transit, rursusque in caput revertitur, aut a capite ad cervices scapulasque pervenit, perniciosus est: nisi vomitum aliquam excitat, sic, ut pus * extusciatur; aut nisi sanguis ex aliqua parte prorumpit; aut nisi in capite multa porrigo, totove corpore pustulae ortae sunt.

10 Aequum magnum malum est, ubi torpor a atque prurigo pervagantur, modo per totum caput, modo in parte; aut sensus alicujus ibi quasi frigoris est, eaque ad summam quoque linguam perveniunt. Et, cum in iisdem ex

15 abscessibus auxilium sit, eo tamen difficilior sanitas est, quo minus saepe sub his malis illi subsequuntur. In coxae b vero doloribus, si vehemens torpor est, frigescitque crus & coxa, alvusque nisi coacta non reddit, id-

20 que, quod excernitur, mucosum est, jamque aetas ejus hominis quadragesimum annum excessit, is morbus erit longissimus, minimumque annuus; neque finiri poterit, nisi aut vere, aut † autumno. Difficilis aequa

25 curatio est, in eadem aetate, ubi humerorum dolor c vel ad manus pervenit, vel ad scapulas tendit, torporemque & dolorem creat, neque bilis vomitu levata est. Quacunque vero parte corporis membrum aliquod resolu-

30 lutum est, si neque d movetur, & emacrescit, in pristinum habitum non revertitur; eoque minus, quo vetustius e id vitium est, & quo magis in corpore senili est. Omnique resolutioni nervorum ad medicinam 39, 24.

non

* Cael. Aurelian. Acut. Morb. II. 16. a II. Præd. xxxvii. b II. Præd. xlv. 2. ad 8. † ex Hippocrate. c II. Præd. xlv. 1. 2. d II. Præd. xlii. 8. e II. Præd. xliii. 2. 3.

- 178, non idonea tempora sunt hiems *f* & autu-
 32. mnus: aliquid sperari potest vere & æstate.
 Isque morbus mediocris † vix * sanatur, ve-
 hemens sanari non potest. Omnis etiam do-
 178, lor minus medicinæ paret, qui sursum *g* pro- 5
 18. cedit. Mulieri *h* gravidæ si subito mammae
 69, 26. emacuerunt, abortus periculum est. Quæ
 neque *i* peperit, neque gravida est, si lac ha-
 147, 7. bet, a menstruis defecta est. Quartana *k*
 æstiva, brevis: autumnalis fere longa est; 10
 maximeque, quæ cæpit hieme appropin-
 quante. Si sanguis *l* profluxit, deinde secu-
 ta est dementia cum distentione nervorum,
 periculum mortis est. Itemque, si medica-
 mentis *m* purgatum, & adhuc inanem, ner- 15
 vorum distentio oppressit: aut si in magno
 dolore, extremæ partes frigent. Neque is
 ad vitam *n* redit, qui ex suspendio, spu-
 mante ore, detractus est. Alvus *o* nigra,
 sanguini atro similis, repentina, sive cum 20
 febre, sive etiam sine hac est, perniciosa est.

CAP. IX.

De Morborum curationibus.

COGNITIS indiciis, quæ nos vel 25
 spe consolentur, vel metu terreant,
 ad curationes morborum transeundum est.
 Ex his quædam communes sunt, quædam
 propriæ. Communes, quæ pluribus morbis
 opitulantur. Propriæ, quæ singulis. Ante 30
 de communibus dicam. Ex quibus tamen
 quædam non ægros solum, sed sanos quo-
 que sustinent, quædam in adversa tantum
 valetudine adhibentur.

Omne

f II. Præd. xliii. 4. † Aph. ii. 42. * Aretæus
 de Morb. Diuturn. i. 7. *g* II. Præd. xlvi. 9.
h Aph. v. 37. *i* Aph. v. 39. *k* Aph. ii. 25. *l* Aph.
 v. 3. *m* Aph. v. 4. *n* Aph. ii. 43. *o* Aph. iv. 21.

Omne vero auxilium corporis, aut demit aliquam materiam, aut adjicit, aut evocat, aut reprimit, aut refrigerat, aut calefacit, simulque aut durat, aut mollit. Quædam non uno modo tantum, sed etiam duobus inter se non contrariis adjuvant. Demitur materia, sanguinis detractione, cucurbitula, dejectione, vomitu, frictione, gestatione, omnique exercitatione corporis, abstinence, sudore. De quibus protinus dicam.

CAP. X.

De Sanguinis detractione per venas. a

SANGUINEM, incisa vena, mitti novum non est: sed nullum pene morbum esse, in quo non mittatur, novum est. Item, mitti junioribus, & fœminis uterum non gerentibus, vetus est. In pueris *b* vero idem experiri, & in senioribus, & in gravidis quoque mulieribus, vetus non est. Siquidem antiqui, primam ultimamque ætatem sustinere non posse hoc auxilii genus judicabant; persuaserantque sibi, mulierem gravidam, quæ ita curata esset, *c* abortum esse facturam. Postea vero usus ostendit, nihil ex his esse perpetuum, aliasque potius observationes adhibendas esse, ad quas dirigi curantis consilium debeat. Interest enim, non quæ ætas sit, neque quid in corpore intus geratur, sed quæ vires sint. Ergo, si juvenis imbecillus est; aut si mulier, quæ gravida non est, parum valet, male sanguis mittitur. emoritur enim vis, siquæ supererat, hoc

a Actuar. M. M. III. i. b Actuar. M. M. III.

b. c Aph. v. 31.

hoc modo erepta. At firmus puer, & robustus senex, & gravida mulier valens, tuto sic curantur. Maxime tamen in his medicus imperitus falli potest: quia fere minus roboris illis ætatibus subest. Mulierique prægnanti post curationem quoque viribus opus est, non tantum ad se, sed etiam ad partum sustinendum. Non, quicquid aut intentionem animi, aut prudentiam exigit, protinus ejiciendum est: cum præcipua in hoc ars sit, quæ non annos numeret, neque conceptionem solam videat, 120, 8. sed vires *d* æstimet, & ex eo colligat, possit 131, 2. nec ne superesse, quod vel puerum, vel feminem, vel in una muliere duo corpora simul 15 sustineat. Interest etiam inter valens corpus, & obesum; inter tenue, & infirmum. Tenuioribus magis sanguis, plenioribus magis caro abundat. Facilius itaque illi detractionem ejusmodi sustinent: celeriusque 20 ea, qui nimium est pinguis, affligitur. Ideoque vis corporis melius ex venis, quam ex ipsa * specie æstimatur.

Neque solum hæc considerata sunt, sed etiam morbi genus quod sit: utrum superans, an deficiens materia læserit: corruptum corpus sit, an integrum. Nam si materia vel deest, vel integra est, istud alienum est. At si vel copia sui male habet, vel corrupta est, nullo modo melius succurritur. Ergo vehemens febris, ubi rubet corpus, plenæque venæ tument, sanguinis detractionem requirit: item viscerum morbi, † nervorumque resolutio, & rigor, & disten-

178,

21.

194, 2.

d Soran. Ephes. Isag. c. 23. * Cicero in Oratore c. 2. † Patin. ad Celsum pag. 238.

distentio : quicquid denique fauces difficul- 196,
tate spiritus strangulat ; quicquid subito 21.
supprimit vocem ; quisquis intolerabilis do-
lor est ; & quacumque de causa ruptum ali-
5 quid intus atque collisum est : item malus
corporis habitus ; omnesque acuti morbi,
qui modo, ut supra dixi, non infirmitate,
sed onere nocent.

Fieri tamen potest, ut morbus quidem
10 id desideret, corpus autem vix pati posse
videatur : sed, si nullum tamen appareat
aliud auxilium, periturusque sit, qui labo-
rat, nisi temeraria quoque via fuerit adju-
tus, in hoc statu boni medici est ostendere,
15 quam nulla spes sine sanguinis detractio-
ne sit ; faterique, quantus in hac ipsa re metus
sit : & tum demum, si exigatur, sanguinem
mittere. De quo dubitare in ejusmodi re
non oportet. satius est enim anceps auxi-
20 lium experiri, quam nullum. Idque maxi- 178,
me fieri debet, ubi nervi resoluti sunt ; ubi 19, 29.
subito aliquis obmutuit ; ubi angina e stran- 196,
gulatur ; ubi prioris febris accessio pene 21.
confecit, paremque subsequi verisimile est,
25 neque eam videntur sustinere ægri vires
posse.

Cum sit autem minime crudo sanguis
mittendus, tamen ne id quidem perpetuum
est. neque enim semper concoctionem res
30 expectat. Ergo, si ex superiore parte aliquis 203,
decidit, si contusus est, si ex aliquo subito 20.
casu sanguinem vomit, quamvis paulo ante 204, 9.
sumpsit cibum, tamen protinus ei demen-
da materia est, ne, si subsederit, corpus af-
fligat.

e I Epid. vi. 26.

fligat. Idemque etiam in aliis casibus repentinis, qui strangulabunt, dictum erit. At, si morbi ratio patiat, tum demum nulla cruditatis suspitione remanente id fiet. Ideoque ei rei videtur aptissimus adversæ valetudinis dies secundus, aut tertius. Sed ut aliquando etiam primo die sanguinem mittere necesse est, sic nunquam utile post diem quartum est, cum jam spacio ipso materia vel exhausta est, vel corpus corrumpit; ut detractio imbecillum id facere possit, non possit integrum. Quod si vehemens febris urget, in ipso impetu ejus sanguinem mittere, hominem jugulare est. expectanda ergo intermissio est: si non decedit, cum crescere desiit: si neque remissio speratur, tunc quoque, quamvis peior, sola tamen occasio non omittenda est.

Fere etiam ista medicina, ubi necessaria est, in biduum dividenda est. Satiùs est enim, primum levare ægrum, deinde perpur-gare, quam simul omni vi effusa fortasse præcipitare. Quod si in cura quoque aquæ, quæ inter cutem est, ita respondet; quanto magis necesse est in sanguine respondere?

Mitti vero is debet, si totius corporis causa sit, ex brachio: si partis alicujus, ex ea ipsa parte, aut certe quam proxima; quia non ubique mitti potest, sed in temporibus, in brachiis, juxta talos. Neque ignoro, quosdam dicere, quam longissime f sanguinem inde, ubi lædit, esse mittendum; sic enim averti materiæ cursum; at illo modo

in

f *De Nat. Hum.* xxii. 4. *De Venis* xiii. 6.

in idipsum, quod gravatur, evocari. Sed idipsum falsum est. proximum enim locum primo exhaurit: ex ulterioribus autem eatenus sanguis sequitur, quatenus emittitur: 5 ubi is suppressus est, quia non trahitur, ne venit quidem. Videtur tamen usus ipse docuisse, si caput † fractum est, ex brachio potius sanguinem mittendum esse: si quod in humero * vitium est, ex altero brachio. 10 credo, quia si quid parum cesserit, opportuniores hæ partes injuriæ sunt, quam quæ jam male habent. Avertitur quoque interdum sanguis, ubi alia parte prorumpens, alia emittitur. desinit enim fluere qua no- 15 lumus, inde objectis quæ prohibeant, alio dato itinere.

Mittere autem sanguinem cum sit expeditissimum, usum habenti; tamen ignaro difficillimum est. Juncta enim est vena ar- 20 teriis, his nervi. Ita, si nervum scalpellus attigit, sequetur nervorum g distentio, ea- que hominem crudeliter consumit. At arteria h incisa neque coit, neque sanescit: in- 183, terdum etiam, ut sanguis vehementer erum- 24. pat, efficit. Ipsius quoque venæ, si forte præcisa est, capita comprimuntur, neque sanguinem emittunt. At si timide scalpellus demittitur, summam cutem lacerat, ne- que venam incidit. Nonnunquam etiam ea 30 latet, neque facile reperitur. ita multæ res id difficile incio faciunt, quod perito facillimum est.

Incidenda ad medium vena est. Ex qua cum sanguis erumpit, colorem ejus habi- tumque

† Quidam vir doctus l. tactum. * Aph. VI. 22. g De Morb. III. 32. h Aph. VI. 18. 19. I. De Morb. VII. 21.

289, 7. tumque oportet attendere. Nam si is crassus & niger est, vitiosus est; ideoque utiliter effunditur: † si rubet & pellucet, integer est; eaque missio sanguinis adeo non prod-
est, ut etiam noceat, protinusque is sup-
primendus est. Sed id evenire non potest
sub eo medico, qui scit ex quali corpore
sanguis mittendus sit. Illud magis fieri so-
let, ut æque niger assidue primo die profluat.
quod quamvis ita est, tamen si jam satis flu-
xit, supprimendus est: semperque ante finis
faciendus est, quam * anima deficiat.

Deligandumque brachium superimposito
expresso ex aqua frigida penicillo; & po-
stero die adverso medio digito vena frican-
da, ut recens coitus ejus resolvatur, ite-
rumque sanguinem fundat. Sive autem pri-
mo, sive secundo die sanguis, qui crassus
& niger initio fluxerat, & rubere, & pellu-
cere cœpit, satis materiæ detractum est,
atque quod superest, sincerum est: ideoque
protinus brachium deligandum, habendum-
que ita est, donec valens cicatricula sit;
quæ celerrime in vena confirmatur.

C A P. XI.

De Sanguinis detractione per Cucurbitulas.

CUCURBITULARUM a vero duo
genera sunt: æneum, & corneum. Æ-
nea, altera parte patet; altera, clausa est.
Cornea, altera parte æque patens, altera
foramen habet exiguum. In æneum lina-
men-

† Casaub. in Athenæum Animadv. L. I. c. 20.
pag. 60. * Soran. Ephesius Isagog. I. cap. 22.
a Prosp. Alpin. de Medic. Ægypt. II. 13.

mentum ardens conjicitur, ac sic os ejus corpori aptatur, imprimiturque, donec inhæreat. Cornea, per se corpori imponitur; deinde, ubi ea parte, qua exiguum
5 foramen est, ore spiritus adductus est, superque cera cavum id clausum est, æque inhærescit. Utraque non ex his tantum materiæ generibus, sed etiam ex quolibet alio recte fit. Ac si cætera defecerunt, caliculus quoque aut pultarius, oris compressioris, ei rei commode aptatur. Ubi inhæsit, si concisa ante scalpello cutis est, sanguinem extrahit: si integra est, spiritum. Ergo ubi materia, quæ intus est, lædit,
15 illo modo: ubi inflatio, hoc imponi solet.

Ufus autem cucurbitulæ præcipuus est, ubi non in toto corpore, sed in parte aliqua vitium est, quam exhauriri ad confirmandam valetudinem satis est. Idque ipsum testimonium est, etiam scalpello sanguinem, ubi membro succurritur, ab ea potissimum parte, quæ jam læsa est, esse mittendum: quod nemo cucurbitulam diversæ parti im- 233,
ponit, nisi cum profusionem sanguinis eo 34.
25 avertit; sed ei ipsi, quæ dolet, quæque liberanda est.

Opus esse cucurbitula potest in morbis longis (quamvis & iis jam spacium aliquod accessit) sive corrupta materia, sive spiritu
30 male habente. In acutis quoque quibusdam, si & levare corpus debet, & ex vena sanguinem mitti, vires non patiuntur. Idque auxilium ut minus vehemens, ita magis tutum; neque unquam periculosum
F 2 est,

est, etiam si in medio febris impetu, etiam si in cruditate adhibetur. Ideoque ubi sanguinem mitti opus est, si incisa vena præceps periculum est, aut nobili in parte corporis vitium est, etiam huc potius confugiendum est. cum eo tamen, ut sciamus, hic ut nullum periculum, ita levius præsidium esse; nec posse vehementi *b* malo, nisi æque vehemens auxilium succurrere.

C A P. XII.

De Dejectione.

DE J E C T I O N E M autem antiqui variis medicamentis, crebraque alvi ductione in omnibus fere morbis moliebantur: dabantque aut nigrum veratrum, aut filiculam, aut squamam æris, quam *λεπίδα χαλκοῦ* Græci vocant; aut lactuæ marinæ † lac, cujus gutta pani adjecta abunde purgat; aut lac vel asininum, vel bubulum, vel caprinum, eique salis paulum adjiciebant, decoquebantque id, & sublati his, quæ coierant, quod quasi serum supererat, bibere cogeant.

241, 25. Sed medicamenta stomachum fere lædunt. Ideoque omnibus catharticiis aloë miscenda est. Alvus si vehementius fluit, aut sæpius ducitur, hominem infirmit. Ergo numquam in adversa valetudine medicamentum ejus rei causa recte datur, nisi 30 ubi is morbus sine febre est. Ut cum veratrum nigrum, aut atra bile vexatis, aut cum 87, 13. *a* tristitia insanientibus, aut iis, quorum 177, nervi parte aliqua resoluti sunt, datur. At, 33. ubi

b De Arte XIII. 16. Erasmi. Adag. malo nondo. Chrys. ad Genes. cap. 1. Homil. VI. † Patin. pag. 248. *a* I. Diet. XXXIII. 10. De Insomn. VI. 5. de victu Acut. lvi.

ubi febres sunt, satius est ejus rei causa cibos
 potionesque assumere, qui simul & alant, &
 ventrem molliant. Suntque valetudinis ge-
 nera, quibus ex lacte purgatio convenit.

5 2. De Alvi ductione. b

Plerunque vero alvus lotionibus ducenda
 est. quod, ab Asclepiade c quoque sic vitu- 29, 7.
 peratum, ut tamen servatum sit, video ple-
 runque seculo nostro, præteriri. Est autem
 10 ea moderatio, quam is secutus videtur, a-
 ptissima, ut neque sæpe † medicina tentetur,
 & tamen semel, vel summum bis, non
 omittatur, si caput grave est; si oculi cali-
 gant; si morbus majoris intestini est, quod
 15 Græci κόλον nominant, si in imo ventre,
 aut in coxa dolores sunt; si in stomachum
 quædam biliosa concurrunt, vel etiam pi-
 tuita eo se, humorve aliquis aquæ simi-
 lis confert; si spiritus difficilius redditur; si
 20 nihil per se venter excernit; utique, si juxta
 quoque stercus est, & intus remanet; aut si
 stercoreis odorem nihil dejiciens æger ex spi-
 ritu suo sentit; aut si corruptum est, quod
 excernitur; aut si prima inedia febrem non
 25 sustulit; aut si sanguinem mitti, cum opus
 sit, vires non patiuntur, tempusve ejus rei
 præteriit; aut si multum ante morbum ali-
 quis potavit; aut si is, qui sæpe, vel spon-
 te, vel casu purgatus est, subito habet al-
 30 vum suppressam. Servanda vero illa sunt, ne
 ante diem tertium ducatur: ne ulla crudi-
 tate substantive: ne in corpore infirmo, diu-
 que in adversa valetudine exhausto: neve
 in eo, cui satis alvus reddit quotidie, qui-

F 3

ve

b Plutarch. de tuend. Valet. p. 232. c Plin.
 xxvi. 3. † Craton. Consilia Med. ex ed. Scholzii.

ve eam liquidam habet : neve in ipso accessionis impetu ; quia , quod tum infusum est , alvo continetur , regeſtumque in caput , multo gravius periculum efficit . Pridie vero abſtinere debet æger , ut aptus tali curationi ſit . Eodem die ante , aliquot horis , aquam calidam bibere , ut ſuperiores ejus partes mafeſcant : tum immittenda in alvum eſt , ſi levi medicina contenti ſumus , pura aqua ; ſi paulo valentiori , mulſa ; ſi leni , 10 aqua , in qua fœnum græcum , vel ptifana , vel malva decocta ſit : ſi reprimendi cauſa , ex † verbenis . Acris autem eſt marina aqua , vel alia fale adjecto : at utraque decocta commodior eſt . Acrior ſit , adjecto vel oleo , 15 vel nitro , vel melle quoque . Si acrior eſt , eo plus extrahit , ſed minus facile ſuſtinetur . Id quod infunditur , neque frigidum eſſe oportet , neque calidum ; ne alterutro modo lædat . Cum infuſum eſt , quantum 20 fieri poteſt , continere ſe in lectulo debet æger , nec primæ cupiditati dejectionis protinus cedere : ubi neceſſe eſt , tum demum deſidere . Fereque eo modo dempta materia , ſuperioribus partibus levatis , morbum 25 ipſum mollit . Cum vero , quotiens res coëgit , deſidendo aliquis ſe exhaust , pauliſper debet conquieſcere ; & , ne vires deſciant , utique eo die cibum aſſumere . qui plenior , an exiguus ſit dandus , ex ratione 30 ejus accessionis , quæ expectabitur , aut in metu non erit , æſtimari oportebit .

CAP.

† *Pro quavis herba, ſic Plin. XXVI. c. 10. Satyrii nomine quaſvis herbas venerem excitantes nominat .*

CAP. XIII.

De Vomitu . a 29, 21.

AT vomitus, ut in secunda quoque va-
 5 letudine sæpe necessarius biliosis est ;
 sic etiam in his morbis, quos bilis conci-
 tavit. Ergo omnibus, qui ante febres hor-
 rore & tremore vexantur : omnibus, qui cho-
 lera laborant : omnibus etiam cum qua-
 10 dam hilaritate insanientibus ; & comitiali 183,
 quoque morbo oppressis necessarius est. Sed, 10.
 si acutus morbus est, sicut in cholera ; si
 febris est, inter rigores, asperioribus me-
 dicamentis opus non est ; sicut in dejectio-
 15 nibus quoque supra dictum est. Satisque 84, 31.
 est, ea vomitus causa sumi, quæ sanis quo-
 que sumenda esse proposui. At ubi longi
 valentesque morbi sine febre sunt, ut co- 92. 4.
 mitialis aut infania, veratro quoque albo
 20 utendum est. Id neque hieme, neque æsta-
 te recte datur : optime, vere : tolerabiliter,
 autumno. Quisquis daturus erit, id agere
 ante debet, ut accepturi corpus *b* humidius
 sit. Illud scire oportet, omne ejusmodi me-
 25 dicamentum, quod † potui datur, non sem-
 per ægris prodesse, semper *c* sanis nocere.

CAP. XIV.

De Frictione . a

30 **D**E frictione vero & gestatione adeo
 multa Asclepiades, tanquam inven-
 tor ejus, *b* posuit in eo volumine, quod
 Communium Auxiliorum inscripsit, ut,
 cum trium tantum faceret mentionem,

F 4 hujus

*a Hippocrat. T. I. pag. 651. III. De Diet. IV.**b Aph. IV. 13. † Vomitu. c Aph. II. 36. IV. 16.**a Cribas. Med. Collect. VI. 13. 16. 17. 18. &c.**b Plin. XXVI. 3. Mercur. de Arte Gymn. I. 7.*

348,
10.
549,
18.

hujus & vini & gestationis, tamen maximam partem in hoc consumpserit. Oportet autem neque recentiores viros in his fraudare, quæ vel reppererunt, vel recte secuti sunt; & tamen ea, quæ apud antiquiores aliquos posita sunt, authoribus suis reddere. Neque dubitari potest, quin latius quidem, & dilucidius, ubi & quomodo frictione utendum esset, Asclepiades præceperit; nihil tamen reperit, quod non a vetustissimo autore Hippocrate paucis verbis comprehensum sit: qui dixit, Frictione, si vehemens sit, c durari corpus: si lenis, molliri: si multa, minui: si modica, impleri. Sequitur ergo, ut tum utendum sit, cum aut adstringendum corpus sit, quod fluens est: aut molliendum, quod induruit: aut digerendum in eo, cui copia nocet: aut alendum id, quod tenue & infirmum est.

Quas tamen species, si quis curiosius æstimet (quod jam ad medicum non pertinet) facile intelliget, omnes ex una causa pendere, quæ demit. Nam & adstringitur aliquid, eo dempto, quod interpositum, ut id laxaretur, effecerat: & mollitur, eo detracto, quod duritiem creabat: & impletur, non ipsa frictione, sed eo cibo, qui postea usque ad cutem, digestionem quadam relaxatam, penetrat. Diversarum vero rerum in modo causa est.

Inter unctionem autem & frictionem multum interest. Ungi enim, leniterque pertractari corpus, etiam in acutis & recentibus morbis oportet; in remissione tamen,

&

c III. Diet. xlii. 9. 10. Oribas. Synops. 1.
Plin. xxviii. 4.

& ante cibum. Longa vero frictione uti, neque in acutis morbis, neque incrementibus convenit; præterquam cum phreneticis somnus ea quæritur. Amat autem hoc auxilium valetudo longa, & jam a primo impetu inclinata. Neque ignoro, quosdam dicere, omne auxilium necessarium esse incrementibus morbis, non cum jam per se finiuntur. Quod non ita se habet. Potest enim morbus, etiam qui per se finem habiturus est, citius tamen adhibito auxilio tolli. quod duabus de causis necessarium est: & ut quam primum bona valetudo contingat; & ne morbus, qui remanet, iterum, quamvis levi de causa, exasperetur. Potest enim morbus minus gravis esse, quam fuerit; neque ideo tamen solvi; sed reliquiis quibusdam inhærere, quas admodum aliquod auxilium discutiat.

20 Sed ut, levata quoque adversa valetudine, recte frictio adhibetur; sic nunquam adhibenda est febre incremente: verum, si fieri poterit, cum ex toto corpus ea vacabit; sin minus, certe cum ea remiserit. Eadem autem modo in totis corporibus esse debet, ut cum infirmus aliquis implendus: modo in partibus; aut quia ipsa ejus membri imbecillitas id requirit, aut quia alterius. Nam & capitis & longos dolores ipsius frictio levat; non in impetu tamen doloris: & membrum aliquod resolutum ipsius frictione confirmatur. Longe tamen sæpius aliud perfricandum est, cum aliud dolet: maximeque cum a summis, aut a mediis

parti-

d. Aretaus de Diut. Curat. I. I.

partibus corporis evocare materiam volumus ; ideoque extremas partes perfricamus . Neque audiendi sunt , qui numero finiunt , quoties aliquis perfricandus sit . Id enim ex viribus hominis colligendum est . Ut si quis perinfirmus est , potest satis esse quinquagies : si robustior , potest ducenties esse faciendum . inter utrumque deinde , prout vires sunt . Quo fit , ut etiam minus sæpe in muliere , quam in viro : minus sæpe in puero , vel sene , quam in juvene , manus dimovendæ sint . Denique , si certa membra perfricantur , multa valentique fricatione opus est . Nam neque totum corpus infirmari cito per partem potest , & opus est quam plurimum materiæ digeri , sive ipsum membrum , sive per id aliud levamus . At , ubi totius corporis imbecillitas hanc curationem per totum id exigit , brevior esse debet & lenior ; ut tantummodo summam cutem emolliat , quo facilius capax ex recenti cibo novæ materiæ fiat . In malis jam ægrum esse testatur , e ubi exterior pars corporis friget , interior cum siti calet , ut supra posui . Sed tunc quoque unicum in fritione præsidium est . quæ si calorem evocavit , potest alicui medicinæ locum facere .

C A P. XV.

De Gestatione . a

GESTATIO quoque longis & jam inclinatis morbis aptissima est . utilisque est & his corporibus , quæ jam ex

e Aph. iv. 48. a Oribas. Coll. Medic. vi. 23.

ex toto febre carent, sed adhuc exerceri
per se non possunt; & his, quibus lentæ
morborum reliquæ remanent, neque aliter
eliduntur. Asclepiades etiam in recenti ve-
5 hementique, præcipueque ardente febre,
ad discutiendam eam, gestatione dixit u-
tendum. Sed id periculose fit; meliusque
in quiete ejusmodi impetus sustinetur. Si
quis tamen ^b experiri volet, sic experiatur,
10 si lingua non erit aspera, si nullus tumor,
nulla durities, nullus dolor visceribus, aut
capiti, aut præcordiis suberit. At ex toto,
nunquam gestari corpus dolens debet, sive
id in toto, sive in parte est; nisi tamen so-
15 lis nervis dolentibus; neque unquam in-
crescente febre, sed in remissione ejus.

Genera ^c autem gestationis plura sunt:
quæ adhibenda sunt & pro viribus cujus-
que, & pro opibus; ne aut imbecillum ho-
20 minem nimis digerant, aut humili desint.
Gestationum lenissima est navi, vel in por-
tu, vel in flumine; vel lectica, aut sca-
mno: acrior, vehiculo: vehementior, in al-
to mari † navi. Atque hæ ipsæ & intendi &
25 leniri possunt. Si nihil horum est, suspen-
di lectus debet, & moveri. Si ne id qui-
dem est, at certe uni pedi lecti fulcimentum
subjiciendum est, atque ita lectus huc &
illuc manu impellendus. Et levissima quidem
30 genera exercitationis infirmis conveniunt:
valentiora vero his, qui jam pluribus
diebus febre liberati sunt; aut his, qui gra-
vium morborum initia sic sentiunt, ut ad-
huc febre vacent (quod & in tabe, & in sto-
machi

^b Oribas. Medic. Coll. vi. 25. ^c Oribas. Me-
dic. Coll. vi. 23. † Gloss.

machii vitiis, & cum aqua cutem subiit, & interdum in morbo regio fit) aut ubi quidam morbi, qualis comitialis, qualis infania est, sine febre, quamvis diu, manent. In quibus affectibus ea quoque genera exercitationum necessaria sunt, quæ comprehendimus eo loco †, quo, quemadmodum fani, neque firmi homines se gerere debent, præcepimus.

C A P. X V I.

De Abstinencia. a

ABSTINENTIÆ vero duo genera sunt. Alterum, ubi nihil assumit æger: alterum, ubi non nisi quod oportet. Initia morborum primum * famem, sitimque desiderant: ipsi deinde morbi, moderationem, ut neque aliud quam expedit, neque ejus ipsius nimium sumatur. neque enim convenit juxta inediam protinus satietatem esse. Quod si sanis quoque corporibus inutile est, ubi aliqua necessitas famem fecit; quanto inutilius est infirmo, nedum ægro? Neque ulla res b magis adjuvat laborantem, quam tempestitiva abstinencia. Intemperantes homines apud nos, sibi cibi tempora, modum curantibus dant. Rursus alii, tempora medicis pro dono remittunt, sibi ipsis modum vendicant. Liberaliter agere se credunt, qui cætera illorum arbitrio relinquunt, in genere cibi liberi sunt; quasi quærat, quid medico liceat, non quid ægro salutare sit. Cui vehementer nocet, quoties in ejus, quod assumitur,

vel

† *Lib. I. c. 1.2. a Soran. Ephes. Isag. cap. x.** *Hipp. de Vet. M. T. xv. n. 10. b Plin. xxviii.*

4.

vel tempore, vel modo, vel genere peccatur.

CAP. XVII.

De Sudore.

SUDOR duobus modis elicitur: aut sicco calore, aut balneo. Siccus calor est, & arenæ calidæ, *a* & laconici, & clibani, & quarundam naturalium sudationum, ubi a terra profusus calidus vapor ædificio includitur, sicut super *b* Batas in murtetis habemus. Præter hæc, sole quoque, & exercitatione is movetur. Utiliaque hæc genera sunt, quoties humor intus nocet, isque digerendus est. Ac nervorum quoque quædam vitia sic optime curantur. Et cætera infirmis possunt convenire: Sol, & exercitatio tantum robustioribus; qui tamen sine febre, vel initio morbi, vel etiam non gravibus morbis tenentur. Cavendum autem est, ne quid horum vel in febre, vel in cruditate tentetur.

At balnei duplex usus est. Nam modo, discussis febribus, initium cibi plenioris, vinique firmioris, valetudini facit; modo febrem ipsam tollit. Fereque adhibetur, ubi summam cutem relaxari, evocarique corruptum humorem, & habitum corporis mutari expedit. Antiqui timidius eo utebantur: Asclepiades *d* audacius. Neque terere autem ea res, si tempestiva est, debet: at ante tempus, nocet. Quisquis febre liberatus est, simulatque ea uno die non accessit, eo, qui proximus est post tempus accessio-

a Aetius Tetr. I. Serm. III. 9. b Alii Baias, Horat. Epist. xv. l. 1. Ovid. de A. A. L. 1. Casiodor. Var. l. ix. 6. c I. de Morb. Mul. lviii. 14. d Plin. xxvi. 3.

cessionis, tuto lavari potest. At si circuitum habere ea febris solita est, sic ut tertio, quartove die revertatur, quodocunque non accessit, balneum tutum est. Manentibus vero adhuc febribus, si hæ sunt lentæ, lienæque jamdiu male habent, recte medicina ista tentatur: cum eo tamen, ne præcordia dura sint, neve ea tumeant, neve lingua aspera sit, neve aut in medio corpore, aut in capite dolor ullus sit, neve tum febris increseat. Et in his quidem febribus, quæ certum circuitum habent, duo balnei tempora sunt; alterum, ante horrorem; alterum, febre finita. In his vero, qui lentis febriculis diu detinentur, cum aut ex toto recessit accessio; aut si id non solet, certe lenita est, jamque corpus tam integrum est, quam maxime esse in eo genere valetudinis solet.

Imbecillus homo, iturus in balneum, vitare debet, ne ante frigus aliquod experiatur: ubi in balneum venit, paulisper resistere, experiri que, num tempora adstringantur, & an sudor aliquis oriatur: illud si incidit, hoc non secutum est, inutile eo die balneum est: & perungendus est is leniter, & referendus, vitandumque omnimodo frigus, & abstinencia utendum. At si temporibus integris, primum ibi, deinde alibi sudor incipit, fovendum os aqua calida; tum in solio desidendum est; atque ibi quoque videndum, num sub primo contactu aquæ calidæ summa cutis inhorrescat, quod vix tamen fieri potest, si priora recte

recte accesserunt . certum autem id signum inutilis balnei est .

Ante vero , quam in aquam calidam se demittat , an postea aliquis perungi debeat , ex ratione valetudinis suæ cognoscat . Fere tamen (nisi ubi nominatim , ut postea fiat , id præcipietur) moto sudore & leniter corpus perungendum ; deinde in aquam calidam demittendum est . Atque hic quoque
10 habenda virium ratio est : neque committendum , ut per æstum anima deficiat ; sed maturius is auferendus , curiosoque vestimentis involvendus est , ut ne ad eum frigus aspi-
15 quid assumat , insudet .

Fomenta quoque calida sunt , milium , sal , arena . quodlibet eorum calefactum , & in linteum coniectum ; etiam solum linteum , si minore vi opus est : at si maiore ,
20 extincti titiones , involutique panniculis , & 142 , sic circumdati . Quinetiam calido oleo replentur fusticuli : & in vasa fictilia (quas a similitudine lenticulas vocant) aqua con-
25 citur ; & sal sacco lineo excipitur , demittiturque in aquam bene calidam , tum super id membrum , quod fovendum est , collocatur . Juxtaque ignem , ferramenta duo ignita sunt , capitibus paulo latioribus : alterum ex his demittitur in siccum salem , & aqua
30 super leviter aspergitur ; ubi frigere cœpit , ad ignem refertur : idem & in altero fit ; deinde invicem in utroque : intereaque descendit falsus & calidus succus , qui contrahitis aliquo morbo nervis opitulatur . His
omni-

e I. De Morb. Mul. lvi. 13. f Diogen. Laert. l. v. vit. Aristot. pag. 117. ed. Lond. Valeriola observ. 1. observ. 11. in uxore partu difficili laborante .

omnibus commune est, digerere id, quod vel præcordia onerat, vel fauces strangulat, vel in aliquo membro nocet. Quando autem quoque utendum sit, in ipsis morborum generibus dicetur.

5

C A P. XVIII.

Qui cibi, potionesve, aut valentis, aut mediæ, aut imbecillæ materiæ sint.

CUM de his dictum sit, quæ detrahendo juvant: ad ea veniendum est, quæ nos alunt, id est cibum, & potionem. Hæc autem non omnium tantum morborum, sed etiam secundæ valetudinis communia præsidia sunt. Pertinetque ad rem, omnium proprietates nosse: primum, ut sciant, quomodo his utantur: deinde, ut exsequentibus nobis morborum curationes, liceat species rerum, quæ assumendæ necessario erunt, subdicere: neque necesse sit subinde singulas eas nominare.

Scire igitur oportet, omnia legumina, quæque ex frumentis panificia sunt, generis valentissimi esse (valentissimum voco, in quo plurimum alimenti est:) item omne animal quadrupes domi natum; omnem grandem feram, quales sunt caprea, cervus, aper, onager; omnem grandem avem, quales sunt anser, & pavo, & grus; omnes belluas marinas, ex quibus cetus est, quæque his pares sunt: item mel, & caseum. Quo minus mirum est, opus pistorium valentissimum esse, quod ex frumento, adipe, melle, caseo a constat. In media vero materia

a II. Diet. XXI. 10.

teria numerari ex oleribus debere ea, quorum radices, vel bulbos assumimus: ex quadrupedibus, leporem: aves omnes a minimis ad phœnicopterum: item pisces omnes, qui salem non patiuntur, solidive saliantur. Imbecillissimam vero materiam esse, omne olus, & quicquid in cauliculo * nascitur, qualis est cucurbita, & cucumis, & capparitis, omnia † poma, oleas, cochleas, itemque conchylia.

Sed quamvis hæc ita discreta sint, tamen etiam, quæ sub eadem specie sunt, magna discrimina recipiunt; aliaque res alia vel valentior est, vel infirmior. Siquidem plus alimenti est in pane, quam in ullo alio. Firmius est *b* triticum, quam milium: idipsum, quam hordeum: & ex tritico firmissima filigo; deinde simila; deinde cui nihil ademptum est, quod *c* αὐτόπυρον Græci vocant: infirmior est, ex polline: infirmissimus, cibarius panis. Ex leguminibus vero valentior faba, vel lenticula, quam pisum. Ex *d* oleribus valentior rapa, napique, & omnes bulbi (in quibus cepam quoque, & allium numero) quam pastinaca, vel quæ specialiter radicula appellatur. Item firmior brassica, & beta, & porrum, quam lactuca, vel cucurbita, vel asparagus. At ex fructibus furculorum valentiores uvæ, ficus, nuces, palmarum, quæque poma proprie nominantur. Atque ex his ipsis firmiora, quæ succosa, quam quæ fragilia sunt. Item ex his *e* avibus, quæ in media specie sunt, valentiores eæ, quæ pedibus, quam quæ volatu magis

G

nitun-

* *Patin. p. 282. 283. & 287. † Id. ibid. b II. De Diet. x. 1. Athen. Deipn. III. 30. pag. 115. c Idem ibid. cap. 28. d II. Diet. xxiv. e II. Diet. xvii.*

nituntur: & ex his, quæ volatu fidunt, firmiores sunt grandiores aves, quam minutæ, ut ficedula & turdus. Atque ex quoque, quæ in aqua degunt, leviores cibum præstant, quam quæ natandi scientiam non habent. Inter domesticas vero quadrupedes, levissima suilla est; gravissima, bubula. Itemque ex feris, quo majus quodque animal, eo robustior ex eo cibus est. Pisciumque eorum, qui ex media materia sunt, quamvis maxime utimur, tamen gravissimi sunt: tum ex quibus fassamenta quoque fieri possunt, qualis lacertus est; deinde hi, qui, quamvis teneriores, tamen duri sunt, ut aurata, corvus, sparus, oculata; tum plani: post quos etiam leviores sunt, lupi, mulque; & post hos, omnes faxatiles.

Neque vero in generibus rerum tantummodo discrimen est, sed etiam in ipsis: quod & ætate fit, & membro, & solo, & cælo, & habitu. Nam quadrupes vel omne animal si lactens est, minus alimenti præstat: itemque quo tenerior pullus cohortalis est. In piscibus quoque media ætas, quæque nondum summam magnitudinem implevit. Deinde ex eodem sue, ungula, rostrum, aures, cerebellum. Ex agno, hædoque, cum petiolis totum caput aliquanto, quam cætera membra, leviora sunt; adeo ut in media materia poni possint. Ex avibus, colla, alæ recte infirmissimis annumerantur. Quod ad solum vero pertinet, frumentum quoque valentius est collinum, quam

f II. Diet. XIX. g II. Diet. XXI. 2

quam campestre. Levior ^b piscis inter saxa editus, quam in arena; levior in arena, quam in limo. Quo fit, ut ex stagno, vel lacu, vel ⁱ flumine eadem genera graviora sint. Leviorque, qui in alto, quam qui in vado vivit. Omne etiam ferum ^k animal domestico levius; & quodcumque humido cœlo, quam quod sicco natum est. Deinde eadem omnia pingua, quam macra; recentia, quam falsa; nova, quam vetusta, plus alimenti habent. Tum res eadem magis alit jurulenta, quam assa; magis assa, quam frixa. Ovum durum valentissimæ materiæ est; molle, vel sorbile, imbecillissimæ. Cumque panificia omnia firmissima sint, velota tamen quædam genera frumenti, ut alica, oryza, ptisana, vel ex iisdem facta sorbitio, vel pulticula, & aqua quoque madens panis, imbecillissimis annumerari potest.

Ex potionibus vero, quæcunque ex frumento facta est, itemque lac, mulsum, defrutum, passum, vinum aut dulce, aut vehemens, aut mustum, aut magnæ vetustatis, valentissimi generis est. At acetum, & id vinum quod [†] paucorum annorum, vel austerrum, vel pingue est, in media materia est. ideoque infirmis nunquam ejus generis dari debet. Aqua omnium imbecillissima est. Firmiorque ex frumento potio est, quo firmitus fuit ipsum frumentum: firmior ex eo vino, quod bono solo, quam quod tenui; quodque temperato cœlo, quam quod aut nimis humido, aut nimis sicco, nimiumque aut frigido,

IOSUP

G 2

aut

^b II. Diet. xlix. 9. Athenæus Deipn. vii. c. 15. ⁱ II. Diet. xix. 1. ^k II. Diet. xx. [†] Pagan. p. 299.

aut calido natum est. Mulsam, quo plus mellis habet; defrutum, quo magis decoctum; passum, quo ex sicciore uva est, eo valentius est. † Aqua levissima / pluviatilis est; deinde fontana, tum ex flumine, tum ex puteo; posthæc ex nive, aut glacie; gravior his, ex lacu; gravissima, ex palude. Facilis etiam, & necessaria cognitio est naturam ejus requirentibus. Nam levis, pondere apparet; & ex his, quæ pondere pares sunt, eo melior quæque est, quo celerius * & calefit & frigescit; quoque celerius ex ea legumina percoquuntur.

Fere vero sequitur, ut, quo valentior quæque materia est, eo minus facile concoquatur; sed si concocta est, plus alat. Itaque utendum est materiæ genere pro viribus; modusque omnibus pro genere sumendus. Ergo imbecillis hominibus, rebus infirmis opus est: mediocriter firmos, media materia optime sustinet; & robustis apta validissima est. Plus deinde aliquis assumere ex levioribus potest: in his magis, quæ valentissima sunt, temperare sibi debet.

C A P. XIX.

Quæ natura ac proprietas cujusque rei sit, qua vescimur.

NEQUE hæc sola discrimina sunt; sed etiam aliæ res boni succi, aliæ mali sunt; quæ εὐχυσία, & κακὸς χυμὸς Græci vocant: aliæ lenes, aliæ acres: aliæ crassio rem pituitam in nobis faciunt, aliæ tenuiorem: aliæ idoneæ sunt stomacho, aliæ

† *Aquæ bonæ malæve signa enumerantur a Casaubono in Athenæum Animadv. L. 11. cap. 7. 1 Pallad. R. R. I. 17. Colum. de R. R. I. 5.*

* *Aph. v. 26.*

aliæ alienæ: Itemque aliæ inflant, aliæ ab hoc absunt: aliæ calefaciunt, aliæ refrigerant: aliæ facile in stomacho acefcunt, aliæ non facile intus corrumpuntur: aliæ movent alvum, aliæ supprimunt: aliæ citant urinam, aliæ tardant: quædam fomnum movent, quædam sensus excitant. Quæ omnia ideo noscenda sunt, quoniam aliud alii, vel corpori, vel valetudini, convenit.

10 **C A P. XX.**

De his, quæ boni succi sunt.

BONI succi sunt, triticum, filigo, alica, oryza, amyllum, tragum, ptisana, 15 a lac, caseus mollis, omnis venatio, omnes aves, quæ ex media materia sunt: ex majoribus quoque hæ, quas supra nominavimus: medii inter teneros durosque pisces, ut mullus, & lupus: olera, lactuca, urtica, 20 malva, cucumis, cucurbita, portulaca, cochleæ, palmulæ: ex pomis quodcumque neque acerbum, neque acidum est: vinum dulce, vel lene, passum, defrutum, oleæ, quæve ex his duobus in alterutro servatæ 25 sunt: † vulvæ, rostra, * trunculique suum, omnis pinguis caro, omnis glutinosa, omne jecur, ovum forbile.

C A P. XXI.

De his, quæ mali succi sunt.

30 **M**ALI vero succi sunt, milium, panicum, hordeum, legumina, caro domestica permacra, omnisque caro falsa, omne a falsamentum, garum, vetus ca-
G 3 feus,

a Varro R. R. II. 11. † Plin. Ep. l. 1. Ep. 15.

* in Tynon. notis occurrit vox Trunculus p. 167.

a Athen. Deipn. III. c. 31. pag. 116.

seus, fiser, radícula, rapa; napi, bulbi, brassica, magisque etiam cyma ejus, asparagus, beta, cucumis, porrum, eruca, nasturtium, thymum, nepeta, satureia, hyssopum, ruta, anethum, feniculum, cuminum, anisum, lapathum, sinapi, allium, cepa, lienes, renes, intestina, pomum quodcumque acidum vel acerbum est, acetum, omnia acria, acida, acerba, oleum, * pisces quoque saxatiles, omnesque, qui ex tenerrimo genere sunt, aut hi, qui rursus nimium duri virosique sunt, ut fere quos stagna, lacus, limosive rivi ferunt, quive in nimiam magnitudinem excesserunt.

CAP. XXII.

Quæ res lenes, quæve acres sint.

LENES autem sunt, sorbitio, pulticula, laganum, amyllum, ptisana, pinguis caro, & quæcunque glutinosa est. quod fere quidem in omni, quæ domestica, sit, præcipue tamen in ungulis, trunculisque suum, in petiolis capitulisque hœdorum & vitulorum & agnorum, omnibusque cerebellis. Item lac, & quæ proprie dulcia nominantur, defrutum, passum; nuclei pinei. Acria sunt, omnia nimis austera, omnia acida, omnia falsa; & mel quidem, quo melius est, eo magis. Item allium, cepa, eruca, ruta, nasturtium, cucumis, beta, brassica, asparagus, sinapi, radícula, intubus, ocimum, lactuca, maximaque oleum pars.

CAP.

* Refutat Celsum Nonn. de Re Cibar. lib. 3. c. 13. p. 319.

CAP. XXIII.

*De his, quæ crassiores, quæve tenuiores
pituitam faciunt.*

5 **C**RASSIOREM autem pituitam faciunt, ova forbilia, alica, oryza, amyllum, ptisana, lac, bulbi, omniaque fere glutinosa. Extenuant eandem, omnia falsa, atque acria, & acida.

CAP. XXIV.

De his, quæ stomacho idonea sunt.

10 **S**TOMACHO autem apta sunt, quæcunque austera sunt, & quæ acida, quæque contacta sale modico sunt. Item panis sine fermento, & elota alica, vel oryza, vel ptisana; omnis avis, omnis venatio; atque utraque vel assa, vel elixa: ex domesticis animalibus bubula: si quid ex cæteris sumitur, 20 macrum potius, quam pingue: ex sue, ungula, rostra, aures, vulvæque steriles: ex oleribus, intuba, lactuca, pastinaca, cucurbita elixa, fiser: ex pomis, cerasum, morum, sorbum, pirum fragile, quale crustum 25 fluminum vel Nævianum est: item pira, quæ ponuntur, Tarentina, atque Signina; malum orbiculatum, aut Scandianum, vel Amerinum, vel cotoneum, vel Punicum, apsinthium, murices, purpuræ, cochleæ, 30 uvæ ex olla, molle ovum, palmulæ, nuclei pinei, a oleæ albæ ex b dura muria, eadem aceto intinctæ, vel nigræ, quæ in arbore bene permaturuerunt, vel quæ in passo, de frutove versatæ sunt. vinum austerum, licet

G 4

jam

a Mercurial. Var. Lect. I. 3. b Mercurial.

Var. Lect. II. 26. sed refutatur a L. Nonnio de Re Cibar. l. 3. c. 45. pag. 421.

jam asperum sit, item refinatum: duri ex media materia pisces, ostrea, pectines, murices, purpuræ, cochleæ: cibi, potionesque frigida, vel fervida.

CAP. XXV.

Quæ res alienæ stomacho sint.

A LIENA vero stomacho sunt, omnia tepida, omnia falsa, omnia jurulenta, omnia a prædulcia, omnia pingua, forbitio, panis fermentatus, idemque vel ex milio, vel ex hordeo, oleum, radices oleorum, & quodcunque olus ex oleo garove estur, mel, mulsu, defrutu, passu, lac, omnis caseus, uva recens, ficus & viridis & arida, legumina omnia, quæque inflare consueverunt: item thymum, nepeta, satireia, hyssopum, nasturtium, lapathum, lampasna, juglandes. Ex his autem intelligi potest, non, quicquid boni succi est, protinus stomacho convenire; neque quicquid stomacho convenit, protinus boni succi esse.

CAP. XXVI.

De his, quæ inflant.

I NFLANT autem, omnia fere legumina, omnia pingua, omnia prædulcia, omnia jurulenta, mustu, atque etiam id vinu, cui nihil adhuc ætatis accessit: ex oleribus, allium, cepa, brassica, omnesque radices, excepto sisere & pastinaca, bulbi, ficus etiam arida, sed magis virides, uvæ recentes, nuces omnes, exceptis nucleis pineis,

a Calvis. apud Sosip. Charis. Instit. Gram. l. i.

pineis, lac, omnisque caseus, quicquid denique subcrudum aliquis assumpsit.

De his, quæ minime inflant.

Minima inflatio fit ex venatione, aucupio, piscibus, pomis, oleis, conchiliis, ovis vel mollibus vel sorbilibus, vino vetere. Feniculum vero, & anethum, inflationes etiam levant.

C A P. XXVII.

De his, quæ calefaciunt, aut refrigerant. p. 31.

AT calefaciunt, piper, sal, caro omnis jurulenta, allium, cepa, ficus arida, falsamentum, vinum, & quo meracius est, eo magis.

Refrigerant, olera, quorum crudi caules assumuntur, ut intubus, & lactuca: itemque coriandrum, cucumis, elixa cucurbita, beta, mora, cerasa, mala austera, pira fragilia, caro elixa, præcipueque acetum, sive cibus ex eo, sive potio assumitur.

C A P. XXVIII.

De his, quæ intus facile corrumpuntur.

FA C I L E autem intus corrumpuntur, panis fermentatus, & quisquis alius quam ex tritico est, & omne pistorium opus, lac, mel; itemque lactentia atque teneri pisces, ostrea, olera, caseus & recens & vetus, crassa vel tenera caro, vinum dulce, mulsum, defrutum, passum; quicquid denique vel jurulentum est, vel nimis dulce, vel nimis tenue.

De

b. De Vict. Acut. lxx. 5.

De his, quæ intus minime vitiantur.

At minime intus vitiantur, panis sine fermento, aves, & eæ potius duriores, duri pisces, neque solum aurata, puta, aut scarus, sed etiam lolligo, locusta, polypus: item bubula, omnisque dura caro; eademque aptior est, si macra, si salsa est; omniaque salsamenta: cochleæ, murices, purpura: vinum austerum, vel resinatum.

C A P. XXIX.

De his, quæ alvum movent.

32, 9.

AT alvum movent, panis fermentatus, magisque si a cibarius vel hordeaceus 15 est; brassica, si subcruda est, lactuca, anethum, nasturtium, ocimum, urtica, portulaca, radícula, capparis, allium, cepa, malva, lapathum, beta, asparagus, cucurbita, cerasa, mora, poma omnia mitia, 20 ficus etiam arida, sed magis viridis, uvæ recentes pingues, minutæ aves, cochleæ, garum, salsamentum, ostrea, pelorides, echini, muscoli, & omnes fere conchulæ, maximeque jus earum; saxatiles, & omnes 25 teneri pisces, sepiarum atramentum; si qua caro assumitur pinguis, eadem vel jurenta, vel elixa; aves, quæ natant; mel crudum, lac, lactentia omnia, mulsam, Vid. su- vinum dulce vel salsum, aqua, omnia tene- 30 pra pag. ra, tepida, b dulcia, pingua, elixa, jux- xx, lin. rulenta, falsa, diluta.

10.

C A P.

^a Victor. Variar. Lect. I. 22. ^b Athen. Deipn.

III. 33.

CAP. XXX.

De his, quæ alvum adstringunt. 32, 9.

CONTRA adstringunt, panis ex fili-
 gine, vel ex simila; magis, si sine
 fermento est; magis etiam si tostus est; in-
 tenditurque vis ejus etiam, si bis coquitur:
 pulicula vel ex alica, vel ex panico, vel ex
 milio; itemque ex iisdem sorbitio; & ma-
 gis, si hæc ante fricta sunt: lenticula, cui vel
 beta, vel intubus, vel ambubeja, vel plan-
 tago adjecta est; magisque etiam, si illa
 ante fricta est: per se etiam intubus, vel ex
 plantagine, vel * ambubeja fricta; minuta
 olera, brassica bis decocta; dura ova; magis-
 que, si assa sunt: minutæ aves, merula, pa-
 lumbes; magisque, si in posca decocta est:
 grus, omnesque aves, quæ magis currunt,
 quam volant; lepus, caprea; jecur ex his,
 quæ seyum habent, maximeque bubulum,
 ac seyum ipsum: a caseus, qui vehementior
 vetustate fit, vel ea mutatione, quam in eo
 transmarino videmus; aut si recens est, ex
 melle, mulsove decoctus: item mel co-
 ctum, pira immatura, sorba, magisque ea,
 quæ torminalia vocantur, mala cotonea,
 & punica, oleæ vel albæ vel præmaturæ,
 myrta, palmulæ, purpuræ, murices, vi-
 num resinatum vel asperum, item mera-
 cum, acetum, mulsum quod inferbuit, as-
 perum item defrutum, passum, aqua vel
 tepida vel præfrigida, dura, id est, ea quæ
 tarde † putescit, ideoque pluviatilis potissi-
 mum, omnia dura, macra, austera, aspe-
 ra,

* Salm. Exerc. Plin. pag. 583. a F. ed. Ultraj.

a De Vict. Acut. lxx. 5. † Al. putrescit.

ra, tosta, & in eadem carne, assa potius, quam elixa.

C A P. XXXI.

De his, quæ urinam movent.

URINAM autem movent, quæcunque in horto nascentia boni odoris sunt, ut apium, ruta, anethum, ocimum, mentha, hyssopum, anisum, coriandrum, nasturtium, eruca, feniculum. præter hæc, asparagus, capparis, nepeta, thymum, satureia, lampfana, pastinaca, magisque agrestis, radicula, fiser, cepa. Ex venatione, maxime lepus, vinum tenue, piper & rotundum & longum, sinapi, apsinthium, nuclei pinei.

C A P. XXXII.

De his, quæ ad somnum apta sunt.

SOMNO vero aptum est papaver, lactuca, maximeque æstiva, cujus cauliculus jam lacte repletus est, morum, porum.

De his, quæ sensum excitant.

Sensus vero excitant, nepeta, thymum, satureia, hyssopum, præcipueque pulegium, ruta, & cepa.

C A P. XXXIII.

De his, quæ materiam evocant.

EVOCARE vero materiam multa admodum possunt: sed ea, cum ex peregrinis medicamentis maxime consent, aliisque magis, quam quibus ratione victus succur-

fuccurritur, opitulentur, in præsentia differam: ponam vero ea, quæ prompta, & his morbis, de quibus protinus dicturus sum, apta, corpus erodunt, & sic ex eo, 5 quidquid mali est, extrahunt. Habent autem hanc facultatem, semina erucæ, nasturtii, radicula; præcipue tamen omnium, sinapis. Salis quoque & fici eadem vis est.

10 *De his, quæ reprimunt.*

Leniter vero simul & reprimunt & molliunt, lana succida, ex aceto vel vino, cui oleum adjectum est; contritæ palmulæ, fures in salsa aqua vel aceto decocti.

15 At simul reprimunt & refrigerant, herba muralis (parthenium vel perdicium appellant) serpillum, pulegium, ocimum, herba fanguinalis (quam Græci πολύγονον vocant) portulaca, papaveris folia, capreo- 20 lique vitium, coriandri folia, hyoscyamum, muscus, siser, apium, solanum (quam σπύγγιον Græci vocant) brassicæ folia, intubus, plantago, feniculi semen, contrita pira vel mala, præcipueque cotonea, lenti-

25 cula, aqua frigida, maximeque pluviatilis, 290, vinum, acetum, & ex horum aliquo ma- 18. dens vel panis, vel farina, vel spongia, vel 204, lacinia, vel lana succida, vel etiam linteo- 15. lum, creta cimolia, gypsum, melinum, 30 myrteum, a rosa, acerbum oleum, verbenarum contusa cum teneris caulibus folia; cujus generis sunt olea, cupressus, myrtus, lentiscus, tamarix, ligustrum, rosa, rubus, laurus, hедера, punicum malum.

Sine

a Patin. p. 328.

Sine frigore autem reprimunt, cocta cotonea, malicorium, aqua calida, in qua verbenæ coctæ sunt, quas supra proposui, pulvis vel ex fece vini, vel ex myrti foliis, amaræ nuces.

31, 20.

De his, quæ calefaciunt.

105,

11.

Calefacit vero, ex qualibet farina cataplasma, sive ex tritici, sive ex farris, sive hordei, sive ervi, vel lolii, vel milii, vel panici, vel lenticulæ, vel fabæ, vel lupini, vel lini, vel fœni græci, ubi ea deferbuit, calidaque imposita est. Valentior tamen ad id omnis farina est ex mulso, quam ex aqua cocta. Præterea cyprinum, irinum, medulla, adeps ex fele juncta oleo, magisque, si vetus est, sal, nitrum, gigit, piper, quinquifolium.

De his, quæ durant, aut emolliunt.

Fereque, quæ vehementer & reprimunt & refrigerant, durant: quæ autem calefaciunt & digerunt, ea emolliunt: præcipueque ad emolliendum potest cataplasma ex lini vel fœni græci semine.

His autem omnibus, & simplicibus, & permixtis, varie medici utuntur; ut magis, quid quisque persuaserit sibi, appareat, quam quid evidenter compererit.

LIBER TERTIUS.

CAP. I.

De morborum generibus.



PRÆVISIS omnibus, quæ
pertinent ad universa genera
morborum, ad singulorum cu-
rationes veniam. Hos autem in
duas species Græci diviserunt;

aliosque ex his acutos, alios longos esse di-
xerunt. Ideoque, quoniam non semper eo-
dem modo respondebant, eosdem alii inter
acutos, alii inter longos retulerunt. Ex quo,
plura eorum genera esse, manifestum est.
Quidam enim breves acutique sunt, qui cito
vel tollunt hominem, vel ipsi cito finiuntur.
Quidam longi, sub quibus neque sanitas in
propinquo, neque exitium est. Tertiumque
genus eorum est, qui modo acuti, modo
longi sunt. Idque non in febribus tantum-
modo, in quibus frequentissimum est; sed
in aliis quoque fit. Atque etiam, præter
hos, quartum est; quod neque acutum dici
potest, quia non perimit; neque utique lon-
gum, quia, si occurritur, facile sanatur.
Ego, cum de singulis dicam, cujus quisque
generis sit, indicabo.

Dividam autem omnes in eos, qui in to-
tis corporibus consistere videntur, & eos,
qui oriuntur in partibus. Incipiam a prio-
ribus, pauca de omnibus præfatus. In nul-
lo quidem morbo plus fortuna sibi vendi-

care

care quam ars: ars, quam natura, potest: utpote cum, repugnante *a* natura, nihil medicina proficiat. Magis tamen ignoscendum medico est parum proficienti in acutis morbis, quam in longis. Hic enim breve *5* spacium est, intra quod, si quod auxilium non profuit, æger extinguatur: ibi & deliberationi, & mutationi remediorum tempus patet; adeo ut raro, si inter initia medicus accessit, obsequens æger sine illius *10* vitio pereat. Longus tamen morbus cum penitus infedit, quod ad difficultatem pertinet, acuto par est. Et acutus quidem, quo vetustior est; longus autem, quo recentior, eo facilius curatur. *15*

18, 13. Alterum illud ignorari non oportet, quod non omnibus ægris eadem auxilia conveniunt. Ex quo incidit, ut alia atque alia summi authores, quasi sola, venditaverint, prout cuique cesserant. Oportet itaque, ubi aliquid non respondet, non *20* tanti putare authorem, quanti ægrum, & experiri * aliud atque aliud. Sic tamen, ut in acutis morbis cito mutetur, quod nihil prodest: in longis, quos tempus, ut facit, *25* sic etiam solvit, non *b* statim condemnatur, si quid non statim profuit: minus vero removeatur, si quid paulum saltem juvat; quia profectus tempore expletur.

CAP.

*a Hippocrat. Lex. T. II. 10. Seneca de Tranq. An. c. vi. † Hipp. de A. T. xx. 6. * Philo Judæus de Josepho pag. 531. ed. 1631. b Cæl. Aurelian. Tard. Pass. iv. 3. pag. 454.*

CAP. II.

*Quomodo morbi cognoscantur, & an incre-
scent, an minuantur; & qua ratione ab initio, qui
languere incipit, curari debeat.*

5 **P**ROTINUS autem inter initia scire
facile est, quis acutus morbus, quis
longus sit: non in his solum, in quibus
semper ita se habet; sed in his quoque, in
10 quibus variat. Nam ubi sine intermissioni-
bus accessiones & dolores graves urgent, a-
cutus morbus est. Ubi lenti dolores, lentæ-
ve febres sunt, & spatia inter accessiones
porriguntur, acceduntque ea signa, quæ in
15 priore a volumine exposita sunt, longum
hunc futurum esse, manifestum est.

Videndum etiam est, morbus an incre-
scat, an consistat, an minuatur: quia quæ-
dam remedia incrementibus morbis, plura
20 inclinatis conveniunt. Eaque, quæ crescen-
tibus apta sunt, ubi acutus incrementum ur-
get, in remissionibus potius experienda
sunt. Incrementum autem morbus, dum gra-
viores dolores, accessionesque veniunt; hæ-
25 que & ante, quam proximæ, revertun-
tur, & postea desinunt. Atque in longis
quoque morbis, etiam tales notas non ha-
bentibus, scire licet, incrementum, si somnus
incertus est, si deterior concoctio, si fæti-
30 diores dejectiones, si tardior sensus, si pi-
grior mens, si percurrit corpus frigus aut
calor, si id magis pallet. Ea vero, quæ
contraria his sunt, decedentis ejus notæ
sunt.

H

Præ-

a II. c. v.

Præter hæc, in acutis *b* morbis serius æger alendus est, nec nisi jam inclinatis; ut inedia, dempta materia, impetum frangat. In longis maturius, ut sustinere spatium affecturi mali possit. At, si quando is non in toto corpore, sed in parte est; magis tamen ad rem pertinet, vim totius corporis moliri, quam partis; cum per eam partes ægræ sanentur. Multum etiam interest, ab initio quis recte curatus sit, an perperam: quia 10 curatio minus his prodest, in quibus assidue frustra fuit. Si quis temere habitus, adhuc integris viribus vivit, admota curatione momento restituitur.

298,
15.
348,
21.Sed cum ab his cœperim, quæ notas 15 quasdam futuræ adversæ valetudinis exhibent, curationum quoque principium ab animadversione ejusdem temporis faciam. Igitur, si quid ex his, quæ proposita sunt, incidit, omnium optima sunt, † quies & 20 abstinentia: si quid bibendum, aqua; idque interdum uno die fieri satis est; interdum, si terrentia manent, biduo: proximeque abstinentiam sumendus est cibus 25 exiguus, bibenda aqua, postero die etiam vinum, deinde invicem alternis diebus, modo aqua, modo vinum, donec omnis causa metus finiatur. per hæc enim sæpe instans gravis morbus discutitur. Plurimique falluntur, dum se primo die 30 proptinus sublaturus languorem, aut exercitatione, aut balneo, aut coacta dejectione, aut vomitu, aut sudationibus, aut vino sperant. non quod non interdum id incidat,

b Aph. 1. 4. & 10. † Liv. 22. 6. 18.

dat, aut non decipiat, sed quod sæpius fallat; solaque abstinencia sine ullo periculo medeatur. Cum præsertim etiam pro modo terroris moderari liceat: & si leviora indicia fuerunt, satis sit a vino tantum abstinere; quod subtractum plus, quam si cibo aliquid dematur, adjuvat: si paulo graviora, satis sit, non aquam tantum bibere, sed etiam cibo carnem subtrahere: interdum panis quoque minus, quam pro consuetudine assumere, humidoque cibo esse contentum, & olere potissimum. Satisque sit, tum ex toto a cibo, a vino, ab omni motu corporis abstinere, cum vehementes notæ terruerunt. Neque dubium est, quin vix quisquam, qui non dissimulavit, sed per hæc mature morbo occurrit, ægrotet.

CAP. III.

De Februm generibus.

ATQUE hæc quidem sanis facienda sunt, tantum causam metuentibus. sequitur vero curatio februm; quod & in toto corpore, & vulgare maxime morbi genus est. Ex his una æ quotidiana, altera tertiana, altera quartana est. Interdum etiam longiore circuitu quædam redeunt, sed id raro evenit. In prioribus, & morbi sunt, & medicina.

30 Ac quartanæ quidem b simpliciores sunt. Incipiunt fere ab horrore; deinde calor erumpit; finitaque febre biduum integrum est: ita quarto die revertitur.

Tertianarum vero duo genera sunt. Al-

H 2 terum

a I. Epidem. III. 14. &c. b Ibidem 17.

terum eodem modo, quo quartana, & incipiens, & desinens; illo tantum interposito discrimine, quod unum diem præstat integrum, tertio redit. Alterum longe perniciosius, quod tertio quidem die revertitur, ex octo autem & quadraginta horis fere sex & triginta per accessionem occupat (interdum etiam vel minus, vel plus) neque ex toto in † remissione desistit; sed tantum levius est. Id genus plerique medici *ἡμιπρωϊον* appellant.

Quotidianæ vero variæ sunt, & multiplices. Aliæ enim protinus a calore incipiunt, aliæ a frigore, aliæ ab horrore. Frigus voco, ubi extremæ partes membrorum inalgescunt: horrorem, ubi totum corpus intremit. Rursus aliæ sic desinunt, ut ex toto sequatur integritas: aliæ sic, ut aliquantum quidem minuatur ex febre, nihilominus tamen quædam reliquiæ remaneant, donec altera accessio accedat: ac sæpe aliæ vix quicquam aut nihil remittunt, sed ita, ut cœpere, continuant. Deinde, aliæ fervorem ingentem habent, aliæ tolerabilem: aliæ quotidie pares sunt, aliæ impares; atque invicem altero die leniores, altero vehementiores: aliæ tempore eodem postridie revertuntur, aliæ vel serius vel celerius: aliæ diem noctemque accessione & decessione implent, aliæ minus, aliæ plus: aliæ, cum decedunt, sudorem movent, aliæ non movent; atque alias per sudorem ad integritatem venit, alias corpus tantum imbecillius redditur. Accessio-

† Est proprium verbum medicorum, Gronov. ad Senec. Epist. 53.

cessiones etiam, modo singulæ singulis diebus sunt, modo binæ pluresve concurrunt. Ex quo sæpe evenit, ut quotidie plures accessiones remissionesque sint; sic
5 tamen, ut unaquæque alicui priori respondeat.

Interdum vero accessiones quoque confunduntur, sic ut notari neque tempora earum, neque spatia possint. Neque verum
10 est, quod dicitur a quibusdam, nullam febrem inordinatam esse, nisi aut ex vomica, aut ex inflammatione, aut ex ulcere. Facilius enim semper curatio foret, si hoc verum esset. nam, quod evidentes causæ faciunt, facere etiam abditæ possunt. Neque
15 de re, sed de verbo controversiam movent, qui, cum aliter aliterque in eodem morbo febres accedunt, non easdem inordinate redire, sed alias aliasque subinde oriri dicunt. Quod tamen ad curandi rationem nihil pertineret, etiam si vere diceretur. Tempora quoque remissionum modo liberalia, modo vix ulla sunt.

CAP. IV.

25 *De curationum diversis generibus.*

ET febrium quidem ratio maxime talis est. Curationum vero diversa genera sunt, prout authores aliquos habent.
30 Asclepiades officium esse medici dicit, ut tuto, ut celeriter, ut jucunde curet. Id votum est: sed fere periculosa esse nimia & festinatio & voluptas solet. Qua vero moderatione utendum sit, ut quan-

tum fieri potest, omnia ista contingant, prima semper habita salute, in ipsis partibus curationum considerandum erit.

Et ante omnia quæritur, primis diebus æger qua ratione continendus sit. Antiqui, 5 medicamentis quibusdam datis, concoctionem moliebantur; eo quod cruditatem maxime horrebant: deinde eam materiam, quæ lædere videbatur, ducendo sæpius alvum subtrahebant. Aselepiades medicamen- 10 ta sustulit; alvum non toties, sed fere tantum in omni morbo, subduxit. Febre vero ipsa præcipue se ad remedium uti professus est. Convellendas etiam vires ægri putavit, luce, vigilia, siti ingenti; sic, ut 15 ne os quidem primis diebus elui sineret. Quo magis falluntur, qui per omnia jucundam ejus disciplinam esse concipiunt. Etenim ulterioribus quidem diebus cubantis etiam luxuriæ subscripsit, primis vero 20 tortoris vicem exhibuit.

Ego autem, medicamentorum dari portiones, & alvum duci non nisi raro debere, concedo. Et id non ideo tamen agendum, ut ægri vires convellantur, existimo: quoniam 25 nam ex imbecillitate summum periculum est. Minui ergo tantum materiam superantem oportet; quæ naturaliter digeritur, ubi nihil novi accedit. Itaque abstinendus a cibo primis diebus est, & in luce habendus 30 æger (nisi infirmus) interdiu, quoniam corpus ista quoque digerit;isque cubare quam maximo conclavi debet.

Quod ad sitim vero somnumque pertinet,

a *Aph.* 1. 22.

net, moderandum est, ut interdiu vigilet; noctu, si fieri potest, conquiescat: ac neque potest, neque nimium siti crucietur. Os etiam ejus elui potest, ubi & siccum est, & ipsi fœtet, quamvis id tempus aptum potioni non est. Commodeque Erasistratus dixit, sæpe, interiore parte humorem non requirente, os & fauces requirere; neque ad rem, male haberi ægrum, pertinere.

10 Ac primo quidem sic tenendus est. Optimum vero medicamentum est, oportune cibus datus, qui quando primum dari debeat, quæritur. Plerique ex antiquis tarde dabant, sæpe quinto die, sæpe sexto, & id fortasse vel in Asia, vel in Ægypto, 8, 22. cœli ratio patitur. Asclepiades, ubi ægrum triduo per omnia fatigaverat, quartum diem cibo destinabat. At Themison nuper, non, quando cœpisset febris, sed quando desisset, aut certe levata esset, considerabat, & ab illo tempore expectato die tertio, si non accesserat febris, statim: si accesserat, ubi ea vel desierat, vel, si assidue inhærebat, si certe se inclinaverat, cibum dabat.

25 Nihil autem horum utique perpetuum 17, 2. est. Nam potest primo die primus cibus dandus esse, potest secundo, potest tertio, potest non nisi quarto, aut quinto; potest post unam accessionem, potest post duas; potest post plures. Refert enim, qualis morbus sit, quale corpus, quale cœlum, quæ ætas, quod tempus anni. Minimeque, in rebus 18, 33. multum inter se differentibus, perpetuum esse præceptum temporis potest. In mor-

bo, qui plus virium aufert, celerius cibus
dandus est: itemque eo *b* cœlo, quo magis
digerit. Ob quam causam in Aphrica nul-
lo die æger abstinere recte videtur. Matu-
rius etiam puero, quam juveni: æstate, 5
quam hieme, dari debet. *c* Unum illud, &
semper, & ubique servandum est, ut ægri
78, 13. vires subinde assidens medicus inspiciat,
131, & quamdiu supererunt, abstinencia pugnet;
21. si imbecillitatem vereri cœperit, cibo subve- 10
295, niat. Id enim ejus officium est, ut ægrum,
22. neque supervacua materia oneret, neque im-
becilliozem fame perdat. Idque apud Era-
sistratum quoque invenio: qui, quamvis pa-
rum docuit, quando venter, quando corpus 15
ipsum exinaniretur, dicendo tamen, hæc
esse videnda, & tum cibum dandum, cum
corpori deberetur: satis ostendit, dum vires
superessent, dari non oportere; ne defice-
rent, consulendum esse. 20

Ex his autem intelligi potest, ab uno
medico multos non posse curari: eumque,
si artifex est, idoneum esse, qui non mul-
tum ab ægro recedit. Sed, qui quæstui ser-
viunt, quoniam is major ex populo est, li- 25
benter amplectuntur ea præcepta, quæ se-
dulitatem non exigunt; ut in hac ipsa re.
Facile est enim dies vel accessiones nume-
rare his quoque, qui ægrum raro vident:
ille assideat necesse est, qui, quod solum 30
opus est, visurus est, quando nimis imbe-
cillus futurus sit, nisi cibum acceperit. In
pluribus tamen ad initium cibi dies quar-
tus aptissimus esse consuevit.

Est

b *Aph.* 1. 15. *c* *Aph.* 1. 9.

Est autem alia etiam de diebus *d* ipsis dubitatio, quoniam antiqui potissimum *e* impares sequebantur, eosque, tanquam tunc de ægris judicaretur *πρωίμους* † nominabant. *f*
 5 Hi erant dies tertius, quintus, septimus, nonus, undecimus, quartusdecimus, unus & vigesimus; ita ut summa potentia septimo, deinde quartodecimo, deinde uni & vige-
 10 simo daretur. Igitur sic ægros nutriebant, 138, 9. ut dierum imparium accessiones expectarent: deinde postea cibum, quasi levioribus accessi-
 15 onibus instantibus, darent: adeo ut Hippocrates, *g* si alio die febris desisset, recidivam timere sit solitus.
 Id Asclepiades jure ut vanum repudia-
 vit; neque in ullo die, quia par imparve-
 esset, ægris vel majus vel minus periculum
 esse dixit. Interdum enim peiores dies pa-
 res fiunt; & opportunius post febrium ac-
 20 cessiones cibus datur. Nonnumquam etiam in ipso morbo, dierum ratio mutatur; fit-
 que gravior, qui remissior esse consueve-
 rat. Atque ipse quartusdecimus par est, in
 quo esse magnam vim antiqui fatebantur.
 25 Qui cum octavum primi naturam habere contenderent, ut ab eo secundus septena-
 rius inciperet, ipsi sibi repugnabant, non
 octavum, neque decimum, neque duode-
 cimam diem sumendo, quasi potentio-
 30 rem. Quod cum fecissent sine ulla probabili ra-
 tione, ab undecimo, non ad tertiumdeci-
 mum, sed ad quartumdecimum transibant.
 Est etiam apud Hippocratem, ei, quem sep-
 timus

d I. Epidem. III. de Partu septim. VII. VIII.

e Julian. Imper. Epist. pag. 207. † Cael. Aurel. Acut. Morb. I. 14. *f* Aph. II. 23. 24. *g* Aph. IV. 61.

timus dies liberaturus sit, quartum esse gravissimum. Ita, illo quoque authore, in die pari & gravior febris esse potest, & certa futuri nota. Atque idem alio loco quartum quemque diem, ut in utrunque efficacissimum apprehendit; id est, quartum, septimum, undecimum, quartundecimum, decimumseptimum. in quo ab impari ad paris rationem transit. Et ne in hoc quidem propositum conservavit: cum a septimo die undecimus, non quartus, sed quintus sit. Adeo apparet, quacumque ratione ad numerum respexerimus, nihil rationis, sub illo quidem authore, reperiri. Verum in his quidem antiquos tunc celebres admodum Pythagorici numeri fefellerunt: cum hic quoque medicus non numerare dies debeat, sed ipsas accessiones intueri; & ex his conjectare, quando dandus cibus sit.

Illud autem magis ad rem pertinet, scire, cibumne oporteat dari, cum jam bene venæ conquieverunt, aut etiamnum manentibus reliquiis febris. Antiqui enim quam integerrimis corporibus alimentum offerebant. Asclepiades, inclinata quidem febre, sed adhuc tamen inhaerente. In quo vanam rationem secutus est: non quod non sit interdum maturius cibus dandus, si mature timetur altera accessio: sed quod scilicet non nisi quam sanissimo dari debeat. * minus enim corrumpitur, quod integro corpori infertur. Neque tamen verum est, quod Themisoni videbatur, si duabus horis.

* *Aph. i. 19.*

ris integer futurus esset æger, satius esse
 tunc dare; ut ab integro corpore potissi-
 mum diduceretur. Nam si diduci tam ce-
 leriter posset, id esset optimum. Sed cum
 5 hoc breve tempus non præster, satius est,
 principia cibi a decedente febre, quam re-
 liquias ab incipiente excipi. Ita, si lon-
 gius tempus secuturum est, quam integerri-
 mo dandus est: si etiam breve, antequam
 10 ex toto integer fiat. Quo loco vero inte-
 gritas est, eodem est remissio, quæ maxi-
 me in febre continua potest esse. At hoc
 quoque quæritur, utrum tot horæ expe-
 ctandæ sint, quot febrem habuerunt: an
 15 satis sit, primam partem earum præteriri,
 ut ægris jucundius insidat, quibus inter-
 dum non vacat. Tutissimum est autem,
 ante totius accessionis tempus præterire:
 quamvis, ubi longa febris fuit, potest in-
 20 dulgeri ægro maturius, dum tamen ante
 minimum pars dimidia prætereatur. Idque
 non in ea sola febre, de qua proxime di-
 ctum est, sed in omnibus ita servandum est.

CAP. V.

*De Februm speciebus, & singularum cura-
 tionibus: & primo, quando cibus
 febricitantibus dandus sit.*

30 **H**ÆC magis per omnia genera fe-
 brium perpetua sunt: nunc ad singu-
 las earum species descendam. Igitur si se-
 mel tantum accessit, deinde desit, eaque
 vel ex * inguine, vel ex lassitudine, vel ex V. *supr.*
 æstu, xxviii,

* *Malim sanguine vel ingluvie, quomodo 32.
 enim ex inguine posset oriri febris? dein enume-
 rat causas externas, quas inter inguen censerè
 non potest.*

æstu, aliave simili re fuit, sic, ut interior nulla causa metum fecerit, postero die, cum tempus accessionis ita transiit, ut nihil moveret, cibus dari potest. At, si ex alto calor venit; & gravitas vel capitis vel præcordiorum secuta est; neque apparet, quid corpus confuderit; quamvis unam accessionem secuta integritas est: tamen, quia tertiana timeri potest, expectandus est dies tertius; & ubi accessionis tempus præteriit, cibus dandus est, sed exiguus; quia quartana quoque timeri potest. At die quarto demum, si corpus integrum est, eo cum fiducia utendum. Si vero postero, tertiove, aut quarto die secuta febris est; scire licet, morbum esse. Sed tertianarum, quartanarumque (quarum & certus circuitus, & finis integer, & liberaliter quieta tempora sunt) expeditior ratio est. de quibus suo loco dicam.

Nunc vero eas explicabo, quæ quotidie urgent. Igitur tertio quoque die cibus ægro commodissime datur; ut alter febrem minuat, alter viribus subveniat. Sed is dari debet, si quotidiana febris est, quæ ex toto desinat, simulatque corpus integrum factum est: sin, quamvis non accessiones, febres tamen junguntur, & quotidie quidem increscunt, sed sine integritate tamen remittunt, cum corpus ita se habet, ut major remissio non expectetur: si altero die gravior, altero levior accessio est, post gravio-rem. Fere vero gravio-rem accessionem levior α nox sequitur: quo fit, ut gravio-rem accessionem nox quoque tristior antecedat.

At,

2 Aph. 11. 13.

At, si continuatur febris, neque levior unquam fit, & dari cibum necesse est, quando dari debeat, magna dissensio est. Quidam, quia fere * remissius matutinum tempus ægris est, tunc putant dandum. Quod si respondet, non quia mane est, sed quia remissio est ægris, dari debet. Si vero ne tunc quidem ulla requies ægris est, quia hoc ipso pejus id tempus est, quod, cum sua natura melius esse debeat, morbi vitio non est, simulque insequitur tempus meridianum, a quo cum omnis æger fere pejor fiat, timeri potest, ne ille magis etiam, quam ex consuetudine, urgeatur. Igitur alii vespere tali ægro cibum dant. Sed, cum eo † tempore fere pessimi ‡ sint, qui ægrotant, verendum est, ne, si quid tunc moverimus, fiat aliquid asperius. Ob hæc alii differunt ad mediam noctem, decurso jam gravissimo tempore, eodemque longissime distante. Securius vero datur antelucanis horis; quibus omnes fere maxime dormiunt: deinde matutino tempore; quod natura sua levissimum est.

Si vero febres vagæ sunt: quia verendum est, ne cibum statim subsequantur; quandocunque quis ex accessione levatus est, tunc debet assumere. At, si plures accessiones eodem die veniunt, considerare oportet, pares ne per omnia sint (quod vix fieri potest) an impares. Si per omnia pares sunt: post eam potius accessionem cibus dari debet, quæ non inter meridiem & vesperem definit. Si impares sunt: consideran-

* *Cæl. Aurel. Morb. Chronic. II. 14. p. 427.*
Buxtorf. Lex. Chald. p. 540. † Cæl. Aurel. A.
M. l. I. c. 15. pag. 48. ‡ Achill. Tatius de Clitophont. pag. 21.

siderandum est, quo distent. Nam, si altera gravior, altera levior est, post gravio-
dari debet: si altera longior, altera brevior,
post longiorem: si altera gravior, altera
longior est, considerandum est, utra magis
affligat, illa vi, an hæc tempore, & post
eam dandus est. Sed plane plurimum in-
terest, quantæ qualesque inter eas remissio-
nes sint. Nam, si post alteram febrem
motio manet, post alteram integrum cor-
pus est; integro corpore, cibo tempus aptius
est.

Si semper febricula manet; sed alterum
tamen longius tempus remissionis est; id
potius eligendum est: adeo ut, ubi acces-
siones continuantur, protinus, inclinata
priori, dandus cibus sit. Etenim perpetuum
est, ad quod omne consilium dirigi po-
test; cibum quam maxime semper ab *b* ac-
cessione futura reducere: & hoc salvo, dare
quam integerrimo corpore. Quod non inter
duas tantum, sed etiam inter plures acces-
siones servabitur. Sed, cum sit aptissimum,
tertio quoque die cibum dare; tamen, si
corpus infirmum est, quotidie dandus est:
multoque magis, si continentes febres si-
ne remissione sunt; quantoque magis cor-
pus affligunt; aut si duæ pluresve accessio-
nes eodem die veniunt. Quæ res efficit,
ut & a primo die protinus cibus dari quo-
tidie debeat, si protinus venæ conciderunt:
& sæpius eodem die, si inter plures acces-
siones subinde vis corpori deest. Illud ta-
men in his servandum est; ut post eas fe-
bres

b *Aph.* I. II.

bres minus cibi detur, post quas, si per corpus liceret, omnino non daretur. Cum vero febris instet, incipiat, augeatur, consistat, decedat, deinde in decessione consistat, aut finiatur; scire licet, optimum cibo tempus esse febre finita: deinde, cum decessio ejus consistit: tertium, si necesse est, quandocumque decedit: cætera omnia periculosa esse. Si tamen propter infirmitatem
 10 necessitas urget, satius esse, consistente jam incremento febris, aliquid offerre, quam increfcente: satius esse, instante, quam incipiente: cum eo tamen, ut nullo tempore is, qui deficit, non sit sustinendus.

15 Neque hercule satis est, ipsas tantum febres medicum intueri, sed etiam totius corporis habitum, & ad eum dirigere curationem; seu supersunt vires, seu de- 120, 8. sunt, seu quidam mali affectus interveniunt.

20 Cum vero semper ægros securos agere conveniat, ut corpore tantum, non etiam animo laborent: tum præcipue, ubi cibum sumpserunt. Itaque, si qua sunt, quæ exasperatura eorum animos sunt; optimum est,
 25 ea, dum ægrotant, eorum notitiæ subtrahere: si id fieri non potest, sustinere tamen 358, 11. post cibum, postque somni tempus, & cum experrecti sunt, tum exponere.

CAP. VI.

30 *Quando portiones febricitantibus dari expediat.*

SE D de cibo facilior quidem cum ægris ratio est: quoniam sæpe stomachus hunc

hunc respuit, etiamsi mens concupiscit. De potione vero ingens pugna est; eoque magis, quo major febris est. Hæc enim sitim accendit, & tum maxime aquam exigit, cum illa periculosissima est. Sed docendus æger est, ubi febris conquieverit, protinus sitim quoque quieturam: longiorumque accessionem fore, si quod ei datum fuerit alimentum: ita celerius eum desinere sitire, qui non bibit. Necesse est tamen, quanto facilius etiam sani famem, quam sitim sustinent, tanto magis ægris in potione, quam in cibo indulgere. Sed primo quidem die nullus humor dari debet: nisi subito sic venæ conciderunt, ut cibus quoque dari debeat. Secundo vero, cæterisque etiam, quibus cibus non dabitur, tamen, si magna sitis urgebit, potio dari potest.

218, Ac ne illud quidem, ab Heraclide Tarentino dictum, ratione caret: ubi aut bilis ægrum, aut cruditas male habet, expedire quoque per modicas portiones misceri novam materiam corruptæ. Illud videndum est, ut, qualia tempora cibo leguntur, talia potioni quoque: ubi sine illo datur, delignantur, cum ægrum dormire cupimus: quod fere sitis prohibet. Satis autem convenit, cum omnibus & febricitantibus nimius humor alienus sit, tum præcipue esse scæminis, quæ ex partu in febres inciderunt.

Sed cum tempora cibo potionique febris & remissionis ratio det, non est expedi-

Apb. 1. 16.

peditissimum scire, quando æger febricitet, quando melior sit, quando deficiat: sine quibus dispensari illa non possunt. Venis enim maxime credimus, † fallacissima rei; quia sæpe istæ lentiores celerioresque sunt, & ætate, & sexu, & corporum natura. Et plerunque satis sano corpore, si stomachus infirmus est, nonnumquam etiam incipiente febre, subeunt & quiescunt: ut imbecillus is videri possit, cui facile laturo gravis instat accessio. Contra sæpe eas concitat & resolvit sol, & balneum, & exercitatio, & metus, & ira, & quilibet alius animi affectus. adeo ut, cum
 15 primum medicus venit, sollicitudo ægri dubitantis, quomodo illi se habere videatur, eas moveat. Ob quam causam, & periti medici est, non protinus ut venit, apprehendere manu brachium: sed primum residere
 20 hilari vultu, percunctarique, quemadmodum se habeat; &, si quis ejus metus est, eum probabili sermone lenire; tum deinde ejus carpo manum admoveere. Quas venas autem conspectus medici movet, quam facile mille res turbant! Altera res est, cui credimus, calor, æque fallax. Nam hic quoque excitatur æstu, labore, somno, metu, sollicitudine.

Igitur intueri quidem etiam ista oportet: sed his non omnia credere. Ac protinus quidem scire, non febricitare eum, cujus venæ naturaliter ordinatæ sunt, teporque talis est, qualis esse sanis solet: nec protinus etiam sub calore motuque febrem

I

sefe

† *Pancirole observ. iv. a De decent. ornatus*
T. ix. x. Pallad. Sophist. in l. v. Epidem. pag.
m. 201. Actuar. de M. M. II. 2.

fese concipere: sed ita, si summa quoque arida inæqualiter cutis est; si calor & in fronte est, & ex intimis præcordiis oritur; si spiritus ex naribus cum fervore prorumpit; si color, aut rubore, aut pallore novo mutatus est; si oculi graves, & aut persicci, aut subhumidi sunt; si sudor, cum fit, inæqualis est; si venæ non æquis interval-
lis moventur. Ob quam causam medicus ne-
que in tenebris, neque a capite ægri de-
bet residere; sed illustri loco adversus eum,
ut omnes notas, ex vultu quoque cubantis
perspiciat.

Ubi vero febris fuit, atque decrevit, spe-
ctare oportet, num tempora, partesve cor-
poris aliæ paulum madescant, quæ sudor-
em venturum esse testentur. Ac si qua ejus
nota est, tunc demum dare potui calidam
aquam; cujus salubris effectus est, si sudor-
em per omnia membra diffundit. Hujus
autem rei causa, continere æger sub veste
fatis multa manus debet; eademque crura,
pedesque contegere: qua mole plerique æ-
gros in ipso impetu febris, potissimeque
ubi ardens ea est, male habent. Si sudare
corpus cœpit, linteum tepescacere oportet,
paulatimque singula membra detergere. At
ubi sudor omnis finitus est, aut si is non
venit, ubi quam maxime tepuit, & idoneus
esse cibo æger videtur, sub veste leniter un-
gendus est, tum detergendus, deinde ei ci-
bus dandus.

Cibus † autem febricitantibus humidus
est aptissimus, aut humori certe quam
proxi-

† 1. Aph. 16.

proximus: utique ex materia quam levissima; maximeque † forbitio: eaque, si magnæ febres fuerunt, quam tenuissima esse debet. Mel quoque despumatum huic recte
 5 adjicitur, quo corpus magis nutriatur: sed id, si stomachum offendit, supervacuum est; sicut ipsa quoque forbitio. Dari vero in vicem ejus potest, vel intrita ex aqua calida, vel alica elota; si firmus est stomachus, & compressa alvus, ex aqua mulsa;
 10 si vel ille languet, vel hæc profluit, ex posca. Et primo quidem cibo ita satis est: secundo vero aliquid adjici potest, ex eodem tamen genere materiæ, vel olus, vel conchylium, vel pomum. At, dum febres quidem crescunt, hic solus idoneus cibus est. Ubi vero aut desinunt, aut levantur, semper quidem incipiendum est ab aliquo ex materia levissima, adjiciendum vero ali-
 20 quid ex media, ratione habita subinde & virium hominis, & morbi. 78, 14.

Apponendi vero ægro varii cibi (sicut 120, 8. Asclepiades præcepit) tum demum sunt, ubi fastidio urgetur, neque satis vires sufficiunt; ut paulum ex singulis degustando, famem vitet. At si neque vis, neque cupiditas deest, nulla varietate sollicitandus æger est; ne plus assumat, quam concoquat. Neque verum est, quod ab eo dicitur, facilius concoqui cibos varios. eduntur quidem facilius: ad concoctionem autem materiæ genus & modus pertinent. Neque inter magnos dolores, neque crescente *b* morbo, tutum est, ægrum cibo impleri; sed

I 2

ubi

† Hippocr. de Vet. M. xi. xii. b Aph. 1.7.8.

ubi inclinata jam in melius valetudo est.

Sunt aliæ quoque observationes in febribus necessariae; atque id quidem videndum est, quod quidam solum præcipiunt, an adstrictum corpus sit, an profluat. Quorum alterum strangulat, alterum digerit. Nam, si adstrictum est, ducenda alvus est, movenda urina, eliciendus omni modo sudor. In hoc genere morborum sanguinem etiam misisse, concussisse vehementibus gestationibus corpus, in lumine habuisse, imperasse famem, sitim, vigiliam prodest. Utile est etiam ducere in balneum, prius demittere in folium, tum ungere, iterum ad folium redire, multaue aqua fovere inguina; interdum etiam oleum in folio cum aqua calida miscere; uti cibo rarius & serius, tenui, simplici, molli, calido, exiguo; maximeque oleribus, qualia sunt, lapathum, urtica, malva; vel jure etiam concharum, muscutorumve, aut locustarum: neque danda caro, nisi elixa, est. At potio esse debet magis liberalis, & ante cibum, & post hunc, & cum hoc, ultra quam sitis cogit. Poteritque a balneo etiam pingue jus, aut dulcius dari vinum: poterit semel, aut bis interponi Græcum salsum.

37, 7.
147,
19.

Contra vero, si corpus profluat, sudor coercendus, quies adhibenda erit; tenebris, somnoque, quandocunque volet, utendum; non nisi levi gestatione corpus agitandum, & pro genere mali subvenendum. Nam, si venter fluit, aut si stomachus non continet, ubi febris decrevit, libera-

beraliter oportet aquam tepidam potui dare, & vomere cogere; nisi aut fauces, aut præcordia, aut latus dolet, aut vetus morbus est.

5 Si vero sudor exercet, duranda cutis est, vel nitro, vel sale; quæ cum oleo miscentur. At, si levius id vitium est, oleo corpus ungendum est: si vehementius, rosa, vel melino, vel myrteo, cui vinum austero-
10 rum sit adjectum.

Quisquis autem fluore æger est, cum venit in balneum, prius unendus, deinde in solium demittendus est. Si in cute vitium est, frigida quoque, quam calida aqua
15 melius utetur. Ubi ad cibum ventum est, dari debet his valens, frigidus, siccus, simplex, qui quam minime corrumpi possit, panis tostus, caro assa, vinum austerum, vel certe subausterum; & si venter pro-
20 fluit, calidum: si sudores nocent, vomitusve sunt, frigidum.

C A P. VII.

Quomodo pestilentes febres curari debeant.

25 **D**ESIDERAT etiam propriam animadversionem in febribus pestilentia casus. In hac minime utile est, aut fame, aut medicamentis uti, aut ducere
30 alvum. Si vires sinunt, sanguinem mittere optimum est; præcipueque, si cum ardore febris est. Si id parum tutum est, ubi febris aut tenuata est, aut levata, vomitu pectus purgare. Sed in hoc maturius, quam

in aliis morbis, ducere in balneum opus
est; vinum calidum, & meracius dare, &
omnia glutinosa: inter quæ quoque car-
nem, generis ejusdem. Nam quo celerius
ejusmodi tempestates corripunt, eo matu- 5
rius auxilia, etiam cum quadam temerita-
te, rapienda sunt. Quod si puer est, qui
laborat; neque tantum robur ejus est, ut
sanguis mitti possit, cucurbitulis ei uten-
dum est; ducenda alvus vel aqua vel pti- 10
sanæ cremore; tum demum is levibus cibis
nutriendus. Et ex toto non sic pueri, ut
viri, curari debent. Ergo, ut in alio quo-
que genere morborum, parcus in his agen-
dum est: non facile sanguinem mittere, 15
non facile ducere alvum, non cruciare vi-
gilia, fameve, aut nimia siti, non vino cu-
rare. Vomitus post febrem eliciendus est:
deinde dandus cibus ex levissimis; tum is
dormiat: postero die, si febris manet, ab- 20
stineat: tertio, ad similem cibum redeat.
Dandaque opera est, quantum fieri potest,
ut inter opportunam abstinentiam cibo op-
portuno, omissis cæteris, nutriatur.

2. *Curatio ardentis febris.*

Si vero ardens febris extorret, nulla me-
dicamenti danda potio est; sed in ipsis
accessionibus oleo & aqua refrigerandus
est: quæ miscenda manu sunt, donec al-
bescant. Etiam amplo conclavi tenendus, 30
quo multum & purum aërem trahere pos-
sit; neque multis vestimentis strangulandus,
sed admodum levibus tantum velandus
est. Possunt etiam super stomachum im-
poni,

poni, folia vitis in aqua frigida tincta. Ac
ne siti quidem nimia vexandus est. Alendus
maturius est, id est a die tertio, & ante
cibum iisdem perungendus. Si pituita in
5 stomacho coit, inclinata jam accessione,
vomere cogendus est; & tunc dandum fri-
gidum olus, aut pomum, ex his, quæ sto-
macho conveniunt. Si siccus manet stoma-
chus, protinus vel ptisanæ, vel alicæ, vel
10 oryzæ cremor dandus est, cum quo recens
adeps cocta sit. Cum vero in summo incre-
mento morbus est, utique non ante diem
quartum, magna siti antecedente, frigida
aqua copiose præstanda est, ut bibat etiam
15 ultra satietatem; & cum jam venter &
præcordia ultra modum repleta, satisque
refrigerata sunt, vomere debet. Quidam
ne vomitum quidem exigunt; sed ipsa a-
qua frigida, tantum ad satietatem data,
20 pro medicamento utuntur. Ubi utrumli-
bet factum est, multa veste operiendus est, 131,
& collocandus, ut dormiat. Fereque post 21.
longam sitim & vigiliam, post multam sa-
tietatem, post infractum calorem, plenus
25 somnus venit; per quem ingens sudor ef-
funditur, idque præsentissimum auxilium
est: sed in his tantum, in quibus præter
ardorem, nulli dolores, nullus præcordio-
rum tumor; nihil prohibens, vel in pulmo-
30 ne, vel in faucibus; non ulcus, non defe-
ctio, non profluvium alvi fuit. Si quis au-
tem in huiusmodi febre leniter a tussit, is
neque vehementi siti conflictari, neque bi-
bere aquam frigidam debet; sed eo modo

I. 4.

curan-

a *Apb.* IV. 54.

curandus est, quo in cæteris febribus præcipitur.

C A P. VIII.

Curatio semitertianæ febris, quæ ἡμιτρίταια & dicitur.

AT, ubi id genus tertianæ est, quod ἡμιτρίταιον Medici appellant, magna cura opus est, ne id fallat. Habet enim plerunque frequentiores accessiones decessio- 10 nesque, ut aliud morbi genus videri possit; porrigiturque febris in horas viginti quatuor, & triginta sex; ut, quod idem est, non idem esse videatur. Et magnopere necessarium est, neque dari cibum, nisi in ea 15 remissione, quæ vera est; &, ubi ea venit, protinus dari. Plurimique sub alterutro curantis errore subito moriuntur. Ac, nisi magnopere aliqua res prohibet, inter initia sanguis mitti debet; tum dari cibus, qui ne- 20 que incitet febrem, & tamen longum ejus spatium sustineat.

C A P. IX.

Curatio lentarum febrium.

NONNUNQUAM etiam lentæ fe- 25 bres sine ulla remissione corpus tenent; ac neque cibo, neque ulli remedio locus est. In hoc casu medici cura esse debet, ut morbum mutet: fortasse enim curationi 30 opportunior fiet. Sæpe igitur ex aqua frigida, cui oleum sit adjectum, corpus ejus pertractandum est, quoniam interdum sic evenit, ut horror oriatur, & fiat initium quod-

quoddam novi motus; exque eo; cum magis corpus incaluit, sequatur etiam remissio. In his frictio quoque ex oleo & sale salubris videtur.

5 At, si diu frigus est, & torpor, & jactatio corporis, non alienum est, in ipsa febre dare
* mulsi tres aut quatuor cyathos, vel cum cibo vinum bene dilutum. Intenditur enim sæpe ex eo febris; & major ortus calor simul
10 & priora mala tollit, & spem remissionis, inque ea curationis ostendit.

Neque hercule ista curatio nova est, qua nunc quidam traditos sibi ægros, qui sub cautioribus medicis trahebantur, interdum
15 † contrariis remediis sanant. Siquidem a- 19, 15.
pud antiquos quoque ante Herophilum & Erasistratum, maximeque post Hippocratem fuit Petron quidam, qui febricitantem hominem, ubi acceperat, multis ve-
20 stimentis operiebat, ut simul calorem in- 134,
gentem, sitimque excitaret. Deinde, ubi 34.
paulum remitti cœperat febris, aquam frigidam potui dabat; ac, si moverat sudorem, explicuisse se ægrum judicabat: si non mo-
25 verat, plus etiam aquæ frigidaæ ingerebat, & tum vomere cogebat. Si alterutro modo febre liberaverat, protinus suillam as-
sam, & vinum homini dabat. Si non liberaverat, decoquebat aquam sale adjecto,
30 eamque bibere cogebat, ut vomendo ventrem purgaret.

Et intra hæc omnis ejus medicina erat. Eaque non minus grata fuit his, quos Hippocratis successores non refecerant; quam
nunc

* Mulsæ Rom. Leg. † Senec. de Clem. 1. 9.

475,
19.

121, 9.

nunc est his, quos Herophili vel Erasistrati æmuli diu tractos non expedierunt. Neque ideo tamen non est temeraria ista medicina; quia plures, si protinus a principiis excepit, interemit. Sed, cum eadem omnibus convenire non possint, fere, quos ratio non restituit, temeritas † adjuvat. Ideoque ejusmodi medici melius alienos ægros, quam suos nutriunt. Sed est circumspecti quoque hominis, & novare interdum, & augere morbum, & febres accendere; quia curationem, ubi id, quod est, non recipit, potest recipere id, quod futurum est.

C A P. X.

Remedia in febribus ad capitis dolorem, & præcordiorum inflammationem, & ariditatem, & scabritiem linguæ.

CONSIDERANDUM etiam est, febres ne solæ sint, an alia his quoque mala accedant; id est, num caput doleat, num lingua aspera, num præcordia intenta sint. Si capitis dolores sunt, rosam cum aceto miscere oportet, & id ingerere: deinde habere duo pitacia, quæ latitudinem frontis, longitudinemque æquent: ex his invicem alterum in aceto & rosa habere, alterum in fronte; aut intinctam iisdem lannam succidam imponere. Si acetum offendit, pura rosa utendum est. Si rosa ipsa lædit, oleo acerbo. Si ista parum juvant, teri potest vel iris arida, vel nuces amaræ, vel quælibet herba ex refrigerantibus. Quorum quidlibet ex aceto impositum, dolo-

† Exemp. vide apud Valleriolam lib. 3. obs. 4.

dolorem minuit; sed magis aliud in alio.
Juvat etiam panis cum papavere injectus,
vel cum rosa, cerussa, spumave argenti.
Olfacere quoque vel serpillum, vel ane-
thum, non alienum est.

At, si in præcordiis inflammatio & do-
lor est, primo superimponenda sunt cata-
plasmata reprimentia; ne, si calidiora fue-
rint, plus eo materiæ concurrat. Deinde,
ubi prima inflammatio se remisit, tunc de-
mum ad calida & humida veniendum est;
ut ea, quæ remanserunt, discutiant. Notæ
vero inflammationis sunt quatuor, rubor,
& tumor, cum calore, & dolore. Quo ma-
gis erravit Erasistratus, qui febrem nullam
sine hac esse dixit.

Ergo, si sine inflammatione dolor est, ni-
hil imponendum est. hunc enim statim ipsa
febris solvet. At, si neque inflammatio,
neque febris, sed tantum præcordiorum do-
lor est; protinus calidis & siccis fomen-
tis uti licet. Si vero lingua sicca est, &
scabra, detergenda primum penicillo est ex
aqua calida; deinde ungenda mixtis inter
se rosa & melle. Mel purgat, rosa repri-
mit, simulque siccescere non finit. At si
scabra non est, sed arida, ubi penicillo de-
terfa est, ungi rosa debet, cui ceræ sit pau-
lum adjectum.

CAP. XI.

*Remedia contra frigus, quod febrem
præcedit.*

SOLE T etiam ante febres esse frigus ;
idque vel molestissimum morbi genus
est. Ubi id expectatur, omni potione pro-
hibendus æger est : hæc enim paulo ante da-
ta, multum malo adjicit. Item maturius 10
veste multa tegendus est. Admovenda par-
tibus his, pro quibus metuimus, sicca &
calida fomenta : sic, ut ne statim vehemen-
tissimi calores incipiant, sed paulatim in-
crescant. Perfricandæ quoque eæ partes ma- 15
nibus unctis ex vetere oleo sunt, eique adj-
ciendum aliquid ex calefacientibus. Con-
tentique medici quidam una frictione, etiam
ex quolibet oleo, sunt. In harum febrium
remissionibus nonnulli tres quatuor sorbi- 20
tionis cyathos, etiamnum manente febre,
dant : deinde, ea bene finita, reficiunt sto-
machum cibo frigido & levi. Ego tum hoc
puto tentandum, cum parum cibus, semel
& post febrem datus, prodest. 25

Sed curiose prospiciendum est, ne tem-
pus remissionis decipiat. Sæpe enim in hoc
quoque genere valetudinis jam minui fe-
bris videtur, & rursus intenditur. Itaque ei
remissioni credendum est, quæ etiam im- 30
moratur, & jactationem, fervoremque cor-
poris, quem ζέων Græci vocant, minuit.
Illud satis convenit, si quotidie pares acces-
siones sunt, quotidie parvum cibum dan-
dum :

dum: si impares, post graviolem, cibum; post leviolem, aquam mulfam.

CAP. XII.

Curatio horroris in febris.

5 **H**ORROR autem eas fere febres antecedit, quæ certum habent circuitum, & ex toto remittuntur; ideoque ætutissimæ sunt, maximeque curationes admittunt. Nam ubi incerta tempora sunt, neque alvi ductio, neque balneum, neque vinum, neque medicamentum aliud recte datur. Incertum est enim, quando febris ventura sit: ita fieri potest, ut, si subito vene-
15 rit, summa in eo pernicies sit, quod auxilii causa fuit inventum. Nihilque aliud fieri potest, quam ut primis diebus bene abstinat æger: deinde, sub decessu febris ejus, quæ gravissima est, cibumumat.
20 At ubi certus circuitus est, facilius omnia illa tentantur; quia facilius proponere nobis & accessionum & decessionum vi-ces possumus. In his autem, cum *b* veteraverunt, utilis fames non est. Primis tan-
25 tummodo diebus ea pugnandum est: deinde dividenda curatio est, & ante horror, tum febris discutienda. Igitur cum primum aliquis inhorruit, & ex horrore inca-
luit, dare ei oportet potui tepidam aquam
30 subsalsam, & vomere eum cogere: nam fere talis horror ab his oritur, quæ biliosa in stomacho resederunt. Idem faciendum est, si proximo quoque circuitu æque accessit: sæpe enim sic discutitur. Jam-
que

a *Aph. iv. 43.* b *Inveteraverunt, Ritter-
shus. ad Phædr. 1. Fab. 2.*

que, quod genus febris sit, scire licet.

Itaque sub expectatione proximæ accessionis, quæ instare tertia potest, deducendus in balneum est; dandaque opera est, ut per tempus horroris in folio sit. Si ibi quoque senserit, nihilominus idem sub expectatione accessionis quartæ faciat: siquidem eo quoque modo sæpe is discutitur. Si nec balneum quidem profuit, ante accessionem allium edat, aut bibat calidam aquam cum pipere: siquidem ea quoque assumpta calorem movent; qui horrorem non admittit. Deinde eodem modo, quo in frigore præceptum est, antequam inhorrescere possit, operiatur. fomentisque protinus calidioribus totum corpus circundare convenit, maximeque involutis extinctis testis & titionibus.

95, 20.

Si nihilominus horror perruperit, multo oleo calefacto inter ipsa vestimenta perfundatur; cui æque ex calefacientibus aliquid sit adjectum: adhibeaturque frictio, quantum is sustinere poterit, maximeque in manibus & pedibus: & spiritum ipse contineat. Neque desistendum est, etiamsi horror redit. sæpe enim pertinacia juvantis malum corporis vincit.

Si quid evomuit, danda aqua tepida, iterumque vomere cogendus est; utendumque eisdem est, donec horror finiatur. Sed præter hæc ducenda alvus est, si tardius horror quiescet: siquidem id quoque exonerato corpore prodest. Ultima post hæc auxilia sunt, gestatio & ambulatio. Cibus

autem

autem in ejusmodi morbis maxime dandus est, qui mollem alvum præstet, ac caro glutinosa. Vinum cum dabitur, austereum sit.

5 CAP. XIII.

Curatio quotidiana febris.

10 **H**ÆC ad omnes circuitus febrium pertinent: discernendæ tamen singulæ sunt, sicut rationem habent dissimilem. Si quotidiana est, triduo primo magnopere abstinere oportet; tum cibis, altero quoque die uti. Si res inveteraverit, post febrem experiri balneum, & vinum; magisque, si, 15 horrore sublato, hæc superest.

CAP. XIV.

Curatio tertianæ febris.

20 **S**I vero tertiana, quæ ex toto intermit- tit, aut quartana est; mediis diebus, & ambulationibus uti oportet, aliisque exercitationibus, & unctionibus. Quidam ex antiquioribus medicis Cleophrantus, in hoc 25 genere morborum, multo ante accessionem, caput ægri multa & calida aqua perfundebat, deinde vinum dabat. Quod, quamvis pleraque ejus viri præcepta secutus est Asclepiades, recte tamen præteriit: est enim 30 anceps.

Ipse, si tertiana febris est, tertio die post accessionem dicit alvum duci oportere: quinto, post horrorem vomitum elicere; deinde post febrem, sicut illi mos erat, ad- huc

huc calidis dare cibum & vinum: sexto die, in lectulo detineri: sic enim fore, ne septimo die febris accedat. Id sæpe fieri posse, verisimile est. Tutius tamen est, hoc ipso ordine tria remedia, vomitus, alvi 5 ductionis, vini potus, per triduum, id est, die tertio, & quinto, & septimo tentare: nec vinum, nisi post accessionem, die septimo bibere.

Si vero primis diebus discussus morbus non 10 est, inciditque in vetustatem, quo die febris expectabitur, in lectulo se contineat; post febrem perfricetur: tum, cibo assumpto, bibat aquam; postero die, quo a cibo vacat, & ab exercitatione unctioneque, aqua tan- 15 tum contentus, conquiescat. Et id quidem optimum est. Si vero imbecillitas urgebit, & post febrem vinum; & medio die paulum cibi debet assumere.

C A P. X V.

Curatio quartanæ febris.

EADEM in quartana facienda sunt. Sed cum hæc tarde ^a admodum finia- 25 tur, nisi primis diebus discussa est, diligentius ab initio præcipiendum est, quid in ea debeat fieri. Igitur, si cui cum horrore febris accessit, eaque desiit, eodem die & postero tertioque continere se debet, & aquam tantummodo calidam primo die post 30 febrem sumere; biduo proximo, quantum fieri potest, ne hanc quidem: quarto die, si cum horrore febris revertitur, ^b vomere; sicut ante præceptum est: deinde post

^a I. Epidem. III. 17. ^b De Affect. XIX. 2.

post febrem, modicum cibum sumere, vini quadrantem. Postero tertioque die abstinere; aqua tantummodo calida, si sitis est, assumpta. Septimo die balneo frigus prævenire, abstinere, continere se debet, & aqua tantummodo calida, si sitis est, uti: ac tum ita nono die balneo frigus prævenire, & si febris redierit, ducere alvum; ubi ex eo corpus conquieverit, inunctione vehementer perfricari, eodem modo sumere cibum, & vino biduo proximo se abstinere, frictione servata. Decimo tertio die rursus balneum experiri; & si postea febris accessit, æque perfricari, vinum copiosius bibere. Ac sic proximum est, ut quies tot dierum, & abstinencia cum cæteris, quæ præcipiuntur, febrem tollant.

Si vero nihilominus remanet, aliud ex toto sequendum est curationis genus; idque agendum, ut, quod diu sustinendum est, corpus facile sustineat. Quo minus etiam curatio probari Heraclicis Tarentini debet, qui primis diebus ducendam alvum, deinde abstinendum in septimum diem dixit. Quod ut sustinere aliquis possit; tamen etiam febre liberatus vix refectiōni valebit. adeo, si febris sæpius accesserit, concidet. Igitur, si tertio decimo die morbus remanebit, balneum neque ante febrem, neque post eam tentandum erit; nisi interdum jam horrore discusso. Horror ipse per eadem, quæ supra præscripta sunt, expugnandus. Deinde post febrem oportebit ungi, & vehementer perfricari;

K

cibum

cibum & validum, & fortiter assumere; vino uti, quanto libebit: postero die, cum satis quieverit, ambulare, exerceri, ungi, perfricari fortiter; cibum accipere sine vino: tertio die abstinere. 5

Quo die vero febrem expectabit, ante surgere, & *c* exerceri, dareque operam oportet, ut in ipsam exercitationem tempus febris incurrat: sic enim sæpe illa discutitur. At, si in opere occupavit, tum de- 10
mum se recipere. In ejusmodi valetudine, medicamenta sunt, oleum, frictio, exercitatio, cibum, vinum. Si venter adstrictus est, solvendus est.

Sed hæc facile validiores faciunt: si in- 15
becillitas occupavit, pro exercitatione gestatio est. Si ne hanc quidem sustinet, adhibenda tamen frictio est. Si hæc quoque vehemens onerat, intra quietem, & unctio-
nem, & cibum consistendum est; dandaque 20
opera est, ne qua cruditas in quotidianam id malum vertat. Nam quartana neminem
† jugulat: sed, si ex ea facta quotidiana
est, in malis æger est: quod tamen, nisi
culpa vel ægri *d* vel curantis, nunquam fit. 25

C A P. XVI.

Curatio duarum quartanarum.

AT, si duæ quartanæ sunt, neque, quas 30
proposui, exercitationes adhiberi possunt: aut ex toto quiescere opus est, aut, si id difficile est, leniter ambulare, hinc confidere, diligenter involutis pedi-
bus

c Aristot. Probl. Sect. II. 58. † Tulpius Obs.
serv. l. 3. cap. 53. *d* Hippocr. I. Epidem. Sect.
III. 4.

bus & capite. Quoties febris accessit & de-
 fiit, cibum modicum sumere, & vinum;
 reliquo tempore, nisi imbecillitas urget,
 abstinere. At, si duæ febres pene jungun-
 5 tur, post utramque cibum sumere: deinde
 vacuo tempore, & moveri aliquantum, &
 post unctionem cibo uti. Cum vero vetus
 quartana raro, nisi vere, a solvatur; utique
 eo tempore attendendum est, ne quid fiat,
 10 quod valetudinem impediat. Prodestque in
 vetere quartana, mutare subinde victus ge-
 nus, a vino ad aquam, ab aqua ad vinum,
 a lenibus cibis ad acres, ab acribus ad le-
 nes transire: esse radicem, deinde vomere:
 15 jureve pulli gallinacei ventrem resolvere:
 oleo ad frictiones adjicere calefacientia:
 ante accessionem forbere, vel aceti cya-
 thos duos, vel unum sinapis, cum tribus
 Græci vini falsi, vel mista paribus portio- 37, 7.
 20 nibus; & in aqua diluta, piper, castoreum, 132,
 laser, myrrham. Per hæc enim similiaque 27.
 corpus agitandum est, ut moveatur ex eo
 statu, quo detinetur.

Si febris quievit, diu meminisse ejus diei
 25 convenit: eoque vitare frigus, calorem,
 cruditatem, lassitudinem. Facile enim rever-
 titur, nisi a sano quoque aliquandiu time-
 tur.

C A P. XVII.

30 *Curatio quotidiana febris, quæ ex
 quartana facta sit.*

AT, si ex quartana, quotidiana facta
 est; cum id initio inciderit, per bi-
 K 2 duum

a Epidem. VI. Sect. VI. 42.

duum abstinere oportet, vespere frictione uti, & aquam tantummodo potui dare. tertio die sæpe fit, ne febris accedat. Sed siue fuit, siue non fuit, cibus post accessionis tempus est dandus: & si manet, per biduum abstinentia, quanta maxima imperari corpori potest, & frictione quotidie utendum est.

CAP. XVIII.

*De tribus insaniæ generibus: & primo de
ejus curatione, quæ a Græcis
φρενίτις dicitur.*

ET febrium quidem curatio exposita est. Superfunt vero alii corporis affectus, qui huic superveniunt, ex quibus eos, qui certis partibus assignari possunt, protinus jungam. Incipiam ab insania, primamque hujus ipsius partem aggrediar, quæ & acuta, & in febre est. Græci φρενίτιν appellant.

Illud ante omnia scire oportet, interdum in accessione ægros desipere, & loqui aliena. Quod non quidem leve est; neque incidere potest, nisi in febre vehementi, non tamen æque pestiferum est. nam plerunque breve esse consuevit; levatoque accessionis impetu, protinus mens redit. Neque id genus morbi remedium aliud desiderat, quam quod in curanda febre præceptum est.

Phrenitis a vero tum demum est, cum continua dementia esse incipit; aut cum æger, quamvis adhuc sapiat, tamen quas-

dam

a Trallian. I. 13. Cæl. Aurelian. Præf. Lib. I.
Acutor. Morb. pag. 7.

dam vanas imagines accipit: perfecta est, ubi mens illis imaginibus addicta est. Ejus autem plura genera sunt: siquidem ex phreniticis alii hilares, alii tristes sunt: alii
 5 facilius continentur, & intra verba desipiunt; alii insurgunt, & violenter quædam manu faciunt: atque ex his ipsis, alii nihil nisi impetu peccant, alii etiam artes adhibent; summamque speciem sanitatis in captandis malorum operum occasionibus præ-
 10 bent; sed exitu deprehenduntur.

Ex his autem eos, qui intra verba desipiunt, aut leviter etiam manu peccant, onerare asperioribus coercitionibus super-
 15 vacuum est. Eos vero, qui violentius se gerunt, vincire convenit; ne vel sibi vel alteri noceant. Neque credendum est, si vinc-tus aliquis, dum levare vinculis cupit, sanum jam se fingat; quamvis prudenter &
 20 miserabiliter loquatur, quoniam is dolus insaniens est.

Fere vero antiqui tales ægros in tenebris habebant; eo quod illis contrarium esset, exterreri; & ad quietem animi tenebras ipsas conferre aliquid judicabant. At
 25 Asclepiades, tanquam ipsis tenebris terrentibus, † in lumine habendos eos dixit. Neutrum tamen perpetuum est. Alium enim lux, alium tenebræ magis turbant. repe-
 30 riunturque, in quibus nullum discrimen deprehendi, vel hoc, vel illo modo possit. Optimum itaque est, b utrumque experiri; & habere eum, qui tenebras horret, in luce; eum, qui lucem, in tenebris. At ubi

K 3 nul-

† Cœl. Aurel. M. A. l. i. c. 15. p. 40. b Cœl. Aurel. Acut. Morb. lib. 9. Aretæus de Curat. Acut. l. i.

nullum tale discrimen est, æger, si vires habet, loco lucido: si non habet, obscuro continendus est.

Remedia vero adhibere, ubi maxime furor urget, supervacuum est: simul enim febris quoque increfcit. Tum itaque nihil nisi continendus æger est. Ubi vero res patitur, festinanter subveniendum est. Asclepiades perinde esse dixit, his sanguinem * mitti, ac si c trucidentur: hanc rationem secutus, quod neque infania esset, nisi cum febre intenta; neque sanguis, nisi in remissione ejus, recte mitteretur. Ipse in his somnum multa frictione quæsiuit. Sed cum & intentio febris somnum impediat; & frictio non, nisi in remissione ejus, utilis sit: hoc quoque auxilium debuit præterire. Quid igitur est? Multa in præcipiti d periculo recte fiunt, alias omittenda. Et continua quoque febris habet tempora, quibus, etsi non remittit, non tamen crescit. Estque hoc, ut non optimum, sic satis tamen secundum remediis tempus. Quod si vires ægri patiuntur, sanguis quoque mitti debet.

Nec minus dubitari potest, an alvus ducenda sit. Tum, interposito die, convenit caput ad † cutem tondere: deinde aqua fovere, in qua verbenæ aliquæ decoctæ sint ex reprimementibus: aut prius fovere, deinde tondere, & iterum fovere: ac novissime rosa caput naresque implere; offerre etiam naribus rutam, ex aceto contritam, & movere sternutamenta medicamentis ad id effici-

* V. S. quando & qualis conveniat Cæl. Aurel. Acut. Morb. I. c. 10. c Cæl. Aurelian. Acut. Morb. I. 25. d Valleriola Observ. I. lib. I. † Cæl. Aurel. Acut. Morb. I. 10. & c. 15.

efficacibus. Quæ tamen facienda sunt in his, quibus vires non desunt. Si vero imbecillitas est, rosa tantum caput, adjecto serpyllo, similive aliquo, madefaciendum est. Utiles etiam in quibuscumque viribus herbæ duæ sunt, solanum & muralis, si simul ex utraque, succo expresso, caput impleatur. Cum se febris remiserit, frictione utendum est: parcius tamen in his, qui nimis hilares, quam in his, qui nimis tristes sunt.

Adversus omnium autem sic insanientium animos gerere se pro cuiusque natura necessarium est. Quorundam enim vani metus levandi sunt: sicut in homine prædivite famem timente incidit; cui subinde falsæ hæreditates nunciabantur. Quorundam audacia coercenda est: sicut in his fit, in quibus continendis plagæ quoque adhibentur. Quorundam etiam intempestivus risus objurgatione & minis prohibendus est. Quorundam discutiendæ tristes cogitationes: ad quod symphonix, & cymbala, strepitusque proficiunt. Sæpius tamen assentiendum, quam repugnandum est: paulatimque, & non evidenter, ab his, quæ stulte dicuntur, ad meliora mens abducenda. Interdum etiam elicienda ipsius intentio: ut fit in hominibus studiosis literarum, quibus liber legitur, aut recte, si delectantur; aut perperam, si id ipsum eos offendit. Emendando enim advertere animum incipiunt. Quin etiam recitare, si qua meminerunt, cogen-

di sunt. Ad cibum quoque quosdam non desiderantes reduxerunt hi, qui inter epulantes eos collocaverunt.

Om nibus vero sic affectis somnus & difficilis, & præcipue necessarius est. sub hoc 5 enim plerique *d* fanescunt. Prodest ad id, atque etiam ad mentem ipsam componendam, crocinum unguentum cum irino in caput datum. Si nihilominus vigilant, quidam somnum moliuntur potui dando aquam, in 10 qua papaver aut hyoscyamus decocta sint: alii mandragoræ mala pulvino subjiciunt: alii vel amomum, vel sycamini lachrymam fronti inducunt. Hoc nomen apud Medicos reperio. Sed cur Græci morum 15 *συχάμινον* *e* appellant, cum mori nulla lachryma sit? Sic vero significatur lachryma arboris in Ægypto nascentis, quam ibi *συχόμορον* appellant. Plurimi decoctis papaveris corticibus, ex ea aqua cum spongia os 20 & caput subinde foveant.

Asclepiades ea supervacua esse dixit: quoniam in lethargum sæpe convertunt. Præcepit autem, ut primo die, a cibo, potione, somno abstineretur: vespere ei dare- 25 tur potui aqua: tum frictio admoveretur lenis, ita ut ne manum quidem, qui fricaret, vehementer imprimeret: postero deinde die, iisdem omnibus factis, vespere ei daretur sorbitio & aqua, rursusque frictio 30 adhiberetur. Per hanc enim nos consecuturos, ut somnus accedat. Id interdum fit, & quidem adeo, ut, illo confitente, nimia fricatio etiam lethargi periculum afferat.

Sed

d *Aph. 11. 2.* *e* *Bodæus a Stapel ad Theophrast. Histor. Plant. IV. 2.*

Sed si sic somnus non accessit; tum denu-
illis medicamentis arcessendus est: habita
scilicet eadem moderatione, quæ hic quoque
necessaria est; ne, quem obdormire volu-
mus, excitare postea non possimus. Confert
etiam aliquid ad somnum silanus juxta ca-
dens; vel gestatio * post cibum, & noctu; xiv. &
maximeque lecti suspensi motus. *V. supra
seq.*

Neque alienum est, si neque sanguis an-
te missus est, neque mens constat, neque
somnia accedit, † occipitio inciso cucurbitu-
lam admove: quæ quia levat morbum,
potest somnum facere. Moderatio autem in
cibo quoque adhibenda est: nam neque
æger est implendus, ne insaniat: neque
jejuno utique vexandus est, ne imbe-
cillitate in cardiacum incidat. Opus est
autem cibo infirmo, maximeque sorbitio-
ne, & potione aquæ mulsæ, cujus ternos
cyathos hieme, æstate vero quatuor dedisse
fatis est.

Alterum genus infantiæ est, quod spa-
tium longius recipit; quia fere sine febre
incipit, leves deinde febriculas excitat: &
consistit in tristitia, quam videtur bilis f atria
contrahere. In hac utilis detractio sangui-
nis est. Si quid hanc prohibet, prima est
abstinentia: secunda, per album veratrum
vomitumque purgatio: post utrumlibet,
adhibenda bis die frictio est. Si magis va-
let, frequens etiam exercitatio; in jejuno
vomitus; cibus, sine vino, dandus ex me-
dia materia est. Quam quoties posuero,
scire licet, etiam ex infirmissima dari posse;
dum

* Cæl. Aurel. A. M. I. 15. pag. 46. † Cæl.
Aurel. I. c. 11. p. 27. f Aretæus de Morb. Diur.
l. 6. Trallian. I. 16.

dum ne ea sola quis utatur: valentissimam tantummodo esse removendam. Præter hæc, servanda alvus est quam tenerrima: removendi terrores, & potius bona spes afferenda: quærenda delectatio ex fabulis, ludisque, quibus maxime capi sanus assueverat: laudanda, si qua sunt, ipsius opera, & ante oculos ejus ponenda: leviter objurganda vana tristitia: subinde admonendus, in his ipsis rebus, quæ sollicitant, cur non potius lætitiæ, quam sollicitudinis causa sit. Si febris quoque accessit, sicut aliæ febres curanda est.

Tertium infantiæ genus est ex his longissimum; adeo ut vitam ipsam non impediat. quod robusti corporis esse consuevit. Hujus autem species duæ sunt. Nam quidam imaginibus, non mente fallunt; qualem insanientem Ajacem vel Orestem poetarum fabulæ ferunt: quidam animo desipiunt. Si imagines fallunt, ante omnia videndum est, tristes, an hilares sint. In tristitia, nigrum veratrum dejectionis causa; in hilaritate, album, ad vomitum excitandum, dari debet. Idque, si in potione non accipit, pani adjiciendum est, quo facilius fallat. Nam, si bene se purgaverit, ex magna parte morbum levabit. Ergo etiam, si semel datum veratrum parum profecerit, interposito tempore iterum dari debet. Neque ignorare oportet, leviores esse morbum cum g risu, quam serio insanientium. Illud quoque perpetuum est in omnibus morbis, ubi ab inferiore parte purgandus aliquis

aliquis est, h ventrem ejus ante solvendum esse: ubi a superiore, comprimendum.

Si vero consilium insanientem fallit, tormentis quibusdam optime curatur. Ubi per-
5 peram aliquid dixit, aut fecit; fame, vinculis, plagis coercendus est. Cogendus est & attendere, & ediscere aliquid, & meminisse. Sic enim fiet, ut paulatim metu cogatur considerare, quid faciat. Subito etiam
10 terreri, & expavescere, in hoc morbo prodest; & fere, quicquid animum vehementer perturbat. Potest enim quædam fieri mutatio, cum ab eo statu mens, in quo fuerat, abducta est. Interest etiam, si ipse sine
15 causa subinde rideat, an mœstus demissusque sit. Nam dementis hilaritas terroribus his, de quibus supra dixi, melius curatur. Si nimia tristitia est, prodest lenis, sed multa bis die frictio: item super caput aqua
20 frigida infusa, demissumque corpus in aquam & oleum.
Illa communia sunt: insanientes vehementer exerceri debere; multa frictione uti; neque pinguem carnem, neque vinum assumere; cibis uti post purgationem, ex media materia, quam levissimis; non oportet
25 re esse vel solos, vel inter ignotos, vel inter eos, quos aut contemnant, aut neglegant; mutare debere regiones, & si mens
30 redit, annua peregrinatione esse jactandos. Raro, sed aliquando tamen, ex metu delirium nascitur. Quod genus insanientium, specie simile, similique victus genere curandum est: præterquam quod in
hoc

h Aph. VII. 70.

hoc infantiæ genere solo recte vinum datur.

C A P. XIX.

a *De Cardiacis.*

HIS morbis præcipue contrarium est id genus, quod καρδιακὸν a Græcis nominatur; quamvis sæpe ad eum phrenitici transeunt; siquidem mens in illis laborat, in hoc vero constat. Id autem nihil aliud est, quam nimia imbecillitas corporis; quod, stomacho languente, immodico sudore digeritur. Licetque protinus scire id esse, ubi venarum exigui imbecillique pulsus sunt; sudor autem supra consuetudinem, & modo, & tempore, ex toto thorace, & cervicibus, atque etiam ex capite prorumpit, pedibus tantummodo, & cruribus ficcioribus, atque frigidis. Acuti id morbi genus est.

Curatio prima est, supra præcordia imponere, quæ reprimunt, cataplasmata: secunda, sudorem cohibere. Id præstat acerbum oleum, vel rosa, vel melinum, aut myrteum. Quorum aliquo corpus leniter perungendum; ceratumque ex aliquo horum tum imponendum est.

Si sudor vincit, delinendus homo est vel gypso, vel argenti spuma, vel cimolia creta, vel subinde horum pulvere respergendus. Idem præstat pulvis ex contritis aridæ myrti vel rubi foliis, aut ex austeri & boni vini arida fece. Pluraque similia sunt, quæ si defunt, satis utilis est quilibet

ex

a *Cæl. Aurelian. Acut. Morb. II. 30. 31. Trallian. VII. 9.*

ex via pulvis injectus. Super hæc vero, quominus corpus infudet, levi veste debet esse contactus, positusque loco non calido, fenestris patentibus, sic ut perflatus quoque
5 aliquis accedat.

Tertium auxilium est, imbecillitati jacentis cibo vinoque succurrere. Cibus non multus quidem, sed sæpe tamen nocte ac die dandus est; ut nutriat, neque oneret.
10 Is esse debet ex infirmissima materia, & stomacho aptus. Nisi autem necesse est, ad vinum festinare non oportet. Si verendum est, ne deficiat, tum & intrita ex hoc, & hoc ipsum austerum quidem, sed tamen tenue, meraculum, egelidum subinde & liberaliter dandum est; adjecta polenta, si modo is æger parum cibi assumit. Idque vinum esse debet, neque nullarum virium, neque ingentium: recteque tota die ac nocte,
15 20 Æte, duas vel tres heminas æger bibet; si vastius corpus est, plus etiam: si cibum non accipit, perunctum ante perfundere aqua frigida convenit, & tum dare.

Quod si stomachus resolutus parum continet, & ante cibum, & post eum sponte vomere oportet; rursusque post vomitum cibum sumere. Si ne is quidem manserit, forbere vini cyathum, interpositaque hora, sumere iterum. Si id quoque
30 stomachus reddiderit, totum corpus bulbis contritis superillinendum est: qui, ubi inaruerunt, efficiunt, ut vinum in stomacho contineatur, exque eo toti corpori calor venisque vis redeat.

Ulti-

V. supr. Ultimum auxilium est, in alvum ptisanæ
 xii, 14. vel alicæ cremorem ex inferioribus parti-
 bus indere, siquidem id quoque vires tue-
 tur. Neque alienum est, naribus quoque
 æstuantis admoveere, quod reficiat; ut est 5
 rosa & vinum: & si qua in extremis par-
 tibus frigent, unctis & calidis manibus fo-
 vere. Per quæ si consequi potuimus, ut &
 sudoris impetus minuatur, & vita proroge-
 tur, incipit jam tempus ipsum esse præsi- 10
 dio. Ubi esse in tuto videtur, verendum
 tamen est, ut ne in eandem imbecillitatem
 cito recidat. Itaque, vino tantum remoto,
 quotidie validiorem cibum debet assumere,
 donec satis virium corpori redeat. 15

C A P. XX.

De Lethargicis.

ALTER quoque morbus est, aliter
 phrenitico † contrarius. In eo dif- 20
 ficilior somnus, prompta ad omnem auda-
 ciam mens est: in hoc marcor, & in expu-
 gnabilis pene dormiendi necessitas. λήθαργος
 γοῦ Græci nominarunt. Id quoque genus *
 acutum est, & nisi succurritur, celeriter 25
 jugulat.

Proinde ex eo ægros & quidam excitare ni-
 tuntur, admotis his, per quæ sternutamenta
 evocantur, & his, quæ odore fædo movent,
 qualis est pix usta, lana succida, piper, ve- 30
 ratrum, castoreum, acetum, allium, cepa.
 Juxta etiam galbanum incendunt, aut cornu
 cervinum: si non est, quodlibet aliud. Hæc
 enim cum comburuntur, odore fædo movent.

Thar-

† *Alex. Trall. l. 14.* * *Cæl. Aur. M. A. l. 11.*
c. 1. a Trallian. I. 15. Aretæus de Morb. Acut.
Curat. I. 2.

Tharrias vero quidam, accessionis esse id malum, dixit, levarique, cum ea decessit. Itaque eos, qui subinde excitant, sine usu male habere. Interest autem, in decessione
5 expergiscatur æger, an, cum febris levatur, aut, levata quoque ea, somnus urgeat. Nam si expergiscitur, adhibere ei, ut sopito, supervacuum est. neque enim vigilando melior fit; sed per se, si melior est, vigi-
10 lat. Si vero continens ei somnus est, utique excitandus est; sed his temporibus, quibus febris levissima est, ut excernat aliquid, & sumat. Excitat autem validissime repente aqua frigida superinfusa. Post remissionem itaque, perunctum oleo multo
15 totum corpus, tribus aut quatuor amphoris totum per caput perfundendum est. Sed hoc utemur, si æqualis ægro spiritus erit, si mollia præcordia. Sin aliter hæc erunt,
20 ea potiora, quæ supra comprehensa sunt. Et, quod ad somnum quidem pertinet, commodissima hæc ratio est.

Medendi autem causa, caput radendum; deinde posca fovendum est, in qua laurus,
25 aut ruta decocta sit. Altera vero die imponendum castoreum, aut ruta ex aceto contrita, aut lauri baccæ, aut hedera cum rosa & aceto. Præcipueque proficit, & ad excitandum hominem, naribus admotum;
30 & ad morbum ipsum depellendum, capiti frontive impositum sinapi. Gestatio etiam in hoc morbo prodest: maximeque opportune cibus datus, id est, in remissione, quanta maxima inveniri poterit. Aptissima

tissima autem sorbitio est, donec morbus decrefcere incipiat. Si autem quotidie gravis accessio est, hæc quotidie detur: si alternis, post gravio rem, sorbitio, post levio rem, mulsa aqua. Vinum quoque cum tempestivo cibo datum non mediocriter adjuvat.

Quod si post longas febres ejusmodi torpor accessit, cætera eadem fervanda sunt. Ante accessionem autem, tribus quatuorve horis, si venter astrictus est, dandum est castoreum cum scammonia; si non est, per se ipsum castoreum cum aqua dandum est. Si præcordia mollia sunt, cibis utendum est plenioribus: si dura, in iisdem sorbitionibus subsistendum; imponendumque præcordiis, quod simul & reprimat & emolliat.

C A P. XXI.

451.

a De Hydropicis.

SED hic quidem acutus est morbus. Longus vero fieri potest eorum, quos aqua inter cutem male habet: nisi enim primis diebus succurritur, in ὕδρωπα, quam Græci vocant, incidant. Ejus tres species sunt. Nam modo, ventre vehementer intento, creber intus, ex motu spiritus, sonus est: modo corpus inæquale est, tumoribus aliter aliterque per totum id orientibus: modo intus in uterum aqua contrahitur; & moto corpore, ita movetur, ut impetus ejus conspici possit. Primum, τυμπανίτην: secundum, λευκορλεγματίαν, vel

a Aretæus de Diuturn. Morb. II. 1.

vel ὑπὸ τὴν σάρκα; tertium, ἀσκήτην Græci nominarunt. Communis tamen omnium est humoris nimia abundantia: ob quam ne ulcera *b* quidem in his ægris facile sanescunt.

5 Sæpe vero hoc malum per se incipit: sæpe 68, 7. alteri verustis morbo, maximeque quartanæ, supervenit.

Facilius in servis, quam in liberis tollitur. quia, cum desideret famem, sitim, &
 10 mille alia tædia, longamque patientiam, promptius iis succurritur, qui facile coguntur, quam quibus inutilis libertas est. Sed ne hi quidem, qui sub alio sunt, si ex toto sibi temperare non possunt, ad salutem
 15 perducuntur. Ideoque non ignobilis medicus, Chryssippi discipulus, apud Antigonom regem, amicum quendam ejus, notæ intemperantiæ, mediocriter eo morbo implicatum, negavit posse sanari. Cumque al-
 20 ter medicus Epirotes Philippus se sanaturum polliceretur; respondit, illum ad morbum ægri respicere; se, ad animum. Neque eum res fefellit. Ille enim cum summa diligentia non medici tantummodo,
 25 sed etiam regis custodiretur, tamen malignata sua devorando, bibendoque suam urinam, in exitium sese præcipitavit.

Inter initia tamen, non difficillima curatio est, si imperata sunt corpori, quies, sitis, inedia. At si malum inveteravit, non sine magna mole discutitur. † Metrodorum tamen, Epicuri discipulum, referunt, cum hoc morbo tentaretur, neque æquo animo necessariam sitim sustineret, ubi diu

L

ab-

b Aph. vi. 8. † Ejus vitam describit Diogenes Laertius.

abstinuerat, solitum bibere, deinde evomere. Quod, si redditur, quicquid receptum est, multum tædio demit: si a stomacho retentum est, morbum auget. ideoque in quolibet tentandum non est. 5

Sed si febris quoque est, hæc in primis submovenda est per eas rationes, per quas huic succurri posse propositum est. Si sine febre æger est, tum demum ad ea veniendum est, quæ ipsi morbo mederi solent. 10 Atque hic quoque, quæcumque species est, si nondum nimis occupavit, iisdem auxiliis opus est. Multum ambulandum, currendum aliquando, & superiores maxime partes sic perfricandæ, ut calorem in cutem evocet: inter quæ, spiritum ipse contineat. Evocandus est sudor, non per exercitationem tantum, sed etiam in arena calida, vel laconico, vel clibano, similibusque aliis: maximeque utiles sunt naturales, 20 & siccæ sudationes; quales super c Batas habemus in myrtetis. Balneum, atque omnis humor alienus est. Jejuno recte catapotia dantur, facta ex duabus apsinthii, myrrhæ tertia parte. 25

Cibus esse debet ex media d quidem materia, sed tamen generis durioris. Potio non ultra danda est, quam ut vitam sustineat: optimaque est, quæ urinam movet. Alvum moliri cibo melius est, quam medicamento. Si tamen res coget, ex his aliquid, quæ id præstant, erit decoquendum, eaque aqua potui danda. Videntur autem hanc facultatem habere, iris, nardum, 30

c Cicero Epist. ad Fam. ix. 12. d Supra II. 18.

dum, crocum, cinnamomum, cassia, myrrha, balsamum, galbanum, ladanum, ænanthe, & panaces, cardamomum, hebenus, cupressi semen, uva taminia, quam
 5 *σαφίδα αὑρίαν* Græci nominant, abrotanum, rosæ folia, acorum, amaræ nuces, tragoriganum, styrax, costum, junci quadrati & rotundi flos; illum *κύνειρον*, hunc *σχοίνον* Græci vocant. quæ quoties posuero,
 10 non quæ hic nascuntur, sed, quæ inter aromata afferuntur, significabo. Primo tamen, quæ lenissima ex his sunt, id est, rosæ folia, vel nardi spica, tentanda sunt. Vinum quoque utile est austerum, sed quam tenuis-
 15 simum.

Commodum est etiam, lino quotidie ventrem metiri, &, qua comprehendit alvum, notam imponere: postero quoque die videre, plenius corpus sit, an extenuetur. id enim, quod extenuatur, medicinam
 20 sentit. Neque alienum est, metiri & portionem ejus, & urinam. nam si plus humoris excernitur, quam assumitur, ita demum secundæ valetudinis spes est. Asclepiades in eo, qui ex quartana in hydro-
 25 pa deciderat, se abstinencia bidui, & fricatione usum; tertio die, jam & febre, & aqua liberato, cibum, & vinum dedisse, memoriæ prodidit. Hactenus communiter
 30 de omni specie præcipi potest: si vehementius malum est, diducenda ratio curandi est.

Ergo, si inflatio, & ex ea dolor creber est, utilis quotidianus, aut altero quoque
 L 2 die

e Rhodius ad Scribon. Largi Comp. V. pag. 37.

die post cibum, vomitus est. Fomentis de-
inde siccis calidisque utendum est. Si per
hæc dolor non finitur, necessariæ sunt sine
ferro cucurbitulæ. Si ne per has quidem tor-
mentum tollitur, incidenda cutis est, & 5
tum his utendum. Ultimum auxilium est,
si cucurbitulæ nihil profuerunt, per alvum
infundere copiosam aquam calidam, eam-
que recipere. Quin etiam quotidie ter qua-
terve opus est uti fricatione vehementi, cum 10
oleo & quibusdam calefacientibus. Sed in
hac frictione a ventre abstinendum est. Im-
ponendum vero in eum crebrius sinapi, do-
nec cutem erodat; ferramentisque canden-
tibus pluribus locis venter exulcerandus est, 15
& servanda ulcera diutius. Utiliter etiam
scilla cocta deligatur super cutim. Sed diu
post has inflationes abstinendum est ab omni-
bus instantibus.

At, si id vitium est, cui λευκορλεγματία 20
nomen est, eas partes, quæ tument, subji-
cere soli oportet; sed non nimium, ne fe-
briculam incendat: si is vehementior est,
caput velandum est, utendumque fricatione,
madefactis tantum manibus aqua, cui sal 25
& nitrum & olei paulum sit adjectum; sic,
ut aut pueriles aut muliebres manus adhi-
beantur, quo mollior earum tactus sit.
Idque si vires patiuntur, ante meridiem,
tota hora; post meridiem, semihora fieri 30
oportet. Utilia sunt etiam cataplasmata,
quæ reprimunt; maximeque, si corpora
teneriora sunt. Incidendum quoque super
talum, quatuor fere digitis, ex parte in-
teriore

teriore est; quo per aliquot dies frequens humor feratur: atque ipsos tumores incidere altis plagis oportet: concutiendumque corpus est multa gestatione, atque, ubi induræ vulneribus cicatrices sunt, adjiciendum
5 exercitationibus & cibis, donec corpus ad pristinum statum revertatur. Cibus valens esse debet, & glutinosus, maximeque caro. Vinum, si per stomachum licet, dulcius. sed ita, ut invicem biduo triduoque,
10 modo aqua, modo id bibatur. Prodest etiam lactucæ marinæ, quæ grandis juxta mare nascitur, semen, cum aqua potui datum. Quod si valens est, qui id accipit, ei scilla cocta simul super ventrem deligatur. Authoresque multi sunt, inflatis vesicis pulsandos tumores esse.

Si vero id morbi genus est, quo in uterum multa aqua contrahitur, ambulare, sed magis modice oportet; malagma, quod
20 digerat, impositum habere; idque ipsum superimposito triplici panno, fascia, non nimium tamen vehementer, astringere. quod a Tharria profectum, servatum esse
25 a pluribus video. Si jecur, aut lienem affectum esse, manifestum est, ficum pinguem contusam, adjecto melle, superponere. Si per talia auxilia venter non siccatur, sed humor nihilominus abundat, celeriori via
30 succurrere, ut is per ventrem ipsum emitatur. Neque ignoro, Erasistrato displuisse hanc curandi viam. morbum enim hunc jocineris putavit: ideoque illud esse sanandum; frustra que aquam emitti, quæ,

vitiatō illo, subinde renascatur. Sed pri-
mum, non hujus visceris unius hoc vitium
est. Nam & splene affecto, & in totius cor-
poris malo habitu fit. Deinde, ut inde cœ-
perit, tamen aqua nisi emittitur, quæ con- 5
tra naturam ibi substitit, & jocinori, &
cæteris interioribus partibus nocet. Conve-
nitque, corpus nihilominus esse curandum.
Neque enim sanat emissus humor, sed me-
dicinæ locum facit, quam intus inclusus 10
impedit. Ac ne illud quidem in contro-
versiam venit, quin non omnes in hoc
morbo sic curari possint; sed juvenes ro-
busti, qui vel ex toto carent febre, vel
certe satis liberales intermissiones habent. 15
Nam quorum stomachus corruptus est, qui-
ve ex atra bile huc deciderunt, quique ma-
lum corporis habitum habent, idonei huic
curationi non sunt. Cibus autem, quo die
primum humor emissus est, supervacuus 20
est, nisi si vires defunt. In sequentibus
diebus, & his vinum meracius quidem,
sed non ita multum dari debet, paulatim-
que revocandus æger est ad exercitationes,
fricationes, solem, sudationes, fatigatio- 25
nes, & idoneos cibos, donec ex toto con-
valescat. Balneum rarum res amat; & fre-
quentiorem in jejuno vomitum. Si æstas
est, in mari natare commodum est. Ubi
convaluit aliquis, diu tamen alienus ei ve- 30
neris usus sit.

CAP.

CAP. XXII.

De Tabē, & ejus speciebus.

DIUTIUS, saepe & periculosius tabes eos male habet, quos invasit. Atque hujus quoque plures † species sunt. Una est, qua corpus non alitur, & naturaliter semper aliquibus decedentibus, nullis vero in eorum locum subeuntibus, summa
 10 macies oritur; & nisi occurritur, tollit.
 * ἀτροφία hanc Græci nominant. Ea duabus fere de causis incidere consuevit. Aut enim nimio timore aliquis minus, aut aviditate nimia plus, quam debet, assumit:
 15 ita vel, quod deest, infirmat: vel, quod superat, corrumpitur.

Altera species est, quam Græci καχεξία appellant: ubi malus corporis habitus est; ideoque omnia alimenta corrumpuntur.
 20 Quod fere fit, cum longo morbo vitiata corpora, etiam si illo vacant, refectiōnem tamen non accipiunt; aut cum malis medicamentis corpus affectum est; aut, cum diu necessaria defuerunt; aut, cum inusitados &
 25 inutiles cibos aliquis assumpsit, aliquidve simile incidit. Huic, præter tabem, illud quoque nonnunquam accidere solet, ut per assiduas pustulas, aut ulcera, summa cutis exasperetur, vel aliquæ corporis partes in-
 30 tumescant.

Tertia est, longeque periculosissima species, quam Græci φθίσιν nominaverunt. Oritur fere a capite: inde in pulmonem distillat. Ex hoc exulceratio accidit, & febricula

L 4 cula

† Erant apud veteres qui tabem & longos morbos inducere poterant, Philo Judæus de specialib. leg. 16. pag. 792. & 1691. * Cæli. Aurel. Morb. Chron. II. 14.

cula lenis fit; quæ etiam, cum quievit, tamen repetit. In ea quoque frequens tussis est, & pus excreatur; interdum cruentum aliquid. Quicquid excreatum est, si in ignem
72, 1. *a* impositum est, mali odoris est. Itaque, 1
qui de morbo dubitant, hac nota utuntur.

b Cum hæc genera tabis sint, animadvertere primum oportet, quid sit in quo laboratur. Deinde, si tantum non ali corpus apparet, causam ejus attendere; & si cibi minus assumpsit aliquis quam debuit, adjicere oportet: sed paulatim, ne si corpus insuetum subita multitudine oneraverit, stomachus gravetur, & concoctionem impediat. Si vero plus justo quis assumere solitus est, 15
abstinere uno die; deinde ab exiguo cibo incipere; quotidie adjicere, donec ad justum modum perveniat. Præter hæc convenit ambulare locis quam maxime frigidis, sole vitato: per manus quoque exerceri. 20
Si infirmior est, gestari, ungi, perfricari, si potest, maxime per seipsum, sæpius eodem die, & ante cibum, & post eum, sic ut interdum oleo quædam adjiciantur calefacientia, donec insudet. Prodestque je- 25
juno prehendere per multas partes cutem, & attrahere, ut relaxetur; aut, imposita resina, & abducta, subinde idem facere. Utile est etiam interdum balneum, sed post cibum exiguum. Atque in ipso solio recte 30
cibi aliquid assumitur: aut si sine hoc frictio fuit, post eam protinus. Cibi vero esse debent ex his, qui facile concoquuntur, maximeque alunt. Ergo vini quoque, sed

au-

a Aphor. V. 11. *b* Cæl. Aurelian. Morbor. Chronic. II. 14. p. 421. Trallian. v. 2.

austeri, necessarius usus est, movendæ urinæ.

At si malus habitus corporis est, primum abstinendum est; deinde alvus ducenda; tum paulatim cibi dandi, adjectis exercitationibus, unctionibus, fricationibus. Utilius his frequens balneum est, sed jejunis; etiam usque ad sudorem. Cibis vero opus est copiosis, variis, boni succi, quique etiam minus facile corrumpantur, vino austero. Si nihil reliqua proficiunt, sanguis mittendus est; sed paulatim, quotidieque pluribus diebus, cum eo, ut cætera quoque eodem modo servantur.

Quod si mali plus est, & vera phthisis est, inter initia protinus occurrere necessarium est: neque facile enim hic morbus, cum inveteraverit, evincitur. Opus est, si vires patiuntur, & longa navigatione, cœli mutatione sic, ut densius quam id est, ex quo discedit æger, petatur. Ideoque aptissime Alexandriam ex Italia itur. Fereque id posse inter principia corpus pati debet, cum hic morbus ætate firmissima maxime oriatur, id est ab anno *d* duodevigesimo usque ad annum quintum & trigessimum. Si id imbecillitas non finit, nave tamen, sed non longe, vectari commodissimum est. Sin navigationem aliqua res prohibet, lectica, vel alio modo corpus movendum est: tum a negotiis abstinendum est, omnibusque rebus, quæ sollicitare animum possunt: somno indulgendum: cavendæ distillationes, ne, si quid cura levaverit, exasperent; & ob id vitanda cruditas,

c Aretæus de Diuturn. Curat. I. 8. Trallian. VII. 2. Plin. N.H. xxviii. 4. d Apher. v. 9. viii. 7.

ditas, simulque & sol, & frigus: os ob-
 tegendum, fauces velandæ, tussicula suis
 remediis finienda: &, quamdiu quidem fe-
 bricula incurfat, huic interdum abstin- 5
 entia, interdum etiam tempestivis cibis me-
 dendum: eoque tempore bibenda aqua.
 Lac & quoque, quod in capitis doloribus,
 & in acutis febribus, & per eas facta nimia
 siti, ac, si præcordia tument, si bilio-
 sa urina est, si sanguis fluxit, pro vene- 10
 no est; in † phthisi tamen, sicut in omni-
 bus longis difficilibusque febriculis, recte
 dari potest.

Quod si febris aut nondum incurfat, aut
 jam remisit, decurrendum est ad modi- 15
 cas exercitationes, maximeque ambula-
 tiones, item lenes fricationes. Balneum
 alienum est. Cibus esse debet primo acer,
 ut allium, porrum, idque ipsum ex aceto,
 vel ex eodem intubus, ocimum, lactuca: 20
 deinde lenis sorbitio ex ptisana, vel ex ali-
 ca, vel ex amylo, lacte adjecto. Oryza
 quoque, &, si nihil aliud est, far idem
 præstat. Tum invicem modo his cibis, mo-
 do illis utendum est: adjiciendaque quædam 25
 ex media materia, præcipue vero ex pri-
 ma, cerebellum, vel pisciculus, & his si-
 milia. Farina etiam cum sevo ovillo ca-
 prinove mista, deinde incocta, pro medi-
 camento est. Vinum assumi debet leve au- 30
 sterum.

Hactenus non magna mole pugnatur.
 Si vehementior noxa est, ac neque febricula,
 neque tussis quiescit, tenuarique cor-
 pus

d. *Aph.* v. 64. † *Ibidem.*

pus apparet, validioribus auxiliis opus est. Exulcerandus est ferro candenti, uno loco sub mento, altero in gutture, duobus ad mammam utramque; item sub imis ossibus scapularum, quas ὀμοπλάτας Græci vocant, sic, ne sanescere sinas ulcera, nisi tussis finita fuerit: cui per se quoque mendendum esse, manifestum est. Tunc ter quaterque die vehementer extremæ partes
10 perfricandæ sunt: thorax leni manu pertractandus; post cibum intermittenda hora, & perfricanda crura, brachiaque. Interpositis denis diebus, demittendus æger in solium est, in quo sit aqua calida &
15 oleum. Cæteris diebus bibenda aqua: cum vinum, si tussis non est, potui frigidum dandum: si vero est, egelidum. Utile est etiam in remissionibus quotidie cibos dari: frictiones gestationesque similiter adhiberi:
20 quarto, aut quinto die fumere, interdum herbam sanguinalem ex aceto, vel plantaginem esse. Medicamentum est etiam vel plantaginis succus per se, vel e marrubii, si cum melle sit incoctus; ita ut illius
25 cathus forbeatur, hujus cochleare plenum paulatim delingatur; vel inter se mista, & incocta resinæ terebinthinæ pars dimidia, butyri & mellis pars altera. Præcipua tamen ex his omnibus sunt victus, vehicu-
30 lum, & navis, & sorbitio. Alvus f. cita utique vitanda est. Vomitus in hoc morbo frequens, perniciosus est, maximeque sanguinis. Qui meliusculus esse cœpit, ad-
jicere debet exercitationes, fricationes, ci-
bos:

e Trallian. v. 3. pag. 276. f. Apb. v. 12. 14.
Trallian. 11. 2. pag. 313.

205, 4. bos: deinde ipse se, suppresso spiritu, perfricare; diu abstinere a vino, † balneo, venere.

CAP. XXIII.

a De Comitiali morbo.

73, 20. **I**nter notissimos morbos est etiam is, qui * comitialis, vel major nominatur. Homo subito concidit, ex ore spumæ moventur, deinde interposito tempore ad se redit, & per seipsum confurgit. Id genus sæpius viros, quam fœminas occupat; ac solet quidem etiam longum esse, usque ad mortis diem, & vitæ non periculosum. Interdum tamen cum recens est, hominem consumit; & sæpe eum, si remedia non sustulerunt, in b pueris veneris, in puellis menstruum initium tollit. Modo cum distentione membrorum aut nervorum prolabitur aliquis; modo sine illa.

Quidam hos quoque iisdem, quibus lethargicos, excitare conantur: quod admodum supervacuum est: & quia ne lethargicus quidem his sanatur; & quia, cum possit ille nunquam expergisci atque ita fame interire, hic ad se utique revertitur.

173, 23. Ubi concidit aliquis, si nulla nervorum distentio accessit, utique † sanguis mitti debet: si accessit, non utique mittendus est, nisi alia quoque hortantur. Necessarium autem est, ducere alvum, vel nigro veratro purgare, vel utrumque facere, si vires 87, 19. patiuntur: tunc caput tondere, oleoque & aceto perungere; cibum post diem tertium,

† Colum. 1. 6. a Aretæus de Diuturn. M. l. 1. c. 4. * Vocatur: lues deifica, morbus Sacer. b Aph. II. 45. V. 7. † Valleriol. l. 3. Obs. 7.

tium, simul ac transiit hora, qua concidit,
dare. Neque sorbitiones his aut alioqui mol-
les, & faciles cibi; neque caro, minimeque
suilla convenit; sed mediæ materiæ: nam 96.
5 & viribus opus est, & c. cruditates cavendæ
sunt. Cum quibus fugere oportet solem,
balneum, ignem, omniaque calefacientia:
item, frigus, vinum, venerem, loci præci-
pitis conspectum, omniumque terrentium,
10 vomitum, lassitudinem, sollicitudines, ne- 87, 10.
gotia omnia: & ubi tertio die cibus datus
est, intermittere quartum, & invicem alte-
rum quemque; eadem hora cibi servata, do-
nec quatuordecim dies transeant. Quos ubi
15 morbus excessit, acuti vim deposuit: at si
manet, curandus jam ut longus est.

Quod si non, quo die primum is incidit,
medicus accessit; sed is, qui cadere consue-
vit, post ei traditus est; protinus eo genere
20 victus habito, qui supra comprehensus est,
expectandus est dies, quo prolabatur; uten-
dumque tum vel sanguinis *d* missione, vel
ductione alvi, vel nigro veratro, sicut præ- 172,
ceptum est. In sequentibus deinde diebus, 30.
25 per eos cibos, quos proposui, vitatis omni-
bus, quæ cavenda dixi, nutriendus est.

Si per hæc morbus finitus non fuerit,
confugiendum erit ad album veratrum; ac 87, 19.
ter quoque aut quater eo utendum, non ita
30 multis interpositis diebus; sic tamen, ne
iterum unquam sumat, nisi conciderit.
Mediis autem diebus vires ejus erunt nu-
triendæ; quibusdam, præter ea, quæ supra
scripta sunt, adjectis. Ubi mane experre-
tus

c Trallian. I. 15. d Cæl. Aurelian. Tard.
Pass. 1. 4. p. 272.

Etus est, corpus ejus leniter ex oleo vetere
 (cum capite, excepto ventre) permulcea-
 tur : tum ambulatione quam maxime longa
 & recta utatur : post ambulationem loco
 tepido vehementer & diu, ac non minus 5
 ducenties, nisi infirmus erit, perfricetur :
 deinde super caput multa aqua frigida per-
 fundatur; paulum cibi assumat; conquie-
 scat; rursus ante noctem ambulatione uta-
 tur; iterum vehementer perfricetur, sic ut 10
 neque venter, neque caput contingatur :
 post hæc cœnet, interpositisque tribus aut
 quatuor diebus, uno aut altero acria assu-
 mat.

Si ne per hæc quidem fuerit liberatus, 15
 caput radatur; ungatur oleo vetere, adjecto
 aceto & nitro; perfundatur aqua falsa; bi-
 bat jejunos ex aqua castoreum; nulla aqua,
 nisi decocta, potionis causa utatur. Qui-
 dam jugulati e gladiatoris calido sanguine 20
 poto tali morbo se liberarunt. Apud quos
 miserum auxilium tolerabile miserius ma-
 lum fecit. Quod ad medicinam vero per-
 tinet, ultimum est, juxta talum, ex utro-
 que crure paulum sanguinis mittere : occi- 25
 pitium incidere, & cucurbitulas admove-
 re : ferro candente in occipitio quoque
 & infra, qua summa vertebra cum capi-
 te committitur, adurere duobus locis, ut
 per ea perniciosus humor evadat. Quibus 30
 si finitum malum non fuerit, prope est, ut
 perpetuum sit. Ad levandum id, tantum-
 modo utendum erit exercitatione, cibisque
 his, qui supra comprehensi sunt : præ-
 cipue-

e Plin. xxviii. 1. Lang. Epist. 14. lib. 1. Mi-
 nucius Felix pag. 34. Vide duo exempla ejus no-
 xam indicantia apud Tulpium Obs. l. 4. c. 4.

cipueque vitanda omnia, quæ ne fierent, excepimus.

C A P. XXIV.

De Regio morbo.

5 **Æ**QU E notus est morbus, quem interdum parquatum, † interdum regium nominant. Quem Hippocrates ait, si post septimum diem a febricitante ægro
10 supervenit, tutum esse, mollibus tantummodo præcordiis substantibus. Diocles ex toto, si post febrem oritur, etiam prodesse; si post hunc febris, occidere. Color 52, 7.
autem eum morbum detegit, maxime oculorum, in quibus, quod album esse debet, fit luteum. Soletque accedere & sitis, & dolor capitis, & frequens singultus, & præcordiorum dextra parte durities; & ubi corporis vehemens motus est, spiritus difficultas, membrorumque resolutio: atque, ubi diutius manet morbus, totum corpus cum pallore quodam inalbescit.
15 Primo die abstinere ægrum oportet: secundo ducere alvum: tum, si febris est, eam victus genere discutere: si non est, scamoneam potui dare, vel cum aqua betam albam contritam, vel cum aqua multa nuces amaras, apsinthium, anisum, sic, ut pars hujus minima sit. Asclepiades aquam
30 quoque falsam, & quidem per biduum, purgationis causa, bibere cogebat, iis, quæ urinam movent, rejectis. Quidam, superioribus omis- sis, per hæc, & per eos cibos, qui extenuant, idem se consequi dicunt.

Ego

† *Plin. H. N. 22. 6. 24. a Aph. iv. 62.*

Ego utique, si satis virium est, validiora; si parum, imbecilliora auxilia præfero. Si purgatio fuit, post eam triduo primo modice cibum oportet assumere ex media materia, & vinum bibere Græcum falsum, ut solutio ventris remaneat: tum altero triduo validiores cibos, & carnis quoque aliquid esse, intraque aquam manere: deinde ad superius genus victus reverti, cum eo, ut magis satietur; omisso Græco vino bibere nigrum austerum; atque ita per hæc variare, ut interdum acres quoque cibos interponat, interdum ad falsum vinum redeat. Per omne vero tempus utendum est exercitatione, fricatione, & si hiems est, balneo; si æstas, frigidis natationibus: lecto etiam, & conclavi ^a cultiore, usu, loco, ludis, lascivia, aliis, per quæ mens exhilaretur: ob quæ regius morbus dictus videtur. Malagma quoque, quod digerat, super præcordia datum prodest; vel arida ibi ficus imposita, si jecur aut lienis affectus est.

C A P. XXV.

b De Elephantia.

IGNOTUS autem pene in Italia, frequentissimus in quibusdam regionibus is morbus est, quem ἐλεφαντίασιν Græci vocant; isque longis annumeratur. Quo totum corpus afficitur ita, ut ossa quoque vitari dicantur. Summa pars corporis crebras maculas crebrosque tumores habet. Rubor earum paulatim in atrum colorem convertitur. Summa cutis inæquali-

^a Seren. Sammon. de Regio morbo. ^b Mercurial, Variar. Lect. I. 2.

qualiter crassa, tenuis, dura, mollisque, quasi squamis quibusdam exasperatur, corpus emacrescit, os, suræ, pedes intumescunt. Ubi vetus morbus est, digiti in manibus pedibusque sub tumore conduntur; febricula oritur, quæ facile tot malis obrutum hominem consumit.

Protinus ergo inter initia sanguis per biduum mitti debet; aut nigro veratro venter solvi. Adhibenda triduum, quanta sustinere potest, inedia est: paulum deinde vires reficiendæ, & ducenda alvus: post hæc, ubi corpus levatum est, utendum est exercitatione, præcipueque cursu: sudor primum labore ipsius corporis, deinde etiam ficcis sudationibus evocandus: fricatio adhibenda: moderandumque inter hæc, ut vires conserventur: balneum rarum esse debet: cibus sine pinguibus, sine glutinosis, sine infantibus. Vinum, præterquam primis diebus, recte datur. Corpus contrita plantago & illita optime tueri videtur.

CAP. XXVI.

De Attonitis.

ATTONITOS quoque raro videmus, quorum & corpus & mens stupet. Fit interdum ictu fulminis, interdum morbo. hunc ἀποπληξία Græci appellant. His sanguis mittendus est. Veratro quoque albo, vel alvi ductione utendum. Tum adhibendæ fricationes; & ex

M

media

media materia minime pingues cibi; quidam etiam acres: & a vino abstinendum.

CAP. XXVII.

De Resolutione nervorum.

AT resolutio nervorum frequens ubique morbus est. Sed interdum tota corpora, interdum partes infestat. Veteres authores illud *a ἀποπληξία*; hoc *παράλυσιν* nominaverunt. nunc utrumque *παράλυσιν* appellari video. Solent autem, qui per omnia membra vehementer resoluti sunt, celeriter rapi. ac si correpti non sunt, diutius quidem vivunt; sed raro tamen ad sanitatem perveniunt; & plerumque miserum spiritum trahunt, memoria quoque amissa. In partibus vero nonnunquam acutus, sæpe longus, fere *b* infanabilis morbus est.

† Si omnia membra vehementer resoluta sunt, sanguinis detractio vel occidit, vel liberat. Aliud curationis genus vix unquam sanitatem restituit; sæpe mortem tantum differt; vitam interim infestat. Post sanguinis missionem, si non redit & motus & mens, nihil spei superest: si redit, sanitas quoque prospicitur.

At, ubi pars resoluta est, pro vi & malo corporis, vel sanguis mittendus est, vel alvus ducenda. Cætera eadem in utroque casu facienda sunt. Siquidem vitare præcipue convenit frigus; paulatimque ad exercitationes revertendum est, sic, ut ingrediat^{rum} ipse protinus, si potest. Si id cru-

a Cæl. Aurelian. Acut. Morb. III. 5. b Aretæus de Morb. Diuturn. I. 7. † De præservatione Crato apud Schol. consilio 35. 36.

rum imbecillitas prohibet, vel gestetur, 91, 26.
vel motu lecti concutiatur: tum id mem-
brum, quod deficit, si potest, per se; sin-
minus, per alium moveatur, & vi quadam
5 ad consuetudinem suam redeat. Prodest
etiam torpentis membri summam cutem ex-
asperasse, vel urticis casam, vel imposito
sinapi, sic, ut ubi rubere cœperit corpus,
hæc removeantur. Scilla quoque contrita,
10 bulbique contriti cum thure recte imponun-
tur. Neque alienum est, resina cutem ter-
tio quoque die diutius vellere; pluribus
etiam locis, aliquando sine ferro, cucurbi-
tulas admoveere. Unctioni vero aptissimum
15 est vetus oleum, vel nitrum aceto & oleo
admixtum. Quinetiam fovere aqua calida
marina; vel, si ea non est, tamen falsa,
magno opere necessarium est. Ac, si quo lo-
co vel naturales, vel etiam manufactæ ta-
20 les natationes sunt, iis potissimum uten-
dum est; præcipueque in his agitando mem-
bra, quæ maxime deficiunt. si id non est,
balneum tamen prodest. Cibus esse debet
ex media materia, maximeque ex venatio-
25 ne: potio, sine vino, aquæ calidæ. Si ta-
men vetus morbus est, interponi quarto vel
quinto die purgationis causa vinum Græ-
cum falsum potest. Post cœnam utilis vo-
mitus est.

30 2. De Dolorē nervorum.

Interdum vero etiam nervorum dolor ori-
ri solet. In hoc casu non vomere, non
medicamentis urinam movere, non exerci-
tatione sudores, ut quidam præcipiunt, ex-

M 2 pedit.

pedit. Bibenda aqua est bis die. In lectulo leniter satis diu corpus perfricandum est; deinde, retento spiritu, in ipsa exercitatione potius superiores partes, movendæ: balneo raro utendum: mutandum subinde peregrinationibus cœlum. Si dolor est, ea ipsa pars sine oleo, nitro ex aqua perungenda est; deinde involvenda, & subjicienda pruna lenis, & sulphur; atque ita id suffumigandum; idque aliquandiu faciendum, sed jejuno, cum bene jam concoxerit. Cucurbitulæ quoque sæpe dolenti parti admovendæ sunt, pulsandusque leniter inflatis vesicis bubulis is locus est. Utile est etiam sebum miscere cum cumini & urticæ contritis seminibus, sic, ut omnium par-
modus sit, idque imponere: fovere aqua, in qua sulphur decoctum sit. Utriculi quoque recte imponuntur aqua calida repleti, aut bitumen cum hordeacea farina mixtum. Atque in ipso potissimum dolore, utendum gestatione vehementi est. quod in aliis doloribus pessimum est.

3. De Tremore nervorum.

Tremor autem nervorum æque vomitu medicamentisque urinam moventibus intenditur. Inimica etiam habet balnea, assasque sudationes. Bibenda aqua est: acri ambulatione utendum, item unctionibus, frictionibusque, maxime per seipsum: pila, similibusque superiores partes dimovendæ: cibo quolibet utendum, dummodo concoctioni utique studeatur. Secundum cibum, curis abstinendum: rarissima venere

uten-

utendum est. Si quando quis in eam prolapsus est, tum oleo leniter diuque in le-
tulo perfricari manibus puerilibus potius,
quam virilibus, debet.

§ 4. De Suppurationibus internis. *V. supra*

Suppurationes autem, quæ in aliqua inte- xxx,
riori parte oriuntur, ubi ortæ fuerint, pri- 10.
mum id agere oportet per ea cataplasmata,
quæ reprimunt, ne coitus inutilis materiæ
10 fiat. deinde, si hæc victa sunt, ut per ea
malagmata, quæ digerunt, dissipetur. Quod 263.
si consecuti non sumus, sequitur, ut evoce-
tur: deinde, ut maturescat. omnis tum vo-
micæ finis est, ut rumpatur. Indiciūque
15 est, pus vel alvo vel ore redditum. Sed
nihil facere oportet, quominus, quicquid est
puris, exeat. Utendum maxime forbitio-
bus est, & aqua calida. Ubi pus ferri de-
fiit, transeundum ad faciles quidem, sed
20 tamen validiores & frigidos cibos, frigi-
damque aquam sic, ut ab egelidis tamen ini-
tium fiat. primoque cum melle quædam e-
denda, ut nuclei pinei, vel græcæ nuces,
vel avellanæ. Postea submovendum idipsum,
25 quo maturius induci cicatrix possit. Medi-
camentum eo tempore ulceri est, succus as-
sumptus vel porri vel marrubii, & omni
cibo porrum ipsum adjectum. Oportebit au-
tem uti in his partibus, quæ non afficiun-
30 tur, fricationibus, item ambulationibus le-
nibus. Vitandumque erit, ne vel luctando,
vel currendo, vel alia ratione sanescientia
ulcera exasperentur. In hoc enim morbo
perniciosus, ideoque omni modo cavendus
sanguinis vomitus est.

LIBER QUARTUS.

CAP. I.

De humani corporis interioribus sedibus.

ACTENUS reperiuntur ea genera morborum, quæ in totis corporibus ita sunt, ut iis certæ sedes assignari non possint: nunc de his dicam, quæ sunt in partibus. Facilius autem omnium interiorum morbi † curationesque in notitiam venient, si prius eorum sedes breviter ostendero.

Caput igitur, eaque, quæ in ore sunt, non lingua tantummodo palatoque terminantur, sed etiam, quatenus oculis nostris exposita sunt. In dextra sinistraque circa guttur venæ grandes, quæ σπαιγίνες nominantur; itemque arteriæ (quas καρτίδες vocant) sursum procedentes ultra aures feruntur. Atque in ipsis cervicibus glandulæ positæ sunt, quæ interdum cum dolore intumescunt. Deinde duo itinera incipiunt: alterum, * asperam arteriam nominant; alterum, stomachum. Arteria exterior ad pulmonem: stomachus interior ad ventriculum fertur. illa spiritum: hic cibum recipit. Quibus cum diversæ viæ sint, qua coeunt, exigua in arteria sub ipsis faucibus lingula est: quæ, cum spiramus, attollitur; cum cibum potionemque assumimus, arteriam claudit. Ipsa autem arteria, dura & cartilaginosa, in gutture assurgit,

† Soran. Ephes. Isagog. cap. XII. * i. e. Gu-
lam. Mercurial. Var. Lect. I. c. I.

git; cæteris partibus residit. Constat ex
 circulis quibusdam, compositis ad imagi-
 nem earum vertebrarum, quæ in spina
 sunt. ita tamen, ut ex parte exteriori
 5 aspera; ex interiori, stomachi modo lævis
 sit. eaque descendens ad præcordia cum
 pulmone committitur. Is spongiosus, ideo-
 que spiritus capax, & a tergo spinæ ipsi
 junctus, in duas * fibras, ungulæ bubulæ
 10 modo, dividitur. Huic cor annexum est,
 natura & musculosum, in pectore sub fini-
 steriore mamma situm; duosque quasi ven-
 triculos habet. At sub corde atque pulmo-
 ne, transversum ex valida membrana se-
 15 ptum est, quod a præcordiis uterum didu-
 cit, æque nervosum; multis etiam venis
 per id discurrentibus; a superiore parte,
 non solum intestina, sed jecur quoque lie-
 nemque discernit. Hæc viscera proxime,
 20 sed infra tamen posita, dextra sinistra-
 que sunt. Jecur a dextra parte sub præ-
 cordiis ab ipso septo orsum, intrinsecus ca-
 vum, extrinsecus gibberum est. quod pro-
 minens leviter ventriculo infidet, & in
 25 quatuor fibras dividitur. Ex inferiore ve-
 ro parte ei fel inhæret. At lien in sini-
 stra, non eidem septo, sed intestino anne-
 xus est, natura mollis & rarus, longitu-
 dinis crassitudinisque modicæ; isque pau-
 30 lum a costarum regione in uterum ex-
 cedens, ex maxima parte sub his condi-
 tur. atque hæc quidem juncta sunt. Renes
 vero divisi: qui lumbis sub imis coxis in-
 hærent, a parte earum resimi, ab altera ro-
 xxxi,

M 4 tundi; 3.

* Hippocr. Coac. Sent. 300. Van der Linden
 Med. Physiol. c. IV. p. 239. a Hippocr. de Cor-
 de T. IV.

tundi; qui & venosi sunt, & tunicis super
 conteguntur. Ac viscerum quidem hæ se-
 des sunt. Stomachus vero, qui intestino-
 rum principium est, nervosus a septima
 spinæ vertebra incipit, ac circa præcordia 5
 cum ventriculo committitur. Ventriculus
 autem, qui receptaculum cibi est, constat
 ex duobus tergoribus. isque inter lienem
 & jecur positus est; utroque ex his pau-
 lum super eum ingrediente. Suntque etiam 10
 membranulæ tenues, per quas inter se
 tria ista connectuntur, jungunturque ei se-
 183, pto, quod transversum esse, supra posui.
 19. Inde ima ventriculi pars paulum in dexte-
 riorem partem conversa, in summum in- 15
 testinum coarctatur. Hanc juncturam *πυ-
 λωρον* Græci vocant, quoniam portæ mo-
 do in inferiores partes ea, quæ excreturi su-
 mus, emittit. Ab ea jejunum intestinum
 incipit, non ita implicitum. cui tale voca- 20
 bulum est, quia nunquam, quod accepit,
 continet; sed protinus in inferiores partes
 transmittit. Inde tenuius intestinum est,
 in sinus vehementer implicitum: orbes ve- 25
 ro ejus per membranulas singuli cum in-
 terioribus connectuntur; qui in dexterio-
 rem partem conversi, & e regione dexte-
 rioris coxæ finiti, superiores tamen par-
 tes magis complent. Deinde id intestinum
 cum crassiore altero transverso committi- 30
 tur; quod a dextra parte incipiens, in si-
 nisteriorem pervium & longum est, in dex-
 V. supra teriorem non est; ideoque cæcum nomina-
 xiii, 28. tur. At id, quod pervium est, late fusum at-
 que

que sinuatum, minusque quam superiora
 intestina nervosum, ab utraque parte huc
 atque illuc volutum, magis tamen siniste-
 riores inferioresque partes tenens, contin-
 5 git jecur atque ventriculum: deinde cum
 quibusdam membranulis a sinistro rene ve-
 nientibus jungitur; atque hinc ad dex-
 tra recurvatum in ima dirigitur, qua ex-
 cernit; ideoque id ibi rectum intestinum
 10 nominatur. Contegit vero universa hæc o-
 mentum, ex inferiore parte læve & adstri-
 ctum, ex superiore mollius. Cui adeps
 quoque innascitur; quæ sensu, sicut cere-
 brum quoque & medulla, caret. At a re-
 15 nibus singulæ venæ, colore albæ, ad vesi-
 cam feruntur; *σπυτήρας* Græci vocant, quod
 per eas inde descendente urinam in vesi-
 cam distillare concipiunt. Vesica autem in
 ipso sinu nervosa & duplex, cervice ple-
 20 na atque carnosâ, jungitur per venas cum
 intestino, eoque osse, quod pubi subest:
 ipsa soluta atque liberior est; aliter in viris
 atque in fœminis posita. Nam in viris jux-
 ta rectum intestinum est, potius in fini-
 25 stram partem inclinata: in fœminis super ge-
 nitale earum posita est, & superne lapsa,
 ab ipsa vulva sustinetur. Tum in masculis
 iter urinæ spatiosius & compressius a cer-
 vice hujus descendit ad colem: in fœmi-
 30 nis brevius & plenius, super vulvæ cervi- 474,
 cem se ostendit. Vulva autem in virginibus 20.
 quidem admodum exigua est: in mulieribus 48, 22.
 vero, nisi ubi gravidæ sunt, non multo
 major, quam ut manu comprehendatur.

Ea,

Ea, recta tenuataque cervice, quam canalem vocant, contra mediam alvum orsa, inde paulum ad dexteriores coxas convertitur; deinde super rectum intestinum progressa, iliis foeminae latera sua innectit. 5
 Ipsa autem ilia inter coxas & pubem imo ventre posita sunt. A quibus ac pube abdomen sursum versus ad praecordia pervenit; ab exteriori parte, evidenti cute; ab interiori levi membrana inclusum; quae omento 10
 jungitur; περιτόναι⁸ autem a Graecis nominatur.

C A P. II.

De curationibus morborum, qui nascuntur a capite. 15

HIS veluti in conspectum quendam, quatenus scire curanti necessarium est, adductis, remedia singularum laborantium partium exequar, orsus a capite; sub quo 20
 nomine nunc significo eam partem, quae capillitio tegitur: nam oculorum, aurium, dentium dolor, & si quis similis est, alias erit explicandus.

2. De Capitis dolore.

 25

In capite autem interdum acutus & pestifer morbus est, quam κεφαλαίαν Graeci vocant. Cujus notae sunt, † horror validus, nervorum resolutio, oculorum caligo, mentis alienatio, vomitus, sic ut vox sup- 30
 primatur; vel sanguinis ex naribus cursus, sic ut corpus frigescat, anima deficiat. Praeter haec, dolor intolerabilis, maxime circa tempora, vel occipitium. Interdum autem

in

† Soran. Ephes. 1. Isag. c. 6.

in capite longa imbecillitas, sed neque gravis, neque periculosa, per hominis ætatem est. Interdum gravior dolor, sed brevis, neque tamen mortiferus; qui vel vino, vel cruditate, vel frigore, vel igne, aut sole contrahitur. Hique omnes dolores modo in febre, modo sine hac sunt; modo in toto capite, modo in parte; interdum sic, ut oris quoque proximam partem excrucient. Præter hæc etiam invenitur genus, quod potest longum esse: ubi humor cutem inflat, eaque intumescit, & prementi digito cedit: *ὄφρακέφαλον* Græci appellant.

15 Ex his id, quod secundo loco positum est, dum leve est, qua sit ratione curandum, dixi^a, cum persequerer ea, quæ sani homines in imbecillitate partis alicujus facere deberent. Quæ vero auxilia sint capitis, ubi cum febre dolor est, eo loco explicatum est, quo febrium curatio exposita 17, 8. est. nunc de cæteris dicendum est. 138,

Ex quibus id, quod acutum est, & id, 23. quod supra consuetudinem intenditur, idque, quod ex subita causa, etsi non pestiferum, tamen vehemens est, primam curationem habet, qua sanguis mittatur. Sed id, nisi intolerabilis est dolor, supervacuum est. Satiisque est, abstinere a cibo; 30 si fieri potest, etiam a potione: si non potest, aquam bibere. Si postero die dolor remanet, alvum ducere, sternutamenta evocare, nihil assumere, nisi aquam. Sæpe enim dies unus aut alter totum dolorem

hac

hac ratione discutit, utique, si ex vino vel cruditate origo est.

Si vero in his auxilii parum est, tondere oportet ad cutem: deinde considerandum est, quæ causa dolorem excitarit. Si calor, aqua frigida multa perfundere caput expedit; spongiam concavam imponere, subinde aqua frigida expressam; ungere rosa & aceto, vel potius his tinctam lanam succidam imponere, aliave refrigerantia cataplasmata. At si frigus nocuit, caput oportet perfundere aqua calida marina, vel certe falsa, aut in qua laurus decocta sit; tum caput vehementer perfricare; deinde calido oleo implere & veste velare. quidam etiam id devinciunt: alii cervicalibus vestimentisque onerant, & sic levantur: alios calida cataplasmata adjuvant. Ergo etiam, ubi causa incognita est, videre oportet, refrigerantia magis, an calefacientia leniant, & his uti, quæ experimentum approbarit.

At si parum causa discernitur, perfundere caput, primum aqua calida, sicut supra præceptum est, vel falsa, vel ex lauro decocta, tum frigida posca. Illa in omni vetusto capitis dolore communia sunt: sternutamenta excitare, inferiores partes vehementer perfricare, gargarizare † his, quæ salivam movent, cucurbitulas temporibus & occipitio admoveere, sanguinem ex naribus detrahere, resina subinde tempora pervellere, & imposito sinapi exulcerare ea, quæ male habent, ante linteolo subjecto,

ne

† Soran. Ephes. Isag. c. 6.

ne vehementer erodat, candentibus ferra-
mentis, ubi dolor est, ulcera excitare, ci-
bum semper modicum cum aqua sumere:
ubi levatus est dolor, in balneum ire, ibi
5 multa aqua prius calida, deinde frigida 35, 5.
caput perfundi. Si discussus ex toto dolor
est, etiam ad vinum reverti; sed postea
semper, antequam quicquam aliud, aquam
bibere.

10 Dissimile est id genus, quod humorem in
caput contrahit. In hoc tonderi ad cutem
necessarium est: deinde imponere sinapi, sic
ut exulceret. si id parum profuit, scalpel-
lo utendum est. Illa cum hydropicis com- 160.
15 munia sunt, ut exerceatur, insudet, vehe-
menter perfricetur, cibis potionibusque uta-
tur urinam præcipue moventibus.

2.

20 *De morbo, qui circa faciem nascitur.*

CIRCA faciem vero morbus innasci-
tur, quem Græci α κυνικὸν σπασμὸν
nominant. Is cum acuta febre oritur. Os
cum rictu quodam pervertitur, ideoque ni-
25 hil aliud est, quam distortio oris. Accedit
crebra coloris in facie totoque corpore mu-
tatio: somnus in promptu est.

In hoc sanguinem mittere optimum est.
Si finitum eo malum non est, ducere al-
30 vum. Si ne sic quidem discussum est, al-
bo veratro vomitum movere. Præter hæc
necessarium est vitare solem, lassitudinem,
vinum. Sed si discussum his non est, uten-
dum est cursu, & fricatione in eo, quod læ-
sum

a Aretæus de Morb. Diuturn. I. 7. Cælius Au-
relian. Tard. Pass. II. 2.

fum est, leni & multa; in reliquis parti-
 bus brevior, sed vehementi. Prodest etiam
 movere sternutamenta, caput radere, idque
 perfundere aqua calida, vel marina, vel
 certe salsa, sic ut ei quoque sulphur adji- 5
 ciatur: post perfusionem iterum perfricari,
 sinapi manducare; eodemque tempore affe-
 ctis oris partibus ceratum, integris item si-
 napi, donec erodat, imponere. Cibus aptis-
 simus ex media materia est. 10

3.

De Resolutione linguae.

AT si lingua resoluta est, quod inter- 15
 dum per se, interdum ex morbo ali-
 quo fit, sic ut sermo hominis non expli-
 cetur; oportet gargarizare ex aqua, in qua
 vel thymum, vel hyssopum, vel nepeta
 decocta sit; aquam bibere; caput, & os,
 & ea, quæ sub mento sunt, & cervicem ve- 20
 hementer perfricare; laesere linguam ipsam
 linere; manducare, quæ sunt acerrima, id
 est sinapi, allium, cepam; magna vi lucta-
 ri, ut verba exprimantur; exerceri retento
 spiritu, caput sæpe aqua frigida perfunde- 25
 re, nonnunquam multam esse radiculam,
 deinde vomere.

4.

a De Distillatione ac gravedine.

DISTILLAT autem humor de ca- 30
 pite interdum in nares, quod lene
 est; interdum in fauces, quod pejus est;
 interdum etiam in pulmonem, quod pessi-
 mum

a Cæl. Aurelian. Morb. Chronic. II. 7.

5 mum est. Si in nares distillaverit, tenuis per has pituita profluit, caput leniter dolet, gravitas in eo sentitur, frequentia sternutamenta sunt. Si in fauces, has exasperat, tussiculam movet. Si in pulmonem, præter sternutamenta & tussim, est etiam capitis gravitas, lassitudo, sitis, æstus, bilio-
sa urina.

10 Aliud autem (quamvis non multum distans) malum, gravedo est. Hæc nares claudit, vocem obtundit, tussim siccam movet. Sub eadem vero falsa est saliva, sonant aures, venæ moventur in capite, turbida urina est. Hæc omnia *κορύζας* Hippocrates
15 nominat. Nunc video apud Græcos in gravedine hoc nomen fervari: distillationes, *κατασαγμὸς* appellari. Hæc communia & brevia; sed si neglecta sunt, longa esse consuerunt. Nihil pestiferum est, nisi quod
20 pulmonem exulcerat.

Ubi aliquid ejusmodi sentimus, protinus abstinere a sole, a balneo, a venere debemus. Inter quæ unctione, & assueto cibo nihilominus uti licet. Ambulatione tantum non acri, sed recta utendum est, & post eam caput atque os supra
25 quinquagies perfricandum. Raroque fit, ut si biduo, vel certe triduo nobis temperavimus, id vitium non levetur. Quo levato, si in distillatione crassa facta pituita est,
30 vel in gravedine, nares magis pallent, balneo utendum est, multaque aqua prius calida, post egelida, fovendum os, caputque; deinde cum cibo pleniore vinum bibendum.

dum. At, si æque tenuis die quarto pituita est, vel nares æque clausæ videntur, assumendum est vinum aminæum, austerum; deinde rursus biduo aqua, post quæ ad balneum, & ad consuetudinem revertendum est. 5

Neque tamen ipsis diebus, quibus aliqua omittenda sunt, expedit tamquam ægros agere: sed cætera omnia quasi fanis facienda sunt, præterquam si diutius aliquem, & 10 vehementius ista sollicitare consuerunt. huic enim quædam curiosior observatio necessaria est. Igitur huic, si in nares vel in fauces distillavit, præter ea, quæ supra retuli, protinus primis diebus multum ambulandum est, perfricandæ vehementer inferiores 15 partes, levior fricatio adhibenda thoracikerit, levior capiti, demenda assueto cibo pars dimidia, sumenda ova, amyllum, similiaque, quæ pituitam faciunt crassiores, 20 siti, quanta maxima sustineri potest, pugnandum est. Ubi per hæc idoneus aliquis balneo factus, eoque usus est, adjiciendus est cibo pisciculus, aut caro; sic tamen, ne protinus iustus modus cibi sumatur: vino 25 meraco copiosius utendum est.

At, si in pulmonem quoque destillat, multo magis & ambulatione & frictione opus est, eademque adhibita ratione in cibis. Si non satis illi proficiunt, acrioribus 30 utendum est, magis somno indulgendum est, abstinendumque a negotiis omnibus, aliquando, sed serius, balneum tentandum.

In

In gravedine autem, primo die quiescere, neque esse, neque bibere, caput velare, fauces lana circumdare: postero die surgere, diu abstinere a potione, aut, si res coegerit, non ultra heminam aquæ assumere: tertio die panis non ita multum ex parte interiore cum pisciculo, vel levi carne sumere, aquam bibere: si quis sibi temperare non potuerit, quo minus pleniore victu utatur, vomere: ubi in balneum ventum est, multa aqua calida caput & os fovere usque ad sudorem, tum ad vinum redire. Post quæ vix fieri potest, ut idem incommodum maneat: sed, si manserit, utendum erit cibis frigidis, aridis, levibus, humore quam minimo, servatis frictionibus exercitationibusque, quæ in omni tali genere valetudinis necessariae sunt.

C. A. P. III.

De Cervicis morbis. a

A C A P I T E transitus ad cervicem est; quæ gravibus admodum morbis obnoxia est. Neque tamen alius importunior acutiorque morbus est, quam is, qui quodam rigore nervorum, modo caput scapulis, modo mentum pectori adnectit, modo rectam & immobilem cervicem intendit. Primum Græci *c* ὀπισθοτόνον, sequentem *ε* ἐμπροσθοτόνον, ultimum *δ* τέτανον appellant: quamvis minus subtiliter quidam indiscretis his nominibus utuntur. Ea sæpe intra quartum *e* diem tollunt: si hunc evaserunt, sine periculo sunt.

N

Eadem

a Galen. *Introd. in Med. c. 13.* *b* Aretæus de *Morb. Acut. l. 6.* *c* Cæli. *Aurel. Morb. Acut. III. 6.* *d* Suid. *in ead. voce.* *e* *Aph. V. 6.*

Eadem omnia ratione curantur; idque
 78, 34. convenit. Asclepiades utique *f* mittendum
 sanguinem credidit. Id quidam utique vi-
 tandum esse dixerunt, eo quod maxime tum
 corpus calore egeret; isque esset in san- 5
 guine venarum. Hoc quidem falsum est.
 neque enim natura sanguinis est, ut utique
 caleat; sed ex his, quæ in homine sunt, is
 celerrime vel calefcit, vel refrigescit. Mit-
 ti vero nec ne debeat, ex his intelligi po- 10
 78. 79. test, quæ de sanguinis missione præcepta
 sunt. Utique autem recte datur † castore-
 um, & cum hoc piper, vel laser. Deinde
 opus est fomento humido & calido. Itaque
 plerique aqua calida multa cervices subinde 15
 perfundunt. id in præsentia allevat; sed op-
 portuniores nervos frigori reddit. quod uti-
 que vitandum est.

Utilius igitur est, cerato liquido primum
 cervicem perungere; deinde admove- 20
 re bubulas vel utriculos g oleo calido re-
 pletos, vel ex farina calidum cataplasma,
 vel piper cum ficu contusum. Utilissimum
 tamen est, humido sale ‡ fovere. quod quo-
 95, 16. modo fieri debeat, jam ostendi. Ubi eo- 25
 rum aliquid factum est, admove-
 re ad ignem,
 vel si æstas est, in sole ægrum oportet; ma-
 ximeque oleo vetere; si id non est, *b* Syria-
 co; si ne id quidem est, adipe * quam ve-
 rustissima cervicem, & scapulas, & spinam 30
 perfricare.

Fricatio cum omnibus vertebrae homi-
 num utilis sit, tum iis præcipue, quæ in
 col-

f Cæl. Aurel. Acut. Morb. III. 8. † Marcell.
 de Medic. c. XVIII. p. 320. *g* Cæl. Aurel. Acut.
 Morb. III. 8. ‡ Marcell. de Med. c. XVIII. pag.
 320. *h* Plin. N.H. XV. 7. * Marcell. de Med.
 c. XVIII. p. 320.

collo sunt. Ergo die nocteque, interpositis
tamen quibusdani temporibus, hoc remedio
utendum est: dum intermittitur, imponen-
dum † malagma aliquod ex calefacientibus.
5 Cavendum vero & præcipue frigus. ideo-
que in eo conclavi, quo curatur æger, ignis
continuus esse debet, maximeque tempo-
re antelucano, quo præcipue frigus intendi-
tur. Neque inutile erit, caput attonsum
10 habere, idque irino vel cyprino calido ma-
defacere, & superimposito pileo velare: non-
nunquam etiam in calidum oleum totum
descendere, vel in aquam calidam, in qua
scænum græcum decoctum sit, & adjecta olei
15 pars tertia. Alvus i quoque ducta sæpe su-
periores partes resolvit.
Si vero etiam vehementius dolor crevit,
admovendæ cervicibus cucurbitulæ sunt, sic
ut cutis incidatur. Eadem aut ferramen-
20 tis aut sinapi adurenda. Ubi levatus est do-
lor, moverique cervix cœpit, scire licet,
cedere remediis morbum. Sed diu vitan-
dus cibus, k quisquis mandendus est. Sor-
bitionibus utendum, itemque ovis forbili-
25 bus, aut e pullis mollibusve jus aliquod
assumendum. Id si bene processerit, jam-
que ex toto recte se habere cervices vide-
buntur, incipiendum erit a pulticula, vel
intrita bene madida. Celerius tamen etiam
30 panis mandendus, quam vinum gustan-
dum: siquidem hujus usus præcipue peri-
culosus; ideoque in longius tempus diffe-
rendus est.

N. 2. CAP.

† *Marcellus de Med. c. XVIII. p. 320.*
i *Aph. VII. 5.* k *Cælius Aurel. Morb. Acut.*
III. 8.

CAP. IV.

a De Faucium morbis : & primum de Angina .

UT hoc autem morbi genus circa totam
cervicem ; sic alterum , æque pestife-
rum acutumque , in faucibus esse consue-
vit . Nostri anginam vocant : apud Græcos
nomen , prout species est . Interdum enim
neque rubor , neque tumor ullus appa-
ret ; sed corpus aridum est , vix spiritus tra-
hitur , membra solvuntur . id *b συνάγχην* 10
vocant . Interdum lingua faucesque cum ru-
bore intumescunt , vox nihil significat ,
oculi vertuntur , facies pallet , singultusque
est . *ὡς συνάγχην* vocatur . Illis communia
sunt ; æger non cibum devorare , non po- 15
tionem potest ; spiritus ejus intercluditur .
Levius est , ubi † tumor tantummodo & ru-
bor est , cætera non sequuntur . id *πυρρὴν*
συνάγχην appellant .

79, 1, 22. Quicquid est , si vires patiuntur , † san- 20
guis mittendus est , etsi non abundat : secun-
dum est , ducere alvum . Cucurbitula quoque
recte sub mento , & circa fauces admove-
tur ; ut id , quod strangulat , evocet . Opus
est deinde fomentis humidis . nam sicca 25
spiritum elidunt . Ergo admoveere spon-
gias oportet : quæ melius in calidum oleum ,
quam in calidam aquam subinde dimit-
tuntur . Efficacissimumque est hic quoque ,
95, 25. falem calidis cum saccellis superponere . 30
Tum commodum est , hyssopum , vel ne-
petam , vel thymum , vel apsinthium , vel
etiam furfures , aut ficus aridas , cum mul-
sa

a Aretæus de Morb. Acut. I. 7. b Cæl. Aurel. Morb. Acut. III. c. 1. 2. 3. 4. Æginet. III. 27. D. Hieronym. in Job cap. VII. † Aphor. VI. 37. † Marcell. de Med. c. XV. p. 303.

sa decoquere, eaque gargarizare: post hæc palatum ungere vel felle taurino, vel eo medicamento, quod ex moris est. Polline etiam piperis recte respergitur.

5 Si per hæc parum proficitur, ultimum est, incidere satis altis plagis sub ipsis maxillis supra collum, & in palato circa uvam, vel eas venas, quæ sub † lingua sunt; ut per ea vulnera morbus erumpat. Quibus si non
10 fuerit æger adjutus, scire licet, a malo vitium esse. Si vero his morbus levatus est, jamque fauces cibum & potum capiunt, facilis ad bonam valetudinem recursus est. Atque interdum natura & quoque adjuvat,
15 si ex angustiore sede vitium transit in latiorrem. Itaque rubore & tumore in præcordiis orto, scire licet fauces liberari.

Quicquid autem eas levarit, incipiendum est ab humidis, maximeque aqua mulsa:
20 deinde assumendi molles & non acres cibi sunt, donec fauces ad pristinum habitum revertantur. Vulgo audio ‡, si quis d pul- lum hirundinum ederit, angina toto anno non periclitari. Servatumque eum ex e. fa-
25 le, cum is morbus urget, comburi, carbonemque ejus contritum in aquam mulsam, quæ potui detur, infriari, & prodesse. Id cum idoneos authores ex populo habeat, neque habere quicquam periculi possit, quam-
30 vis in monumentis medicorum non legerim, tamen inferendum huic operi meo credidi.

N 3

De

† *Marcell. de Med. c. XV. p. 305. c Aph. vi. 37.*‡ *Plin. Histor. N. X. c. 33. d Plin. H. N. XXX.*4. e *Idem ibidem.*

2. De Difficultate spirandi.

EST etiam circa fauces malum, quod apud Græcos aliud aliudque nomen habet, prout se intendit. Omne in difficultate spirandi consistit: sed hæc dum modica est, neque ex toto strangulat, *f* δύσπνοια appellatur: cum vehementior est, ut spirare æger sine sono & anhelatione non possit, † ἀόμνα: cum accessit id quoque, ne nisi recta cervice ‡ spiritus trahatur, ὀρθόπνοια. Ex quibus id, quod primum est, potest diu aliquem trahere: duo insequentia acuta esse confuerunt. His communia sunt; quod propter angustias, per quas spiritus *V. supra* evadit, g sibilum elidit; dolor in pectore xxxi, præcordiisque est, interdum etiam in scapulis, 22. isque modo decedit, modo revertitur, adhæc tussicula accedit.

Auxilium vero est, nisi aliquid prohibet, in sanguinis detractione. Neque id satis est, sed lac caprinum calidum jejuno dandum; & si non febrit, venter solvendus est. Liquanda alvus, interdum etiam ducenda, quibus extenuatum corpus incipit spiritum trahere commodius. Caput autem etiam in lecto sublimè habendum est: thorax fomentis, cataplasmatisque calidis, aut siccis, aut etiam humidis adjuvandus est; & postea malagma superimponendum, vel ceratum ex cyprino, vel irino unguento. Sumenda deinde jejuno in potum mulsa, vel aqua, cum qua vel hyssopus cocta, vel

f Cæl. Aurel. Tard. Passion. III. 1. Æginet. III. 29. † Hieronym. in Job cap. ix. ‡ Sublimis spiritus dicitur Horatio. Vide Not. Dan. Heins. ad Horat. I. 15. vers. 31. g Trallian. I. 2.

contrita capparidis radix sit. Deligitur etiam
utiliter, aut nitrum, aut *h* nasturtium, al-
liumve frictum, deinde contritum & cum
melle mixtum: simulque coquuntur mel, gal-
banum, resina terebinthina: ubi autem co- 275,
ierunt, ex his, quod fabæ magnitudinem ha- 33.
bet, quotidie sub lingua liquatur: aut sul-
phuris ignem non experti P*. & quadrans,
abrotani P*. in vini cyatho teruntur, idque
10 tepesfactum sorbetur. Est etiam non vana opi-
nio, vulpinum jecur *i*, ubi siccum & ari-
dum factum est, contundi oportere, polli-
nemque ex eo potioni aspergi; vel ejusdem
pulmonem quam recentissimum assum, sed si-
15 ne ferro coctum, edendum esse. Præter hæc,
sorbitionibus & lenibus cibis utendum est:
interdum vino tenui austero: nonnunquam
vomitu. Profunt etiam, quæcumque uri-
nam movent: sed nihil magis, quamambu-
20 latio lenta pene usque ad lassitudinem; fri-
catio multa, præcipue inferiorum partium,
vel in sole, vel ad ignem, & per seipsum,
& per alios, usque ad sudorem.

25 3. De Faucium exulceratione.

In interiore vero faucium parte inter-
dum exulceratio esse consuevit. In hac
plerique extrinsecus cataplasmatibus calidis,
fomentisque humidis utuntur. Volunt etiam
30 vaporem calidum ore recipi. per quem mol-
liores alii partes eas fieri dicunt, oppor-
tunioresque vitio jam hærenti. Sed, si be-
ne sic vitari morbus potest, tuta illa præ-
sidia: si metus ejus est, supervacua sunt.

N. 4. Uti-

h Cæl. Aurelian. Tard. Pass. III. 1. i Scribon.
Larg. c. 19. Comp. 76. Plin. H. N. XXVIII. 13.

Utique autem perfricare fauces periculosum est. exulcerat enim. Neque utilia sunt, quæ urinæ movendæ sunt apta: quia possunt, dum transeunt, ibi quoque pituitam extenuare; quam suppressi melius est.

Asclepiades multarum rerum, quas ipsi quoque secuti sumus, author bonus, acutum ait quam acerrimum esse sorbendum. hoc enim sine ulla noxa comprimere ulcera. Sed id suppressere sanguinem potest; ulcera ipsa sanare non potest. Melius huic rei licium est; quod idem quoque æque probat: vel porri, vel marrubii succus, vel nuces græcæ k cum tragacantho contritæ & cum passo mixtæ, vel lini semen contritum & cum dulci vino mixtum. Exercitatio quoque ambulandi currendique necessaria est. Fricatio a pectore vehemens toti inferiori parti adhibenda.

Cibi vero esse debent, neque nimium acres, neque asperi; mel, lenticula, tragum, lac, ptisana, pinguis caro, præcipueque porrum, & quicquid cum hoc mixtum est. Potionis quam minimum esse convenit. Aqua dari potest, vel pura, vel in qua malum cotoneum, palmulæve decoctæ sunt. Gargarizationes quoque lenes: si hæ parum proficiunt, reprimentes utiles sunt.

Hoc genus neque acutum est, & potest esse non longum: curationem tamen maturam, ne vehementer & diu lædat, desiderat.

4. De Tussi.

Tussis vero fere propter faucium exulcerationem

k Amygdalæ. Vide Rhodii Lexicon Scribonianum. Macrobius Saturn. II. 14.

cerationem molesta est: quæ multis / modis contrahitur. Itaque, illis restitutis, ipsa finitur. Solet tamen interdum per se quoque male habere: & vix, cum vetus facta est, 5 eliditur. ac modo arida est, modo pituitam facit vel citat.

Oportet autem hyssopum altero quoque die bibere: spiritu retento currere, sed minime in pulvere: ac lectione uti vehementi; 10 quæ primo impeditur a tussi, post eam vincit: tum ambulare: deinde per manus quoque exerceri, & pectus diu perfricare. Post hæc quam pinguißimæ ficus uncias tres, super prunam incoctas, esse.

15 Præter hæc, si humida est, profunt fricationes validæ, cum quibusdam calefacientibus, sic, ut caput quoque simul vehementer perfricetur: item cucurbitulæ pectori admotæ; sinapi ex parte exteriori faucibus 20 impositum, donec leviter exulceret; potio ex menta, nucibusque græcis & amylo; primoque assumptus panis aridus, deinde aliquis cibus lenis.

At, si sicca tussis est, cum ea vehementissime urget, adjuvat vini austeri cyathus assumptus; dum ne amplius id, interposito tempore aliquo, quam ter aut quater fiat: item laseris quam optimi paululum devorare opus est; porri vel marrubii succum assumere; 30 scillam delingere; acetum ex ea, vel certe acre forbere, aut cum spica allii contriti duos vini cyathos.

Utilis etiam in omni tussi est peregrinatio, navigatio longa, loca maritima, nationes.

1 Trallian. V. 1.

tiones. Cibus interdum mollis, ut malva, ut urtica: interdum acer, ut lac cum allio coctum. Sorbitiones, quibus laser sit adjectum, aut in quibus porrum incoctum tabuerit. Ovum quoque sorbile, sulphure adjecto, sorbeatur. In potum vero primum aqua calida, deinde invicem aliis diebus hæc, aliis vero vinum.

m 5. De Sanguinis sputo.

Magis terreri potest aliquis, cum sanguinem expuit. sed id modo minus, modo plus periculi habet. Exit enim modo ex gingivis, modo ex ore. & quidem ex hoc interdum etiam copiose, sed sine tussi, sine ulcere, sine gingivarum ullo vitio; ita ut nihil excreetur. Verum ut ex naribus, sic ex ore aliquando prorumpit. Atque interdum sanguis profluit, interdum simile aquæ quiddam, in qua caro recens lota est. Nonnunquam autem is a summis faucibus fertur, modo exulcerata ea parte, modo non exulcerata; sed aut ore venæ alicujus adaperito, aut tuberculis quibusdam natis, ex hisque sanguine erumpente. Quod ubi incidit, neque lædit potio aut cibus, neque quicquam, ut ex ulcere, excreatur. Aliquando vero, gutture & arteriis exulceratis, frequens tussis sanguinem quoque extundit. Interdum etiam fieri solet, ut aut ex pulmone, aut ex pectore, aut ex latere, aut jecinore feratur. Sæpe fœminæ, quibus sanguis per menstrua non respondet, hunc expuunt. Authoresque medici ferunt, vel exesa parte aliqua sanguinem exire,

m Aretæus de Morb. Acutis II. 2. Cæl. Aurelianus. Morb. Chronic. Lib. II. c. 9.

exire, *n* vel rupta, vel ore alicujus venæ patefacto. Primam διάβρωσιν, secundam πηγμοχασμόν, tertiam ἀνατόμωσιν appellant. Ultima minime nocet; prima gravissime.

5 Ac sæpe quidem evenit, uti sanguinem opus sequatur.

Interdum autem, qui sanguinem ipsum suppressit, satis ad valetudinem profuit. Sed si secuta ulcera sunt, si pus, si tussis est, prout sedes ipsa est, ita varia & periculosa genera morborum fiunt. Si vero sanguis tantum fluit, expeditius & remedium & finis est. Neque ignorari oportet, eis, quibus fluere *p* sanguis solet, aut quibus spina dolet, coxæve, aut post cursum vehementem vel ambulationem, dum febris absit, non esse inutile sanguinis mediocre profluvium: idque per urinam redditum ipsam quoque lassitudinem solvere. Ac ne in eo
20 quidem terribile esse, qui ex superiore loco decidit: si tamen in ejus urina nihil aliud *†* novabit. Neque vomitum hujus asferre periculum, etiam cum repetit, si ante confirmare & implere corpus licuit: &
25 ex toto nullum nocere, qui in corpore robusto, neque nimius est, neque tussim aut calorem movet. Hæc pertinent ad universum. nunc ad ea loca, quæ proposui, veniam.

30 Si ex gingivis exit, portulacam manducasse satis est. Si ex ore, continuasse eo merum vinum: si id parum proficit, acetum. Si inter hæc quoque graviter erumpit, quia consumere hominem potest, commodi-

n Cæl. Aurelian. Tard. Pass. II. 9. 10. Aretæus Morb. Acutor. Cur. II. 2. Trallian. VII. 1. o Aph. VII. 78. *p* Aph. VII. 37. *†* Notabit.

diffimum est, impetum ejus, admota † occipitio cucurbitula, sic ut cutis quoque incidatur, avertere. Si id mulieri, cui menstrua non feruntur, evenit, eandem cucurbitulam, incisus inguinibus ejus, admo- 5 vere.

At, si ex faucibus, interioribusve partibus processit, & metus major est, & cura 79, 32. major adhibenda. Sanguis mittendus est; &, si nihilominus ex ore processit, iterum 10 tertioque, & quotidie paulum aliquid: protinus autem debet sorbere vel acetum, vel etiam cum thure plantaginis aut porri succo, cum; imponendaque extrinsecus supra id, 290, quod dolet, lana succida ex aceto est, & id 21. 15 spongia subinde refrigerandum. Erasistratus 293, horum crura quoque & femora brachiaque 21. pluribus locis deligabat. Id Asclepiades adeo non prodesse, ut etiam inimicum esset, proposuit. Sed id sæpe commode respondere ex- 20 perimenta testantur.

Neque tamen pluribus locis deligari necesse est: sed sat est infra inguina, & super talos, summosque humeros, etiam brachia. Tum, si febris urget, danda est sorbitio; & 25 potui aqua, in qua aliquid ex his, quæ alvum adstringunt, decoctum sit. At, si abest febris, vel elota alica, vel panis ex aqua frigida, & molle quoque ovum dari potest potui, vel idem, quod supra scriptum est, 30 vel vinum dulce, vel aqua frigida. sed sic bibendum erit, ut sciamus, huic morbo sitim prodesse.

Præter hæc necessaria sunt quies, securitas,

† *Marcell. de Med. c. X. pag. 288.*

ritas, silentium. Caput hujus quoque cubantis sublimis esse debet; recteque tondetur. Facies sæpe aqua frigida fovenda est. At inimica sunt vinum, balneum, venus, 172, 2.
 5 in cibo oleum, acriora q̄ omnia, item calida fomenta, conclave calidum & inclusum, multa vestimenta corpori injecta, etiam fricationes, nisi ubi bene sanguis conquievit. Tum vero incipiendum est a brachiis, cruribusque; a thorace abstinendum. In hoc casu per hiemem, locis maritimis; per æstatem, mediterraneis opus est.

CAP. V.

De Stomachi morbis.

15 **F**AUCIBUS subest stomachus; in quo plura a longa vitia incidere consueverunt. Nam modo ingens calor, modo inflatio hunc, modo inflammatio, modo exulceratio afficit. Interdum pituita, interdum bilis adurit. Frequentissimumque est ejus malum, quo resolvitur: neque ulla re magis aut afficitur, aut corpus afficit.

25 Ut diversa autem vitia ejus, sic etiam remedia sunt. Ubi exæstuat, aceto cum rosa extrinsecus subinde fovendus est; imponendusque pulvis cum oleo; & ea cataplasmata, quæ simul & reprimunt, & molliunt. Potui, nisi quid obstat, gelida aqua
 30 præstanda.

Si inflatio est, profunt admotæ † cucurbitulæ; neque incidere cutem necesse est: profunt sicca & calida fomenta, sed non vehementissima. Interponenda abstinencia est.

q̄ Cæl. Aurel. Acut. Morb. II. 24. a Cæl. Aurelian. Tard. Pass. III. 2. Trallian. VII. 3. † Sub scapulis, uti duobus exemplis confirmat Aloisius Mundella Epist. 7. pag. 125. & seqq.

est. Utilis in jejuno potio est apsinthii, aut hyssopi, aut rutæ. Exercitatio † primo levis, deinde major adhibenda est; maximeque, quæ superiores partes moveat. quod genus in omnibus stomachi vitiis aptissimum est. Post exercitationem opus est unctione, fricatione; balneo quoque nonnunquam, sed rarius; interdum alvi ductione. Cibis deinde calidis, neque infantibus: eodemque modo calidis potionibus, primo aquæ; post, 10 ubi resedit inflatio, vini austeri. Illud quoque in omnibus stomachi vitiis præcipiendum est, ut, quo modo se quisque æger refecerit, eodem sanus utatur. nam redit huic imbecillitas sua, nisi iisdem defenditur bona valetudo, quibus reddita est. 15

At si inflammatio aliqua est, quam fere tumor & dolor sequitur, prima sunt quies, & abstinencia; lana sulphurata circumdata; in jejuno apsinthium. Si ardor stomachum 20 urget, aceto cum rosa subinde fovendus est: deinde cibis quidem utendum est modicis; imponenda vero extrinsecus quæ simul & reprimunt & molliunt: deinde, his detractis, utendum calidis ex farina cataplasmatibus, quæ reliquias digerant: interdum alvus ducenda: adhibenda exercitatio, & cibus plenior. 25

199. At, si exulceratio stomachum infestat, eadem fere facienda sunt, quæ in faucibus 30 exulceratis præcepta sunt. Exercitatio, fricatio inferiorum partium adhibenda. Adhibendi lenes & glutinosi cibi, sed citra satietatem. Omnia acria atque acida removenda.

† *Equitatio. Plin. XXVIII. 4. in fine.*

venda. Vino, si febris non est, dulci, aut, si id inflat, certe leni utendum: sed neque perfrigido, neque nimis calido.

Si vero pituita stomachus impletur, necessarius modo in jejuno, modo post cibum vomitus est. Utilis exercitatio, gestatio, navigatio, fricatio. Nihil edendum, bibendumque, nisi calidum; vitatis tantum his, quæ pituitam contrahere consuerunt.

10 Molestius est, si stomachus bile vitiosus est. Solent autem hi, qui sic tentantur, interpositis quibusdam diebus, hanc, & quidem, quod pessimum est, atram vomere. His recte alvus ducitur: potiones ex apsin-
15 thio dantur: necessaria gestatio, navigatio, & si fieri potest, ex nausea vomitus: vitanda cruditas: sumendi cibi faciles & stomacho non alieni, vinum austerum.

Vulgatissimum vero pessimumque stomachi vitium est resolutio, id est, cum cibi non *b* tenax est, soletque desinere ali corpus, ac sic tabe consumi. Huic generi inutilissimum balneum est. Lectiones, exercitationesque superioris partis necessariae,
25 item unctiones, fricationesque: hinc perfundi frigida, atque in eadem natare, canalibus ejusdem subjicere etiam stomachum ipsum, & magis etiam a scapulis id quod contra stomachum est: consistere in
30 frigidis, medicatisque fontibus, quales *c* Cutiliarum Sumbriinarumque sunt, salutare est. Cibi quoque assumendi sunt frigidi, qui potius difficulter coquuntur, quam facile vitiantur. Ergo plerique, qui nihil
aliud

b Aretæus de Morb. Diuturn. II. 7. *c* Plin. II. 95. & XXXI. 2. Vitruvius VIII. 3. Cælius Aurel. Tard. Pass. V. 2. pag. 518.

aliud concoquere possunt, bubulam coquunt. Ex quo colligi potest, neque avem, neque venationem, neque piscem dari debere, nisi generis durioris. Potui quidem aptissimum est vinum frigidum, vel certe bene calidum meracum, potissimum *d* Rheticum, vel Allobrogicum, aliudve, quod & austerum & resina conditum est: si id non est, quam asperrimum, maximeque *e* Signinum. 10

Si cibus non continetur, danda aqua, & eliciendus plenior vomitus est; iterumque dandus cibus, & tum admovendæ duobus infra stomachum digitis cucurbitulæ, ibique duabus aut tribus horis continendæ 15 sunt. Si simul & vomitus, & dolor est, imponenda supra stomachum est lana succida, vel spongia *f* ex aceto, vel cataplasma, quod refrigeret. Perfricanda vero non diu, sed vehementer brachia, & crura, & cale- 20 facienda.

Si plus doloris est, infra præcordia quatuor digitis cucurbitula utendum est: protinus dandus panis ex posca frigida. Si non continuit, post vomitum leve aliquid ex 25 his, quæ non aliena stomacho sint. Si ne id quidem tenuit, singuli cyathi vini, singulis interpositis horis, donec stomachus consistat. Valens etiam medicamentum est, radiculæ succus: valentius, acidi punici mali, cum pari modo succi, qui ex dulci punico malo est, adjecto etiam intubi succo, & mentæ, sed hujus minima parte; quibus tantundem, quantum ex his omni- 30 bus

d Serv. ad Virg. II. Georg. 96. Sueton. in August. c. 77. Plin. XIV. 6. *e* Plin. ibidem. *f* Trallian. VII. 7.

bus est, aquæ frigidæ quam optime misce-
tur. Id enim plus quam vinum ad com-
primendum stomachum potest. Supprimen-
dus autem vomitus est, qui per se venit,
5 et si nausea est.

Sed si coacuit intus cibus, aut compu-
truit, quorum utrumlibet ructus ostendit,
ejiciendus est; protinusque, cibis assumptis
iisdem, quos proxime posui, stomachus re-
10 stituendus. Ubi sublatus est præsens metus,
ad ea redeundum est, quæ supra præcepta
sunt.

CAP. VI.

De Laterum doloribus.

15 **S**TOMACHUS lateribus cingitur; at-
que in his quoque vehementes dolores
esse consuerunt. Eorum initium vel ex fri-
gore, vel ex ictu, vel ex nimio a cursu,
20 vel ex morbo est. Sed interdum id malum
intra dolorem est: isque modo tarde, mo-
do celeriter solvitur. interdum ad perni-
ciem quoque procedit; oriturque acutus
morbus, qui *πλαεπικός* a Græcis nomina-
25 tur. Huic dolori lateris, febris *b* & tussis
accedit: & per hanc excreatur, si tolerabilis
morbus est, pituita; si gravis, sanguis. In-
terdum etiam sicca tussis est, quæ nihil emo-
litur. idque vitio primo gravius, secundo
30 tolerabilius est.

Remedium vero est magni & recentis do-
loris, sanguis *c* missus. At, si levior, si-
ve vetustior casus est, vel supervacuum, vel
ferum id auxilium est; confugiendumque

O

ad

a Aretæus de Morb. Acut. I. 10. Trall. VI. 1.

*b Cæli. Aur. Acut. Morb. II. 13. c Idem ibidem
cap. 18.*

- ad cucurbitulas est, ante summa cute incisa.
 Recte etiam sinapi ex aceto super pectus
 imponitur, donec ulcera pustulasque exci-
 tet; & tum medicamentum, quod humo-
 rem illuc citet. Præter hæc, circumdare pri- 5
 mum oportet latus hapso lanæ sulphuratæ:
 deinde, cum paululum inflammatio se remi-
 sit, siccis & calidis fomentis uti. Ab his
 transitus ad malagmata est. 250.
 Si vetustior dolor remanet, novissime re- 10
 sina imposita discutitur. Utendum cibis po-
 tionibusque calidis: vitandum frigus. Inter
 hæc tamen non alienum est extremas partes
 oleo & sulphure perfricare. Si levata tussis
 est, leni lectione uti: jamque & acres ci- 15
 bos, & vinum meracius assumere. Quæ ita
 a medicis præcipiuntur. Attamen sine his
 rusticos nostros epota ex aqua trixago satis
 adjuvare dicitur. 324, 18.
 Hæc in omni lateris dolore communia 20
 sunt: plus negotii est, si acutus quoque mor-
 bus is factus est. In hoc, præter ea, quæ
 supra posita sunt, hæc animadvertenda sunt:
 ut cibus sit quam maxime tenuis & lenis,
 præcipueque sorbitio, eaque ex ptisana po- 25
 tissimum, aut jus in quo porrus cum pul-
 lo gallinaceo coctus sit: idque non nisi ter-
 tio die detur: si tamen per vires licebit:
 potui vero aqua mulsa, in qua hyssopum,
 aut ruta decocta sit. Quæ quibus tempori- 30
 bus danda sint, ex ratione vel adauctæ, vel
 levatæ febris apparebit, sic, ut in remissio-
 ne quam maxima dentur: cum eo tamen, ut
 sciamus, non esse ejus generis tussi aridas
 fau-

fauces committendas. sæpe enim, ubi nihil est, quod excreetur, continuatur, & strangulat. Ob quam causam dixi etiam pejus id genus esse tussis, quod nihil, quam quod 209, 3.

5 pituitam moveret. Sed hic vinum forbere, ut supra præcepimus, morbus ipse non patitur: in vicem ejus, cremor ptisanæ sumendus est.

10 Ut his autem in ipso morbi fervore sustinendus æger est, sic, ubi paulum is se remisit, alimenta pleniora, & vini quoque aliquid dari potest; dum nihil detur, quod aut refrigeret corpus, aut fauces asperet. Si in refectioe vero manserit tussis, in-
15 termittere oportebit uno die; posteroque, cum cibo vini paulo plus assumere. At, invalescente quoque tussi, tum non erit alienum, ut supra quoque positum est, vini cyathos forbere. sed in hoc genere valetu-
20 dinis, dulce, vel certe lene commodius est. Si malum inveteravit, athletico victu corpus firmandum est.

CAP. VII.

25 *De Viscerum morbis: & primo, de Pulmone.*

ACOMPAGINE corporis ad viscera transeundum est; & inprimis ad pulmonem veniendum. Ex quo vehemens & acutus morbus oritur, quem *πνεύμονις* Græci vocant. Ejus hæc conditio est. a Pulmo totus afficitur. hunc casum ejus subsequitur tussis, bilem vel pus trahens; præcordiorum totiusque pectoris gravitas, spiritus difficultas, magnæ febres,

O 2 con-

a Cælius Aurelianus. *Acut. Morb. II. 26. 27.*
Aræteus de Morb. Diut. I. 12.

continua vigilia, cibi fastidium, tabes.
b Id genus morbi plus periculi quam doloris habet.

Oportet, si satis validæ vires sunt, sanguinem *c* mittere: sin minores; cucurbitulas sine ferro præcordiis admove. Quod si satis valet, gestando ægrum, digerere: si parum, intra domum tantum dimovere. In potionem autem hyssopum dare, cum quo ficus arida sit incocta; aut aquam mulsam, in qua vel hyssopum, vel ruta decocta sit. Fricatione uti diutissime in scapulis, proxime ab his in brachiis, & pedibus, & cruribus, leniter contra pulmonem; idque bis quotidie facere.

Quod ad cibum vero pertinet, huic nec falsis opus est, neque acribus, neque amaris, neque alvum adstringentibus, sed paulo lenioribus. Ergo primis diebus danda est forbitio ptisanæ, vel alicæ, vel oryzæ, cum qua recens adeps cocta sit. Cum hac, forbile ovum, nuclei pinei: ex melle, panis, vel elota alica ex aqua mulsæ. Potui danda deinde non solum pura aqua, sed etiam mulsæ egelida; aut, si æstas est, etiam frigida; nisi quid obstat. Hæc autem altero quoque die, incrementum morbo dare satis est.

Ubi incrementum constitit, quantum res patitur, ab omnibus abstinendum est, præterquam aqua egelida. Si vires desunt, adjuvandæ sunt aqua mulsæ. Profuntque adversus dolores imposita calida fomenta, vel ea, quæ simul & reprimunt & emolliunt. Prodest etiam impositus super pectus sal
 bene

b Aph. VII. 11. *c* Cæl. Aurelian. Acut. Morb. II. 29.

bene contritus, cum cerato mistus; quia leviter cutem erodit, eoque impetum materiæ, qua pulmo vexatur, evocat. Utile etiam aliquod malagma est ex his, quæ 250.
 5 materiam trahunt. Neque alienum est, dum 252. premit morbus, clausis fenestris ægrum continere: ubi paulum levatus est, ter aut quater die, fenestris aliquantum apertis, † parvum aerem recipere. Deinde in refectione
 10 pluribus diebus a vino abstinere; gestatione, fricatione uti; sorbitionibus, & prioribus cibis adjicere, ex oleribus porrum; ex carne, ungulas, & summa trunculorum, atque pisciculos, sic, ut diu nihil nisi molle
 15 & lene sumatur.

CAP. VIII.

De Hepaticis.

20 **A**LTERIUS quoque visceris morbus, id est jecinoris, æque modo longus, modo acutus esse consuevit: ἡπατικόν Græci vocant. Dextra parte sub præcordiis vehemens dolor est: idemque ad latus dextrum, & ad jugulum, & humerumque partis ejusdem pervenit: nonnunquam manus quoque dextra torpet: horror validus est. Ubi male est, bilis evomitur: interdum singultus prope strangulat. Et hæc quidem acuti morbi signa sunt. Longioris vero,
 25 ubi suppuratio in jecinore est; dolorque modo finitur, modo intenditur; dextra parte præcordia dura sunt, & tument; post cibum major spiritus difficultas est: accedit maxillarum quædam resolutio. Ubi invete-

O 3 ravit

† Parvum vult Rhodius in Lexico Scribon. V. exiguum vinum. a Aretæus de Diuturn. Morb. I. 13. Cælius Aurelianus. Tard. Pass. III. 4.

ravit malum, venter & crura pedesque intumescunt; pectus atque humeri, circaque jugulum utrumque extenuatur.

In initio sanguinem mittere optimam est: tum venter solvendus est; si non potest aliter, per nigrum veratrum. Imponenda extrinsecus cataplasmata; primum quæ reprimant; deinde calida, quæ diducant; quibus recte iris vel apsinthium adjicitur: post hæc, malagma. Dandæ vero sorbitiones sunt, omnesque cibi & calidi, & qui non multum alunt, & fere qui pulmonis quoque dolori conveniunt; præterque eos, qui urinam movent, potionesque ad id efficaces. Utilia in hoc morbo sunt thymum, satureia, hyssopum, nepeta, amaracum, sesamum, lauri baccae, pini flos, herba sanguinalis, mentha, ex malo coroneo medium, columbæ jecur recens & crudum. Ex quibus quædam per se esse, quædam adjicere vel sorbitioni vel potioni licet; sic tamen, ut parce assumantur. Neque alienum est, apsinthium contritum ex melle & pipere, ejusque catapotium quotidie devorare. Abstinentum utique est ab omnibus frigidis. neque enim res ulla magis jecur lædit. Frictionibus utendum in extremis partibus. Vitandus omnis labor, omnis vehementior motus: ne spiritus quidem diutius continendus est. Ira, trepidatio, pondus, jactus, cursus, in hoc inimica sunt. Persusio corporis multa prodest ex aqua, si hiems est, calida; si æstas, tepida: itemque liberalis unctio, & in balneo sudor.

Si

Si vero jecur vomica *b* laborat, eadem
facienda sunt, quæ in cæteris interioribus
suppurationibus. Quidam etiam ultra id
scalpello *c* aperiunt, & ipsam vomicam ad-
5 urunt.

C A P. IX.

De Lienosis. *a*

AT lienis ubi affectus est, intumescit,
simulque cum eo pars sinistra; quæ &
10 dura est, & prementi renititur; venterque
intentus est: aliquis etiam cruribus tumor
est. Ulcera aut omnino non sanescunt, 62, 26.
aut certe cicatricem vix recipiunt. In in-
tenta ambulatione, vel cursu, dolor, &
15 quædam difficultas est.

Hoc vitium quies auget. itaque exerci-
tatione & labore opus est: habita tamen ra-
tione, ne febrem ista, si nimium processe-
rit, excitent. Uctiones *b*, frictionesque,
20 & sudores necessarii sunt. Dulcia omnia ini-
mica sunt: item lac & caseus. Acida
autem maxime conveniunt. Ergo acetum
acre per se sorbere, & magis etiam, quod
scilla conditum est, expedit. Edenda sunt
25 fassamenta, vel oleæ ex muria dura; la-
ctucæ intinctæ in aceto; intubi † quoque
& betæ ex eodem; & sinapi, armoraciæ, &
pastinacæ: de carnibus vero ungulæ, rostra,
aves macræ, ejusdemque generis venatio.
30 Potui vero jejuno dari debet apsinthium a-
quæ incoctum: at post cibum aqua *c* a fer-
rario fabro, in qua candens ferrum subin-
de extinctum sit. hæc enim vel præcipue

O 4

lie-

b Aret. de Morb. Diut. Curat. I. 13. *c* Aphor.
vii. 45. *a* Cæl. Aurel. Tard. Pass. III. 4. Aret. de
Morb. Diut. I. 14. Marcell. de Medic. cap. XXIII.
p. 345. *b* Nicol. Myreps. de Ung. Sect. III. c. 64.
65. 66. 86. 87. † Nonn. de Re Cib. I. 12. *c* Scri-
bon. Larg. c. 32. c. 132.

lienem coercet. quod animadversum est in his animalibus, quæ apud hos fabros educata exiguos lienes habent. Potest etiam dari vinum tenue, austerum; omniaque in cibis & potionibus, quæ urinæ movendæ sunt: præcipueque ad id valet vel trifolii semen, vel cuminum, vel apium, vel serpyllum, vel cytisus, vel thymum, vel hyssopum, vel satireia. hæc enim inde commodissime videntur humorem educere. Lienis quoque bubulus utiliter esui datur: præcipueque eruca & nasturtium lienem extenuant. Imponenda quoque extrinsecus sunt, quæ levent. fit ex unguentariis glandulis, 251, 18. quas *μυροβαλάνης* d Græci vocant: fit ex lini & nasturtii semine, quo vinum & oleum adjicitur: fit ex cupresso viridi, & arida ficu: fit ex sinapi, cui sevi hircini a renibus quarta pars ponderis adjicitur, teriturque in sole, & protinus imponitur. 20 Multisque modis huic rei capparari aptum est. Nam & ipsum cum cibo assumere, & muriam ejus cum aceto forbere commodum est. Quin etiam extrinsecus radicem contritam, vel corticem ejus cum furfuribus, 25 aut ipsum capparari cum melle contritum 250. & imponere expedit. Malagmata quoque huic 251. seqq. rei aptantur.

C A P. X.

De Renum morbis. a

AT renes ubi affecti sunt, diu male habent. Pejus vero est, si frequens biliosus vomitus accedit. Oportet conquiesce-

d Scribon. Larg. XXXII. c. 131. a Aretæus de Diut. Morb. II. 3. Curat. Morb. Diut. II. 3. Cælius Aurelianus. Tard. Pass. V. 3.

- scere: cubare molliter: solvere alvum; si aliter non respondet, etiam ducere: sæpe desidere in aqua calida: neque cibum, neque † potionem frigidam assumere: abstinere ab omnibus falsis, acribus, acidis, pomis: bibere liberaliter: adjicere modo cibo, modo potioni piper, porrum, ferulam, album papaver. quæ maxime inde urinam movere consuerunt.
- 10 Auxilio quoque his exulceratis sunt, si adhuc ulcera purganda sunt, cucumeris femina detractis corticibus sexaginta, nuclei ex pinu silvestri quindecim, anisi quod tribus digitis sumi possit, croci paulum, contrita & in duas mulsi potiones divisa.
- 15 Si vero dolor tantum levandus est, ejusdem cucumeris femina triginta, iidem nuclei viginti, nuces græcæ quinque, croci paululum, contrita & cum lacte potui data.
- 20 Ac insuper quoque recte quædam malagmata injiciuntur; maximeque ea, quæ humori extrahendo sunt. 250.

CAP. XI.

- 25 *De Intestinorum morbis: & primo de Cholera.*

AVISCERIBUS ad intestina veniendum est; quæ sunt & acutis & longis morbis obnoxia. Primoque facienda mentio est cholera; quia commune id stomachi atque intestinorum vitium videri potest. Nam simul & dejectio a & vomitus est: præterque hæc inflatio est, intestina torquentur, bilis supra infraque erumpit,

pri-

† *Plin. de R. M. lib. V. cap. 32. a Aretæus de Morb. Acut. II. 5. Cælius Aurelianus. Acut. Morb. III. 19.*

primum aquæ similis, deinde ut in ea recens caro lota esse videatur, interdum alba, nonnunquam nigra, vel varia. Ergo eo nomine morbum hunc *χολέραν* Græci nominarunt. Præter ea vero, quæ supra 5 comprehensa sunt, sæpe etiam crura manusque contrahuntur, urget sitis, anima deficit. quibus concurrentibus, non mirum est, si subito quis moritur. Neque tamen ulli morbo minori momento succurritur. 10

Protinus ergo, ubi ista cœperunt, aquæ tepidæ *b* quam plurimum bibere oportet, & vomere. Vix unquam ea sine vomitu sumitur: sed etiamsi non incidit, tamen corrupta 128, ptæ miscuisse novam materiam prodest; 15
24. parsque sanitatis est, vomitum esse suppressum. Si id incidit, protinus ab omni potione abstinendum est. Si vero tormina sunt, oportet frigidis & humidis fomentis stomachum fovere: vel, si venter dolet, iisdem 20 egelidis, sic ut venter ipse mediocriter calentibus juvetur. Quod si vehementer & vomitus, & dejectio, & sitis vexant, & adhuc subcruda sunt, quæ vomuntur, nondum vino maturum tempus est: aqua, neque ea 25 ipsa frigida, sed potius egelida danda est. Admovendumque naribus est pulegium ex aceto, vel polenta vino aspersa, vel mentha, vel quod secundum naturam est.

At cum discussa cruditas est, tum magis 30 verendum est, ne anima deficiat. Ergo tum confugiendum est ad *c* vinum. Id esse oportet tenue, odoratum, & cum aqua frigida mixtum, vel polenta adjecta, vel infracto

pane;

b Trallian. VII. 14. *c* Aretæus Acut. Morb. Curat. II. 4.

pane; quem ipsum quoque assumere expedit: quotiesque aliquid aut stomachus, aut venter effudit, toties per hæc vires restituere. Erasistratus primo tribus vini guttis, aut quinis aspergendam potionem esse dixit; deinde paulatim merum adjiciendum. Is, si ab initio vinum dedit, & metus cruditatis secutus est, non sine causa fecit: si vehementem infirmitatem adjuvari posse tribus guttis putavit, erravit.

At si inanis est homo, & crura ejus contrahuntur, interponenda potio apsinthii est. Si extremæ partes corporis frigent, unguentæ sunt calido oleo, cui ceræ paulum sit adjectum; calidisque fomentis nutriendæ. Si ne sub his quidem quies facta est, extrinsecus contra ventriculum ipsum cucurbitula admovenda est, aut sinapi superimponendum. Ubi is constitit, dormire oportet: postero die utique a potione abstinere: die tertio in balneum ire: paulatim se cibo reficere; somnoque, quisquis facile adquiescit; vitetque lassitudinem, & frigora. Si post suppressam choleram febricula manet, alvum duci necessarium est: tum cibis vinoque utendum est. Sed hic quidem morbus & acutus est, & inter intestina stomachumque versatur sic, ut, cujus potissimum partis sit, non facile dici possit.

CAP.

d Hippocrat. VII. Epidem. XL. 20. Trallian. VII. 14.

C A P. XII.

De Cœliaco ventriculi morbo.

IN ipsius vero ventriculi porta consistit is, qui & longus esse consuevit, & 5
 κοιλιακός a Græcis nominatur. Sub hoc venter indurefcit, dolorque ejus est: alvus nihil reddit, ac ne spiritum quidem † transmittit: extremæ partes frigescunt: difficul-
 ter spiritus redditur. 10

Commodissimum est inter initia calida cataplasmata toti ventri imponere, ut dolorem leniant. Post cibum vomere, atque ita ventrem exinanire. Proximis deinde diebus cucurbitulas sine ferro ventri & coxis ad-
 movere. Ventrem ipsum liquare dato lacte, & vino falso, frigido. Si tempus anni patitur, etiam viridibus ficis; sic tamen, ne quis aut cibus, aut humor universus detur, sed paulatim. Ergo per intervalla tem-
 poris sat est cyathos binos ternosve assumere, & cibum pro portione hujus: com-
 modeque facit cyatho lactis cyathus aquæ mistus, & sic datus. Cibique calentes & acres utiliores sunt: adeo ut lacti quoque
 recte contritum allium adjiciatur. 20
25

Procedente vero tempore, opus est gestari; maximeque navigare; perfricari ter aut quater die sic, ut nitrum oleo adjiciatur; perfundi aqua calida post cibum; dein-
 de sinapi imponere per omnia membra, excepto capite, donec arrodantur & rubeant; maximeque si corpus durum & virile est. paulatim deinde faciendus est transitus ad
 ea, 30

† Plane contrarium dicit Marcellus c. XXVII. pag. 363.

ea, quæ ventrem comprimunt. Assa caro danda, valens, & quæ non facile corrumpatur: in potum vero, pluviatilis aqua decocta; sed quæ per binos ternosve cyathos
5 bibatur.

Si vetus vitium est, oportet laser quam optimum ad piperis magnitudinem devorare: altero quoque die vinum vel aquam bibere; interdum interposito cibo, singulos vini
10 cyathos forbere: ex inferiori parte infundere aquam pluviatilem egelidam; maximeque, si dolor in imis partibus remanet.

CAP. XIII.

De Tenuioris intestini morbo.

15 **I**NTRA ipsa vero intestina consistunt duo morbi: quorum unus in tenuiore, alter in pleniore est. Prior acutus est: infrequens esse longus potest. Diocles Carystius
20 tenuioris intestini morbum *a* χόρδαψον, plenioris *είλεον* nominavit. A plerisque video nunc illum priorem *είλεον*, hunc κολικόν nominari. Sed prior modo supra umbilicum, modo sub umbilico dolorem movet. Fit in
25 alterutro loco inflammatio: nec alvus, nec spiritus *b* infra transmittitur. Si superior pars affecta est, cibus: si inferior, stercus per os redditur: si utralibet, metus est. Adjicitur periculo, si vomitus *c* biliosus, mali
30 odoris, aut varius, aut niger est. 74, 20.

Remedium est, sanguinem mittere; vel cucurbitulas pluribus locis admoveere, non ubique cute incisa: id enim duobus aut tribus locis satis est: ex cæteris spiritum
evoca-

a Cæl. Aurel. Acutor. Morb. III. 17. *b* Aretæus de Morb. Acut. II. 6. *c* Aph. VII. 10.

evocare abunde est. Tum animadvertere oportet, quo loco malum sit. solet enim contra id tumere. Et si supra umbilicum est, alvi ductio utilis non est. Si infra est, alvum ducere interdum, ut Erasistrato *d* placuit, optimum est; & sæpe id auxilii in his partibus magnum remedium est. Ducitur autem percolato ptisanæ cremore, cum oleo & melle sic, ut præterea nihil adjiciatur. Si nihil tumet, duas manus imponere oportet supra summum ventrem, paulatimque deducere. invenietur enim mali locus; qui necesse est renitatur: & ex eo demum deliberari poterit, ducenda, nec ne alvus sit. 15

Illa communia sunt: calida cataplasmata admove, eaque imponere a mammis usque ad inguina, & spinam; ac sæpe mutare: brachia, cruraque perfricare: demittere totum hominem in calidum oleum. Si dolor non quiescit, etiam in alvum ex parte inferiore tres aut quatuor cyathos calidi olei dare. Ubi per hæc consecuti sumus, ut ex inferiore parte spiritus transmittatur, offerre potui mulsum tepidum non multum. 25
(nam ante magna cura vitandum est, ne quid bibat.) si id commode cessit, adjicere forbitionem.

Ubi dolor & febricula quierunt, tum demum uti cibo pleniore; sed neque inflante, 30 neque valido, ne intestina adhuc imbecilla lædantur. potui vero nihil præterquam puram aquam. Nam si ve quid vinolentum si ve acidum est, id huic morbo alienum est.

Ac

d Cæl. Aurel. Acut. Morb. III. 17. pag. 219.
220.

Ac postea quoque vitare oportet balneum, ambulationem, gestationem, cæterosque corporis motus. Nam facile id malum redire consuevit; & cum frigus subit, siue aliqua jactatio, nisi bene jam confirmatis intestinis, revertitur.

CAP. XIV.

De Morbo intestini plenioris. a

10 **I**S autem morbus, qui in intestino plenior est, in ea maxime parte est, quæ cæcum esse proposui. Vehemens fit inflatio, vehementes dolores, dextra magis parte: intestinum verti videtur; quod prope
15 spiritum elidit. In plerisque post frigora cruditatesque oritur, deinde quiescit; & per ætatem sæpe repetens sic cruciat, ut vitæ spatio nihil demat.

Ubi is dolor cepit, admoovere sicca &
20 calida fomenta oportet; sed primo lenia, deinde validiora; simulque fricatione ad extremas partes, id est, crura brachiaque materiam evocare. Si discussus non est, quæ dolet, cucurbitulas sine ferro defigere. Est
25 etiam medicamentum ejus rei causa comparatum, quod *καλινδὸν* nominatur. Id se repperisse Cassius gloriabatur. magis prodest potui datum. sed impositum quoque extrinsecus, digerendo spiritum, dolorem
30 levat.

Nisi finito vero tormento, recte neque cibis neque potio assumitur. Quo victu sit utendum iis, qui hoc genere tentantur, jam mihi dictum est. Confectio medicamenti, quod

a Trallian. X. 1. Aretæus de Morb. Diurn. II. 8. Cæli. Aurelian. Tard. Pass. IV. 7.

281, 7. quod *κολικόν* nominatur, ex his *b* constat. Costi, anisi, castorei, singulorum P.*iii. petroselini P.*iv. piperis longi, & rotundi, singulorum P.*v. papaveris lacrymæ, junci rotundi, myrrhæ, nardi, singulorum P.*vi. 5 quæ melle excipiuntur. Id autem & devorari potest, & ex aqua calida sumi.

C A P. XV.

De Torminibus.

69, 3. **P**ROXIMA his inter intestinorum 10 mala tormina esse consueverunt. *συστερπία* Græce vocatur. Intus intestina *a* exulcerantur: ex his cruor manat;isque modo cum stercore aliquo semper liquido, modo cum quibusdam quasi mucosis excer- 15 nitur; interdum simul quædam † carnofa descendunt. Frequens dejiciendi cupiditas, dolorque in ano est. Cum eodem dolore exiguum aliquid emittitur: atque eo quoque tormentum intenditur; idque post 20 tempus aliquod levatur, exiguaque requies est, somnus interpellatur, febricula oritur, longoque tempore id malum, cum inveteraverit, aut tollit hominem, aut, etiamsi finitur, excruciat. 25

Oportet imprimis conquiescere; siquidem omnis agitatio exulcerat: deinde jejunum sorbere vini cyathum, cui contrita radix quinquefolii sit adjecta: imponere cataplasmata super ventrem, quæ repri- 30 munt; quod in superioribus ventris morbis non expedit: quotiesque desedit, sabluere aqua calida, in qua decoctæ verbenæ sint:

b *Scrib. Larg. cap. XXIX. Corn. 120. Nicol. Myreps. sect. xxxi. de Catapl. c. 5. a Trall. viii. 9. Aretæus de Morb. Diuturn. II. 9. Hippocr. de Affection. XXIV. † Aph. iv. 26.*

sint: portulacani vel coctam, vel ex duramuria edisse; cibos potionesque eas, quæ adstringunt alvum.

Si vetustior morbus est, ex inferioribus
5 partibus tepidum infundere vel ptisanæ cremorem, vel lac, vel adipem liquatam, vel medullam cervinam, vel oleum, vel cum rosa butyrum, vel cum eadem album crudum ex ovis, vel aquam, in qua lini semen
10 decoctum sit; vel, si somnus non accedit, vitellos cum aqua, in qua rosæ floris folia cocta sint. Levant enim dolorem hæc, & mitiora ulcera efficiunt; maximeque utilia sunt, si cibi quoque secutum fastidium est.
15 Themison *b* muria dura quam asperrima sic utendum memoriæ prodidit.

Cibi vero esse debent, qui leniter ventrem adstringant. At ea, quæ urinam moveant, si id consecuta sunt, in aliam partem humorem avertendo, profunt: si non sunt
20 consecuta, noxam augent. itaque nisi in quibus prompte id facere consuerunt, non sunt adhibenda. Potui, si febricula est, aqua pura calida, vel ea, quæ ipsa quoque
25 adstringat, dari debet: si non est, vinum leve, austerum. Si pluribus diebus nihil remedia illa juverunt, vetusque jam vitium est, aquæ bene frigidæ potio assumpta ul- 293,
cera adstringit, & initium secundæ valetu- 20.
30 dinis facit. Sed ubi venter suppressus est, protinus ad calidam potionem revertendum est.

Solet autem interdum etiam putris fa-
nies, pessimique odoris descendere: solet &

P

inter-

b Cæl. Aurelian. Tard. Pass. IV. 6. Galen. Meth. Med. XII. c. 1. Joan. Bapt. Sylvat. Med. Hist. 62.

interdum purus sanguis profluere. Si superius vitium est, alvus aqua mulsa delui debet; tum deinde etiam infundi, quæ supra comprehensa sunt. Valensque est etiam adversus cancerem intestinorum, minii gleba cum salis hemina contrita: sin minus, mista his aqua in alvum datur. At, si sanguis profluit, cibi potionesque esse debent, quæ adstringant.

C A P: XVI.

De Lævitate intestinorum. a

64, 10. **E**X torminibus *b* interdum intestinorum lævitas oritur; qua continere nihil possunt, & quicquid assumptum est, inconfectum protinus reddunt. Id interdum ægros trahit, interdum præcipitat.

In hoc utique adhibere oportet compri-
mentia; quo facilius tenendi aliquid inte-
stinis vis sit. Ergo & super pectus ponatur si-
napi; exulcerataque cute, malagma, *c* quod
humorem evocet: & ex verbenis decocta in
aqua desideat; & cibos potionesque assumat,
quæ alvum adstringunt; & frigidis utatur
perfusionibus.

Oportet tamen prospicere, ne, simul his
omnibus admotis, vitium contrarium per
immodicas inflationes oriatur. Paulatim er-
go firmari intestina debebunt, aliquibus quo-
tidie adjectis. Et cum in omni fluore ven-
tris, tum in hoc præcipue necessarium est,
non quoties libet desidere, sed quoties ne-
cesse est, ut hæc ipsa mora in consuetudinem
ferendi oneris intestina deducat.

Alte-

*a Hippocr. de Affection. T. XXV. Aretæus de
Morb. Diuturn. II. 10. b Aphor. VII. 76. c Nicol.
Myreps. Sect. XXXIV. cap. 9.*

Alterum quoque, quod æque ad omnes
similes affectus pertinet, in hoc maxime ser-
vandum est; ut, cum pleraque utilia in-
suavia sint, qualis est plantago, & rubi, &
5 quicquid malicorio mixtum est, ea potissi-
mum ex his dentur, quæ maxime æger vo-
let. Deinde, si omnia ista fastidiet, ad ex-
citandam cibi cupiditati, interponatur ali-
quid minus utile, sed magis gratum. Exer-
10 citationes & fricationes huic quoque morbo
necessariæ sunt: & cum his sol, ignis, bal-
neum, vomitus *d*, ut Hippocrati visum est;
etiam albo veratro *e*, si cætera parum profi-
cient, evocatus.

15

CAP. XVII.

De Lumbricis alvum occupantibus.

NONNUNQUAM autem lumbrici
quoque occupant alvum; hique modo
20 ex inferioribus partibus; modo, quod fœ-
dus, ore *a* redduntur. Atque interdum la-
tos eos, qui peiores sunt; interdum teretes
videmus.

Si lati sunt, aqua potui dari debet, in
25 qua lupinum, aut cortex mori decoctus sit;
aut cui adjectum sit contritum vel hyssopum,
vel piperis acetabulum, scammonæ
paulum. Vel etiam pridie, cum multum al-
lium ederit, vomat. Posteroque die mali
30 punici tenues radículas colligat, quantum
manu comprehendet; easque contusas in a-
quæ tribus sextariis decoquat, donec tertia
pars supersit; huic adjiciat nitri paulum,
& jejunus bibat. Interpositis deinde tribus

P 2 horis,

d *Aph. iv. 12.* *e* *De Victu Acutor. LVI. 6.*

Quatenus sc. fluxio ex capite, de Affect. XXV. 6.

a *Seren. Sam. XXX. 5.* *Cælius Aurel. Tard. Pass. iv. 8.*

103, horis, duas potiones sumat talis aquæ, vel
31. muricæ duræ huic adjectæ; tum desideat, sub-
jecta calida aqua in pelve.

Si vero teretes sunt, qui pueros maxime
exercent, & eadem dari possunt, & quæ- 5
dam leviora; ut contritum semen urticæ, aut
brassicæ, aut cumini cum aqua, vel men-
tha *b* cum eadem, vel apsinthium decoctum,
vel hyssopum ex aqua mulsa, vel nasturtii
semen cum aceto contritum. Edisse etiam 10
& lupinum, & allium prodest; vel in alvum
oleum subter dedisse.

C A P. XVIII.

De Tenesmo.

EST autem aliud levius omnibus pro- 15
ximis, de quibus supra dictum est,
quod *τενεσμός* Græci vocant. Id neque acu-
tis neque longis morbis annumerari de-
bet, cum facile *a* tollatur, neque unquam
per se jugulet. In hoc æque atque in tor- 20
minibus frequens desidendi † cupiditas est;
æque dolor, ubi aliquid excernitur. De-
scendunt autem pituitæ *b* mucisque similia;
interdum etiam leviter subcruenta; sed his
interponuntur nonnunquam ex cibo quoque 25
recte cocta.

Desidere oportet in † aqua calida; sæpius-
que ipsum anum nutrire. cui rei plura me-
dicamenta idonea sunt: butyrum *c* cum ro-
sa; acacia ex aceto liquata; emplastrum id, 30
quod *τετραφάρμακον* Græci vocant, rosa li-
262, quatum, alumen lanæ circumdatum, & ita
11. appositum. eademque ex inferiore parte
in-

b *Seren. Sammon. XXX. 11.* *a* *Plin. H. N. XXVIII. 14.* † *Marcell. de Med. c. XXVIII. pag. 372.* *b* *Hippocrat. de Affection. T. XXVII.* † *Hippocrat. de Fistul.* *c* *Al. Trallian. VIII. 6.*

indita, quæ torminum auxilia sunt: eadem verbenæ decoctæ, ut inferiores partes fo-
veantur. Alternis vero diebus aqua, alter-
nis leve & austerum & vinum bibendum est.
5 Potio esse debet egelida & frigida propior:
ratio victus talis, qualem ad tormina supra
præcepimus.

C A P. X I X.

De Ventris fluxu.

10 **L**EVIOR etiam, dum recens, deje-
ctio, ubi & liquida alvus, & sæpius
quam ex consuetudine fertur. In qua inter-
dum tolerabilis dolor est, interdum gravif-
15 simus; idque pejus est. Sed uno die flue-
re alvum sæpe pro valetudine est: atque
etiam pluribus, dum febris absit, & intra
septimum diem id conquiescat. Purgatur
enim corpus, &, quod intus læsurum erat,
20 utiliter effunditur. Verum spatium pericu-
losum est. interdum enim tormina ac febri-
culas excitat, viresque consumit.

Primo die quiescere satis est; neque im-
petum ventris prohibere. Si per se desit,
25 balneo uti, paulum cibi capere: si mansit,
abstinere non solum a cibo, sed etiam a
potione. Postero die, si nihilominus liquida
alvus est, æque conquiescere; paululum ad-
stringentis cibi sumere. Tertio die in bal-
30 neum ire; vehementer omnia præter ven-
trem perfricare; ad ignem lumbos, scapu-
lasque admovere; cibis uti, sed ventrem
contrahentibus; vino non multo, meraco.
Si postero quoque die fluat, plus edisse, sed

P 3

vome-

d *Cæl. Aurelian. Tard. Pass. IV. 6.*

vomere etiam. Ex toto, donec conquiescat, contra siti, fame, vomitu niti. Vix enim fieri potest, ut, post hanc animadversionem, alvus non contrahatur.

Alia via est, ubi velis suppressere, cœna- 5
re, deinde vomere: postero die lecto conquiescere, vesperi ungi, sed leviter: dein-
232, 5. de panis circa selibram ex vino & aminæo
mero sumere; tum assum aliquid, maxime-
que avem; & postea vinum idem bibere 10
aqua pluviatili mixtum, idque usque quin-
tum diem facere, iterumque vomere. Fri-
gidam autem assidue potionem esse debere,
contra priores authores Asclepiades affirma-
vit, & quidem quam frigidissimam. Ego 15
experimentis quemque in se credere debe-
re existimo, calida potius, an frigida uta-
tur.

Interdum autem evenit, ut id malum, pluribus diebus neglectum, curari diffici- 20
lius possit. A vomitu oportet incipere: deinde postero die vesperi tepido loco un-
gi; cibum modicum assumere, vinum me-
racum quam asperrimum; impositam su-
per ventrem habere cum cerato rutam. In 25
hoc autem affectu corporis neque ambu-
latione, neque fricatione opus est: vehicu-
lo sedisse, vel magis etiam equo, prodest.
neque enim ulla res magis intestina confir-
mat. 30

Si vero etiam medicamentis utendum est, aptissimum est, quod ex pomis fit. Vin-
demix tempore in grande vas conjicienda
sunt pira atque mala silvestria. si ea non
sunt,

a *Virgil. Georg. II. 97. Auson. Epist. V. vers. 13.*

sunt, pira *b* Tarentina viridia, vel Signina, mala *c* Scandiana, vel † Amerina, *d* myrrhappia: hisque adjicienda sunt cotonea, & cum ipsis corticibus suis punica, forba, &, quibus magis utimur, etiam torminalia, sic ut hæc tertiam ollæ partem teneant: tum deinde ea musto implenda est; coquendumque id, donec omnia, quæ indita sunt, liquata, in unitatem quandam coeant. Id gustui non insuave est: &, quodocunque opus est, assumptum leniter, sine ulla stomachi noxa, ventrem tenet. duo aut tria cochlearia uno die sumpsisse, satis est. Alterum valentius genus: myrti baccas legere, ex his vinum exprimere, id decoquere, ut decima pars remaneat, ejusque cyathum forbere. Tertium, quod quodocunque fieri potest, malum punicum excavare, exemptisque omnibus seminibus, membranas, quæ inter ea fuerunt, iterum conjicere: tum infundere cruda ova, rudiculaque miscere: deinde malum ipsum super prunam imponere; quod, dum humor intus est, non adurit: ubi siccum esse coepit, remove oportet, extractumque cochleari, quod intus est, edisse. Hoc, aliquibus adjectis, majus momentum habet. Itaque etiam in piperatum conjicitur, misceturque cum sale & pipere, esturque ex his. Edenda est pulticula etiam, cum qua paulum ex favo vetere coctum sit. Et lenticula cum malicorio cocta, rubique cacumina in aqua decocta, & ex oleo atque aceto assumpta, efficacia sunt: ut & ea aqua, in

P 4 qua

b Plin. H. N. XV. 15. *c* Scribon. Larg. Comp. 104. Plin. H. N. XV. 15. † Gataker. Adversar. Miscellan. cap. 5. pag. 35. *f*. Rhodius ad Scribon. Larg. Comp. 64. *d* Myrappia Plin. H. N. XV. 15.

qua vel palmulæ, vel malum cotoneum, vel arida forba, vel rubi decocti sunt, potata. quod genus significo, quoties potio- nem dandam esse dico, quæ adstringat.

- 230, 8. Tritici quoque hemina in vino aminæo au- 5
stero decoquitur; idque triticum jejuno ac sitienti datur; superque id vinum id for- betur. quod jure valentissimis medicamen- tis annumerari potest. Atque etiam po- tui datur vinum Signinum, vel refinatum 10
austerum, vel quodlibet austerum. Contun- diturque cum corticibus, feminibusque suis punicum malum, vinoque tali miscetur: idque vel merum forbet aliquis, vel bibit mixtum. Sed medicamentis uti, nisi in 15
§4, 9. vehementibus malis, supervacuum est.

C A P. XX.

De Vulvæ morbo.

EX vulva quoque fœminis vehemens 20
malum nascitur: proximeque ab sto- macho, vel afficitur hæc, vel corpus affi- cit. Interdum etiam sic exanimat, ut tan- quam comitali a morbo prosternat. Distat 25
tamen hic casus, eo quod neque oculi ver- tuntur, nec spumæ profluunt, nec nervi distenduntur: sopor tantum est. Id vitium quibusdam fœminis crebro revertens perpe- tuum evadit. 30

Ubi incidit, si satis virium est, b sanguis missus adjuvat: si parum est, cucurbitulæ tamen defigendæ sunt in inguinibus. Si diutius aut jacet aut alioqui jacere con- suevit,

a *Aretæus de Morb. Acut. II. 11.* b *Idem de Curat. Acut. II. 10.*

suevit, admoveere oportet naribus extin-
ctum ex lucerna linamentum, vel aliud ex
his, quæ foedioris esse & odoris retuli, quod
mulierem excitet. Idemque aquæ frigida
5 perfusio efficit. Adjuvatque ruta contrita
cum melle, vel ex cyprino ceratum, vel
quodlibet calidum & humidum cataplasma,
naturalibus pube tenus impositum. Inter
hæc etiam perfricare coxas, & poplites opor-
10 tet.

Deinde, ubi ad se rediit, circumciden-
dum vinum est in totum annum †, etiamsi
casus idem non revertitur. Fricatione quo-
tidie utendum totius quidem corporis, præ-
15 cipue vero ventris, & poplitum. Cibus ex
media materia dandus. Sinapi super inum
ventrem tertio quoque aut quarto die im-
ponendum, donec corpus rubeat.

Si durities manet, mollire commode vi-
20 detur solanum in lac demissum, deinde con-
tritum, & cera alba atque medulla cervi-
na cum irino; aut sebum taurinum vel ca-
prinum cum rosa mistum. Dandum po-
tui etiam vel castoreum est, vel git, vel
25 anethum. Si parum pura est, purgetur jun-
co quadrato. Si vero vulva exulcerata est,
ceratum ex rosa fiat: etiam recens suilla
adeps, & ex ovis album misceatur, idque
apponatur; vel album ex ovo cum rosa mi-
30 stum, adjecto, quo facilius consistat, con-
tritæ rosæ pulvere. Dolens vero vulva sul-
phure suffumigari debet.

At, si purgatio nimia mulieri nocet, reme-
dio sunt cucurbitulæ, cute incisa, inguini-
bus

c Hippocr. II. de Morb. Mulier. LX. 10. 11.
Aretæus de Curat. Acut. II. 10. † delet Ritter-
shusius ad Phædrum Lib. IV. fab. 20.

83, 23. bus *d* vel etiam sub mammis admotæ. Si ma-
 ligna purgatio est, subjicienda sunt * coer-
V. supra centia. Id faciunt etiam albæ † violæ, ni-
 xxviii, grum papaver cum melle assumptum, &
 19. gummi cum trito semine apii liquatum, & 5
 cum cyatho passi datum.

Præter hæc, in omnibus vulvæ doloribus
 idoneæ potiones sunt, quæ ex odoribus fiunt,
 id est spica nardi, croco, cinnamomo, ca-
 sia, similibusque. Idemque etiam decocta 10
 lentiscus præstat. Si tamen intolerabilis do-
 lor est, & sanguis profluit, etiam sanguinis
 detractio apta est; aut certe coxis admotæ
 cucurbitulæ cute incisa.

V. supra

2. De Urinæ nimia profusione. e

15

xxx, At cum urina super potionum modum
 28. mingitur, & jam sine dolore profluens, ma-
 ciem & periculum facit, si tenuis est, opus
 est exercitatione & fricatione, maximeque
 in sole, vel ad ignem. Balneum rarum esse 20
 debet, neque longa in eo mora: cibus com-
 primens: vinum *f* austerum meracum; per
 æstatem, frigidum; per hiemem, egeli-
 dum; sed tantum, quantum minimum sit.
 Infima alvus quoque vel ducenda vel lacte 25
 purganda est. Si crassa urina est, vehe-
 mentior esse debet & exercitatio, & frica-
 tio: longior in balneo mora: cibus opus est
 teneris: vinum idem. In utroque morbo vi-
 tanda omnia sunt, quæ urinam movere con- 30
 fuerunt.

CAP.

d *Aph. V. 50.* † *Mercurialis Var. Lect. Lib. I.*
c. 3. videtur olivas legisse, quo loco multa de oli-
vis albis. e *Aretæus de Morbis Diutur. II. 2.*
Æginet. II. 14. & III. 45. Trall. IX. 8. f *Are-*
tæus de Curat. Diut. II. 2.

CAP. XXI.

De Seminis nimia ex naturalibus profusione. a

- 5 **E**ST etiam circa naturalia vitium, nimia profusio seminis. quod sine venere, sine nocturnis *b* imaginibus sic fertur, ut, interposito spatio, tabe hominem consumat.
- 10 In hoc affectu salutare sunt vehementes fricationes, perfusiones, natationesque quam frigidissimæ: neque cibi, nec potio, nisi frigida assumpta. Oportet autem vitare cruditates, & omnia infantia: nihilque ex
- 15 his assumere, quæ contrahere semen videntur; qualia sunt, filigo, similia, ova, alica, amyllum, omnis caro glutinosa, piper, eruca, bulbi, nuclei pinei. Neque alienum est, fovere inferiores partes aqua, decocta
- 20 ex verbenis comprimentibus, ex iisdem aliqua cataplasmata imo ventri inguinibusque circumdare; præcipueque ex aceto. Vita-*V. supra* re autem oportet rutam, & ne supinus dor- xxv, ii. miat.

25

CAP. XXII.

De Coxarum morbis. a

- S**UPEREST, ut ad extremas partes corporis veniam, quæ articulis inter se conferuntur. Initium a coxis faciam. Harum ingens dolor esse consuevit: isque hominem sæpe debilitat, & quosdam non di- 75, 22. mittit. Eoque id genus difficillime curatur, quod fere post longos *b* morbos vi pestifera

a Aret. de Morb. Diut. II 5. & de Cur. Diut. II. 5. Trall. XI. 9. b Cæl. Aurel. Tard. Pass. V. 5. a Equitatio. Plin. xxviii. cap. 4. in fine. II. Præd. XLV. Aret. de Diut. II. 12. b Aret. de Curat. Diut. II. 12.

fera huc se inclinat : quod ut alias partes liberat, sic hanc ipsam quoque affectamprehendit.

Fovendum primum aqua calida est : deinde utendum calidis cataplasmatibus. Maxime prodesse videtur, aut cum hordeacea farina, aut cum ficu ex aqua decocta mixtus capparidis cortex concisus ; vel lolii farina ex vino diluto cocta, & mista cum arida feces. quæ quia refrigerant, imponere noctu malagnata commodius est. Inulæ quoque radix contusa, & postea ex vino austero cocta, & late super coxam imposita, inter valentissima auxilia est. Si ista non solverunt, sale calido & humido utendum est. 15

Si ne sic quidem finitus dolor est, aut tumor ei accedit, incisa cute admovendæ sunt cucurbitulæ : movenda urina : alvus, si compressa est, ducenda. Ultimum est, & in uteri quoque morbis efficacissimum, tribus aut quatuor locis super coxam, † cutem candentibus ferramentis exulcerare. Fricatione quoque utendum est, maxime in sole, & eodem die sæpius : quo facilius ea, quæ coeundo nocuerunt, digerantur. Eaque, si nulla exulceratio est, etiam ipsis coxis : si est, cæteris partibus adhibenda est. Cum vero sæpe aliquid exulcerandum candenti ferramento sit, ut materia inutilis evoceatur, illud perpetuum est, non, ut primum fieri potest, hujus generis ulcera sanare ; sed ea trahere, donec id vitium, cui per hæc opitulamur, conquiescat. 20 25 30

CAP.

c Nicolaus Myreps. Sect. XXXIV. c. 12.

† Aphor. vi. 60.

CAP. XXIII.

De Genuum dolore. a

5 **C**OXIS proxima genua sunt. in quibus
 ipsis nonnunquam dolor esse consue-
 vit. In iisdem autem cataplasmatibus cucur-
 bitulisque præsidium est: sicut etiam, cum
 in humeris, aliisque commissuris dolor ali-
 quis exortus est. Equitare ei, cui genua do- 240, 7.
 10 lent, inimicissimum omnium est. Omnes
 autem ejusmodi dolores, ubi inveteraverunt,
 vix citra ulationem finiuntur.

CAP. XXIV.

De Manuum & pedum articulorumque vitiis. a

15 **I**N manibus pedibusque articulorum vi-
 tia frequentiora longioraque sunt. Quæ
 in podagricis chiragricisque esse consueverunt,
 ea raro vel b castratos, vel c pueros ante
 20 sceminæ coitum, vel d mulieres, nisi quibus
 menstrua suppressa sunt, tentant.

Ubi sentire cœperunt, † sanguis mitten-
 dus est. id enim inter initia statim fa-
 ctum, sæpe annuam, nonnunquam perpe-
 25 tuam valetudinem bonam præstat. Quidam
 etiam, cum asinino lacte poto ex toto se
 eluissent, in perpetuum hoc malum evase-
 runt. Quidam, cum toto anno a vino, mul-
 so, venere sibi temperassent, securitatem
 30 totius vitæ consecuti sunt. idque utique
 post primum dolorem servandum est, etiam-
 si quievit. Quod si jam consuetudo ejus
 facta est, potest quidem aliquis esse se-
 curior

a *Marcell. de Med. c. XXXIV. a Cæl. Aurel. Tard. Pass. V. 2. Trall. XI. 1. Aret. de Morb. Diut. II. 12. b Aph. VI. 28. c Aph. VI. 30. d Aph. VI. 29. † Chesneau IV. 1. de Arthrit. pag. 419. 420. Willis cap. 14. de Arthrit.*

curior his temporibus, quibus dolor se remisit: majorem vero curam adhibere debent
 43, 28. hi, quibus id revertitur. quod fere e vere
V. supra autumnove fieri solet.

xxxii, Cum vero dolor non urget, inane gestari 5
 2. debet; deinde ferri, aut inambulatione leni se dimovere, & si podagra est, interpositis temporibus exiguis, invicem modo sedere, modo ingredi; tum, antequam cibum capiat, sine balneo, loco calido leniter perfri- 10
 cari, sudare, perfundi aqua egelida: deinde cibum sumere ex media materia, † interpositis rebus urinam moventibus, quotiesque plenior est, evomere.

Ubi dolor vehemens urget, interest, sine 15
 tumore is sit, an tumor cum calore, an tumor jam etiam obcaluerit. Nam, si tumor nullus est, calidis fomentis opus est. Aquam marinam, vel muriam duram fervere facere oportet, deinde in pelvem conjicere, 20
 & cum jam homo pati potest, pedes demittere superque pallam dare, & vestimento tegere; paulatim deinde juxta labrum ipsum ex eadem aqua leniter infundere, ne calor intus destituat; ac deinde 25
 noctu cataplasmata *f* calefacientia imponere, maximeque hibisci † radicem ex vino coctam. Si vero tumor calorque est, utilioraque sunt refrigerantia, recteque in aqua quam *g* frigidissima articuli continentur; sed 30
 neque quotidie, neque diu fiat, ne nervi indurescant. Imponendum vero est cataplasma, quod refrigeret: neque tamen in hoc ipso diu permanendum; sed ad ea trans-

eun-

e *Aph.* vi. 55. † *Optime*, quia materia serosa est. *f* *Aretæus de Curat. Diut.* II. 12. † *Plin. H. N. Lib. XX. c. 4.* *g* *Aph.* V. 25.

eundum, quæ sic reprimunt, ut emolliant.

- Si major est dolor, papaveris cortices in vino coquendi, miscendique cum cerato sunt, quod ex rosa factum sit: vel ceræ & adipis fuillæ tantundem una liquandum, deinde his vinum miscendum, atque ubi, quod ex eo impositum est, incaluit, detrahendum, & subinde aliud imponendum est.
- Si vero tumores etiam obcaluerunt, & dolent, levat spongia imposita, quæ subinde ex oleo, vel aceto, vel aqua frigida exprimitur; aut pari portione inter se mista, pix, cera, alumen. Sunt etiam plura idonea manibus pedibusque *b* malagmata. Quod si nihil superimponi dolor patitur, id, quod sine tumore est, fovere oportet spongia, quæ in aquam calidam demittatur, in qua vel papaveris cortex, vel cucumeris silvestris radix decocta sit; tum inducere articulis crocum cum succo papaveris & ovillo lacte.

- At si tumor est, foveri quidem debet aqua egelida, in qua lentiscus, aliave ex reprimentibus verbenæ decocta sit: induci vero medicamentum ex nucibus amaris cum aceto tritis; aut ex cerussa, cui contritæ herbæ muralis succus sit adjectus. Lapis etiam, qui carnem edit, quem *σαρκοφάγος* Græci vocant, excisus sic, ut pedes capiat, demissos eos, cum dolent, retentosque ibi levare consuevit. Ex quo in Assio sepulchra faciunt. Et lapidi Assio *k* gratia est ad juvandum.

Ubi

h Nicol. Myreps. Sect. XXXIV. cap. 10. 11. Scrib. Larg. c. XLI. Comp. 158. 159. *i* Plin. H. N. XXXVI. 17. *k* Plin. loco cit. Oribas. Synopsis. II. 56.

Ubi dolor & inflammatio se remiserunt, (quod intra dies / triginta fit, nisi vitium hominis accessit) modicis exercitationibus, abstinencia, unctionibus lenibus utendum est sic, ut etiam cum acopo, vel liquido cerato cyprino articuli perfricentur. Equitare podagricis quoque alienum est.

Quibus vero articulorum dolor certis temporibus revertitur, hos ante & curioso visu cavere oportet, ne inutilis materia corpori supersit: & crebriore vomitu, & si quis ex corpore metus est, vel alvi ductione uti, vel lacte purgari. Quod Erasistratus in podagricis *m* expulit: ne in inferiores partes factus cursus pedes replet: cum evidens sit omni purgatione non superiora tantummodo, sed etiam inferiora exinaniri.

C A P. XXV.

De Refectione convalescentium a morbo.

EX quocunque autem morbo quis convalescit, si tarde confirmatur, vigilare prima luce debet; nihilominus in lecto conquiescere: circa tertiam horam leniter unctis manibus corpus permulcere. Deinde delectationis causa, quantum juvat, ambulare, circumcisa omni negotiosa actione. Tum gestari diu: multa fricatione uti: loca, cœlum, cibos sæpe mutare. Ubi tri- duo quatrduove vinum bibit, uno aut etiam altero die interponere aquam. Per hæc enim fiet, ne in vitia tabem inferentia incidat, & ut mature vires suas recipiat.

vero

1 *Alii* quadraginta, *Aph.* vi. 49. *m* Libro quo de Podagra scripsit. *Cælius Aurel. Tard. Pass. II. 2. in fine.*

vero ex toto convaluerit, periculose vitæ genus subito mutabit, & inordinate aget. Paulatim ergo debet, omiffis his legibus, eo tranfire, ut arbitrio fuo vivat.

LIBER QUINTUS.

Præfatio.

DIXI de his malis corporis, quibus victus ratio maxime sub-
venit. nunc tranfeundum eft ad eam medicinæ partem, quæ magis medicamentis pugnat. His
multum antiqui authores tribuerunt, & Era-
fiftratus, & hi qui fe ἐμπειρικός nominave-
runt; præcipue tamen Herophilus, dedu-
ctique ab illo viri; adeo ut nullum morbi
genus fine his curarent. Multaque etiam
de facultatibus medicamentorum memoriæ
prodiderunt, qualia funt vel Zenonis, vel
Andræ, vel Apollonii, qui Mus cognomi-
natus eft. Horum autem ufum ex magna
parte Afclepiades non fine caufa fufcult; &
cum omnia fere medicamenta ftomachum
lædant, malique fucci funt, ad ipfius victus
rationem potius omnem curam fuam tran-
fultit. Verum, ut illud in plerisque mor-
bis utilius eft, fic multa admodum corpori-
bus noftris incidere confuerunt, quæ fine
medicamentis ad fanitatem pervenire non
poffunt. Illud ante omnia fcire convenit,
quod omnes medicinæ partes ita connexæ
fun, a ut ex toto feperari non poffint; fed ab

Q

co

eo nomen trahant, a quo plurimum petunt. Ergo ut illa, quæ victu curat, aliquando medicamentum adhibet; sic illa, quæ præcipue medicamentis pugnat, adhibere etiam rationem victus debet; quæ multum admodum in omnibus malis corporis proficit. Sed cum omnia medicamenta proprias facultates habeant, ac sæpe simplicia opitulentur, sæpe mista; non alienum videtur ante proponere & nomina, & vires, & misturas eorum: quo minor ipsam curationem exsequentibus mora sit.

C A P. I.

De simplicibus facultatibus quarumcunque rerum, ex quibus medicamenta sunt:

& primo de his, quæ Sanguinem supprimunt.

SANGUINEM supprimunt, atramentum futorium, quod Græci χάλκανθον appellant, chalcitis, acacia, & ex aqua lycium, thus, aloe, gummi, plumbum combustum, porrum, herba sanguinalis, creta vel cimolia vel figularis, misy, frigida aqua, vinum, acetum, alumen, melinum, squama † & ferri & æris; atque hujus quoque duæ species sunt, alia tantum æris, alia rubri æris.

C A P. II.

Quæ vulnus glutinent.

GLUTINANT vulnus, myrrha, thus, gummi, præcipueque acanthinum, psyllium, tragacantha, cardamomum,

† Et utriusque ferri legendum dicit Rubeus, pag. 193.

mum, bulbi, lini semen, nasturtium, ovi album, gluten, ichthyocolla, vitis alba, contusæ cum testis suis cochleæ, mel coctum, sponsia vel ex aqua frigida, vel ex 293, 5 vino, vel ex aceto expressa: ex iisdem lana 20. succida, si levis plaga est: etiam a aranea.

Reprimunt, alumen & scissile, quod σχιστόν vocatur, & liquidum, melinum, auripigmentum, ærugo, chalcitis, atramentum futorium. 10

C A P. III.

Quæ concoquant, & moveant pus.

15 **C**ONCOQUUNT & movent pus, nardum, myrrha, costus, balsamum, galbanum, propolis, styrax, thuris & fuligo & cortex, bitumen, pix, sulphur, resina, sebum, adeps, oleum.

20 C A P. IV.

Quæ aperiant vulnera. a

VULNERA aperiunt tanquam ora in corporibus, quod ἀνὰ σπέρμην Græce dicitur, cinnamomum, balsamum, panaces, 25 juncus quadratus, pulegium, flos albæ violæ, bdellium, galbanum, resina terebinthina & pinea, propolis, oleum vetus, piper, pyrethrum, chamæpitys, uva taminia, sulphur, alumen, rutæ semen.

30 C A P. V.

Quæ purgent.

PURGANT, ærugo, auripigmentum, quod ἀπρæβικόν a Græcis nominatur (huic

Q 2 autem

a Petron. Sat. c. 58.

a Oribas. Synops. II. 42. 47.

autem & sandarachæ in omnia eadem vis ;
 sed validius est) squama æris , pumex , iris ,
 balsamum , styrax , thus , thuris cortex , re-
 sina , & pinea , & terebinthina liquida , æ-
 nanthe , lacerti stercus , sanguis columbæ , 5
 & palumbi , & hirundinis , ammoniacum ,
 bdellium (quod in omnia idem , quod am-
 moniacum , potest ; sed hoc valentius est)
 abrotonum , ficus arida , coccum Gnidium ,
 scobis eboris , omphacium , radícula , coa- 10
 gulum , sed maxime leporinum (cui eadem ,
 quæ cæteris coagulis , facultas , sed utique
 validior est) fel taurinum , vitellus crudus ,
 cornu cervinum , gluten , mel crudum , mi-
 sy , chalcitis , crocum , uva taminia , spuma 15
 argenti , galla , squama æris , lapis hæmati-
 tes , minium , costum , sulphur , pix cruda ,
 sebum , adeps , oleum , ruta , porrum , len-
 ticula , ervum .

C A P. VI.

20

Quæ rodant .

RODUNT , alumen liquidum , sed
 magis rotundum , ærugo , chalcitis ,
 misy , squama æris , sed magis rubri , æs 25
 combustum , sandaracha , minium sinopi-
 cum , casia , balsamum , myrrha , thuris cor-
 tex , galbanum , resina terebinthina liquida ,
 piper utrunque , sed rotundum magis , car-
 damomum , auripigmentum , calx , nitrum , 30
 & spuma ejus , apii semen , narcissi radix ,
 omphacium , alcyonium , oleum ex amaris
 nucibus , allium , mel crudum , vinum , len-
 tiscus , squama ferri , fel taurinum , scam-
 monea ,

a Casaubonus ad Capitolin. in Verum, pag. 436.

monea, uva taminia, cinnamomum, styrax, rutæ semen, resina, narcissi semen, sal, nuces amaræ, ut oleum earum, atramentum futorium, chrysocola, concharum cinis.

CAP. VII.

Quæ exedant corpus.

EXEDUNT corpus, acaciæ succus, hebenus, ærugo, squama æris, chrysocola, cinis Cyprius, nitrum, cadmia, spuma argenti, hypocistis, diphryges, sal, auripigmentum, sulphur, eruca, sandaracha, salamandra, alcyonium, æris flos, chalcitis, atramentum futorium, ochra, calx, acetum, galla, alumen, lac caprifici, vel lactucæ marinæ, quæ πιδύμαλ@a Græcis nominatur, fel, thuris fuligo, spodium, lenticula, mel, oleæ folia, marrubium, lapis hæmatites, & a Phrygius, & Asius, & scissilis, misy, vinum, acetum.

CAP. VIII.

Quæ adurant. a

ADURUNT, auripigmentum, atramentum futorium, chalcitis, misy, ærugo, calx, charta combusta, sal, squama æris, fex combusta, myrrha, stercus & lacerti, & columbæ, & palumbi, & hirundinis, piper, coccum Gnidium, allium, diphryges, lac utrunque (quod proximo capite supra comprehensum est) veratrum & album & nigrum, cantharides, corallium, pyrethrum, thus, salamandra, eruca, sandaracha, uva taminia, chrysocola, ochra, alu-

a Plin. H. N. XXXVI. 19.

a Oribas. Synops. II. 48.

alumen scissile, ovillum stercus, cenanthe.

C A P. IX.

Quæ crustas ulceribus inducant.

EADEM fere crustas ulceribus tan- 5
quam igne adustis inducunt, sed præci-
pue chalcitis, utique si cocta est, flos æris,
ærugo, auripigmentum, misy, & id quo-
que magis coctum.

C A P. X.

Quæ crustas ulceribus resolvant.

CRUSTAS vero has resolvit, farina 10
triticea cum ruta, vel porro, aut len-
ticula, cui mellis aliquid adjectum est. 15

C A P. XI.

*Quæ discutiant ea, quæ in aliqua
parte corporis coierunt.*

AD discutienda vero ea, quæ in cor- 20
poris parte aliqua coierunt, maxime
possunt, abrotonum, helenium, amaracus,
alba viola, mel, liliū, sanfucus, cype-
rus, lac, fertula campana, serpyllum, cu-
pressus, cedrus, iris, viola purpurea, nar- 25
cissus, rosa, crocum, prasium, juncus qua-
dratus, nardum, cinnamomum, casia, am-
moniacum, cera, resina, uva taminia, spu-
ma argenti, styrax, ficus arida, tragoriga-
nus, lini & narcissi semen, bitumen, for- 30
des ex gymnasio, pyrites lapis, aut mo-
laris, crudus vitellus, amaræ nuces, sul-
phur.

C A P.

CAP. XII.

Quæ evocent, & educant.

5 **E**VOCAT & educit, ladanum, alumen rotundum, hebenus, lini semen, omphacium, fel, chalcitis, bdellium, resina terebinthina & pinea, propolis, ficus arida decocta, stercus columbæ, pumex, farina lolii, grossi in aqua cocti, elaterium,
10 lauri baccæ, nitrum, sal.

CAP. XIII.

Quæ exasperata lævent.

15 **L**ÆVANT id, quod exasperatum est, spodium, hebenus, gummi, ovi album, lac, tragacanthum.

CAP. XIV.

Quæ carnem nutriant, & ulcus impleant.

20 **C**ARNEM alunt, & ulcus implent, resina pinea, ochra a Attice, mel, asteriace, cera, butyrum. 255, 27.

CAP. XV.

Quæ molliant.

25 **M**OLLIUNT, æs combustum, terra Eretria, nitrum, papaveris lachryma, ammoniacum, bdellium, cera, fenum, adeps, oleum, ficus arida, sesamum,
30 fertula campana, narcissi & radix & semen, rosæ folia, coagulum, vitellus crudus, amaræ nuces, medulla omnis, stimmi, pix, cochlea cocta, cicutæ semen, plumbi retrimentum, σκωρίαν μολύβδῃς Græci vocant, 267, 17.

Q 4
2 Gorraeus Defin. Medic. V. ἄκρα.

cant, panaces, cardamomum, galbanum, resina, uva taminia, styrax, iris, balsamum, sordes ex gymnasio, sulphur, butyrum, ruta.

CAP. XVI.

Quæ cutem purgent.

CUTEM purgat mel, sed magis, si est cum galla, vel ervo, vel lenticula, vel marrubio, vel iride, vel ruta, vel nitro, vel ærugine.

CAP. XVII.

De misturis simplicium rerum; & de ratione ponderum.

EXPOSITIS simplicibus facultatibus, dicendum est, quemadmodum misceantur, quæque ex his fiant. Miscentur autem varie, neque hujus ullus modus est, cum ex similibus alia demantur, alia adjiciantur; iisdemque servatis, ponderum ratio mutetur. Itaque, cum facultatum materia non ita multiplex sit, innumerabilia misturarum genera sunt; quæ comprehendere si possent, tamen esset supervacuum. Nam & iidem effectus intra paucas compositiones sunt, & mutare eas cuilibet, cognitis facultatibus, facile est. Itaque contentus his ero, quas accepi velut nobilissimas. In hoc autem volumine eas explicabo, quæ vel desiderari in prioribus potuerunt; vel ad eas curationes pertinent, quas protinus hic comprehendam sic, ut tamen, quæ magis communia sunt, simul jungam. Si qua singulis, vel etiam paucis com-

mo-

modata sunt, in ipsorum locum differam.

Sed & ante sciri volo, in uncia pondus denariorum septem esse. Unius deinde denarii pondus dividi a me in sex partes, id
5 est sextantes *a*, ut idem in sextante denarii habeam, quod Græci habent in eo, quem ὀβολόν *b* appellant. Is ad nostra pondera *c* relatus paulo plus dimidio scrupulo facit.

10 2. Quid d Malagma, & Emplastrum, & Pastillus inter se differant.

Malagmata vero, atque emplastra, pastillique, quos τροχίσκος Græci vocant, cum plurima eadem habeant; differunt eo, quod malagmata maxime ex floribus eorumque
15 etiam surculis, emplastra pastillique magis ex quibusdam metallicis fiunt. Deinde malagmata contusa abunde mollescunt: nam super integram cutem injiciuntur: laboriose vero conteruntur ea, ex quibus emplastra pastillique fiunt; ne lædant vulnera,
20 cum imposita sunt. Inter emplastrum autem & pastillum hoc interest, quod emplastrum utique liquati aliquid accipit: in pastillo tantum arida medicamenta aliquo
25 humore junguntur. Tum emplastrum hoc modo fit. Arida medicamenta per se teruntur: deinde mistis his instillatur aut acetum, aut si quis alius non pinguis humor accessurus est; & ea rursus ex eo teruntur.
30 Ea vero, quæ liquari possunt, ad ignem simul liquantur; & si quid olei misceri debet, tum infunditur. Interdum etiam aridum aliquod ex oleo prius coquitur. Ubi facta sunt, quæ separatim fieri debuerunt,

in

a Rhod. de Ponderib. pag. 24. b Idem ibidem p. 27. c Idem ibidem pag. 24. d Reines. Variar. Lect. II. 8. pag. 189.

in unum omnia miscentur. At pastilli hæc ratio est. Arida medicamenta contrita humore non pingui, ut vino vel aceto, coguntur, & rursus coacta, inarescunt: atque, ubi utendum est, ejusdem generis humore 5 diluuntur. Tum emplastrum imponitur, pastillus illinitur, aut alicui molliori, aut cerato miscetur.

CAP. XVIII.

De Malagmatis. a

10

1. *Malagma adversus calidas podagras.*

HIS cognitis, primum malagmata subjiciam; quæ fere non sunt refrigerandi, sed calefaciendi causa reperta. Est tamen, quod refrigerare potest; ad calidas podagras aptum. Habet gallæ & immaturæ & alterius, coriandri seminis, cicutæ, lachrymæ aridæ, gummi, singulorum plenum acetabulum, cerati eloti, quod πεπλυμένον 20 Græci vocant, selibram. Reliqua fere calefaciunt. Sed quædam digerunt materiam, 263, quædam extrahunt, quæ ἐπισπαστικά vocantur: pleraque certis partibus membrorum accommodata sunt. 20. 25

2. *Malagma ad materiam extrahendam.*

SI materia extrahenda est, ut in hydro-pico, in lateris dolore, in incipiente abscessu, in suppuratione quoque medio-cri, aptum est id, quod habet resinæ aridæ, nitri, ammoniaci, galbani, singulorum P.*. ceræ P.*. Aut in quo hæc sunt: æruginis rasæ, thuris, singulorum P.ii.*. am-
moniaci

a *Ægineta VII. 18. Oribas. Synopsis. III.*

moniacci falis P. vi. *. squamæ æris, ceræ,
singulorum P. viii. *. resinæ aridæ. P. xii. *.
aceti cyathus. Idem præstat cumini farina
cum struthio, & melle P. ii. *.

5 3. *Malagma ad jecur dolens.*

Si jecur dolet, id in quo est balsami la-
chrymæ P. xii. *. costi, cinnamomi, cassiæ
corticis, myrrhæ, croci, junci rotundi, bal-
sami feminis, iridis illyricæ, cardamomi,
10 amomi, nardi, singulorum P. xvi. *. Qui-
bus adjicitur nardinum unguentum, do-
nec cerati crassitudo fit. Et hujus quidem
recentis usus est: si vero fervandum est, re-
sinæ terebinthinæ P. xvi. *. ceræ P. x. *. ex
15 vino leni contunduntur, & cum eo miscen-
tur.

4. *Malagma ad lienem.*

At, si lienis torquet, glandis, quam $\mu\nu-216$,
 $\rho\omicron\beta\acute{\alpha}\lambda\alpha\nu\omicron\nu$ Græci vocant, cortex & nitrum 15.
20 paribus portionibus contunduntur, resper-
gunturque aceto quam acerrimo: ubi cerati
crassitudinem habet, linteo, ante in aqua
frigida madefacto, inlinitur, & sic impo-
nitur, supraque farina hordeacea injicitur:
25 sed manere ibi non amplius sex horis de-
bet, ne lienem consumat: fatiusque est id
bis, aut ter fieri.

5. *Malagma commune pluribus.*

Commune autem & jecinori, & lieni, &
30 abscessibus, & strumæ, parotidibus, arti-
culis, calcibus quoque suppurantibus, aut
aliter dolentibus, etiam concoctioni ven-
tris, Lysias composuit ex his: opopanaxis,
galbani, resinæ, singulorum P. ii. *. am-
monia-

moniacy, bdellii, ceræ, sevi taurini, iridis aridæ P. iiii. *. cachryos acetabulo, piperis granis † quadraginta. quæ contrita irino unguento temperantur.

6. *Malagma ad laterum dolorem.*

5

Ad laterum autem dolores compositio est a Apollophanis: in qua sunt resinæ terebinthinæ, thuris fuliginis, singulorum P. iv. *. bdellii, ammoniaci, iridis: sevi aut vitulini, aut caprini a renibus, visci, singulorum P. iv. *. Hæc autem omnem dolorem levat, dura emollit, mediocriter calefacit.

10

7. *Ad idem Andreæ.*

Ad idem valet Andreæ quoque malagma, quod etiam resolvit, humorem educit, pus maturat, ubi id maturum est, cutem rumpit, & ad cicatricem perducit. Prodest impositum minutis majoribusque abscessibus: item articulis, & coxis, & pedibus dolentibus: item, si quid in corpore collisum est, reficit: præcordia quoque dura & inflata emollit: ossa extrahit: ad omnia denique valet, quæ adjuvare calor potest. Id habet ceræ P. xi. *. visci, sycamini, quam alias sycomorum vocant, lachrymæ, singulorum P. i. *. piperis & rotundi, & longi, ammoniaci thymiamatis, bdellii, iridis Illyricæ, cardamomi, xylobalsami, thuris masculi, myrrhæ, resinæ aridæ, singulorum P. x. *. pyrethri, cocci Gnidii, spumæ nitri, salis ammoniaci, radicis aristolochiæ Creticæ, cucumeris agrestis radicis, resinæ terebinthinæ liquidæ, singulorum

15

20

25

30

† *Rhodius de Ponderib. p. 26. a Oribas. Synops. III. Cæl. Aurel. Acut. M. II. 24. dicitur Polyarchion Marcell. de Medic. c. xx. Ægin. VII. 18.*

lorum P. xx. *. quibus adjicitur unguenti irini, quantum fatis est ad ea mollienda, atque cogenda.

8. *Malagmata ad resolvenda, quæ adstricta sunt; & mollienda, quæ dura sunt; & digerenda, quæ coeunt.*

Præcipuum vero est ad resolvenda, quæ adstricta sunt, mollienda, quæ dura sunt, digerenda, quæ coeunt, id, quod ad Polyarchum authorem refertur. Habet junci quadrati, cardamomi, thuris fuliginis, amomi, ceræ, resinæ liquidæ, pares portiones.

9. *Aliud malagma ad eadem.*

15 Aliud ad eadem Nilei: crocomagmatis, quod quasi recrementum ejus est, P. iv. *. ammoniaci thymiamatis, ceræ, singulorum P. xxx. *. ex quibus duo priora ex aceto teruntur, cera cum rosa liquatur, & tum omnia junguntur.

10. *Malagma Moschi ad molliendum.*

Proprie etiam dura mollit id, quod Moschi esse dicitur. Habet galbani unciam, thuris fuliginis P. iii. *. ceræ, ammoniaci 25 thymiamatis trientes †, picis aridæ P. ii. *. aceti heminas tres.

11. *Malagma Medii ad digerenda, quæ coeunt.*

Fertur etiam ad digerenda, quæ coeunt, sub authore Medo: quod habet ceræ P. iii. *. 30 panacis P. *. semis, squamæ æris, aluminis rotundi, item scissilis, singulorum P. i. *. plumbi combusti P. i. *. & semis.

12. *Malagma Panthemi ad eadem.*

Ad eadem Panthemus utebatur, calcis P. *.

† Rhodius de Ponderib. pag. 12.

P.*. semis, sinapis contriti, item fœni græci, aluminis, singulorum P. i. *. sevi bubuli P. ii. *. & semis.

13. *Malagma ad strumas.*

Ad strumam multa malagmata invenio. 5
Credo autem, quo pejus id malum est, minusque facile discutitur, eo plura esse tentata; quæ in personis varie responderunt. Andreas author est, ut hæc misceantur: urticæ feminis P. i. *. piperis rotundi, 10
bdellii, galbani, ammoniaci thymiamatis, resinæ aridæ, singulorum P. iv. *. resinæ liquidæ, ceræ, pyrethri, piperis longi: lactucæ marinæ feminis, sulphuris ignem non experti, quod ἀπυρον vocatur, pares por- 15
tiones.

14. *Aliud Miconis ad idem.*

Hoc autem Miconis c est: fecis aridæ, aceti, spumæ nitri, salis ammoniaci, sinapis, cardamomi, radicis cucumeris silvestris, resinæ, singulorum P. iv. *. Quæ ex le- 20
ni vino contunduntur.

15. *Aliud Malagma ad idem valens.*

Expeditius ad idem fit, quod habet visci, felini stercoreis, resinæ, sulphuris ignem non 25
expertis pares portiones. Et in quo est sulphuris P. i. *. lapidis, quem pyriten vocant, P. iv. *. cumini † acetabulum. Item in quo est lapidis ejusdem pars una, sulphuris duæ partes, resinæ terebinthinæ partes tres. 30

16. *Malagma ad strumam, & phymata.*

Arabis autem cujusdam est ad strumam, & orientia tubercula, quæ φύματα vocantur, quod hæc digerit. Habet myrrhæ, salis ammonia-

c Plin. H. N. XX. 23. Mictionis, ubi alii Myconis, meminit. † Jo. Rhodius de Ponderib. p. 34.

moniaci, thuris, resinæ & liquidæ & aridæ, crocomagmatis, ceræ, singulorum P. i. *. lapidis ejus, quem *πυρίτω* vocant, P. iv. *. quibus quidam adjiciunt sulphuris P. ii. *.

5 17. *Malagma ad strumam, & tubera, &*
καρκινώδη.

Est etiam proficiens in struma; & in his tuberibus, quæ difficulter concoquuntur; & in his, quæ *καρκινώδη* vocantur, quod ex
10 his constat: sulphuris P. ii. *. nitri P. iv. *. myrrhæ P. vi. *. fuliginis thuris P. *. semis, salis ammoniaci P. iii. *. ceræ P. i. *.

18. *Malagma Protarchi ad parotidas,*
& favum, & mala ulcera.

15 Protarchus autem ad *παρωτίδας* atque tubercula, quæ *μελικηρίδες*, id est favi, vel *φύματα* nominantur, item mala ulcera, pumicis, resinæ pineæ liquidæ, thuris fuliginis, spumæ nitri, iridis, singulorum P. viii. *. cum ceræ P. ix. *. miscebat, hisque olei
20 cyathum & dimidium adjiciebat.

19. *Malagma adversus panum, &*
phymata.

At adversus panum, tum primum orientem, quod *φύγεθλον* Græci vocant, & omne tuberculum, quod *φύμα* nominatur, miscetur ochra, quæ Attice nominatur, cum dua- 247,
bus partibus similæ, hisque, dum contun- 21.
duntur, subinde mel instillatur, donec ma-
30 lagmatis crassitudo sit.

20. *Malagma adversus phymata.*

Discutit etiam omne tuberculum, quod *φύμα* vocatur, id, quod habet calcis, spumæ nitri, piperis rotundi, singulorum P.
i. *.

1. *. galbani P. 11. *. falis P. 1v. *. quæ excipiuntur cerato ex rosa facto.

21. *Malagma ad supprimendū omne, quod abscedit.*

Supprimit quoque omne, quod abscedit, id, in quo est galbani, fabæ fressæ, singulorum P. 1. *. myrrhæ, thuris, corticis ex radice capparis, singulorum P. 1v. *. Satisque omnia abscedentia digerit murex combustus, & bene contritus, aceto subinde adjecto. 5 10

22. *Malagma ad sanguinem supprimendum.*

At, si plus satis sanguis subit, recte imponitur, quod adversus phymata quoque potest. Constat ex his: bdellii, styracis, ammoniaci, galbani, resinæ & aridæ & liquidæ pineæ; item ex lentisci, thuris, iridis, singulorum P. 11. *. 15

23. *Malagma ad carcinomata & phymata lenienda.*

Carcinomata vero & phymata commode his leniuntur: galbani, visci, ammoniaci, resinæ terebinthinæ singulorum P. 1. *. sevi taurini P. *. semis, fecis combustæ quam maxima portione, dum id siccius non faciat, quam esse malagma oportet. 20 25

24. *Malagma ad faciem contusam ejusque livorem.*

Quod si facie contusa livor subcruentus est, hæc compositio nocte & die imposita tollit. Aristolochiæ, thapsiæ, singulorum P. 11. *. bdellii, styracis, ammoniaci thymiamatis, galbani, resinæ aridæ, & ex lentisco liquidæ, thuris masculi, iridis Illyricæ, ceræ, singulorum P. 1v. *. Eidem faba quoque imposita proficit. 30 25.

25. *Malagmata ἀνασπομωτικά ad aperiendum.*

Sunt etiam quædam malagmata, quæ ἀνασπομωτικά Græci vocant, quoniam aperiendi vim habent. Quale est, quod ex his
 5 constat: piperis longi, spumæ nitri, singulorum P. ii. *. erysimi P. iv. *. quæ cum melle miscentur. Idoneaque etiam strumæ aperiendæ sunt. Ejus generis, vehementiusque ex his est, quod habet calcis P. iv. *. piperis grana sex, nitri, ceræ, singulorum P. x. *. 282.
 mellis P. iii. *. olei heminam.

26. *Miconis Malagma, ad resolvendum aperiendumque ac purgandum.*

Miconis quoque est, quod resolvit, aperit, purgat. Habet alcyonium, sulphur, nitrum, pumicem, pari pondere; quibus tantum picis, & ceræ adjicitur, ut fiat cerati crassitudo.

27. *Malagma ad ossa & nervos.*

Ad ossa autem Aristogenis, fit ex his: sulphuris P. i. *. resinæ terebinthinæ, nitri spumæ, & ex scilla partis interioris, plumbi eloti, singulorum P. ii. *. thuris fuliginis P. viii. *. ficus aridæ quam pinguiissimæ,
 25 sevi taurini, singulorum P. viii. *. ceræ P. xii. *. iridis Macedonicæ P. vi. *. fefami fricti acetabulum. maximeque nervis & articulis malagma hoc convenit.

28. *Malagma Euthyclei ad articulos, & ad omnem dolorem.*

Euthyclei quod est, & ad articulos, & ad omnem dolorem, & ad vesicæ, & ad recenti cicatrice contractos articulos, quas ἀγνύλας Græci nominant, conveniens, habet fu-

liginis thuris acetabulum, resinæ tantundem, galbani sine furculis fescunciam, ammoniaci, bdellii, singulorum P. *. ceræ P. *. semis. Aliud item fit, quod habet iridis, ammoniaci, galbani, nitri, singulorum 5 P. xiv. *. resinæ liquidæ P. vi. *. ceræ P. xvi. *.

29. *Malagma Sofagoræ ad dolores articulorum.*

Ad dolores articulorum Sofagoræ: plumbi combusti, papaveris lachrymæ, corticis 10 hyoscyami, styracis, peucedani, sevi, resinæ, ceræ par pondus.

30. *Chrysippi Malagma, ad idem valens.*

Est & Chrysippi: resinæ liquidæ, sandarachæ, piperis, singulorum P. xii. *. quibus 15 ceræ paululum adjicitur.

31. *Ctesiphontis Malagma ad idem valens, & ad parotidas, & phymata, & strumam.*

Ctesiphontis: ceræ Creticæ, resinæ terebinthinæ, nitri quam ruberrimi, singulorum 20 P. *. semis, olei cyathi tres. Sed id nitrum ante per triduum, instillata aqua, teritur, & cum sextario ejus incoquitur, donec omnis humor consumatur. Prodest vero ea compositio etiam ad parotidas, phy- 25 mata, strumam, omnemque coitum humoris emolliendum.

32. *Malagma ad articulos.*

Ad articulos, fici quoque aridæ partem nepetæ mistam; vel uvam taminiam sine se- 30 minibus cum pulegio recte aliquis imponit.

33. *Malagma Aristonis, adversus podagras, & recentia phymata, & omnes dolores.*

Eadem podagræ præsidio sunt. Sed ad eam

eam fit Aristonis quoque, quod habet nardi, cinnamomi, cassiæ, chanæleontis, junci rotundi, singulorum P. viii. *. sevi caprini ex irino liquati P. xx. *. iridis P. i. *.

5 quæ in aceto quam acerrimo jacere per xx. dies debet. Idem autem etiam recentia phymata doloresque omnes discutit.

34. *Theoxeni Malagma ad pedum dolores.*

10 At Theoxenus ad pedum dolores, sevi arenibus partem tertiam, salis partes duas miscebat, hisque membranulam illitam imponebat; tum superinjiciebat ammoniacum thymiama in aceto liquatum.

35. *Numenii Malagma ad podagram,*

15 *cæterosque articulos induratos.*

At Numenius podagram, cæterosque articulos induratos hoc molliebat: abrotoni, rosæ aridæ, papaveris lachrymæ, singulorum P. iiii. *. resinæ terebinthinæ P. iv. *. 20 thuris, spumæ nitri, singulorum P. viiii. *. iridis, aristolochiæ, singulorum P. xii. *. ceræ P. iiii. *. quibus adjicitur cedriæ cyathus unus, olei laurini cyathi tres, olei acerbi sextarius.

25 36. *Dexii Malagma, si quando callus in articulis increvit.*

Si quando autem in articulis callus increvit, Dexius docuit imponere, calcis P. iv. *. cerussæ P. viiii. *. resinæ pineæ P. xx. *. 30 peris grana xxx. ceræ P. ii. *. Quibus, dum contunduntur, hemina vini lenis instillatur.

CAP. XIX.

De Emplastris. a

EX emplastris autem nulla majorem u-
sum præstant, quam quæ cruentis pro- 5
tinus vulneribus injiciuntur. *ἐναιμα* Græci
vocant. Hæc enim reprimunt inflammatio-
nem, nisi magna vis eam cogit; atque tum
illius quoque impetum minuunt, & gluti-
nant vulnera, quæ id non patiuntur, & ci- 10
atricem iisdem inducunt. Constant autem
ex medicamentis non pinguibus, ideoque
ἀλίπαντα a Græcis nominantur.

1. *Barbarum Emplastrum nigrum, quod cruen-
tis protinus vulneribus injicitur.* 15

Optimum ex his est, quod Barbarum *b* no-
minatur. Habet enim æruginis rasæ P. xii. *.
spumæ argenti P. xx. *. aluminis, picis ari-
dæ, resinæ pineæ aridæ, singulorum P. i. *.
quibus adjiciuntur olei & aceti singulæ he- 20
minæ.

2. *Choacon Emplastrum nigrum, ad idem valens.*

Alterum ad idem, quod Choacon vocant,
habet spumæ argenti P. x. *. resinæ aridæ
tantundem. sed spuma prius ex tribus olei 25
heminis coquitur. His duobus emplastris co-
lor niger est. qui fere talis fit, ex pice at-
que resina: ut ex bitumine nigerrimus; ex
ærugine, aut æris squama, viridis; ex mi-
nio ruber; ex cerussa, albus. 30

3. *Basilicon Emplastrum nigrum ad idem. c*

Paucæ admodum compositiones sunt,
in quibus aliquid misturæ varietas novat.
Ergo id quoque nigrum est, quod *βασιλικόν*
nominantur.

a *P. Ægineta VII. 17.* b *Scribon. Larg. c.*
LXXVII. c. 207. c *Oribas. Synopsis. III.*

nominatur. Habet opopanax P. i. *. galbani P. ii. *. picis, & resinæ, singulorum P. x. *. olei dimidium cyathum.

4. *Smaragdinum Emplastrum ad idem.*

5 At, quod perviride est, Smaragdinum appellatur. in quo sunt resinæ pineæ P. iii. *. ceræ P. i. *. æruginis P. *. semis, thuris pollinis P. ii. *. olei tantundem, & aceti, quo pollen & ærugo in unum cogantur.

10 5. *Emplastrum rufum ad idem.* d

Est etiam coloris fere rufi, quod celeriter ad cicatricem vulnera perducere videtur. Habet thuris P. i. *. resinæ P. ii. *. squamæ æris P. iii. *. spumæ argenti P. xx. *. ceræ P. c. *. olei heminam.

6. *Παρακολλητικὸν Emplastrum ad idem.*

Præterea est, quod παρακολλητικὸν a glutinando vocant. Constat ex his: bituminis, aluminis scissilis P. iv. *. spumæ argenti P. 20 iv. *. & olei veteris hemina.

7. *Cephalicum Emplastrum Philotæ, capiti conveniens.*

Præterea sunt quædam generis ejusdem, quæ, quia capitibus fractis maxime con- 25 veniunt, κεφαλικά a Græcis nominantur. Philotæ compositio habet terræ Eretriæ, chalcitidis, singulorum P. iv. *. myrrhæ, æris combusti, singulorum P. x. *. ichthyo- collæ P. vi. *. æruginis rasæ, aluminis ro- 30 tundi, misyos crudi, aristolochiæ, singulorum P. viii. *. squamæ æris P. xx. *. thuris masculi P. ii. *. ceræ P. i. *. rosæ, & olei acerbi, ternos cyathos, aceti quantum satis est, dum arida ex eo conteruntur.

R 3

8. Em-

a Scribon. Larg. c. LXXXIII.

8. *Emplastrum viride ad idem valens.*

Aliud ad idem viride. Habet æris combusti, squamæ æris, myrrhæ, ichthyocol-
læ, singulorum P. vi. *. misyos crudi, æru-
ginis rasæ, arilolochiæ, aluminis rotundi, 5
singulorum P. viii. *. ceræ P. vi. *. olei hemi-
nam, aceti quod satis sit.

9. *Tetrapharmacum Emplastrum,
ad pus movendum.* e

Puri autem movendo non aliud melius, 10
quam quod expeditissimum est, & † τετρα-
φάρμακον a Græcis nominatur. Habet pares
portiones ceræ, picis, resinæ, sevi taurini;
si id non est, vitulini.

10. *Enneapharmacum Emplastrum, ad pus
movendum, & ad purgandum valens.* 15

Alterum ad idem, † ἐννεαφάρμακον nomi-
natur; quod magis purgat. Constat ex no-
vem rebus, cera, melle, sevo, resina, myr-
rha, rosa, medulla vel cervina vel vituli- 20
na vel bubula, æsypo, butyro. Quorum
quoque pondera paria miscentur.

11. *Emplastra, quibus utriusque rei facultas est.*

Sunt autem quædam emplastra, quibus u-
triusque rei facultas est. quæ, nisi singula 25
habenda sit, meliora sunt; alias deteriora,
nec, nisi cum utraque opus est, aut in sin-
gulis singulorum inopia, utenda veniunt:
sed in copia rejicienda sunt; his potius ad-
hibitis, quæ id proprie, quod eo tempore 30
opus est, consequuntur. Exempli causa duo
proponam.

Attalum Emplastrum ad vulnera.

Est igitur ad vulnera Attalum: quod ha-
bet

e Scribon. Larg. cap. LXXXI. c. 211. † Casaub.
ad Spartiani Adrianum c. 21. pag. 192. † Idem
ibidem & pag. 232.

bet squamæ æris P. vi. *. thuris fuliginis P. xv. *. ammoniaci tantundem, resinæ terebinthinæ liquidæ P. xxv. *. sevi taurini tantundem, aceti heminas tres, olei sextarium.

5 *Judæi Emplastrum, fracto capiti accommodatum.*

At inter ea, quæ fracto capiti accommodantur, habent quidam id, quod ad authorem Judæum refertur. Constat ex his:
 10 salis P. iv. *. squamæ æris rubri, æris combusti, singulorum P. xii. *. ammoniaci thymiamatis, thuris fuliginis, resinæ aridæ, singulorum P. vi. *. resinæ Colophonæ, ceræ, sevi vitulini curati, singulorum P. xx.
 15 *. additur aceti sesquicyathus, olei minus 271, 8. cyatho †. Quæ τεθεραπεία Græci appellant, nos curata vocamus; cum ex sevo puta omnes membranulæ diligenter exemptæ sunt, aut ex alio medicamento.

20 *12. Emplastra ἐπισπαστικά. g*

Sunt etiam quædam emplastra nobilia ad extrahendum. quæ ipsa quoque ἐπισπαστικά nominantur. Quale est, quod, quia lauri baccas habet, ἄλγ' δ' ἀπρίδων appellatur. In eo
 25 est, resinæ terebinthinæ P. x. *. nitri, ceræ, picis aridæ, baccarum lauri, singulorum P. xx. *. olei paululum. Quoties autem baccam, aut nucem, aut simile aliquid posuero, scire oportebit, antequam expendatur,
 30 ei summam pelliculam esse demendam.

13. Aliud, ἄλγ' δ' ἀπρίδων, ad extrahendum, & pus movendum.

Aliud eodem nomine, quod puri quoque movendo est. Sevi vitulini, ammo-

R 4

niaci

f Aëtius Tetrab. IV. Serm. III. 14. † Rhodius de Ponderib. & Mensur. p. 35. g Scribon. Larg. cap. LXXXVI.

niaci thymiamatis, picis, ceræ, nitri, bac-
carum lauri, resinæ aridæ, aristolochiæ, py-
rethri, pares portiones.

14. *Philocratis Emplastrum, ad extrahendum,
& pus movendum.* 5

Præter hæc, est Philocratis: quod habet
salis ammoniaci P. vii. *. aristolochiæ P.
viii. *. ceræ, resinæ terebinthinæ, fuligi-
nis thuris, singulorum P. xv. *. spumæ ar-
genti P. xxxii. *. Quibus, ut pus quoque 10
moveant, iridis P. iii. *. galbani P. vi. *.
adjiciuntur.

15. *ῤυπῶδες Emplastrum, ad extrahendum.*

Optimum tamen ad extrahendum est id
quod a similitudine sordium ῤυπῶδες Græci 15
appellant. Habet myrrhæ, croci, iridis,
propolis, bdellii, capitulorum punici ma-
li, aluminis scissilis & rotundi, misyos,
chalcitidis, atramenti futorii cocti, opopa-
naxis, salis ammoniaci, visci, singulorum 20
P. iv. *. aristolochiæ P. viii. *. squamæ æris
P. xvi. *. resinæ terebinthinæ P. lxxv. *. ce-
ræ, & sevi vel taurini vel hircini, singulo-
rum P. c. *.

16. *Emplastrum Hecatæi, ad extrahendum.* 25

Hecatæo quoque authore emplastrum ge-
neris ejusdem fit ex his: galbani P. ii. *.
fuliginis thuris P. iv. *. picis P. vi. *. ce-
ræ, & resinæ terebinthinæ, singulorum P.
viii. *. quibus paulum irini unguenti mi- 30
scetur.

17. *Alexandrinum Emplastrum viride, ad
extrahendum.*

Valensque ad idem emplastrum viride
Ale-

Alexandrinum est. Habet aluminis scissilis P. viii. *. falis ammoniaci P. vii. *. squamæ æris P. xvi. *. myrrhæ, thuris, singulorum P. xviii. *. ceræ P. cl. *. resinæ Colophonix aut pineæ P. cxc. *. olei heminam, aceti sextarium.

18. *De Emplastris exedentibus.*

Quædam autem sunt emplastra exedentia, quæ *συνπικνέ* Græci vocant. quale est id, quod habet resinæ terebinthinæ, fuliginis thuris, singulorum P. ii. *. squamæ æris P. i. *. ladani P. ii. *. aluminis tantundem, spumæ argenti P. iv. *.

19. *Emplastrum, quod exest corpus, ossa resolvit, & supercrescentem carnem coercet.*

Exest etiam vehementer corpus, atque ossa quoque resolvit, & supercrescentem carnem coercet id, quod habet spumæ argenti, squamæ æris, uncias singulas; nitri ignem non experti, lapidis Asii, aristolochiæ P. sextantes †, ceræ, resinæ terebinthinæ, thuris, olei veteris, atramenti sutorii, falis ammoniaci P. semis, æruginis rasæ P. † bessem, aceti scillitici heminam, vini aminæi tantundem.

20. *Emplastra adversus morsus, & alia recentiora vulnera.*

Emplastrum Diogenis nigrum.

Sunt etiam adversus morsus quædam accommodata; quale est Diogenis nigrum: quod habet bituminis, ceræ, resinæ pineæ aridæ, singulorum P. xx. *. spumæ argenti P. c. *. olei § sextarium. Aut in quo sunt squamæ æris P. iv. *. cerussæ, & æruginis rasæ fin-

† Jo. Rhodius de Ponderib. pag. 13. † Idem ibidem p. 11. 12. § Idem ibidem pag. 27.

singulorum P. viii. *. ammoniaci P. xii. *. ceræ, resinæ pineæ, singulorum P. xxv. *. spumæ argenti P. c. *. olei sextarium. Aut in quo sunt squamæ æris P. xiv. *. galbani P. vi. *. cerussæ, & æruginis rasæ, singulorum P. viii. *. ammoniaci P. xii. ceræ, resinæ pineæ, singulorum P. lv. *. ex quibus spuma argenti concoquitur.

21. *Ephesium Emplastrum rubrum, ad idem valens.* 10

Rubrum quoque emplastrum, quod Ephesium vocatur, huc aptum est. Habet resinæ terebinthinæ P. ii. *. galbani P. iv. *. minii sinopici P. vi. *. thuris fuliginis P. vi. *. ceræ P. viii. *. spumæ argenti P. lvi. *. olei 15 veteris heminam.

22. *Aliud Emplastrum, ad idem valens.*

Item id, quod ex his constat; squamæ æris, thuris fuliginis, singulorum P. iv. *. galbani P. vi. *. salis ammoniaci P. xii. z. *. 20 ceræ P. xxv. *. olei tribus heminis. Hæc autem aliis quoque recentioribus vulneribus recte imponuntur.

23. *Λευκά Emplastra, non gravibus vulneribus accommodata, & maxime senilibus.* 25

Sunt etiam alba lenia, λευκά Græci vocant, fere non gravibus vulneribus accommodata, præcipueque senilibus. Quale est quod habet cerussæ P. lvi. *. sevi vitulini curati, & ceræ, singulorum P. lvi. *. 30 olei heminas tres, ex quibus ea cerussa concoquitur.

24. *Elephantinum Emplastrum.* a

Aliud, quod habet cerussæ P. xx. *. ceræ P. lv. *.

a Oribas. Synops. l. iii.

P. lv. *. olei heminam, aquæ sextarium. Quæ quoties adjiciuntur cerussæ vel spumæ argenti, scire licet, illa ex his coquenda esse. Est autem ea percandida compositio, 5 quæ supra posita est, ideoque elephantina nominatur.

25. *Lenia Emplastra.*

Lenia quoque quædam emplastra sunt, quæ *b* λιπαρά fere Græci nominant; ut id 10 quod habet minii P. iv. *. spumæ argenti P. xxv. *. ceræ, & adipis suillæ, singulorum P. xxxv. *. vitellos ovorum quatuor.

26. *Emplastrum lene.*

Alia compositio generis ejusdem: ceræ, 15 resinæ terebinthinæ, singulorum P. v. *. cerussæ P. viii. *. spumæ argenti, plumbi retrimenti, (σπορίαν μολύβδου Græci vocant) 247, singulorum P. x. *. cicini olei, & myrtei, 34. singulorum heminæ tertia.

27. *Archagathi Emplastrum lene.*

Alia, quæ ad authorem Archagathum refertur: misyos cocti, æris combusti, singulorum P. iv. *. cerussæ coctæ P. viii. *. resinæ terebinthinæ P. x. *. spumæ argenti 25 P. vi. *.

28. *Emplastra ejusdem generis, ad leniendum apta.*

Etiamnum generis ejusdem: spumæ argenti, ceræ, adipis suillæ, singulorum P. xxvii. *. vitelli cocti, rosæ hemina. Aut 30 compositio hæc: cerati ex oleo myrteo facti partes tres, adipis suillæ pars quarta, paululum ex plumbi retrimento. Aut hæc compositio: spumæ argenti *c* selibra, ex olei hemina, & aquæ marinæ altera, cocta donec

b Plin. XXIII.9. & XXXIII.6. *c* Rhodius de Ponderib. pag. 12.

nec bullire desierit, cui paulum ceræ sit ad-
jectum. Aut hæc: pares portiones ceræ,
sevi, stibii, spumæ argenti, cerussæ.

C A P. XX.

De Pastillis.

*Et primo de his, qui ad recentia vulnera
glutinanda, sanandaque apti sunt.*

PASTILLI quoque facultates diver-
sas habent. Sunt enim ad recentia vul- 10
nera glutinanda sanandaque apti. Qualis
est, qui habet chalcitidis, misyos, spumæ
nitri, floris æris, gallæ, aluminis scissilis
modice cocti, singulorum P. i. *. æris com-
busti, capitulorum mali punici, singulorum 15
P. iiii. *. Hunc oportet diluere aceto, ac
sic, ubi vulnus glutinandum est, illinere.
At, si nervosus aut musculosus is locus est,
commodius est cerato miscere, sic ut illius
octo partes, nona hujus sit. 20

1. *Alius Pastillus ad glutinanda vulnera.*

Alius ad idem. Constat ex his: bitumi-
nis, aluminis scissilis, singulorum P. i. *.
æris combusti P. iv. *. spumæ argenti P. xi. *.
olei sextario. 25

2. *De Spbragide Pastillo, quem Polyidas
confecit ad glutinandum vulnus.*

Sed longe Polyidæ d. celeberrimus est:
σπραγίς autem nominatur. Qui habet alu-
minis scissilis P. iv. *. atramenti futorii 30
P. ii. *. myrrhæ P. v. *. aloes tantundem,
capitulorum punici mali, fellis taurini, sin-
gulorum P. vi. *. quæ contrita vino austero
excipiuntur.

3. *Pastil-*

d Cælius Aurelian. de Acut. Morb. III. 3.

3. *Pastillus ad ulcera sordida, & nigritiem in auribus, naribus, & in obscænis partibus, inflammationesque eorum.*

Ad ulcera sordida, & nigritiem in auribus, naribus, obscænis partibus, inflammationesque eorum: chrysocollæ P. i. *. atramenti futorii, aluminis scissilis, singulorum P. ii. *. halicacabi corticis P. iv. *. minii P. vi. *. spumæ argenti P. xii. *. cerusæ P. xvi. *. quæ ex aceto coguntur, & ubi utendum est, diluuntur.

4. *Pastillus Andronis ad uvam inflamatam, ad naturalia sordida, etiam cancro laborantia.*

Andronis e vero est ad uvam inflamatam, ad naturalia sordida, etiam cancro laborantia: gallæ, atramenti futorii, myrrhæ, singulorum P. i. *. aristolochiæ, aluminis scissilis, singulorum P. ii. *. capitulorum punici mali P. xxv. *. ex passo coactorum & cum usus exigit, aceto vel vino dilutorum, prout valentius aut levius vitium est, cui medendum est.

5. *Pastillus ad fissa ani, vel ora venarum fundentia sanguinem, vel cancerum.*

Proprie autem ad ani fissa, vel ora venarum fundentia sanguinem, vel cancerum valet: æruginis P. ii. *. myrrhæ P. iv. *. gummi P. viii. *. thuris P. xii. *. stibii, lachrymæ papaveris, acaciæ, singulorum P. xvi. *. quæ ex vino & teruntur, & in ipso usu deliquantur.

6. *Pastillus ad expellendum calculum ex vesica.*

Expellere autem ex vesica cum urina calculum videtur hæc compositio: cassiæ, croci,

e Oribas. Synops. III. Galen. de Comp. Med. secund. loc. III. 3.

croci, myrrhæ, costi, nardi, cinnamomi, dulcis radicis, balsami, hyperici pares portiones conteruntur; deinde vinum lene instillatur, & pastilli fiunt, qui singuli habeant P. i. *. hique singuli quotidie mane jejuno dantur. 5

CAP. XXI.

De Pessis.

HÆC tria compositionum genera, id est, quæ in malagmatis, emplastris, pastillisque sunt, maximum præcipueque varium usum præstant. Sed alia quoque utilia sunt: ut ea quæ fœminis subjiciunt. πεισσεῖς Græci vocant. Eorum hæc proprietas est: medicamenta composita molli lana excipiuntur, eaque lana naturalibus conditur. 10 15

1. *Ad sanguinem evocandum.*

Ad sanguinem autem evocandum, cauneis duabus adjicitur nitri P. i. *. aut allii semen conteritur, adjicitur myrrhæ paululum, & unguento fusino miscetur. Aut cucumeris sylvestris pars interior ex lacte muliebri diluitur. 20 25

2. *Ad vulvam molliendam.*

Ad vulvam molliendam, ovi vitellus, & fœnum Græcum, & rosa, & crocum temperantur. Aut elaterii P. iii. *. salis tantundem, uvæ taminix P. vi. *. melle excipiuntur. 30

3. *Alia Pessi compositio, ad idem valens.*

Aliud Boetho a authore: quod habet croci, resinæ terebinthinæ, singulorum P. iv. *. 35

myr-

a Ejus meminit Cicero de Divin. II. 21.

myrrhæ P. iiii. *. rosæ P. i. *. fevi vitulini
P. iiii. *. ceræ P. ii. *. miscentur.

4. *Ad inflammationes vulvæ Numenii Pessus.*

Optima autem adversus inflammationes
5 vulvæ Numenii compositio est, quæ habet
croci P. iiii. *. ceræ P. i. *. butyri P. viiii. *.
adipis anserinæ P. xii. *. vitellos coctos duos,
rosæ minus cyatho. 263,

5. *Ad ejiciendum e vulva infantem mortuum.* 15.

10 Si vero infans intus decessit, quo facilius
ejiciatur, malicorium ex aqua terendum,
eoque utendum est.

6. *Si mulier vitio locorum concidit, qua
curatione utendum sit.*

15 Si concidere vitio locorum mulier solet,
cochleæ cum testis suis comburendæ, conte-
rendæque, deinde his mel adjiciendum.

7. *Si mulier non comprehendit.*

Si non comprehendit, adeps leonina ex V. supra
20 rosa mollienda est. xvii,

C A P. XXII. 28.

De medicamentis, quibus aridis utimur.

1. *Ad carnem supercrescentem exedendam.*

25 **Q**UÆDAM mixturæ medicamentorum
sunt, quibus aridis neque coactis uti-
mur sic, ut inspergamus; aut cum
aliquo liquido mixta illinamus: quale est,
ad carnem supercrescentem exedendam,
quod habet squamæ æris, fuliginis thuris,
30 singulorum P. i. *. æruginis P. ii. *. Hæc
autem eadem cum melle purgant ulcera;
& cum cera, implent. Misy quoque &
galla, si paribus portionibus misceantur,
corpus consumunt: eaque vel arida in-
sper-

spergere licet, vel excepta cadmia illinire.

2. *Ad putrem carnem continendam, ne ultra
serpat, eamque leniter exedendam,
plures compositiones.*

Putrem vero carnem continet, neque ul- 5
tra serpere patitur, & leniter exest, mel
vel cum lenticula, vel cum marrubio, vel
cum oleæ foliis, ante ex vino decoctis.
Item fertula campana in mulso cocta, de-
inde contrita. Aut calx cum cerato. Aut 10
amaræ nuces cum allio, sic ut hujus pars
tertia sit, paululumque his croci adjiciatur.
Aut quod habet spumæ argenti P. vi. *. cor-
nu bubuli combusti P. xii. *. olei myrtei, &
vini cyathos ternos. Aut quod ex his con- 15
stat: floris punici mali, atramenti sutorii,
aloes, singulorum P. ii. *. aluminis scissilis,
thuris, singulorum P. iv. *. gallæ P. viii. *.
aristolochiæ P. x. *. Vehementius idem fa-
cit, etiam adurendo, auripigmentum cum 20
chalcitide, & aut nigro, aut calce, aut charta
combusta. Item sal cum aceto. Vel ea com-
positio, quæ habet chalcitidis, capitulorum
mali punici, aloes, singulorum P. ii. *. alu-
minis scissilis, thuris, singulorum P. iv. *. 25
gallæ P. viii. *. aristolochiæ. P. x. *. mellis
quantum satis sit ad ea cogenda. Vel can-
tharidum, sulphuris, singulorum P. i. *. lo-
lii P. iii. *. quibus adjicitur picis liquidæ
quantum satis est ad jungendum. Vel chal- 30
citis quoque cum resina & ruta mixta: aut
cum eadem resina diphryges: aut uva ta-
minia cum pice liquida. Idem vero possunt
& feces vini combustæ, & calcis & nitri
pares

pares portiones. Vel aluminis scissilis P. i. thuris, sandarachæ, nitri, singulorum P. i. *. gallæ P. viii. *. aristolochiæ P. x. *. mellis quantum satis est.

5 3. *Heræ compositio.* a

Est etiam Heræ compositio, quæ habet myrrhæ, chalcitidis, singulorum P. ii. *. aloes, thuris, aluminis scissilis, singulorum P. iv. *. aristolochiæ, gallæ immaturæ, singulorum P. viii. *. malicorii contriti P. xx. *.

4. *Judæi compositio.*

Est & Judæi: in qua sunt calcis partes duæ, nitri quam ruberrimi pars tertia: quæ
15 urina impuberis pueri coguntur, donec strigmenti crassitudo sit. Sed subinde is locus, cui id illinitur, madefaciendus est.

5. *Jollæ compositio.*

At Jollas, chartæ combustæ, sandarachæ, 20 singulorum P. i. *. calcis P. ii. P. auripigmenti tantundem miscebat.

6. *Ad sanguinis profluvia vel ex membrana cerebri, vel aliis locis; & ad cancrum, & ad inducendam cicatricem, & ad*
25 *coercendam carnem incrementem.*

Si vero ex membrana, quæ super cerebrum est, profluit sanguis, vitellus combustus & contritus inspergi debet. Si ex alio loco sanguinis profluvium est, auripigmenti, squamæ æris, singulorum P. i. *. sandarachæ P. ii. *. marmoris cocti P. iv. *. inspergi debent. Eadem cancro quoque ob-
30 sistunt. Ad inducendam cicatricem, squamæ æris, thuris fuliginis, singulorum
S P. ii. *.

a Oribas. Synops. Lib. III. de Pastillis.

P. ii. *. calcis P. iv. P. Eadem incrementem quoque carnem coercent.

7. *Timæi compositio ad ignem sacrum, vel cancrum.*

Timæus autem ad ignem sacrum, & ad 5 cancrum his utebatur: myrrhæ P. ii. *. thuris, atramenti futorii, singulorum P. iii. *. sandarachæ, auripigmenti, squamæ æris, singulorum P. iv. *. gallæ P. vi. *. cerussæ combustæ P. viii. *. Eadem vel arida in- 10 sperfa, vel melle excepta idem præstant.

8. *Ad sternutamenta excitanda.*

Sternutamenta vero & albo veratro, vel struthio coniecto in nares excitantur. vel 15 his mixtis. piperis, veratri albi, singulorum P. *. iii. castorei P. i. *. spumæ nitri P. ii. *. struthii P. iii. *.

9. *Gargarizationes quibus fieri debeant.*

Gargarizationes autem aut lævandi causa 20 fiunt, aut reprimendi, aut evocandi. Lævant, lac, cremor vel ptisanæ, vel furfurum. Reprimit autem aqua, in qua vel lenticula, vel rosa, vel rubus, vel cotoneum malum, vel palmulæ decoctæ sunt. Evocant, sinapi, 25 piper.

C A P. XXIII.

De Antidotis, & quibus malis opitulentur.

ANTIDOTA raro, sed præcipue 30 interdum necessaria sunt, quia gravissimis casibus opitulantur. Ea recte quidem dantur collisis corporibus vel per ictus, vel ubi ex alto deciderunt, vel in viscerum, late-

laterum, faucium, interiorumque partium doloribus. Maxime autem desideranda sunt adversus venena, vel per morsus, vel per cibos, aut potiones nostris corporibus inserta.

5 *1. Compositio antidoti.*

Unum est, quod habet lachrymæ papaveris P. *. z. acori, malabathri P. v. *. iridis Illyricæ, gummi, singulorum P. ii. *. anisi P. iii. *. nardi Gallici, foliorum rosæ
10 aridorum, cardamomi, singulorum P. iv. *. petroselinii P. *. iii. z. trifolii P. v. *. cassiæ nigrae, filis, bdellii, carpobalsami, feminis papaveris albi, singulorum P. *. z. styracis P. *. v. z. myrrhæ, opopanax, nardi Syri,
15 thuris masculi, hypocistidis succi, singulorum P. vi. *. castorei P. vi. *. costi, piperis albi, galbani, resinæ terebinthinæ, croci, floris junci rotundi, singulorum P. vi. *. z. dulcis radicis P. viii. *. z. quæ melle vel
20 passo excipiuntur.

2. Aliud antidotum, a Ambrosia nominatum; quod Zopyrus Ptolemæo regi composuit.

Alterum, quod Zopyrus regi Ptolemæo dicitur composuisse, atque Ambrosiam nominasse, ex his constat: costi, thuris masculi, singulorum P. v. *. piperis albi P. *. z. floris junci rotundi P. ii. *. cinnamomi P. iii. *. cassiæ nigrae P. iv. *. croci Cilicii P. *. iv. z. myrrhæ, quam staeten nominant,
30 P. v. *. nardi Indici P. *. v. z. quæ singula contrita melle cocto excipiuntur: deinde, ubi utendum est, id, quod b Ægyptiæ fabæ magnitudinem impleat, in potione vini diluitur.

S 2

3. An-

a Ambrosiæ Junii Crispi meminit Marcellus de Medic. cap. XXIII. pag. 345. b Rhodius de Ponderib. p. 25.

3. *Antidotum Mithridatis*. c

Nobilissimum autem est Mithridatis. quod
 quotidie fumendo rex ille dicitur adversus
 venenarum pericula tutum corpus suum red-
 didisse. In quo hæc sunt: costi P. *. z. 5
 acori P. v. *. hyperici, cumini, sagapeni,
 acaciæ succi, iridis Illyricæ, cardamomi,
 singulorum P. ii. *. anisi P. iii. *. nardi
 Gallici, gentianæ radicis, aridorum rosæ
 foliorum, singulorum P. iv. *. papaveris la- 10
 chrymæ, petroselini, singulorum P. *. iv. z.
 cassiæ, fileris, lolii, piperis longi, singu-
 lorum P. vi. *. styracis P. *. v. z. castorei,
 thuris, hypocistidis succi, myrrhæ, opopa-
 naxis, singulorum P. vi. *. malabathri fo- 15
 lij P. vi. *. floris junci rotundi, resinæ te-
 rebinthinæ, galbani, dauci Cretici seminis,
 singulorum P. *. v. z. nardi, opobalsami,
 singulorum P. *. vi. z. thlaspis P. *. vi. ra-
 dicis Ponticæ P. vii. *. croci, zinziberis, 20
 cinnamomi, singulorum P. *. viii. Hæc con-
 trita melle excipiuntur, & adversus vene-
 num, quod magnitudinem nucis Græcæ im-
 pleat, ex vino datur. In cæteris autem af-
 fectibus corporis pro modo eorum, vel quod 25
 d. Ægyptiæ fabæ, vel ervi magnitudinem im-
 pleat, satis est.

CAP. XXIV.

De Acopis. a1. *Acopum nervis utile*.

ACOPA quoque utilia nervis sunt.
 Quale est, quod habet floris jun-
 ci rotundi P. *. ii. zz. costi, junci qua-
 drati,

c *Plin. H. N. XXIII. 8.* d *J. Rhodius de Pon-
 derib. p. 26.* a *Scribon. Larg. cap. CLIV. c. 26.*

drati, lauri baccarum, ammoniaci, cardamomi, singulorum P. *. iv. z. myrrhæ, æris combusti, singulorum P. vii. *. iridis Illyricæ, ceræ, singulorum P. iv. *. Alexandrini calami, junci rotundi, aspalathi, xyloballami, singulorum P. xviii. *. sevi P. i. *. unguenti irini cyathum.

2. *Acopum Eleodes, nervis utile.*

Alterum, quod ἐλαῶδες vocant, hoc modo fit: ceræ P. *. z. olei tantundem, resinæ terebinthinæ ad nucis juglandis magnitudinem; simul incoquuntur: deinde infusa in mortario teruntur, instillaturque subinde quam optimi mellis acetabulum, tum irini unguenti, & rosæ terni cyathi.

3. *Εὐχρισά ad ulcera purganda & implenda.*

Εὐχρισά autem Græci vocant liquida, quæ illinuntur. Quale est, quod fit ad ulcera purganda & implenda, maxime inter nervos, paribus portionibus inter se mixtis, butyri, medullæ vitulinæ, sevi vitulini, adipis anserinæ, ceræ, mellis, resinæ terebinthinæ, rosæ, olei cicini. Quæ separatim omnia liquantur, deinde liquida miscentur, & tum simul teruntur. Et hoc quidem magis purgat: magis vero emollit, si pro rosa cyprus infunditur.

4. *Ad sacrum ignem.*

Ad sacrum ignem: spumæ argenti P. vi. *. cornu bubuli combusti P. ii. *. conteruntur, adjiciturque invicem vinum, & id, quod specialiter b sic vocatur, & myrteum, donec utriusque terni cyathi conficiantur.

S 3

CAP.

b Omnes edit. Sil. cujus meminit Plin. H. N. XXXIII. 13. Plura loca congeffit Rhodius ad Scribon. Larg. cap. XXX. c. 126. & in Lexico.

CAP. XXV.

De Catapotiis.

1. *Catapotium ad somnum accersendum, & levationem doloris, & simul ad coquendum.* 5

CATAPOTIA quoque multa sunt, variisque de causis fiunt. Ἀνώδυνα vocant, quæ somno dolorem levant. Quibus uti, nisi nimia necessitas urget, alienum est. Sunt enim ex vehementibus medicamentis, & stomacho alienis. Prodest tamen etiam ad concoquendum, quod habet papaveris lachrymæ, galbani, singulorum P. i. *. myrrhæ, castorei, piperis, singulorum P. ii. *. Ex quibus, quod ervi magnitudinem habet, 15 fatis est devorasse.

2. *Catapotium valentius ad somnum.*

Alterum, stomacho pejus, ad somnum valentius, ex his fit: mandragoræ P. *. z. apii seminis, item hyoscyami seminis, singulorum P. iv. *. quæ ex vino teruntur. Unum autem ejusdem magnitudinis, quæ supra posita est, abunde est sumpsisse. 20

3. *Catapotium ad plurimos dolores per somnum leniendos.* 25

Sive autem capitis dolores, sive ulcera, sive lippitudo, sive dentes, sive spiritus difficultas, sive intestinorum tormenta, sive inflammatio vulvæ, sive coxæ est, sive jecur, aut lienis, aut latus torquet, sive vitio 30 locorum aliqua prolabitur & obmutescit, occurrit dolori per quietem ejusmodi catapotium. Silis, acori, rutæ silvestris seminis, singulorum P. ii. *. castorei, cinnamomi, fin-

singulorum P. ii. *. papaveris lachrymæ ,
 panacis radicis , mandragoræ malorum ari-
 dorum , junci rotundi floris , singulorum
 P. ii. *. piperis grana lvi. Hæc per se con-
 5 trita , rursus instillato subinde passo , simul
 omnia teruntur , donec crassitudo sordium
 fiat . Ex eo paulum aut devoratur , aut aqua
 diluitur , & potui datur .

4. *Catapotium aliud ad multa valens .*

10 Quinetiam silvestris papaveris , cum jam
 ad excipiendam lachrymam maturum est ,
 manipulus , qui manu comprehendi potest , *V. supra*
 in vas demittitur , & superinfunditur aqua , xxxiii,
 quæ id contegat , atque ita coquitur . Ubi 6.
 15 jam bene manipulus is coctus est , ibidem
 expressus projiciatur ; & cum eo humore pas-
 sum pari mensura misceatur , inferveatque ,
 donec crassitudinem sordium habeat . Cum
 infrixit , catapotia ex eo fiunt , ad nostræ
 20 † fabæ magnitudinem , habentque usum mul-
 tiplicem . Nam & somnum faciunt , vel per
 se assumpta , vel ex aqua data : & aurium
 dolores levant , adjectis exiguo modo rutæ
 succo , ac passo : & tormina supprimunt ex
 25 vino liquata : & inflammationem vulvæ co-
 ercent , mista cerato ex rosa facto , cum
 paululum his croci quoque accessit : & ex
 aqua fronti inducta , pituitam in oculos de-
 currentem tenent .

30 5. *Catapotium ad inducendum somnum , quem
 vulva dolens prohibuit .*

Item , si vulva dolens somnum prohibet ,
 croci P. ii. *. anisi , myrrhæ , singulorum
 P. i. *. papaveris lachrymæ P. iv. *. cicutæ

S 4

femi-

† *Rhodius de Ponder. pag. 25.*

feminis P. viii. *. miscentur, excipiunturque vino veteri, &, quod lupini magnitudinem habet, in tribus cyathis aquæ diluitur. Id tamen in febre periculose datur.

6. *Ad jecur sanandum.*

5

Ad sanandum jecur, nitri P. *. z. croci, myrrhæ, nardi Gallici, singulorum P. i. *. melle excipiuntur, daturque, quod Ægyptiæ fabæ magnitudinem habeat.

7. *Ad finiendos dolores lateris.*

10

Ad lateris dolores finiendos, piperis, aristolochiæ, nardi, myrrhæ p. es portiones.

8. *Ad thoracis dolores finiendos.*

Ad thoracis, nardi P. i. *. thuris, cassiæ, singulorum P. iiii. *. myrrhæ, cinnamomi, singulorum P. vi. *. croci P. viii. *. resinæ terebinthinæ quadrans, mellis heminæ tres.

9. *Catapodium Athenionis ad tussim.*

Ad tussim, Athenionis: myrrhæ, piperis, singulorum P. i. *. castorei, papaveris lachrymæ, singulorum P. i. *. Quæ separatim contusa postea junguntur, & ad magnitudinem fabæ nostræ, bina catapodia mane, bina noctu dormituro dantur.

10. *Catapodium Heraclidis Tarentini*

25

ad tussim & somnum.

At, si tussis somnum prohibet, ad utrumque Heraclidis Tarentini: croci P. i. *. cinnamomi, castorei, papaveris lachrymæ, singulorum P. i. *. myrrhæ, piperis longi, costi, galbani, singulorum P. *. z.

30

11. *Catapodium ad purganda ulcera*

in faucibus tussientibus.

Quod si purganda sunt ulcera in faucibus

bus

bus tuffientibus: panacis, myrrhæ, resinæ terebinthinæ, singulorum P. v. *. galbani P. *. z. hyssopi P. *. z. conterenda sunt, hisque hemina mellis adjicienda, & quod
5 digito excipi potest, devorandum est.

12. *Colice Cassii medici.*

Colice vero Cassii ex his constat: a croci, 224, 1. anisi, castorei, singulorum P. iii. *. petroselini P. iv. *. piperis & longi, & rotundi, singulorum P. v. *. papaveris lachrymæ,
10 junci rotundi, myrrhæ, nardi, singulorum P. vi. *. quæ melle excipiuntur. Id autem & devorari potest, & ex aqua calida sumi.

13. *Ad infantem mortuum aut
15 secundas expellendas.*

Infantem vero mortuum, aut secundas expellit aquæ potio, cui salis ammoniaci P. i. *. aut cui dictami Cretici P. i. *. adjectum est.

14. *Laborantibus ex partu quid dari debeat.*

20 Ex partu laborantibus, erysimum ex vino tepido jejunis dari debet.

15. *Ad adjuvandum vocem.*

Vocem adjuvat, thuris P. i. *. in duobus cyathis vini datum.

25 16. *Adversus difficultatem urinæ.*

Adversus urinæ difficultatem: piperis longi, castorei, myrrhæ, galbani, papaveris lachrymæ, croci, costi, uncia singulæ, styracis, resinæ terebinthinæ pondo sextantes, mellis apsinthii cyathus. Ex quibus ad
30 magnitudinem fabæ Ægyptiæ mane & cœnato dari debet.

17. *Arteriaces compositio quomodo fiat.*

Arteriace vero hoc modo fit: cassiæ, iris,
dis,

a Forte costi uti libro IV. c. 14. sed malim ibi legere croci, ita Scribon. Larg. cap. XXIX. cujus descriptio in aliis variat.

dis, cinnamomi, nardi, myrrhæ, thuris, singulorum P. i. *. croci P. i. *. piperis † grana xxx. ex passi tribus sextariis decoquuntur, donec mellis crassitudo his fiat. Aut croci, myrrhæ, thuris, singulorum P. i. *. conjiciuntur in passi eundem modum, eodemque modo decoquuntur. Aut ejusdem passi heminæ tres usque eo coquuntur, donec extracta inde gutta indurescat, & adjicitur trita cassiæ P. i. *. 5 10

CAP. XXVI.

De quinque generibus noxarum corporis.

CUM facultates medicamentorum proposuerim; genera, in quibus noxa corpori est, proponam. Ea quinque sunt. Cum quid extrinsecus læsit, ut in vulneribus. Cum quid intra seipsum corruptum est, ut in cancro. Cum quid innatum est, ut in vesica calculus. Cum quid increvit, ut vena, quæ intumescens in varicem convertitur. Cum quid deest, aut cum curta pars aliqua est. Ex his alia sunt, in quibus medicamenta, alia in quibus plus manus proficit. Ergo, dilatis his, quæ præcipue scalpellum & manum postulant, nunc de his dicam, quæ maxime medicamentis egent. Dividam autem hanc quoque curandi partem, sicut priorem; & ante dicam de his, quæ in quamlibet partem corporis incidunt: tum de his, quæ certas partes infestant. Incipiam a vulneribus. 15 20 25 30

1. *De vulneribus, quæ per tela inferuntur.*

In his autem ante omnia scire medicus debet,

† pag. 252. 257. a aut vel ac.

debet, quæ insanabilia sint, & quæ difficile-
 lem curationem habeant, quæ promptiorem.
 Est enim prudentis hominis, primum eum,
 qui servari *b* non potest, non attingere, nec
 5 subire speciem ejus, ut occisi, quem fors 14, 1.
 ipse interemit. Deinde, ubi gravis metus
 sine certa tamen desperatione est, indicare
 necessariis periclitantis, in difficili *c* rem
 esse: ne, si victa ars malo fuerit, vel igno-
 10 rasse, vel fefellisse videatur. Sed ut hæc pru-
 denti viro conveniunt: sic rursus histrionis
 est, parvam rem attollere, quo plus præ-
 stitisse videatur. Obligari æquum est con-
 fessione promptæ rei, quo curiosius etiam
 15 circumspectat, ne, quod per se exiguum est,
 majus curantis negligentia fiat.

2. *Quæ vulnera insanabilia sint.*

d Servari non potest, cui basis cerebri, cui
 cor, cui stomachus, cui jecinoris portæ, cui
 20 in spina † medulla percussa est; cuique aut
 pulmo medius, aut jejunum, aut *e* tenuius
 intestinum, aut ventriculus, aut renes vul-
 nerati sunt; cuive circa fauces grandes ve- 81, 23.
 næ, vel arteriæ præcisæ sunt.

3. *Quæ vulnera difficilem curationem habeant.*

Vix autem ad sanitatem perveniunt, qui-
 bus ulla parte aut pulmo, aut jecinoris cras-
 sum, aut membrana, quæ continet cere- 512,
 brum, aut lienis, aut vulva, aut vesica, 13.
 30 aut ullum intestinum, aut septum transver-
 sum vulneratum est. Hi quoque in præcipiti
 sunt, in quibus usque ad grandes intusque
 con-

b Hipp. de Arte T. IV. 6. XXIII. 5. 6. Apulejus
 de Doctr. Platon. Lib. II. Cicero ad Att. Lib. XVI.
 Ep. 15. Rittersbus. ad Isid. Pelusiot. Lib. II. Ep. 16.
c Æginet. VI. 88. *d* Aph. VI. 18. Coac. Not. III.
 387. II. Prædict. XIX. XXII. † Exemplum vi-
 de apud Tulpium Obs. Lib. III. c. 27. *e* Aph. VI. 24.
 Coac. Not. III. 379 389.

conditas venas in alis vel poplitibus mucro defedit. Periculosa etiam vulnera sunt, ubicunque venæ majores sunt, quoniam exhaurire hominem profusione sanguinis possunt. Idque evenit non in alis tantum, atque poplitibus; sed etiam in his venis, quæ ad anum testiculosque perveniunt. Præter hæc malum vulnus est, quodcunque in alis vel feminibus, vel inanibus locis, vel inter digitos est. Item quodcunque musculus, aut 10
81, 23. nervum, aut arteriam, aut membranam, aut os, aut cartilaginem læsit.

4. *Quæ vulnera tutiorem curationem habeant.*

Tutissimum omnium, quod in f carne est. Et hæc quidem loco vel pejora, vel 15
meliora sunt. Modo vero periculum facit, quodcunque magnum est.

5. *Observationes in vulneris genere & figura.*

Aliquid etiam in vulneris genere figuraque est. Nam pejus est, quod etiam collisum, 20
quam quod tantum discissum est. adeo ut acuto quoque, quam retuso telo, vulnerari commodius sit. Pejus etiam vulnus est, ex quo aliquid excisum est; ex quove caro alia parte abscissa, alia dependet. Pessima quæque plaga 25
g curva est: tutissima, quæ lineæ modo recta est. Quo deinde propius huic illive figuræ vulnus est, eo vel deterius vel tolerabilius est.

6. *Ætatis observatio, & corporis, & vitæ, & temporis.*

18, 33.

119,

31.

Quinetiam confert aliquid & ætas, & h corpus, & vitæ propositum, & anni tempus. quia facilius sanescit puer vel adolescens, quam senior: valens, quam infirmus:

neque

f Hippocr. Coac. Not. III. 390. & I. de Morb. III. 5. g II. Præd. XXIV. 2. Coac. Præn. III. 389. h II. Prædict. XIX. 7.

neque nimis tenuis, neque nimis plenus,
 quam si alterum ex his est: integri habitus,
 quam corrupti: exercitatus, quam iners:
 sobrius & temperans, quam vino venerique
 5 deditus. Opportuni simulque curationi tem-
 pus i vernum est; aut certe neque fervens, 42, 17.
 neque frigidum. siquidem vulnera & nimius
 calor & nimium frigus infestant; maxime
 tamen horum varietas: ideoque perniciosis-
 10 simus autumnus est. 33, 33.

7. *Signa eorum, quæ intus læsa sunt.*

Sed pleraque ex vulneribus oculis subje-
 cta sunt: quorundam ipsæ sedes indices sunt,
 quas alio loco demonstravimus, cum posi-
 15 tus interiorum partium ostendimus. Ve-
 runtamen, quia quædam vicina sunt, in-
 terestque, vulnus in summa parte sit, an
 penitus penetraverit, necessarium est notas
 subjicere, per quas quid intus ictum sit,
 20 scire possimus; & ex quibus vel spes, vel
 desperatio oriatur.

8. *Signa percussæ cordis.* k

Igitur, corde percusso, sanguis multus
 fertur, venæ languescunt, color pallidissi-
 25 mus, sudores frigidi, malique odoris, tan-
 quam in ægroto corpore oriuntur: extre-
 misque partibus frigidis / matura mors se-
 quitur.

9. *Signa pulmonis icti.* m

30 Pulmone icto, spirandi difficultas est:
 sanguis ex ore spumans, ex plaga rubens,
 simulque etiam spiritus cum sono fertur: in
 vulnus inclinari juvat: quidam sine ratio-
 ne consurgunt. Multi si in ipsam vulnus
 incli-

i *Aph. VI. 47.* k *Æginet. VI. 88.* l *Aph. VIII.*
 12. m *Æginet. VI. 88.*

inclinati sunt, loquuntur: si in aliam partem, obmutescunt.

10. *Signa jecinoris vulnerati.*

Jecinoris autem vulnerati notæ sunt: multus sub dextra parte præcordiorum profusus sanguis: ad spinam reducta præcordia; in ventrem cubandi dulcedo; punctiones, doloresque usque ad jugulum, junctumque ei latum scapularum os, intenti: quibus nonnunquam etiam biliosus vomitus 10 accedit.

11. *Signa percussorum renum.*

Renibus vero percussis, dolor ad inguina testiculosque descendit: difficulter urina redditur; eaque aut est cruenta, aut cruor 15 fertur.

12. *Signa vulnerati lienis.*

At, liene icto, sanguis niger a sinistra parte prorumpit: præcordia cum ventriculo ab eadem parte indurescunt: sitis ingens oritur: dolor ad jugulum, sicut jecinore vulnerato, venit. 20

13. *Signa percussæ vulvæ.*

At, cum vulva percussa est, dolor in inguinibus, & coxis, & feminibus est: sanguinis pars per vulnus, pars per naturam descendit: vomitus bilis insequitur. Quædam obmutescunt; quædam mente labuntur; quædam, sui compotes, nervorum oculorumque dolore urgeri se confitentur; morientesque eadem, quæ corde vulnerato, 30 patiuntur.

14. *Signa percussi cerebri, vel membranæ ejus.*

Si cerebrum membranave ejus vulnus accepit,

accepit, sanguis per nares, quibusdam etiam
per aures exit; fereque bilis & vomitus in-
sequitur: quorundam sensus obtunduntur,
appellatique ignorant: quorundam trux vul-
5 tus est: quorundam oculi, quasi resoluti,
huc illucque moventur: fereque tertio, vel
quinto die delirium accedit. Multorum
etiam nervi o distenduntur. Ante mortem
autem plerique fascias, quibus caput deli-
10 gatum est, lacerant, ac nudum vulnus fri-
gori obijciunt.

15. *Signa stomachi percussi.*

Ubi stomachus autem percussus est, sin-
gultus, & bilis vomitus insequitur: si quid
15 cibi vel potionis assumptum est, id reddi-
tur cito: venarum motus elanguescunt: su-
dores tenues oriuntur; per quos extremæ
partes frigescent.

20 16. *Signa jejuni intestini, & ventriculi vul-
nerati, & aliorum intestinorum.* p

Communes vero jejuni intestini & ven-
triculi vulnerati notæ sunt. Nam cibus &
potio per vulnus exeunt: præcordia indure-
scunt: nonnunquam bilis per os redditur.
25 Intestino tantum sedes inferior est. Cæte-
ra intestina iæta vel stercus †, vel odorem
ejus exhibent.

17. *Signa percussæ medullæ, quæ in spina est.*

Medulla vero, quæ in spina est, discis-
30 sa, nervi resolvuntur, aut distenduntur:
sensus intercidit: interposito tempore ali-
quo sine voluntate inferiores partes vel se-
men, vel urinam, vel etiam stercus excer-
nunt.

18. Si-

n Aph. VI. 50. Æginet. VI. 88. Hippoc. Coac.
Not. III. 383. 384. o Ægin. VI. 90. p Idem
ibid. 88. † Valleriola Obs. Lib. II. obs. 9.

18. *Signa septi transversi percussi.*

At, si septum transversum percussum est, præcordia sursum contrahuntur, spina dolet, spiritus rarus est, sanguis spumans fertur.

5

19. *Signa vesicæ vulneratæ.*

Vesica vero vulnerata, dolent inguina: quod super pubem est, intenditur: pro urina, sanguis; at ex ipso vulnere urina descendit: stomachus afficitur. itaque aut bilem vomunt, aut singultiunt: frigus, & ex eo mors sequitur.

20. *De sanguine, & sanie, & pus, & eorum speciebus: quandoque meliora, deteriorave sint.*

His cognitis, etiamnum quædam alia notanda sunt, ad omnia vulnera ulceraque, de quibus dicturi sumus, pertinentia. Ex his autem exit sanguis, sanies, pus. Sanguis omnibus notus est. Sanies est tenuior hoc, varie crassa, & glutinosa, & colorata. Pus crassissimum albidissimumque, glutinosius & sanguine & sanie. Exit autem sanguis ex vulnere recenti, aut jam sanescente. Sanies est inter utrumque tempus. Pus ex ulcere jam ad sanitatem spectante. Rursus & sanies & pus quædam species Græcis nominibus distinctas habent. Est enim quædam sanies, quæ vel ἰχὼρ, vel μελίκηρα nominatur. Est pus, quod ἐλαιώδες appellatur. Ἰχὼρ q tenuis, subalbidus, ex malo ulcere exit, maximeque ubi, nervo læso, inflammatio secuta est. Μελίκηρα crassior est, glutinosior, & subalbida, mellique albo subsimilis. Fertur hæc quoque ex malis ulce-

15

20

25

30

ulceribus, ubi nervi circa articulos læsi
 sunt; & inter hæc loca, maxime ex geni-
 bus. Ἐλαῖωδες tenue, subalbidum, quasi
 unguinosum colore, atque pinguitudine o-
 5 leo albo non dissimile adparet in magnis
 ulceribus sanescentibus. Malus est autem
 sanguis, nimium aut tenuis, aut crassus; 82, i.
 colore vel lividus, vel niger; aut pituita
 mistus, aut varius. Optimus calidus, ru-
 10 bens, modice crassus, non glutinosus. Ita-
 que protinus ejus vulneris expedita magis
 curatio est, ex quo sanguis bonus fluxit.
 Itemque postea spes in his major est, ex
 quibus melioris generis quæque proveniunt.
 15 Sanies igitur mala est, multa, nimis te-
 nuis, livida, aut pallida, aut nigra, aut
 glutinosa, aut mali odoris, aut quæ ipsum
 ulcus, & junctam ei cutem erodit. Melior
 est non multa, modice crassa, subrubicun-
 20 da, aut subalbida. Ἰχθὺς autem peior est
 multus, crassus, sublividus aut subpalli-
 dus, glutinosus, ater, calidus, mali odoris.
 Tolerabilior est subalbidus, quique cætera
 omnia contraria prioribus habet. Melicera
 25 autem mala est, multa, & percrassa: me-
 lior, quæ & tenuior, & minus copiosa est.
 Pus inter hæc optimum est. Sed id quoque
 pejus est, multum, tenue, dilutum; magis-
 que, si ab initio tale est: itemque, si colore
 30 sero simile, si pallidum, si lividum, si fæ-
 culentum. Præter hæc, si male olet; nisi
 tamen locus hunc odorem excitat. Melius
 est, quo minus est, quo crassius, quo albi- 321,
 dius: itemque, si læve est, si nihil olet, si 20.

F

æqua-

æquale est. Modo tamen, convenire & magnitudini vulneris, & tempori debet. Nam plus ex majore, plus nondum solutis inflammationibus naturaliter fertur. Ελαϊδες quoque pejus est multum, & parum pingue: quo minus autem, quoque idipsum pinguius, eo melius est.

21. *Curatio adversus profusionem sanguinis in vulneribus.* r

Quibus exploratis, ubi aliquis ictus est, qui 10
servari potest, protinus prospicienda duo sunt: ne sanguinis profusio, neve inflammatione interinat. Si profusionem time-
mus (quod ex sede vulneris, & ex magnitudine ejus, & ex impetu ruentis sanguinis 15
intelligi potest) siccis linamentis vulnus implendum est, supraque imponenda spongia ex aqua / frigida expressa, ac manu super comprimenda. Si parum sic sanguis 20
conquiescit, sæpius linamenta mutanda sunt. Et, si sicca parum valent, aceto madefacienda sunt. Id vehemens ad sanguinem 25
supprimendum est: ideoque quidam id vulnere infundunt. Sed alius rursus metus subest; ne, nimis valenter ibi re-
tenta materia, magnam inflammationem postea moveat. Quæ res efficit, ut neque 30
rodentibus medicamentis, neque adurentibus, & ob idipsum inducentibus crustam, (quamvis pleraque ex his sanguinem sup-
primunt) sit utendum: sed, si semel ad ea decurritur, his potius, quæ mitius idem efficiunt. Quod si illa quoque profluvio vincuntur, venæ, quæ sanguinem fundunt, appre-

r *Æginet. IV. 53. Aëtius Tetrab. IV. Serm. II. 51. f Frigidam potui exhibet Aëtius Tetr. I. Serm. III. c. 145. Cels. p. 204, 31.*

apprehendendæ, circaque id, quod iſtum
eſt, duobus locis deligandæ intercidendæque
ſunt, ut & in ſe ipſæ coeant, & nihilomi-
nus ora præcluſa habeant. Ubi ne id quidem
5 res patitur, poſſunt ferro candenti aduri.
Sic etiam ſatis multo ſanguine effuſo ex eo
loco, quo neque nervus, neque muſculus
eſt, utputa in fronte, vel ſuperiore capitis
parte, commodiſſimum eſt, cucurbitulam
10 admoveſcere adverſa parte, ut illuc ſanguinis
curſus revocetur.

22. *Curationes adverſus vulnerum
inflammationem.*

Et adverſus profuſionem quidem in his
15 auxilium eſt: adverſus inflammationem au-
tem, in ipſo ſanguinis curſu. Ea timeri po-
teſt, ubi læſum eſt vel os, vel nervus, vel
cartilago, vel muſculus, aut ubi parum
ſanguinis pro modo vulneris fluxit. Ergo
20 quoties quid tale erit, ſanguinem mature
ſupprimere non oportebit; ſed pati fluere,
dum tutum erit, adeo ut, ſi parum fluxiſſe
videbitur, mitti quoque ex brachio debeat;
utique, ſi corpus juvenile, & robuſtum, &
25 exercitatum eſt: multoque magis, ſi id vul-
nus ebrietas præceſſit. Quod ſi muſculus
læſus videbitur, præcidendus erit. nam per-
cuſſus, mortiferus eſt: præciſus, ſanitatem
recipit.

30 23. *De glutinatione vulnerum.*

Sanguine autem vel ſuppreſſo, ſi nimi-
us erumpit; vel exhauſto, ſi per ſe parum
fluxit; longe optimum eſt, vulnus gluti-
nari. Poſteſt autem id, quod vel in cute,

vel etiam in carne est; si nihil ei præterea mali accedit. Potest caro, alia parte dependens, alia inhærens; si tamen etiamnum integra est, & conjunctione corporis fovetur.

In his vero, quæ glutinantur, duplex curatio est. Nam si plaga in molli parte est, sui debet: maximeque, si discissa auris ima est, vel imus nasus, vel frons, vel bucca, vel palpebra, vel labrum, vel circa guttur cutis, vel venter. Si vero in carne vulnus est, hiatque, neque in unum oræ facile attrahuntur, futura quidem aliena est: imponendæ vero fibulæ sunt (*ἀγκτῆρας* Græci nominarunt) quæ oras, paulatim tamen, contrahant; quo minus lata postea cicatrix sit. 5 10 15

Ex his autem colligi potest, utrum id quoque, quod alia parte dependens, alia inhærebit, si alienatum adhuc non est, futuram, an fibulam postulet. Ex quibus neutra ante debet imponi, quam intus vulnus purgatum est: ne quid ibi concreti sanguinis relinquatur. Id enim & in pus vertitur, & inflammationem movet, & glutinari vulnus prohibet. Ne linamentum quidem, quod suppressendi sanguinis causa inditum est, inibi relinquendum est. nam id quoque inflamat. 20 25

Comprehendi vero futura, vel fibula, non cutem tantum, sed etiam aliquid ex carne, ubi suberit hæc, oportebit; quo valentius hæreat, neque cutem abrumpat. Utraque optima est ex ^t* acia molli, non nimis torta, quo mitius corpori infideat.

Utra-

^t De ea librum scripsit Joan. Rhodius. Turneb. *Advers.* XVII. 21. * H. F. ab Aquapendente, *Oper. Chirurg.* p. 1. c. 17. pag. 70. Salmasius *Epist.* 45. & 49.

Uttraque neque nimis rara, neque nimis crebra injicienda est. Si nimis rara est, non continet: si nimis crebra est, vehementer afficit; quia, quo sæpius acus corpus trans-
 5 ivit, quoque plura loca injectum vinculum mordet, eo majores inflammationes oriuntur; magisque æstare. Neutra etiam vim ullam desiderat: sed ea hætenus utilis est, qua cutis ducentem quasi sua sponte
 10 subsequitur. Fere etiam fibulæ latius vulnus esse patiuntur: futura oras jungit, quæ ne ipsæ quidem inter se contingere ex toto debent; ut si quod intus humoris concreverit, sit qua emanet. Si quod vulnus neu-
 15 trum horum recipit, id tamen purgari debet.

Deinde omni vulneri primo imponenda est spongia ex * aceto expressa. Si sustinere 290, aliquis aceti vim non potest, vino utendum 21.
 20 est. Levis plaga juvatur etiam, si ex aqua frigida expressa spongia imponitur. Sed ea, 204, quocunque modo imposita est, dum ma- 16. det, prodest: itaque, ut inarescat, non est committendum. Licetque sine peregrinis,
 25 & conquisitis, & compositis medicamentis vulnus curare. Sed si quis huic parum confidit, imponere medicamentum debet, quod sine sevo compositum sit ex his, quæ cruentis vulneribus apta esse proposui: ma- 268.
 30 ximeque si caro est, Barbarum: si nervi, 269. vel cartilago, vel aliquid ex eminentibus, 260, quales aures, vel labra sunt, Polybi sphra- 16. gidem. Alexandrinum quoque viride ver- 268. vis idoneum est: eminentibusque parti- 264, bus 32.

* *Maledictam methodum dicit Ettmuller. in Comment. ad Schrod. & Morell. pag. 408.*

bus ea, quam Græci *ῥύπτισαν* vocant.

Solet etiam, colliso corpore, exigua parte findi cutis. Quod ubi incidit, non alienum est, scalpello latius aperire; nisi musculi, nervique juxta sunt, quos incidi non expedit. ubi satis diductum est, medicamentum imponendum est. At, si id, quod collisum est, quamvis parum diductum est, latius tamen aperiri propter nervos aut musculos non licet; adhibenda sunt ea, quæ humorem leniter extrahant; præcipueque ex his, id, quod *ῥυπῶδες* vocari proposui. Non alienum est etiam, ubicunque vulnus est grave, impositum, quo id juvetur, insuper circumdare lanam succidam ex aceto & oleo: vel cataplasma, si mollis is locus est, quod leniter reprimat; si nervosus, aut musculosus, quod emolliat.

24. *Quomodo vulnus ligari conveniat.*

Fascia vero ad vulnus deligandum linea aptissima est: eaque lata esse debet, ut semel injecta non vulnus tantum, sed paululum utrinque ejus comprehendat. Si ab altera parte caro magis recessit, ab ea melius attrahitur: si æque ab utraque, transverse comprehendere oras debet; aut si id vulneris ratio non patitur, media primum injicienda est, ut tum in utranque partem ducatur. Sic autem deliganda est, ut & contineat, nec adstringat. quod non continetur, elabitur: quod nimis adstrictum est, cancro periclitatur. Hieme sæpius fascia circuire debet: æstate, quoties necesse est. Tum extrema pars ejus inferioribus acu assuen-

assuenda est. nam nodus vulnus lædit. nisi tamen longe est.

Porro neminem decipi decet, ut propriam viscera curationem requirant, de quibus supra posui. Nam plaga ipsa curanda extrinsecus, vel futura, vel alio medicinæ genere est. In visceribus nihil movendum est; nisi, si quid aut ex jecinore, aut liene, aut pulmone duntaxat extremo dependeat, id præcidatur. Alioquin vulnus interius ea victus ratio eaque medicamenta sanabunt, quæ cuique visceri convenire superiore libro proposui.

25. *Quomodo vulnerato agendum sit.*

His ita primo die ordinatis, homo in lecto collocandus est: isque si grave vulnus est, abstinere, quantum vires patiuntur, ante inflammationem, cibo debet: bibere, donec sitim finiat, aquam calidam; vel, si æstas est, ac neque febris, neque dolor est, etiam frigidam. Adeo tamen nihil perpetuum est, sed semper pro vi corporis æstimandum, ut imbecillitas etiam cibum protinus facere necessarium possit; tenuem scilicet, & exiguum, qui tantum sustineat. Multique etiam ex profluvio sanguinis intermorientes ante ullam curationem vino, * reficiendi sunt; quod alioqui inimicissimum vulneri est.

30

26. *De notis vulnerum.*

Nimis vero *u* intumescere vulnus, periculosum: nihil *x* intumescere, periculosissimum est. illud indicium magnæ inflammationis: hoc, emortui corporis est. Pro-

T 4

tinus-

* *Athen. Deipnos. L. I. c. 8. p. 10.*

u Aph. v. 66.

x II. Epidem. III. 128.

tinusque, si mens homini consistit, si nulla febris accessit, scire licet, mature vulnus sanum fore. At ne febris quidem terrere debet, si in magno vulnere, dum inflammatio est, permanet. Illa perniciofa est, 5 quæ vel levi vulnere supervenit, vel ultra tempus inflammationis durat, vel delirium movet: vel si nervorum y rigorem aut distentionem, quæ ex vulnere orta est, ea 52, 18. non finit. Vomitus quoque biliosus non vo- 10 287, 2. luntarius, vel protinus, ut percussus est aliquis, vel dum inflammatio manet, malum signum est in his duntaxat, quorum vel nervi, vel etiam nervosi loci vulnerati sunt. Sponte tamen vomere, non alienum est; 15 præcipue his, quibus in consuetudine fuit: sed neque protinus post cibum, neque jam inflammatione orta, neque cum in superioribus partibus plaga est.

27. *De curationibus vulnorum.*

20

z Biduo sic vulnere habito, tertio die id aperiendum, detergendaque sanies ex aqua frigida est, eademque rursus injicienda sunt. Quinto jam die, quanta inflammatio futura est, se ostendit. Quo die, rursus dete- 25 Et vulnere, considerandus color est. Quod si lividus, aut pallidus, aut varius, aut niger est; scire licet, malum vulnus esse. idque, quandocunque animadversum est, terrere nos potest. Album, aut rubicun- 30 dum esse vulnus, commodissimum est. Item cutis dura, crassa, dolens, periculum ostendit. Bona signa sunt, ubi hæc sine dolore, tenuis, & mollis est. Sed si glutinatur vulnus,

y *Aph. IV. 57. II. 26.*

z *De Fractur. XXXIII. 5.*

vulnus, aut leviter intumuit, eadem sunt imponenda, quæ primo fuerunt.

Si gravis inflammatio est, neque glutinandi spes est, neque movetur, aquæ quodque *a* calidæ necessarius usus est, ut materiam digerat; & duritiam emolliat, & pus citet. Ea sic temperanda est, ut manu contingenti jocunda sit; & usque eo adhibenda, donec aliquid minuisse ex tumore caloremque ulceri magis naturalem reddidisse videatur. Post id fomentum, si late plaga non patet, imponi protinus emplastrum debet, maximeque, si grande vulnus est, tetrapharmacum: si in articulis, digitis, locis cartilaginosis, *ῥυπῶδες*. At si late- 294, tius hiat, idem illud emplastrum liquari ex 12. irino unguento oportet, eoque inlita linamenta disponi per plagam: deinde emplastrum supra dari, & super id lanam succidam; minusque etiam, quam primo, fasciæ adstringendæ sunt.

28. *Curationes propriæ articulorum.*

Sed propria quædam in articulis visenda sunt. In quibus si præcisi nervi sunt, qui 25 continebant, debilitas *b* ejus partis sequitur. Si id dubium est, & ex acuto telo plaga est, & ea transversa, commodior est: si ex re- tuso, & gravi est, nullum in figura discrimen est: at videndum est, pus supra articu- 30 lum, an infra nascatur. Si sub eo nascitur, albumque & crassum diu fertur, nervum præcisum esse credibile est: magisque, quo majores dolores inflammationesque, & quo maturius excitatæ sunt. Quamvis autem

non

a Aph. V. 22. *b* Coac. Præn. III. 385. I. de Morb. III. 2.

non abscissus nervus est; tamen, si circa
durus tumor diu permanet, necesse est, &
diuturnum ulcus esse, & sanato quoque eo,
tumorem permanere: futurumque est, ut
tarde membrum id vel extendatur, vel con- 5
trahatur. Major tamen in extendendo mo-
257, ra est, ubi recurvato articulo curatio ad-
33. hibita est; quam in recurvando eo, quod
rectum continuerimus. Collocari quoque
membrum, quod ictum est, ratione certa 10
debet. Si glutinandum est, ut superius sit:
si in inflammatione est, ut in neutram par-
tem inclinatum sit: si jam pus profuit, ut
devexum sit.

348, Optimum etiam medicamentum, *b* quies 15
21. est. Moveri, & ambulare, nisi sanis, alie-
num est. Minus tamen periculosum his est,
qui in capite vel brachiis, quam qui in
inferioribus partibus vulnerati sunt. Mini-
meque ambulatio convenit, femine, aut 20
crure, aut pede laborante. Locus, in quo
cubat, tepidus esse debet. Balneum quo-
que, dum parum vulnus purum est, inter
res infestissimas est. Nam id & tumidum
& sordidum reddit. Ex quibus ad cancrum 25
transitus esse consuevit. Lenis fricatio recte
adhibetur; sed his partibus, quæ longe ab-
sunt a vulnere.

29. *Vulnus quomodo purgandum est.*

Inflammatione finita, vulnus purgan- 30
dum est. Id optime faciunt tinctoria in mel-
le linamenta: supraque id emplastrum vel
262. τετραφάρμακον vel ἐννεαφάρμακον dandum
est. Tum demum vero purum ulcus est,
cum

b Hippocr. de Ulcer. T. II. 3.

cum rubet, ac nimium neque siccum, neque humidum est. At, quodcumque sensu caret; quod non naturaliter sentit; quod nimium aut aridum aut humidum est; quod
5 aut albidum, aut lividum, aut nigrum est; id purum non est.

30. *Quomodo vulnus implendum est.*

Purgato vulnere, sequitur ut impleatur, jamque calida aqua eatenus necessaria est,
10 ut sanies removeatur. Lanæ succidæ supervacuus usus est: lota melius circumdatur. Ad implendum autem vulnus proficiunt quidem etiam medicamenta aliqua: itaque ea adhiberi non alienum est; ut butyrum cum rosa, & exigua mellis parte;
15 aut cum eadem parte mellis aut cum eadem rosa, τετραφάρμακον; aut ex rosa linamenta. Plus tamen proficit balneum rarum. Cibi boni succi; vitatis omnibus acribus.
20 Sed jam plenioribus, avis, & venatio, & suilla elixa dari potest. Vinum omnibus, 295,
dum febris, dum inflammatio est, alienum 28.
est: itemque usque ad cicatricem, si nervi, musculive vulnerati sunt; etiam, si alte caro.
25 At, si plaga in summa cute generis tutioris est, potest non per vetus, modice tamen datum, ad implendum quoque proficere. Si quid molliendum est, quod in nervosis locis, musculosisque necessarium est, cerato
30 quoque super vulnus utendum est. At, si caro supercrevit, modice reprimat siccum linamentum; vehementius, squama æris. Si plus est, quod tolli opus est, adhibenda sunt etiamnum vehementiora, quæ corpus
exedant.

exedant. Cicatricem, post omnia hæc, commodè inducit lycium ex passo aut lacte dilutum; vel etiam per se impositum siccum linamentum vehementius.

31. *De ulceribus, quæ extrinsecus per vulnera 5
incidunt, curationibusque eorum.*

Hic ordo felicitis curationis est. Sed quædam tamen periculosa incidere consue-
runt. Interdum enim vetustas ulcus occu-
pat, induciturque ei callus, & circum oræ 10
411. crassæ livent. Post quæ, quicquid medi-
camentorum ingeritur, parum proficit;
quod fere negligenter curato ulceri super-
venit.

Interdum vel ex nimia inflammatione, 15
vel ob æstus immodicos, vel ob nimia fri-
294, gora, vel quia nimis vulnus adstrictum est,
31. vel quia corpus senile, aut mali habitus
533, est, cancer occupat. Id genus a Græcis di-
23. ductum in species est; nostris vocabulis non 20
est. Omnis autem cancer non solum id cor-
rumpit, quod occupavit, sed etiam serpit:
deinde aliis aliisque signis * discernitur.
Nam modo super inflammationem rubor
ulcus ambit,isque cum dolore procedit; 25
ἐρυσίπελας Græci nominant: modo ulcus ni-
grum est, quia caro ejus corrupta est, id-
que vehementius; etiam in putrescendo in-
tenditur, ubi vulnus humidum est, & ex
nigro ulcere humor pallidus fertur, mali- 30
que odoris est, & caro intus corrupta: in-
terdum etiam nervi ac membranæ resol-
vuntur, specillumque demissum descendit
aut in latus, aut deorsum, eoque vitio
non-

* *In principio difficillime cognoscitur teste Ga-
leno M. M. XIV. Vide Hildan. Observ. Chirurg.
Cent. 1. Obs. 1.*

nonnunquam os afficitur: modo oritur ea, quam Græci γάγγραιναν appellant. 303.

Priora in qualibet parte corporis fiunt: hæc in prominentibus membris, id est inter ungues, & alas, vel inguina; fereque in senibus, vel in his, quorum corpus mali habitus est. Caro illi ulceri vel nigra, vel livida est, sed sicca & arida; proximaque cutis, plerunque subnigris pustulis impletur; 10 deinde ei proxima, vel pallida, vel livida, fereque æruginosa & sine sensu est. Deterior in inflammatione est, omniaque ea simul serpunt: ulcus, in locum pustulosum: Pustulæ, in eum, qui pallet aut livet: pallor aut 15 livor, in id, quod inflammatum est: inflammatio, in id, quod integrum est, transit. Inter hæc deinde febris acuta oritur, ingensque sitis: quibusdam etiam delirium accedit: alii, quamvis mentis suæ compotes sunt, 20 balbutiendo vix sensus suos explicant: incipit affici stomachus: fit fædi spiritus ipse odoris. Atque initium ejus quidem mali recipit curationem: ubi vero penitus infedit, insanabile est. plurimique sub frigido 51, 30. 25 sudore moriuntur.

32. Curatio veteris ulceris.

Ac pericula quidem vulnerum hæc sunt. Vetus autem ulcus scalpello circumcidendum est, excidendæque ejus oræ, &, quicquid super eas livet, æque incidendum. Si 30 varicula intus est, quæ id sanari prohibet, ea quoque excidenda. Deinde, ubi sanguis emissus, novatumque vulnus est, eadem curationo adhibenda, quæ in recentibus vulneri-

neribus exposita est. Si scalpello aliquis uti non vult, potest sanare id emplastrum, quod ex ladano fit: & cum ulcus sub eo exesum est, id, quo cicatrix inducitur.

33. *Curatio Erysipelatum.*

Id autem, quod ἐρυσίπελας vocari dixi, non solum vulnere supervenire, sed sine hoc quoque oriri consuevit: atque interdum periculum magnum adfert; utique, si circa cervicem aut caput constitit.

Oportet, si vires patiuntur, sanguinem mittere: deinde imponere simul reprimentia & refrigerantia; maximeque cerussam solani succo, aut cimoliam cretam aqua pluviatili exceptam; aut ex eadem aqua subactam farinam cupresso adjecta, aut, si tenerius corpus est, lenticula. Quicquid impositum est, betæ folio contegendum est, & super linteolum frigida aqua madens imponendum. Si per se refrigerantia parum proderunt, miscenda erunt hoc modo: sulphuris P. i. *. cerussæ, croci, singulorum P. x. *. eaque cum vino conterenda sunt, & id his illinendum: aut, si durior locus est, solani folia contrita suillæ adipi miscenda sunt, & illinita linteolo superinjicienda.

At, si nigrities est, quæ nequedum serpit, imponenda sunt, quæ carnem putrem lenius exedunt; repurgatumque ulcus sic, ut cætera, nutriendum est. Si magis e putre est, jamque procedit ac serpit, opus est vehementius erodentibus. Si ne hæc quidem evincunt, aduri locus debet, donec nul-

c *Aëtius Tetr. IV. Serm. II. c. 59. Æginet. IV. 21.* d *Oribas. de Morb. Curat. III. 47.* e *Aph. VII. 20.*

nullus ex eo humor feratur. nam quod sanum est, siccum est, cum aduritur. Post unctionem putris ulceris, superponenda sunt, quæ crustas a vivo resolvant; ἀπεχαραπτικά
 5 Græci nominant. Ubi exciderunt, purgandum ulcus, maxime melle & resina est. Sed iis quoque purgari potest, quibus purulenta curantur, eodemque modo ad sanitatem perducendum est.

10 34. *Curatio Gangrænæ.* f

Gangrænam vero, si nondum plane tenet, sed adhuc incipit, curare non difficilissimum est; utique in corpore juvenili: & magis etiam, si muscoli integri sunt; si nervi
 15 vi vel læsi non sunt, vel leviter affecti sunt; neque ullus magnus articulus nudatus est; aut carnis in eo loco paululum est, ideoque non multum, quod putresceret, fuit; consistitque uno loco vitium; quod maxime
 20 fieri in digito potest. In ejusmodi casu primum est, si vires patiuntur, sanguinem mittere. Deinde, quicquid aridum est, & intentione quadam proximum quoque locum male habet, usque ad sanum corpus
 25 concidere.

Medicamenta vero, dum malum serpit, adhibenda nulla sunt, quæ pus movere consuerunt; ideoque ne aqua quidem calida. Gravia quoque, quamvis reprimantia,
 30 aliena sunt: sed his quam levissimis opus est. superque ea, quæ inflammata sunt, utendum est refrigerantibus. Si nihilo magis malum constitit, uri id, quod est inter integrum ac vitiatum locum, debet.

Præ-

f *Æginet. IV. 19.*

Præcipueque in hoc casu petendum, non a medicamentis solum, sed etiam a vitæ ratione præsidium est. Neque enim id malum, nisi corrupti vitiosique corporis est. Ergo primo, nisi imbecillitas prohibet, abstinentia utendum. Deinde danda, quæ per cibum potionemque alvum, ideoque etiam corpus adstringant; sed ea levia. Postea, si vitium constitit, imponi super vulnus eadem debent, quæ in putri ulcere præscripta sunt. Ac tum quoque plenioribus cibis uti licebit ex media materia; sed tamen non nisi alvum, corpusque siccantibus: aqua vero pluviatili frigida. Balneum, nisi jam certa fiducia redditæ sanitatis est, alienum est; siquidem emollitum in eo ulcus cito rursus eodem malo afficitur. Solent vero nonnunquam nihil omnia auxilia proficere, ac nihilominus serpere sub his cancer. Inter quæ miserum, sed unicum, auxilium est, ut cætera pars corporis tuta sit, membrum, quod paulatim emoritur, abscindere.

35. *Curatio vulnorum, ubi quid collisum est, aut detritum, aut infixum.*

Hæ gravissimorum vulnorum curationes sunt. Sed ne illa quidem negligenda, ubi interior pars collisa; aut ubi derasum, detritumve aliquid est; aut ubi furculus corpori infixus est; aut ubi tenue, sed altum vulnus insedit.

In primo casu commodissimum est mallicorium ex vino coquere, interiorumque ejus partem conterere, & cerato miscere

ex

ex rosa facto, idque superponere: deinde, ubi cutis ipsa exasperata est, inducere lene medicamentum, qualis λιπαρά est.

267, 9.

Deraſo vero, detrictoſque, imponendum
5 eſt emplaſtrum τετραοάρμακον, minuendus-
que cibus & vinum ſubtrahendum. Neque
id, quia non habebit altiores iſtus, con-
temnendum erit: ſiquidem ex ejuſmodi ca-
ſibus ſæpe cancri ſiunt. Quod ſi levius id
10 erit, & in parte exigua, contenti eſſe po-
terimus eodem leni medicamento.

Surculum vero, ſi fieri poteſt, oportet
vel manu, vel etiam ferramento educere.
Si vel præfractus eſt, vel altius deſcendit,
15 quam ut ita fieri poſſit, medicamento evo-
candus eſt. Optime autem educit ſuperim-
poſita arundinis radix; ſi tenera eſt, proti-
nus contrita; ſi jam durior, ante in mulſo
decocta. cui ſemper mel adjiciendum eſt
20 aut ariſtoloſchia cum eodem melle. Peſſima
ex ſurculis, arundo eſt; quia aſpera eſt.
Eademque offeſa etiam in filice eſt. Sed
uſu cognitum eſt, utranque adverſus alte-
ram medicamentum eſſe, ſi contrita ac ſu-
25 perimpoſita eſt. Facit autem idem in omni-
bus ſurculis, quodcunque medicamentum ex-
trahendi vim habet. Idem altis tenuibuſque
vulneribus aptiſſimum eſt. Priori rei Phi-
loſocratis; huic Hecatæi emplaſtrum maxi-
30 me convenit. 264.

36. *Quomodo cicatrix vulneri inducenda,
purgandaque ſit. g*

Ubi vero in quolibet vulnere ventum
ad inducendum cicatricem eſt (quod per-

V

pur-

g *Æginet. IV. 45.*

purgatis jam, repletisque ulceribus necessarium est) primum ex aqua frigida linamentum, dum caro alitur: deinde, cum jam continenda est, siccum imponendum est, donec cicatrix inducatur: tum deligari super album plumbum oportet, quo & reprimatur cicatrix, & colorem maxime sano corpori similem accipit. Idem radix silvestris cucumeris præstat. Idem compositio, quæ habet elaterii P. i. *. spumæ argenti P. ii. *. glandis unguentariæ pondo iv. *. quæ excipiuntur resina terebinthina, donec emplastri crassitudo ex omnibus fiat. At nigras quoque cicatrices leniter purgant, paribus portionibus mixta, ærugo & plumbum elotum, eademque resina cocta; sive eo ungitur cicatrix, quod in facie fieri potest; sive id ut emplastrum imponitur, quod in aliis partibus commodius est.

At, si vel excrevit cicatrix, vel concava est, stultum est, decoris causa, rursus & dolorem & medicinam sustinere: alioquin res utrique succurri patitur. Siquidem utraque cicatrix exulcerari scalpello potest. Si medicamentum aliquis mavult, idem efficiunt compositiones hæ, quæ corpus exedunt. Cute exulcerata, super eminentem carnem exedentia medicamenta conjicienda sunt: super concavam, implentia; donec utrumque ulcus sanæ cuti æquetur, & tum cicatrix inducatur.

CAP.

CAP. XXVII.

*De vulneribus, quæ per morsus inferuntur,
eorumque curationibus.*

5 **D**IXI de his vulneribus, quæ maxime
per tela inferuntur. Sequitur, ut de
his dicam, quæ morſu fiunt, interdum *
hominis, *h* interdum ſiniæ, ſæpe canis,
nonnunquam ferarum, aut aliorum anima-
10 lium, aut ſerpentium. Omnis autem feræ *V. ſupra*
morſus habent quoddam virus. *xxvi, i.*

Itaque, ſi vehemens vulnus eſt, *i* cu-
cubitula admovenda eſt: ſi levius, proti-
nus emplaſtrum injiciendum, præcipueque
15 Diogenis. ſi id non eſt, quodlibet ex his, 265.
quæ adverſus morſus propoſui. ſi ea non
ſunt, viride Alexandrinum: ſi ne id qui- 264.
dem eſt, quodlibet non pingue ex his,
quæ recentibus vulneribus accommodantur.
20 Sal quoque his, præcipueque ei, quod ca-
nis fecit, medicamentum eſt, ſi aridus vul-
neri imponitur, ſuperque id duobus digi-
tis verberatur. exſaniat enim. Ac ſaſamen-
tum quoque recte ſuper id vulnus deliga-
25 tur.

2. *Curatio adverſus rabioſi canis morſum. k*

Utique autem, ſi rabioſus canis fuit,
cucubitula virus ejus extrahendum eſt.
Deinde, ſi locus neque nervoſus, neque
30 muſculoſus eſt, vulnus id adurendum eſt.
Si uri non poteſt, ſanguinem homini mit-
ti non alienum eſt. Tum uſto quidem vul-
neri ſuperimponenda, quæ cæteris uſtis
ſunt. Ei vero, quod expertum ignem non
V 2 eſt,

* Dom. Panarolus Pentec. 11. Obſ. 32. *h* Særen.
Samm. XLV. *i* Æginet. V. 2. *k* Idem ibid. 3.
Æthar. M. M. VI. 11.

est, ea medicamenta, quæ vehementer exedunt. Post quæ nullo novo magisterio, sed jam supraposito vulnus erit implendum, & ad sanitatem perducendum. Quidam post rabiosi canis morsum protinus in balneum mittunt; eumque ibi patiuntur desudare, dum vires corporis finunt, vulnere aperto; quo magis ex eo quoque virus distillet: deinde multo meracoque vino excipiunt. quod omnibus venenis contrarium est. Idque cum ita per triduum factum est, tutus esse homo a periculo putatur.

Solet autem ex eo vulnere, ubi parum occursum est, aquæ timor nasci. ὁ ποσειδάων Græci adpellant. Miserrimum genus morbi: in quo simul æger & siti & aquæ metu cruciatur. quo oppressis in angusto spes est. Sed unicum tamen remedium est, nec opinantem in piscinam non ante ei provisam projicere, & si natandi scientiam non habet, modo mersum bibere pati, modo attollere; si habet, interdum deprimere, ut invitus quoque aqua satietur. sic enim simul & sitis, & aquæ metus tollitur. Sed aliud periculum excipit, ne infirmum corpus in aqua frigida vexatum, nervorum distentio absumat. Id ne incidat, a piscina protinus in oleum calidum demittendus est. Antidotum *m* autem (præcipue id, quod primo loco posui; ubi id non est, aliud) si nondum æger aquam horret, potui ex aqua dandum est: & si amaritudine offenditur, mel adjiciendum est: at, si jam is morbus occupavit, per cataporia sumi potest.

3. Cura-

1 Cassia Problem. 73. in Scrib. Larg. c. XLIII. 171.

3. *Curaciones communes adversus
omnes morsus serpentium.* n

Serpentium quoque morsus non nimium
distantem curationem desiderant: quamvis
5 in ea multum antiqui variarunt; adeo ut
in singula anguium genera singula meden-
di præciperent; aliique alia. sed in omni-
bus eadem maxime proficiunt. Igitur in
primis supra vulnus id membrum deligan-
10 dum est: non tamen nimium vehementer,
ne torpeat. Dein venenum extrahendum
est. Id cucurbitula optime facit. Neque a-
lienum est, ante scalpello circa vulnus in-
cidere, quo plus vitii jam sanguinis ex-
15 trahatur. Si cucurbitula non est, (quod
tamen vix incidere potest) tum quodlibet
simile vas, quod idem possit. Si ne id qui-
dem est, homo o adhibendus est, qui vul-
nus exfugat.

20 Neque hercule scientiam præcipuam ha-
bent hi, qui * Psylli nominantur; sed au-
daciam usu ipso confirmatam. Nam vene-
num serpentis, ut quædam etiam venato-
ria venena, quibus Galli præcipue utuntur, 13.
25 non gustu, sed in vulnere nocent. Ideoque
colubra ipsa tuto estur: ictus ejus occidit.
& si stupente ea (quod per quædam medi-
camenta circulatores faciunt) in os digitum
quis indidit, neque percussus est, nulla in
30 ejus saliva noxa est. Ergo quisquis, exem-
plum Psylli secutus, id vulnus exuxerit, &
ipse tutus erit, & tutum hominem præsta-
bit. Illud interea ante debet attendere,
ne quod in gingivis, palatove, aliave par-

V 3 te

n Aëtii Tetrab. IV. Serm. i. c. i. 2. & seqq.
o Aeginet. V. 2. Actuar. M. M. VI. 11. * Vocantur
alio nomine Marfi. Vide Reines. Variar. Lect. i.
c. 3. p. 26.

te oris ulcus habeat. Post hæc is homo loco calido collocandus est sic, ut id, quod percussum erit, in inferiorem partem inclinetur.

- Si neque qui exfugat, neque cucurbitula est, sorbere oportet jus anserinum, vel vitulinum, & vomere. Vivum autem galinaceum pullum per medium dividere, & protinus calidum super vulnus imponere sic, ut pars interior corpori jungatur. Facit id etiam hædus agnusve discissus, & calida
 265. Emplastra quoque, quæ supra comprehensa sunt. Aptissimumque est, vel Ephesium,
 266. vel id, quod ei subjectum est. Præsensque in aliquo antidoto præsidium est. Sin id non est, necessarium est exsorbere portionem meri vini cum pipere; vel quidlibet aliud, quod calori movendo est, nec humorem intus coire patitur. nam maxima pars venenorum frigore interimit. Omnia etiam urinam moventia, quia materiam extenuant, utilia sunt.

4. *Speciales curationes adversus ictus serpentium:*

& primo adversus ictum Aspidis. p

Hæc adversus omnes ictus utilia sunt, communiaque: usus tamen ipse docuit, eum, quem * aspis percussit, acetum potius bibere debere. Quod demonstrasse dicitur casus cujusdam pueri, qui cum ab hac ictus esset, & partim ob ipsum vulnus, partim ob immodicos æstus siti premeretur, ac locis siccis alium humorem non reperiret, acetum, quod forte secum habebat, ebibit, & libera-

p *Æginet.V.18. Aëtius Tetrab.IV.Serm.I.20.*

* *De Aspide videatur Ammian. Marcellin. Lib. XXII. Cap. 15. pag. 338. Ejus morsum sanari posse negat Ælian. de Animal. 1. Cap. 54.*

liberatus est. Credo quoniam id, quamvis refrigerandi vim habet, habet tamen & dissipandi. Quo fit, ut terra respersa eo spumet. Eadem ergo vi verisimile est spisscentem quoque intus humorem hominis ab eo discuti, & sic dari sanitatem.

5. *Adversus ictum Scorpionis.* q

In quibusdam etiam aliis serpentibus certa quædam auxilia satis nota sunt. Nam
10 scorpio ipse sibi pulcherrimum medicamentum est. Quidam contritum cum vino bibunt. Quidam eodem modo contritum super vulnus imponunt. Quidam super prunas eo imposito, vulnus suffumigant, undique veste circumdata, ne is fumus dilabatur; tum carbonem ejus super vulnus deligant. Bibere autem oportet herbæ solaris
15 (quam ἡλιοτρόπιον Græci vocant) semen, vel certe folia ex vino. Super vulnus vero etiam furfures ex aceto, vel ruta silvatica recte imponitur, vel cum melle sal tostus. Cognovi tamen medicos, qui ab scorpione ictis nihil aliud, quam ex brachio sanguinem miserunt.

25 6. *Adversus Aranei & Scorpionis ictum.*

Ad scorpionis etiam, & ad aranei ictum, allium cum ruta recte miscetur, ex oleoque contritum superimponitur.

30 7. *Adversus * Ceraſtis, & Dipsadis, & Hæmorrhoidis ictum.* f

At, si ceraſtes, aut dipsas, aut hæmorrhoids percussit, asphodeli, quod Ægyptiæ fabæ magnitudinem æquet, arefactum, in

V 4 duas

q Aëtius Tetrab. IV. Serm. I. 19. r Aëtius Tetrab. IV. Serm. I. 16. Ex eo mors, Dom. Panarolus Pentec. 1. Obs. 45. * Describitur ab Ælian. de Animal. 1. c. 57. f Aëtius Tetrab. IV. Serm. I. 22.

duas portiones dividendum est sic, ut ei rutæ paululum adjiciatur. Trifolium quoque & mentastrum, & cum aceto panaces æque proficiunt. Costumque, & cassia, & cinnamomum recte per potionem assumuntur.

8. *Adversus Chersydri tictum, & Ceraſtis.*

Adversus Chersydri vero tictum, panaces, aut laser, quod sit scrupulorum P.ii.*. vel porri succus cum hemina vini sumendus est, & edenda multa satureia. Imponendum autem super vulnus sterco caprinum ex aceto coctum; aut ex eodem hordeacea farina; aut ruta, vel nepeta, cum sale contrita, melle adjecto. Quod in eo quoque vulnere, quod ceraſtes fecit, æque valet.

9. *Adversus Phalangii tictum.* u

Ubi vero phalangium * nocuit, præter eam curationem, quæ manu editur, sæpe homo demittendus in solium est, dandusque ei myrrhæ & uvæ taminix par modus ex passi hemina; vel radiculæ semen, aut lolii radix ex vino; & super vulnus furfures ex aceto cocti, imperandumque, ut is conquiescat.

10. *Adversus tictus Italorum anguim, qui minus terribiles peregrinis sunt.*

Verum hæc genera serpentium & peregrina, & aliquanto magis pestifera sunt; maxime, quæ æstuosis gignuntur locis. Italia frigidioresque regiones hac quoque parte salubritatem habent, quod minus terribiles angues edunt. Adversus quos satis proficit herba betonica, vel cantabrica, vel centaurion, vel agrimonia, vel trixago, vel

t *Aëtius Terrab. IV. Serm. I. 35.* u *Idem ibid. 18.* * *Salmasius in Notis ad Spartiani Hadrian. C.20. pag.190. Edit. Hackianæ.*

vel personata, vel marinæ pastinacæ; si vel singulæ binæve tritæ, & sic potui datæ sunt cum vino, & super vulnus impositæ. Illud ignorare non oportet, omnis serpentis ictum & jejuni & jejuno magis nocere. ideoque perniciosissimi sunt, cum incubant: utilissimumque est, ubi ex anguibus metus est, non ante progredi, quam quis aliquid assumpsit.

10 11. *Remedium generale adversus omnia venena, vel in cibo, vel in potione assumpta.*

Non tam facile his opitulari est, qui venenum, vel in cibo, vel in potione sum-
pserunt. Primum, quia non protinus sen-
15 tiunt, ut ab angue icti: ideo ne succurre-
re quidem statim sibi possunt. Deinde, quia
noxa non a cute, sed ab interioribus parti-
bus incipit. Commodissimum est tamen,
ubi primum sensit aliquis, protinus oleo
20 multo epoto vomere. Deinde, ubi præcor-
dia exhaustit, bibere antidotum: si id non
est, vel merum vinum.

12. *Specialia remedia adversus quædam venena:
& primo adversus Cantbaridas.* x

25 Sunt tamen quædam remedia propria ad-
versus quædam venena, maximeque levio-
ra. Nam si cantharidas, aliquis ebibit, pa-
naces cum lacte contusa, vel galbanum vi-
no adjecto dari, vel lac per se debet.

30 13. *Adversus Cicutam.* y

Si cicutam, vinum merum calidum cum
ruta quamplurimum ingerendum est; de-
inde is vomere cogendus: posteaque laser
ex vino dandum. Isque, si febre vacat, in
cali-

x *Æginet. V. 30. Scribon. Larg. LVII. Adtuar.
M. M. V. 12.* y *Æginet. V. 41. Scribon. Larg.
XLVII. Adtuar. M. M. V. 12.*

calidum balneum mittendus: si non vacat, ungendus ex calefacientibus est. Post quæ quies ei necessaria est.

14. *Adversus Hyoscyamum.* z

Si hyoscyamum, fervens mulsum bibendum est, aut quodlibet lac, maxime tamen asininum.

15. *Adversus Cerussam.* a

Si cerussam, jus malvæ, vel juglandis ex vino contritæ, maxime profunt.

16. *Adversus Sanguisugam, si epota est, & lac, quod intus coit.* b

Si sanguisuga epota est, acetum cum sale bibendum est. Si lac intus coit, aut passum, aut cum aceto lafer.

17. *Adversus Fungos inutiles.* c

Si fungos inutiles quis assumpsit, radícula aut e posca, aut cum sale & aceto edenda est. Ipsi vero hi & specie quidem discerni possunt ab utilibus, & cocturæ genere idonei * fieri. Nam sive ex oleo inferbuerunt, sive piri furculus cum his inferbuit, omni noxa vacant.

18. *De adustis corporis locis, & quomodo curari debeant.* d

Aduſtis quoque locis extrinsecus vis inferitur; itaque sequi videtur, ut de his dicam. Hæc autem optime curantur foliis aut lilii, aut linguæ caninæ, aut betæ in vino oleoque decoctis. Quorum quodlibet protinus impositum ad sanitatem perducit.

Sed dividi quoque curatio potest in ea, quæ mediocriter exedentia reprimentiaque,

z *Æginet. V. 38.* a *Scribon. Larg. XLVII.*

b *Æginet. V. 36. Plin. H. N. XXII. 23.* c *Æginet. V. 54. Scrib. Larg. LXVI.* * *Alii sunt.*

d *Ægin. IV. 11. Seren. Samm. LX. Aëtius Tetrab. IV. Serm. II. 64.*

primo & pustulas prohibeant, & summan
 pelliculam exasperent: deinde ea, quæ le-
 nia ad sanitatem perducant. Ex prioribus
 est lenticulæ cum melle farina; vel myr-
 5 rha cum vino; vel creta cimolia cum thu-
 ris cortice contrita, & aqua coacta, at-
 que, ubi usus necessitas incidit, aceto di-
 luta. Ex insequentibus, quælibet λιπαρά. 267.
 Sed idonea maxime est, quæ vel plumbi re-
 10 trimentum, vel vitellos habet.

Est etiam illa adustorum curatio, dum
 inflammatio est, impositam habere cum mel-
 le lenticulam: ubi ea declinavit, farinam
 cum ruta, vel porro, vel marrubio, do-
 15 nec crustæ cadant: tum ervum cum mel-
 le, aut irim, aut resinam terebinthinam,
 donec ulcus purum sit: novissime ficcum
 linamentum.

C A P. XXVIII.

20 *De interioribus ulceribus, quæ, aliqua
 corporum parte corrupta, nascuntur.*

1. De carbunculo. e

25 **A**B his, quæ extrinsecus incidunt, ad
 ea veniendum est, quæ interiorius, cor-
 rupta aliqua corporum parte, nascuntur.
 Ex quibus non aliud carbunculo pejus.
 Ejus hæ notæ sunt. Rubor est, superque
 eum non nimium pustulæ eminent, ma-
 30 xime nigræ, interdum sublividæ, aut pal-
 lidæ. In iis fanies esse videtur; infra co-
 lor niger est. Ipsum corpus aridum, & du-
 rius, quam naturaliter oportet. Circaque
 quasi crusta est; eaque inflammatione cin-
 gitur.

e *Æginet. IV. 25. Aëtuar. M. M. II. 12. Oribas.
 Synopsis. VII. 12.*

gitur. Neque in eo loco levare cutis potest, sed inferiori carni quasi affixa est. Somnus urget. Nonnunquam horror, aut febris oritur, aut utrunque. Idque vitium subteractis quasi quibusdam radicibus serpit; interdum 5 celerius, interdum tardius. Supra quoque, procedens inalbescit; dein lividum fit; circumque exiguae pustulae oriuntur. Et si circa stomachum faucesve incidit, subito spiritum saepe elidit. 10

Nihil melius est, quam protinus adurere. Neque id grave est. nam non sentit; quoniam ea caro mortua est. Finisque adurendi est, dum ex omni parte sensus doloris est. Tum deinde ulcus, sicut cetera 15 adusta, curandum est. Sequitur enim sub medicamentis erodentibus crusta: quae undique a viva carne diducta, trahit secum, quicquid corruptum erat; purusque jam finis curari potest implentibus. At, si in 20 summa cute vitium est, possunt succurrere quaedam vel exedentia tantum, vel etiam adurentia. Vis pro magnitudine adhibenda est. Quodcunque vero medicamentum inpositum est, si satis proficiet, protinus a vi- 25 va corruptam partem resolvit.

Certaque esse fiducia potest fere, si undique vitiosa caro excidat, qua hujusmodi medicamen exest: si id non fit, medicamentumque malo vincitur, utique ad unctionem 30 properandum est. Sed in ejusmodi casu abstinendum a cibo, a vino est. Aquam liberaliter bibere expedit. Magisque ea servanda sunt, si febricula quoque accessit.

2. De

2. De Carcinomate.

Non idem periculum καρκίνωμα affert, nisi imprudentia curantis agitatum est. Id vitium fit maxime in superioribus partibus, circa f faciem, nares, aures, labra, g mammas fœminarum. Et ex jecore, aut splene hoc nascitur. Circa locum aliqua quasi puncta sentiuntur: isque immobilis, inæqualiter tumet: interdum etiam torpet. Circa
 10 eum inflatæ venæ quasi recurvantur: hæque pallent, aut livent: nonnunquam etiam in quibusdam delitescunt. Tactusque is locus, aliis dolorem affert, in aliis eum non habet. Et nonnunquam sine ulcere durior aut
 15 mollior est, / quam esse naturaliter debet: nonnunquam iisdem omnibus ulcus accedit. Interdumque nullam habet proprietatem: interdum simile his est, quæ vocant Græci κοινδύλωματα, aspredine quadam & magni-
 20 tudine sua. Colorque ejus ruber est, aut lenticulæ similis. Neque tuto fecatur. nam protinus aut resolutio nervorum, aut distentio insequitur. Sæpe homo ictus obmutescit, atque ejus anima deficit. Quibusdam
 25 etiam, si idipsum pressum est, quæ circa sunt, intenduntur & intumescunt. Namque pessimum id genus est, fereque primum id fit; quod κακόνδεσ a Græcis nominatur. Deinde ex eo id καρκίνωμα, quod sine ulcere
 30 re est. Deinde ulcus; & ex eo, thymium. Tolle nihil, nisi κακόνδεσ, potest: reliqua curationibus irritantur. Et quo major V. supra vis adhibita est, eo magis quidam usi sunt xxxiv, medicamentis adurentibus. Quidam ferro 4.

ad-

f Æginet. III. 22. g Scribon. Larg. XXIII.

adufferunt : quidam scalpello exciderunt. neque ulli unquam medicina * profuit : sed adusta , protinus concitata sunt , & increverunt , donec occiderent . Excisa etiam , post inductam cicatricem , tamen reverterunt , 5 & causam mortis attulerunt . Cum interim plerique nullam vim adhibendo , qua tollere id malum tentent ; sed imponendo tantum lenia medicamenta , quæ quasi blandiantur , quo minus ad ultimam senectutem perveniant , non prohibeantur . Discernere autem cacoethes , quod curationem recipit , a carcinomate , quod non recipit , nemo scire potest , nisi tempore & experimento . 15

Ergo , ubi primum id vitium notatum est , imponi debent medicamenta adurentia . Si levatur malum , minuunturque ejus indicia , procedere curatio potest & ad scalpellum , & ad ustionem . Si protinus irritatum est , scire licet , jam carcinoma esse ; removendaque sunt omnia acria , omnia vehementia . Sed , si sine ulcere is locus durus est , imponi ficum quam pinguissimam , aut 264 , *ῥυπῶδες* emplastrum satis est . Si ulcus æ- 25 14. quale est , ceratum ex rosa injiciendum est , adjiciendusque ei pulvis ex contrita testa , ex aqua , qua faber ferrarius tingere candens ferrum solitus est . Si id nimium supercrevit , tentanda squama æris est (quæ 30 lenissima ex adurentibus est) eatenus , ne quid eminere patiatur : sed ita , si nihil exacerbavit : sin minus , eodem cerato contenti esse debemus .

3. De

* Aphor. VI. 38.

3. De Theriomate.

Est etiam ulcus, quod *Θηρίωμα* Græci
 vocant. Id & per se nascitur, & interdum
 ulceri ex alia causa facto supervenit. Co-
 5 lor est vel lividus, vel niger: odor fœ-
 dus: multus, & muco similis humor. Id-
 ipsum ulcus neque tactum, neque medica-
 mentum sentit: prurigne tantum movetur.
 circa dolor est, & inflammatio. Interdum
 10 etiam febris oritur. Nonnunquam ex ulce-
 re sanguis erumpit. Atque id quoque ma-
 lum serpit. quo omnia sæpe intenduntur.
 Fitque ex his ulcus, quod *ἡ ἱρπιδία ἐσθί-
 μενον* Græci vocant; quia celeriter serpen-
 15 do, penetrandoque usque ad ossa, corpus
 vorat. Id ulcus inæquale est, cæno simile;
 inestque multus humor glutinosus; odor in-
 tolerabilis; majorque, quam pro modo ul-
 ceris, inflammatio. Utrunque, sicut om-
 20 nis cancer, fit maxime in senibus; vel his,
 quorum corpora mali habitus sunt. 167,

Curatio utriusque eadem est: sed in ma- 18.
 jore malo major vis necessaria. Ac pri- 84, 9.
 mum, a victus ratione ordinandum est: ut
 25 quiescat in lectulo: ut primis diebus a ci-
 bo abstineat: aquam quamplurimam assumat.
 Alvus quoque ei ducatur. Dein, post in-
 flammationem, cibum boni succi capiat;
 vitatis omnibus acribus: potionis quan-
 30 tum volet, sic, ut interdum quidem aqua
 contentus sit: in cæna vero etiam vini au-
 steri aliquid bibat. Non æque tamen fame
 in his, quos *ἑρπης* urgebit, atque in his, qui
Θηρίωμα adhuc habebunt, utendum erit.

Et

h *Aluar. M.M. II. 12. Æginet. IV. 20.*

Et victus quidem talis necessarius est.

Super ulcus vero inspergenda est arida
aloe contrita, &, si parum proficiet, chal-
citis. At, si quis nervus, exesa carne, nu-
datus est, contegendus ante linteolo est, ne 5
sub eo medicamento aduratur. Si validiori-
bus etiam remediis opus est, ad eas com-
positiones veniendum est, quæ vehemen-
tius adurunt. Quicquid autem inspergitur,
averfo specillo infundi debet. Superdanda 10
cum melle sunt vel linamenta, vel oleæ fo-
lia ex vino decocta, vel marrubium: eaque
linteolo contegenda in aqua frigida made-
facto, dein bene expresso. Circaque, qua
tumor ex inflammatione est, imponenda, 15
quæ reprimant, cataplasmata. Si sub his
nihil proficitur, ferro locus aduri debet;
diligenter nervis, qui apparent, ante con-
tectis. Adustum vel medicamentis vel fer-
ro corpus, primum purgandum, deinde im- 20
plendum esse, apparere cuilibet ex priori-
bus potest.

4. De Sacro igne. i

Sacer quoque ignis malis ulceribus annu-
merari debet. Ejus duæ species sunt. Al- 25
terum est subrubicundum, aut mistum ru-
bore atque pallore; exasperatumque per pu-
stulas continuas, quarum nulla altera ma-
jor est, sed plurimæ perexiguæ. In his sem-
per fere pus, & sæpe rubor cum calore est: 30
serpitque id nonnunquam fanefcente eo,
quod primum vitiatum est: nonnunquam
etiam exulcerato, ubi, ruptis pustulis, ulcus
continuatur, humorque exit, qui esse in-
ter

i *Æginet. IV. 12. Seren. Sammon. XLI. Aëtius
Tetrab. IV. Sermon. II. 59.*

ter saniem & pus videri potest. Fit maxime in pectore, aut lateribus, aut eminentibus partibus, præcipueque in plantis. Alterum autem est in summæ cutis exulceratione, sed sine altitudine, latum, sublividum, inæqualiter tamen; mediumque fænescit, extremis procedentibus: ac sæpe id, quod jam sanum videbatur, iterum exulceratur. At circa, proxima cutis, quæ vitium receptura est, tumidior & durior est, coloremque habet ex rubro subnigrum. Atque hoc quoque malo fere corpora seniora tentantur, aut quæ mali habitus sunt; sed in cruribus maxime.

15 Omnis autem sacer ignis, ut minimum periculum habet ex his, quæ serpunt; sic prope difficillime tollitur. Medicamentum ejus * fortissimum est, uno die febris, quæ humorem noxium absumat. Pus, quo cras-

20 sius & albidius est, eo periculi minus est. Prodest etiam infra ulcera locum cædi, quo plus puris exeat; & id, quo ibi corruptum corpus est, extrahatur. Sed tamen, si febricula accessit, abstinencia, lectulo, alvi ductione opus est. In omni vero sacro igni, neque lenibus & glutinosis cibis, neque falsis & acribus utendum est; sed his, quæ inter utrumque sunt: qualis est panis sine fermento, piscis, hædus, aves, exceptoque

25 apro, omnis fere venatio. Si non est febricula, & gestatio utilis est, & ambulatio, & vinum austerum, & balneum. Atque in hoc quoque genere potio magis liberalis esse, quam cibus, debet.

X

Ipsa

* Edit. Aldi, Steph. aliæque fortuitum.

Ipsa autem ulcera, si mediocriter ser-
 punt, aqua calida: si vehementius, vino
 calido fovenda sunt. Deinde acu pustulæ,
 quæcunque sunt, aperiendæ. Tum impo-
 nenda ea, quæ putrem carnem exedant. 5
 Ubi inflammatio sublata, ulcusque purga-
 tum est, imponi lene medicamentum de-
 bet. In altero autem genere, possunt pro-
 ficere mala cotonea in vino cocta, atque
 273. contrita: potest emplastrum vel Heræ, vel 10
 262. τετραφάρμακον; cui quinta pars thuris ad-
 jecta sit; potest nigra hederæ ex vino au-
 stero cocta, ac, si celeriter malum serpit,
 non aliud magis proficit. Purgato ulcere,
 quod in summa cute esse proposui, satis 15
 ad sanitatem eadem lenia medicamenta pro-
 ficient.

5. De Chironio ulcere. k

Chironium autem ulcus appellatur, quod
 & magnum est, & habet * oras duras, 20
 callosas, tumentes. Exit sanies non multa,
 sed tenuis: odor malus. neque in ulcere,
 neque in ejus tumore ulla est inflammatio:
 dolor modicus est. Nihil serpit, ideoque
 nullum periculum adfert; sed non facile 25
 sanescit. Interdum tenuis cicatrix induci-
 tur, deinde iterum rumpitur, ulcusque
 renovatur. Fit maxime in pedibus & cru-
 ribus.

Super id imponi debet, quod & lene ali- 30
 quid, & vehemens, & reprimens habeat.
 Quale ejus rei causa fit ex his: squamæ
 æris, plumbi eloti combusti, singulorum
 P.vi.*. cadmiæ, ceræ, singulorum P.viii.*.
 rosæ

k Ægin. IV. 46. * Pollux IV. c.25.

rosæ quantum satis est ad ceram simul cum eis molliendam.

6. *De Ulceribus, quæ ex frigore in pedibus & manibus oriuntur.*

5 Fiunt etiam ex frigore hiberno / ulcera, maxime in pueris, & præcipue pedibus, digitisque eorum, nonnunquam etiam in manibus. Rubor cum inflammatione mediocri est. Interdum pustulæ oriuntur, de-
10 inde exulceratio. Dolor autem modicus: prurigo major est. Nonnunquam humor exit, sed non multus; qui referre vel pus, vel faniem videtur.

In primis multa calida aqua fovendum est,
15 in qua rapa decocta; aut si ea non sunt, aliquæ verbenæ ex reprimentibus. Si nondum adaperitum ulcus est, æs, quam maxime calidum quis pati potest, admovendum est. Si jam exulceratio est, imponi debet
20 alumen, æqua portione cum thure contritum, tum vino adjecto; aut malicorium in aqua coctum, deinde contritum. Si summa detracta pellicula est, hic quoque melius lenia medicamenta proficiunt.

25 7. *De Struma.* m

Struma quoque est tumor, in quo subter concreta quædam ex pure & sanguine quasi glandulæ oriuntur. Quæ vel præcipue fatigare medicos solent, quoniam & febres
30 movent, nec unquam facile maturescunt; &, siue ferro, siue medicamentis curantur, plerunque iterum juxta cicatrices ipsas resurgunt; multoque post medicamenta sæpius. quibus id quoque accedit, quod

X 2 longo

1 *Æginet. III. 79. m Aëtius Tetrab. IV. Serm. III. c. 5. Actuar. Meth. Med. II. 12. Ægin. IV. 33. Oribas. Synopsis. VII. 29.*

longo spatio detinent. Nascuntur maxime in cervice; sed etiam in alis, & inguinibus, & in lateribus. In mammis quoque fœminarum se reperisse, chirurgus Meges author est.

Propter hæc & album veratrum recte datur, atque etiam sæpius, donec ea digerantur. Et medicamenta imponuntur, quæ humorem vel educant, vel dissipent; quorum supra mentio facta est. Adurentibus quoque quidam utuntur, quæ exedunt, crustaque eum locum adstringunt: tum vero ut ulcus curant. Quæcunque autem ratio curandi est, corpus, puro ulcere, exercendum atque alendum est, donec ad cicatricem perveniat. Quæ cum medici doceant, ab iis requirenda. Quorundam rusticorum experimento cognitum, quem struma male habet, eum, si anguem edit, liberari.

8. De Furunculo. n

Furunculus vero, est tuberculum acutum cum * inflammatione, & dolore; maximeque ubi jam in pus vergit. Qui ubi adaperitus est, & exiit pus, subter apparet pars carnis in pus versa, pars corrupta subalbida, subrubra; quem ventriculum quidam furunculi nominant. In eo nullum periculum est, etiam si nulla curatio adhibeatur: maturescit enim per se, atque erumpit. Sed dolor efficit, ut potior medicina sit, quæ maturius liberet.

Proprium ejus medicamentum galbanum est. sed alia quoque supra comprehensa sunt. Si cætera desunt, imponi debet,

pri-

n *Æginet. IV. 23. Seren. Sammon. XXXVIII.*

* *Edit. Aldi & aliæ* inflatione.

primum, non pingue emplastrum, ut id reprimat: deinde, si non repressit, quodlibet puri movendo accommodatum. si ne id quidem est, vel resina, vel fermentum.

5 Expresso pure, nulla ultra curatio necessaria est.

9. *De Phymate.*

396,

20.

Phyma vero nominatur tuberculum furunculo simile, sed rotundius & planius, sæpe etiam majus. Nam furunculus ovi dimidii magnitudinem raro explet, nunquam excedit. Phyma etiam latius patere consuevit: sed inflammatio dolorque sub eo minores sunt. Ubi divulsum est, pus eodem modo apparet: ventriculus qui in furunculo, non invenitur: verum omnis corrupta caro in pus vertitur. Id autem in pueris & sæpius nascitur, & facilius tollitur: in juvenibus rarius oritur, & difficilius curatur.

20 Ubi ætas induravit, ne nascitur quidem. Quibus vero medicamentis discuteretur, supra propositum est.

258,

19.

10. *De Phygethlo.*

25 *φύγεθλον* autem est tumor, non altus, sed latus, in quo quiddam pustulæ simile est. Dolor distentioque vehemens est, & major quam pro magnitudine tumoris: interdum etiam febricula. idque tarde maturascit, neque magnopere in pus convertitur. Fit maxime aut in cervice, aut in alis, aut in inguinibus. Panum, ad similitudinem figuræ, nostri vocant. Atque id ipsum quo medicamento tolleretur, supra demonstravi.

X 3

11. *De*

• *Seren. Samm. XL. Æginet. IV. 22.*

II. De Abscessibus. p

Sed cum omnes hi nihil nisi minuti abscessus sint, generale nomen trahit latius vitium, totum ad suppurationem spectans. Idque fere fit aut post febres, aut post dolores partis alicujus, maximeque eos, qui ventrem infestant. Sæpiusque oculis expositum est, siquidem latius aliquando intumescit ad similitudinem ejus, quod *ὄμα* vocari proposui, rubetque cum calore, & paulo post etiam cum duritia, magisque nocenter adolescit, & sitim vigiliamque exprimit. Interdum tamen nihil horum incute deprehendi potest; maximeque, ubi altius pus movetur: sed cum siti vigiliaque sentiuntur intus aliquæ punctiones. Et, quod de subito durius non est, melius est: & quod, quamvis rubet, coloris tamen in album mutati est. quæ signa jam pure oriente nascuntur: tumor enim ruborque multo ante incipiunt.

Sed, si locus nobilis est, avertendus materię aditus est per cataplasmata, quæ simul & reprimunt, & refrigerant: qualia & alias & paulo ante in erysipellate proposui. Si jam durior est, ad ea veniendum est, quæ digerant, & resolvant: qualis est ficus arida contusa: aut fex mista cum cerato, quod ex adipe suilla coactum sit; aut cucumeris silvestris radix, cui ex farina duæ partes adjectæ sint, ante ex mulso decoctæ. Licet etiam miscere æquis portionibus ammoniacum, galbanum, propolim, viscum, pondusque adjicere myrrhæ dimidio minus,

p *Æginet. IV. 18. Aëtius Terrab. IV. Serm. II. 32. Oribas. Synopsis. VII. 28.*

ius, quam in prioribus singulis erit. Atque
emplastra quoque & malagmata idem effi-
ciunt, quæ supra explicui.

Quod per hæc discussum non est, ne-
5 cesse est, maturescat. Idque quo celerius
fiat, imponenda est farina hordeacea, ex
aqua cocta, cui & olerum aliquid recte mi-
scetur. Eadem aut hæc in minoribus quo-
1 que abscessibus, quorum nomina proprie-
tatesque supra edidi, recte fiunt. Eadem-
que omnium curatio: tantummodo distat.
Crudum est autem, in quo major quasi ve-
narum motus est, & gravitas, & ardor, &
distentio, & dolor, & rubor, & durities;
15 & si major abscessus est, horror, atque
etiam febricula permanet: penitusque con-
dita suppuratione pro his, quæ alioqui cu-
tis ostendit, punctiones sunt. Ubi ista se
remiserunt, jamque is locus prurit, & aut
20 sublividus, aut subalbidus est, matura sup-
puratio est. Ex qua, ubi vel per se, vel per
medicamenta, vel etiam ferro aperta est,
pus debet emitti. Tum, si qua in alis, vel
inguinibus sunt, sine linamento nutrienda
25 sunt. In cæteris quoque partibus, si ima-
plaga exigua est, si mediocris suppuratio
fuit, si non alte penetravit, si febris non
est, si valet corpus, æque linamenta super-
vacua sunt. In reliquis, parce tamen, nec,
30 nisi magna plaga est, imponi debent. Com-
mode vero mel super linamenta, vel sine
his imponitur lenticula ex melle, aut mali-
corium ex vino coctum. quæ & per se &
mista idonea sunt.

Si qua circa duriora sunt, ad ea mollienda, vel malva contrita, vel fœni Græclinive semen ex passo coctum superdandum est. Quicquid deinde impositum est, non adstringi, sed modice deligari debet. Illo neminem decipi decet, ut in hoc genere cerato utatur. Cætera, quæ pertinent ad purgandum ulcus, ad implendum, ad cicatricem inducendam, conveniuntque vulneribus, exposita sunt.

412.

12. *De Fistulis*. q

413.

Nonnunquam autem ex ejusmodi abscessibus, & ex aliis ulcerum generibus, fistulæ oriuntur. Id nomen est ulceri alto, angusto, calloso. Fit in omni fere parte corporis: habetque quædam in singulis locis propria. Prius de communibus dicam. Genera igitur fistularum plura sunt. siquidem aliæ breves sunt, aliæ altius penetrant: aliæ rectæ intus feruntur, aliæ multoque plures transversæ: aliæ simplices sunt, aliæ duplices triplicesve; quæ ab uno ore orsæ intus tres fiunt, aut etiam in plures sinus dividuntur: aliæ rectæ, aliæ flexæ, & tortuosæ sunt: aliæ intra carnem desinunt, aliæ ad ossa aut cartilaginem penetrant; aut, ubi neutrum horum subest, ad interiora perveniunt: aliæ deinde facile, aliæ cum difficultate curantur, atque etiam quædam insanabiles reperiuntur.

Expedita curatio est in fistula simplici, recenti, intra * carnem. Adjuvatque ipsam corpus, si juvenile, si firmum est. Inimica contraria his sunt: itemque, si fistula os,

vel

q *Aëtius Tetrab. IV. Serm. II. 55.* * *Hippocr. Coac. Præn. III. 394.*

vel cartilaginem, vel nervum, vel muscu-
los læsit; si articulum occupavit; si vel ad
vesicam, vel ad pulmonem, vel ad vulvam,
vel ad grandes venas arteriasve, vel ad ma-
5 xillas, guttur, stomachum, thoracem pe-
netravit. Ad intestina quoque eam tende-
re, semper periculosum, sæpe pestiferum
est. Quibus multum mali accedit, si cor-
pus vel ægrum, vel senile, vel mali habi-
10 tus est.

Ante omnia autem demitti specillum in
fistulam convenit; ut, quo tendat, & quam
alte perveniat, scire possimus. Simul etiam,
prorsus humida, an siccior sit: quod extra-
15 cto specillo patet. Id quoque dici potest,
in osse vitium sit, necne: & si jam eo fi-
stula penetravit, quatenus nocuerit. Nam,
si molle est, quod ultimo specillo contingi-
tur, intra carnem adhuc vitium est: si ma-
20 gis id renititur, ad os ventum est. Ibi de-
inde si dilabatur specillum, nondum caries
est: si non dilabatur sede, qua innititur, ca-
ries quidem, verum adhuc levis est: si in-
æquale quoque & asperum subest, vehe-
25 mentius os exesum est. At cartilago ubi
subsit, ipsa sedes docet: perventumque esse
ad eam, ex renisu patet.

Ex his quidem colliguntur fistularum se-
des, spatia, noxæ. Simples vero hæ sint,
30 an in plures partes diducantur, cognosci
potest ex modo puris. Cujus si plus fer-
tur, quam quod simplici spacio convenit,
plures sinus esse manifestum est. Cum-
que fere juxta sint caro, & nervus, & ali-
qua

qua nervosa, quales fere tunicae membra-
naeque sunt, genus quoque puris docebit,
num plures sinus intus diversa corporis ge-
nera perferant. Siquidem ex carne pus lae-
ve, album, copiosius fertur: at ex nervo- 5
so loco, coloris quidem ejusdem, sed te-
nuius & minus: ex nervo, pingue & oleo
non dissimile. Denique etiam corporis in-
clinatio docet, num in plures partes fistulae
penetrarint, quia saepe, cum quis aliter de- 10
cubuit, aliterque membrum collocavit, pus
ferri, quod jam desierat, iterum incipit;
testaturque, non solum alium sinum esse,
ex quo descendat, sed etiam in aliam cor-
poris partem eum tendere. 15

Si in carne & recens & simplex est; ac
neque sinuosa neque cava sede; neque in
articulo, sed in eo membro, quod per se
immobile, non nisi cum toto corpore mo-
vetur, satis proficiet emplastrum, quod re- 20
centibus vulneribus imponitur, dum ha-
beat vel salem, vel alumen, vel squamam
æris, vel æruginem, vel ex metallicis ali-
quid. Exque eo collyrium fieri debet altera
parte tenuius, altera paulo plenius. Idque 25
ea parte, qua tenuius est, antecedente de-
mitti oportet in fistulam, donec purus san-
guis se ostendat. quæ in omnibus fistularum
collyriis perpetua sunt. Idem deinde em-
plastrum in linteolo superimponendum; su- 30
praque injicienda spongia est, in acetum
ante demissa: solvique quinto die satis est.
Genus victus adhibendum est, quo carnem
ali docui.

At,

At, si longius a præcordiis fistula est, ex intervallo jejunum radículas esse, deinde vomere, necessarium est.

Quum vetustate callosa sit fistula (callus 300, 9. 5 autem neminem fallit, quia durus est, & aut albus, aut pallidus) tum validioribus medicamentis opus est. Quale est, quod habet papaveris lachrymæ P. i. *. gummi P. iiii. *. cadmiæ P. iiii. *. atramenti sutorii P. viii. *. ex quibus aqua coactis collyrium fit. Aut in quo sunt gallæ P. i. *. æruginis, sandarachæ, aluminis Ægyptii, singulorum P. i. *. atramenti sutorii combusti P. ii. *. Aut quod constat ex chalcitide, 15 & e saxo calce; quibus adjicitur auripigmenti dimidio minus, quam in singulis prioribus est; eaque melle cocto excipiuntur. Expeditissimum autem est ex præcepto Megetis, r æruginis rasæ P. ii. *. conterere, 20 deinde ammoniaci thymiamatis P. ii. *. aceto liquare, eoque infuso æruginem cogere. Idque ex primis medicamentis est. Sed, ut hæc maximi effectus sunt, si cui ista non adsunt, facile tamen est callum quibuslibet 25 adurentibus medicamentis erodere: satisque est vel papyrus intortum, vel aliquid ex penicillo in modum collyrii adstrictum eo illinere. Scilla quoque cocta & mixta cum calce, callum exest.

30 Si quando vero longior & transversa fistula est, demisso specillo, contra principium hujus incidi commodissimum est, & collyrium, * quod volueris demitti.

At si duplicem esse fistulam vel multipli-

cem

r Oribas. Synops. VII. 30. * Edit. Aldi, Steph. utrumque, alii legunt utrimque.

cem existimamus, sic tamen ut brevis, intraque carnem sit, collyrio uti non debemus; quod unam partem curet, reliquas omittat: sed eadem medicamenta arida in calamum scriptorium conjicienda sunt, isque ori fistulæ aptandus, inspirandumque, ut ea medicamenta intus compellantur. Aut eadem ex vino liquanda sunt; vel, si fordidior fistula est, ex mulso; si callosior, ex aceto; atque intus infundendum, quicquid inditum est. Superponenda sunt, quæ refrigerent & reprimant. nam fere, quæ circa fistulam sunt, habent aliquid inflammationis. Neque alienum est, ubi quis resolverit, antequam rursus alia medicamenta injiciat, per oricularium clysterem fistulam eluere; si plus puris fertur, vino; si callus durior est, aceto; si jam purgatur, mulso, vel aqua, in qua ervum coctum sit, sic ut huic quoque mellis paululum adjiciatur. 5 10 15 20

Fere vero fit, ut ea tunica, quæ inter foramen & integram carnem est, victa tot medicamentis exeat, infraque ulcus purum sit. Quod ubi contigit, imponenda glutinantia sunt; præcipueque spongia melle cocto illita. Neque ignoro, multis placuisse linamentum in modum collyrii compositum & tinctum melle, implendi causa demitti. sed celerius sic glutinatur, quam impletur. Neque verendum est, ne purum corpus puro corpori junctum non coeat; adjectis quoque medicamentis ad id efficacibus; cum sæpe exulceratio digitorum, nisi magna cura prospeximus, sanescendo in unum eos jungat. 25 30

13. De

13. De Ulceris genere, quod *κνρίον* nominatur.

Est etiam ulceris genus, quod a favi similitudine *κνρίον* s. Græcis nominatur. Idque duas species habet. Alterum est subalbidum, & furunculo simile; sed majus, & cum magno dolore. Quod, ubi maturescit, habet foramina; per quæ fertur humor glutinosus, & purulentus; nec tamen ad justam maturitatem pervenit. Si divisum est, multo plus intus corrupti, quam in furunculo, apparet, altiusque descendit. Raro fit nisi in capillis.

Alterum est minus, & super caput emicans, durum, latum, subviride, subpallidum, magis exulceratum: siquidem ad singulorum pilorum radices foramina sunt, per quæ fertur humor glutinosus, subpallidus, crassitudinem mellis, aut visci referens, interdum olei: & si inciditur, viridis intra caro apparet. Dolor autem, & inflammatio ingens est, adeo ut acutam quoque febrem movere consuerint.

Super id, quod minus crebris foraminibus exasperatum est, recte imponitur & ficus arida, & lini semen * in mulso coctum, & emplastra ac malagmata materiam educientia, aut quæ proprie huc pertinentia supra posui.

Super alterum, & eadem medicamenta, & farina ex mulso cocta, sic ut ei dimidium resinæ terebinthinæ misceatur; & ficus in mulso decocta, cui paulum hyssopi contriti sit adjectum; & uvæ taminix pars quarta fico adjecta. Quod si parum in utrolibet genere

s. *Actuar. M.M. II. 12. & IV. 16. Æginet. III. 3. Trallian. I. 9.* * *Al.* quod in vino.

genere medicamenta proficiunt, totum ulcus usque ad sanam carnem excidi oportet. Ulcere ablato, super plagam medicamenta danda sunt; primum, quæ pus citent; deinde, quæ purgent, tum, quæ impleant.

14. De *Acrochordone*, & *Thymio*,
& *Myrmeciis*, & *Clavo*.

Sunt vero quædam verrucis t similia; quorum diversa nomina, ut vitia sunt. *Ἀκροχόρδονα* Græci vocant, ubi sub cute coit aliquid durius, & interdum paulo asperius, coloris ejusdem; infra ad cutem tenue, supra latius. Idque modicum est, quia raro fabæ magnitudinem excedit. Vix unum tantum eodem tempore nascitur; sed fere plura, maximeque pueris: eaque nonnunquam subito desinunt, nonnunquam mediocrem inflammationem excitant. sunt, quæ etiam in pus convertuntur.

Ἀκροθύμιον u nominatur, quod super corpus quasi verrucula eminet, ad cutem latius, supra tenue, subdurem, & in summo perasperum. Id, qua summum, colorem floris thymi repræsentat; unde ei nomen est; ibique facile finditur, & cruentatur; nonnunquam aliquantum sanguinis fundit: fereque circa magnitudinem fabæ Ægyptiæ est, raro majus, interdum perexiguum. Modo autem unum, modo plura nascuntur, vel in palmis, vel in inferioribus pedum partibus: pessima tamen in obscænis sunt; maximeque ibi sanguinem fundunt.

Μυρμηκία x autem vocantur humiliora
thymio

t *Æginet. IV. 15. VI. 87.* u *Aëtius Tetrab. IV. Serm. II. 3. Oribas. Synopsis. VII. 39.* x *Actuar. M. M. II. 11. Oribas. Synopsis. VII. 43.*

thymio durioraque. quæ radices altius exigunt, majoremque dolorem movent, infralata, supra autem tenuia, minus sanguinis mittunt: magnitudine vix unquam lupini modum excedunt. Nascuntur ea quoque aut in palmis aut in inferioribus partibus pedum.

Clavus *y* autem nonnunquam quidem etiam alibi, sed in pedibus tamen maxime nascitur, præcipue autem ex contuso, quamvis interdum aliter: doloremque, etiamsi non alias, tamen ingredienti movet.

Ex his Acrochordon & acrothymium sæpe etiam per se finiuntur; &, quo minora sunt, eo magis. Myrmecia & clavi sine curatione vix unquam desinunt. Acrochordon, si excisa est, nullam radiculam relinquit, ideoque ne renascitur quidem. Acrothymio clavoque excisis, subrotunda radícula nascitur, quæ penitus descendit ad carnem: eaque relicta, idem rursus exit. Myrmecia latissimis radicibus inhærent: ideoque ne excidi quidem sine magna exulceratione possunt. Clavum subinde radere, commodissimum est. nam sine ulla vi sic mollescit. at, si sanguinis quoque aliquid emissum est, sæpe emoritur. Tollitur etiam, si quis eum circumpurgat, deinde imponit resinam, cui miscuit pulveris paululum, quem ex lapide molari contrito fecit. Cætera vero genera medicamentis adurenda sunt. Aliisque id, quod ex fece vini: myrmeciis id, quod ex alumine & sandaracha fit, aptissimum

y *Æginet. III. 80. VI. 87.*

simum est. Sed ea, quæ circa sunt, foliis contegi debent, ne ipsa quoque exulcerentur: deinde postea lenticula imponi. Tollit acrothymium etiam ficus in aqua decocta.

5

15. De Pustularum generibus.

At pustulæ maxime vernis temporibus oriuntur. Earum plura genera sunt. Nam *V. supra* modo circa totum corpus partemve aspredo *xxi*, quædam fit, similis his pustulis, quæ ex *10* urtica, vel ex sudore nascuntur: *a* ἐξανθήματα Græci vocant. eæque modo rubent, modo colorem cutis non excedunt. Nonnunquam plures, similes varis oriuntur, nonnunquam majores. Pustulæ, lividæ sunt, *15* aut pallidæ, aut nigræ, aut aliter naturali colore mutato: subestque illis humor. Ubi hæ ruptæ sunt, infra quasi exulcerata caro apparet. *φλύκταιναι ὁ ἐλκώδης* Græce nominantur. Fiunt vel ex frigore, vel ex *20* igni, vel ex medicamentis.

φλυζάνιον autem paulo durior pustula est, subalbida, acuta. ex qua ipsa quod exprimitur, humidum est. Ex pustulis vero nonnunquam etiam ulcuscula fiunt, aut aridiora, *25* aut humidiora: & modo tantum cum prurigine, modo etiam cum inflammatione ac dolore, exitque aut pus, aut sanies, aut utrunque. Maximeque id evenit in ætate puerili: raro, in medio corpore: sæpe, *30* in eminentibus partibus.

Pessima pustula est, quæ *c* ἐπινυκτίς vocatur. Ea colore vel sublivida, vel subnigra, vel alba esse consuevit. Circa hanc autem

vehe-

z Aph. III. 20. a Aetuar. M. M. II. 11. Trall. I. 5. b Aetuar. M. M. VI. 8. c Idem ibid. II. 11. Oribas. Synopsis. VII. 37. 42.

vehemens inflammatio est; & cum aperta est, reperitur intus exulceratio mucosa, colore humori suo similis. Dolor ex ea supra magnitudinem ejus est: neque enim ea faba
 5 major est. Atque hæc quoque oritur in eminentibus partibus, & fere noctu. unde nomen quoque a Græcis ei ἐπιπυκνίς est impositum.

In omni vero pustularum curatione primum est, multum ambulare, atque exerceri: si quid ista prohibet, gestari. Secundum
 10 est, cibum minuire: abstinere ab omnibus acribus & extenuantibus. eademque nutrices facere oportet, si lactens puer ita affectus est. Præter hæc, is, qui tam robustus est, si pustulæ minutæ sunt, desudare
 15 in balneo debet; simulque super eas nitrum inspergere; oleoque vinum miscere, & sic ungi; tum descendere in solium. Si nihil sic proficitur, aut si majus pustularum genus occupavit, imponenda lenticula est; de-
 20 tractaque summa pellicula, ad medicamenta lenia transeundum. Ε'πιπυκνίς post lenticulam, recte herba quoque sanguinali, vel viridi coriandro curatur.

25 Ulcera vero ex pustulis facta tollit spuma argenti cum semine fœni Græci mixta sic, ut his invicem rosa atque intubi succus adjiciatur, donec mellis crassitudo ei fiat. Proprie ad eas pustulas, quæ infantes
 30 male habent, lapidis, quem πυρίπλεω Græci vocant, P. VIII. *. cum quinquaginta amaribus nucibus miscetur, adjiciunturque olei cyathi tres. Sed prius ungi ex cerussa pustulæ debent, & tum hoc illini.

Y

16. De

d Oribas. de Morb. Curat. III. 54.

16. De Scabie. e

V. supra Scabies vero est durities cutis rubicun-
 xxi, 4. dior. ex qua pustulæ oriuntur, quædam
 humidiores, quædam sicciore. Exit ex qui-
 busdam sanies; fitque ex his continuata ex- 5
 ulceratio pruriens; serpitque in quibusdam
 cito. Atque in aliis quidem ex toto desi-
 nit, in aliis vero certo tempore anni re-
 vertitur. Quo asperior est, quoque prurit
 magis, eo difficilius tollitur. Itaque eam, 10
 340, quæ talis est, *ἀγρία* Græci appellant, id
 14. est feram.

In hac quoque victus ratio eadem, quæ
 supra, necessaria est. Medicamentum autem
 ad incipientem hanc idoneum est; quod 15
 fit ex spodii, croci, æruginis, singulorum
 P. i. *. piperis albi, omphacii, singulorum
 P. i. *. cadmiæ P. viii. *. At, ubi jam exul-
 ceratio est, id, quod fit ex sulphuris P. i. *.
 ceræ P. iv. *. picis liquidæ hemina, olei 20
 sextariis duobus. quæ simul usque ad crassi-
 tudinem mellis incoquantur. Est etiam,
 255, quod ad Protarchum authorem refertur.
 16. Habet hoc farinæ lupinorum sextarium, ni-
 tri cyathos quatuor, picis liquidæ hemi- 25
 nam, resinæ humidæ selibram, aceti cya-
 thos tres. Crocum quoque, lycium, ærugo,
 myrrha, cinis, æquis portionibus recte mi-
 scentur, & ex passo coquantur. Idque o-
 nem utique scabiem sanat. Ac, si nihil 30
 aliud est, amurca ad tertiam partem deco-
 cta, vel sulphur pici liquidæ mistum, sicut
 de pecoribus proposui, hominibus quoque
 scabie laborantibus opitulantur.

17. De

e Oribas. de Morb. Curat. III. 58.

17. *De Impetiginis speciebus.* f

Impetiginis vero species sunt quatuor. Minime mala est, quæ similitudine scabiem repræsentat. nam & rubet, & durior est,
 5 & exulcerata, & rodit. Distat autem ab ea, quæ magis exulcerata est, & varis similes pustulas habet; videnturque esse in ea quasi bullulæ quædam, ex quibus interposito tempore quasi squamulæ solvuntur, certioribusque hæc temporibus revertitur.
 10

Alterum genus est pejus & simile papulæ fere, sed asperius rubicundiusque, figuras varias habens: squamulæ ex summa cute decidunt, rosio major est, celerius & latius procedit, certioribusque etiam, quam
 15 prior, temporibus & fit, & desinit. Rubra cognominatur.

Tertia etiamnum deterior est, nam & crassior est, & durior, & magis tumet; in summa
 20 cute finditur, & vehementius rodit. Ipsa quoque squamosa, sed nigra est: proceditque & latet, nec tardat: minus vero errat in temporibus, quibus aut oritur, aut desinit; neque ex toto tollitur. Nigræ cognomen est.

25 Quartum genus est, quod curationem omnino non recipit, distans colore. nam subalbidum est, & recenti cicatrici simile; squamulasque habet pallidas, quasdam subalbidas, quasdam lenticulæ similes: quibus demptis,
 30 profluit sanguis nonnunquam. Alioqui vero humor ejus albidus est, cutis dura atque fissa est, proceditque latius.

Hæc vero omnia genera maxime oriuntur in pedibus, & manibus; atque un-

Y 2

gues

f Oribas. de Morb. Curat. III. 59. Synopsis. VII.

338, 23. gues quoque infestant. Medicamentum non aliud valentius est, quam quod ad scabiem quoque pertinere sub authore Protarcho retuli. Serapion autem, nitri P. ii. *. sulphuris P. iv. *. excipiebat resina copiosa, eoque utebatur. 5

18. *De papulis.*

Papularum vero duo genera sunt. Alterum est, in quo per minimas pustulas cutis exasperatur, & rubet, leviterque roditur, medium habet pauxillo levius: tarde 10
338, 11. ferpit. idque vitium maxime rotundum incipit, eademque ratione in orbem procedit. Alterum est, quam ἀγρία Græci appellant. In qua similiter quidem, sed magis 15
cutis exasperatur, exulceraturque, ac vehementius & roditur, & rubet, & interdum etiam pilos remittit.

Quæ minus rotunda est, difficilius sanescit: nisi sublata est, in impetiginem vertitur. Sed levis papula etiam, si jejuna saliva quotidie defricetur, sanescit. Major, commodissime murali herba tollitur, si super eadem trita est. Ut vero ad composita 20
medicamenta veniamus, idem illud Protarchi tanto valentius in his est, quanto minus in his vitii est. Alterum ad idem, Miconis: nitri rubri, thuris, singulorum P. i. *. cantharidum purgatarum P. ii. *. sulphuris ignem non experti tantundem, 30
resinæ terebinthinæ liquidæ P. xx. *. farinæ lolii sext. iii. git cyathi tres, picis crudæ sext. unum.

19. *De*

19. *De Vitiliginis speciebus, id est, de Albo,*
& Melane, & Leuce. g

Vitiligo quoque, quamvis per se nullum
 periculum adfert; tamen & fœda est, & ex
 5 malo corporis habitu fit. Ejus tres species
 sunt. Ἀλφὸς vocatur, ubi color albus est,
 fere subasper & non continuus, ut quædam
 quasi guttæ dispersæ esse videantur. Inter-
 dum etiam latius, & cum quibusdam in-
 10 termissionibus serpit. Μέλας colore ab hoc
 differt, quia niger est, & umbræ similis.
 cætera eadem sunt. Ἀλκήν habet quiddam si-
 mile albo, sed magis albida est, & altius
 descendit; in eaque albi pili sunt, & lanu-
 15 gini similes. Omnia hæc serpunt: sed in
 aliis celerius, in aliis tardius. Albos &
 Melas in quibusdam variis temporibus oriun-
 tur & desinunt. Leuce, quem occupavit,
 non facile dimittit.

20 Priora curationem non difficillimam reci-
 piunt: ultimum vix unquam sanescit; ac,
 si quid ei vitio demptum est, tamen non ex
 toto sanus color redditur. Utrum autem ali-
 quod horum sanabile sit, an non; experi-
 25 mento facile colligitur. Incidi enim cutis
 debet, aut acu pungi. si sanguis exit, quod
 fere fit in duobus prioribus, remedio locus
 est: si humor albidus, sanari non potest.
 Itaque ab hoc quidem abstinendum est.

30 Super id vero, quod curationem recipit,
 imponenda lenticula mixta cum sulphure
 & thure, sic, ut ea contrita ex aceto sit.
 Aliud ad idem, quod ad Irenæum autho-
 rem refertur. Aleyonium, nitrum, cumi-

Y 3 num,

g *Actuar. M.M.II.ii.VI.8. Oribas. de Morb.*
Cur. III.58. Aëtius Terrab. IV. Serm. I. 132.

num, fici folia arida paribus portionibus contunduntur, adjecto aceto. His in sole vitiligo perungitur: deinde non ita multo post, ne nimis erodatur, eluitur. Proprie quidem, Micone authore, eos, quos Alphos vocari dixi, hoc medicamento perungunt: sulphuris P. ii. *. nitri P. iv. *. myrrhæ aridæ contritæ acetabulum miscent, deinde in balneo super vitiliginem inspergunt farinam ex faba, tum hæc inducunt. Hi vero, quos Melanas vocari dixi, curantur, cum simul contrita sunt alcyonium, thus, hordeum, faba, ea-que sine oleo in balneo ante sudorem insperguntur, ac tum genus id vitiliginis defricatur.

LIBER SEXTUS.

C A P. I.

De Vitiis singularum corporis partium.



IXI de his vitiis, quæ per totum corpus orientia, medicamentorum auxilia desiderant. nunc ad ea veniam, quæ non nisi in singulis partibus incidere consueverunt, orsus a capite.

I. De Capillis fluentibus, a

In hoc igitur capillis fluentibus maxime quidem sæpe radendo succurritur. Adjicit etiam vim quandam ad continendum, ladanum cum oleo * mistum. Nunc de his capillis loquor, qui post morbum fere fluunt.

343,
27.

Nam,

a Trallian. I. 2. Actuar. M. M. II. 5. IV. 9. Oribas. de Loc. Affect. Cur. IV. 5. * Scil. myrteo. Th. Priscian. I. 2.

Nam, quo minus caput quibusdam ætate
 * nudetur, succurri nullo modo potest.

CAP. II.

5

De Porrigine. a

PORRIGO autem est, ubi inter pilos quædam quasi squamulæ surgunt, exque a cute resolvuntur; & interdum m-
 10 dent, multo sæpius siccæ sunt. Idque evenit, modo sine ulcere, modo exulcerato loco. Huic quoque modo malo odore, modo nullo accedente. Fereque id in capillo fit, rarius in barba, aliquando etiam in super-
 15 cilio. Ac neque sine aliquo corporis vitio nascitur, neque ex toto inutile est. Nam bene integro capite, non exit: ubi aliquod in eo vitium est, non incommodum est, summam cutem potius subinde corrumpi,
 20 quam id, quod nocet, in aliam partem magis necessariam verti.

Commodius est ergo subinde pectendo repurgare, quam id ex toto prohibere. Si tamen ea res magis offendit (quod nimium
 25 humore sequente fieri potest; magisque, si is etiam mali odoris est) caput sæpe radendum est; dein id super adjuvandum aliquibus ex leviter reprimentibus; quale est nitrum cum aceto, vel ladanum cum myrteo
 30 & vino, vel myrobalanum cum vino. Si parum per hæc proficitur, vehementioribus uti licet; cum eo, ut sciamus, utique in recenti vitio id inutile esse.

Y 4

CAP.

* *Priscian. I.2. a Æginet. III. 3. Trallian. I. 4. Oribas. de Loc. Affect. Cur. IV. 9.10.*

CAP. III.

De Sycofi. a

EST etiam ulcus, quod a fici similitudine *σύνκωσις* a Græcis nominatur, quia caro in eo excrescit: & id quidem generale est. Sub eo vero duæ species sunt. Altera, ulcus durum & rotundum est: altera, humidum & inæquale. Ex duro exiguum quiddam & glutinosum exit: ex humido plus, 10 & mali odoris. Fit utrunque in iis partibus, quæ pilis conteguntur: sed, id quod callosum & rotundum est, maxime in *b* barba; id vero, quod humidum, præcipue in capillo. 15

Super utrunque oportet imponere elaterium, aut lini semen contritum & aqua coactum, aut ficum in aqua decoctam, aut emplastrum tetrapharmacum ex aceto subactum. Terra quoque Eretria ex aceto liquata recte illinitur. 20

CAP. IV.

De Areis.

AREARUM quoque duo genera sunt. 25
Commune utrique est, quod, emortua summa pellicula, pili primum extenuantur; deinde excidunt: ac, si ictus is locus est, sanguis exit liquidus, & mali odoris: increscitque utrumque in aliis celeriter, in aliis 30 tarde. Pejus est, quod densam cutem, & subpinguem, & ex toto glabram fecit. Sed ea, quæ *ἀλωπεκία* *b* nominatur, sub qualibet figura dilatatur. Fit & in capillo, & in barba.

a Æginet. III. 3. Aëtuar. M.M. II. 5. Oribas. de Loc. Affect. Cur. IV. 52. Trall. I. 5. b Trallian. I. 1. Priscian. Lib. 1. c. 6.

barba. Id vero, quod a serpentis similitudine ὀφίαντις c appellatur, incipit ab occipitio: duorum digitorum latitudinem non excedit: ad aures duobus capitibus serpit; quibusdam etiam ad frontem, donec se duo capita in priorem partem committant. Illud vitium in qualibet ætate est: hoc fere in infantibus. Illud vix unquam sine curatione: hoc per se sæpe finitur.

10 Quidam hæc genera arearum scalpello exasperant. quidam illinunt adurentia ex oleo; maximeque chartam combustam. quidam resnam terebinthinam cum thapsia inducunt. Sed nihil melius est, quam novacula
15 quotidie radere: quia, cum paulatim summa pellicula excisa est, adaperiuntur pilorum radiculæ. Neque ante oportet desistere, quam frequentem pilum nasci apparuerit. Id autem, quod subinde raditur, illini
20 atramento futorio satis est.

C A P. V.

*De Varis, & Lenticulis,
& Ephelide. a*

25 **P**E N E ineptiæ sunt, curare varos, & lenticulas, & ephelidas: sed eripi tamen fœminis cura cultus sui non potest. Ex iis autem, quæ supra proposui, vari lenticulæque vulgo notæ sunt; quamvis rarior
30 ea species est, quam φακίαν Græci vocant, cum sit ea lenticula rubicundior, & inæqualior. Ἐφελίς vero a plerisque ignoratur: quæ nihil est, nisi asperitas quædam & durities mali coloris. Cætera non nisi in facie:

c Oribas. de Loc. Affect. Cur. IV. 42. Aetnar.
M. M. V. 13. a Æginet. III. I.

cie: lenticulæ etiam in alia parte nonnunquam nasci solent. de qua per se scribere alio loco, visum operæ pretium non est.

Sed vari commodissime tolluntur imposita resina, cui non minus quam ipsa est, aluminis scissilis, & paulum mellis adjectum est. Lenticulam tollunt galbanum & nitrum, cum pares portiones habent, contritaque ex aceto sunt, donec ad mellis crassitudinem venerint. His corpus illinendum est, & interpositis pluribus horis, mane eluendum, oleoque leviter unguendum.

Ephelidem tollit resina, cui tertia pars fossilis & paulum mellis adjectum est. Ad omnia vero ista, atque etiam ad colorandas cicatrices, prodest ea compositio, quæ ad Tryphonem patrem authorem refertur. In ea pares portiones sunt myrobalani, crocomagmatis, cretæ cimoliæ subceruleæ, nucum amararum, farinæ hordei atque ervi, struthii albi, fertulæ campanæ feminis. quæ omnia contrita, melle quam amarissimo coguntur, illitumque a vespere usque mane eluitur.

C A P. VI.

De oculorum morbis: & primo de his, qui lenibus medicamentis curantur. a

SED hæc quidem mediocria sunt. ^b In gentibus vero & variis casibus oculi nostri patent. Qui cum magnam partem ad vitæ simul & utrumque & dulcedinem conferant, summa cura tuendi sunt.

Pro-

^a *Aëtuar. M. M. IV. 11. VI. 5. III. 22.*

^b *Trallian. II. 1.*

Protinus autem orta lippitudine, quædam notæ sunt, ex quibus, quid eventurum sit, colligere possimus. Nam, si simul & lachryma & tumor & crassa pituita cœperint; si ea pituita lachrymæ mista est; neque lachryma calida est, pituita vero alba & mollis, tumor non durus, longæ valetudinis metus non est. At si lachryma multa & calida, pituitæ paulum, tumor modicus, idque in uno oculo est; longum id, sed 331. sine periculo, futurum est. Idque lippitudinis 411. genus minime cum dolore est; sed vix ante vigesimum diem tollitur: nonnunquam per duos menses durat; quandoque brevius 15 finitur.

Si pituita alba & mollis esse incipit; lachrymæque miscetur, aut, si simul hæ utrunque oculum invaserunt, potest esse brevior, sed periculum ulcerum est. Pituita 20 autem sicca & arida dolorem quidem movet, sed maturius desinit; nisi quid exulceravit.

Tumor magnus, si sine dolore est, & siccus, sine ullo periculo est: si siccus quidem, sed 25 cum dolore est, fere exulcerat; & nonnunquam ex eo casu fit, ut palpebra cum oculo glutinetur. Ejusdem exulcerationis timor in palpebris pupillisve est; ubi, super magnum dolorem, lachrymæ falsæ calidæque 30 eunt; aut etiam si, tumore jam finito, diu lachryma cum pituita profluit.

Pejus etiamnum est, ubi pituita pallida aut livida est, lachryma calida aut multa profluit, caput calet, a temporibus ad oculos

los dolor pervenit, nocturna vigilia urget. siquidem sub his oculus plerumque rumpitur, votumque est, ut tantum exulceretur. Intus ruptum oculum febricula juvat. Si foras jam ruptus procedit, sine auxilio est. Si de nigro aliquid albidum factum est, diu manet. At, si asperum, & crassum est, etiam post curationem vestigium aliquod relinquit.

Curari vero oculos sanguinis detractione, medicamento, balneo, fotu, vino, vetustissimus author Hippocrates c memoriae prodidit. Sed eorum tempora & causas parum explicuit: in quibus Medicinæ summa est. Neque minus in * abstinentia & alvi ductione sæpe auxilii est. Hos igitur interdum inflammatio occupat: ubi cum tumore in his dolor est; sequiturque pituitæ cursus, nonnunquam copiosior vel acrior, nonnunquam utraque parte moderatior. In ejusmodi casu prima omnium sunt quies & abstinentia. Ergo primo die, loco obscuro cubare debet sic, ut a sermone quoque abstineat: nullum cibum assumere; si fieri potest, ne aquam quidem; sin minus, certe quam minimum ejus.

Quod si graves dolores sunt, commodius secundo die; si tamen res urget, etiam primo † sanguis mittendus est; utique si in fronte venæ tument, si firmo corpore materia superest. Si vero minor impetus, minus acrem curationem requirit. Alvum non nisi secundo tertiove die duci oportet. At modica inflammatio neutrum ex his auxi-

c *Aphor. VI. 31.* * *Marcell. de Medic. c. 8.*

† *Idem ibidem.*

auxilium desiderat : satisque est , uti quiete & abstinentia .

Neque tamen in lippiis longum jejunium necessarium est , ne pituita tenuior
5 atque acrior fiat : sed secundo die dari debet id , quod levissimum videri potest ex
iis , quæ pituitam faciunt crassiorem ; quæ- 360,
lia sunt ova forbilia : si minor vis urget , 15.
pulticula quoque , aut panis ex lacte . In
10 sequentibus diebus , quantum inflammationi
detrahetur , tantum adjici cibis poterit ; sed
generis ejusdem : utique ut nihil falsum ,
nihil acre , nihil ex his , quæ extenuant ,
sumatur ; nihil potui præter aquam . Et vi-
15 etus quidem ratio talis maxime necessaria
est .

Protinus autem primo die , † croci P. i. *.
& farinæ candidæ quam tenuissimæ P. ii. *.
excipere oportet ovi albo , donec mellis cras-
20 situdinem habeat : idque in linteolum illi-
nere , & fronti agglutinare , ut , compressis
venis , pituitæ impetum cohibeat . Si cro-
cum non est , thus idem facit . Linteolo an
lana excipiat , nihil interest . Superinun-
25 gi vero oculi debent sic , ut croci quantum
tribus digitis comprehendi potest , suma-
tur , myrrhæ ad fabæ , papaveris lachrymæ
ad lentis magnitudinem , eaque cum passo
conterantur , & specillo super oculos indu-
30 cantur . Aliud ad idem : myrrhæ P. i. *.
§ mandragoræ succi P. ii. * . papaveris la-
chrymæ P. ii. * . foliorum rosæ , cicutæ se-
minis , singulorum P. iii. * . acaciæ P. iv. * .
gummi P. viii. * . Et hæc quidem inter-
diu

† *Marcell. de Medic. c. 8. § Idem ibid.*

diu: noctu vero, quo commodior quies veniat, non alienum est, superimponere candidi panis interiorem partem ex vino subactam. nam & pituitam reprimat, & si quid lachrymæ processit, absorbet, & oculum glutinari non patitur. 5

Si grave id & durum, propter magnum oculorum dolorem, videtur, ovi & album & vitellus in vas defundendum est; adiciendumque eo mulsi paulum, idque digito permiscendum; ubi facta unitas est, demitti debet lana mollis bene carpta, quæ id excipiat, superque oculos imponi. Ea res & levis est, & refrigerando pituitam coercet, & non exarescit, & glutinari oculum non patitur. Farina quoque hordeacea cocta, & cum malo cotoneo cocto mixta, commode imponitur. Neque ab ratione abhorret, etiam penicillo potissimum uti expresso, si levior impetus est, ex aqua; si major, ex posca. Priora fascia deliganda sunt, ne per somnum cadant: at hoc superimponi satis est, quia & reponi ab ipso ægro commode potest: & quia, cum inaruit, iterum madefaciendum est. Si tantum 25 mali est, ut somnum diu prohibeat, eorum aliquid dandum est, quæ ἀνόσυνα Græci appellant: satisque est puero, quod ervi; viro, quod fabæ magnitudinem impleat.

V. supra In ipsum vero oculum primo die, nisi im- 30
xxii, modica inflammatio est, nihil recte conjicitur: sæpe enim potius concitatur eo pituita, quam minuitur. At secundo die, gravi quoque lippitudini per indita medica-
men-

menta recte succurritur, ubi vel jam sanguis missus, vel alvus ducta est; aut, neutrum necessarium esse, manifestum est.

2. *De diversis oculorum collyriis.*

5 Multa autem multorumque collyria ad id apta sunt; novisque etiamnum misturis temperari possunt; cum lenia medicamenta, & modice reprimentia, facile & varie misceantur. Ego autem nobilissima exc-
10 quar.

3. *Philonis collyrium.*

Est igitur Philonis, quod habet cerussæ elotæ, spodii, gummi, singulorum P. i. *. papaveris lachrymæ combustæ P. i. *. Illud
15 scire oportet, hæc quoque omnia medicamenta, singula primum per se teri, deinde mista iterum, adjecta paulatim vel aqua, vel alio humore. Gummi cum quasdam alias facultates habeat, hoc maxime præstat,
20 ut, ubi collyria diu facta inaruerunt, glutinata sint, neque frientur.

4. *Dionysii collyrium.*

Dionysii collyrium est: papaveris lachrymæ combustæ, donec tenerescat P. i. *. thuris combusti, gummi, singulorum P. ii. *. spodii P. iiii. *.

5. *Cleonis collyrium.* d

Cleonis nobile admodum: papaveris lachrymæ frictæ P. i. *. croci P. i. *. gummi P. *. v. quibus, cum teruntur, adjicitur rosæ succus. Aliud ejusdem valentius: squamæ ferri, quod *σόμωμα* † adpellant, P. i. *. croci P. ii. *. spodii P. iv. *. plumbi & eloti, & combusti P. i. *. gummi tan-
tun-

d *Oribas. Synopsis. LIII. de Collyriis. Æginet. VII. 16. † Vide Saracenum in Dioscorid. Lib. V. c. 90.*

tundem. Ejus aliud quoque ad idem est, maxime ubi multa pituita profluit: castorei P. *. i. aloes P. *. i. myrrhæ P. *. ii. cadmiæ curatæ P. viii. *. stibii tantundem, acaciæ succi P. xii. *. quod, cum miscueris, in pixidicula 5 fervetur. Theodotus vero huic compositioni adjecit papaveris lachrymæ combustæ P. *. i. æris combusti & eloti P. ii. *. nucleorum palmarum combustorum P. x. *. gummi P. xii. *.
 6. *Theodoti e collyrium, Acharistum appellatum.* 10

At ipsius Theodoti, quod a quibusdam ἀχάριστον nominatur, ejusmodi est: castorei, nardi Indici, singulorum P. i. *. lycii P. *. papaveris lachrymæ tantundem; myrrhæ P. ii. *. croci, cerussæ elotæ, aloes, singulorum P. iii. *. cadmiæ botryitidis elotæ, æris combusti, singulorum P. viii. *. gummi P. xviii. *. acaciæ succi P. xx. *. stibii tantundem; quibus aqua pluviatilis adjicitur. 15

7. *Cythion vel Tephrrion collyrium.* 20

Præter hæc, ex frequentissimis collyriis est id, quod quidam Cythion, quidam a cinereo colore Tephrrion appellant. Habet amyli, tragacanthæ, acaciæ succi, gummi, singulorum P. i. *. papaveris lachrymæ P. ii. *. cerussæ elotæ P. iv. *. spumæ argenti elotæ P. viii. quæ æque ex aqua pluviatili conteruntur. 25

8. *Euelpidis collyrium, Trygodes nominatum.*

Euelpides autem, qui ætate nostra maximus fuit * oculus medicus, utebatur eo, 30 quod ipse composuerat, & τρυγώδες nominabat,

e *Æginet. VII. 16. Paulo aliter exstat apud Marcellum de Medic. c. VIII. pag. 267. Ed. Steph. Est & aliud Theodotion Dionysianum pag. 274. eodem capite descriptum, nisi malis hoc referre ad mox antecedens Dionysii. Aliud exstat etiam pag. 281. * Marcell. de Medic. c. 8. p. 267. 274.*

nabat. Habet autem hoc, castorei P. ii. *.
lycii, nardi, papaveris lachrymæ, singulo-
rum P. i. *. croci, myrrhæ, aloes, singu-
lorum P. iv. *. æris combusti P. viii. *.
5 cadmiæ, & stibii, singulorum P. xii. *.
acaciæ fucci P. xxvi. *. gummi tantundem.

Quo gravior vero quæque inflammatio
est, eo magis leniri medicamento debet,
adjecto vel albo ovi, vel muliebri lacte.
10 At, si neque medicus, neque medicamen-
tum præsto est, sæpius utrumlibet horum in
oculos penicillo ad idipsum facto infusum,
id malum lenit. Ubi vero aliquis relevatus
est, jamque cursus pituitæ constitit, reli-
15 quias fortasse leviores futuras discutiunt
balneum & vinum. Igitur lavari debet le-
viter, ante ex oleo perfricatus, diutiusque
in cruribus & feminibus; multaue cali-
da aqua fovere oculos; deinde per caput
20 prius calida, tum egelida perfundi: a bal-
neo cavere ne quo frigore afflatus læda-
tur: posthæc cibo paulo pleniore, quam
ex operum consuetudine, uti; vitatis ta-
men omnibus pituitam extenuantibus: vi-
25 num bibere lene, subausterum, modice ve-
tus; neque effuse, neque timide; ut ne-
que cruditas ex eo, & tamen somnus fiat,
lenianturque intus latentia acria. Sed, si
quis in balneo sensit majorem oculorum
30 perturbationem, quam attulerat (quod inci-
dere his solet, qui, manente adhuc pituitæ
cursu, festinarunt) quamprimum discede-
re debet: nihil eo die vini assumere; cibi
minus etiam, quam pridie. deinde cumpri-

num satis pituita substitit, iterum ad usum balnei redire.

Solet tamen evenire nonnunquam, five tempestatum vitio, five corporis, ut pluribus diebus neque dolor, neque inflamma- 5
tio, & minime pituitæ cursus finiatur. Quod ubi incidit, jamque ipsa vetustate res matura est, ab his eisdem auxilium petendum est, id est balneo ac vino. Hæc enim ut in recentibus malis aliena sunt; quia 10
concitare ea possunt, & accendere: sic in veteribus, quæ nullis aliis auxiliis cesserunt, admodum efficacia esse consuerunt. videlicet hic quoque, ut alibi *, cum secun- 15
da vana fuerint, contrariis adjuvantibus. Sed ante tonderi ad cutem convenit: deinde in balneo aqua calida quamplurima caput atque oculos fovere: tum utrumque penicillo detergere, & ungere caput irino unguento; continereque in lectulo se; donec 20
nec omnis calor, qui conceptus est, finiat; desinatque sudor, qui necessario in capite collectus est. Tum ad idem cibi vique genus veniendum est sic, uti portiones meracæ sint; obtegendumque caput, & 25
quiescendum. Sæpe enim posthæc gravis somnus, sæpe sudor, sæpe alvi dejectio pituitæ cursum finit. Si levatum est malum 348,
15. (quod aliquando serius fit) per plures dies 368,
28. idem fieri oportet, donec ex toto sanitas 30
restituatur. Si diebus eisdem alvus nihil reddit, ducenda est; quo magis superiores partes leventur.

Nonnunquam autem ingens inflammatio

* Lib. II. c. 9.

tio tanto impetu erumpit, ut oculos e sua sede propellat. πρόπτωσιν id, quoniam oculi procidunt, Græci appellant. His utique, si vires patiuntur, sanguinem mitti: si id
 5 fieri non potest, alvum duci, longioremque inediam induci, necessarium est. Opus autem lenissimis medicamentis est. Ideoque Cleonis collyrio quidam, quod ex duobus 351,
 ante positum est, utuntur. Sed optimum est 27.
 10 Nilei: neque de ullo magis inter omnes authores convenit.

9. *Nilei collyrium, omnium optimum.*

Id habet nardi Indici, papaveris lachrymæ, singulorum P. *. gummi P. i. *. croci
 15 P. ii. *. foliorum rosæ recentium P. iv. *. quæ vel aqua pluviatili, vel vino levi subaustero coguntur. Neque alienum est, mallicorium, vel fertulam campanam ex vino coquere, deinde conterere: aut myrrham
 20 nigram cum rosæ foliis miscere: aut hyoscyami folia cum ovi vitello cocta: aut farinam cum acaciæ succo, vel passo, aut mulso. Quibus si folia quoque papaveris adjiciuntur, aliquanto valentiora sunt. Ho-
 25 rum aliquo præparato, penicillo fovere oculos oportet, ex aqua calida expresso, in qua ante vel myrti vel rosæ folia decocta sint: deinde, ex illis aliquid imponi. Præter hæc, ab occipitio incisa cute, cucurbitula adhibenda est.
 30

Quod si per hæc restitutus oculus in sedem suam non est, eodemque modo prolapsus permanet, scire oportet, lumen esse amissum: deinde futurum, ut indurescat

is, aut in pus vertatur. Si suppuratio se ostendit, ab eo angulo, qui temporis propior est, incidi oculus debet; ut, effuso pure, inflammatio ac dolor finiatur, & intus tunicae residant, quo minus foeda postea facies sit. Utendum deinde vel iisdem collyriis ex lacte aut ovo; vel croco, cui album ovi misceatur. At, si induruit, & sic emortuus est, ut ne in pus verteretur; quatenus foede prominebit, excidendum erit sic, ut hamo summa tunica apprehendatur, atque infra id scalpellus incidat: tum eadem medicamenta erunt injicienda, donec omnis dolor finiatur. Iisdem medicamentis in eo quoque oculo utendum est, qui primum procidit, deinde per plura loca fissus est.

10. *De Carbunculis oculorum.* f

Solent etiam carbunculi ex inflammatione nasci, nonnunquam in ipsis oculis, nonnunquam in palpebris: & in his ipsis, modo ab interiore, modo ab exteriori parte. In hoc casu alvus ducenda est: cibus minuendus: lac potui dandum; ut acria, quae laeserunt, leniantur. Quod ad cataplasmata & medicamenta pertinet, his utendum, quae adversus inflammationes proposita sunt. Atque hic quoque Nilei collyrium optimum est. Si tamen carbunculus in exteriori palpebrae parte est, ad cataplasmata aptissimum est lini semen ex mulso coctum; aut, si id non est, tritici farina eodem modo cocta.

11. *De*

f *Scribon. Larg. III. c. 25. Marcell. de Medic. C.VIII. Trallian. II. 7.*

11. *De Pustulis oculorum.*

Pustulæ quoque ex inflammationibus interdum oriuntur. Quod si inter initia protinus incidit, magis etiam servanda sunt, quæ de sanguine & quiete supra proposui: sin serius, quam ut sanguis mitti possit, alvus tamen ducenda est. Si id quoque aliqua res inhibet, utique victus ratio servanda est. Medicamentis autem hic quoque
 10 lenibus opus est; quale Nilei, quale Cleonis est.

12. *Philetis collyrium, ad pustulas oculorum.*

Id quoque, quod Philetis vocatur, huic aptum est. Habet enim myrrhæ, papaveris
 15 lachrymæ, singulorum P. i. *. plumbi eloti, terræ samix, quæ ἀσὴρ vocatur, tragacanthæ, singulorum P. iv. *. stibii cocti †, amyli, singulorum P. vi. *. spodii eloti, cerussæ elotæ, singulorum P. viii. *. quæ
 20 aqua pluviatili excipiuntur. Usus collyrii, vel ex ovo, vel ex lacte est.

13. *De Ulceribus oculorum, & de*
*Δε' λιβάνη collyrio. **

Ex pustulis ulcera interdum fiunt; eaque
 25 recentia æque lenibus medicamentis nutrienda sunt, & iisdem fere, quæ supra in pustulis proposui. Fit quoque proprie ad hæc, quod Δε' λιβάνη vocatur. Habet æris combusti, & eloti, papaveris lachrymæ frictæ, singulorum
 30 P. i. *. spodii eloti, thuris, stibii combusti & eloti, myrrhæ, gummi, singulorum P. ii. *.

14. *De Imminutione oculorum.*

Evenit etiam, ut oculi, vel ambo, vel

Z 3 fin-

† Scribon. Largus Comp. XXIII. Rhodius in notis pag. 63. * Trallian. II. 5. Longe aliter describitur a Marcello de Medic. Cap. VIII. pag. 280. Eadem pagina paulo inferius aliud ejusdem nominis depromitur.

singuli, minores fiant, quam esse naturaliter debeant. Idque & acer pituitæ cursus in lippitudine efficit, & continuati fletus, & ictus parum bene curati. In his quoque iisdem lenibus medicamentis ex muliebri la- 5
 ste utendum est: cibis vero his, qui maxime corpus alere, & implere consuerunt: vitandaque omni modo causa, quæ lachrymas excitet, & cura domesticorum. quorum etiam, si quid forte incidit, ejus * no- 10
 titiæ subtrahendum: atque acria quoque medicamenta, & acres cibi non alio magis nomine his nocent, quam quod lachrymas movent.

15. *De Pediculis palpebrarum.* g 15

Genus quoque vitii est, qui inter pilos palpebrarum pediculi nascuntur. id *φθελ-
 πίασι* Græci nominant. Quod cum ex malo corporis habitu fiat, raro non ultra procedit: sed fere, tempore interposito, pi- 20
 tuitæ cursus acerrimus sequitur; exulceratisque vehementer oculis, aciem quoque ipsam corrumpit.

His alvus ducenda est: caput ad cutem tondendum, diuque quotidie jejunis per- 25
 fricandum. His, ambulationibus aliisque exercitationibus diligenter utendum: gargarizandum ex mulso, in quo nepeta & pinguis ficus decocta sit: sæpe in balneo multa calida aqua fovendum caput: vi- 30
 tandi acres cibi; lacte pingui vinoque utendum: bibendumque liberalius, quam edendum est. Medicamenta vero intus quidem lenia danda sunt; ne quid acrioris pitu-

* *Hippocr. de Dec. Orn. XI. 15. g Actuar. M. M. II. 7. & IV. 11. Aëtius Tetr. II. Serm. III. 65. Oribas. de Loc. Aff. IV. 32.*

pituitæ concitent: super ipsos. vero pediculus alia, quæ necare eos, & prohibere, ne similes nascantur, possint. Ad ipsum spumæ nitri P. i. *. sandarachæ P. i. *. uvæ taminiæ P. *. i. simul teruntur, adjiciturque vetus oleum pari portione, atque acetum, donec eis mellis crassitudo sit.

16. *De Oculorum gravioribus morbis, qui ex inflammationibus oriuntur, & validioribus medicamentis curantur, & de Andree collyrio, & de Ἀγ' κέρατ.*

Haftenus oculorum morbi, qui lenibus medicamentis nutriuntur. Genera deinde alia sunt, quæ diversam curationem desiderant; fere ex inflammationibus nata, sed finitis quoque his manentia. atque imprimis in quibusdam perseverat tenuis pituitæ cursus. Quibus alvus ab inferiore parte evocanda est, demendumque aliquid ex cibo. Neque alienum est, illini frontem ex compositione Andree. Quæ habet gummi P. i. *. cerussæ, stibii, singulorum P. ii. *. spumæ argenti coctæ & elotæ P. iv. *. sed ea spuma ex aqua pluviatili coquitur; & arida hæc medicamenta ex succo myrti conteruntur. His illita fronte, cataplasma quoque superinjiciendum ex farina, quæ frigida aqua coacta sit, cuique aut acaciæ succus, aut cupressus adjecta sit. Cucurbitula quoque, inciso vertice, recte accommodatur; aut ex temporibus sanguis emititur. Inungi vero eo debet, quod habet squamæ æris, papaveris lachrymæ, singulorum P. *. cervini cornu combusti & elo-

ti, plumbi eloti, gummi, singulorum P. iv. *. thuris P. xii. Hoc vero collyrium quia cornu habet, διὰ κέρατος nominant. Quotiescunque non adjicio, quod genus humoris adjiciendum sit, aquam intelligi volo. 5

17. Μεμυγμένον, *Euelpidis collyrium*.

Ad idem Euelpidis, quod μεμυγμένον nominabat. in eo papaveris lachrymæ, & albi piperis, singulæ uncia sunt, gummi libra, æris combusti P. i. *. Inter has autem curationes, post intermissionem aliquam, profunt balneum & vinum. Cumque omnibus lippientibus vitandi cibi sint, 349, 7. qui extenuant; tum præcipue, quibus tenuis humor diu fertur. Quod si jam fastidium est eorum, quæ pituitam crassiores reddunt, sicut in hoc genere materiæ maxime promptum est; confugiendum est ad ea, quæ, quia ventrem, corpus quoque adstringunt. 15 20

18. *De Oculorum ulceribus supercrescentibus, sordidis, cavis, veteribus.*

At ulcera, si cum inflammatione finita non sunt, aut supercrescentia, aut sordida, aut certe vetera esse consuerunt. Ex his supercrescentia collyrio, quod μεμυγμένον vocatur, optime reprimuntur. Sordida purgantur & eodem, & eo, quod Smilion nominatur. 25 30

19. *Smilion collyrium*.

Habet æruginis P. vi. *. gummi tantundem, ammoniaci, minii sinopici, singulo-

lorum P. xvi. *. quæ quidam ex aqua ; quidam , quo vehementiora sint , ex aceto terunt .

20. *Phynon collyrium Euelpidis.*

5 Id quoque Euelpidis , quod Phynona appellabat , hic utile est : croci P. i. *. papaveris lachrymæ , gummi , singulorum P. ii. *. æris combusti & eloti , myrrhæ , singulorum P. iv. piperis albi P. vi. *. Sed ante litum ,
10 hoc unguendum est .

21. *Sphæron collyrium Euelpidis.*

Id quoque ejusdem , quod Sphæron nominabat , eodem valet . Lapidis hæmatitis eloti P. ii. *. piperis grana sex , cadmiæ
15 elotæ , myrrhæ , papaveris lachrymæ , singulorum P. iii. *. croci P. iv. *. gummi P. viii. *. quæ cum vino aminæo conteruntur .

22. *Liquidum Euelpidis collyrium.*

20 Liquidum quoque medicamentum ad idem componebat . in quo erant hæc : æruginis P. *. minii combusti , atramenti futorii , cinnamomi , singulorum P. iii. *. croci , nardi , papaveris lachrymæ , singulorum P. i. *,
25 myrrhæ P. ii. *. æris combusti P. iii. *. cineris ex odoribus P. iv. *. piperis grana xv. Hæc ex vino austero teruntur : deinde cum passi tribus heminis decoquuntur , donec corpus unum sit . Idque medicamentum vetu-
30 state efficacius fit .

23. *De cavis oculorum ulceribus.*

Cava vero ulcera commodissime implent ex his , quæ supra posita sunt , Sphæron , & id quod Philetis vocatur . Idem
Sphæ-

Sphæriori vetustis ulceribus & vix ad cicatricem venientibus optime succurrit.

24. *Hermonis collyrium.*

Est etiam collyrium, quod cum ad plura valeat, plurimum tamen proficere in his ulceribus videtur. Refertur ad Hermonem authorem. Habet piperis longi P. i. z. *. albi P. *. cinnamomi, costi, singulorum P. i. *. atramenti sutorii, nardi, casia, castorei, singulorum P. ii. *. gallæ P. v. *. myrrha, croci, thuris, lycii, cerussæ, singulorum P. viii. *. papaveris lachrymæ P. xii. *. aloes, æris combusti, cadmiæ, singulorum P. xvi. *. acaciæ, stibii, gummi, singulorum P. xxv. *. 15

25. *De cicatricibus oculorum, quæ ex ulceribus factæ sunt, & de Asclepia, & Canopite, & Pyxino, collyriis.*

Factæ vero ex ulceribus cicatrices duobus vitiis periclitantur; ne aut cavæ, aut crassæ sint. Si cavæ sunt, potest eas implere id, quod Sphæriori vocari dixi; vel id, quod † Asclepias nominatur. Habet hoc papaveris lachrymæ P. ii. *. sagapeni, opopanax, singulorum P. iii. *. æruginis P. iv. *. gummi P. viii. *. piperis P. xii. *. cadmiæ elotæ, cerussæ, singulorum P. xvi. *. At, si crassæ cicatrices sunt, extenuat vel Smilion, vel Canopite collyrium, quod habet cinnamomi, acaciæ, singulorum P. i. *. cadmiæ elotæ, croci, myrrha, papaveris lachrymæ, gummi, singulorum P. ii. *. piperis albi, thuris, singulorum P. iii. *. æris combusti P. ix. *. cum aqua pluviatili 20 25 30

† *Marcell. de Medic. Lib. cap. 8. p. 266.*

tili. Vel Euelpidis Pyxinum, quod ex his
constat: salis fossilis P. iv. *. ammoniaci
thymiamatis P. viii. *. papaveris lachry-
mæ P. xii. *. cerussæ P. xv. *. piperis albi,
5 croci cilicii, singulorum P. lri. *. gummi
P. xiiii. *. cadmiæ elotæ P. ix. *. Maxime
tamen tollere cicatricem videtur id, quod
habet gummi P. iiii. *. æruginis P. i. *. cro-
comagmatis P. iv. *.

10 26. *De alio genere Inflammationis oculorum.*

Est etiam genus inflammationis, in qua,
si cui tument ac distenduntur cum dolore
oculi, sanguinem ex fronte mitti necessa-
rium est: multaue aqua calida caput atque
15 oculos fovere: gargarizare ex lenticula, vel
ex fici cremore: inungi acribus medica-
mentis, quæ supra comprehensa sunt; ma-
ximeque eo, quod Sphæriorion nominatur, 361.
quodque lapidem hæmatiten habet. Atque
20 alia quoque utilia sunt, quæ ad extenuan-
dam aspritudinem fiunt; de qua protinus
dicam.

Hæc autem inflammationem oculorum
fere sequitur; interdum major, interdum
25 levior. Nonnunquam etiam ex aspritudi-
ne lippitudo fit, atque ipsam deinde aspri-
tudinem auget, fitque ea in aliis bre-
vis, in aliis longa, & quæ vix unquam
finiatur.

30 In hoc genere valetudinis quidam cras-
sas, durasque palpebras, & ficulneo folio,
& asperato specillo, & interdum scalpello
eradunt; versasque quotidie medicamen-
tis suffricant. Quæ neque nisi in magna
vetu-

vetustaque aspritudine, neque sæpe facienda sunt. Nam melius eodem ratione victus & idoneis medicamentis pervenitur. Ergo exercitationibus utemur, & balneo frequentiore; multaque oculorum palpebras aqua calida fovebimus: cibi autem sumendi sunt acres & extenuantes.

27. *Cæsarianum † collyrium.*

At medicamentum id, quod Cæsarianum vocatur, habet atramenti futorii P. i. *. mi- 10
fyoſ P. *. piperis albi P. v. *. papaveris lachrymæ, gummi, singulorum P. ii. *. cadmiæ lotæ P. iii. *. stibii P. vi. *. Satisque constat, hoc collyrium adversus omne genus oculorum valetudinis idoneum esse; ex- 15
ceptis his, quæ lenibus nutriuntur.

28. *Hieracis collyrium.*

Id quoque, quod Hieracis nominatur, ad aspritudinem potest. Habet myrrhæ P. i. *. ammoniaci thymiamatis P. ii. *. æruginis 20
rasæ P. iv. *. cum aqua pluviali. Ad idem idoneum est etiam id, quod Canopite, & id quod Smilion vocatur, & id quod Pyxinum, & id quod Sphæron. Si autem composita medicamenta non adsunt, felle ca- 25
prino, vel quam optimo melle satis commodè aspritudo curatur.

29. *De arida lippitudine.*

Est etiam genus aridæ lippitudinis, quod ξηροφθαλμίαν h Græci appellant. Sub hoc 30
neque tument, neque fluunt oculi, sed rubent tantum, & cum dolore quodam fere levi ac prurigine graves sunt, & palpebræ
citra

† Forte a Cæsare Augusto ita dictum, si illud inde dictum, quod refert Marcell. de Med. c. 8. p. 266. h Actuar. M. M. II. 7. Æginet. III. 22. Aëtius Tetr. II. Serm. III. c. 75. 77.

citra duritiem ullam noctu prægravi pituita inhærescunt : quantoque minor generi huic impetus, tanto finis minus expeditior est.

- 5 In hoc vitio multum ambulare, multum exerceri, lavari sæpe, ibique desudare, multaque fricatione uti necessarium est. Cibi neque qui implent, neque nimium acres, apti sunt, sed inter hos medii. Mane, ubi
10 concoxisse manifestum est, non est alienum ex sinapi gargarizare, tum deinde caput atque os diutius perfricare.

30. *Rhinion collyrium.*

- Collyrium vero hoc aptissimum est, quod
15 Rhinion vocatur. Habet myrrhæ P. i. *. papaveris lachrymæ, acaciæ succi, piperis, gummi, singulorum P. i. *. lapidis hæmatitis, lapidis phrygii, lycii, lapidis scissilis, singulorum P. ii. *. æris combusti P.
20 iv. *. Ac Pyxinum quoque eidem accommodatum est.

31. *De Scabris oculis. i*

- Si vero scabri oculi sunt, quod maxime in angulis esse consuevit, potest prodesse
25 Rhinion, id quod supra positum est. Potest similiter prodesse id, quod habet æruginis rasæ, piperis longi, papaveris lachrymæ, singulorum P. ii. *. piperis albi, gummi, singulorum P. iv. *. cadmiæ lotæ, cerussæ, singulorum P. vi. *. Nullum tamen
30 melius est, quam Euelpidis, quod βασιλικόν nominabat. Habet papaveris lachrymæ, cerussæ, lapidis Asii, singulorum P. ii. *. gummi P. xiiii. *. piperis albi P. iv. *.
croci

i *Aëtius Tetrab. II. Serm. III. c. 76.*

croci P. vi. *. pforici P. xiii. *. Nulla autem per se materia est, quæ Pforicum nominetur; sed chalcitidis aliquid, & cadmiæ dimidio plus ex aceto simul conteruntur, idque in vas fictile inditum, & con-
 5
 tectum ficulneis foliis sub terra reponitur diebus viginti, & rursus sublatum teritur, & sic appellatur pforicum. Verum de basilico quoque collyrio convenit, ad omnes affectus oculorum id esse idoneum, qui non
 10
 lenibus medicamentis curantur.

At, ubi non sunt medicamenta composita, scabros angulos lævant & mel & vinum. Succurritque & his & aridæ lippitudini, si quis panem ex vino subactum super oculum imponit. Nam, cum fere sit humor aliquis, qui modo ipsum oculum, modo angulos, aut palpebras exasperat, sic
 15
 & si quid prodit humoris, extrahitur; & si quid juxta est, repellitur.

32. De Caligine oculorum.

Caligare vero oculi nonnunquam ex lippitudine, nonnunquam etiam sine hac, propter senectutem, imbecillitatemve aliam, consueverunt. Si ex reliquiis lippitudinis
 20
 id vitium est, adjuvat collyrium, quod Asclepias nominatur. Adjuvat & id, quod ex
 362, crocomagmate fit.

23.

33. Διὰ κρόκῃς collyrium. k

Proprie etiam ad id componitur, quod
 30
 Διὰ κρόκῃς vocant. Habet piperis P. i. *. croci cilicii, papaveris lachrymæ, cerussæ, singulorum P. ii. *. pforici, gummi, singulorum P. iv. *.

34. De

k Trallian. II. 1.

34. De Caligine propter senectutem, aut
aliam imbecillitatem. 1

At, si ex senectute aliave imbecillitate id
est, recte inungi potest, & melle quam opti-
5 mo, & cyprino, & oleo vetere. Commo-
dissimum tamen est, balsami partem unam,
& olei veteris, aut cyprini partes duas, mel-
lis quam acerrimi partes tres miscere. Uti-
lia quoque huic medicamenta sunt, quæ ad
10 caliginem proxime, quæque ad extenuandas
cicatrices supra comprehensa sunt. 362.

Cuicunque vero oculi caligabunt, huic
opus erit multa ambulatione, atque exerci-
tatione, frequenti balneo, ubi totum qui-
15 dem corpus perfricandum est, præcipue ta-
men caput ex irino, donec insudet; velan-
dumque postea, nec detegendum, antequam
sudor & calor domi conquierint. Tum ci-
bis utendum acribus, & extenuantibus: in-
20 terpositisque aliquibus diebus, ex sinapi
gargarizandum.

35. De Suffusione oculorum. m

Suffusio quoque, quam Græci ὑπόχυσιν
nominant, interdum oculi pupillæ, qua cer-
25 nit, se opponit. Quod si inveteraverit,
manu curandum est. Inter initia nonnun-
quam certis observationibus discutitur. San-
guinem ex fronte vel naribus mittere; in 348,
temporibus venas adurere; gargarizando pi- 29.
30 tuitam evocare; suffumigare; oculos acribus
medicamentis inungere, expedit. Victus
optimus est, qui pituitam extenuat.

36. De resolutione oculorum.

At ne resolutio quidem oculorum (quam
παρά-

1 Oribas. de Loc. Affect. IV. 16. m Aëtuar. M.
M. II. 7. IV. 11. Aëtius Tetrab. II. Serm. III.
49. Æginet. III. 22.

παράλυσιν Græci nominant) alio victus modo, vel aliis medicamentis curanda est. Exposuisse tantum genus vitii satis est. Igitur interdum evenit, modo in uno oculo, modo in utroque, aut ex ictu aliquo, aut ex morbo comitiali, aut ex distentione nervorum, qua vehementer ipse oculus convulsus est, ut is neque quoquam intendi possit, neque omnino consistat; sed huc illucve sine ratione moveatur, ideoque ne conspectum quidem rerum præstet.

37. *De Mydriasi oculorum.* n

Non multum ab hoc malo distat id, quod μυδρίασιν Græci vocant. Pupilla diffunditur & dilatatur, aciesque ejus hebescit, ac pene caligat. Difficillime genus id imbecillitatis eliditur. In utraque vero, id est paralyti & mydriasi, pugnandum est per eadem omnia, quæ in caligine oculorum præcepta sunt, paucis tantum mutatis: siquidem ad caput irino interdum acetum, interdum nitrum adjiciendum est; oculos vero melle inungi satis est. Quidam in posteriore vitio calidis aquis usi, relevatique: quidam sine ulla manifesta causa subito obcæcati sunt. Ex quibus nonnulli, cum aliquandiu nihil vidissent, repentina * profusione alvi, lumen receperunt. Quo minus alienum videtur, & recenti re & interposito tempore, medicamentis quoque moliri dejectiones, quæ omnem noxiam materiam in inferiora depellant.

38. *De imbecillitate oculorum.*

Præter hæc imbecillitas oculorum est, ex

n Cæl. Aurel. II. 1. p. 344. Actuar. M. M. II. 7. & IV. 11. Æginet. III. 22. * Aph. VI. 17.

ex qua quidem interdiu fatis, o noctu nihil cernunt. quod in fœminam bene respondentibus menstuis non cadit. Sed sic laborantes inungi oportet sanguine jacinoris
 5 (maxime hircini; sin minus, caprini) ubi id assum coquitur, excepto: atque edi quoque ipsum jecur debet. Licet tamen etiam iisdem medicamentis non inutiliter uti, quæ vel cicatrices, vel aspritudinem exte-
 10 nuant. Quidam contrito semine portulacæ mel adjiciunt eatenus, ne id ex specillo distillet, eoque inungunt. Utendum vero est exercitationibus, balneo, & fricationibus.

15 39. *Ad Oculos, qui extrinsecus offenduntur, & sanguine suffusi sunt.*

Et hæc quidem in ipsis corporibus oriuntur. Extrinsecus vero interdum sic ictus oculum lædit, ut sanguis in eo suffundatur. Huic nihil commodius est, quam
 20 sanguine vel columbæ, p vel palumbæ, vel hirundinis inungere. Neque id sine causa fit; cum harum acies extrinsecus læsa, in-*V. supra* terposito tempore in antiquum statum re-
 25 deat, celerrimeque hirundinis. Unde etiam 13. locus fabulæ factus est, per parentes id herba restitui, quod per se fanescit. Eorum ergo sanguis nostros quoque oculos ab externo casu commodissime tuetur, hoc ordi-
 30 ne, ut sit hirundinis optimus, deinde palumbæ, minimum efficax columbæ, & sibi ipsi, & nobis.

Supra percussum vero oculum, ad inflammationem leniendam, non est alienum

A a impo-

ο νυκτάλωπας vocant *Æginet. III. 21. Actuar. M. M. II. 7. IV. 11. Trallian. II. 6. Aëtius Tetr. II. Serm. III. 46. p Æginet. III. 22.*

imponere etiam cataplasmata. Sed sal armeniacus, vel quilibet alius quam optime teri debet, sic, ut ei paulatim oleum adjiciatur, donec crassitudo strigmenti fiat. Id deinde miscendum est cum hordeacea farina, quæ ex mulso decocta sit. Facile autem, recognitis omnibus, quæ medici quoque prodiderunt, apparere cuilibet potest, vix ultimum ex iis, quæ supra comprehensa sunt, oculi vitium esse, quod non simplicibus quoque, & promptis remediis subinde removeri possit.

C A P. VII.

De Aurium morbis. q

HA CTENUS in oculis ea reperiuntur, in quibus medicamenta plurimum possunt: ideoque ad aures transeundum est; quarum usum proximum a luminibus natura nobis dedit. Sed in his aliquanto majus periculum est. nam vitia oculorum intra ipsos nocent: aurium inflammationes doloresque, interdum etiam ad dementiam mortemque præcipitant. Quo magis inter initia protinus succurrendum est, ne majori periculo locus sit.

Ergo, ubi primum dolorem aliquis sensit, abstinere & continere se debet. Postero die, si vehementius malum est, caput tondere, idque irino unguento calido perungere, & operire. At magnus cum febre vigiliaque dolor exigit, ut sanguis quoque mittatur. Si id aliquæ causæ prohibent, alvus solvenda est. Cataplasmata quoque calida,

q *Sever. Sammon. XII. Æginet. III. 23. Tralian. III. 1. Actuar. M. M. II. 6. IV. 10. Cæl. Aurelian. Tardar. Pass. Lib. II. c. 3.*

calida, subinde mutata, proficiunt; sive fœ-
 ni græci, sive lini, sive alia farina ex mul-
 so decocta. Recte etiam subinde admoven-
 tur spongiæ, ex aqua calida expressæ. Tum,
 5 levato dolore, ceratum circumdari debet ex
 irino, aut cyprino factum. In quibusdam
 tamen melius, quod ex rosa est, proficit. Si
 vehemens inflammatio somnum ex toto pro-
 hibet, adjici cataplasmati debent papaveris
 10 cortices fricti atque contriti sic, ut ex his
 pars dimidia sit; eaque tum simul ex passo
 vel mulso decoquuntur. In aurem vero infun-
 dere aliquod medicamentum oportet; quod
 semper ante * tepesceri convenit, commo-
 15 disseque per † strigilem instillatur: ubi
 auris repleta est, super lana mollis adden-
 da est, quæ humorem intus contineat. Et
 hæc quidem communia sunt.

Medicamentum vero est & rosæ, & ra-
 20 dicum arundinum succus, & oleum, in quo
 lumbrici cocti sunt, & humor ex amaris nu-
 cibus, aut ex nucleo mali persici expressus.
 Composita vero ad inflammationem dolo-
 remque leniendum hæc fere sunt: casto-
 25 rei, papaveris lachrymæ, pares portiones
 conteruntur, deinde adjicitur his passum.
 Vel papaveris lachrymæ, croci, myrrhæ
 par modus sic teritur, ut invicem modo
 rosa, modo passum instilletur. Vel id, quod
 30 amarum in ‡ Ægyptia faba est, conteritur,
 rosa adjecta. Quibus myrrhæ quoque pau-
 lulum a quibusdam miscetur, vel papaveris
 lachrymæ, aut thus cum muliebri lacte, vel
 amararum nucum cum rosa succus. Vel ca-

A a 2 storei,

* *Plin. de Re Med. Lib. i. c. 9.* † *Formam*
exhibet Mercurial. in Art. Gymnast. ‡ *Marcell.*
p. 284.

storei, myrrhæ, papaveris lachrymæ pares
 portiones cum passo. Vel croci P. i. *. myr-
 rhæ, aluminis scissilis, singulorum P. iiii. *.
 quibus, cum teruntur, paulatim miscen-
 tur passi cyathi tres, mellis minus cyatho. §
 Idque ex primis medicamentis est. Vel pa-
 paveris lachryma ex aceto. Licet etiam
 compositione uti Themisonis; quæ habet
 castorei, opopanacis, papaveris lachrymæ
 ex aceto, singulorum P. ii. *. spumæ nitri 10
 P. iv. *. quæ contrita passo excipiuntur,
 donec cerati crassitudinem habeant; atque
 ita reponuntur. Ubi usus requirit, rursus
 id medicamentum, adjecto passo, pistillo
 teritur. Illud perpetuum est, quotiescunque 15
 crassius medicamentum est, quam ut in au-
 rem instillari possit, adjiciendum eum esse
 humorem, ex quo id componi debet, do-
 nec satis liquidum sit.

2. De Pure & malo odore aurium. r 20

Si vero pus quoque aures habent, recte
 lycium per se infunditur; aut irinum un-
 guentum; aut porri succus cum melle; aut
 centaureæ succus cum passo; aut succus
 mali punici in ipsius cortice tepefactus, 25
 adjecta myrrhæ exigua parte. Recte etiam
 miscentur myrrhæ, quam *σακτὴν* cogno-
 minant, P. i. *. croci tantundem, nuces
 amaræ xxv. mellis sesquicyathus. quæ con-
 trita, cum utendum est, in cortice ma- 30
 li punici tepefiant. Ea quoque medica-
 menta, quæ oris exulcerati causa compo-
 nuntur, æque ulcera aurium sanant. Quæ
 si vetustiora sunt, & multa sanies fluit,

apta

r *Æginet. III. 23. Oribas. de Loc. Affect. IV. 37.*
Ætius Tetr. II. Serm. II. c. 83. Plin. de Re Med.
Lib. I. c. II.

apta compositio est, quæ ad authorem Erasistratum refertur. habet piperis, croci, singulorum P. i. *. myrrhæ, misy cocti, singulorum P. ii. *. æris combusti P. ii. *. hæc ex vino teruntur: deinde ubi inaruerunt, adjiciuntur passi heminæ tres, & simul incoquantur. Cum vero utendum est, adjicitur his mel & vinum. Est etiam Ptolemæi chirurgi medicamentum, quod habet lentisci, gallæ, singulorum P. i. *. omphacii P. i. *. succum punici mali. Est & Menophili validum admodum, quod ex his constat: piperis longi P. i. *. castorei P. ii. *. myrrhæ, croci, papaveris lachrymæ, nardi Syriaci, thuris, malicorii, ex Ægyptia faba partis interioris, nucum amararum, mellis quam optimi, singulorum P. iv. *. Quibus, dum conteruntur, adjicitur acetum quam acerrimum, donec crassitudo in his passi fiat. Est & Cratonis: cinnamomi, cassiæ, singulorum P. i. *. nardi, lycii, myrrhæ, singulorum P. i. *. aloes P. ii. *. mellis cyathi tres, vini sextarius. Ex quibus lycium cum vino decoquitur; deinde his alia miscentur. At, si multum puris, malusque odor est, æruginis rasæ, thuris, singulorum P. ii. *. mellis cyathi duo, aceti quatuor simul incoquantur. ubi utendum est, dulce vinum miscetur. Aut aluminis scissilis, papaveris lachrymæ, acaciæ succi par pondus miscetur, hisque adjicitur hyoscyami succi dimidio minor, quam unius ex superioribus, portio; eaque trita ex vino diluuntur. Per se quo-

A a 3

que

que hyoscyami succus satis proficit.

3. *Compositiones s. ad omnia aurium vitia.*

Commune vero auxilium adversus omnes aurium casus, jamque usu comprobatum Asclepiades composuit. In eo sunt cinna- 5
momi, casia, singulorum P. i. *. floris jun-
ci rotundi, castorei, piperis albi & lon-
gi, amomi, myrobalani, singulorum scru-
puli duo, thuris masculi, nardi Syriaci,
myrrha pinguis, croci, spumæ nitri, sin- 10
gulorum P. ii. *. Quæ separatim contrita,
rursus mixta, ex aceto conteruntur; atque
ita condita, ubi utendum est, aceto diluun-
tur. Eodem modo commune auxilium au-
ribus laborantibus est Polybi sphragis ex dul- 15
ci vino liquata. Quæ compositio priori li-
bro continetur.

268,
28.

Quod si & sanies profluit, & tumor est,
non alienum est, mixto vino per oricula-
rium clysterem eluere; & tum infundere vi- 20
num austerum cum rosa mixtum, cui spo-
dii paulum sit adjectum, aut lycium cum
lacte, aut herbæ sanguinalis succum cum
rosa, aut mali punici succum cum exigua
parte myrrhæ.

25

4. *De Ulcere sordido aurium.*

Si sordida quoque ulcera sunt, melius
mulso eluuntur; & tum aliquod ex his,
quæ supra scripta sunt, quod mel habeat,
infunditur. Si magis pus profluit, & caput 30
utique tondendum, & multa calida aqua
perfundendum, & gargarizandum, & usque
ad lassitudinem ambulandum, & cibo mo-
dico utendum est. Si cruor quoque ex ul-
ceribus

f. *Scribon. Larg. c. V. Marcell. Empir. Cap. 9.*

ceribus apparet, lycium cum lacte debet infundi; vel aqua, in qua rosa decocta sit, succo aut herbæ sanguinalis, aut acaciæ adjecto.

- 5 Quod si super ulcera caro & increvit, ea-
que mali odoris, & sanguinem fundit, aqua
tepida elui debet; tum infundi id, quod ex
thure & ærugine, & aceto, & melle fit,
aut mel cum ærugine incoctum. Squama
10 quoque æris cum sandaracha contrita per fi-
stulam recte instillatur.

5. *De Vermibus aurium.* u

- Ubi vero vermes orti sunt, si juxta sunt,
protrahendi oriculario specillo sunt: si lon-
15 gius, medicamentis enecandi; cavendum-
que, ne postea nascantur. Ad utrumque pro-
ficit album veratrum cum aceto contritum.
Elui quoque aurem oportet vino, in quo
marrubium decoctum sit. Sic emortui ver-
20 mes in primam auris partem prolabuntur,
unde facillime educi possunt.

6. *Ad Compressa aurium foramina.*

- Si foramen auris compressum est, & in-
tus crassa sanies subest, mel quam optimum
25 indendum est. Si id parum proficit, mellis
cyatho & dimidio, æruginis rasæ P. ii. *.
adjiciendum est, incoquendumque, & eo
utendum. Iris quoque cum melle ad idem
proficit. Item mellis & rosæ scrupuli duo.
30 Item galbani P. ii. *. myrrhæ cum melle,
& fellis taurini, singulorum P. ii. *. vini
quantum satis est ad myrrham diluendam.

7. *Ad Gravem auditum.* x

Ubi vero gravius aliquis audire cœpit

A a 4 (quod

t *Aëtius Tetrab. II. Serm. II. c. 84.* u *Aëtius*
Tetr. II. Serm. II. c. 85. de Locis Affect. IV. 40.
x *Aëtius Tetrab. II. Serm. II. c. 79. Plin. de Re*
Medic. Lib. I. c. 12.

(quod maxime post longos capitis dolores
V. supra evenire consuevit) in primis aurem ipsam
 xii, 25. considerare oportet. Apparebit enim aut
 crusta, qualis super ulcera in nascitur, aut
 fordidum coitus. Si crusta est, infunden-
 dum est aut oleum calidum, aut cum mel-
 le ærugo, vel porri succus, aut cum mulso
 nitri paulum. Atque, ubi crusta ex auri-
 cula procidit, eluenda est aqua tepida; quo
 facilius ea per se diducta oriculario spe- 10
 cillo protrahat. Si fordes eæque molles
 sunt, eodem specillo eximendæ sunt. At,
 si duræ sunt, acetum & cum eo nitri pau-
 lulum injiciendum est; cumque emollitæ
 sunt, eodem modo elui aurem, purgari- 15
 que oportet. Quod si capitis gravitas ma-
 net, attondendum idem; & leniter, sed
 diu perfricandum est, adjecto vel sirino vel
 laureo oleo, sic ut utrilibet paululum ace-
 ti misceatur: tum diu ambulandum, leni- 20
 terque post unctionem aqua calida caput
 fovendum: cibisque utendum ex imbecil-
 lissima & media materia; magisque assu-
 mendæ dilutæ potiones: nonnunquam gar-
 garizandum est*. Infundendum autem in 25
 aurem castoreum cum aceto & laureo oleo
 & succo radiculae corticis: aut cucumeris
 agrestis succus, adjectis rosæ foliis contri-
 tis. Immaturæ quoque uvæ succus cum
 rosa instillatus, adversus surditatem satis 30
 proficit.

8. De Sonitu aurium. y

Aliud vitii genus est, ubi aures intra se
 ipsæ sonant. Atque hoc quoque fit, ne ex-
 ter-

* Aceto scil. Marcellus de Medic. pag. 287.
 y Aëtuar. M.M.II.6.IV. 10. Aëtius Tetrab. II.
 Serm.II. c.77. Trall.III.3.

ternum sonum accipiant. Levissimum est,
ubi id ex gravedine est: pejus, ubi ex mor-
bo, capitivæ longis doloribus incidit: pes-
simum, ubi, magnis morbis venientibus,
5 maximeque comitali, provenit. Si ex gra-
vedine est, purgare aurem oportet, & spi-^{V. supra}
ritum continere, donec inde humor aliquis xii, 29.
exspumet. Si ex morbo vel capitis dolo-
re, quod ad exercitationem, fricationem,
10 perfusionem, gargarizationemque pertinet,
eadem facienda sunt: cibus non utendum
nisi extenuantibus: in aurem dandus radi-
culæ succus cum rosa, vel cum succo ra-
dicis ex cucumere agresti, vel castoreum
15 ex aceto, & laureo oleo. Veratrum quo-
que cum aceto conteritur, deinde mel-
le cocto excipitur, & inde collyrium fa-
ctum in aurem demittitur. Si sine his cœ-
pit, ideoque novo metu terret, in aurem
20 dari debet castoreum cum aceto, vel irino,
vel laureo oleo; aut huic mistum casto-
reum cum succo nucum amararum; aut myr-
rha & nitrum cum rosa & aceto. Plus ta-
men in hoc quoque proficit victus ratio:
25 eademque facienda sunt, quæ supra com-
prehendi, cum majore quoque diligentia:
& præterea, donec is sonus finiatur, a vino
abstinendum.

Quod si simul & sonus est, & inflamma-
30 tio, laureum oleum conjecisse abunde est,
aut id, quod ex amaris nucibus exprimi-
tur; quibus quidam vel castoreum, vel myr-
rham miscent.

9. Ad

9. *Ad ea, quæ in aurem inciderunt, extrahenda.* z

Solet etiam interdum in aurem aliquid incidere, ut calculus, aliquodve animal. Si pulex intus est, compellendum eo lanæ paululum est; quo ipse si subit, & simul extrahitur. Si non est secutus, aliudve animal est, specillum lana involutum in resinam quam glutinosissimam, maximeque terebinthinam demittendum, idque in aurem injiciendum, ibique vertendum est: utique enim 10 comprehendet & eximet. Sin aliquid exanimæ est, specillo oriculario protrahendum est, aut hamulo retuso paululum recurvato. Si ista nihil proficiunt, potest eodem modo resina protrahi. Sternutamenta quoque 15 admota id commode elidunt, aut oriculario clystere aqua vehementer intus compulsa. Tabula quoque collocatur media, inhærens capitibus utrinque pendentibus, superque eam homo deligatur in id latus 20 versus, cujus auris eo modo laborat, sic ut extra tabulam non emineat: tum malleo caput tabulæ, quod a pedibus est, feritur; atque ita concussa aure, id quod inest, excidit. 25

C A P. VIII.

De Narium morbis. a

NA R E S vero exulceratas fovere oportet vapore aquæ calidæ. Id & 30 * spongia expressa atque admota fit, & subiecto vase oris angusti, calida aqua repleto. Post id fomentum, illinenda ulcera sunt, aut plumbi recremento, aut cerussa,

z *Aëtius Tetr. II. Serm. II. c. 87.* a *Trallian. III. 8. Actuar. M. M. VI. 12. Aëtius Tetrab. II. Serm. II. c. 90.* * *Marcell. de Medic. c. x. pag. 288.*

russa, aut argenti spuma. cum quodlibet horum aliquis conterit, ei, dum teritur, invicem vinum & oleum myrteum adjiciat, donec mellis crassitudinem fecerit. Sin autem
 5 ea ulcera circa os sunt, pluresque crustas & odorem foedum habent, quod genus Græci *ὀζοναυ* appellant; sciri quidem debet, vix 442, ei malo posse succurri. Nihilominus tamen 16. hæc tentari possunt; ut caput ad cutem tondeatur, assidueque vehementer perfricetur, multa
 10 etque calida aqua perfundatur: multa eidem ambulatio sit; cibus modicus, neque acer, neque valentissimus. Tum in narem ipsam mel cum exiguo modo resinæ terebinthinæ conjiciatur (quod specillo quoque involuto lana sit) attrahaturque spiritu is succus, donec in ore gustus ejus sentiatur. Sub
 15 his enim crustæ resolvuntur, quæ tum per sternutamenta elidi debent. Puris ulceribus vapor aquæ calidæ subjiciendus est. deinde adhibendum aut lycium ex vino dilutum, aut anurca, aut omphacium, aut menthæ, aut marrubii succus; aut atramentum futorium, quod candefactum, de
 20 inde contritum sit; aut interior scillæ pars contrita; sic ut horum cuilibet mel adjiciatur. Cujus in cæteris admodum exigua pars esse debet; in atramento futorio tanta, ut ea mistura liquida sit; cum scilla
 25 utique pars major; involvendumque lana specillum est, & in eo medicamentum tingendum, eoque ulcera implenda sunt. Rursusque linamentum involutum & ob-

lon-
 b Oribas. de Loc. Affect. IV. 45. Aëtius Tetrab. II. Serm. II. 91. Marcellus de Medic. Cap. x. Odorem gravem vertit. Vide H. F. ab Aqua-pendente Oper. Chir. P. I. c. 26.

longum eodem medicamento illinendum, demittendumque in narem, & ab inferiore parte leniter deligandum. Idque per hiemem & ver bis die; per æstatem & autumnum, ter fieri debet.

2. *De Carnosis carunculis narium.*

Interdum vero in naribus carunculæ quædam similes muliebribus mammis nascuntur, hæque inis partibus, quæ cartilaginossæ sunt, inhærent. Has curare oportet medicamentis adurentibus; sub quibus ex toto consumuntur. Πολύπες c vero est caruncula, modo alba, modo subrubra, quæ narium ossibus inhæret; & modo ad labra tendens narem implet, modo retro per id foramen, quo spiritus a naribus ad fauces descendit, adeo increscit, ut post uvam conspici possit; strangulatque hominem, maxime austro aut euro flante; fereque mollis est, raro dura; eaque magis spiritum im-
 441. 30. toto consumuntur. Πολύπες c vero est caruncula, modo alba, modo subrubra, quæ narium ossibus inhæret; & modo ad labra tendens narem implet, modo retro per id foramen, quo spiritus a naribus ad fauces descendit, adeo increscit, ut post uvam conspici possit; strangulatque hominem, maxime austro aut euro flante; fereque mollis est, raro dura; eaque magis spiritum im-
 20. dit, & nares dilatat; fereque καρπινώδης est, itaque attingi non debet. Illud aliud genus fere quidem ferro curatur; interdum tamen inarescit, si addita in narem per linamentum aut penicillum ea compositio est, 25. quæ habet minii sinopici, chalcitidis, calcis, sandarachæ, singulorum P. i. *. atramenti sutorii P. ii. *.

C A P. I X.

De Dentium dolore.

IN dentium autem dolore, qui ipse quoque maximis tormentis annumerari potest, vinum ex toto circumcidendum est; cibo

c *Æginet. III. 24. VI. 25. Aëtuar. M. M. II. 8. Aëtius Tetrab. II. Serm. II. c. 92. d Trallian. III. 10. Cæl. Aurelian. Morb. Chron. II. 4.*

cibo quoque primo abstinendum, deinde
 eo modico mollique utendum, ne manden-
 tis dentes irritet; tum extrinsecus admo-
 vendus per spongiam vapor aquæ calidæ;
 5 imponendumque ceratum ex cyprino aut
 irino factum, lanaque id comprehenden-
 dum, caputque velandum est. Quod si gra-
 vior dolor est, utiliter & alvus ducitur,
 & calida cataplasmata super maxillam in-
 10 jiciuntur, & ore humor calidus cum me-
 dicamentis aliquibus continetur, sæpiusque
 mutatur. Cujus rei causa & * quinquefo-
 lli radix in vino mixto coquitur; & hyos-
 cyami radix vel in posca, vel in vino mix-
 15 to coquitur sic, ut paululum his salis adjici-
 ciatur; & papaveris non nimium aridi cor-
 tices, & mandragoræ radix, eodem modo.
 Sed in his tribus utique vitandum est, ne,
 quod haustum erit, devoretur. Ex populo
 20 quoque alba cortex radice in hunc usum
 in vino mixto recte coquitur; aut in aceto
 cornu cervini ramentum & nepeta cum te-
 da ac ficu pingui: item ficus pinguis vel
 in mulso, vel in aceto & melle; ex quibus
 25 cum ficus discocta est, is humor percola-
 tur. † Specillum quoque lana involutum
 in calidum oleum demittitur, eoque ipse
 dens fovetur. Quinetiam quædam quasi ca-
 taplasmata in dentem ipsum induntur. in
 30 quem usum ex malo punico acido atque
 arido malicorii pars interior cum pari por-
 tione & gallæ & pinei corticis conteritur,
 misceturque his minium; eaque contrita
 aqua pluviali coguntur: aut panacis, pa-
 paveris

* Marcell. de Medic. C. XII. p. 293. 297.

† Auriscalpium dicit Marcell. de Medic. Cap.
 XII. p. 293.

paveris lachrymæ, peucedani, uvæ taminiaæ
 sine feminibus pares portiones conterun-
 tur: aut galbani partes tres, papaveris la-
 chrymæ pars quarta. Quicquid dentibus ad-
 motum est, nihilo minus supra maxillam
 ceratum (quale supra posui) esse debet la-
 na obtectum. Quidam etiam myrthæ, car-
 damomi, singulorum P. i. *. croci, pyre-
 thri, ficorum, piperis, singulorum P. iv. *.
 sinapis P. viii. *. contrita linteolo illinunt, 10
 imponuntque in humero partis ejus, qua
 dens dolet; si is superior est, a scapulis;
 si inferior, a pectore: idque dolorem le-
 vat; & cum levavit, protinus submoven-
 dum est. 15

Si vero exesus est dens, festinare ad exi-
 mendum eum, nisi res coegit, † non est ne-
 cesse: sed tum omnibus fomentis, quæ su-
 pra posita sunt, adjiciendæ quædam valen-
 tiores compositiones sunt, quæ dolorem le- 20
 vant. quales hæ sunt, quæ habent papave-
 ris lachrymæ P. i. *. piperis P. ii. *. foreos
 P. x. *. quæ contrita galbano excipiuntur,
 idque circundatur: aut Menemachi, maxi-
 me ad maxillares dentes; in qua sunt, croci 25
 P. i. *. cardamomi, thuris fuliginis, ficorum,
 piperis, pyrethri, singulorum P. iv. *. sinapis
 P. viii. *. Quidam autem miscent pyrethri,
 piperis, elaterii, singulorum P. i. *. alumi-
 nis scissilis, papaveris lachrymæ, uvæ ta- 30
 miniaæ, sulphuris ignem non experti, bi-
 tuminis, lauri baccarum, sinapis, singulo-
 rum P. ii. *. Quod si dolor eximi eum co-
 git, piperis semen cortice liberatum, & eo-
 dem

e Oribas. de Loc. Affect. IV. 58. Aëtius Tetrab.
 II. Serm. IV. c. 33. 34. † Ita sentit Marcellus de
 Medic. Cap. XII. p. 293.

dem modo bacca * hederæ coniecta in ejus
foramen, dentem findit,isque per testas ex-
cidet. Plani quoque piscis (quam nos pa-
stinacam, Græci τρυβρα vocant) aculeus
5 torretur, deinde conteritur, resinaque exci-
pitur, quæ denti circumdata hunc solvit.
Alumen quoque scissile in foramen conje-
ctum dentem citat. Sed id tamen involu-
tum in lanula demitti commodius est; quia
10 sic & dentem servat, & dolorem levat.
Hæc a Medicis accepta sunt: sed agrestium 324,
experimento cognitum est, cum dens do- 18.
luerit, herbam † mentastrum cum suis radi-
cibus evelli debere, & in pelvem mitti, su-
15 praque aquam infundi, collocarique juxta
sedentem hominem undique veste contectum;
tum in pelvem candentes filices demitti,
sic, ut aqua tegantur, hominemque cum
hiante ore vaporem excipere, ut supra di-
20 ctum est, undique inclusum. Nam & sudor
plurimus sequitur, & per os continens pi-
tuita defluit; idque longiorem, sæpe an-
nuam valetudinem bonam præstat.

CAP. X.

25

De Tonsillis. a

445.

SI vero tonsillæ sine exulceratione per
inflammationem intumescunt, caput
quoque velandum est, & extrinsecus is lo-
30 cus vapore calido fovendus; multa am-
bulatione utendum; caput in lecto subli-
me habendum; gargarizandumque repri-
mentibus medicamentis. Radix quoque ea,
quam dulcem appellant, contusa & in passo
mul-

* Marcell. de Medic. Cap. XII. p. 296. † Idem
eodem cap. p. 293. a Oribas. de Loc. Affect. IV. 70.

mulsove decocta, idem præstat. Leniter-
 que quibusdam medicamentis eas illini non
 alienum est; quæ hoc modo fiunt. Ex ma-
 lo *b* punico dulci succus exprimitur, &
 ejus sextarius ad lenem ignem decoquitur, 5
 donec ei mellis crassitudo sit; tum croci,
 myrrhæ, aluminis scissilis, singulorum P.
 ii. *. per se conteruntur, paulatimque his
 adjiciuntur vini lenis cyathi duo, mellis
 unus; deinde priori succo ista miscentur, 10
 & rursus leniter incoquantur: aut ejusdem
 succi sextarius eodem modo coquitur, at-
 que eadem ratione trita hæc adjiciuntur;
 nardi P. *. omphacii P. i. *. cinnamomi,
 myrrhæ, casia, singulorum P. i. *. Ea- 15
 dem autem hæc & auribus & naribus pu-
 rulentis accommodata sunt. Cibus in hac
 quoque valetudine lenis esse debet, ne ex-
 asperet.

Quod si tanta inflammatio est, ut spi- 20
 ritum impediat, in lecto conquiescendum;
 cibo abstinendum, neque assumendum quic-
 quam præter aquam calidam est: alvus
 quoque ducenda est: gargarizandumque ex
 fico & mulso: illinendumque mel cum om- 25
 phacio. extrinsecus admovendus, sed ali-
 quanto diutius, vapor calidus, donec ea
 suppurent, & per se aperiantur. Si pure
 substante non rumpuntur hi tumores, inci-
 dendi sunt: deinde mulso calido gargari- 30
 zandum.

At, si modicus quidem tumor, sed exul-
 ceratio est, furfurum cremori ad gargari-
 zandum paulum mellis adjiciendum est,
 illi-

b Oribas. de Loc. Affect. IV. 73. Æginet. III. 26.

illinendaque ulcera hoc medicamento: passi-
 si quam dulcissimi tres heminae ad unam
 coquuntur; tum adjicitur thuris P. i. *. cro-
 ci, myrrhae, singulorum P. *. iterumque
 5 omnia fervere. Ubi pura ulcera sunt,
 eodem furfurum cremore, vel lacte gar-
 garizandum est. Atque hic quoque cibus le-
 nibus opus est; quibus adjici dulce vinum
 potest.

10

CAP. XI.

De Oris Ulceribus. a

ULCE RA autem oris, si cum inflam-
 matione sunt, & parum pura ac ru-
 15 bicunda sunt, optime his medicamentis cu-
 rantur, quae supra posita ex malis punicis
 sunt. Continendusque saepe ore reprimens
 cremor est, cui paulum mellis sit adjectum:
 utendumque ambulationibus, & non acri
 20 cibo. Cum vero pura ulcera esse coeperunt,
 lenis humor, interdum etiam quam opti-
 ma aqua ore continenda est. Prodestque as-
 sumptum purum vinum, pleniorque cibus,
 dum acribus, vacet: inspergigue ulcera de-
 25 bent alumine scissili, cui dimidio plus gal-
 lae immaturae sit adjectum.

Si jam crustas habent, quales in adustis
 esse consuerunt, adhibendae sunt compositio-
 nes, quas Graeci *αὐτὸν* nominant. † Ha- 388.
 30 bent haec junci quadrati, myrrhae, sandara-
 chae, aluminis, pares portiones: aut cro-
 ci, myrrhae, singulorum P. ii. *. iridis, alu-
 minis scissilis, sandarachae, singulorum P.
 iv. *. junci quadrati P. viii. *. aut gallae,

B b

myr-

a *Aëtius Tetrab. II. Serm. IV. c. 22.* † *Simile
 medicamentum vide apud Marcell. Cap. XI. p. 292.
 Plin. de Re Med. Lib. I. c. 31.*

myrrhæ, singulorum P. ii. *. aluminis scissilis P. ii. *. rosæ foliorum P. iv. *. Quidam autem croci P. *. aluminis scissilis, myrrhæ, singulorum P. i. *. sandarachæ P. ii. *. junci quadrati P. iv. *. miscent. Priora arida insperguntur: hoc cum melle illinitur; neque ulceribus tantum, sed etiam tonsillis.

Verum ea longe periculosissima sunt ulcera, quas *ἄφθας* b Græci appellant; sed in pueris: hos enim sæpe consumunt. in viris & mulieribus idem periculum non est. Hæc ulcera a gingivis incipiunt; deinde palatum, totumque os occupant; tum ad uvam faucesque descendunt. quibus obsessis, non facile fit, ut puer convalescat. ac miserius etiam est, si lactens adhuc infans est; quo minus imperari remedium aliquod potest. Sed inprimis nutrix cogenda est exerceri ambulationibus, & his operibus, quæ superiores partes movent: mittenda in balneum, jubendaque ibi calida aqua mammas perfundere: tum alenda cibis lenibus, & his qui non facile corrumpuntur: portione, si febricitat puer, aquæ: si sine febre est, vini diluti. ac, si alvus nutriti subsistit, ducenda est. Si pituita in os ejus coit, vomere debet. Tum ipsa ulcera perungenda sunt melle, cui * rhus quem Syriacum vocant, aut amaræ nuces adjectæ sunt: vel mistis inter se rosæ foliis aridis, nucleis pini, mentha, collectis cum melle: vel eo medicamento, quod ex moris fit: quorum succus eodem modo, quo punici mali, ad mellis

b *Æginet. I. 10. Aretæus Morb. Acut. I. 9. Orib. de Loc. Affect. Cur. IV. c. 68. Adtuar. M. M. II. 10. IV. 14. Aët. Tetr. II. Serm. I. 39. c Aph. III. 24.*
 * *Salmas. de Homonym. Hyles Fatric. Cap. 58.*

mellis crassitudinem coquitur, eademque ratione ei crocum, myrrha, alumen, vinum, & mel miscetur. Neque quicquam dandum, a quo humor evocari possit. Si
 5 vero jam firmior puer est, gargarizare debet his fere, quæ supra comprehensa sunt. Ac, si leniora medicamenta in eo parum proficiunt, adhibenda sunt ea, quæ adurendo crustas ulceribus inducant. Valens quoque
 10 est scissile alumen, vel chalcitis, vel atramentum futorium. Prodest etiam fames & abstinencia, quanta maxima imperari potest. Cibus debet esse lenis. Ad purganda tamen ulcera, interdum caseus ex melle re-
 15 ste datur.

CAP. XII.

De Linguae ulceribus. a

LINGUÆ quoque ulcera non aliis medicamentis egent, quam quæ prima
 20 parte superioris capitis exposita sunt. Sed quæ in latere ejus nascuntur, diutissime durant. Videndumque est, num contra dens aliquis acutior sit, qui sanescere sæpe
 25 ulcus eo loco non finit, ideoque limandus est.

CAP. XIII.

De Parulidibus a & ulceribus gingivarum.

SOLENT etiam interdum juxta dentes
 30 in gingivis tubercula quædam oriri dolentia; παρλίδας Græci appellant. Hæc initio leniter sale contrito perfricare oportet; aut inter se mixtis sale fossili com-

B b 2 busto,

a Aëtuar. M. M. II. 10. a Oribas. de Loc. Affec. IV. 66. Aëtuar. M. M. II. 10. IV. 14. Aëtius Tetrab. II. Serm. IV. 24. Aëginet. VI. 27.

busto, cupresso, nepeta; deinde eluere os
 cremore lenticulæ, & inter hæc hiare, do-
 nec pituitæ fatis profluat. In maiore vero
 inflammatione iisdem medicamentis uten-
 dum est, quæ ad ulcera oris supraposita
 sunt: & mollis linamenti paululum invol-
 vendum aliqua compositione ex his, quas
 385. *ἀνθράξ* b vocari dixi; demittendumque id
 inter dentem & gingivam. Quod si durior
 erit, & id prohibebit, extrinsecus admoven-
 dus erit spongiæ vapor calidus, imponen-
 dumque ceratum. Si suppuratio se osten-
 det, diutius eo vapore utendum erit: &
 continendum ore calidum mulsum, in quo
 ficus decocta sit. Idemque suberudum in-
 cidendum, ne, si ibi diutius pus perman-
 ferit, os lædat. Quod si major is tumor est,
 commodius totus exciditur, sic ut ex utra-
 que parte dens liberetur. Pure exempto, si
 levis plaga est, fatis est ore calidam aquam
 continere, & extrinsecus fovere eodem va-
 pore: si major est, lenticulæ cremore uti,
 iisdemque medicamentis, quibus cætera ul-
 cera oris curantur.

Alia quoque ulcera in gingivis plerun-
 que oriuntur, quibus eadem, quæ in reli-
 quo ore, succurrunt. Maxime tamen man-
 dere ligustrum oportet, succumque eum
 ore continere. Fit etiam interdum, ut ex
 gingivæ ulcere, sive *παρὰλὶς* fuit, sive non
 fuit, diutius pus feratur, dente aut cor-
 rupto, aut fracto, vel aliter vitiato osse:
 maximeque id per fistulam evenire con-
 suevit. Quod ubi incidit, locus aperi-
 endus,

b *Scribon. Larg. C. XII. c. 61.*

5 dus, dens eximendus; testa ossis, si qua de-
 cessit, recipienda est; si quid vitiosum est, ra-
 dendum. Post quæ, quid fieri debeat, su-
 pra in aliorum ulcerum curatione compre-
 5 hensum est. Si vero a dentibus gingivæ re-
 cedunt, eadem antheræ succurrunt. Utile 385.
 est etiam pira aut mala non permatura man-
 dere, & ore eum humorem continere. Idem-
 que præstare non acre acetum in ore reten-
 10 -tum potest.

CAP. XIV.

De Uvæ morbo. a

15 **U**VÆ vehemens inflammatio terrere
 quoque debet. Itaque in hac abstinencia
 necessaria est, & sanguis recte mittitur; &
 si id aliqua res prohibet, alvus utiliter duci-
 tur: caputque super hæc velandum, & subli-
 20 -mius habendum est: tum aqua * gargarizan-
 dum, in qua simul rubus & lenticula deco-
 -cta sit. Illinenda autem ipsa uva vel ompha-
 cio, vel galla *b*, vel alumine scissili, sic ut
 cuilibet eorum mel adjiciatur. Est etiam me-
 dicamentum huic aptum, quod Andronium
 25 *c* appellatur. constat ex his; alumine scis-
 sili, squama æris rubri, atramento sutorio,
 galla, myrrha, misy. quæ per se contrita,
 mixtaque rursus paulatim adjecto vino au-
 -stero, teruntur, donec his mellis crassitudo
 30 sit. Chelidoniæ quoque succo per cochlear il-
 -lita uva maxime prodest. Ubi horum aliquo xxii, 6.
 illita uva est, fere multa pituita decurrit: cum-
 -que ea quievit, ex vino calido gargarizandum.

B b 3

Quod

*a Oribas. de Loc. Affect. Cur. IV. 73. * Marcell.
 de Medic. Cap. XIV. pag. 299. b Scribon. Larg. C.
 XVII. c. 71. c Idem C. XIII. 63. Longe aliter
 exstat apud Marcell. de Medic. Cap. XI. pag. 292.*

Quod si minor in ea inflammatio, laser terere, eique adjicere frigidam aquam satis est, eamque aquam cochleari exceptam ipsi uvæ subjicere. Ac mediocriter eam tumen-
tem aqua quoque frigida, eodem modo
subiecta, reprimit. Ex eadem autem aqua
gargarizandum quoque est, vel cum lasere,
vel sine eo. At curationis uvæ productæ
per manum, ratio subiecta est.

C A P. XV.

De Cancro oris. a

SI quando autem ulcera oris cancer in-
vasit, primo considerandum est, num
malus corporis habitus sit; eique occurren-
dum: deinde ipsa ulcera curanda. Quod
si in summa parte id vitium est, satis pro-
ficit anthera, humido ulceri arida insper-
sa; sicciori, cum exigua parte mellis il-
lita. Si paulo altius, chartæ combustæ par-
tes duæ, auripigmenti pars una. Si peni-
tius malum descendit, chartæ combustæ
partes tres, auripigmenti pars quarta: aut
pares portiones salis fricti, & iridis frictæ:
aut etiam pares portiones chalcitidis, cal-
cis, auripigmenti. Necessarium autem est
linamentum in rosa tingere, & super adu-
rentia medicamenta imponere; ne vicinum
& sanum locum lædant. Quidam etiam in
acris aceti heminam frictum salem conj-
ciunt, donec tabescere desinat; deinde id
acetum coquunt, donec exiccetur; eumque
salem contritum inspergunt. Quoties au-
tem medicamentum injicitur, & ante &
post

a Scribon. Larg. c. XIII.

post os diluendum est vel cremore lenticulæ, vel aqua, in qua aut ervum, aut * oleæ, aut verbenæ decoctæ sint, sic, ut cuilibet eorum paululum mellis misceatur. Acetum quoque ex scilla retentum ore, satis adversus hæc ulcera proficit: & ex aceto cocto sali, sicut supra demonstratum est, rursus mistum acetum. sed & diu continere utrumlibet, & id bis aut ter die facere, prout vehemens malum est, necessarium est. Quod si puer est, cui id incidit, specillum lana involutum in medicamentum demittendum est, & super ulcus tenendum; ne per imprudentiam adurentia devoret. At, si dolor in gingivis est, moventurque aliqui dentes, refigi eos oportet. nam curationem vehementer impediunt. Si nihil medicamenta proficient, ulcera erunt adurenda. Quod tamen in labris ideo non est necessarium, quoniam excidere commodius est. Et id quidem, æque adustum, atque excisum, sine ea curatione, quæ corpori manu adhibetur, impleri non potest. Gingivarum vero ossa, quæ hebetia sunt, in perpetuum ustione nudantur. neque enim postea caro increscit. Imponenda tamen adustis lenticulla est, donec sanitatem, qualis esse potest, recipiant.

CAP. XVI.

De Parotidibus. a

HÆC in capite fere medicamentis egent. Sub ipsis vero auribus oriri παρωτίδες solent; modo in secunda valedi-

B b 4

tudi-

* Marcell. de Medic. Cap. XI. pag. 292.

a Oribas. de Loc. Affect. Cur. c. 44. Trallian. III. 7.

tudine, ibi inflammatione orta; modo post longas febres, illuc impetu morbi converso. Id abscessus genus est. Itaque nullam novam curationem desiderat: animadversionem tantummodo hanc habet necessariam, 52 ut, si sine morbo id intumuit, primum reprimantibus experimentum fiat: si ex adversa valetudine, illud inimicum est, maturarique & quam primum aperiri commodius est. 101

CAP. XVII.

De Umbilico prominente. a

AD umbilicos vero prominentes, ne matenu ferroque utendum sit, ante tentandum est, ut abstineant. alvus his ducetur: imponatur super umbilicum id, quod ex his constat; cicutæ & fuliginis, singulorum P. i. *. cerussæ elotæ P. iv. *. plumbi eloti P. viii. *. ovis duobus; quibus etiam 200 solani succus adjicitur. Hoc diutius impositum esse oportet; & interim conquiescere hominem; cibo modico uti, sic ut vitentur omnia infantia.

CAP. XVIII.

De Obscænarum partium vitiis. 25

PROXIMA sunt ea, quæ ad partes obscænas pertinent. quarum apud Græcos vocabula & tolerabilius se habent, 30 & accepta jam usu sunt; cum in omni fere medicorum volumine atque sermone jactentur: apud nos fœdiora verba, ne consuetudine quidem aliqua verecundius loquen-

a *Æginet. VI. 51. Aëtius Tetr. I. Serm. IV. c. 26. & Tetr. IV. Serm. IV. 111. Oribas. de Loc. Affect. IV. c. 117.*

quentium *a* commendata sunt: ut difficilis hæc explanatio sit, simul & pudorem, & artis præcepta servantibus. Neque tamen ea res a scribendo detertere me debuit. Primum, ut omnia, quæ salutaria accepi, comprehenderem: dein, quia in vulgus eorum curatio etiam præcipue cognoscenda est, quæ invitissimus quisque alteri ostendit.

2. *De Colis morbis.*

10 Igitur si ex inflammatione *b* coles intumuit, reduciq; summa cutis, aut rursus induci non potest, multa calida aqua fovendus locus est. Ubi vero glans contacta 472, est, oriculario quoque clystere inter eam 22. cutemque aqua calida inferenda est. si mollita sic & extenuata cutis reducenti paruit, expeditior reliqua curatio est: si tumor vicit, imponenda est vel lenticula vel marrubium, vel oleæ folia ex vino co-
20cta, sic ut cuilibet eorum, dum teritur, mellis paululum adjiciatur: sursumque coles ad ventrem deligandus est; quod in omni curatione ejus necessarium est: isque homo continere se, & abstinere a cibo debet, & potione aquæ tantum a siti vindicari. Postero die rursus adhibendum iisdem rationibus aquæ fomentum est, & tum vi quoque experiundum, an cutis sequatur. Ea que, si non parebit, leviter summa scal-
30pello concidenda erit. nam, cum sanies profluxerit, extenuabitur is locus, & facilius cutis ducetur.

Sive autem hoc modo victa erit, sive nunquam repugnaverit; ulcera vel in cutis ulte-

a Alii accommodata. b Aëtius Tetrab. IV. Serm. II. 16.

ulteriore parte, vel in glande, ultrave eam
in cole reperientur: quæ necesse est, aut
pura siccaque sint, aut humida & purulen-
ta. Si sicca sunt, primum aqua calida fo-
venda sunt: deinde imponendum lycium ex 5
vino est, aut amurca cocta cum eodem,
aut cum rosa butyrum. Si tenuis iis hu-
mor inest, vino eluenda sunt; tum butyro
rosæ & mellis paululum, & resinæ terebin-
thinæ pars quarta adjicienda est, eoque u- 10
tendum. At, si pus ex iis profluit, ante
omnia elui mulso calido debent: tum im-
poni piperis P. i. *. myrrhæ P. ii. *. croci,
misyos cocti, singulorum P. ii. *. quæ ex
vino austero coquuntur, donec mellis cras- 15
situdinem habeant. Eadem autem compo-
sitio tonsillis, uvæ madenti, oris narium-
que ulceribus accommodata est. Aliud ad
idem; piperis P. i. *. myrrhæ P. i. *. croci
P. ii. *. misyos P. i. *. æris combusti P. ii. *. 20
quæ primum ex vino austero conteruntur;
deinde, ubi inaruerunt, iterum teruntur ex
passi tribus cyathis, & incoquuntur, donec
visci crassitudinem habeant. Ærugo quoque
cum cocto melle, & ea, quæ ad oris ul- 25
cera supra comprehensa sunt, curant. At
Erasistrati compositio, aut Cratonis, recte
super purulenta naturalia imponitur. Folia
quoque oleæ ex novem cyathis coquuntur;
his adjicitur aluminis scissilis P. iv. *. ly- 30
cii P. viii. *. mellis sesquicyathus: ac, si
plus puris est, id medicamentum ex mel-
le: si minus, ex vino diluitur. Illud perpe-
tuum est; post curationem, dum inflam-
matio

cataplasma super dare, & quotidie ulcera eadem ratione curare. Quod si pus & multum, & cum malo odore cœpit profluere, elui cremore lenticulæ debet, sic, ut ei mellis paululum adjiciatur: aut oleæ, aut lentis folia, vel marrubium decoquendum est, eoque humore eodem modo cum melle utendum: imponendaque eadem; aut etiam omphacium cum melle; aut id, quod ex ærugine & melle ad aures fit; aut compositio Andronis; aut anthera, sic, ut ei paululum mellis adjiciatur. Quidam ulcera omnia, de quibus adhuc dictum est, lycio ex vino curant.

Si vero ulcus latius atque altius serpit, eodem modo elui debet: imponi vero, aut ærugo, aut omphacium cum melle; aut Andronis compositio; aut marrubii, myrrhæ, croci, aluminis scissilis cocti, rosæ foliorum aridorum, gallæ, singulorum P. i. *. minii sinopici P. ii. *. quæ per se singula primum teruntur; deinde juncta iterum, melle adjecto, donec liquidi cerati crassitudinem habeant; tum in æneo vase leniter coquantur, ne superfluant; cum jam guttæ indurescunt, vas ab igne removeretur: idque medicamentum tum, prout opus est, aut ex melle aut ex vino liquatur. Idem autem per se etiam ad fistulas utile est.

Solet etiam interdum ad nervos & ulcus descendere; profluitque pituita multa, fanies tenuis malique odoris, non coacta, at aquæ similis, in qua caro recens lota est; dolo-

doloresque is locus, & punctiones habet. Id genus quamvis inter purulenta est, tamen lenibus medicamentis curandum est; quale est emplastrum τετραφάρμακον ex rosa liquatum, sic, ut thuris quoque paululum ei misceatur: aut id, quod ex butyro, rosa, resina, melle fit; supra vero a me positum est. Præcipueque id ulcus multa calida aqua fovendum est, velandumque, neque frigori committendum. 10

Interdum autem per ipsa ulcera coles sub cute exesus est sic, ut glans excidat. Sub quo casu cutis ipsa circumcidenda est. Perpetuumque est, quoties glans, aut ex cole aliquid, vel excidit, vel abscinditur, illam esse servandam, ne confidat, ulcerique agglutinetur, ac neque reduci possit postea, & fortasse fistulam quoque urinæ intercludat. 15

Tubercula etiam, *d* quæ οὐράτα Græci vocant, circa glandem oriuntur; quæ vel medicamentis, vel ferro aduruntur; & cum crustæ exciderunt, squama æris inspergitur, ne quid ibi rursus increseat. 20

3. *De Cancro, qui in Cole nascitur.* 25

Hæc citra cancrum sunt; qui cum in reliquis partibus, tum in his quoque vel præcipue ulcera infestat. Incipit a nigritie. quæ si cutem occupavit, protinus specillum subjiciendum, eaque incidenda est; deinde oræ vulsellaprehendendæ, tum, quicquid corruptum est, excidendum, sic, ut ex integro quoque paulum dematur, idque adurendum. Quoties quid ustum est, id 30

d Æginet. VI. 57.

id quoque sequitur, ut imponenda lenticula sit: deinde, ubi crustæ exciderunt, ulcera sicut alia curentur.

At, si cancer ipsum colem occupavit, inspergenda aliqua sunt ex adurentibus, maximeque id, quod ex calce, chalcitide, auripigmento componitur. Si medicamenta vincuntur, hic quoque scalpello, quicquid corruptum est, sic, ut aliquid secum integri trahat, præcidi debet. Illud quoque æque perpetuum est; exciso cancro, vulnus esse adurendum. Sed si ex medicamentis, si ex ferro crustæ occalluerint, magnum periculum est, ne his decidentibus, ex cole profusio sanguinis insequatur. Ergo longa quiete & immobili pene corpore opus est, donec ex ipso crustæ maturæ leniter resolvantur. At si vel volens aliquis, vel imprudens, dum ingreditur immature, crustas diduxit, & fluit sanguis, frigida aqua adhibenda est. Si hæc parum valet, decurrendum est ad medicamenta, quæ sanguinem supprimunt. Si ne hæc quidem succurrunt, aduri diligenter & timide debet: neque ullo postea motu dandus eidem periculo locus est.

4. *De Phagedæna in Cole nascente.*

Nonnunquam etiam id genus ibi cancri, quod *φαιγέδαινα* a Græcis nominatur, oriri solet. In quo minime differendum, sed protinus iisdem medicamentis occurrendum est; & si parum valent, ferro adurendum. Quædam etiam nigrities est, quæ non sentitur, sed serpit, ac, si sustinuimus, usque ad

ad vesicam tendit: neque succurri postea potest. Sed, si in summa glande circa fistulam urinæ est, prius in eam tenue specillum demittendum est, ne claudatur; deinde id ferro adurendum: si vero alte penetravit, quicquid occupatum est, præcidendum est. Cætera eadem, quæ in aliis cancris, facienda sunt.

5. *De Carbunculo, qui in Cole nascitur.*

Occallescit etiam in cole interdum aliquid; idque omni pene sensu caret. quod ipsum quoque excidi debet. Carbunculus autem ibi natus, ut primum apparet, oriculario clystere eluendus est: deinde ipse quoque medicamentis urendus, maximeque chalcitide cum melle, aut ærugine cum cocto melle, aut ovillo stercore fricto & contrito cum eodem melle. Ubi is excidit, liquidis medicamentis utendum est, quæ ad oras ulceris componuntur.

6. *De Testiculorum morbis.*

In testiculis vero, si qua inflammatio sine ictu orta est, sanguis ex talo mittendus est: a cibo abstinendum: imponendum, quod est ex fabæ farina ex mulso cocta, & cum cumino contrito ex melle coacta; aut contritum cuminum cum cerato ex rosa facto; aut lini semen frictum, contritum, & in mulso coctum; aut tritici farina ex mulso cocta cum cupresso; aut lilii radix contrita. At, si iidem induruerunt, imponi debet lini vel fœni Græci semen ex mulso coctum; aut ex cyprino ceratum; aut similia ex vino contrita, cui paululum croci sit adje-

e *Aëtius Tetrab. IV. Serm. II. 18.* f *Æginet. III. 54. Aëtius Tetr. IV. Serm. II. c. 21.*

adjectum. Si vetustior jam durities est, maxime proficit cucumeris agrestis radix ex mulso cocta, deinde contrita.

Si ex ictu tument, sanguinem mitti necessarium est; magisque, si etiam livent. Imponendum vero utrumlibet ex his, quæ cum cumino componuntur, supraque posita sunt; aut ea compositio, quæ habet nistri cocti P. i. *. resinæ pineæ, cumini, singulorum P. ii. *. uvæ taminix sine seminibus P. iv. *. mellis quantum satis sit ad ea cogenda. Quod si ex ictu testiculus aliqui-
dem desit, fere quoque pus increfcit; neque aliter succurri potest, quam si, inciso
scroto, & pus emissum, & ipse testiculus excisus est.

7. De Ani morbis.

De Rhagadiis.

Anus quoque multa tædiique plena mala recipit, nec a se multum abhorrentes curationes habet. Ac primum in eo sæpe, & quidem pluribus locis, cutis scinditur; γ 493, *παγάδια* Græci vocant. Id si recens est, quiescere homo debet, & in aqua calida
fidere. Columbina quoque ova coquenda sunt, & ubi induruerunt, purganda: deinde alterum jacere in aqua bene calida debet, altero calido foveri locus, sic, ut invicem utroque aliquandiu utatur. Tum
trapharmacum, aut rhyodes rosa diluendum est; aut æsypum recens miscendum cum cerato liquido ex rosa facto; aut eodem cerato liquido plumbum elotum adji-
ciendum; aut resinæ terebinthinæ myrrha;

aut

g Scribon. Larg. c. LXXXIX. 223.

aut spumæ argenti vetus oleum ; & quolibet ex his id perungendum . Si , quicquid læsum est , extra est , neque intus reconditum , eodem medicamento tinctum linamentum superdandum est , & , quicquid ante adhibuimus , cerato contegendum . In hoc autem casu , neque acribus cibis utendum , neque asperis , nec alvum comprimentibus : ne aridum quidem quicquam satis utile est , nisi admodum paulum . Liquida , lenia , pingua , glutinosa , meliora sunt . Vino leni uti nihil prohibet .

8. *De Condylomate . h*

494, 5. Condyloma autem est tuberculum , quod ex quadam inflammatione nasci solet . Id ubi ortum est , quod ad quietem , cibos , potionisque pertinet , eadem servari debent , quæ proxime scripta sunt . Iisdem etiam ovis recte tuberculum id fovetur . sed desidere ante homo in aqua debet , in qua verbenæ decoctæ sunt ex reprimentibus : tum recte imponitur & lenticula cum exigua mellis parte , sertula campana ex vino cocta , & rubi folia contrita cum cerato ex rosa facto ; & cum eodem cerato contritum vel cotoneum malum , vel malicorii ex vino cocti pars interior : & chalcitis cocta atque contrita , deinde æsypo ac rosa excepta ; & ex ea compositione , quæ habet thuris P. i. *. aluminis scissilis P. ii. *. cerussæ P. iii. *. spumæ argenti P. v. *. quibus , dum teruntur , invicem rosa & vinum instillatur . Vinculum autem ei loco linteolum aut panniculus quadratus est , qui

h Aëtius Tetr. IV. Serm. II. c. 3. Scribon. Larg. C. XC. Æginet. VI. 80.

qui ad duo capita duas anfas, ab altera vero parte totidem fascias habet; cumque subiectus est, ansis ad ventrem datis, a posteriore parte in eas adductæ fasciæ coni-
 5 ciuntur, atque, ubi artatæ sunt, dexterior sinistra, sinisterior dextra procedit, circumdataque circa alvum inter se novissime nodo deligantur. Sed, si vetus condyloma jam induruit, neque sub his curationibus
 10 desit, aduri medicamento potest, quod ex his constat; æruginis P. ii. *. myrrhæ P. iv. *. gummi P. viii. *. thuris P. xii. *. stibii, papaveris lachrymæ, acaciæ, singulorum P. xvi. *. Quo medicamento qui-
 15 dam etiam ulcera, de quibus proxime dixi, renovant. Si id nondum in condylomate proficit, adhiberi possunt etiam vehementius adurentia. Ubi consumptus est tumor, ad medicamenta lenia transeundum
 20 est.

9. De Hæmorrhoidibus. i

494,

Tertium autem ani vitium est, ora venarum tanquam capitulis quibusdam turgentia, quæ sæpe sanguinem fundunt;
 25 αἱμορροΐδες Græci vocant. Idque etiam in ore vulvæ scëminarum incidere consuevit. Atque in quibusdam parum tuto suppri- 62, 13.
 mitur; qui sanguinis profluvio imbecilliores non fiunt. habent enim purgationem
 30 hanc, non morbum. Ideoque curati quidam, cum sanguis exitum non haberet, inclinata in præcordia ac viscera materia, subitis & gravissimis morbis correpti sunt. Si cui vero id nocet, is desidere in aqua ex

C c

ver-

i *Æginet* III. 59. VI. 79. *Aëtius* *Tetrab.* VI. *Serm.* II. c. 5.

verbenis debet: imponere maxime malicorium cum aridis rosæ foliis contritum; aut ex his aliqua, quæ sanguinem supprimunt. Solet autem oriri inflammatio, maxime ubi dura alvus eum locum læsit. Tum 5 in aqua dulci desidendum est, & id foveandum ovis, imponendi vitelli cum rosæ foliis ex passo *k* subactis: idque, si intus est, digito illinendum; si extra, superillitum panniculo imponendum est. Ea quoque medicamenta, quæ recentibus scissuris posita sunt, hic idonea sunt. Cibis vero in hoc casu iisdem, quibus in prioribus, utendum est. Si ista parum juvant, solent imposita medicamenta adurentia ea capitula 15 absumere. At, si jam vetustiora sunt, sub authore Dionysio inspergenda sandaracha est: deinde imponendum, quod ex his constat; squamæ æris, auripigmenti, singulorum P. v. *. saxi calcis P. viii. *. postero die acu compungendum. Adustitis capitulis fit cicatrix, quæ sanguinem fundi prohibet. Sed, quoties is suppressus est, ne quid periculī afferat, multa exercitatione digerenda materia est: prætereaque & vi- 25 ris, & fœminis, quibus menstrua non proveniunt, interdum ex brachio sanguis mittendus est.

10. *Si Anus, vel Os vulvæ procidit, quæ
I curatione utendum sit.*

At, si anus ipse, vel os vulvæ procidit (nam id quoque interdum fit) considerari debet, purum ne id sit, quod provolutum est, an humore mucoso circumdatum. Si

purum

*k Alii subacto. I Æginet. III. 89. Aëtius
Tetrab. IV. Serm. II. c. 7.*

purum est, in aqua desidere homo debet, aut falsa, aut cum verbenis vel malicorio incocta. Si autem humidum, vino austero sublavandum est, illinendumque fece vini combusta. Ubi utrolibet modo curatum est, intus reponendum est; imponendaque plantago contrita, vel folia salicis in aceto cocta; tum linteolum & lana, eaque super deliganda sunt, cruribus inter se devinctis.

10 *ii. De Fungo ani aut vulvæ*

Fungo quoque simile ulcus in eadem sede nasci solet. Id, si hiems est, egelida; si aliud tempus, frigida aqua fovendum est: dein squama æris inspergenda, supraque ceratum ex myrteo factum, cui paululum squamæ, fuliginis, calcis sit adjectum. Si hac ratione non tollitur, vel aliis medicamentis similibus, vel vehementioribus, ferro adurendum est.

20 *C A P. XIX.*

De Digitorum ulceribus.

DIGITORUM autem vetera ulcera commodissime curantur, aut lycio, aut amurca cocta, cum utrilibet vinum adjectum est. In iisdem recedere caruncula ab unguibus cum magno dolore consuevit; *πτερύγιον* a Græci appellant. Oportet alumen Melium rotundum in aqua liquare, donec mellis crassitudinem habeat: tum, quantum ejus aridi fuit, tantundem mellis infundere, & rudicula miscere, donec similis croco color fiat, eoque illinere. Quidam ad eundem usum deco-

C c 2 quere

a *Æginet. IV. 81. VI. 85. Aëtius Terrab. IV. Serm. II. c. 74.*

quere simul malunt, cum paria pondera
 aluminis aridi & mellis miscuerunt. Si hac
 ratione ea non exciderunt, excidenda sunt:
 deinde digiti fovendi aqua ex verbenis,
 imponendumque super medicamentum ita 5
 factum: chalcitis, malicorium, squama æ-
 ris excipiuntur fimo pingui leviter cocta &
 melle; aut chartæ combustæ, auripigmen-
 ti, sulphuris ignem non experti par mo-
 dus cerato miscetur ex myrteo facto; aut 10
 æruginis rasæ P. i. *. squamæ æris P. ii. *.
 mellis cyatho coguntur; aut pares portio-
 nes miscentur, saxi calcis, chalcitidis, au-
 ripigmenti. Quicquid horum impositum est,
 tegendum linteolo aqua madefacto est. Ter- 15
 tio die digitus resolvendus, &, si quid
 aridi est, iterum excidendum, similisque ad-
 hibenda curatio est. Si non vincitur, pur-
 gandum est scalpello, tenuibusque ferra-
 mentis adurendum, &, sicut reliqua ulsa, 20
 curandum.

At, ubi scabri & ungues sunt, circum ape-
 riri debent, qua corpus contingunt: tum
 super eos ex hac compositione aliquid im-
 poni; sandarachæ, sulphuris, singulorum 25
 P. ii. *. nitri, auripigmenti, singulorum
 P. iv. *. resinæ liquidæ P. viii. *. tertio-
 que id die resolvendum est. Sub quo medi-
 camento vitiosi ungues cadunt, & in eo-
 rum locum meliores renascuntur. 30

LIBER

b *Ætius Tetrab. IV. Serm. II, c. 79.*

LIBER SEPTIMUS.

PRÆFATIO.

§ *De Chirurgica, & qui in ea claruerint, & qualis esse Chirurgus debeat, & quid hoc in libro describatur.*



10 **T**ERTIAM esse medicinæ partem, quæ manu curet, & vulgo notum, & a me propositum est. Ea non quidem medicamenta atque victus rationem omittit; sed manu tamen plurimum præstat. estque ejus effectus inter omnes medicinæ partes
15 evidentissimus. Si quidem in morbis cum multum a fortuna conferat †, eademque sæpe salutaria, sæpe vana sint; potest dubitari, secunda valetudo medicinæ, an corporis beneficium contigerit. In his quoque, in quibus medicamentis maxime utimur, quamvis profectus evidentior est; tamen sanitatem & per hæc frustra quæri, & sine his reddi sæpe, manifestum est. Sicut in oculis quoque deprehendi potest; qui a medicis diu vexati, sine his interdum sanescunt. At in ea parte, quæ manu curat, evidens est, omnem profectum, ut aliquid ab aliis adjuvetur, hinc tamen plurimum trahere. Hæc autem pars, cum sit vetustissima, magis tamen ab illo parente omnis medicinæ Hippocrate, quam a prioribus exculta est. Deinde, posteaquam diducta ab aliis habere professores suos cœpit, in Ægypto quoque increvit, Philoxeno maxime authore, qui

C c 3

plu-

a Hippocrat. de Arte V. † remedia quidam adscripsit margini edit. Cæsar.

pluribus voluminibus hanc partem diligentissime comprehendit. Gorgias quoque & Sostratus, & Herones & Apollonii duo, & Ammonius Alexandrinus, multique alii celebres viri, singuli quædam reppererunt. Ac 5 Romæ quoque non mediocres professores, maximeque nuper * Tryphon pater, & Euelpistus Phlegetis filius, &, ut ex scriptis ejus intelligi potest, horum eruditissimus Meges, quibusdam in melius mutatis, ali- 10 quantum ei disciplinæ adjecerunt.

Esse autem Chirurgus debet adolescens, aut certe adolescentiæ propior; manu strenua, stabili, nec unquam intremiscente, ea- 15 que non minus sinistra, quam dextra promptus; acie oculorum acri, claraque; animo intrepidus, b immisericors, sic, ut sanari velit eum, quem accepit, non ut clamore ejus motus, vel magis, quam res desiderat, properet, vel minus, quam necesse est, fe- 20 cet: sed perinde faciet omnia, ac si nullus ex vagitibus alterius affectus oriretur.

Potest autem requiri, quod huic parti proprie vindicandum sit: quia vulnorum quoque ulcerumque multorum curationes, 25 quas alibi executus sum, Chirurgi sibi vendicant. Ego eundem quidem hominem posse omnia ista præstare concipio: atque, ubi se diviserunt, eum laudo, qui quamplurimum percipit. Ipse autem huic parti 30 ea reliqui, in quibus vulnus facit medicus, non accipit; & in quibus vulneribus ulceribusve plus profici manu, quam medicamento, credo: tum, quicquid ad ossa pertinet.

* Rhod. ad Scrib. Larg. pag. 291. b Theodoret. Græc. Affect. I. pag. m. 4.

tinet. Quæ deinceps exequi aggrediar, dilatiffue in aliud volumen offibus, in hoc cætera explicabo: præpofitifque his, quæ in qualibet parte corporis fiunt, ad ea, quæ
5 proprias fedes habent, tranfibo.

CAP. I.

De Vexatis. a

10 **V**EXATA igitur in quacunque parte corporis fiunt, quamprimum fic curari debent, ut, qua dolor eft, ea fcalpello cutis crebro incidatur, detergeaturque eodem adverfo profluens fanguis. quod
15 fi paulo tardius fubvenitur, jamque etiam rubor eft; qua rubet corpus: fi tumor quoque accessit, quacunque is eft, id idem optimum auxilium eft. Tum fuperdanda
20 reprimentia funt; maximeque lana fuccida ex b aceto & oleo. Quod fi levior is cafus eft, poffunt etiam, fine fcalpello, impofita eadem mederi. Et, fi nihil aliud eft, cinis quoque; maxime ex farmentis:
25 fi is non eft, quilibet alius ex aceto, vel etiam ex aqua coactus.

CAP. II.

De his, quæ per fe intumefcunt, quomodo incidenda, & curanda fiint.

30 **V**ERUM hoc quidem promptum eft. In his autem negotium majus eft, quæ per fe, vitio intus orto, intumefcunt, & ad fuppurationem fpectant.

C c 4

Ea

a *Aëtius Tetrab. IV. Serm. II. 68.* b *Actuar. M. M. IV. 16.*

Ea omnia genera abscessuum esse alias proposui, medicamentaque his idonea executus sum: nunc superest, ut dicam, quæ in iis manu fieri debeant. Ergo, priusquam indurescant, cutem incidere, & cucurbitulam accommodare oportet; quod, quicquid illud malæ corruptæque materiæ coit, extrahat: idque iterum, tertioque recte fit, donec omne indicium inflammationis excedat. Neque tamen fas est, nihil a cucurbitula agere. 10

Interdum etiam fit, sed raro, ut quicquid abscedit, velamento suo includatur. id antiqui tunicam nominabant. Meges, quia tunica omnis nervosa est, dixit, non nasci sub eo vitio nervum, quo caro consumeretur, sed, subiecto jam vetustiore pure, callum circumdari. Quod ad curationis rationem nullo modo pertinet; quia quicquid, si tunica est, idem, si callus est, fieri debet: neque ulla res prohibet, etiam si callus est, tamen, quia cingit, tunicam nominari: tum, pure quoque maturiore, hæc interdum esse consuevit. ideoque, quod sub ea est, extrahi per cucurbitulam non potest. sed facile id intelligitur, ubi nihil admota illa mutavit. Ergo, sive incidit, sive jam durities est, in hac auxilii nihil est: sed, ut alias scripsi, vel avertenda concurrens eo materia, vel digerenda, vel ad maturitatem perducenda est. Si priora contigerunt, nihil præterea necessarium est. Si pus maturuit, in alis quidem & inguinibus raro secandum est: item ubicunque 30

que mediocris abscessus est: Item quoties
in summa cute, vel etiam carne vitium est;
nisi festinare curandi imbecillitas cogit. Sa-
tisque est cataplasmatibus efficere, ut per se
pus aperiatur. nam fere sine cicatrice po-
test esse is locus, qui expertus ferrum non
est. Si autem altius malum est, considerari
debet, nervosusne is locus sit, an non sit.
Nam, si sine nervis est, candenti ferramen-
to aperiri debet. cujus hæc ratio est, quod
exigua plaga diutius ad pus evocandum pa-
teat, parvaque postea cicatrix sit. At, si
nervi juxta sunt, ignis alienus est; ne di-
stendantur & membrum debilitent: necessa-
ria vero opera * scalpelli est. Sed cætera e-
tiam subcruda aperiri possunt; inter nervos
ultima expectanda maturitas est, quæ cu-
tem extenuet, eique pus jungat, quo pro-
pius reperiatur. Jamque alia rectam plagam
desiderant, ut in carne: alia vero vehemen-
ter cutem extenuant, in quibus tota ea su-
per pus excidenda est. Semper autem, ubi
scalpellus admovetur, id agendum est, ut
& quam minimæ & quam paucissimæ pla-
gæ sint: cum eo tamen, ut necessitati succur-
ramus, & in modo, & in numero. Nani
maiores sinus, latius; interdum etiam dua-
bus, aut tribus lineis incidendi sunt. Dan-
daque opera, ut imus sinus exitum habeat;
ne quis humor intus subsidat, qui proxima
& adhuc sana rodendo sinuet. Est etiam in
rerum natura, ut cutis latius excidenda sit.
Nam, ubi post longos morbos totius corpo-
ris habitus vitiatus est, lateque se sinus sus-
fudit

* H. F. ab Aquapend. Chirurg. p. 442.

fudit, & in eo jam cutis pallet; scire licet, eam jam emortuam esse, & inutilem futuram. Ideoque excidere commodius est: maxime, si circa articulos majores id evenit, cubantemque ægrum fluens alvus exercuit, 5
V. supra neque per alimenta quicquam corpori accedit. Sed excidi ita debet, ut plaga ad similitudinem myrtei folii fiat, quo facilius sanescat. Idque perpetuum est; ubicunque medicus & quacunque de causa cutem excidit. Pure effuso, in alis vel inguinibus linamento opus non est; sed spongia ex vino imponenda est. In cæteris partibus, si æque ea linamenta supervacua sunt, purgationis causa paulum mellis infundendum; dein glutinancia superdanda: si illa necessaria sunt, super ea quoque similiter dari spongia eodem modo ex vino expressa debet. Quando autem linamentis opus sit, quando non sit, alias dictum est. Cætera eadem, incisa suppuratione, facienda sunt, quæ, ubi per medicamenta rupta est, facienda esse proposui. 10 15 20

C A P. III.

De bonis, malisque signis Suppurationum. 25

PRO TINUS autem, quantum curatio efficiat, quantumque aut sperari aut timeri debeat, ex quibusdam signis intelligi potest; fereque iisdem, quæ in vulneribus exposita sunt. Nam bona signa sunt, somnum capere, facile spirare, siti non confici, cibum non fastidire, si febricula fuit, ea vacare: itemque habere pus album, læve, non 295, 30. 30

non foedi odoris. Mala sunt, vigilia, spiritus gravitas, sitis, cibi fastidium, febris; pus nigrum, aut feculentum, *a* & foedi odoris: item procedente curatione eruptio sanguinis; aut si, antequam sinus carne impleatur, oræ callosæ *b* fiunt, illa quoque ipsa carne hebetere, nec firma. Desficere tamen animam, vel in ipsa curatione, vel postea, pessimum omnium est. Quinetiam morbus ipse, si subito solutus est, dein suppuratio exorta est; si effuso pure permanet, non injuste terret. Estque inter causas timoris, si sensus in vulnere rodentium non est. Sed ut hæc ipsa fortuna huc illucve discernit; sic medici partium est, eniti ad reperiendam sanitatem. Ergo, quoties ulcus resolverit, eluere id, si reprimendus humor videbitur, vino & aqua pluviatili mixto, vel aqua, in qua lenticula cocta sit, debet: si purgandum erit, mulso; rursusque imponere eadem. Ubi jam repressus videbitur humor, ulcusque purum erit, produci carnem conveniet, & foveri ulcus pari portione vini ac mellis, superque imponi spongiam ex vino & rosa tinctam. per quæ caro producitur. Plus tamen, ut alias quoque dixi, victus ratio eo confert. Ea est, solutis jam febribus & cibi cupiditate reddita, balneum rarum; quotidiana, sed lenis gestatio; cibi potionesque corpori faciendo aptæ. Quæ omnia, per medicamenta quoque suppuratione rupta, sequuntur. Sed, quia magno malo vix sine ferro mederi licet, in hunc locum reservata sunt.

CAP.

a Aphor. VII.44. *b* Aphor. VI. 4.

CAP. IV.

De Fistulis.

ADVERSUS fistulas quoque, si altius penetrant, ut ad ultimas demitti ^a collyrium non possit, si tortuosæ sunt, si multiplices, majus in manu, quam in medicamento præsidium est; minusque operæ est, si sub cute transversæ feruntur, quam si recta intus tendunt. Igitur, si sub cute transversa fistula est, demitti ^b specillum debet, supraque id ea incidi. Si flexus reperiuntur, hi quoque simul specillo & ferro persequendi sunt. Idemque faciendum, si plures se quasi rivuli ostendunt. Ubi ad fines fistulæ ventum est, excidendus ex ea totus callus est, superque fibulæ dandæ, & medicamentum, quo glutinetur. At, si recta subter tendit, ubi, quo maxime ferat, specillo exploratum est, excidi is sinus debet: dein fibula oris cutis injicienda est, eique glutinantia medicamenta superdanda sunt; aut, si corruptius ulcus est (quod interdum osse vitiato fit) ubi id quoque curatum est, pus moventia.

2. De Costarum fistulis.

Solent autem inter costas fistulæ subterire. Quod ubi incidit, eo loco costa ab utraque parte præcidenda † & eximenda est, ne quid intus corruptum relinquatur. Solent quoque, ubi costas transierunt, septum id, quod transversum a superioribus visceribus intestina discernit, violare. Quod intelligi potest & ex loco, & ex magnitudine doloris,

^a Æginet. IV. 49. ^b Aëtius Terrab. IV. Serm. II. c. 55. † H. F. ab Aquapend. Oper. Chirurg. P. I. c. 4.

ris, & quia nonnunquam spiritus eo cum humore quasi bullante prorumpit, maximeque, si hunc ore ille continuit. In eo medicinæ locus nullus est. In cæteris vero, quæ circa costas sanabilia sunt, pingua medicamenta inimica sunt; cæteris, quæ ad vulnera accommodantur, uti licet: optime tamen sicca linamenta, vel, si purgandum aliquid videtur, in melle tincta imponuntur.

3. De Veneris fistulis.

Ventri nullum os subest; sed ibi perniciosæ admodum fistulæ fiunt: adeo ut Sostratus insanabiles esse crediderit. Id non ex toto ita se habere usus ostendit. Et quidem, quod maxime mirum videri potest, tutior fistula est contra jecur, & lienem, & ventriculum, quam contra intestina: non quo perniciosior ibi res sit, sed quo alteri periculo locum faciat. Cujus experimento moti quidam authores parum modum rei cognoverunt. Nam venter sæpe, etiam telo perforatur, prolapsaque intestina conduntur, & oras vulneris futuræ comprehendunt. quod quemadmodum fiat, mox indicabo. Itaque, etiam ubi tenuis fistula abdomen perrupit, excidere eam licet, futuraque oras conjungere. Si vero ea fistula intus patuit, excisa necesse est latius foramen relinquat. quod nisi per magna vi sui non potest; utique ab interiore parte, qua quasi membrana quædam finit abdomen, quam *περιτόναιον* Græci vocant. Ergo, ubi aliquis ingredi ac moveri cœpit, rum-

rumpitur illa futura, atque intestina solvuntur. quo fit, ut pereundum homini sit. Sed non omnimodo res ea desperationem habet: ideoque tenuioribus fistulis adhibenda curatio est.

493.

4. De Ani fistulis. c

Propriam etiamnum animadversionem desiderant eæ, quæ in ano sunt. In has demisso specillo, ad ultimum ejus caput incidit cutis debet: dein novo foramine specillum educi lino sequente, quod in aliam ejus partem, ob id ipsum perforatam, conjectum sit. Ibi linum apprehendendum ligandumque cum altero capite est, ut laxè cutem, quæ super fistulam est, teneat. Idque * linum debet esse crudum, & duplex triplexve, sic tortum, ut unitas in eo facta sit. Interim autem licet negocia agere, ambulare, lavare, cibum capere, perinde atque sanissimo. Tantummodo id linum bis in die, soluto nodo, ducendum est sic, ut subeat fistulam pars, quæ superior fuit. Neque committendum est, ut id linum putrescat: sed tertio quoque die nodus resolvendus est, & ad caput alterum recens linum alligandum, eductoque vetere, id in fistula cum simili nodo relinquendum. Sic enim id paulatim cutem, quæ supra fistulam est, incidit: simulque & id sanescit, quod a lino relictum est; & id, quod ab eo mordetur, inciditur. Hæc ratio curationis longa, sed sine dolore est.

Qui festinant, adstringere cutem lino debent, quo celerius secetur; noctuque ex

c *Æginet. VI. 78. H. F. ab Aquapendente Operat. Chirurg. P. I. c. 93. Petr. de Marchettis Observ. Medic. Chirurgic. in fine multa. * Quid sit docet H. F. ab Aquapend. Oper. Chirurg. Part. I. c. 93.*

penicillo tenuia quædam intus demittere, ut cutis hoc ipso extenuetur, quo extenditur. sed hæc dolorem movent. Adjicitur celeritati, sicut tormento quoque, si & linum, & id, quod ex penicillo est, aliquo medicamento illinitur ex iis, quibus cal-
 5 lum exedi proposui. Potest tamen fieri, ut ad scalpelli curationem etiam illo loco veniendum sit, si intus fistula fert, si multi-
 10 plex est. Igitur in hæc genera demisso specillo, duabus lineis incidenda cutis est; ut media inter eas habenula tenuis admodum injiciatur, ne protinus oræ coeant; sitque locus aliquis linamentis, quæ quam paucis-
 15 sima superinjicienda sunt; omniaque eodem modo facienda, quæ in abscessibus posita sunt. Si vero ab uno ore plures sinus erunt, recta fistula scalpello erit incidenda; ab eo cæteræ, quæ jam patebunt, lino excipien-
 20 dæ. Si intus aliqua procedet, quo ferrum tuto pervenire non poterit, collyrium demittendum erit.

Cibus autem in omnibus ejusmodi casibus, siue manu, siue medicamentis agatur,
 25 dari debet humidus; potio liberalis, diuque aqua. ubi jam caro increfcit, tum demum & balneis raris utendum erit, & cibis corpus implentibus.

C A P. V.

30 *De Telis e corpore extrahendis. a*

TE L A quoque, quæ illata corporibus intus hæserunt, magno negotio sæpe ejiciuntur. Sunt enim quædam difficul-
 tates

a Aeginet. VI. 88.

tates ex generibus eorum; quædam ex his
sedibus, in quas illa penetrarunt. Omne au-
tem telum extrahitur, aut ab ea parte, qua
venit, aut ab ea, in quam tetendit. illic
viam, qua redeat, ipsum sibi fecit: hic, a
scalpello accipit. nam contra mucronem
caro inciditur. Sed si non alte telum inse-
dit, & in summa carne est, aut certe ma-
gnas venas & loca nervosa non transit; ni-
hil melius est, quam, qua venit, id revel-
lere. Si vero plus est, per quod telo rever-
tendum, quam quod perumpendum est; jam-
que venas nervosque id transit, commo-
dius est aperire quod superest, *b* eaque ex-
trahere. nam & propius petitur, & tutius
evellitur. Et in majore membro, si me-
dium mucro transit, facilius sanescit, quod
pervium est; quia utrinque medicamento
fovetur. Sed, si retro telum recipiendum,
amplianda plaga est; quo facilius id se-
quatur, quoque minor oriatur inflammatio:
quæ major fit, si ab illo ipso telo, dum
redit, corpus laniatur. Item, si ex alia
parte vulnus aperitur, laxius esse debet,
quam ut telo postea transeunte amplietur.
In summa autem utraque parte ista haben-
da cura est, ne nervus, ne vena major, ne
arteria incidatur. Quorum ubi aliquid de-
tectum est, excipiendum hamo rectuso est,
abducendumque a scalpello. Ubi autem in-
cisum est satis, telum eximendum est: tunc
quoque eodem modo, & eadem cura habi-
ta, ne sub eo, quod eximitur, aliquid eo-
rum lædatur, quæ tuenda esse proposui.

2. De

b Alii itaque

2. *De Sagittis recipiendis.*

Hæc communia sunt : præter quæ propria quædam in singulis telorum generibus sunt, quæ protinus subjiciam. Nihil tam facile in corpus, quam sagitta, conditur, eademque altissime insidit. Hæc autem eveniunt, & quia magna vi fertur illa, & quia ipsa angusta est. Sæpius itaque ab altera parte, quam ex qua venit, recipienda est; præcipueque, quia fere spiculis cingitur; quæ magis laniant, si retro, quam si contra trahuntur. Sed inde, aperta via, caro diduci debet ferramento factò ad similitudinem Græcæ literæ *v* : deinde, ubi apparuit mucro, si ei arundo inhæret, propellenda est, donec ab altera parte apprehendi, & extrahi possit. Si jam illa decidit, solumque intus ferrum est; mucro vel digitis apprehendi, vel forcipe, atque ita educi debet. Neque alia ratio extrahendi est, ubi ab ea parte, qua venit, evelli magis placuit. nam, ampliato magis vulnere, aut arundo, si inest, evellenda est; aut, si ea non est, ferrum ipsum. Quod si spicula apparuerunt, eaque brevia & tenuia sunt, forcipe ibi comminui debent, vacuumque ab his telum educi: si ea majora valentioraque sunt, fissis scriptoriis calamis contegenda, ac, ne quid dilacerent, sic evellenda sunt. & in sagittis quidem hæc observatio est.

3. *De Latis telis educendis.*

Latum vero telum, si aliquis intus in carne habuerit, ab altera parte educi non expedit; ne ingenti vulnere ipsi quoque

ingens vulnus adjiciamus. Evellendum est ergo quodam genere ferramenti, quod Διοκλέης γραφίσκον Græci vocant; quoniam authorem Dioclem habet: quem inter priscos maximosque medicos fuisse, jam posui. Lamina est ferrea, vel ænea etiam, ab altero capite duos utrinque deorsum converfos uncas habens; ab altero duplicata lateribus, leviterque extrema eam in partem inclinata, quæ sinuata est; insuper etiam ea parte inclinata, quæ perforata est. Hæc juxta telum transversa demittitur: deinde, ubi ad inum mucronem ventum est, paululum torquetur, ut telum foramine suo excipiat: cum in cavo mucro est, illico duo digiti, subjecti partis alterius uncis, simul ferramentum id extrahunt, & telum.

4. De alio telorum genere.

Tertium genus telorum, quod interdum evelli debet, est plumbea glans, aut lapis, aut simile aliquid, quod, perrupta cute, integrum intus infedit. In omnibus his latius vulnus aperiendum, idque, quod inest, ea, qua venit, forcipe extrahendum est. Accedit vero aliquid difficultatis sub omni ictu, si telum vel ossi inhæsit, vel in articulo se inter duo ossa demersit. In osse usque eo movendum est, donec laxetur is locus, qui mucronem momordit; & tunc vel manu vel forcipe telum extrahendum est. quæ ratio quoque in dentibus ejiciendis est. Et vix unquam ita telum non sequitur. sed, si morabitur, excuti quoque cum aliquo ferramento poterit. Ultimum est, ubi non

non evellitur, terebra juxta forare, & ab eo foramine, ad speciem literæ v contra telum os excidere sic, ut lineæ, quæ diducuntur, ad telum spectent: eo facto, id ne-
 5 cesse est labet, & facile auferatur.

Inter duo vero ossa si per ipsum articulum perruperit, circa vulnus duo membra fasciis habenisve deliganda, & per has in diversas partes diducenda sunt, ut ner-
 10 vos distendant: quibus extentis, laxius inter ossa spatium est, ut sine difficultate telum recipiatur. Illud videndum est, sicut in aliis locis posui, ne quis nervus, aut vena, aut arteria a telo lædatur, dum id ex-
 15 trahitur: eadem scilicet ratione, quæ supra posita est.

§. De venenato telo evellendo.

At, si venenato quoque telo quis ictus est, iisdem omnibus, si fieri potest, etiam
 20 festinantius actis, adjicienda curatio est, quæ vel epoto veneno c, vel a serpente ictis adhibetur. Vulneris autem ipsius, extracto telo, medicina non alia est, quam quæ esset, si corpore icto nihil inhæssisset. de qua
 25 satis alio loco dictum est. 305.

C A P. VI.

De Gangliis, & Meliceride, & Atheromate, a & Steatomate, capitis tuberculis.

30 **H**ÆC evenire in qualibet parte corporis possunt: reliqua certas sedes habent: de quibus dicam, orsus a capite. In hoc multa variaque tubercula

D d 2 oriun-

c Scribon. Larg. C. XLV. c. 175. a Æginer. IV. 34. VI. 36. Actuar. M.M. IV. 16.

oriuntur, *b γάγγλια, μελικυρῖδας, & ἀδερῶ-
ματα* nominant; aliisque etiamnum voca-
bulis quædam alii discernunt; quibus ego
σεχτώματα quoque adjiciam, quæ quamvis
& in cervice, & in alis, & in lateribus 5
oriri solent; per se tamen non posui; cum
istâ omnia mediocres differentias habeant,
ac neque periculo terreant, neque diverso
genere curentur. Omnia autem ista & ex
parvulo incipiunt, & diu paulatimque in- 10
crescunt, & tunica sua includuntur. Quæ-
dam ex his dura ac renitentia, quædam
mollia cedentiaque sunt: quædam spatio
nudantur, quædam tectâ capillo suo per-
manent, fereque sine dolore sunt. Quid 15
intus habeant, ut conjectura prælagiri po-
test; sic ex toto cognosci, nisi cum ejecta
sunt, non potest. Maxime tamen in his,
quæ renituntur, aut lapillis quædam simi-
lia, aut concreti confertique pili reperiun- 20
tur. In his vero, quæ cedunt, aut melli si-
mile aliquid, aut tenui pulticulæ, aut qua-
si rasæ cartilagini, aut carni hebeti & cru-
entæ, quibus alii alique colores esse con-
sueverunt. Fereque ganglia renituntur: a- 25
theromati subest quasi tenuis pulticula: me-
liceridi liquidior humor; ideoque pressu
circumfluit: steatomati pingue quiddam, id-
que latissime patere consuevit, resolvitque
totam cutem superpositam sic, ut ea la- 30
bet; cum in cæteris sit adstrictior. Omnia,
derasa ante, si capillis conteguntur, per
medium oportet incidere, ut effundatur,
quicquid intus coit. Sed steatomatis tuni-
ca

b Æginet. IV. 16. & VI. 39. Actuar. M. M. II. 11.

288.

32.

ca quoque secanda est: quia non est facile a cute & subjecta carne ea separatur. At in cæteris ipsa tunica inviolata servanda est. Protinus autem, cum ista alba & intenta se ostendit, tum scalpelli manubriolo diducenda a cute & carne est, ejiciendaque cum eo, quod intus tenet. Si quando tamen ab inferiore parte tunicæ musculus inhæsit, ne is lædatur, superior pars illius decidenda, alia ibidem relinquenda est. Ubi tota exempta est, committendæ oræ, fibulaque his injicienda, & super medicamentum glutinans dandum est. Ubi vel tota tunica, vel aliquid ex ea relictum est, pus moventia adhibenda sunt.

C A P. VII.

*De Oculorum vitiis, quæ scalpello
& manu curantur.*

SED ut hæc neque genere vitii, neque ratione curationis inter se multum distant: sic in oculis, quæ manum postulant, & ipsa diversa sunt, & aliter aliterque curantur. Igitur in superioribus palpebris vesicæ * nasci solent, pingues gravesque; quæ vix attollere oculos sinunt, levesque pituitæ cursus, sed assiduos, in oculis movent. Fere vero in pueris nascuntur. Oportet, compresso digitis duobus oculo, atque ita cute intenta, scalpello transversa linea incidere, suspensa leviter manu, ne vesica ipsa vulneretur, & ut, loco ei patefacto, ipsa prorumpat; tum digitis eam apprehendere, & evellere. facile enim sequi-

D d 3 tur.

c Actuar. M. M. IV. 16. * De hisce agit H. F. ab Aquapend. Oper. Chirurg. Part. I. c. 9.

tur. Dein superinungi collyrio debet ex iis aliquo, quo lippientes oculi superinunguntur: quo paucissimis diebus cicatricula inducitur. Molestius est, ubi incisa vesica est. effundit enim humorem; neque postea, quia 5 tenuis admodum est, potest colligi. Si forte id incidit, eorum aliquid imponendum est, quæ puri movendo sunt.

2. De Crithe. a

In eadem palpebra super pilorum locum 10 tuberculum parvulum nascitur, quod a similitudine * hordei, a Græcis κριθὴ nominatur. Tunica quiddam, quod difficulter maturescit, comprehensum est. Id vel calido pane, vel cera subinde calefacta foveri 15 oportet sic, ne nimius is calor sit, sed facile a parte sustineatur. hac enim ratione sæpe discutitur, interdum concoquitur. Si pus se ostendit, scalpello dividi debet, & quicquid intus humoris est, exprimi: 20 eodem deinde vapore postea quoque foveri, & superinungi, donec ad sanitatem perveniat.

3. De Chalazio. b

Alia quoque quædam in palpebris huic 25 non dissimilia nascuntur; sed neque utique figuræ ejusdem, & mobilia, simulatque digito huc vel illuc impelluntur. Quæ, quia grandini similia sunt, χαλάζια Græci vocant. Hæc incidi debent, si sub cute sunt, 30 ab exteriori parte; si sub cartilagine, ab interiori; dein scalpelli manubriolo deducenda ab integris partibus sunt. Ac, si intus plaga est, inungendum primo lenibus, dein-

a Æginet. III. 22. Aëtuar. M. M. II. 7. * Varulus dicitur Marcell. de Med. C. VIII. pag. 279.

b Aëtuar. M. M. II. 7.

deinde acrioribus : si extra , superdandum
emplastrum , quo id glutinetur .

4. *De Ungue oculorum . c*

Unguis vero , quod πτερύγιον Græci vo-
cant , est membranula nervosa , quæ oriens
ab angulo , nonnunquam ad pupillam quo-
que pervenit , eique officit . Sæpius a na-
rium , interdum etiam a temporum parte
nascitur . Hunc recentem non difficile est
discutere medicamentis , quibus cicatrices in
oculis extenuantur . Si inveteravit , jamque
ei crassitudo quoque accessit , excidi debet .
Post abstinentiam vero unius diei , vel ad-
versus in sedili contra medicum is homo col-
locandus est , vel sic averfus , ut in gre-
mium ejus caput resupinus effundat . Qui-
dam , si in sinistro oculo vitium est , ad-
versum : si in dextro , resupinum collocari
volunt . Alteram autem palpebram a mini-
stro diduci oportet , alteram a medico : sed
ab hoc , si ille adversus est , inferiorem ; si
supinus , superiorem . Tum idem medicus
hamulum acutum , paulum mucrone intus
recurvato , subjicere extremo ungui debet ,
eumque infingere ; atque eam quoque palpe-
bram tradere alteri : ipse , hamulo apprehen-
so , levare unguem , eumque acu trajicere
linum trahente : deinde acum ponere , lini
duo capita apprehendere , & per ea erecto
ungue , si qua parte oculo inhæret , manu-
briolo scalpelli diducere , donec ad angulum
veniat : deinde invicem modo remittere ,
modo attrahere , ut sic & initium ejus , & fi-
nis anguli reperiatur . Duplex enim pericu-
lum

D d 4 lum

c *Æginet. III.22. VI.18. H.F. ab Aquapend.*
Oper. Chirurg. Part.1. Cap.18.

lum est ; ne vel ex ungue aliquid relinqua-
 tur , quod exulceratum vix ullam recipiat
 curationem ; vel ex angulo quoque carun-
 cula abscindatur , quæ , si vehementius un-
 guis ducitur , sequitur quoque ac decidit . §
 Si abscissa est , patefit foramen , per quod
 postea semper humor descendit : *d' p'vada*
 Græci vocant . Verus ergo anguli finis uti-
 que noscendus est ; qui ubi satis constitit ,
 non nimium adducto ungue scalpellus ad- 10
 hibendus est ; deinde sic excidenda membra-
 nula , ne quid ex angulo lædatur . Ei dein-
 de ex melle linamentum superdandum est ,
 supraque linteolum , & aut spongia aut la-
 na succida : proximisque diebus diducendus 15
 quotidie oculus est , ne cicatrice inter se pal-
 pebræ glutinentur (siquidem id quoque ter-
 tium periculum accedit) eodemque modo li-
 namentum imponendum , ac novissime inun-
 gendum collyrio , quo ulcera ad cicatricem 20
 perducuntur .

Sed ea curatio vere esse debet , aut
 certe ante hiemen . De qua re , ad plu-
 ra loca pertinente , semel dixisse satis erit .
 Nam duo genera curationum sunt : alia , 25
 in quibus eligere tempus non licet , sed u-
 tendum est eo , quod incidit ; sicut in vul-
 neribus , & fistulis : alia , in quibus nul-
 lus dies urget , & expectare tutissimum &
 facile est ; sicut evenit in iis , quæ & tarde 30
 crescunt , & dolore non cruciant . In his
 ver expectandum est : aut , si quid magis
 285, 5. preffit , melior tamen autumnus quam hiems
 vel æstas est ; atque is ipse medius , jam fra-
 ctis

d' p'vada alii . Trallian. II. 8.

Etis æstibus, & nondum ortis frigoribus. Quo magis autem necessaria pars erit, quæ tractabitur, hoc quoque majori periculo subjecta est. & sæpe, quo major plaga facienda, eo magis hæc temporis ratio servabitur.

5. *De Encantide.* *

Ex curatione vero unguis, ut dixi, vitia nascuntur, quæ ipsa aliis quoque de causis
10 oriri solent. Interdum enim fit in angulo, parum ungue exciso, vel aliter, tuberculum, quod palpebras parum diduci patitur: *ἐγκανθίς* e Græce nominatur. Excipi hamulo, & circumcidi debet: hic quoque diligenter
15 ter temperata manu, ne quid ex ipso angulo abscindatur. Tum exiguum linamentum respergendum est vel cadmia, vel atramento futorio; inque eum angulum, diductis palpebris, inferendum, supraque eodem modo deligandum: proximisque diebus similiter
20 nutriendum, ut primo; tantum aqua egelida, vel etiam frigida foveatur.

6. *De Ancyloblepharo.* f

Interdum inter se palpebræ coalescunt, 25 aperique non potest oculus. Cui malo solet etiam illud accedere, ut palpebræ cum albo oculi cohærescant; scilicet, cum in utrovis fuit ulcus negligenter curatum. fanescendo enim, quod diduci potuit &
30 debuit, glutinabitur; *ἀγκυλοβλέφαρον* sub utroque vitium Græci vocant. Palpebræ tantum inter se cohærentes, non difficulter diducuntur; sed interdum frustra. nam rursus glutinantur. Experiri tamen oportet;

* *Tulpius Observ. lib. 1. cap. 29. H. F. ab Aqua- pend. Oper. Chirurg. Part. I. c. 19. e Æginet. III. 22. Aëtuar. M. M. IV. 11. f Æginet. III. 22. VI. 15.*

tet ; quia bene res sæpius cedit . Igitur † ad-
 versum * specillum inferendum , diducendæ-
 que eo palpebræ sunt : deinde exigua peni-
 cilla interponenda , donec exulceratio ejus lo-
 ci finiatur . At , ubi albo ipsius oculi palpebra 5
 inhæsit , Heraclides Tarentinus author est ,
 adverso scalpello subsecare , magna cum mo-
 deratione , ut neque ex oculo , neque ex pal-
 pebra quicquam abscindatur ; ac , si necesse
 est , ex palpebra potius . Post hæc , inungatur 10
 oculus medicamentis , quibus aspritudo cura-
 tur : quotidieque palpebra vertatur , non so-
 lum ut ulceri medicamentum inducatur , sed
 etiam ne inhæreat : ipsique etiam ægro præ-
 cipiatur , ut sæpe eam duobus digitis attol- 15
 lat . Ego sic restitutum esse neminem memi-
 ni . Meges se quoque multa tentasse , neque
 umquam profuisse , quia semper iterum ocu-
 lo palpebra inhæserit , memoriæ prodidit .

7. De *Ægilope* , g 20

Etiamnum in angulo , qui naribus propior
 est , ex aliquo vitio quasi parva fistula aperi-
 tur , per quam pituita assidue destillat : *αίγίλω-
 πα* Græci vocant . Idque assidue male habet
 oculum : nonnunquam etiam , exeso osse , usque 25
 ad nares penetrat . Idque interdum naturam
 carcinomatis habet : ubi intentæ venæ & re-
 curvatæ sunt , color pallet , cutis dura est ,
 & levi tactu irritatur , inflammationemque in
 eas partes , quæ conjunctæ sunt , evocat . Ex 30
 his eos , qui quasi carcinoma habent , curare
 periculosum est . nam mortem quoque ea res

† Aversum legendum esse constat ex H. F. ab
*Aquap. Chirurg. Oper. Part. I. c. 7. qui meretur in-
 spici . * Quid sit docet H. F. ab Aquapend. Oper.
 Chirurg. Part. I. c. 7. p. 46. g Actuar. M. M. IV.
 II. Aëtius Tetrab. II. Serm. III. 86. H. F. ab
 Aquapend. Oper. Chirurg. Part. I. c. 21.*

maturat. Eos vero, quibus ad nares tendit, supervacuum. neque enim sanescunt. At, quibus id in angulo est, potest adhiberi curatio; cum eo, ne ignotum sit, esse
 5 difficilem. quanto autem angulo propius id foramen est, tanto difficilior est; quoniam perangustum est, in quo versari manus possit: recenti tamen re mederi facilius est. Hamulo autem summum ejus foraminis excipiendum; deinde totum id cavum, sicut
 10 in fistulis dixi, usque ad os excidendum; 412, oculoque & cæteris junctis partibus bene 20. obtectis, os ferramento adurendum est vehementius. quod si jam carie vexatum est, 15 quo crassior huic squama abscedat, quidam adurentia imponunt, ut atramentum sutorium, vel chalcitidem, vel æruginem rasam, quod & tardius & non idem facit. Osse adusto, curatio sequitur eadem, quæ
 20 in cæteris uestis.

8. *De Pilis palpebrarum oculum irritantibus.*

Pili vero, qui in palpebris sunt, duabus de causis oculum irritare consueverunt. Nam modo palpebræ summa cutis relaxatur,
 25 & procidit; quo fit, ut ejus pili ad ipsum oculum convertantur, quia non simul cartilago quoque se remisit: modo sub ordine naturali pilorum alius ordo subcrescit, qui protinus intus ad oculum tendit. Curationes vero hæ sunt. Si pili nati sunt, qui non
 30 debuerunt, tenuis acus *h* ferrea ad similitudinem spathæ lata, in ignem conjicienda est: deinde candens, sublata palpebra sic, ut ejus perniciosi pili in conspectum curantis

h *Æginet. VI. 13. H. F. ab Aquapend. Operat. Chirurg. Part. I. c. 12.*

rantis veniant, sub ipsis pilorum radicibus angulo immittenda est, ut ea tertiam partem palpebræ transvehat: deinde iterum, tertioque ad alterum angulum. quo fit, ut omnes pilorum radices adustæ emoriantur. 5 Tum superimponendum medicamentum est, quod inflammationem prohibeat: atque ubi crustæ exciderunt, ad cicatricem perducendum. Facillime autem id genus sanescit. Quidam ajunt, acu i transsui juxta pilos 10 exteriorem partem palpebræ oportere, eamque transmitti duplicem capillum muliebrem ducentem; atque ubi acus transiit, in ipsius capilli finem, qua duplicatur, pilum esse injiciendum, & per eum in superiorem 15 palpebræ partem attrahendum, ibique corpori adglutinandum, & imponendum medicamentum, quo foramen glutinetur. sic enim fore, ut is pilus in exteriorem partem postea spectet. Id primum fieri non potest, 20 nisi in pilo longiore; cum fere breves eo loci nascantur. Deinde, si plures pili sunt, necesse est longum tormentum sit, & toties acus transiens magnam inflammationem moveat. Novissime, cum humor aliquis ibi 25 subsit, oculo & ante per pilos & tum per palpebræ foramina affecto, vix fieri potest, ut gluten, quo vinctus est pilus, non resolvatur: eoque fit, ut is eo, unde vi abductus est, redeat. Ea vero curatio, quæ 30 palpebræ laxioris ab omnibus frequentatur, nihil habet dubii. Siquidem oportet confecto oculo mediam palpebræ cutem, si-ve ea superior, si-ve inferior est, apprehendere

dere digitis, ac levare. tum considerare, quantulo detracto futurum sit, ut naturaliter se habeat. Siquidem hic quoque duo pericula circumstant: si nimium fuerit excisum, ne contegi oculus non possit; si parum, ne nihil actum sit, & frustra sectus aliquis sit. Quod deinde incidendum videbitur, per duas lineas atramento notandum est sic, ut inter oram, quæ pilos continet, & propiorem ei lineam, aliquid relinquatur, quod apprehendere acus postea possit. His constitutis, scalpellus adhibendus est: &, si superior palpebra est, ante; si inferior, postea propius ipsis pilis incidendum: initiumque faciendum in sinistro oculo, ab eo angulo, qui temporis; in dextro, ab eo, qui naribus propior est: idque, quod inter duas lineas est, excidendum. deinde oræ vulneris inter se simplici futura committendæ, operiendæque oculus est: &, si parum palpebra descendet, laxanda utique; si nimium, aut adstringenda, aut etiam rursus tenuis habenula ab ulteriore ora excidenda. Ubi facta est, aliæ futuræ adjiciendæ, quæ supra tres esse non debent. Præter hæc, in superiore palpebra sub pilis ipsis incidenda linea est, ut ab inferiore parte diducti pili sursum spectent. Idque, si levis inclinatio est, etiam solum satis tuetur. Inferior palpebra eo non eget. His factis, spongia, ex aqua frigida expressa, super deliganda est. Postero die glutinans emplastrum injiciendum. Quarto futura tollenda est, & collyrio, quod inflammatio-

mationes reprimit, superinungendum.

9. *De Lagophthalmo.* k

Nonnunquam autem, nimium sub hac curatione excisa cute, evenit, ut oculus non contegatur. Idque interdum etiam alia de causa fit. *λαγώφθαλμον* Græci appellant. In quo si nimium palpebræ deest, nulla id restituere curatio potest: si exiguum, maderi licet. Paulum infra supercilium cutis incidenda est lunata figura, cornibus ejus deorsum spectantibus. Altitudo esse plagæ usque ad cartilaginem * debet, ipsa illa nihil læsa. nam, si ea incisa est, palpebra concidit, neque attolli postea potest. Cute igitur tantum diducta fit, ut paululum in ima oculi ora descendat; hiantem scilicet super plaga. in quam linamentum injiciendum est, quod & conjungi diductam cutem prohibeat, & in medio carunculam creet: quæ ubi eum locum implevit, postea recte oculus operitur.

10. *De Ectropio.* l

Ut superioris autem palpebræ vitium est, quo parum descendit, ideoque oculum non contegit: sic inferioris, quo parum sursum attollitur, sed pendet & hiat, neque potest cum superiore committi. Atque id quoque evenit interdum ex simili vitio curationis, interdum etiam senectute. *ἐκτρόπιον* Græci vocant. si ex mala curatione est, eadem ratio medicinæ est, quæ supra posita est: plagæ tantum cornua ad maxillas, non ad oculum convertenda sunt. Si ex senectute est, tenui feramento

id
k *Æginet. VI. 16. Aëtius Tetrab. II. Serm. III. c. 73. * Vide H. F. ab Aquapend. Oper. Chirurg. Part. I. c. 14. l Actuar. M. M. II. 7.*

id totum extrinsecus adurendum est ; deinde melle inungendum a quarto die, vapore aquæ calidæ fovendum, inungendumque medicamentis ad cicatricem perducentibus.

5 11. *De Staphylomate.*

Hæc fere circa oculum in angulis palpebrisque incidere consueverunt. In ipso autem oculo nonnunquam summa attollitur tunica, sive ruptis intus membranis aliquibus, sive
10 laxatis † ; & similis figura *macino* fit. unde id *σαφύλωμα* Græci vocant. Curatio duplex est. Altera, ad ipsas radices per medium transsuere acu, duo lina ducente ; deinde alterius lini duo capita ex superiore parte,
15 alterius ex inferiore adstringere inter se, quæ paulatim secando id excidant. Altera, in summa parte ejus ad lenticulæ magnitudinem excidere ; deinde spodium aut cadmiam infricare. Utrolibet autem facto, album ovi
20 lana excipiendum & imponendum ; posteaque vapore aquæ calidæ fovendus oculus, & lenibus medicamentis ungendus est.

12. *De Clavis oculorum.*

Clavi autem vocantur callosa *n* in albo
25 oculi tubercula ; quibus nomen a figuræ similitudine est. Hos ad imam radicem perforare acu commodissimum est, infraque eam excidere, deinde lenibus medicamentis inungere.

30 13. *De Oculorum natura.*

Suffusionis jam alias feci mentionem ; 367,
quia cum recens incidit, medicamentis 23.

quo-

† H. F. ab *Aquapend. Oper. Chirurg. Part. I.*
6.17. in *Æginet. III. 22. VI. 19. Actuar. M. M.*
II. 7. *Aëtius Tetrab. II. Serm. III. 34. 35. Aliud*
procidentiæ genus observavit Tulpus Observ. L. I.
cap. 28. in *Actuar. M. M. II. 7.*

quoque sæpe discutitur: sed, ubi vetustior facta est, manus curationem desiderat. quæ inter subtilissimas haberi potest. De qua antequam dico, paucis ipsius oculi natura indicanda est. Cujus cognitio, cum ad plura loca pertineat, tum vel præcipue ad hunc pertinet. Is igitur summas habet duas tunicas: ex quibus superior a Græcis κερατοειδής vocatur; eaque, qua parte alba est, satis crassa, pupillæ loco extenuatur. Huic interior adjuncta est media parte, qua pupilla est, modico foramine concava, circa tenuis, ulterioribus partibus ipsa quoque plenior. quæ χοροειδής a Græcis nominatur. Hæ duæ tunicæ, cum interiora oculi cingant, rursus sub his coeunt; extenuatæque & in unum coactæ per foramen, quod inter ossa est, ad membranam cerebri perveniunt, eique inhærescunt. Sub his autem, qua parte pupilla est, locus vacuus est: deinde infra rursus tenuissima tunica, quam Herophilus ἀραχνοειδής nominavit. Ea media subsidit; eoque cavo continet quiddam, quod, a vitri similitudine, υαλοειδής Græci vocant. Id neque liquidum, neque aridum est; sed quasi concretus humor. Ex cuius colore pupillæ color vel niger est, vel cæsius, cum summa tota tunica alba sit. Id autem superveniens ab interiore parte membranula includit. Sub his gutta humoris est, ovi albo similis: a qua videndi facultas proficiscitur. κρυσαλλοειδής a Græcis nominatur.

14. De Suffusione.

369,

Igitur vel ex morbo, vel ex ictu concre- 18.
 scit humor sub duabus tunicis *, qua locum
 vacuum esse proposui;isque paulatim in-
 5 durescens, interiori potentia se opponit.
 Vitii ejus plures species sunt; quædam fa-
 nabiles, quædam quæ curationem non ad-
 mittunt. Nam si exigua suffusio est, si im-
 mobilis, colorem vero habet marinæ aquæ,
 10 vel ferri nitentis, & a latere sensum aliquem
 fulgoris relinquit, spes superest. Si magna
 est, si nigra pars oculi, amissa naturali fi-
 gura, in aliam se vertit, si suffusioni color
 cœruleus est, aut auro similis, si labat, &
 15 hac atque illac movetur, vix unquam suc-
 curritur. Fere vero peior est, quo ex gra-
 viore morbo, majoribusve capitis doloribus,
 vel ictu vehementiore orta est. Neque ido-
 nea curationi senilis ætas est; quæ sine no-
 20 vo vitio, tamen aciem hebetem habet: ac
 ne puerilis quidem; sed inter has media æ-
 tas. Oculus quoque curationi neque exi-
 guus, neque concavus, satis opportunus est.
 Atque ipsius quoque suffusionis quædam ma-
 25 turitas est. Expectandum igitur est, donec
 jam non fluere, sed duritie quadam concre-
 visse videatur.

Ante curationem autem modico cibo uti,
 bibere aquam triduo debet; pridie, ab o-
 30 mnibus abstinere. Post hæc in adverso se-
 dili collocandus est loco lucido, lumine ad-
 verso, sic ut contra medicus paulo altius
 sedeat; a posteriore autem parte caput ejus,
 qui curabitur, minister contineat, & im-

E e

mo-

* Hoc non usque adeo veritati consentire putat
 H. E. ab Aquapend. Oper. Chirurg. Part. I. c. 16.

mobile id præstet : nam levi motu eripⁱ
 acies in perpetuum potest . Quin etiam ip-
 se oculus , qui curabitur , immobilior fa-
 ciendus est , super alterum lana imposita &
 deligata . Curari vero sinister oculus dex- 5
 tra manu , dexter sinistra debet . Tum acus
 admovenda est , aut acuta , aut certe non
 nimium tenuis , eaque demittenda , sed re-
 cta , est per summas duas tunicas medio lo-
 co inter nigrum oculi & angulum tempo- 10
 ri propiorem , e regione mediæ suffusionis
 sic , ne qua vena lædatur . Neque tamen
 timide demittenda est , quia inani loco ex-
 cipitur . Ad quem cum ventum est , ne me-
 diocriter quidem peritus falli potest ; quia 15
 prementi nihil renititur . Ubi eo ventum
 est , inclinanda acus ad ipsam suffusionem
 est , leniterque ibi verti & paulatim eam
 deducere infra regionem pupillæ debet ; ubi
 deinde eam transiit , vehementius imprimi , 20
 ut inferiori parti insadat . Si hæsit , cura-
 tio expleta est . Si subinde redit , eadem
 acu magis concidenda , & in plures partes
 dissipanda est : quæ singulæ & facilius con-
 duntur , & minus late officiunt . Post hæc 25
 educenda acus recta est , imponendumque
 est lana molli exceptum ovi album , & su-
 pra , quod inflammationem coerceat , atque
 ita devinciendum .

348 , Post hæc opus est quiete , abstinentia , 30
 21. lenium medicamentorum inunctionibus , ci-
 bo (qui postero die satis mature datur)
 primum liquido , ne maxillæ laborent ; de-
 inde , inflammatione finita , tali , qualis in
 vul-

vulneribus propositus. Quibus, ut aqua quoque diutius bibatur, necessario accedit.

15. *De Pituita oculorum.*

347.

De pituitæ quoque tenuis cursu, qui oculos infestat, quatenus medicamentis agendum est, jam explicui. Nunc ad ea veniam, quæ curationem ex manu postulant. Animadvertimus autem quibusdam nunquam siccescere oculos, sed semper humore tenui
5 madere: quæ res aspritudinem continuat, & ex levibus momentis inflammationes & lippitudines excitat, totam denique vitam hominis infestat. Idque in quibusdam nulla ope adjuvari potest, in quibusdam
15 sanabile est. Quod primum discrimen nosse oportet, ut alteris succurratur, alteris manus non injiciatur.

Ac primum supervacua curatio est in his, qui ab infantibus id vitium habent; quia necessario mansurum est usque mortis diem. Deinde non necessaria etiam in his, quibus non multa, sed acris pituita est: siquidem manu nihil adjuvantur; medicamentis, & victus ratione, quæ crassiorem
25 pituitam reddit, ad sanitatem perveniunt. Lata etiam capita vix medicinæ patent. Tum interest, pituitam emittant venæ, quæ inter calvariam & cutem sunt, an quæ inter membranam cerebri & calvariam: superiores enim per tempora oculos rigant; inferiores, per eas membranas, quæ ab oculis ad cerebrum tendunt. Potest autem adhiberi remedium his, quæ supra os fluunt; non potest his, quæ ab osse. Ac ne his qui-

dem succurritur, quibus pituita utrinque descendit: quia levata altera parte, nihilominus altera infestat.

Quid sit autem, hac ratione cognoscitur. Raso capite ea medicamenta, quibus in lip- 5
pitudine pituita suspenditur, a superciliis
usque ad verticem illini debent: si sicci oculi
esse cœperunt, apparet per eas venas,
quæ sub cute sunt, irrigari: si nihilominus
madent, manifestum est sub osse descende- 10
re: si est tumor, sed levior, duplex vi-
tium est. Plurimi tamen ex laborantibus re-
periuntur, quos superiores venæ exerceant;
ideoque pluribus etiam opitulari licet. Id-
que non in Græcia tantummodo, sed in 15
aliis quoque gentibus celebre est: adeo ut
nulla medicinæ pars magis per nationes quas-
que exposita sit.

Reperti in † Græcia sunt, qui novem li-
neis cutem capitis inciderent: duabus in 20
occipitio rectis, una super eas transversa:
dein duabus super aures, una inter eas item
transversa: tribus denique inter verticem
& frontem rectis. Reperti sunt, qui a ver-
tice recta eas lineas ad tempora deducerent; 25
cognitisque, ex motu maxillarum, muscu-
lorum initiis, leviter super eos cutem in-
ciderent, diductisque per retusos hamos
oris, infererent linamenta sic, ut neque
inter se cutis antiqui fines committeren- 30
tur, & in medio caro increfceret, quæ ve-
nas, ex quibus ad oculos transfret, adstrin-
geret. Quidam etiam atramento duas li-
neas duxerunt a media aure ad mediam al-
teram

† H. F. *ab Aquapendente Operat. Chirurgic.*
Part. I. c. 4.

teram aurem ; deinde a naribus ad verticem : tum ubi lineæ committebantur , scalpello inciderunt ; & post sanguinem effusum , os ibidem adusserunt . Nihilominus autem & in temporibus , & inter frontem atque verticem eminentibus venis idem candens ferrum admoverunt .

10 Frequens curatio est , venas in temporibus adurere , quæ fere quidem in ejusmodi malo tument : sed tamen , ut inflentur magisque se ostendant , cervix ante modice deliganda est . Tenuibus autem ferramentis , & retusis venæ adurendæ ; donec in oculos pituitæ cursus conquiescat . Id enim signum
15 est quasi excæcatorum itinerum , per quæ humor ferebatur .

Valentior tamen medicina est , ubi tennes conditæque venæ sunt , ideoque legi non possunt , eodem modo cervice deligata † , retentoque ab ipso spiritu , quo magis venæ prodeant , atramento notare eas contra tempora , & inter verticem ac frontem : deinde cervice resoluta , qua notæ sunt , venas incidere , & sanguinem mittere : ubi satis fluxit , tenuibus ferramentis adurere . contra tempora quidem , timide : ne subjecti muscoli , qui maxillas tenent , sentiant : inter frontem vero & verticem , vehementer sic , ut squama ab osse recedat .

30 Efficacior tamen etiamnum est Afrorum curatio , qui verticem usque ad os adurunt sic , ut squamam remittat . Sed nihil melius est , quam quod in Gallia quoque Comata fit , ubi venas in temporibus & in su-

E e 3 perio-

† H.F. ab Aquapendente Oper. Chirurg. Part. I. c. 3.

periore capitis parte legunt. Aduſta quo
modo curanda ſint, jam explicui. Nunc il-
lud adjicio; neque ut cruſtæ decidant, ne-
que ut ulcus impleatur, aduſtis venis, eſſe
properandum; ne vel ſanguis erumpat, vel 5
cito pus ſupprimatur: cum per hoc ſicceſce-
re eas partes opus ſit; per illud exhauriri
opus non ſit. Si quando tamen ſanguis eru-
perit, infrianda medicamenta eſſe, quæ
ſic ſanguinem ſupprimant, ut ne adurant. 10
Quemadmodum autem venæ deligendæ ſint,
quidque lectis his faciendum ſit, cum ve-
nero ad crurum varices, dicam.

CAP. VIII.

*De Aurium morbis, qui manu &
ſcalpello curantur.* 15

VERUM ut oculi multiplicem cu-
rationem, etiam manus exigunt: ſic
in auribus admodum pauca ſunt, quæ in 20
hac medicinæ parte tractentur. Solet ta-
men evenire vel a prima natali die proti-
nus, vel poſtea facta exulceratione, dein-
de per cicatricem aure repleta, ut fora-
men *a* in ea nullum ſit, ideoque audiendi 25
uſu careat. Quod ubi incidit, ſpecillo ten-
tandum eſt, alte ne id repletum, an in
ſummo tantum glutinatum ſit. Nam ſi al-
te eſt, prementi non cedit: ſi in ſummo,
ſpecillum protinus recipit. Illud attingi 30
non oportet; ne ſine effectus ſpe oriatur di-
ſtentione nervorum, & ex ea mortis pericu-
lum ſit: hoc facile curatur. Nam qua ca-
vum eſſe debet, vel medicamentum aliquod
impo-

a Æginet. VI. 23.

imponendum est ex adurentibus, vel candente ferro aperiendum, vel etiam scalpello incidendum. Cumque id patefactum, & jam ulcus purum est, injicienda eo pinna est, illita medicamento cicatricem inducente: circaque id, medicamentum dandum, ut cutis circa pinnam sanescat: quo fit, ut ea remota, postea facultas audiendi sit.

10 At ubi aures perforatæ sunt, & offendunt, trajicere id cavum celeriter candente acu satis est, ut leniter ejus oræ exulcerentur; aut etiam adurente medicamento idem exulcerare: postea deinde imponere
15 id quod purget; tum quod eum locum repleat, & cicatricem inducat. Quod si magnum id foramen est, sicut solet esse in his, qui majora pondera auribus gesserunt, incidere, quod super est, ad extremum oportet: supra deinde oras scalpello exulcerare,
20 & postea suere, ac medicamentum, quo id glutinetur, imponere. Tertium est, si quid ibi curti est, sarcire. quæ res cum in labris quoque & naribus fieri possit, eandem
25 autem curationem habeat, simul explicanda est.

CAP. IX.

Curta in auribus, labrisque ac naribus, quomodo sarciri & curari possint. a

30 CURTA igitur in his tribus, ac si qua parte parva sunt, curari possunt: si qua majora sunt, aut non accipiunt curationem, aut ita per hanc ipsam defor-

E e 4 man-

a *Æginet. III. 24. VI. 25.*

mantur, ut minus indecora ante fuerint. Atque in aure quidem & naribus deformitas sola timeri potest: in labris vero, si nimium contracta sunt, usus quoque necessario jactura fit; quia minus facile & cibibus assumitur, & sermo explicatur. Neque enim creatur ibi corpus; sed ex vicino adducitur. quod etsi in levi mutilatione, & nihil eripere, & fallere oculum potest; in magna, non potest. Neque senile autem corpus, neque quod mali habitus est, neque in quo difficulter ulcera sanescunt, huic medicinæ idoneum est; quia nusquam aut celerius cancer occupat, aut difficilius tollitur. 15

Ratio curationis ejusmodi est: id quod curtatum est, in quadratum redigere; ab interioribus ejus angulis lineas transversas incidere, quæ citeriorem partem ab ulteriore ex toto diducant; deinde ea, quæ sic *b* resolvimus, in unum adducere. Si non satis junguntur, ultra lineas, quas ante fecimus, alias duas lunatas, & ad plagam converfas immittere, quibus summa tantum cutis diducatur: sic enim fit, ut facilius quod adducitur, sequi possit. quod non vi cogendum est; sed ita adducendum, ut ex facili subsequatur, & dimissum non multum recedat. 25

Interdum tamen ab altera parte cutis haud omnino adducta deformem, quem reliquit locum, reddit. Hujusmodi loci altera pars incidenda, altera intacta habenda est. Ergo neque ex imis auribus, neque ex

me-

b *Al.* reposuimus,

medio naso imifve narium partibus, neque ex angulis labrorum quicquam attrahere tentabimus. Utrunque autem petemus, si quid summis auribus, si quid imis aut mediis naribus, aut mediis labris deerit. Quæ tamen interdum etiam duobus locis curtata esse consuerunt: sed eadem ratio curandi est. Si cartilago in eo, quod incisum est, eminet, excidenda est: neque enim aut
 10 glutinatur, aut acu tuto trajicitur. Neque longe tamen excidi debet, ne inter duas oras liberæ cutis utrinque coitus puris fieri possit. Tum junctæ oræ inter se suendæ sunt, utrinque cure apprehensa; & qua priores lineæ sunt, ea quoque futuræ injiciendæ sunt. Siccis locis, uti naribus illita spuma argenti, satis proficit. In interiores vero, lunatasque plagas, linamentum dandum est; ut caro increescens vulnus impleat.
 20 Summaque cura, quod ita futum est, tuendum esse, apparere ex eo potest, quod de cancro supra posui. Ergo etiam tertio quoque die fovendum erit vapore aquæ calidæ: rursusque idem medicamentum injiciendum. quo fere septimo die glutinatum est. Tum futuræ eximi, & ulcus ad sanitatem perducere debet.

C A P. X.

De Polypo. a

30

380.

POLYPUM vero, qui in naribus nascitur, præcipue ferro curari jam alias posui. Ergo etiam hunc feramento acuto, in modum * spathæ facto, resolvere
 ab

a *Æginet. VI. 25. H. F. ab Aquapend. Oper. Chirurg. Part. I. c. 24. 25. * De hac consule Rhodius ad Scribon. Largum, pag. 46.*

ab osse oportet: adhibita diligentia, ne infra cartilago lædatur; in qua difficilis curatio est. Ubi abscissus est, unco ferramento extrahendus est. Tum implicitum linamentum, vel aliquid ex penicillo respergendum est medicamento, quo sanguis suppressitur, eoque nares leniter implendæ. Sanguine suppresso, linamento ulcus purgandum est. Ubi purum est, eo pinna, eodem modo, quo in aure supra positum est, medicamento illita, quo cicatrix inducitur, intus demittenda, donec ex toto id sanescat.

CAP. XI.

De Ozæna.

379.

ID autem vitium, quod ὀζæνα a Græcis vocatur, si medicamentis non cederet, quemadmodum manu curandum esset, apud magnos Chirurgos non reperi. Credo, quia res raro ad sanitatem satis proficit; cum aliquod in ipsa curatione tormentum habeat. Apud quosdam tamen positum est, vel subtilem † fistulam, vel enodem scriptorium calamum * in narem esse conjiciendum, donec sursum ad os perveniat: tum per id tenue ferramentum candens dandum esse ad ipsum os: deinde adustum locum purgandum esse ærugine & melle: ubi purus est, lycio ad sanitatem perducendum. Vel narem incidendam esse ab ima parte ad os, ut & conspici locus possit, & facilius candens ferramentum admoveri. Tum sui narem debere; & adustum quidem

† Fistilem legit H.F. ab Aquapend. Oper. Chirurg. P.I. cap.26. pag. 104. & 106. * Hodierni Chirurghi argenteum habent. H. F. ab Aquapend. Oper. Chirurg. P.I. c.26.

dem ulcus eadem ratione curari: futuram vero illini vel spuma argenti, vel alio glutinante.

CAP. XII.

De Oris vitiis, quæ manu & ferro curantur.

I. *De Dentibus.* a

381.

IN ore quoque quædam manu curantur.
 10 Ubi in primis dentes nonnunquam moventur, modo propter radicum imbecillitatem, modo propter gingivarum marcescentium vitium. Oportet in utrolibet candens ferramentum gingivis admove-
 15 re, ut leviter attingat, non ut insadat. Adustæ gingivæ melle illinendæ, & mulso eluendæ sunt. Ut pura ulcera esse cœperunt, arida medicamen-
 ta infrianda sunt, ex his, quæ reprimunt.

Si vero dens dolores movet, eximique
 20 eum, quia medicamenta nihil adjuvant, placuit, circumradi debet, ut gingiva ab eo * resolvatur; tum is concutiendus est. Eademque facienda, donec bene moveatur. nam dens hærens cum summo periculo e-
 25 vellitur, ac nonnunquam maxilla loco movetur †. Idque etiam majore periculo in superioribus dentibus fit; quia potest tempora oculosve concutere. Tum, si fieri potest, manu; si minus, forcipe § dens exci-
 30 piendus est.

At si exesus est ante, id foramen vel b linamento, vel bene accommodato plumbo replendum est, ne sub forcipe confringatur.

Recta

a *Æginet. III. 26.* * *Id sæpenumero sufficit teste Simone Paulo Quadr. Botan. pag. 151.* † *Imo pars avellitur, quod aliquando ipse vidi.* § *Vide figuram apud Rhodium ad Scrib. Largum, pag. 94.* b *Æginet. VI. 28.*

Recta vero forceps ducendus est, ne inflexis radicibus os rarum, cui dens inhæret, parte aliqua frangatur. Neque ideo nullum ejus rei periculum est; utique in dentibus brevibus, qui fere longiores radices 5 habent: sæpe enim forceps, cum dentem comprehendere non possit, aut frustra comprehendat, os gingivæ prehendit & frangit.

Protinus autem, ubi plus sanguinis profuit, scire licet, aliquid ex osse fractum esse. Ergo specillo conquirenda est testa, quæ recessit, & vulsella protrahenda est: si non sequitur, incidi gingiva debet, donec 10 labans ossi testa recipiatur. Quod si fractum 15 statim non est, sed intumescit extrinsecus maxilla, ut os hiare non possit, foris imponendum calidum ex farina & fico cataplasma est, donec ibi pus moveatur: tum incidi gingiva debet. Pus quoque multum 20 profluens, ossis fracti nota est. Itaque etiam tum id extrahi convenit. Nonnunquam etiam, eo læso, fissura fit. quæ eradi debet.

Dens autem scaber, qua parte niger est, 29 radendus est, illinendusque rosæ flore contrito, cui gallæ quarta pars & altera myrrhæ sit adjecta: continendumque ore crebro vinum meracum. Atque in eo casu velandum caput, ambulatione multa, fricatione 30 capitis, cibo non acri utendum est.

At, si ex ictu vel alio casu aliqui labant dentes, auro cum his, qui bene hærent, vinciendi sunt; continendaque ore reprimentia,

mentia, ut vinum, in quo malicorium decoctum, aut in quod galla candens coniecta sit. Si quando etiam in pueris ante dens nascitur, quam prior excidat, is, qui cadere debuit, circumradendus & evellendus est; is, qui natus est in locum prioris, quotidie digito adurgendus, donec ad justam magnitudinem perveniat. Quotiescunque dente exempto radix relictæ est, pro-
 10 tinus ea quoque ad id facto forcipe, quam *πίζαλραν* * Græci vocant, eximenda est.

2. De Tonsillis induratis.

383.

Tonsillas autem, quæ post inflammationes induruerunt, *ἀντιάδες* autem a Græcis
 15 appellantur, cum sub levi tunica sint, oportet digito circumradere & evellere: si ne sic quidem resolvuntur, hamulo excipere, & scalpello excidere: tum ulcus aceto eluere, & illinire vulnus medicamento, quo sanguis supprimitur.
 20

3. De Uva.

389.

Uva, si cum inflammatione descendit, dolorique est, & subrubicundi coloris, præcidi sine periculo non potest: solet enim
 25 multum sanguinem effundere, itaque melius est iis uti, quæ alias proposita sunt. Si vero inflammatio quidem nulla est, nihilominus autem ea ultra justum modum a pituita diducta est, & tenuis, acuta, alba
 30 est, præcidi debet. Itemque, si ima, livida & crassa; summa, tenuis est. Neque quicquam commodius est, quam vulsella apprehendere, sub eaque, quod volumus, excidere. Neque enim ullum periculum est,
 ne

* Vide Rhodium ad Scrib. Largum, pag. 94.

ne plus minusve præcidatur: cum liceat tantum infra vulsellam relinquere, quantum inutile esse manifestum est; idque præcidere, quo longior uva est, quam esse naturaliter debet. Post curationem eadem facienda sunt, quæ in consillis proxime posui.

387.

4. *De Lingua.*

Lingua vero quibusdam cum subjecta parte a primo natali die juncta est; qui ob id ne c loqui quidem possunt. Horum extrema lingua vulsella apprehendenda est, sub eaque membrana incidenda: magna cura habita, ne venæ, quæ juxta sunt, violentur, & profusione sanguinis noceant. Reliqua curatio vulneris in prioribus posita est. Et plerique quidem, ubi consanuerunt, loquuntur. Ego autem cognovi, qui, succisa lingua, cum abunde super dentes eam promeret, non tamen loquendi facultatem consecutus est. Adeo in medicina, etiam, ubi perpetuum est, quo fieri debet, non tamen perpetuum est id, quod consequi convenit.

5. *De Abscessu sub lingua.* *

25

Sub lingua quoque interdum aliquid abscedit; quod fere consistit in tunica, doloresque magnos movet. Quod, si exiguum est, incidi semel satis est: si majus, summa cutis usque ud tunicam excidenda est; deinde utrinque oræ hamulis excipiendæ, & tunica, undique circumdata, liberanda est: magna diligentia per hanc curationem habita, ne qua major vena incidatur.

6. *De*

c *Æginet. VI. 29.* * *H. F. ab Aquapend. Oper. Chirurg. Part. I. c. 36.*

6. De Labris. d

Labra autem sæpe finduntur, eaque res
habet cum dolore etiam hanc molestiam,
quod sermo prohibetur; qui subinde eas ri-
5 mas cum dolore diducendo sanguinem citat.
Sed has si in summo sunt, medicamentis
curare commodius est, quæ ad ulcera oris
sunt: si vero altius descenderunt, necessa-
rium est tenui ferramento adurere. quod spa-
10 thæ simile, quasi transcurrere, non impri-
mi debet. postea facienda eadem sunt, quæ
in naribus adustis exposita sunt.

CAP. XIII.

De Cervicis vitio.

15 **A**T in cervice, inter cutem & asperam
arteriam, tumor increfcit (*Βρογχονή-
λω* a Græci vocant) quo, modo caro he-
bes, modo humor aliquis, melli aquæve
20 similis, includitur; interdum etiam minu-
tis ossibus pili immisti. Ex quibus quic-
quid est, quod tunica continetur, potest
adurentibus medicamentis curari. Quibus
summa cutis cum subjecta tunica *b* exuritur.
25 quo facto, siue humor est, profluit; siue
quid densius, digitis educitur: tum ulcus
sub linamentis sanescit. Sed scalpelli cura-
tio brevior est. Medio tumor una linea
inciditur usque ad tunicam: deinde vitio-
30 sus sinus ab integro corpore digito separa-
tur, totusque cum velamento suo eximi-
tur: tum aceto, cui vel salem vel nitrum
aliquis adjecit, eluitur; oræque una futura
junguntur; cæteraque eadem, quæ in aliis
su-

d Oribas. de Loc. Affect. IV. 56. a Æginet. VI.

38. b Edit. Aldi, Steph. exeditur. Al. exeritur.

futuris, superinjiciuntur: leniter deinde, ne fauces urgeat, deligatur. Si quando autem tunica eximi non potuerit, intus inspergenda adurentia, linamentisque id curandum, & cæteris pus moventibus. 5

CAP. XIV.

De Umbilici vitiis. a

392.

SUNT etiam circa umbilicum plura vitia; de quibus, propter raritatem, inter authores parum constat. Verisimile est autem, id a quoque prætermisum, quod ipse non cognoverat: a nullo id, quod non viderat, fictum. Commune omnibus est, umbilicum indecore prominere. Causæ requiruntur? Meges tres has posuit: modo intestinum eo irrumperere, modo omentum, modo humorem. Sostratus nihil de omento dixit. Duobus iisdem adjecit, carnem ibi interdum increescere, eamque modo integram esse, modo carcinomati similem. Gorgias ipse quoque omenti mentionem omisit: sed eadem tria causatus, spiritum quoque interdum eo dixit irrumperere. Heron omnibus his quatuor positis, & omenti mentionem habuit, & ejus, quod simul & omentum & intestinum habuerit. 10 15 20 25

b Quod autem horum sit, his indiciis cognoscitur. Ubi intestinum prolapsum est, tumor neque durus, neque mollis est: omni frigore minuitur; non solum sub omni calore, sed etiam retento spiritu crescit: sonat interdum; atque, ubi resupinatus est aliquis, relapso intestino, ipse desidit. Ubi 30

vero

a *Æginet. VI. 51. H. F. ab Aquapendente Oper. Chirurg. Part. I. c. 52.* *b* *Ald. Steph. quid*

vero omentum est, cætera similia sunt, tumor mollior, & ab *c* ima parte extenuatus in verticem est; si quis apprehendit, elabitur. Ubi utrumque est, indicia quoque
 5 mixta sunt, & inter utrumque mollities. At caro durior est, semperque etiam resupinato corpore tumet, prementique non cedit, prioribus facile cedentibus. Si vitiosa est, easdem notas habet, quas in carcinomate exposui. Humor autem, si premitur,
 10 circumfluit. At spiritus pressus cedit, sed protinus redit: resupinato quoque corpore tumorem in eadem figura tenet.

Ex his id, quod ex spiritu vitium est,
 15 medicinam non admittit. Caro quoque, carcinomati similis, cum periculo tractatur. itaque omittenda est. Sana excidi debet; idque vulnus linamentis curari. Humorem quidam vel inciso summo tumore
 20 effundunt, & vulnus iisdem linamentis curant. In reliquis variæ sententiæ sunt. Ac resupinandum quidem corpus esse, res ipsa testatur; ut in uterum, sive intestinum, sive omentum est, relabatur. Si
 25 nus vero umbilici, tum vacuus, a quibusdam duabus regulis excipitur; vehementerque earum capitibus deligatis, ibi emoritur: a quibusdam *d* ad imum acu trajectatur, duo lina ducente; deinde utriusque li- 431,
 30 ni duobus capitibus diversæ partes adstrin- 15.
 guntur, (quod in uva quoque oculi fit:) 454,
 nam sic id, quod supra vinculum est, moritur. 26.
 Adjecerunt, quidam, ut, antequam vincirent, summam una linea inciderent;

F f

quo

c *Ald.* una d *Ald.* id vitium

quo facilius digito demisso, quod illuc irrupisset, depellerent: tum deinde vincirent. Sed abunde est, jubere spiritum continere, ut tumor, quantus maximus esse potest, se ostendat: tum imam basim ejus atramento notare; resupinatoque homine, digitis tumorem eum premere, ut, si quid relapsum non est, manu cogatur: post hæc, umbilicum adtrahere, & qua nota atramenti est, lino vehementer adstringere: deinde partem 10
superiorem aut medicamentis, aut ferro adurere, donec emoriatur: atque, ut cætera uita, ulcus nutrire. Idque non solum ubi intestinum, vel omentum, vel utrumque est; sed etiam, ubi humor est, 15
optime proficit.

Sed ante quædam visenda sunt, ne quod ex vinculo periculum sit. Nam curationi neque infans, neque aut robustus annis, aut senex aptus est; sed a septimo fere anno ad quartum decimum. Deinde ei corpus idoneum est id, quod integrum est: at quod mali habitus est, quodque papulas, impetigines, similiaque habet, idoneum non est. Levibus quoque tumoribus 25
facile subvenitur: at in eorum, qui nimis magni sunt, curatione periculum est. Tempus autem anni & autumnale, & hibernum vitandum est. Ver idoneum maxime est. Ac prima æstas non aliena est. Præter hæc, abstinere pridie debet. Neque id 30
satis est: sed alvus quoque ei ducenda est; quo facilius omnia quæ excefferunt, intra uterum confidant.

CAP.

CAP. XV.

Quomodo Aqua hydropicis emittatur. †

AQUAM his, qui hydropici sunt,
 5 emitti oportere, alias *a* dixi. nunc,
 quemadmodum id fiat, dicendum. Quidam
 autem sub umbilico, fere quatuor interpo-
 sitis *b* digitis a sinistra parte; quidam, ipso
 umbilico perforato, id facere consueverunt:
 10 quidam, cute primum adusta, deinde in-
 teriore abdomine inciso; quia, quod per
 ignem divisum est, minus celeriter coit.
 Ferramentum autem demittitur magna cura
 habita, ne qua vena incidatur. Id tale esse
 15 debet, ut fere tertiam digiti partem latitu-
 do mucronis impleat: demittendumque ita
 est, ut membranam quoque transeat, qua
 caro ab interiore parte finitur: eo tum plum-
 bea aut ænea fistula injicienda est, vel re-
 20 curvatis in exteriorem partem labris, vel
 eadem circumcingente quadam remora; ne
 tota intus delabi possit. Hujus ea pars,
 quæ intra, paulo longior esse debet, quam
 quæ extra; ut ultra interiorem membranam
 25 procedat. Per hanc effundendus humor est:
 atque ubi major pars ejus evocata est, clau-
 denda demisso linteolo fistula est; & in
 vulnere, si id ustum non est, relinquenda.
 Deinde per insequentes dies circa singulas
 30 heminas emittendum, donec nullum aquæ
 vestigium appareat. Quidam tamen etiam
 non usta cute, protinus fistulam recipiunt,
 & super vulnus spongiam expressam ex aqua
 frigida, vel ex aceto deligant: deinde po-

F f 2 - stero

† H.F. ab Aquapendente Oper. Chirurg. P. I.
 c. 54. a Libro III. c. 21. b Æginet. V. 50.

stero die rursus fistulam demittunt (quod recens vulnus paululum diductum patitur) ut , si quid humoris superest , emittatur : idque bis ita fecisse contenti sunt .

CAP. XVI.

*De Ventre ictu perforato , &
Intestinis vulneratis . a*

NONNUNQUAM autem venter ictu aliquo perforatur ; sequiturque , ut intestina evolvantur . Quod ubi incidit , protinus considerandum est , an integra ea sint ; deinde , an his color suus maneat . Si tenuius intestinum perforatum est , nihil profici posse , jam retuli . Latius intestinum sui potest : non quod certa fiducia sit ; sed quod dubia spes , certa desperatione sit potior . interdum enim glutinatur . Tum , si utrumlibet intestinum lividum , aut pallidum , aut nigrum est , quibus illud quoque necessario accedit , ut sensu careat , medicina omnis inanis est . Si vero adhuc ea sui coloris sunt , cum magna festinatione succurrendum est : momento enim alienantur externo & insueto spiritu circumdata . Resupinandus autem homo est , coxis erectioribus ; & , si angustius vulnus est , quam ut intestina commode refundantur , incidendum est , donec satis pateat . Ac , si jam sicciora intestina sunt , perlucenda aqua sunt , cui paululum admodum olei sit adjectum . Tum minister oras vulneris leniter diducere manibus suis , vel etiam duobus hamis , membranæ interiori injectis ,

a H.F. ab Aquapendente Oper. Chirurg. P. I. p. 55.

Etis, debet: medicus priora semper intestina, quæ posteriora prolapsa sunt, condere sic, ut orbium singulorum locum fervet. Repositis omnibus, leniter homo concutendus est. quo fit, ut per se singula intestina in suas sedes reducantur, & in his confidant. His conditis, omentum quoque considerandum est: ex quo, si quid jam nigri & emortui est, forfice excidi debet: si quid integrum est, leniter super intestina reduci: futura autem, neque summæ cutis, neque interioris membranæ per se, satis proficit; sed utriusque. Et quidem e duobus linis facienda est, & spissior quam alibi; quia & rumpi facilius motu ventris potest, & non æque magnis inflammationibus pars ea exposita est. Igitur in duas acus fila conjicienda, exque duabus manibus tenendæ; & prius interiori membranæ futura injicienda est sic, ut sinistra manus in dexteriore ora, dextra in sinisteriore a principio vulneris orsa, ab interiori parte in exteriorem acum immittat. quo fit, ut ab intestinis ea pars semper acum longe sit, quæ acuta; propinqua, quæ retusa est. Semel utraque parte trajecta, permutandæ acus inter manus sunt, ut ea sit in dextra, quæ fuit in sinistra, ea veniat in sinistram, quam dextra continuit: iterumque eodem modo per oras immittendæ sunt: atque ita tertio & quarto, deincepsque permutatis inter manus acubus includenda plaga. Post hæc, eadem fila, eademque acus ad cutem transferendæ, similique ratione ei quoque parti

utraq[ue] futura injicienda; semper ab interiore parte acubus venientibus, semper inter manus trajectis. Dein glutinantia injicienda. Quibus aut spongiam, aut succidam lanam ex aceto expressam accedere debere, manifestius est, quam ut semper dicendum sit. Impositis his leniter deligari venter debet.

CAP. XVII.

*De Interiore membrana
abdominis rupta. a*

INTERDUM tamen vel ex ictu aliquo, vel retento diutius spiritu, vel sub gravi fasce, interior abdominis membrana, superiore cute integra, rumpitur. Quod foeminis quoque ex utero saepe evenire consuevit: fitque praecipue circa ilia. Sequitur autem, cum superior caro mollis sit, ut non satis intestina contineat, hisque intenta cutis indecora intumescat. Atque id quoque aliter atque aliter curatur. Quidam enim per acum duobus linis ad imam basin immissis sic utrinque devinciunt, quemadmodum & in umbilico, & in
449, uva positum est, ut, quicquid super vincu-
32. lum est, emoriatur. Quidam medium tumorem excidunt, ad similitudinem myrtacei folii (quod semper eodem modo servandum esse jam posui) & tum oras futura
jungunt. Commodissimum est autem, resupinato corpore, experiri manu, qua parte is tumor maxime cedat, quia necesse est, ea parte rupta membrana sit; quaque inte-

gra

a H.F. ab Aquapendente Oper. Chirurg. P. I.
cap. 53.

gra est, ea magis obnuitatur: tum, quæ rupta videbitur, *b* incidendæ scalpello duæ tunicæ sunt, ut, exciso medio, interior membrana utrinque recentem plagam habeat; quia, quod vetus est, futura non coit. Loco patefacto, si qua parte membrana non novam plagam, sed veterem habet, tenuis excidenda habena est, quæ tantum oras ejus exulceret. Cætera, quæ ad futuram, reliquamque curationem pertinent, supra comprehensa sunt.

2. *De Varicibus ventris.*

Præter hæc evenit, ut in quorundam ventribus varices sint, quarum quia nulla alia curatio est, quam quæ in cruribus esse consuevit, tum eam partem explanaturus, hanc quoque eo differo.

495,

26.

C A P. XVIII.

*De Testiculorum natura, & morbis. **

VENIO autem ad ea, quæ in naturalibus partibus circa testiculos oriri solent. quæ quo facilius explicem, prius ipsius loci natura paucis proponenda est. Igitur testiculi simile quiddam glandulis habent. nam sanguinem non emittunt, & omni sensu carent: dolent autem in ictibus & inflammationibus tunicarum, quibus hi continentur. Dependent vero ab inguinibus per singulos nervos, quos κρεμαστικές Græci nominant. cum quorum utroque binæ descendunt & venæ & arteriæ. Hæc autem tunica conteguntur tenui, nervosa, sine sanguine, alba, quæ ἐλαιοειδής

F f 4 a Græ-

b Edit. Ald. Steph. aliæque, immittendæ scalpello duæ lineæ. Cæsarius legit 1. s.d. tunicæ.

* *H.F. ab Aquapend. Oper. Chirurg. Part. I. c. 71.*

a Græcis nominatur. Super eam valentior tunica est, quæ interiori vehementer ima parte inhæret. *σάρκιν* Græci vocant. Multæ deinde membranulæ venas & arterias, eosque nervos comprehendunt; atque inter duas quoque tunicas superioribus partibus tenues patulæque sunt. Hactenus propria utrique testiculo & velamenta & auxilia sunt. Communis deinde utrique, omnibusque interioribus sinus est, qui etiam conspicitur a nobis. *ὄρχεον* Græci, scrotum nostri vocant. Isque ab ima parte mediis tunicis leviter innexus, a superiore tantum circumdatus est.

Sub hoc igitur plura vitia esse consueverunt. quæ modo ruptis tunicis, quas ab inguinibus incipere proposui, modo his integris fiunt. siquidem interdum vel ex morbo primum inflammatur, deinde postea pondere abrumpitur, vel ex ictu aliquo protinus rumpitur tunica, quæ diducere ab inferioribus partibus intestina debuit. Tum pondere eo devolvitur, aut omentum, aut etiam intestinum: atque ibi reperta via, paulatim ab inguinibus in inferiores quoque partes nisum, subinde nervosas tunicas, & ob id, quod dixi, patentes diducit. *ἐντεροκήλη* & *ἐπιπλοκήλη* Græci vocant: apud nos indecorum, sed commune his, herniæ nomen est.

Deinde, si descendit omentum, nunquam in scroto tumor tollitur, sive inedit fuit, sive corpus huc illucve conversum, aut alio quovis modo collocatum: itemque,

si r-

si retentus est spiritus, non magnopere incre-
scit, tactu vero inæqualis est, & mollis,
& lubricus.

At si intestinum quoque descendit, tu-
5 mor is sine inflammatione modo minui-
tur, modo increscit; estque fere sine do-
lore, & cum conquiescit aliquis aut jacet,
interdum ex toto desidit, interdum sic mi-
nuitur, ut in scroto exiguæ reliquæ ma-
10 neant: at sub clamore, & satietate, & si
sub aliquo pondere is homo nixus est, cre-
scit: frigore omni contrahitur, calore dif-
funditur; estque tum scrotum & rotundum,
& tactu leve: idque, quod subest, lubri-
15 cum est; si pressum est, ad inguen rever-
titur; dimissumque, iterum cum quodam
quasi murmure devolvitur. & id quidem
in levioribus malis evenit. Nonnunquam
autem stercore accepto vastius tumet, re-
20 troque compelli non potest: adfertque tum
dolorem & scroto, & inguinibus, & abdo-
mini. Nonnunquam stomachus quoque af-
fectus primum rufam bilem per os red-
dit, deinde viridem, quibusdam etiam ni-
25 gram.

Integris vero membranis interdum eam
partem humor distendit. Atque ejus quo-
que species duæ sunt. Nam vel inter tu-
nicas is increscit, vel in membranis, quæ
30 ibi circa venas & arterias sunt, ubi hæ
gravate occalluerunt. Ac ne ei quidem hu-
mori, qui inter tunicas est, una sedes est.
Nam modo inter summam & mediam,
modo inter mediam & imam consistit.

Græci

Græci communi nomine, quicquid est, ὑδρό-
 468, 5. κήλην appellant: nostri vero, scilicet nullis
 discriminibus satis cognitis, hoc quoque sub
 eodem nomine, quo priora, habent.

Signa autem quædam communia sunt, 5
 quædam propria. Communia, quibus hu-
 mor deprehenditur: propria, quibus locus.
 Humorem subesse discimus, si tumor est,
 nunquam ex toto se remittens, sed inter-
 dum levior, aut propter famem, aut pro- 10
 pter febriculam, maximeque in pueris: is-
 que mollis est, si non nimius humor sub-
 est; at, si is vehementer increvir, reniti-
 tur sicut uter repletus & arcte adstrictus: ve-
 næ quoque in scroto inflantur; &, si digi- 15
 to premimus, cedit humor, circumfluenisque
 id, quod non premitur, attollit; & tan-
 quam in vitro cornuve per scrotum apparet;
 isque, quantum in ipso est, sine dolore est.
 Sedes autem ejus sic deprehenditur. Si in- 20
 ter summam mediamque tunicam est, cum
 digitis duobus premimus, paulatim humor
 inter eos revertens subit: scrotum remis-
 sius & albidius est; si ducitur, aut nihil,
 aut paululum intenditur: testiculus ea par- 25
 te neque visu, neque tactu sentitur. At, si
 sub media tunica est, intentum scrotum ma-
 gis se attollit, adeo ut superior coles sub
 tumore eo delitescat.

Præter hæc æque integris tunicis ramex 30
 innascitur. κίρσοκήλη Græci adpellant,
 cum venæ intumescunt. Hæ quandoque in-
 468, tortæ*, conglomeratæque ad superiorem
 23. partem, vel ipsum scrotum implent, vel
 mediam

* De hac voce vide Jo. Rhodium de Acia,
 C. 15. p. 212.

mediam tunicam, vel imam: interdum etiam sub ima tunica, circa ipsum testiculum nervumque ejus, crescunt. Ex his hæ, quæ in ipso scroto sunt, oculis patent: hæ vero, quæ mediæ imæve tunicæ insident, ut magis conditæ non æque quidem cernuntur, sed tamen etiam visui subjunctæ sunt: præterquam quod & tumoris aliquid est, pro venarum magnitudine & modo; & id prementi magis renititur, ac per ipsos venarum toros inæquale est; &, qua parte id est, testiculus magis jacto dependet. Cum vero etiam super ipsum testiculum nervumque ejus id malum increvit, aliquanto longius testiculus ipse descendit, minorque altero fit, utpote alimento amisso.

Raro, sed aliquando caro quoque inter tunicas crescit. *σαρκοκήλη* Græci vocant. 470, 17.

Interdum etiam ex inflammatione tumet ipse testiculus, ac febres quoque adfert; &, nisi celeriter ea inflammatio conquievit, dolor ad inguina atque ilia pervenit; partesque hæ intumescunt, & nervus, ex quo testiculus dependet, plenior fit, simulque indurescit.

Super hæc, inguen quoque nonnunquam ramices implent. *βεβωνοκήλη* adpellant. 471, 4.

C A P.

† H.F. ab *Aquapend. Oper. Chirurg. P.I.c.72.*

CAP. XIX.

De Testiculorum curationibus communibus :

& primo de incisione & curatione

Inguinis, vel Scroti.

HIS cognitis, de curatione dicendum est. In qua quædam communia omnium sunt, quædam propria singulorum. Prius de communibus dicam. Loquar autem nunc de his, quæ scalpellum desiderant. nam quæ vel sanari non possint, vel aliter nutriri debeant, dicendum erit, simul ac ad species singulas venero. Inciditur autem interdum inguen, interdum scrotum. In utraque curatione homo ante per triduum bibere aquam; pridie abstinere etiam a cibo debet: ipso autem die collocari supinus: deinde, si inguen incidendum est, idque jam pube contegitur, ante radendum est: tum, extento scroto, ut cutis inguinis intenta sit, id incidendum sub imo ventre, quæ cum abdomine tunicae inferiores committuntur. Aperendum autem audacter est, donec summa tunica, quæ ipsius scroti est, incidatur, perveniatque ad eam, quæ media est. Plaga facta, foramen deorsum versus subest. In id demittendus est sinistræ manus digitus index, ut diductis intervenientibus membranulis, sinum laxet. Minister autem, sinistra manu comprehenso scroto, sursum versus *V. supra* eum debet extendere, & quam maxime ab *xxxv*, inguinibus abducere; primum cum ipso *21.* testiculo, dum medicus omnes membranulas,

nulas, quæ super mediam tunicam sunt, si digito diducere non potest, scalpello abscindat: deinde sine eo, ut is delapsus ipsi plagæ jungatur, digitoque inde promatur, & super ventrem cum duabus suis tunicis collocetur. Inde, si qua vitiosa sunt, circuncidenda sunt. In quibus cum multæ venæ discurrant, tenuiores quidem præcidi protinus possunt: majores vero ante longiore lino deligandæ sunt; ne periculose sanguinem fundant.

15 Sin media tunica vexata erit, aut sub ea malum increverit, excidenda erit sic, ut alte ad ipsum inguen præcidatur. Infra tamen non tota demenda est: nam quod ad basin testiculi vehementer cum ima tunica connexum est, excidi sine summo periculo non potest. itaque ibi reliquendum est.

20 Idem in ima quoque tunica, si læsa est, faciendum est. Sed non a summa inguinis plaga, verum infra paululum ea abscindenda; ne, læsa abdominis membrana, inflammationes moveat. Neque tamen nimium ex ea rursum relinquendum est; ne postea finuetur, & sedem eidem malo præstet.

Purgatus ita testiculus per ipsam plagam cum venis, & arteriis, & nervo suo leniter demittendus est; videndumque, 30 ne sanguis in scrotum descendat, neve concretus aliquo loco maneat. Quæ ita fient, si venis vinciendo medicus prospexerit. Lina, quibus capita earum continebuntur, extra plagam dependere debent.

bunt. quæ, pure orto, sine ullo dolore excident. Ipsi autem plagæ injiciendæ duæ fibulæ sunt; & insuper medicamentum, quo glutinetur.

Solet interdum ab altera ora necessarium esse aliquid excidi, ut cicatrix major & latior fiat. Quod ubi incidit, linamenta super non fulcienda, sed leviter tantum ponenda sunt; supraque ea, quæ inflammationem repellant, id est, ex aceto vel lana succida, vel spongia: cætera eadem, quæ, ubi pus moveri debet, adhibenda sunt. At, cum infra incidi oportet, resupinato homine, subjicienda sub scroto sinistra manus est; deinde id vehementer apprehendendum, & incidendum; si parvulum est, quod nocet, modice, ut tertia pars integra, ad sustinendum testiculum, infra relinquatur: si majus est, etiam amplius, ut paululum tantummodo ad imum, cui testiculus insidere possit, integrum maneat. Sed primo rectus scalpellus quam levissima manu teneri debet, donec scrotum ipsum diducat: tum inclinandus mucro est, ut transversas membranas secet, quæ inter summam mediamque tunicam sunt. At, si vitium in proximo est, mediam tunicam attingi non oportet: si sub illa quoque conditur, etiam illa incidenda est; sicut tertia quoque, si illa vitium tegit. Ubicumque autem repertum malum est, ministrum ab inferiore parte exprimere moderate scrotum oportet: medicum, digito manubriolo scalpelli diducta inferiore parte, tunicam

cam extra collocare ; deinde eam ferro-
mento, quod a similitudine corvum vo-
cant, incidere sic, ut intrare duo digiti,
index & medius possint : his deinde confe-
5 Etis, incidenda reliqua pars tunicae, & in-
ter digitos scalpellus immittendus est, exi-
mendumque aut effundendum quicquid est
noxium.

Quamcumque autem tunicam quis viola-
10 vit, illam quoque debet excidere ; ac me-
diam quidem, ut supra dixi, quam altissi-
me ad inguen ; imam autem, paulo infra.
Cæterum antequam excidantur, hæ quoque
vinciri lino summa cura debent ; & ejus
15 lini capita extra plagam relinquenda sunt,
sicut in aliis quoque venis, quæ id requi-
sierint.

Eo facto, testiculus intus reponendus
est : oræque scroti futuris inter se com-
20 mittendæ ; neque paucis, ne parum glu-
tinentur, & longior fiat curatio ; neque
multis, ne inflammationem augeant. At-
que hic quoque videndum est, ne quid in
scroto sanguinis maneat : tum imponenda
25 glutinantia sunt.

Si quando autem in scrotum sanguis de-
fluxit, aliquidve concretum ex eo deci-
dit, incidi subter id debet ; purgatoque eo
spongia, acri aceto madens, circumdari.
30 Deligatum autem vulnus omne, quod ex
his causis factum est, si dolor nullus est,
quinque primis diebus non est resollen-
dum, sed bis die tantum aceto irroranda,
lana vel spongia imposita : si dolor est, ter-
tia

tia die resolvendum ; & , ubi fibulæ sunt , hæ incidendæ ; ubi linamentum , id mutandum est ; rosæque & vino madefaciendum id , quod imponitur . Si inflammatio incre- 5
 scit , adjiciendum prioribus cataplasma ex lenticula & melle ; vel ex malicorio , quod in austero vino coctum sit ; vel ex his mixtis . Si sub his inflammatio non conquierit , post diem quintum multa calida aqua vulnus fovendum , donec scrotum 10
 ipsum & extenuetur , & rugosius fiat : tum imponendum cataplasma ex triticea farina , cui resina pinea adjecta sit . quæ ipsa , si robustus curatur , ex aceto ; si tener , ex melle coquenda sunt . Neque dubium est , 15
 quodcunque vitium fuit , si magna inflammatio est , quin ea , quæ pus movent , imponenda sint .

Quod si pus in ipso scroto ortum est , paululum id incidi debet , ut exitus detur ; 20
 linamentumque eatenus imponendum est , ut foramen tegat . Inflammatione finita , propter nervos propiore cataplasmate , dein cerato utendum est . Hæc proprie ad ejusmodi vulnera pertinent . Cætera , & in cura- 25
 tione , & in victu , similia his esse debent , quæ in alio quoque vulnerum genere præcepimus .

C A P. XX.

De Intestini in scrotum devoluti curatione . a 30

HIS propositis ad singulas species veniendum est . Ac , si cui parvulo puero intestinum descendit , ante scal-
 pellum

a Æginet. VI. 52. 65.

pellum experienda vinctura est. Fascia ejus
rei causa fit, cui uno loco pila assuta est
ex panniculis facta, quæ ad repellendum in-
testinum ipsi illi subjicitur: deinde reliqua
5 fasciæ pars arcte circumdatur. sub quo sæ-
pe & intus compellitur intestinum, & inter
se tunicæ glutinantur. Rursus, si ætas pro-
cessit, multumque intestini descendisse ex
tumore magno patet, adjiciunturque dolo-
10 res & vomitus (quæ ex stercore, per cru-
ditatem eo delapso, fere accidunt) scalpel-
lum adhiberi sine perniciæ non posse, ma-
nifestum est: levandum tantummodo ma-
lum, & per alias curationes extrahendum
15 est.

Sanguis mitti ex brachio debet: deinde,
si vires patiuntur, imperanda tridui absti-
nencia est; si minus, certe pro vi corporis
quam longissima. Eodem vero tempore su-
20 perhabendum cataplasma ex lini semine,
quod ante aliquis ex mulso decoxerit. Post
hæc, & farina hordeacea cum resina inji-
cienda; & ipse demittendus in folium a-
quæ calidæ; cui oleum quoque adjectum
25 sit; dandumque aliquid cibi levis & calidi.
Quidam etiam alvum ducunt. Id ducere ali-
quid in scrotum potest, educere ex eo non
potest. Per ea vero, quæ supra scripta sunt,
levato malo, si quando alias dolor reverte-
30 rit, eadem erunt facienda.

Sine dolore quoque si multa intestina
prolapsa sunt, secari supervacuum est: non
quo excludi a scroto non possint (nisi ta-
men id inflammatio prohibuit) sed quo

repulsa inguinibus immorentur, ibique tumorem excitent, atque ita fiat mali non finis, sed mutatio.

At in eo, quem scalpello curari oportebit, simulatque ad mediam tunicam vulnus in inguine factum pervenerit, duobus hamulis ea juxta ipsas oras apprehendi debet, dum eductis omnibus membranulis medicus eam liberet. Neque enim nisi cum periculo læditur, quæ incidenda est; cum intestinum esse, nisi sub ea, non possit. Ubi diducta autem erit, ab inguine usque ad testiculum incidi debebit sic, ne ipse lædatur; tum excidi. Fere tamen hanc curationem puerilis ætas, & modicum malum recipit.

Sin vir robustus est, majusque id vitium est, extrahi testiculus non debet, sed in sua sede permanere. Id hoc modo fit. Inguen eadem ratione usque ad mediam tunicam scalpello aperitur; eaque tunica eodem modo duobus hamis excipitur sic, ut a sinistro testiculus eatenus contineatur, ne per vulnus exeat: tum ea tunica deorsum versus scalpello inciditur; sub eaque index digitus sinistrae manus ad anum testiculum demittitur, eumque ad plagam compellit: deinde dextrae manus duo digiti, pollex atque index, venam & arteriam & nervum tunicamque eorum a superiore tunica diducunt. quod si aliquæ membranulae prohibent, scalpello resolvuntur, donec ante oculos tota jam tunica sit. Excisis, quæ excidenda sunt, repositoque testiculo,

culo, ab ora quoque ejus vulneris, quod in inguine est, demenda habenula paulo latior est; quo major plaga sit, & plus creare carnis possit.

C A P. XXI.

De Omenti in scrotum prolapsi curatione.

AT si omentum descendit, eodem quidem modo, quo supra scriptum est, aperiendum inguen, diducendæque tunicæ sunt. Considerandum autem est, majorne ejus modus, an exiguus sit. Nam quod parvulum est, super inguen in uterum vel digito vel adverso specillo repellendum est: si plus est, sinere oportet dependere, quantum ex utero prolapsum est; idque adurentibus medicamentis illinere, donec *a* emoriatur & excidat. Quidam hic quoque duo lina acu trajiciunt, binisque singulorum capitibus diversas partes adstringunt. Sub quo æque, sed tardius emoritur. Adjicitur tamen hic quoque celeritati, si omentum super vinculum illinitur medicamentis, quæ exedunt, nec erodunt. *σινπινα* Græci vocant. Fuerunt etiam, qui omentum forfice præciderent. Quod in parvulo non est necessarium: si majus est, potest profusionem sanguinis facere; siquidem omentum quoque venis quibusdam, etiam majoribus illigatum est. Neque vero, si discisso ventre id, quod prolapsum est, forfice præciditur, cum & emortuum sit, & aliter tutius avelli non possit, inde huc exemplum transferendum est.

G g 2

Vul.

a Apb. VI. 58.

Vulnus autem curari, si reductum omentum est, futura debet: si id amplius fuit, & extra emortuum est, excisis oris, sicut supra propositum est.

458, 2.

2. *De Herniæ aquosæ curatione.* b

Si vero humor intus est, incidendum est: in pueris quidem, inguen; nisi in his quoque liquoris ejus major modus prohibet: in viris vero, & ubicunque multus humor subest, scrotum. Deinde, si inguen incisum est, eo protractis tunicis humor effundi debet: si scrotum, & sub hoc protinus vitium est, nihil aliud quam humor est effundendus, abscindendæque membranæ sunt, si quæ eum continuerunt; deinde eluendum id ex aqua, quæ vel salem adjectum, vel nitrum habeat: si sub media, imave tunica, totæ hæ extra scrotum collocandæ, excidendæque sunt.

C A P. XXII.

*De Ramicis curatione.*458,
31.

RAMEX* autem, si super ipsum scrotum est, adurendus est tenuibus & acutis ferramentis, quæ ipsis venis infigantur; cum eo, ne amplius quam has urant; maximeque, ubi inter se implicatæ glomerantur, eo ferrum id admovendum est; tum super farina ex aqua frigida subacta injicienda est; utendumque eo vinculo, quod idoneum esse ani curationibus posui: tertio die lenticula cum melle imponenda est: post, ejectis crustis, ulcera melle purganda, rosa implenda, & ad cicatricem aridis linamentis

400,
34.

b *Æginet. VI. 62.* * *Hanc vocem exponit Salmasius Epist. 56.*

mentis perducenda sunt. Quibus vero super
mediam tunicam venæ tument, incidendum
inguen est, atque tunica promenda, ab ea-
que venæ digito vel manubriolo scalpelli
5 separandæ. qua parte vero inhærebunt, &
ab superiore & ab inferiore parte lino vin-
ciendæ; tum sub ipsis vinculis præcidendæ,
reponendusque testiculus est. At, ubi supra
tertiam tunicam ramex insedit, mediam ex-
10 cidi necesse est. Deinde, si duæ tresve ve-
næ tument, & ita pars aliqua obsidetur,
ut major eo vitio vacet, idem faciendum,
quod supra scriptum est; ut ab inguine, &
a testiculo deligatæ venæ præcidantur, is-
15 que condatur. Sin totum id ramex obsederit,
per plagam demittendus digitus index erit,
subjiciendusque venis sic, ut paulatim eas
protrahat æque adducendo, donec is testicu-
lus par alteri fiat; tum fibulæ oris sic in-
20 jiciendæ, ut simul eas quoque venas com-
prehendant. Id hoc modo fit. Acus ab ex-
teriore parte oram vulneris perforat. tum
non per ipsam venam, sed per membranam
ejus immittitur, per eamque in alteram o-
25 ram compellitur. Venæ vulnerari non de-
bent, ne sanguinem fundant. Membrana
semper inter has venas est, ac neque peri-
culum affert, & filo comprehensas illas abun-
de tenet. itaque etiam satis est, duas fibu-
30 las esse. Tum venæ, quæcunque protractæ
sunt in ipsum inguen, a verso specillo com-
pelli debent. Solvendi fibulas tempus, in-
flammatione finita, & purgato vulnere, est;
ut una simul & oras & venas cicatrix de-
vinciat.

Ubi vero inter imam tunicam & ipsum testiculum nervumque ejus ramex ortus est, una curatio est, quæ totum testiculum abscindit. Nam neque ad generationem quicquam is confert, & omnibus indecore, quibusdam etiam cum dolore dependet. Sed tum quoque inguen incidendum, media tunica promenda, atque excidenda est: idem in ima faciendum; nervusque, ex quo testiculus dependet, præcidendus. Post id venæ & arteriæ ad inguen lino deligandæ, & infra vinculum abscindendæ sunt.

CAP. XXIII.

De Carne, quæ inter tunicas testiculorum concrevit, & de Nervo indurato. a

459, **C**ARO quoque, si quando inter tuni- 20
19. cas increvit, nihil dubii est, quin eximenda sit: sed id, ipso scroto inciso, fieri commodius est.

At, si nervus induruit, curari res neque manu, neque medicamento potest. Urgent enim, febres ardentes; & aut virides, aut nigri vomitus: præter hæc, ingens sitis, & linguæ aspritudo; fereque a die tertio spumans bilis alvo cum rosione redditur. Atque neque assumi facile cibus, neque contineri potest: neque multo post extremæ partes frigescunt, tremor oritur, manus sine ratione extenduntur; deinde in fronte frigidus sudor, eumque mors sequitur.

CAP.

a *Æginet. VI. 63.*

CAP. XXIV.

De Ramice inguinis. a

5 **U**BI vero in ipso inguine ramex est, si 459,
 tumor modicus est, semel incidi; si 29,
 major, duabus lineis debet, ut medium ex-
 cidatur: deinde, non extracto testiculo, si-
 cut intestinis quoque prolapsis interdum fie-
 ri docui, colligendæ venæ, vinciendæque,
 10 ubi tunicis inhærebunt, & sub his nodis præ-
 cidendæ sunt. Neque quicquam novi cura-
 tio vulneris ejus requirit.

CAP. XXV.

*Ad tegendam Glandem colis, si nuda est. **

15 **A**B his ad ea transeundum est, quæ in
 cole ipso fiunt. In quo si glans nu-
 da est, vultque aliquis eam decoris a cau- 393,
 sa tegere, fieri potest: sed expeditius in pue- 12.
 20 ro, quam in viro; in eo, cui id naturale
 est, quam in eo, qui quarundam gentium
 more circumcissus est; in eo, cui glans parva
 juxtaque eam cutis spatiosior, brevis ipse
 coles est, quam in quo contraria his sunt.
 25 Curatio autem eorum, quibus id natura-
 le est, ejusmodi est. Cutis circa glandem
 prehenditur b & extenditur, donec illam
 ipsam condât; ibique deligatur: deinde, jux-
 ta pubem, in orbem tergitur inciditur, donec
 30 coles nudetur; magnaue cura cavetur, ne
 vel urinæ iter, vel venæ, quæ ibi sunt, in-
 cidantur. Eo facto, cutis ad vinculum in-
 clinatur, nudaturque circa pubem velut cir-
 culus; tum super eo linamenta dantur, ut ca-

G g 4 ro

a *Æginet. VI. 66. Aëtius Tetrab. IV. Serm. II.*24. * *H. F. ab Aquapend. Oper. Chirurg. Part. I.*c. 61. a *Æginet. VI. 53. b Idem ibidem.*

ro increfcat & id impleat, fatisque vela-
menti fupra latitudo plagæ præftet. Sed,
donec cicatrix fit, vinclum eſſe id debet; in
medio tantum relicto exiguo urinæ itinere.
At in eo, qui circumciſus eſt, ſub circulo
glandis ſcalpello diducenda cutis ab interio-
re cole eſt. Non ita dolet, quia, ſummo
ſoluto, diduci deorſum uſque ad pubem ma-
nu poteſt; neque ideo ſanguis profluit. Re-
ſoluta autem cutis rurfus extenditur ultra
glandem: tum multa frigida aqua fovetur;
emplafthroque circumdatur, quod valenter in-
flammationem reprimat; proximisque die-
bus abſtinere, donec prope a fame victus fit,
ne forte eam partem fatietas excitet. Ubi
jam ſine inflammatione eſt, deligari debet
a pube uſque circulum: ſuper glandem au-
tem adverſo emplafthro impoſito induci. ſic
enim fit, ut inferior pars glutinetur; ſupe-
rior ita fanefcat, ne inhæreat.

2. *Quomodo Glans penis conteſta aperiri poſſit.* *

393, **C**ONTRA, ſi glans ita conteſta eſt,
13. ut nudari non poſſit (quod vitium
Græci *φίμασις* a appellant) aperienda eſt.
Quod hoc modo fit. Subter a ſumma ora,
cutis inciditur recta linea uſque ad fre-
num; atque ita ſuperius terguſ relaxatum,
cedere retro poteſt. Quod ſi parum ſic
profectum eſt, aut propter anguſtias, aut
propter duritiem tergoris, protinus trian-
gula forma cutis ab inferiore parte exci-
denda eſt ſic, ut vertex ejus ad frenum;
baſis in tergo extremo fit. Tum ſuperdan-
da linamenta ſunt, aliaque medicamenta
quæ

* H.F. ab *Aquapendente Oper. Chirurg. P. I.*
c. 62. a *Æginet. VI. 54.*

quæ ad sanitatem perducant. Necessarium autem est, donec cicatrix sit, conquiescere: nam ambulatio, atterendo ulcus sordidum reddit.

5 3. *Infibulandi ratio.* *

10 - Infibulare quoque adolescentulos interdum valetudinis causa quidam consueverunt: ejusque hæc ratio est. Cutis, quæ super glandem est, extenditur, notaturque utrinque a lateribus atramento, qua perforetur; deinde remittitur. Si super glandem notæ revertuntur, nimis apprehensum est, & ultra notari debet: si glans ab his libera est, is locus idoneus fibulæ est. Tum, qua notæ sunt, 15 cutis acu filum ducente transuitur, ejusque filii capita inter se deligantur, quotidieque id movetur, donec circa foramina cicatriculæ fiant. Ubi hæ confirmatæ sunt, excepto filo fibula inditur, quæ, † quo levior, eo 20 melior est. Sed hoc quidem sæpius inter supervacua, quam inter necessaria est.

C A P. XXVI.

De Urinæ reddendæ difficultate, & curatione. a

25 **R**ES vero interdum cogit emoliri manu urinam, cum illa non redditur; aut quia senectute iter ejus collapsum est; aut quia calculus, vel concretum aliquid 30 ex sanguine intus se opposuit: ac medicis quoque inflammatio sæpe eam reddi naturaliter prohibet. Idque non in viris tantummodo, sed in fœminis quoque interdum necessarium est. Ergo æneæ fistulæ fiunt:

* H.F. ab Aquapendente Oper. Chirurg. Part. I. c. 63. † Rhodius de Acia, cap. 6. pag. 83. a Æginet. VI. 59.

funt : eæque , ut omni corpori , ampliori
 minorique sufficient , ad mares , tres ; ad
 fœminas , duæ medico habendæ sunt . Ex
 virilibus maxima decem & quinque est di-
 gitorum ; media , duodecim ; minima , no-
 vem : ex mulieribus major , novem ; mi-
 nor , sex . Incurvas vero esse eas paululum ,
 sed magis viriles oportet , lævesque admo-
 dum ; ac neque nimis plenas , neque nimis
 tenues .

Homo tum resupinus eo modo , quo in
 curatione calculi figuratur , super subfel-
 lium aut lectum collocandus est . Medicus
 autem a dextro latere , sinistra quidem
 manu colem masculi continere , dextra ve-
 ro fistulam demittere in iter urinæ debet :
 atque ubi ad cervicem vesicæ ventum est ,
 simul cum cole fistulam inclinatam in
 ipsam vesicam compellere , eamque , uri-
 na reddita , recipere . Fœmina brevius uri-
 næ iter , simul & rectius habet , quod ca-
 runculæ simile , inter imas oras super na-
 turale positum , non minus sæpe auxilio
 eget , sed aliquanto minus difficultatis ex-
 hibet .

Nonnunquam etiam prolapsus in ipsam
 fistulam calculus , qui subinde ea extenua-
 tur , non longe ab exitu inhærescit . Eum ,
 si fieri potest , oportet evellere , vel oricu-
 lario specillo , vel eo ferramento , quo in
 sectione calculus protrahitur . Si id fieri
 non potuit , cutis extrema quamplurimum
 attrahenda & , condita glande , lino vin-
 cienda est : deinde a latere recta plaga co-
 les

les incidendus, & calculus eximendus est: tum cutis remittenda. sic enim fit, ut incisum colem integra pars cutis contegat, & urina naturaliter profluat.

5 2. *Calculosis quæ curatio adhibeatur.* b

Cum vesicæ vero, calculique facta mentio sit; locus ipse exigere videtur, ut subijciam, quæ curatio calculosis, cum aliter succurri non potest, adhibeatur. Ad quam
10 festinare, cum præceptis sit, nullo modo convenit. Ac neque omni tempore, neque in omni ætate, neque in omni vitio id experiendum est: sed solo vere, in eo corpore, quod jam novem annos, nondum quatuor-
15 decim excessit; &, si tantum mali subest, ut neque medicamentis vinci possit, neque etiam trahi posse videatur, quo minus interposito aliquo spatio interimat. Non quo non interdum etiam temeraria medicina pro- i 38, 3.
20 ficiat; sed quo sæpius utique in hoc fallat, in quo plura & genera & tempora periculi sunt. quæ simul cum ipsa curatione proponam.

Igitur, ubi ultima experiri statutum est, ante aliquot diebus victu corpus præparandum est, ut modicos, ut salubres cibos, ut minime glutinosos assumat, ut aquam bibat. Ambulandi vero inter hæc exercitatione utatur, quo magis calculus ad
30 vesicæ cervicem descendat. Quod an inciderit, digitis quoque, sicut in curatione docebo, demissis cognoscitur. Ubi ejus rei fides est, pridie is puer in jejunio continendus est; & tum loco calido curatio adhi-

b *Æginet. VI. 60. H. F. ab Aquapend. Oper. Chirurg. P. I. c. 59.*

adhibenda : quæ hoc modo ordinatur.

Homo prævalens & peritus in sedili alto confidit, supinumque eum & aversum, super genua sua coxis ejus collocatis, comprehendit; reductisque ejus cruribus, ipsum quoque jubet, manibus ad suos poplites datis, eos, quam maxime possit, attrahere; simulque ipse sic eos continet. Quod si robustius corpus ejus est, qui curatur, duobus sedilibus junctis, duo valentes insidunt: quorum & sedilia & interiora crura inter se deligantur, ne diduci possint. Tum is super duorum genua eodem modo collocatur; atque alter, prout confedit, sinistrum crus ejus, alter dextrum, simulque ipse poplites suos attrahit. Sive autem unus, sive duo continent, super humeros ejus suis pectoribus incumbunt. Ex quibus evenit, ut inter ilia sinus super pubem sine ullis rugis sit extentus, & in angustum compulsa vesica, facilius calculus capi possit. Præter hæc, etiamnum a lateribus duo valentes obijciuntur, qui circumstantes, labare vel unum vel duos, qui puerum continent, non sinunt.

Medicus deinde, diligenter unguibus circumcisis, sinistræ manus duos digitos, indicem & medium, leniter prius unctos oleo, simul in anum ejus demittit; dextræque digitos super imum abdomen leniter imponit; ne, si utrinque digiti circa calculum vehementer concurrerint, vesicam lædat. Neque vero festinanter in hac re, ut in plerisque, agendum est; sed ita, ut
quam

quam maxime id tuto fiat. Nam læsa vesica nervorum distentiones cum periculo mortis excitat. Ac primum circa cervicem quaeritur calculus. ubi repertus, minore negotio expellitur. Et ideo dixi, ne curandum quidem, nisi cum hoc indicibus suis cognitum est. Si vero aut ibi non fuit, aut recessit retro, digiti ad ultimam vesicam dantur; paulatimque dextra quoque manus ejus
10 ultra translata subsequitur.

Atque, ubi repertus est calculus (qui necesse est in manus incidat) eo curiosius deducitur, quo minor læviorque est; ne effugiat, id est, ne sæpius agitanda vesica sit. Ergo ultra calculum dextra semper
15 manus ei se opponit; sinistra eum compellit deorsum digitis, donec ad cervicem pervenitur. In quam, si oblongus est, sic compellendus est, ut ne pronus exeat: si planus, sic, ut transversus sit: si quadratus, ut duobus angulis sedeat: si altera parte plenior, sic, ut prius ea, qua tenuior sit, evadat. In rotundo nihil interesse, ex ipsa figura patet; nisi, si lævior altera parte est,
20 ut ea antecedit.

Cum jam eo venit, ut super vesicæ cervicem sit, juxta anum incidi cutis plaga lunata usque ad cervicem vesicæ debet, cornibus ad coxas spectantibus paululum:
30 deinde ea parte, qua strictior ima plaga est, etiamnum sub cute, altera transversa plaga facienda est, qua cervix aperiatur; donec urinæ iter pateat sic, ut plaga paulo major, quam calculus sit. Nam, qui c metu
fistu-

c Alii meatum

fistulæ (quam illo loco *d' ἐπερυάδα* Græci
vocant) parum patefaciunt, cum majore
periculo eodem revolvuntur: quia calculus
iter, cum vi promitur, facit, nisi accipit.
idque etiam perniciosius est, si figura quo- 5
que calculi, vel asperitudo aliquid eo con-
tulit. Ex quo & sanguinis profusio, & di-
stentio nervorum fieri potest, quæ si quis
evasit, multo tamen patientiorem fistulam
habiturus est rupta cervice, quam habuisset, 10
incisa.

V. supra Cum via patefacta est, in conspectum
xxxvii, calculus venit: in cujus corpore multum
16. discrimen est. Ideo, si exiguus est, digitis
ab altera parte propelli, ab altera protrahi 15
potest. Si major, injiciendus a superiore
ei parte uncus est, ejus rei causa factus.
Is est ad extremum tenuis, in semicirculi
speciem retusæ latitudinis; ab * interiori
parte lævis, qua corpori jungitur; ab in- 20
teriori asper, qua calculum attingit. Isque
longior potius esse debet: nam brevior ex-
trahendi vim non habet. Ubi injectus est,
in utrumque latus inclinandus est, ut ap-
pareat calculus, & teneatur; quia, si ap- 25
prehensus est, ille simul inclinatur. Idque
eo nomine opus est, ne, cum adduci uncus
cœperit, calculus intus effugiat, hic in o-
ram vulneris incidat, eamque convulneret.
In qua re, quod periculum esset, jam su- 30
pra proposui.

Ubi satis teneri calculum patet, eodem
pene momento triplex motus adhibendus
est: in utrumque latus; deinde extra, sic
tamen

*d Alii χορύαδα vel ἐπίαδα edit. optimæ ἐπύ-
δαυ anni 1497. corhyada. * anteriori vel ex-
teriori*

tamen, ut leniter id fiat, paululumque primo calculus attrahatur: quo facto, attolendus uncus extremus est, uti intus magis maneat, faciliusque illum producat.

5 Quod si aliquando a superiore parte calculus parum commode comprehenditur, a latere erit apprehendendus. Hæc est simplicissima curatio.

10 Sed varietas rerum quasdam etiamnum animadversiones desiderat. Sunt enim quidam non asperi tantummodo, sed spinosi quoque calculi, qui per se quidem delapsi in cervicem, sine ullo periculo eximuntur.

In vesica vero, non tuto vel hi conquiruntur, vel attrahuntur: quoniam, ubi illam convulnerant, ex distentione nervorum mortem maturant; multoque magis, si spina aliqua vesicæ inhæret, eamque, cum deduceretur, duplicavit. Colligitur autem
20 eo, quod difficilius urina redditur, in cervice calculum esse; eo, quod cruenta distillat, illum esse spinosum: maximeque id sub digitis quoque experiendum est, neque adhibenda manus, nisi id consistit.

25 Ac tum quoque leniter intus digiti obiciendi, ne violenter promovendo convulnerent: tum incidendum. Multi hic quoque scalpello usi sunt. Meges (quoniam is infirmior est, potestque in aliqua promi-
30 nentia incidere, incisoque super illam corpore, qua cavum subest, non secare, sed relinquere, quod iterum incidi necesse sit) ferramentum fecit rectum, in summa parte labrosum, in ima semicirculatum acutum.

tumque. Id receptum inter duos digitos, indicem ac medium, super pollice imposito sic deprimebat, ut simul cum carne, si quid ex calculo prominebat, incideret. Quo con-
sequebatur, ut semel, quantum satis esset, 5
V. supra aperiret. Quocunque autem modo cervix ea
xxxvi, parte secta est, leniter extrahi, quod aspe-
rum est, debet; nulla, propter festinatio-
nem, vi admota. 32.

3. *Signa calculorum, vel arenosorum,* 10
vel mollium.

At calculus arenosus, & ante manifestus
61, 16. est; quoniam urina, quæ redditur, arenosa
est: & in ipsa curatione; quoniam inter sub-
jectos digitos neque æque, sed leniter reni- 15
titur, & insuper dilabatur. Item molles cal-
culos, & ex pluribus minutisque, sed inter
se parum adstrictis, compositos indicat uri-
na, secum trahens quasdam quasi squamu-
las. Hos omneis, leniter permutatis subin- 20
de digitorum vicibus, sic oportet abducere,
ne vesicam lædant, neve intus aliquæ dis-
sipatæ reliquæ maneant, quæ postmodum
curationi difficultatem faciant. Quicquid au-
tem ex his in conspectum venit, vel digi- 25
tis, vel unco eximendum est.

At, si plures calculi sunt, singuli pro-
trahi debent; sic tamen, ut, si quis exi-
guus supererit, potius relinquatur. Siqui-
dem in vesica difficulter invenitur; inven- 30
tusque celeriter effugit. Ita longa inquisitio-
ne vesica læditur, excitæque inflammationes
mortiferas; adeo ut quidam non secti, cum
diu frustra per digitos vesica esset agi-
tata,

tata, decesserint. Quibus accedit etiam, quod exiguus calculus, ad plagam urina postea promovente, excidit.

Si quando autem is major non videtur, nisi rupta cervice, extrahi posse, findendus est. cuius repertor Ammonius, qui ob id *Αιδοτόμος* cognominatus est. Id hoc modo fit. Uncus injicitur calculo sic, ut facile eum conclusum quoque teneat, ne is retro revolvatur: tum ferramentum adhibetur crassitudinis modicæ, prima parte tenui, sed retusa, quod admotum calculo, & ex altera parte ictum, findat; magna cura habita, ne aut ad ipsam vesicam ferramentum perveniat, aut calculi fractura ne quid incidat.

4. De Calculis foeminarum.

Hæ vero curationes in foeminis quoque similes sunt; de quibus parum, proprie tamen quædam dicenda sunt. Siquidem in his, ubi parvulus calculus est, scalpellus supervacuus est; quia is urina in cervicem compellitur, quæ & brevior, & quam in maribus, & laxior est. Ergo & per se sæpe excidit, & si in urinæ itinere, quod est angustius, inhaeret, eodem tamen unco sine ulla noxa educitur. At in majoribus calculis necessaria eadem curatio est. Sed virgini subjici digitus, tanquam masculo, mulieri per naturalia ejus debent. Tum, virgini quidem, sub ima sinistiore ora; mulieri vero, inter urinæ iter & os pubis, incidendum est sic, ut utroque loco plaga transversa sit. neque terreri convenit, si plus ex muliebri corpore sanguinis profluit.

H h

5. Qua

e Aëtius Tetrab. IV. Serm. IV. c. 99.

5. *Quæ curatio calculo evulso habenda sit.*

Calculo evulso, si valens corpus est, neque magnopere vexatum, finire oportet sanguinem fluere, quo minor inflammatio oriatur. Atque, ingredi quoque eum paululum, non alienum est, ut excidat, si quid intus concreti sanguinis mansit. Quod si per se non destitit, rursus, ne vis omnis intereat, suppressi debet. Idque protinus, in imbecillioribus, ab ipsa curatione faciendum est. Siquidem, ut distentione nervorum periclitatur aliquis, dum vesica ejus agitur; sic alter metus excipit, remotis medicaminibus, ne tantum sanguinis profluat, ut occidat. Quod ne incidat, desiderare is debet in acre acetum, cui aliquantum salis sit adjectum. sub quo & sanguis fere conquiescit, & adstringitur vesica, idcircoque minus inflammatur. Quod si parum proficit, agglutinanda cucurbitula est, & in genibus, & coxis, & super pubem. Ubi jam satis vel evocatus est sanguis, vel prohibitus, resupinus collocandus est sic, ut caput humile sit, coxæ paululum excitentur: ac super vulnus imponendum est duplex aut triplex linteolum, aceto madens. Deinde, interpositis duabus horis, in folium is aquæ calidæ resupinus demittendus est sic, ut a genibus ad umbilicum aqua teneat, cætera vestimentis circumdata sint; manibus tantummodo pedibusque nudatis, ut & minus digeratur, & ibi diutius maneat. Ex quo sudor multus oriri solet: qui spongia subinde in facie detergendus est.

est. Finisque ejus fomenti est, donec infirmando offendat. Tum multo is oleo perungendus, induendusque hapsus lanæ mol- 210, 6.
lis, tepido oleo repletus, qui pubem, &
5 coxas, & inguina, & plagam ipsam, contectam eodem ante se linteolo, protegat: isque subinde oleo tepido madefaciendus est; ut neque frigus ad vesicam admittat, & nervos leniter molliat. Quidam cataplasmatibus
10 calefacientibus utuntur. Ea plus pondere nocent, atque vesicam urgendo vulnus irritant, quam calore proficiunt. Ergo ne vinculum quidem ullum necessarium est.

Proximo die, si spiritus difficiliter red-
15 ditur, si urina non exit; si locus circa pubem mature intumuit, scire licet, in vesica sanguinem concretum remansisse. Igitur, demissis eodem modo digitis, leniter pertractanda vesica est, & discutienda, si
20 qua coierunt: quo fit, ut per vulnus postea procedant. Non alienum etiam est, oriculario elytere acetum nitro mixtum per plagam in vesicam compellere. nam sic quoque discutiuntur, si qua cruenta coie-
25 runt. Eaque facere etiam primo die convenit, si timemus, ne quid intus sit: maximeque, ubi ambulando id elicere imbecillitas prohibuit. Cætera eadem facienda sunt: ut demittatur in solium, ut eodem
30 modo panniculus, eodem lana superinji-
ciatur.

Sed neque sæpe, neque tamdiu in aqua calida puer habendus, quam adolescens est; infirmus, quam valens; levi, quam

graviores inflammatione adfectus; is, cujus corpus digeritur, quam is, cujus adstrictum est. Inter hæc vero, si somnus est, & æqualis spiritus, & madens lingua, & sitis modica, & venter inus sedet, & mediocris est cum febre modica dolor, scire licet, recte procedere curationem.

At in his inflammatio fere quinto vel septimo die finitur: qua levata, solum supervacuum est. supini tantummodo vulnus aqua calida fovendum est, ut, si quid urinæ rodit, abluatur. Imponenda autem medicamenta sunt pus moventia; &, si purgandum ulcus videbitur, melle liniendum. Id, si rodet, rosa temperabitur. Huic curationi aptissimum videtur ἐννεαφάρμακον emplastrum. nam & sebum habet ad pus movendum, & mel ad ulcus repurgandum: medullam etiam, maximeque vitulinam; quæ in id, ne fistula relinquatur, præcipue proficit. Linamenta vero tum super ulcus non sunt necessaria; super medicamentum, ad id continendum, recte imponuntur. At, ubi ulcus purgatum est, puro linamento ad cicatricem perducendum est.

Quibus temporibus tamen, si felix curatio non fuit, varia circa pericula oriuntur. Quæ præfagire protinus licet, si continua vigilia est, si spiritus difficultas, si lingua arida est, si sitis vehemens, si venter inus tumet, si vulnus hiat, si transfiliens urinæ id non rodit, si similiter ante tertium diem quædam livida excidunt, si is aut nihil aut tarde respondet, si vehementes dolores

lores sunt, si post diem quintum magnæ febres urgent, & fastidium cibi permanet, si cubare in ventrem jucundius est. Nihil tamen pejus est distentione nervorum, & ante nonum diem, vomitu bilis. Sed cum inflammationis sit metus, succurri abstinentia, modicis & tempestivis cibis; inter hæc, fomentis, & quibus supra scripsimus, oportet.

CAP. XXVII.

De Cancro, qui excisa vesica nascitur.

PROXIMUS canceri metus est. Is cognoscitur, si, & per vulnus, & per ipsum colem, fluit sanies mali odoris, cumque ea quædam a concreto sanguine non abhorrentia, tenuesque carunculæ lanulis similes. præter hæc, si oræ vulnris aridæ sunt, si dolent inguina, si febris non desinit, eaque in noctem augetur, si inordinati horrores accedunt. Considerandum autem est, in quam partem cancer is tendat. Si ad colem, indurescit is locus, & rubet, & tactu dolorem excitat, testiculi-que intumescunt; si in ipsam vesicam, * ani dolor sequitur, coxæ tumescunt, non facile crura extendi possunt; at, si in alterutrum latus, oculis id expositum est, paresque utrinque easdem notas, sed minores, habet.

Primum autem ad rem pertinet corpus recte jacere, ut superior pars semper ea sit, in quam vitium fertur. Ita, si ad colem it,

H h 3 supi-

* *Tulpius Observat. Lib. IV. Cap. 38.*

supinus is collocari debet: si ad vesicam, in ventrem: si in latus, in id, quod integrius est. Deinde, ubi ventum fuerit ad curationem, homo in aquam demittetur, in qua marrubium decoctum sit, aut cupressus, aut myrtus; idemque humor clystere intus adigetur: tum superponetur lenticula cum malicorio mixta; quæ utraque ex vino decocta sint; vel rubus, aut oleæ folia, eodem modo decocta; aliave medicamenta, quæ ad cohibendos purgandosque cancri proposui. ex quibus, si qua erunt arida, per scriptorium calamum inspirabuntur.

Ubi stare cœperit cancer, mulso ulcus eluatur. vitabiturque eo tempore ceratum; quod, ad recipiendum id malum, corpus emollit: potius plumbum elotum cum vino inungetur: super quæ idem linteolo illitum imponetur. Sub quibus perveniri ad sanitatem potest: cum eo tamen, quod non ignoremus, orto cancro sæpe affici stomachum, cui cum vesica quoddam consortium est: exque eo fieri, ut neque retineatur cibus, neque, si quis retentus est, concoquatur, neque corpus alatur: ideoque ne vulnus quidem aut purgari, aut ali possit. quæ necessario mortem maturant.

Sed ut his succurri nullo modo potest; sic a primo tamen die tenenda ratio curationis est. In qua quædam observatio, ad cibum quoque potionemque pertinens, necessaria est. Nam cibus inter principia, non nisi humidus dari debet: ubi ulcus

purga-

purgatum est, ex media materia. olera & falsamenra semper aliena sunt. Potione opus est, non immodica. Nam, si parum bibitur, accenditur vulnus, & vigilia urget, & vis corporis minuitur: si plus æquo assumitur, subinde vesica impletur, eoque irritatur. Non nisi aquam autem bibendam esse, manifestius est, quam ut subinde dicendum sit.

10 Solet vero sub ejusmodi victu evenire, ut alvus non reddatur. Hæc aqua ducenda est, in qua vel fœnum Græcum, vel malva decocta sit. Idem humor rosa mixtus in ipsum vulnus oriculario clystere agendus, ubi id rodit urina, neque purgari patitur. Fere vero primo per vulnus exit hæc: deinde, eo sanescente, dividitur, & pars per colem descendere incipit, donec ex toto plaga claudatur. Quod interdum tertio mense, interdum non ante sextum, nonnunquam exacto quoque anno fit.

Neque desperari debet solida glutinatio vulneris, nisi ubi aut vehementer rupta 25 cervix est, aut ex cancro multæ magnæque carunculæ, simulque nervosa aliqua exciderunt. Sed, ut vel nulla ibi fistula, vel exigua admodum relinquatur, summa cura providendum est. Ergo, cum jam ad cicatricem vulnus tendit, extentis jacere feminibus & cruribus oportet; nisi tamen molles arenosive calculi fuerunt: sub his enim tardius vesica purgatur. Ideoque diutius plagam patere necessarium est: & tum

demum, ubi jam nihil tale extra fertur, ad cicatricem perducit.

Quod si, antequam vesica purgata est, oræ se glutinarunt, dolorque & inflammatio redierunt, vulnus digitis vel averso specillo diducendum est; ut torquentibus exitus detur. Hisque effusis, cum diutius pura urina descendit, tum demum, quæ cicatricem inducant, imponenda sunt, extendendique, ut supra docui, pedes, quam maxime juncti. 10

Quod si fistulæ metus ex his causis, quas proposui, subesse videbitur, quo facilius claudatur ea, vel certe coangustetur, in anum quoque danda plumbea fistula est; extensisque cruribus femina talique inter se deliganda sunt, donec, qualis futura est, cicatrix sit. 15

C A P. XXVIII.

Si Naturalia feminarum non admittunt concubitum, quomodo curari conveniat. a 20

ET hoc quidem commune esse maribus & fœminis potest. Proprie vero quædam ad fœminas pertinent: ut in primis, quod earum naturalia nonnunquam, inter se glutinatis oris, concubitum non admittunt. Idque interdum evenit protinus in utero matris: interdum *b* exulceratione in his partibus facta, & per malam curationem his oris fanescendo junctis. Si ex utero est, membrana ori vulvæ opposita est: si ex ulcere, caro id replevit. 25 30

Opor-

a *Æginet. VI. 72. Aëtius Tetrab. IV. Serm. IV. c. 96. Hippoc. de Steril. XIII. 1. Idem de Natur.*

Mulier. VI. Joan. Wierus Observ. L. 1. p. 935.

b *Hipp. I. de Morb. Mul. T. LXVIII.*

Oportet autem membranam duabus lineis, inter se transversis, incidere ad similitudinem literæ *c* X, magna cura habita, ne urinæ iter violetur: deinde undique eam membranam excidere. At, si caro increvit, necessarium est recta linea patefacere: tum ab ora vel vulfella vel hamo apprehensam, tanquam habenulam, excidere: & intus implicitum in longitudinem linamentum (*ἀνθυήσκον* Græci vocant) in aceto tinctum demittere, supraque succidam lanam aceto madentem deligare: tertio die solvere, & vulnus, sicut alia vulnera, curare. Cumque jam ad sanitatem tendet, plumbeam fistulam medicamento cicatricem inducente illinere, eamque intus dare: supraque idem medicamentum injicere, donec ad cicatricem plaga perveniat.

CAP. XXIX.

Qua ratione partus emortuus ex utero excutitur. a

UBI concepit aliqua, si jam prope maturus partus intus emortuus est, neque excidere per se potest, adhibenda curatio est. Quæ numerari inter difficillimas potest. nam & summam prudentiam moderationemque desiderat, & maximum periculum affert. Sed ante omnia vulvæ natura mirabilis, cum in multis aliis, tum in hac re quoque facile cognoscitur.

Oportet autem ante omnia *b* resupinam mulierem transverso lecto sic collocare, ut femi-

c Chiasmus vocatur ab *Æginet. VI. 51. 65. & ab aliis. H. F. ab Aquapend. Oper. Chirurg. P. I. c. 83. a Æginet. VI. 74. Aëtius Tetrab. IV. Serm. IV. c. 23. b Hippocr. I. de Morb. Mul. T. XCIV. 4.*

feminibus ejus ipsius ilia comprimantur .
 quo fit , ut & imus venter in conspectu me-
 dici sit , & infans ad os vulvæ compella-
 tur ; quæ , emortuo partu , id comprimit :
 ex intervallo vero paululum dehiscit . Hac 5
 occasione usus medicus , unctæ manus indi-
 cem digitum primum debet inferere , atque
 ibi continere , donec iterum os adaperiatur ,
 rursusque alterum digitum demittere debe-
 bit , & per easdem occasiones alios , donec 10
 tota esse intus manus possit . Ad cujus rei
 facilitatem multum confert & magnitudo
 vulvæ , & vis nervorum ejus , & corporis
 totius habitus , & mentis etiam robur : cum
 præsertim intus nonnunquam etiam duæ ma- 15
 nus dari debeant .

Pertinet etiam ad rem , quam calidissi-
 mum esse imum ventrem , & extrema cor-
 poris ; nequedum inflammationem *c* acce-
 pisse , sed recenti re protinus adhiberi me- 20
 dicinam . Nam , si corpus jam intumuit ,
 neque demitti manus , neque educi infans ,
 nisi ægerrime potest ; sequiturque sæpe cum
 vomitu , & cum tremore , mortifera nervo-
 rum distentio . Verum intus emortuo cor- 25
 pori manus injecta protinus habitum ejus
 sentit . nam aut in caput , aut in pedes con-
 versum est , aut in transversum jacet : fere
 tamen sic , ut vel manus ejus , vel pes in
 propinquo sit . 30

Medici vero propositum est , ut infantem
 manu dirigat vel in *d* caput *e* , vel etiam in
 pedes , si forte aliter compositus est . Ac , si
 nihil aliud est , manus vel pes apprehensus ,

corpus

c Alii cepisse , *d* Alii manus , *e* Hippocr.
 I. de Morb. Mul. XCV. 2.

corpus rectius reddit. nam manus in caput,
pes in pedes eum convertet. Tum, si caput
proximum est, demitti debet uncus, undi-
que lævis, acuminis brevis, qui vel oculo,
5 vel auri, vel ori, interdum etiam fronti re-
cte injicitur: deinde attractus infantem edu-
cit. Neque tamen quolibet is tempore ex-
trahi debet. nam, si compresso vulvæ ore id
tentatum est, non emittente eo, infans ab-
10 rumpitur, & unci acumen in ipsum os vul-
væ delabitur; sequiturque nervorum disten-
tio, & ingens periculum mortis. Igitur,
compressa vulva, conquiescere; hiantes, le-
niter trahere oportet; & per has occasio-
15 nes paulatim eum educere. Trahere autem
dextra manus uncum; sinistra, intus posi-
ta, infantem ipsum, simulque dirigere eum
debet.

Solet etiam evenire, ut is infans humo-
20 re distendatur; exque eo profluat fœdi odo-
ris fanies. Quod si tale est, indice digito
corpus illud forandum est, ut, effuso hu-
more, extenuetur: tum id leniter per ipsas
manus recipiendum est. nam uncus injectus
25 putri corpusculo facile elabatur. in quo quid
periculi sit, supra positum.

Sed in pedes quoque conversus infans
non difficulter extrahitur. namque his ap-
prehensis per ipsas manus comode educi-
30 tur.

Si vero transversus est, neque dirigi po-
tuit, uncus alæ injiciendus, paulatimque
attrahendus est. Sub quo fere cervix repli-
catur, retroque caput ad reliquum corpus
spectat.

f Aëlius Tetrab. IV. Serm. IV. c. 23.

spectat. Remedio est, cervix præcisa; ut separatim utraque pars auferatur. Id unco fit, qui, priori similis, in interiore tantum parte per totam aciem exacuitur. Tum id agendum est, ut ante caput, deinde reliqua pars 5 auferatur: quia fere, majore parte extracta, caput in vacuum vulvam prolabitur, extrahique sine summo periculo non potest.

Si tamen id incidit, super ventrem mulieres duplici panniculo injecto, valens homo, non imperitus, a sinistro latere ejus debet assistere, & super imum ventrem ejus duas manus imponere, alteraque alteram premere. quo fit, ut illud caput ad os vulvæ compellatur; idque tum eadem ratione, quæ 15 supra posita est, unco extrahi possit.

At, si pes alter juxta repertus est, alter retro cum corpore est, quicquid prolapsum est, g paulatim abscindendum est. Et, si clunes os vulvæ urgere cœperunt, iterum 20 retro repellendæ sunt, conquiritusque pes ejus adducendus. Aliæque etiamnum difficultates faciunt, ut, qui solidus non exit, concisus eximi debeat.

Quoties autem infans protractus est, tradendus ministro est. Is eum supinis manibus sustinere, medicus deinde sinistra manu leniter trahere umbilicum debet ita, ne abrumpat, dextraque eum sequi usque ad eas, quas Secundas vocant, quod velamentum 30 infantis intus fuit: hisque ultimis apprehensis, venulas membranulasque omnes eadem ratione manu diducere a vulva, totumque illud extrahere, &, si quid
intus

g Hippocrat. I. de Morb. Mal. XCVI.

intus præterea concreti sanguinis remanet. Tum compressis in unum feminibus, illa in conclavi collocanda est, modicum calorem, sine ullo perflatu, habente. Super
 5 imum ventrem ejus imponenda lana succida, in aceto & rosa tineta. Reliqua curatio talis esse debet, qualis in inflammationibus, & in his vulneribus, quæ in nervosis locis sunt, adhibetur.

80 C A P. XXX.

De Ani vitiis.

414.

ANI quoque vitia, ubi medicamentis non vincuntur, manus auxilium desiderant. Ergo, si qua fissa in eo vetusta-
 15 te induruerunt, jamque callum habent, 399, commodissimum est, ducere alvum; tum spongiam calidam admove-
 re, ut relaxentur illa, & foras prodeant: ubi in conspectu
 20 sunt, scalpello singula excidere, & ulcera a renovare; deinde imponere linamentum molle, & super linteolum illitum melle; locumque eum molli lana implere, & ita
 25 vincire: altero die, deincepsque cæteris, lenibus medicamentis uti; quæ ad recentia eadem vitia necessaria esse, alias proposui: utique per primos dies sorbitionibus eum sustinere; paulatim deinde cibis adjicere aliquid, generis tamen ejus, quod eodem
 30 loco præceptum est. Si quando autem ex inflammatione pus in his oritur, ubi primum id apparuit, incidendum est; ne anus ipse suppuret. Neque tamen ante prope-
 randum est. nam, si crudum incisum est,
 in-

a Alii remove;

inflammationi multum accedit, & puris aliquanto amplius concitatur. His quoque vulneribus, lenibus cibis, iisdemque medicamentis opus est.

2. De Condylomatibus. b

400, At tubercula, quæ *κονδυλώματα* appel-
14. lantur, ubi induruerunt, hac ratione cu-
403, rantur. Alvus ante omnia ducitur. Tum
11. vulsella tuberculum apprehensum, juxta ra-
dices exciditur. Quod ubi factum est, ea-
dem sequuntur, quæ supra post curatio-
nem adhibenda esse proposui: tantummodo,
si quid increfcit, squama æris coercendum
est.

3. De Hæmorrhoidibus. c

401, Ora etiam venarum, fundentia sanguinem,
22. sic tolluntur. Ubi sanguini, qui effluit,
sanies adjicitur, alvus acribus ducitur; quo
magis ora promoveantur. eoque fit, ut
omnia vasa, quasi capitula conspicua sint. 20
Tum, si capitulum exiguum est, basimque
tenuem habet, adstringendum lino paulum
supra est, quam ubi cum ano committitur,
imponendaque spongia ex aqua calida est,
donec id liveat: deinde aut ungue, aut scal- 25
pello, supra nodum id exulcerandum est.
Quod nisi factum est, magni dolores subse-
quuntur: interdum etiam urinæ difficultas.
Si id majus est, & basis latior, hamulo uno
aut altero excipiendum est, paululumque su- 30
pra basim incidendum: neque relinquendum
quicquam ex eo capitulo, neque quicquam
ex ano demendum est. quod consequitur is,
qui neque nimium, neque parum hamos
ducit.

b *Æginet. VI. 80.* c *Æginet. VI. 79.* d *Alii,*
Rossæus omnes vena,

ducit. Qua incisum est, acus debet immit-
 ti, infraque eam lino id capitulum alligari.
 Si duo triave sunt, intimum quodque pri-
 mum curandum est: si plura, non omnia si-
 mul; ne tempore eodem undique teneræ ci-
 catrices sint. Si sanguis profluit, excipien-
 dus est spongia: deinde linamentum impo-
 nendum, ungenda femina, & inguina, &
 quicquid juxta ulcus est, ceratumque super-
 dandum, & farina hordeacea calida implen-
 dus is locus, & sic deligandus est. Postero
 die is desidere in aqua calida debet, eodem-
 que cataplasmate foveri. Ac bis die, & an-
 te curationem, & post eam, coxendices ac
 femina liquido cerato perungenda sunt; te-
 pidoque is loco continendus. Interpositis
 quinque aut sex diebus, oriculario specillo
 linamenta educenda, &, si capitula simul
 non exciderunt, digito promovenda: tum
 lenibus medicamentis, iisdemque, quæ ali-
 bi posui, ulcera ad sanitatem perducenda.
 Finito vitio, quemadmodum agendum esset,
 jam alias superius exposui.

CAP. XXXI.

De Varicibus, a

AB his ad crura proximus transitus
 est. In quibus orti varices non dif-
 ficili ratione tolluntur. Huc autem &
 earum venularum, quæ in capite nocent;
 & eorum varicum, qui in ventre sunt, cu-
 rationem distuli: quoniam ubique eadem
 est. Igitur vena omnis, quæ noxia est,
 aut adusta tabescit, aut manu exciditur.

Si

a *Æginet. VI. 82.*

Si recta ; si , quamvis transversa , tamen simplex ; si modica est , melius aduritur . Si curva est , & velut in orbes quosdam implicatur , pluresve inter se involvuntur , utilius excidere est .

Adurendi ratio hæc est . Cutis superinciditur : tum , patefacta vena , tenui & retuso ferramento candente modice premitur ; vitaturque , ne plagæ ipsius oræ adurantur : quas reducere hamulis facile est . Id interpositis fere quaternis digitis per totum varicem fit : & tum superponitur medicamentum , quo adusta sanantur .

At exciditur hoc modo . Cute eadem ratione super venam incisa , hamulo oræ excipiuntur ; scalpelloque undique a corpore vena diducitur ; caveturque , ne inter hæc ipsa lædatur ; eique retusus hamulus subjicitur ; interpositoque eodem fere spacio , quod supra positum est , in eadem vena idem fit : quæ , quo tendat , facile hamulo extento cognoscitur .

Ubi jam idem , quacunque varices sunt , factum est , uno loco adducta per hamulum vena præciditur : deinde , qua proximus hamus est , attrahitur & evellitur ; ibique rursus abscinditur . Ac sic undique varicibus crure liberato , tum plagarum oræ committuntur , & super emplastrum glutinans injicitur .

CAP. XXXII.

*De Digitis coherentibus, &
curvatis.*

5 **A**T, si digiti vel in utero protinus, vel
propter communem exulcerationem po-
stea cohaerunt, scalpello diducuntur: de-
in separatim uterque non pingui emplastro
circumdatur: atque ita per se uterque sa-
10 nescit.

Si vero fuit ulcus in digito, posteaque
male inducta cicatrix curvum eum reddi-
dit; primum malagma tentandum est: de-
in, si id nihil prodest (quod & in veteri
15 cicatrice, & ubi nervi laesi sunt, evenire
consuevit) videre oportet, nervine id vi-
tium, an cutis sit. Si nervi est, attingi
non debet: neque enim sanabile est. Si cu-
tis, tota cicatrix excidenda est, quæ fere
20 callosa efficit, ut extendi digitus non pos-
sit. Tum rectus sic ad novam cicatricem
perducendus est.

CAP. XXXIII.

De Gangræna.

25 **G**ANGRÆNAM inter ungues alas-
que, aut inguina nasci; & siquan-
do medicamenta vincuntur, membrum præ-
cidi oportere, alio loco mihi dictum est. 304,
30 Sed id quoque cum periculo summo fit. 23.
nam sæpe in ipso opere, vel profusione
sanguinis vel animæ defectione moriuntur.
Verum hic quoque nihil interest, an sa-
tis tutum præsidium sit, quod unicum est.

I i

Igitur

Igitur inter sanam vitiatamque partem incidenda scalpello caro usque ad os est sic, ut neque contra ipsum articulum id fiat, & potius ex sana parte aliquid excidatur, quam ex ægra relinquatur. Ubi ad os ventum est, reducenda ab eo sana caro, & circa os subsecanda est, ut ea quoque parte aliquid ossis nudetur: dein id ferrula præcidendum est, quam proxime sanæ carni etiam inhærenti: ac tum frons ossis, quam ferrulla exasperavit, lævanda est, supraque inducenda cutis. quæ sub ejusmodi curatione laxa esse debet, ut quam maxime undique os contegat. Quo cutis inducta non fuerit, id linamentis erit contegendum, & super id spongia ex aceto deliganda. Cætera postea sic facienda, ut in vulneribus, in quibus pus non moveri debet, præceptum est.

LIBER OCTAVUS.

CAP. I.

De positu & figura Ossium totius humani corporis.



SUPEREST ea pars, quæ ad ossa pertinet. Quæ quo facilius accipi possit, prius positus figurasque eorum indicabo. Igitur calvaria incipit ex interiore parte concava, extrinsecus gibba, utrinque lævis, &, qua cerebri * membranam contegit, &, qua cute, capillum gignente, contegi-

* Græci *μηνίγγας*, *Macrobian. Saturn. Lib. 7.* Omentum vocant.

tegatur. Eaque simplex, ab occipitio & temporibus; duplex, usque in verticem a fronte, est. Ossaque ejus, ab exterioribus, dura; ab interioribus, quibus inter se connectuntur, 5 molliora sunt. Interque ea venæ discurrunt, quas his alimētum subministrare, credibile est.

Raro autem calvaria solida, sine * futuris est: locis tamen æstuosis facilius invenitur. & id caput firmissimum, atque a dolore tutissimum est: ex cæteris, quo futuræ pauciores sunt, eo capitis valetudo commodior est. neque † enim certus earum numerus est, sicut nec locus quidem. Fere tamen duæ, super aures, tempora a superiore capitis parte discernunt: tertia, ad 15 latera per verticem tendens, occipitium a summo capite diducit: quarta, ab eodem vertice per medium caput ad frontem procedit; eaque modo sub imo capillo desinit, modo frontem ipsam secans inter supercilia finitur. Ex his cæteræ quidem futuræ in unguem committuntur: hæ vero, quæ super aures transversæ sunt, totis oris paulatim extenuantur; atque ita inferiora ossa 25 superioribus leniter ‡ insidunt. Craissimum vero in capite os post aurem est; qua capillus, ut verisimile est, ob idipsum non gignitur. Super hos quoque musculos, qui tempora § contegunt, os medium, in exterioriorem partem inclinatum, positum est. At facies futuram habet maximam. quæ a tempore incipiens, per medios oculos, naresque transversa pervenit ad alterum tempus 30

I i 2

pus

* Nonnumquam tamen observatur, uti variis exemplis probat Vertunianus ad Hippocr. de Vulneribus Capitis, pag. 45. † etiam leg. PauW, pag. 6. ‡ assiduent leg. PauW, pag. 12. § connectunt, PauW, pag. 12.

pus. A qua breves duæ sub interioribus angulis deorsum spectant. Et malæ quæque in summa parte singulas transversas futuras habent. A mediisque naribus, aut superiorum dentium gingivis, per medium palatum una procedit; aliaque transversa idem palatum secat. Et futuræ quidem in plurimis hæ sunt.

Foramina autem, intra caput, maxima oculorum sunt; deinde narium; tum quæ in auribus habemus. Ex his, quæ oculorum sunt, recta simpliciaque ad cerebrum tendunt. Narium duo foramina osse medio discernuntur. siquidem hæc primum a superciliis, angulisque oculorum, osse inchoantur ad tertiam fere partem: deinde in cartilaginem versa, quo propius ori descendunt, eo magis caruncula quoque molliuntur. Sed ea foramina, quæ a summis ad intimas nares simplicia sunt, ibi rursus in bina itinera dividuntur: aliaque ex his, ad fauces pervia, spiritum & reddunt & accipiunt; alia ad cerebrum tendunt. In ultima parte in multa & tenuia foramina dissipantur, per quæ sensus odoris nobis datur. In aure quoque primo rectum & simplex iter procedendo flexuosum fit. Quod juxta cerebrum in multa & tenuia foramina diducitur, per quæ facultas audiendi est. Juxta ea duo parvuli quasi sinus sunt; superque eos finitur os, quod transversum a genis tendens, ab inferioribus ossibus sustinetur. Jugale appellari potest ab eadem similitudine, a qua id Græci

Græci *ζυγῶδες* appellant. Maxilla vero est molle os, eaque una est. Cujus eadem & media, & etiam ima pars, mentum est: a quo utrinque procedit ad tempora; sola-
 5 que ea movetur. Nam malæ cum toto osse, quod superiores dentes excipit, immobiles sunt. Verum ipsius maxillæ partes extremæ quasi bicornes sunt. Alter processus, intra latior, vertice ipso tenuatur; *V. supra*
 10 longiusque procedens sub osse jugali subit, xxxvii, & super id temporum musculis illigatur. 35.
 Alter brevior & rotundior, & in eo sinu, qui juxta foramina auris est, cardinis modo fit; ibique huc & illuc se inclinans maxillæ
 15 * facultatem motus præstat.

Duriores osse dentes sunt: quorum pars maxillæ, pars superiori ossi malarum hæret. Ex his quaterni primi, quia secant, *τομικοί* a Græcis nominantur. Hi deinde
 20 quatuor caninis dentibus ex omni parte cinguntur. Ultra quos utrinque fere 1 maxillares 2 quini sunt, præterquam in iis, in quibus 3 genuini, qui sero gigni solent, 4 non increverunt. Ex his primores singulis radicibus; maxillares utique binis; quidam etiam ternis, quaternisve nituntur. Fereque longior radix breviorē dentem edit; rectique dentis recta etiam radix, curvi flexa est. Ex ea radice in pueris novus dens subit, qui multo sæpius priorem expellit: interdum tamen supra infrave eum se ostendit.

Caput autem spina excipit. Ea constat ex vertebra quatuor & viginti. Septem in
 I i 3 cer-

* Facilitatem alii, sed male, *PauW*, pag. 23. 1 militares i. e. molares vocat *Soranus Ephesius*, *Isag. C. 17.* 2 quaterni 3 ultimi, 4 jam, *PauW*, pag. 26.

cervice sunt, duodecim ad costas, reliquæ
 quinque sunt proximæ costis. Hæ teretes
 brevesque, ab utroque latere, processus
 duos ¹ exigunt: mediæ perforatæ, qua spi-
 næ medulla cerebro commissa descendit: ² 5
 latera quoque inter duos processus tenuibus
 cavis pervia, per quæ a membrana cerebri
 similes membranulæ deducuntur. Omnes-
 que vertebræ (exceptis tribus summis) a
 superiore parte in ipsis processibus parum 10
 desidentes sinus habent: ab inferiore alios
 deorsum versus processus exigunt. Summa
 igitur protinus caput sustinet, per duos si-
 nus receptis exiguis ejus processibus. Quo
 fit, ut caput deorsum ³ parvis tuberibus ex- 15
 asperetur. Secunda ⁴ superioris parti ⁵ in-
 feriori inferitur. Quod ad circuitum perti-
 net, pars summa angustiore orbe finitur.
 itaque superior secundæ circumdata in late-
 ra quoque caput moveri finit. Tertia 20
 eodem modo secundam excipit. Ex quo fa-
 cilis cervici mobilitas est. Ac, ne sustine-
 re quidem caput posset, nisi utrinque recti
 valentesque nervi collum continerent, quos
καρπῶτας Græci appellant. siquidem ho- 25
 rum inter omnes flexus alter semper in-
 tentus ultra prolabi superiora non patitur.
 Jamque vertebra tertia tubercula, quæ in-
 feriori inferantur, excipit. Cæteræ proces-
 sibus deorsum spectantibus in inferiores in- 30
 sinuantur, ac per sinus, quos utrinque ha-
 bent, superiores accipiunt, multisque ner-
 vis & multa cartilagine continentur. Ac
 sic, uno flexu modico in primum dato, cæ-
 teris

¹ exserunt: legit PauW, p. 32. ² ea leg.
 PauW, p. 32. i. e. spinæ medulla. ³ versus,
 PauW, p. 64. ⁴ superiori ⁵ inferioris,
 PauW, p. 64.

teris negociis homo & rectus infistit, & alioqui ad necessaria opera curvatur.

Infra cervicem vero summa costa contra humeros sita est. Inde septem inferiores usque ad imum pectus perveniunt: hæque, primis partibus rotundæ & leniter quasi capitulatæ, vertebrarum transversis processibus, ibi quoque paululum sinuatis, inhærent: inde latefcunt, & in exteriorem partem recurvatæ paulatim in cartilaginem degenerant; eaque parte rursus in interiora leniter flexæ committuntur cum osse pectoris. Quod valens ac durum a faucibus incipit, ab utroque latere lunatum, & a præcordiis, jam ipsum quoque cartilagine molitum, terminatur. Sub costis vero superioribus quinque (quas *κόσται* Græci nominant) breves tenuioresque, atque ipsæ quoque paulatim in cartilaginem versæ, extremis abdominis partibus inhærescunt; imaque ex his, majore jam parte nihil, nisi cartilago est.

Rursus, a cervice duo lata ossa utrinque ad scapulas tendunt: nostri scutula operta; *ὀμοπλάται* Græci nominant. Ea in summis verticibus sinuata, ab his triangula, paulatimque latefcencia ad spinam tendunt; &, quo latiora quaque parte sunt, hoc hebetiora. Atque ipsa quoque, in uno cartilaginosa, posteriore parte velut innatant; quoniam, nisi in summo, nulli ossi inhærescunt. Ibi vero validis musculis nervisque constricta sunt.

At a summa costa paulo interiorius, quam

ubi ea media est, os excrescit, ibi quidem tenue, procedens vero, quo propius lato scapularum ossi fit, eo plenius latiusque est, paululum in interiora curvatum. quod protinus altera verticis parte modice intumescens, sustinet jugulum. Id ipsum recurvum ac inter durissima ossa numerandum, altero capite in eo, quod posui, altero in exiguo sinu pectoralis ossis insidit, paululumque motu brachii movetur, & cum lato osse scapularum, infra caput ejus, nervis & cartilagine connectitur. 5 10

Hinc humerus incipit, extremis utrinque capitibus tumidus, mollis, sine medulla, cartilaginofus: medius teres, durus, medullifus: leniter cavus, in priorem & anteriorem; gibbus, in posteriorem & posteriorem partem. Prior autem pars est, quæ a pectore est: posterior, quæ ab scapulis: interior, quæ ad latus tendit: exterior, quæ ab eo recedit. quod ad omnes articulos pertinere, in ulterioribus patebit. Superius autem humeri caput rotundius, quam cætera ossa, de quibus adhuc dixi, verticillati scapularum ossi inferitur, ac majore parte extra id situm nervis deligatur. At inferius duos processus habet: inter quos, quod medium est, magis etiam extremis partibus sinuatur. 15 20 25

V. supra Epist. ad Lect. in fine. Quæ res sedem brachio præstat. quod constat ex ossibus duobus. Radius, quem Græci appellant, superior breviorque, & primo tenuior, rotundo & leniter cavo capite exiguum humeri tuberculum recipit. quod ibi nervis & cartilagine continetur. 30

tinetur. Cubitus inferior longiorque, & primo plenior, in summo capite duobus quasi verticibus extantibus in sinum humeri, quem inter duos processus ejus esse proposui, se inserit. Primo vero duo, radii *V. supra* & brachii, ossa juncta paulatim dirimuntur, xxvii, rursusque ad manum coeunt, modo crassitudinis mutato. Siquidem ibi radius plenior, cubitus admodum tenuis est. Dein
10 radius, in caput cartilaginosum consurgens, in cervicem ejus insinuatur. Cubitus rotundus in extremo, parte altera paululum procedit. Ac, ne sæpius dicendum sit, illud ignorari non oportet, plurima ossa in cartilagine desinere, nullum articulum non sic finiri. Neque enim aut moveri posset, nisi lævi inniteretur; aut cum carne nervisque conjungi, nisi ea media quædam materia committeret.
20 In manu vero prima palmæ pars ex multis minutisque ossibus constat, quorum numerus incertus est. Sed oblonga omnia, & triangula, structura quadam inter se connectuntur, cum invicem superior alterius
25 planities sit: eoque fit ex his unius ossis paululum in interiora concavi species. Verum ex manu duo exigui processus in sinum radii conjiciuntur. Tum ex altera parte quinque ossa recta, ad digitos tendentia,
30 palmam explent. A quibus ipsi digiti oriuntur: qui ex ossibus ternis constant. omniumque eadem ratio est. Interius os in vertice sinuatur, recipitque exterioris exiguum tuberculum; nervique ea continent. A quibus

bus orti ungues indurescunt. Ideoque non ossi, sed carni magis radicibus suis inhærent. At superiores quidem partes sic ordinatæ sunt.

Ima vero spina in coxarum osse desinit; 5
quod transversum longeque valentissimum, vulvam, vesicam, rectum intestinum tuetur. Idque ab exteriori parte gibbum; ad spinam, resupinatum; a lateribus, id est, in ipsis coxis, sinus rotundos habet. A quibus oritur 10
os, quod pectinem vocant; idque, super intestina sub pube transversum, ventrem firmat; rectius in viris, recurvatum magis in exteriora in fœminis, ne partum prohibeat.

Inde femina oriuntur. Quorum capita 15
rotundiora etiam, quam humerorum sunt; cum illa ex cæteris rotundissima sint. Infra vero duos processus a priorē & a posteriore parte habent. Dein dura, & medullosa, & ab exteriori parte gibba, rursus ab inferioribus quoque capitibus intumescunt: superiora in sinus coxæ, sicut humeri in ea ossa, quæ scapularum sunt, conjiciuntur; tum infra introrsus leviter tendunt, quo æqualius superiora membra sustineant. At- 25
que in eo inferiora quoque capita media sinuantur, quo facilius excipi a cruribus possint. Quæ commissura osse parvo, molli, cartilaginoso tegitur. patellam vocant. Hæc super innatans, nec ulli ossi inhærens, sed 30
carne & nervis deligata, pauloque magis ad femoris os tendens, inter omnes crurum flexus juncturam tuetur.

Ipsam autem crus est ex ossibus duobus.

Etenim

Etenim per omnia femur humero, crus vero brachio simile est: adeo ut habitus quoque & decor alterius ex altero cognoscatur. quod ab ossibus incipiens, etiam in carne
 5 respondet. Verum alterum os ab exteriori parte suræ positum est: quod ipsum quoque sura recte nominatur. Id brevius, supraque tenuius, ad ipsos talos intumescit. Alterum a priore parte positum, cui tibiæ nomen est,
 10 longius & in superiore parte plenius, solum cum femoris inferiore capite committitur; sicut cum humero cubitus. Atque ea quoque ossa, infra supraque conjuncta, media, ut in brachio, dehiscunt.

15 Excipitur autem crus infra osse ex transverso talorum; idque ipsum super os calcis situm est. quod quadam parte sinuatur, quadam excessus habet, & procedentia ex talo recipit, ut in sinum ejus inferitur. Idque
 20 sine medulla durum, magisque in posteriorem partem projectum, teretem ibi figuram repræsentat. Cætera ossa pedis ad eorum, quæ in manu sunt, similitudinem instructa sunt. Plantæ palmis, digitis digitis, ungues
 25 unguibus respondent.

CAP. II.

Ossa vitata & corrupta quibus signis cognoscantur, & qua ratione curentur.

30 OMNE autem os, ubi injuria accessit, aut vitatur, aut finditur, aut frangitur, aut foratur, aut colliditur, aut de loco movetur. Id, quod vitatum est, pri-

primo fere pingue fit ; deinde vel α nigrum ,
vel cariosum . quæ , supernatis gravibus ul-
ceribus aut fistulis , hisque vel longa vetu-
state , vel etiam cancro occupatis , eveniunt .
Oportet autem ante omnia os nudare , ul- 5
cere exciso ; & , si latius est ejus vitium ,
quam ulcus fuit , carnem subsecare , donec
undique os integrum patefiat : tum id , quod
pingue est , semel iterumve satis est admoto
ferramento adurere , ut ex eo squama sece- 10
dat ; aut radere , donec jam aliquid cruoris
ostendatur , quæ integri ossis nota est . nam
necesse est aridum sit id , quod vitiatum est .
Idem in cartilagine quoque læsa faciendum
est . siquidem ea quoque scalpello radenda 15
est , donec integrum id sit , quod relinqui-
tur . Deinde , sive os sive cartilago rasa est ,
nitro bene trito respergendum est . Neque
alia facienda sunt , ubi caries , nigritiesve in
summo osse est . siquidem id vel paulo diu- 20
tius eodem ferramento adurendum , vel ra-
dendum est . qui radit hæc , audacter im-
primere ferramentum debet , ut & agat ali-
quid , & maturius desinat . Finis est , cum
vel ad album os , vel ad solidum ventum 25
est . Albo finiri ex nigritie vitium , solidi-
tate quadam ex carie , manifestum est . Ac-
cedere etiam cruoris aliquid integro , supra
dictum est . Si quando autem altius descen-
derit utrumlibet , dubium est . 30

In carie quidem expedita cognitio est ,
si specillum tenue in foramina demittitur ;
quod magis minusve intrando , vel in summo
cariem esse , vel altius descendisse , testatur .

Colligi

 α *Apb. VII. 2.*

Colligi idem potest etiam ex dolore, & ex febre, quæ ubi mediocria sunt, illa alte descendisse non potest. Manifestior tamen adaucta cerebra fit. nam finis vitii est, ubi scobis nigra esse desit. Igitur, si caries alte descendit, per terebram urgenda crebris foraminibus est, quæ altitudine vitium æquent: tum in ea foramina demittenda candentia ferramenta sunt, donec siccum os ex toto fiat. simul enim & post hæc solvetur ab inferiore osse, quodcumque vitiatum est, & is sinus carne replebitur; & humor aut nullus postea feretur, aut mediocris.

15 Sin autem nigrities est, aut si caries ad alteram quoque partem ossis transit, oportet excidi. Idem quoque in carie, ad alteram partem ossis penetrante, fieri potest. Sed, quod totum vitiatum, totum eximendum est. Si inferior pars integra est, eatenus, quod corruptum est, excidi debet. Item si capitis, si pectoris os, si costæ cariæ sunt, inutilis uestigio, sed excidendi necessitas est. Neque audiendi sunt, qui, os se nudato, diem tertium expectant, ut tunc excidant. ante inflammationem enim tutius omnia tractantur. Itaque, quantum fieri potest, eodem momento & cutis incidenda est, & os detegendum, & omni vitio liberandum est. Longeque perniciosissimum est, quod in osse pectoris est: quia vix, etiamsi recte cessit curatio, veram sanitatem reddit.

CAP. III.

Quomodo os excidatur; & de Modiolo, & Terebra, ferramentis ad id paratis.

EXCIDITUR vero os duobus modis. Si parvulum est, quod læsum est, * modiolo, quem *Χολίχιον* Græci vocant: si spatiosius, terebris. Utriusque rationem proponam. Modiolus ferramentum concavum, teres, est, imis oris ferratum: per quod medium clavus, ipse quoque interiore orbe cinctus demittitur. Terebrarum autem duo genera sunt: alterum simile ei, quo fabri utuntur: alterum capituli longioris, quod ab acuto mucrone incipit, deinde subito latius fit; atque iterum ab alio principio paulo minus quam æqualiter sursum procedit.

Si vitium in angusto est, quod comprehendere modiolus possit, ille potius aptatur. At, si caries subest, medius clavus in foramen demittitur. Si nigrities, angulo scalpri sinus exiguus sit, qui clavum recipiat, ut, eo insistente, circumactus modiolus delabi non possit: deinde his habena, quasi terebra, convertitur. Estque † quidam premendi modus, ut & foretur, & circumagatur: quia, si leviter imprimitur, parum proficit; si graviter, non movetur. Neque alienum est, instillare paululum rosæ, vel lactis, quo magis lubrico circumagatur. quod ipsum tamen, si copiosius est, aciem ferramenti hebetat. At, ubi jam iter modiolo impressum est, medius clavus educitur, & ille per

* Vide Francisc. Vertunian. Comment. in Hippocr. Lib. de cap. vulner. p. 89. 90. H. F. ab Aquapend. Oper. Chirurg. P. I. c. 2. † Quid in premendi modo, PauW, p. 85.

per se agitur. deinde, cum sanitas inferioris partis scobe cognita est, modiolus removetur.

* At, si latius vitium est, quam ut illo
5 comprehendatur, terebra res agenda est. Ea
foramen fit in ipso fine vitiosi ossis atque
integri: deinde alterum non ita longe, ter-
tiumque, donec tactus is locus, qui exci-
dendus est, his cavis cinctus sit. atque ibi
10 quoque, quatenus terebra agenda sit, sco-
bis significat. Tum excisorius scalper ab al-
tero foramine ad alterum malleolo adactus
id, quod inter utrumque medium est, ex-
cidit; ac si ambitus similis ei sit, qui in
15 angustioreni orbem modiolo imprimitur.
Utro modo vero id circumductum est, idem
excisorius scalper, & in osse corrupto pla-
nus, summam quamque testam *a* laevet, do-
nec integrum os relinquatur.

20 Vix unquam nigrities integrum, caries
per totum os perumpit, maximeque ubi
vitiata calvaria est. Id quoque vitii specil-
lo significatur, quod depressum in id fora-
men, quod infra solidam sedem habet, &
25 renitens aliquid invenit, & madens exit.
Si pervium invenit, altius descendens inter
os & membranam, nihil oppositum invenit,
educiturque siccum: non quo non subsit ali-
qua vitiosa sanies; sed quoniam ibi, ut in
30 latiore sede, diffusa sit.

Sive autem nigrities, quam terebra dete-
xit, sive caries, quam specillum ostendit, os
transit, modioli quidem usus fere superva-
cuus est; quia latius pateat necesse est, quod
tam

* Leg. Ac sic, PauW, p. 87. a Al. laevigat,
leviget, PauW, p. 87.

tam alte processit. Terebra vero ea, quam secundo loco posui, utendum; eaque, ne nimis incalescat, subinde in aquam frigidam demittenda est. Sed tum majore cura agendum est; cum jam aut simplex os dimidium perforatum est; aut in duplici superius. illud spatium ipsum; hoc sanguis significat. Ergo tum lentius ducenda habena, suspendendaque magis sinistra manus est, & sæpius attollenda, & foraminis altitudo consideranda; ut, quandocunque os perumpitur, * sentiamus, neque periclitemur, ne mucrone cerebri membrana lædatur: ex quo graves inflammationes, cum periculo mortis b oriuntur.

Facilis foraminibus, eodem modo media septa, sed multo circumspectius, excidenda sunt; ne forte angulus scalpri eandem membranam violet; donec fiat aditus, per quem membranæ custos immittatur. *μηνιγγοφύλακα* Græci vocant. lamina autem ænea est, firma, paululum resima, ab exteriori parte lævis. Quæ demissa sic, ut exterior pars ejus cerebro propior sit, subinde ei subjicitur, quod scalpro discutiendum est: ac, si excipit ejus angulum, ultra transire non patitur: eoque & audacius, & tutius, scalprum malleolo subinde medicus ferit, donec excisum undique os, eadem lamina levetur, tollique sine ulla noxa cerebri possit. Ubi totum os ejectum est, circumradendæ lævandæque sunt oræ, &, si quid scobis membranæ insedit, colligendum. Ubi, superiori parte sublata, inferior relicta est,

non

* Periclitemur, hoc est probemus, Vertuniam.
p. 92. b *Aph. VI. 18.*

non oræ tantum, sed os quoque totum lavandum est; ut sine noxa postea cutis increseat, quæ aspero ossi innascens protinus non sanitatem, sed novos dolores movet.

5 Patefacto cerebro, qua ratione agendum sit, dicam, cum ad fracta ossa pervenero. Si basis aliqua servata est, superimponenda sunt medicamenta non pingua, quæ recentibus vulneribus accommodantur; supraque
10 imponenda lana succida, oleo atque aceto madens. Ubi tempus processit, ab ipso osse caro increscit, eaque factum manu finum complet. Si quod etiam os adustum est, a parte sana recedit; subitque inter integram
15 atque emortuam partem caruncula, quæ, quod abcessit, expellat. eaque fere, quia testa tenuis & angusta est, λεπίς, id est squama, a Græcis nominatur.

Potest etiam evenire, ut ex ictu neque
20 findatur os, neque perfringatur; sed summum tantum collidatur, exaspereturque. Quod ubi incidit, radi & lavari satis est. Hæc quamvis maxime fiunt in capite, tamen cæteris quoque ossibus communia sunt: ut, ubi
25 cunque idem incidet, eodem remedio sit utendum. At, cum ea fracta, fissa, forata, collisa sunt, quasdam proprias in singulis generibus, quasdam communes in pluribus curationes requirunt. De quibus protinus
30 dicam, initio ab eadem calvaria accepto.

CAP. IV.

De Calvaria fracta . a

IGITUR, ubi calvaria *b* percussa, protinus requirendum est, * num bilem is homo vomuerit; num † oculi ejus obcæcati sint; num obmutuerit; num per nares aureſve sanguis ei effluerit; num conciderit; num sine sensu quasi dormiens jacuerit. Hæc enim non nisi osse fracto eveniunt. Atque, ubi inciderunt, scire licet, necessariam, sed difficilem curationem esse. Si vero etiam torpor ‡ accessit; si mens non constat, si nervorum vel resolutio vel distentio secuta est; verisimile est, etiam cerebri membranam esse violatam: eo-
 que in angusto magis spes est. At, si nihil horum secutum est, & jam potest dubitari, an os fractum sit; & protinus considerandum est, lapide, an ligno, an ferro, an alio telo percussum sit, & hoc ipso lævi an aspero, mediocri an vastiore, vehementer an leviter. quia quo mitior ictus fuit, eo facilius os ei restitisse credibile est. Sed nihil tamen melius est, quam certiore id nota explorare. Ergo, qua plaga est, demitti specillum oportet, neque nimis tenue, neque acutum; ne, cum in quosdam naturales sinus inciderit, opinionem fracti ossis frustra faciat: neque nimis plenum; ne parvulæ rimulæ fallant. Ubi specillum ad os venit, si nihil nisi læve & lubricum occurrat, integrum id videri potest: si quid asperi est, utique qua futuræ non sint, fractum os esse testatur. A su-

a *Æginet. VI. 90.* *b* *Omnes edit. pertusa*
 * *Plura quæ Recentiores adjiciunt, signa enumerat*
Vertunianus in Comment. ad Hippocr. Lib. de
Cap. vulnerib. p. 68. 69. † *Male, potius, si ocu-*
li obtenebrarint, ex Hippocr. Vertunian. ibid.
p. 68. ‡ *Græcis κάρος. Idem pag. 71.*

A futuris se deceptum esse, c Hippocrates
 memoriæ tradidit, more scilicet magnorum
 virorum, & fiduciam magnarum rerum ha-
 bentium. Nam levia ingenia, quia nihil ha-
 5 bent, nihil sibi detrahunt. Magno ingenio,
 multaue nihilominus habituro, convenit
 etiam simplex veri erroris confessio; præci-
 pueque in eo ministerio, quod utilitatis cau-
 sa posteris traditur; ne qui decipiantur ea-
 10 dem ratione, qua quis ante deceptus est. Sed
 hæc quidem alioquin memoria magni pro-
 fessoris, uti interponeremus, effecit.

Potest autem futura eo nomine fallere,
 quia æque aspera est; ut aliquis hanc esse,
 15 etiamsi rima est, existimet eo loco, quo sub-
 esse hanc verisimile est. Ergo eo nomine de-
 cipi non oportet: sed os deoperire tutissimum
 est. Nam neque utique certa sedes, ut supra
 posui, futurarum est: & potest idem & natu-
 20 raliter commissum & ictu fissum esse, jux-
 tave aliquid fissum habere. Quin aliquando
 etiam, ubi ictus fuit vehementior, quamvis
 specillo nihil invenitur, tamen aperire com-
 modius est. At, si ne tum quidem rima mani-
 25 festa est, inducendum super os atramentum
 scriptorium est, deinde scalpro id deradendum.
 nigritiem enim continet, si quid fissum est.

* Solet etiam evenire, ut altera parte fue-
 rit ictus, & os altera fiderit. Itaque, si gra-
 30 viter aliquis percussus est, si mala indicia
 subsequuta sunt, neque ea parte, qua cutis
 discissa est, rima reperitur; non incommo-

K k 2 dum

c Quintil. Institut. Orator. III. 6. ad quem lo-
 cum plura dabimus exempla. * Hic quintus fra-
 cturarum cranii modus ἀπὸ χημᾶ dictus descri-
 bitur, de quo vide Vertunian. in Comment. in
 Hippocr. de Cap. vulner. pag. 63. & seq.

dum est, parte altera considerare, num quis locus mollior sit, & tumeat; eumque aperire: siquidem ibi fissum os reperietur. Nec tamen magno negotio cutis sanescit, etiamsi * frustra secta est. Os *d* fractum, nisi succursum est, gravibus *e* inflammationibus afficit, difficiliusque postea tractatur.

Raro, sed aliquando tamen, evenit, ut os quidem totum integrum maneat, intus vero ex ictu vena aliqua in cerebri membrana rupta aliquid sanguinis mittat; isque ibi concretus magnos dolores moveat, † & oculos quibusdam obcæcet. Sed fere contra id dolor est, & eo loco cute incisa, pallidum os reperitur. ideoque id quoque os excidendum est. Quacumque autem de causa curatio hæc necessaria est, si nondum satis cutis patefacta est, latius aperienda est, donec, quicquid læsum est, in conspectu sit. In quo ipso videndum est, ne quid ex ipsa membranula, quæ sub cute calvariam cingit, super os relinquatur: siquidem hæc scalpro terebrisve lacerata vehementes febres cum inflammationibus excitat. Itaque eam commodius est ex toto ab osse deduci. Plagam, si ex vulnere est, talem necesse est habeamus, qualem acceperimus. Si manu facienda est, ea fere commodissima est, quæ duabus transversis lineis literæ X figuram accipit; ut deinde a singulis procedentibus *f* angulis cutis ‡ subsecetur.

489.

Inter quæ, si sanguis fertur, spongia subinde

* In frustra defecta. Ita legendum censet Scaliger apud Vertunian. in Comment. in Hippocr. de Cap. Vulner. pag. 63. *d* Aph. VII. 14. 24. *e* Æginet. VI. 90. † & oculos &c. lege oculosque pus obcæcet. Scalig. apud Vertunian. p. 64. *f* Edit. lingulis, aliæ, ligulis. ‡ Subsequatur. Scalig. apud Vertunian. p. 90.

inde in aceto tincta cohibendus est, occupan-
dusque objectis linamentis, & caput altius
g excitandum. Neque id vitium ullum me-
tum, nisi inter musculos, qui tempora conti-
5 nent, adfert: sed ibi quoque nihil tutius fit.

In omni vero fisso fractove osse, protinus
antiquiores medici ad ferramenta veniebant,
quibus id exciderent. Sed multo melius est,
ante emplastra experiri, quæ calvariæ causa
10 componuntur. eorumque aliquod oportet ex
aceto mollitum per se super fissum fractum-
ve os imponere: deinde super id, aliquanto
latius quam vulnus est, eodem medicamen-
to illitum linteolum, & præterea succidam
15 lanam aceto tinctam: tunc vulnus deligare,
& quotidie resolvere; similiterque curare us-
que ad diem quintum. A sexto die etiam
vapore aquæ calidæ per spongiam fovere:
cæteraque eadem facere. Quod si caruncula
20 increfcere cœperit, & febricula aut soluta
fuerit, aut levior, & cupiditas cibi reverte-
rit, satisque somni accedat, in eodem medi-
camento erit perseverandum. Procedente de-
inde tempore emolliendum id emplastrum,
25 adjecto cerato ex rosa facto; quo facilius car-
nem producat. nam per se reprimendi vim
habet. Hac ratione sæpe rimæ callo quo-
dam implentur; estque ea ossis velut ci-
catrrix. & latius fracta ossa, si qua inter se
30 non cohærebunt, eodem callo glutinantur.
estque id aliquanto melius velamentum ce-
rebro, quam caro, quæ exciso osse incre-
fcit. Si vero sub prima curatione febris
intenditur, brevesque somni, & iidem per

K k 3 som-

g *Ita Seneca, excitare ædificium. Flor. Lib. 1.*
excitare urbem.

somnia tumultuosi sunt, ulcus madet, neque * alitur, & in cervicibus glandulæ oriuntur, magni dolores sunt, cibique super hæc fastidium increfcit; tum demum ad manum scalprumque veniendum est. 5

Duo vero sub ictu calvariæ † pericula sunt; ne vel findatur vel medium defidat. Si fissum est, possunt oræ esse compressæ: vel quia altera super alteram excessit; vel etiam, quia vehementer rursus se commiserunt. Ex quo evenit, ut humor ad membranam quidem descendat, exitum vero non habeat; ac sic eam irriter, & graves inflammationes moveat. 10

At ubi medium os defedit, eandem cerebri membranam urget: interdum etiam ex fractura quibusdam velut aculeis pungentibus. His ita succurrendum est, ut tamen quam minimum ex osse dematur. Ergo, si ora alteri insedit, fatis est id, quod eminet, plano scalpro excidere. Quo sublato, si rima hiat aliquantum, curationi fatis est. At, si oræ inter se comprimuntur, a latere ejus, interposito digiti spatio, terebra foramen faciendum est: ab eoque scalper 25 duabus lineis ad rimam agendus, ad similitudinem literæ Λ; sic, ut vertex ejus a foramine, basis ad rimam sit.

Quod si rima longius patet, ab altero foramine rursus similis sinus fieri debet: 30 & ita nihil latere sub eo osse confractum potest, abundeque exitus datur intus h lædentibus. Ne si fractum quidem os defedit, totum excidi necesse est: sed, si ve totum

* i. e. coalescit. *Scaligerana prima*, pag. 7.
 † H F. ab *Aquapend. Oper. Chirurg. Part. I. C. 2.*
 h *Alii* latentibus.

tum perfractum est, & ab aliō ex toto recessit, siue circumpositæ calvariæ inhæret exigua parte, ab eo, quod naturaliter se habet, scalpro dividendum est. Deinde in eo,
5 quod desedit, juxta rimam, quam fecimus, foramina facienda sunt, si in angusto noxa est, duo; si latius patet, tria; septaque eorum excidenda: & tum scalper utrinque ad rimam agendus sic, ut lunatum sinum faciat, ima-
10 que pars ejus intus ad fracturam, cornua ad os integrum spectent. Deinde, si qua i labant, & ex facili removeri possunt, forcipe ad id facto colligenda sunt, maximeque ea, quæ acuta membranam infestant. Si id ex facili fieri non potest, sub-
15 jicienda lamina est, quam custodem ejus 512, membranæ esse, proposui: & super eam, 21. quicquid spinosum est, & intus eminet, excidendum est. eadem lamina, quicquid de-
20 orsum insedit, attollendum. Hoc genus curationis efficit, ut, qua parte fracta ossa tamen inhærent, solidentur: qua parte abrupta sunt, sine ullo tormento sub medicamentis tempore excidant, spaciumque inter
25 hæc fatis illis magnum ad extrahendam sanien relinquatur, plusque in osse propugnaculi cerebrum habeat, quam habiturum fuit, eo exciso.

His factis, ea membrana acri aceto respergenda est; ut, siue aliquid sanguinis ex ea profluit, cohibeatur, siue intus concretus cruor remanet, discutiatur: tum idem medicamentum eodem modo, qui supra positus est, mollitum, ipsi membranæ im-

K k 4 ponen-

i Al. lædunt.

ponendum est: cæteraque eodem modo facienda sunt, quæ ad linteolum illitum, & lanam succidam pertinent: collocandusque is loco intepido: & curandum, quotidie vulnus; bis etiam, æstate. 5

Quod si membrana per inflammationem intumuerit, infundenda erit rosa tepida. Si usque eo tumebit, ut super ossa quoque emineat, coercebit eam bene trita lenticula, vel folia vitis contrita, & cum recenti vel butyro, vel adipe anserino mixta: cervixque *k* molliri debebit liquido cerato, ex irino facto. At, si parum pura membrana videbitur, par modus ejus emplastri & mellis miscendus erit; idque superinfundendum; ejusque continendi causa unum aut alterum linamentum injiciendum; & super linteolo, cui emplastrum illitum sit, contingendum. Ubi satis pura membrana est, eadem ratione adjiciendum emplastro ceratum ut carnem producat. 10 15 20

295, Quod ad abstinentiam vero, & primos 15.
ulterioresque cibos potionesque pertinet, eadem, quæ in vulneribus præcepi, servanda sunt: eo magis, quo periculosius hæc pars afficitur. Quinetiam, cum jam non solum sustineri, sed aliis cibis quoque * oportebit, tamen erunt vitanda, quæcunque mandanda sunt: item fumus, & quicquid excitat sternutamentum. Spem vero certam faciunt, membrana *l* mobilis ac sui coloris, caro increscens rubicunda, facilis motus maxillæ atque cervicis. Mala signa sunt, membrana immobilis, nigra, vel livida, 25 30

k Alii illiniri * *Pantin. Edit.* adparebunt
l Alii mollis

da, vel aliter coloris corrupti, dementia, acris vomitus, nervorum vel resolutio vel distentio, caro livida, maxillarum rigor, atque cervicis. Cætera, quæ ad somnum, 5 cibi desiderium, febrem, puris colorem attingunt, eadem, quæ in cæteris vulneribus, vel salutaria, vel mortifera sunt.

Ubi bene res cedit, incipit ab ipsa membrana; vel, si os eo loco duplex est, inde 10 quoque caro increfcens id, quod inter ossa vacuum est, replet: nonnunquam etiam super calvariam excrescit. Quod si incidit, inspergenda squama æris est, ut id reprimat & cohibeat, eaque carni superdanda, 15 quæ ad cicatricem perducant. Omnibusque ea locis commode inducitur, excepta frontis ea parte, quæ paululum super id est, quod inter supercilia est. Ibi enim vix fieri potest, ut * non per omnem ætatem sit exulceratio: quæ linteolo, medicamentum ha- 20 bente, contegenda erit. Illa utique, capite fracto, servanda sunt, ut, donec jam valida cicatrix erit, vitentur sol, ventus, frequens balneum, major vini modus.

25

C A P. V.

De Naso fracto. a

IN naribus vero, & os, & cartilago frangi solet, & quidem modo adversa, modo a 30 latere. Si adversa fracta sunt, alterumve ex his, nares desidunt, difficulter spiritus trahitur. Si a latere os fractum est, is locus cavus est: si cartilago, in alteram partem nares declinantur. Quic-

* *Deest Edit. Pantin. a Æginet. VI. 91. Hippocr. de Articul. T. XXX. XXXI. Vectar. T. V. Petr. de Marchettis Observat. Medico-Chirurg. Observ. 26. 27. exempla refert.*

V. supra Quicquid e cartilagine concidit, excitant-
 xxvii, dum leniter est, aut subjecto specillo, aut
 35. duobus digitis utrinque compressis: deinde
 in longitudinem implicata linamenta, &
 molli pellicula cincta circumfutaque, intus 5
 injicienda sunt; aut eodem modo compo-
 situm aliquid ex arido penicillo; aut gran-
 dis pinna, gummi, vel fabrili glutine il-
 lita, & molli pellicula circumdata, quæ de-
 fidere cartilaginem non sinunt. Sed, si ad- 10
 versa ea fracta est, æqualiter utraque naris
 implenda est. Si a latere, id, quod inse-
 ritur, crassius esse debet ab ea parte, in
 quam nasus jacet, ab altera tenuius. Ex-
 trinsecus autem circumdanda habena est mol- 15
 525, lis, medio illita mixtis inter se simila &
 18. thuris fuligine: eaque ultra aures ducenda,
 & fronti duobus capitibus agglutinanda est.
 id enim corpori quasi gluten inhærescit, &
 cum induruit, nares commode continet. 20
 Sin, quod intus inditum est, lædit, sicut
V. supra maxime fit, ubi interior cartilago perfracta
 xxvii, est, exercitatae nares eadem tantummodo
 24. habena continendæ sunt: deinde, post qua-
 tuordecim dies idipsum demendum est. Re- 25
 solvitur autem aqua calida; eaque tumens
 locus quotidie fovendus est.
 Sin os fractum est, id quoque digitis in
 suam sedem reponendum est: atque ubi ad-
 versum id ictum est, utraque naris implen- 30
 da est; ubi a latere, ea, in quam os im-
 pulsum est: imponendumque ceratum, &
 paulo vehementius deligandum est; quia
 callus eo loco non ad sanitatem tantum-
 modo

- modo, sed etiam ad tumorem incrementum. a
 tertio die fovendum id aqua calida est;
 tantoque magis, quanto propius esse sani-
 tati debet. Quod si plura erunt fragmenta,
 5 nihilominus intrinsecus singula in suas se-
 des digitis erunt compellenda; imponenda-
 que extrinsecus eadem habena, & super
 eam ceratum; neque ultra fascia adhiben-
 da est.
- 10 At, si quod fragmentum undique resolu-
 tum cum cæteris non glutinabitur, intelli-
 getur quidem ex humore, qui multus ex
 vulnere feretur; vulsella vero extrahetur;
 finitisque inflammationibus, imponetur ali-
 15 quod medicamentum ex iis, quæ leniter re-
 primunt. Pejus est, ubi aut ossi aut carti-
 lagini fractæ cutis quoque vulnus accessit.
 id admodum raro fit. Si incidit, illa qui-
 dem nihilominus eadem ratione in suas se-
 20 des excitanda sunt: cuti vero superimponen-
 dum emplastrum aliquod ex his, quæ recen-
 tibus vulneribus accommodata sunt: sed in-
 super nullo vinculo deligandum est.

CAP. VI.

25 De Auribus fractis. a

- IN aure quoque interdum rumpitur car-
 tilago. Quod si incidit, antequam pus
 oriatur, imponendum glutinans medicamen-
 30 tum est. sæpe enim suppurationem prohi-
 bet, & aurem confirmat. Illud & in hac
 & in naribus ignorari non oportet; non
 quidem cartilaginem ipsam glutinari, cir-
 ca tamen carnem incrementum, solidarique
 eum

a Æginet. III. 23. Hippocr. de Articul. T.
 XXXV. Vectar. VI.

eum locum. Itaque, si cum cute cartilago rupta est, cutis utrinque sinitur. Nunc autem de ea dico, quæ, cute integra, frangitur. In ea vero si jam pus natum est, aperienda altera parte cutis, & ipsa cartilago 5 contra lunata plaga excidenda est: deinde utendum est medicamento leniter sanguinem supprimente, quale lycium est aqua dilutum, donec sanguis fluere desinat: tum imponendum linteolum cum emplastro, sic, ut 10 pingue omne vitetur: & a parte posteriore lana mollis auri subjicienda est, quæ, quod est inter hanc & caput, compleat: tum leniter ea deliganda est; & a tertio die, vapore, ut in naribus posui, fovenda. Atque 15 in his quoque generibus abstinentia primis temporibus necessaria est, donec inflammatio finiatur.

C A P. VII.

De Maxilla fracta, & quibusdam ad omnia ossa pertinentibus. a

20

AB his ad maxillam venturus indicanda quædam puto communiter ad omnia ossa pertinentia, ne sæpius eadem dicenda sint. Omne igitur os, modo rectum, ut lignum in longitudinem finditur; modo frangitur transversum; interdum obliquum: atque id ipsum nonnunquam retusa habet capita, nonnunquam acuta. quod 25 genus pessimum est: quia neque facile committuntur, quæ nulli retuso innituntur; & carnem vulnerant, interdum quoque nervum aut musculum. Quinetiam aliquan-

a *Æginet. VI. 92.*

quando plura fragmenta a fragmento fiunt. Sed in aliis quidem ossibus ex toto sæpe fragmentum a fragmento recedit. Maxillæ vero semper aliqua, parte etiam vexata, 5 ossa inter se cohærent.

Igitur inprimis digitis duobus utrinque prementibus, & ab ore, & a mento, omnia ossa in suam sedem compellenda sunt: deinde, si maxilla transversa fracta est (sub quo 10 casu fere dens super proximum dentem ec-cidit) ubi ea in suam sedem collocata est, duo proximi dentes, aut, si hi labant, ulteriores inter se * seta deligandi sunt. id in alio genere fracturæ supervacuum est. cæte- 15 ra eadem facienda. Nam linteolum duplex, madens vino & oleo, superinjiciendum est, cumque eo simila & thuris fuligo: deinde aut fascia, aut mollis habena, medio in 522, longitudinem incisa, ut utrinque mentum 16. 20 complectatur; & inde capita ejus supra caput adducta ibi ligentur.

Illud quoque ad omnia ossa pertinens dictum erit; famem primum esse necessariam: deinde, a die tertio, humidum cibum; sub- 25 blata inflammatione, paulo plenior, eumque, qui carnem alat: vinum per omne tempus esse alienum. Deinde tertio die resolvi debere; foverique per spongiam vapore calidæ; eademque, quæ primo foverant, superdari: idem quinto die fieri, & donec inflammatione finiatur; quæ vel nono die, vel septimo fere solvitur: ea sublata, rursus ossa esse tractanda, ut, si quod fragmentum loco suo non est, reponatur. neque id esse 30 sol-

* *Rhodius de Acia*, C. 15. p. 213.

solvendum, nisi duæ partes ejus temporis, intra quod quæque ossa confervent, transferint.

Fere vero inter quartumdecimum & unum & vigesimum diem sanescunt, maxilla, maxilla, jugulum, pectus, latum os scapularum, costæ, spina coxarum, os tali, calx, manus, planta: inter vigesimum & trigesimum diem, crura brachiaque: inter septimum & vigesimum & quadragesimum, humeri & femora.

Sed de maxilla illud quoque adjiciendum est, quod humidus cibus diu assumendus sit. Atque etiam, cum tempus processit, in lagano similibusque aliis perseverandum est, neque quicquam edendum, donec ex toto maxillam callus firmaverit. Itemque, primis utique diebus, habendum silentium.

C A P. VIII.

De Jugulo fracto.

JUGULUM vero, si transversum fractum est, nonnunquam per se recte coit, &, nisi movetur, sanari sine vincitura potest: nonnunquam vero, maximeque ubi motum est, elabitur; fereque id, quod a pectore est, super id, quod ab humero est, in posteriorem partem inclinatur. Cujus ea ratio est, quod per se non movetur; sed cum humeri motu consentit. Itaque, eo consistente, super id humerus agitatur. Raro vero admodum in priorem partem jugulum inclinatur; adeo ut magni professores nunquam

quam se vidisse memoriæ mandaverint. Sed locuples tamen ejus rei author Hippocrates est.

Verum, ut dissimilis uterque casus est, sic quædam dissimilia requirit. Ubi ad scapulas jugulum tendit, simul dextra manu plana propellendus in posteriorem partem humerus est, & illud in priorem attrahendum. Ubi ad pectus conversum est, ipsum quidem retro dandum, humerus autem in priorem partem adducendus est: ac, si is inferior est, non id, quod a pectore est, deprimendum est, quia immobile est; sed humerus ipse attollendus: si autem superior est, id, quod a pectore est, implendum lana, & humerus ad pectus deligandus est. Si acuta fragmenta sunt, incidi contra cutis debet; & ex ossibus ea, quæ carnem vulnerant, præcidenda; tum retusa ossa committenda sunt; & si quod ab aliqua parte eminet, opponendum est triplex linteolum in vino & oleo tinctum. Si plura fragmenta sunt, excipienda sunt ex ferula facto canaliculo, eodemque intus incerato, ne fascia diducatur. quæ jugulo composito circumdanda est sæpius potius, quam valentius. quod ipsum quoque in omnibus fractis perpetuum est. A dextro vero jugulo, si id fractum est, ad alam sinistram; a sinistro, ad dexteram, rursusque sub ala sua fascia dari debet: post hæc, si jugulum ad scapulas inclinatum est, brachium ad latus; si in partem priorem, ad cervicem deligandum est: supinusque homo collocandus. cætera eadem.

dem facienda , quæ supra comprehensa sunt .

2. *De diversis ossium curis .*

Sunt vero plura ossa fere immobilia , vel dura , vel cartilaginosa , quæ vel franguntur , vel forantur , vel colliduntur , vel finduntur , ut malæ , pectus , latum os scapularum , costæ , spina coxarum , os tali , calx , manus , planta . Horum omnium eadem curatio est . Si supra vulnus est , id suis medicamentis nutriendum est . quo sanescente , rimas quoque ossis , aut , si quod foramen est , callus implet . Si cutis integra est , & , os læsum esse , ex dolore colligimus , nihil aliud , quam quiescendum ; imponendumque ceratum est , & leniter deligandum , donec sanitate ossis dolor finiatur .

C A P. IX.

De Costis fractis . 2

PR O P R I E tamen quædam de costis dicenda sunt ; quia juxta viscera sunt , & gravioribus periculis is locus expositus est . Costa igitur interdum sic finditur , ut ne summum quidem os , sed interior pars ejus , quæ rara est , lædatur : interdum sic , ut eam totam is casus perruperit . Si tota fracta non est , nec sanguis expuitur , nec febricula sequitur , nec quicquam suppurat , nisi admodum raro , nec dolor magnus est ; tactu tamen is locus leviter indolefcit : sed abunde est eadem , quæ supra scripta sunt , facere ; & a media fascia incipere deligare , ne in alterutram partem hæc cutem inclinet . Ab uno vero & vigesimo die ,

2 *Æginet. VI. 96.*

die, quo utique os esse debet glutinatum, id agendum cibis uberioribus est, ut corpus quam plenissimum fiat, quo melius os vestiatur: quod illo loco tenerum adhuc injuriæ sub tenui cute expositum est. Per omne autem tempus curationis, vitandus clamor, sermo quoque, tumultus, ira, motus vehementior corporis, fumus, pulvis, & quicquid vel tussim vel sternutamentum movet: ne spiritum quidem magnopere continere expedit.

At, si tota costa perfracta est; casus asperior est. Nam & graves inflammationes, & febris, & suppuratio, & sæpe vitæ periculum sequitur, & sanguis spuitur. Ergo, si vires patiuntur, ab eo brachio, quod super eam costam est, sanguis mittendus est: si non patiuntur, alvus, tamen sine ullo aceri, ducenda est; diutiusque inedia pugnandum. Panis vero ante septimum diem non assumendus; sed una sorbitione vivendum: imponendumque ei loco ceratum ex lycio factum, cui cocta quoque resina adjecta sit, aut Polyarchi malagma; aut panni ex vino 253. & rosa & oleo; superque imponenda lana succida mollis, & duæ fasciæ a mediis oris, minimeque adstrictæ. Multo vero magis omnia vitanda, quæ supra posui; adeo, ut ne spiritus quidem sæpius movendus sit. Quod si tussis infestabit, ad id potio sumenda erit, vel ex trixagine, vel ex ruta, vel ex herba stœchade, vel ex cumino & pipere. Gravioribus vero doloribus urgentibus, cataplasma imponi quoque con-

veniet, vel ex lolio, vel ex hordeo, cui pinguis fici tertia pars sit adjecta. Et id quidem interdiu superjacebit: noctu vero idem aut ceratum, aut malagma, aut panni; quia potest cataplasma decidere. Ergo 5
quotidie quoque resolvetur, donec jam cerato aut malagmate possimus esse contenti. Et decem quidem diebus extenuabitur fame corpus; ab undecimo vero ali incipiet. ideoque etiam laxior, quam primo, fascia 10
sit, qua ligabitur. Fereque ea curatione ad quadragesimum diem perveniet.

Sub qua si metus erit suppurationis, plus malagma, quam ceratum ad digerendum proficiet. Si suppuratio vicerit, neque per 15
quæ supra scripta sunt, discuti potuerit; omnis mora vitanda erit, ne os infra vitetur: sed, qua parte maxime tumebit, demittendum erit candens ferramentum, donec ad pus perveniat; idque effundendum. Si nusquam tumor se ostendit, ubi maxime pus 20
subsit, sic intelligemus. creta cimolia totum locum illinemus, & siccarî patiemur: quo loco maxime humor intus perseverabit, ibi pus proximum erit; eoque uri debet. Si latius aliquid abscedet, duobus aut tribus locis erit perforandum; demittendumque linamentum, aut aliquid ex 25
penicillo. quod summum lino sit devinctum, ut facile educatur. Reliqua eadem, 30
quæ in cæteris adustis, facienda sunt. Ubi purum erit ulcus, ali corpus debet, ne tabes, perniciofa futura, id malum subsequatur. Nonnunquam etiam, levius ipso osse affecto,

affecto, & inter initia neglecto, non pus, sed humor quidam mucco similis, intus coit; mollescitque contra cutis. In qua simili uestione utendum est.

5

2. *De Spina fracta.* a

In spina quoque est, quod proprie notemus. Nam si quid ex vertebra excidit, aut aliquo modo fractum est, locus quidem concavus fit; punctiones autem in eo sentiuntur: quia necesse est ea fragmenta spinosa esse. quo fit, ut homo in anteriorem partem subinde nitatur. Hæc noscendæ rei causa sunt. Medicamentis vero iisdem opus est, quæ prima parte hujus capituli exposita sunt.

CAP. X.

De Humerorum, brachiorum, femorum, crurum, digitorum fractorum, vel evulso- rum, communibus curationibus.

20

SIMILES rursus ex magna parte casus curationesque sunt humeris & femoribus. Communia etiam quædam humeris, brachiis, femoribus, cruribus, digitis: si-
 25 quidem ea minime periculose media franguntur: at, quo propior fractura capiti vel superiori vel inferiori est, eo peior est. nam & majores dolores adfert, & difficilius curatur. Earum maxime tolerabilis est simplex, eaque transversa: peior, ubi obliqua, atque ubi fragmenta: pessima, ubi eadem acuta sunt. Nonnunquam autem fracta in his ossa in suis sedibus remanent: multo sæpius excidunt, aliudque super aliud effer-

30

L 1 2

tur.

a *Æginet. VI. 98.*

tur. idque ante omnia considerari debet: & sunt notæ certæ. Si suis sedibus sunt mota, resima, punctiōisq̃ sensum repræsentant, & tactu inæqualia sunt. Si vero non adversa, sed obliqua junguntur (quod fit, ubi loco suo non sunt) membrum id altero latere brevius est, & muscoli ejus tument.

Ergo, si hoc deprensum est, protinus id membrum oportet extendere. Nam nervi musculique, intenti per ossa, contrahuntur: neque in suum locum veniunt, nisi illos per vim aliquis intendit. Rursus, si primis diebus id omissum est, inflammatio oritur. Sub qua & difficile, & periculose, *V. supra* vis nervis adhibetur. nam distentionem nervorum vel * cancer sequitur; vel certe, cum mitissime agitur, pus. itaque, si ante reposita ossa non sunt, post eam reponenda sunt. Itendere autem digitum vel aliud quodque membrum, si adhuc tenerum est, etiam unus homo potest; cum alteram partem dextra, alteram sinistra prendit. Valentius membrum duobus eget, qui in diversa contendunt. Si firmiores nervi sunt, ut in viris robustis, maximeque eorum feminibus & cruribus evenit; habenis quoque, vel lineis fasciis utrinque capita articulorum deliganda, & per plures & in diversa ducenda sunt. Ubi vero paulo longius, quam naturaliter esse debet, membrum vis fecit; tum demum ossa manibus in suam sedem compellenda sunt: indiciumque ossis repositi est dolor sublatus. At membrum alteri

æqua-

* *Tulpius Observ. Lib. 4. Cap. 13.*

æquatum, involvendum duplicibus triplicibusve pannis in vino & oleo tinctis: quos lineos esse, commodius est.

Fere vero fasciis sex opus est. Prima
 5 brevissima adhibenda: quæ circa fracturam
 ter voluta sursum versum feratur, & quasi
 in cochleam serpat; satisque est, eam ter
 hoc quoque modo circuire. Altera dimidio
 longior ea: quæ, si qua parte os eminet,
 10 ab ea, si totum æquale est, undelibet super
 fracturam incipere debet, priori adversa,
 deorsumque tendere; atque iterum ad fra-
 cturam reversa, in superiore parte ultra
 priorem fasciam desinere. Super has inji-
 15 ciendum latiore linteo ceratum est, quod
 eas contineat. Ac, si qua parte os eminet,
 triplex ei pannus objiciendus, eodem vino
 & oleo madens. Hæc tertia fascia compre-
 hendenda sunt, quartaque, sic, ut semper
 20 insequens priori adversa sit, & tertia tan-
 tum in inferiore parte, tres in superiore
 a finiant: quia satius est sæpius circuire,
 quam adstringi: siquidem id, quod adstri-
 ctum est, alienatur, & cancro opportunum 294,
 25 est. Articulum autem quamminime vinci- 31.
 re opus est: sed, si juxta hunc os fractum 300,
 est, necesse est. 17.

Deligatum vero membrum in diem ter-
 tium continendum est. Eaque vinetura ta-
 30 lis esse debet, ut primo die nihil offende-
 rit, non tamen laxa visa sit; secundo la-
 xior; tertio jam pene resoluta. Ergo tum
 rursus id membrum deligandum, adjicien-
 daque prioribus quinta fascia est, iterum-

L 1 3 que

a Al. feriant:

que quinto resolvendum est, & tum sex fasciis involvendum, sic, ut tertia & quinta infra, cæteræ supra finiantur. Quotiescunque autem solvitur membrum, calida aqua fovendum est. Sed, si juxta articulum fractura est, diu instillandum vinum est, exigua parte olei adjecta, eademque omnia facienda, donec ab eo inflammatio solvatur, vel tenuius quoque, quam ex consuetudine, id membrum fiat. quod si septimus dies non dedit, certe nonus exhibet. tum facillime ossa tractantur.

Rursus ergo, si parum commissa sunt, committi debent: si qua fragmenta eminent, in suas sedes reponenda sunt: deinde eodem modo membrum deligandum, ferulæque superaccommodandæ sunt, quæ fissæ circumpositæque ossa in sua sede contineant: & in quam partem fractura inclinât, ab ea latior valentiorque ferula imponenda est. Easque omnes circa articulum esse oportet resimas, ne hunc lædant, nec ultra adstringi, quam ut ossa contineant: & cum spatio laxentur, tertio quoque die paulum habenis suis coartari; ac, si nulla prurigo, nullus dolor est, sic manere, donec duæ partes ejus temporis, quo os quodque confervet, compleantur: postea levius aqua calida fovere, quia primo digeri materiam opus est, tum evocari. Ergo cerato quoque liquido id *b* leniter est ungendum, perfricandaque summa cutis est; laxiusque id deligandum est. Tertio quoque die solvendum, sic, ut remota calida aqua,

b *Al.* pleniter

aqua, cætera eadem fiant; tantummodo singulæ fasciæ, quoties resolutæ fuerint, subtrahantur.

2. *De Humero fracto.* c

5 Hæc communia sunt: illa propria. Si-
quidem humerus fractus est, non sic, ut
membrum aliud, intenditur: sed homo
collocatur alto sedili, medicus autem hu-
miliore adversus. Una autem fascia, bra-
10 chium amplexa, ex cervice ipsius, qui læ-
sus est, id sustinet: altera, ab altera parte
super caput data, ibi accipit nodum: ter-
tia, vincto imo humero deorsum demittitur,
ibi quoque capitibus ejus inter se vinctis.
15 Deinde ab occipitio ipsius, minister sub ea
fascia, quam secundo loco posui, porrecto,
si dexter humerus ducendus est, dextro, si
sinister, sinistro brachio, demissum inter
femina ejus, qui curatur, baculum tenet:
20 medicus super eam fasciam, de qua tertio
loco dixi, plantam injicit dextram, si sini-
ster, sinistram, si dexter humerus curatur;
simulque alteram fasciam minister attollit,
alteram premit medicus: quo fit, ut leniter
25 humerus extendatur. Fasciis vero, si me-
dium aut innum os fractum est, breviori-
bus opus est; si summum, longioribus: ut
ab eo sub altera quoque ala per pectus ad
scapulas porrigantur. Protinus vero bra-
30 chium, cum deligatur, sic inclinandum est,
ut id, quod afficitur, ante fasciis quoque
sic figuratum sit, ne postea suspensum ali-
ter, atque cum deligabatur, humerum in-
clinet: brachioque suspenso, ipse quoque

L 1 4

hume-

c Hippocr. de Fract. T. VIII.

humerus ad latus leniter deligandus est. per
 quæ fit, ut minime moveatur: ideoque
 ossa sic se habent, ut aliquis composuit.
 Cum ad ferulas ventum est, extrinsecus esse
 earum longissimæ debent: a lacerto brevior- 5
 res; sed sub ala brevissimæ. Sæpiusque re-
 solvendæ sunt, ubi in vicinia cubiti hume-
 rus fractus est, ne ibi nervi rigescant, &
 inutile brachium efficiatur. Quoties solutæ
 sunt, fractura manu continenda; cubitus 10
 aqua calida fovendus, & molli cerato per-
 fricandus; ferulæque vel omnino non im-
 ponendæ contra eminentia cubiti, vel ali-
 quanto breviores sint.

De Brachio fracto. d 15

At, si brachium fractum est, in primis
 considerandum est, alterum os, an utrun-
 que comminutum sit: non quo alia in ejus-
 modi casu curatio sit admovenda; sed pri-
 mum, ut valentius *e* extendatur, si utrun- 20
 que os fractum est; quia necesse est minus
 nervos contrahi altero osse integro, eos-
 que intendente: deinde, ut curiosius o-
 mnia in continendis ossibus fiant, si neu-
 trum alteri auxilio est. nam, ubi alterum 25
 integrum est, plus opis in eo, quam in
 fasciis ferulisque est. Deligari autem bra-
 chium debet, paululum pollice ad pectus
 inclinato; siquidem is maxime brachii na-
 turalis habitus sit: idque involutum mi- 30
 tella commodissime excipitur. quæ latitu-
 dine ipsa brachio, perangustis capitibus
 collo injicitur: atque ita commode bra-
 chium ex cervice suspensum est. Idque

pau-
 d *Æginet. VI. 99.* e *Hippocrat. de Fractur.*
 T. IV. 9.

paulum supra cubiti alterius regionem pendere oportet.

4. *De Cubito fracto.*

Quod si ex summo cubito quid fractum sit, glutinare id vinciendo alienum est. fit enim brachium immobile. Ac, si nihil aliud quam dolori occurrendum est, idem, qui fuit, ejus usus est.

5. *De Cruribus Femoribusque fractis.* f

10 In crure æque ad rem pertinet, alterum saltem os integrum manere. commune vero ei femorique est, quod, ubi deligatum est, in canalem conjiciendum est. Is canalis ab inferiori parte foramina habere debet, per quæ, si quis humor excefferit, descendat: & a planta moram, quæ simul & sustineat eam, & delabi non patiatur: & a lateribus cava, per quæ loris datis, moræ quædam crus femurque, ut collocatum est, 20 detineant. Esse etiam is debet, a planta, si crus fractum est, circa poplitem; si femur, usque ad coxam; si juxta superius caput femoris, sic, ut ipsa quoque ei coxa insit. Neque tamen ignorari oportet, si femur fractum est, fieri brevius; quia nunquam in antiquum statum revertitur: summisque digitis postea cruris ejus insisti. ex quo multa debilitas est; fœdior tamen, ubi fortunæ negligentia quoque accessit.

30

6. *De Digito fracto.*

Digitum satis est ad unum g furculum deligari post inflammationem.

7. *Com-*

f *Æginet. VI. 102. Hippocr. de Fract. XXIII.*

g *Al. furunculum*

7. *Communes curationes ad humeros, brachia, crura, femina, digitosque confractos pertinentes.*

His proprie ad singula membra pertinentibus, rursus ista communia sunt: primis 5 diebus fames: deinde tum, cum jam increfcere callum oportet, liberalius alimentum: longa a vino abftinentia: fomentum aquæ calidæ, dum inflammatio eft, liberale; cum ea defuit, modicum: tum etiam 10 longior ulterioribus, e liquido cerato, membris, & mollis tamen unctio. Nec protinus exercendum id membrum, fed paulatim ad antiquos ufus reducendum eft.

Gravius aliquanto eft, cum offis fractu- 15 ræ carnis quoque vulnus acceffit; maximeque, fi id musculi femoris aut humeri fenferint. nam & inflammationes multo graviores, & promptiores caneros habent. Ac femur quidem, fi offa inter fe cefferunt, 20 fere præcidi necesse eft. Humerus vero quoque in periculum venit; fed facilius confervatur. Quibus periculis etiam magis id expositum, quod juxta ipfos articulos ictum eft. Igitur curioſius id agendum 25 eft, & per mediam plagam musculus tranſverſus præcidendus: ſanguis vero, fi parum fluxit, mittendus: corpus inedia in decimum diem extenuandum. Ac reliqua quidem membra lentius intendenda, & lenius 30 in his offa in ſuam ſedem reponenda ſunt: his vero neque intendi nervos, neque offa tractari, ſatis expedit. ipſique homini permittendum eft, ut ſic ea collocata habeat, quem-

quemadmodum minimum læduntur. Omnibus autem his vulneribus imponendum primo linamentum ex vino madens, cui rosæ paulum admodum adjectum sit: cætera eadem. Deliganda fasciis sunt, aliquanto, quam vulnus, laxioribus; scilicet laxius, quam si ea plaga non esset, quantoque facilius & alienari & occupari cancro vulnus potest. *h* numero potius fasciarum id agendum est, ut laxæ quoque æque contineant.

Quod in femore humerove sic fiet, si ossa forte recte concurrerint: sin aliter se habebunt, eatenus circumdari fascia debebit, ut impositum medicamentum contineat. Cætera eadem, quæ supra scripsi, facienda sunt. præterquam quod neque ferulis, neque canalibus, inter quæ vulnus sanescere non potest; sed pluribus tantummodo & latioribus fasciis opus est: ingerendumque subinde in eas est calidum oleum, & vinum; *i* magisque hoc. In principio fame utendum; vulnus calida aqua fovendum; frigusque omni ratione vitandum est, & transeundum ad medicamenta, quæ puri movendo sunt. Majorque vulneri, quam ossi cura adhibenda. ergo quotidie solvendum nutriendumque est.

Inter quæ si quod parvulum fragmentum ossis eminet, id, si retusum est, in suam sedem dandum: si acutum, ante acumen ejus, si longius est, præcidendum; si brevius, limandum, & utrumque scalpro lævandum: tum ipsum recondendum est. ac, si id manus facere non potest, vulsella, quali

h *Al.* numeris *i* *Al.* magisque in primo fame &c.

quali fabri utuntur, injicienda est acutæ ossis prominentis cuspidi, ab ea parte, qua sima est; ut ea parte, qua gibba est, emi- nens os in suam sedem compellat. Si id majus est, membranulisque cingitur, finire oportet has sub medicamentis resolvi, id- que os, ubi jam nudatum est, abscinde- re; quod maturius scilicet faciendum est. potestque ea ratione & os coire, & vulnus fanescere: illud suo tempore; hoc, prout se habet. 5 10

Nonnunquam etiam in magno vulnere evenit, ut fragmenta quædam velut emo- riantur, neque cum cæteris coeant. quod hic quoque ex modo fluentis humoris col- ligitur. Quo magis necessarium est, sæpius ulcus resolvere, quam nutrire: sequiturque fere, ut id os per se post aliquot dies ex- cidat; aut, cum jam ante misera conditio vulneris sit, tamen id interdum majus diu- turniusque faciat. Sæpe etiam integra cute os abrumpitur, protinusque prurigo & do- lor oritur. Quare solvere, si accidit, ma- turius oportet, & fovere aqua, per æsta- tem, frigida; per hiemem, egelida: deinde ceratum myrteum imponere. 15 20 25

Interdum fractura quibusdam velut acu- leis carnem vexat. Quo a prurigine & punctiõibus cognito, aperire id medicus, eosque aculeos præcidere necesse habet. Reliqua vero curatio in utroque hoc casu eadem est, quæ, ubi plagam ictus proti- nus intulit. Puro jam ulcere, cibus hic quoque utendum est carnem producenti- bus. 30

bus. Si brevius adhuc membrum est, & ossa loco suo non sunt, paxillus tenuis & lævissimi generis inter ea demitti debet, sic, ut capite paululum emineat; isque quotidie plenior adigendus est, donec par id membrum alteri fiat. Tum paxillus removendus, vulnusque sanandum est. Cicatrix vero inducta fovenda aqua frigida est, in qua myrtus, hederæ, aliæve similes verbenæ decoctæ sint: illinendumque medicamentum, quod siccet. & magis etiam hic quiescendum, donec id membrum confirmetur.

Si quando vero ossa non conferbuerunt, quia sæpe soluta, sæpe mota sunt, in aperto deinde curatio est. possunt enim coire. Si vetustas occupavit, membrum extendendum est, ut aliquid lædatur: ossa inter se manu dividenda, ut concurrente exasperentur, & si quid pingue est, eradatur, totumque id quasi recens fiat. magna tamen cura habita, ne nervi musculive lædantur. Tum vino fovendum est, in quo malicorium decoctum sit; imponendumque id ipsum ovi albo mixtum: tertio die resolvendum, fovendumque aqua, in qua verbenæ, de quibus supra dixi, decoctæ sint: quinto die idem faciendum, ferulæque circumdandæ: cætera, & ante, & post, eadem facienda, quæ supra scripsi. Solent tamen interdum adversa inter se ossa k confervere: eoque & brevius membrum, & indecorum fit; & si capita acutiora sunt, assidue puncturæ sentiuntur. Ob quam causam frangi

rursus

k *Al.* Cohærere vel coalescere

rursus ossa & dirigi debent. Id hoc modo fit. Calida aqua multa id membrum fovetur, & ex cerato liquido perfricatur, intenditurque: inter hæc, medicus pertractans ossa, ut adhuc tenero callo, manibus ea ducit, compellitque id, quod eminet, in suam sedem: & si parum valuit, ab ea parte, in quam os se inclinat, involutam lana regulam objicit; atque ita deligando, assuescere iterum vetustæ sedi cogit. 10

Nonnunquam autem recte quidem ossa conferbuerunt, superincrevit vero nimius callus; ideoque locus intumuit. Quod ubi incidit, diu leniterque id membrum perfricandum est ex oleo, & sale, & nitro; 15 multumque aqua calida salsa fovendum; & imponendum malagma, quod digerat; adstrictiusque alligandum: oleribusque, & præterea vomitu utendum. per quæ cum carne callus quoque extenuatur: confertque ali- 20 quid de sinapi cum ficu in alterum pariter membrum impositum, donec id paulum erodat, eoque evocet materiam. Ubi his tumor extenuatus est, rursus ad ordinem vitæ revertendum est. 25

C A P. XI.

De Ossibus luxatis.

AC de fractis quidem ossibus hætenus dictum sit. Moventur autem ea sedi- 30 bus suis duobus modis. Nam modo, quæ juncta sunt, inter se dehiscunt: ut cum latum os scapularum ab humero recedit; & in brachio, radius a cubito; & in crure, tibia a fura;

a fura ; & , interdum saltu , calcis os a talo ; quod raro tamen fit : modo articuli suis fedibus excidunt . Ante de prioribus dicam .

Quorum ubi aliquid incidit , protinus is
5 locus cavus est , depressusque digitus sinum invenit . deinde gravis inflammatio oritur ; atque in talo præcipue : siquidem febres quoque , & cancos , & nervorum vel distentiones , vel rigores , qui caput scapulis
10 annectunt , movere consuevit . Quorum vitandorum causa , facienda eadem sunt , quæ in ossibus mobilibus læsis . Atque id ubi incidit , protinus his locis imponenda , quæ supra proposita sunt , ut dolor tumorque
15 per ea tollantur . Nam diducta ossa nunquam rursus inter se junguntur ; & , ut aliquid decoris eo loco , sic nihil usus admittitur .

Maxilla vero & vertebræ , omnesque articuli , cum validis nervis comprehenduntur , excidunt aut vi expulsi , aut aliquo casu nervis vel ruptis , vel infirmatis ; faciliusque in pueris & adolescentulis , quam in robustioribus . Hique elabuntur in priorem & in posteriorem , in anteriorem & in
25 exteriorem partem : quidam omnibus modis , quidam certis . Suntque quædam communia omnium signa , quædam propria cuiusque . Siquidem semper ea parte tumor
30 est , in quam os prorumpit ; ea sinus , a qua recessit . Et hæc quidem in omnibus deprehenduntur , alia vero in singulis . quæ , simulatque de quoque dicam , proponenda erant .

Sed

Sed ut excidere omnes articuli possunt, sic non omnes reponuntur. Caput enim nunquam compellitur, neque in spina vertebra, neque ea maxilla, quæ, utraque parte prolapsa, antequam reponeretur, inflammatio- 5 nem movit. Rursum, qui nervorum vitio prolapsi sunt, compulsi quoque in suas sedes iterum excidunt. Ac, quibus in pueritia exciderunt, neque repositi sunt, minus quam cæteri crescunt: omniumque, quæ loco suo non sunt, caro emacrescit, magisque in proximo membro, quam ulteriore. utputa, si humerus loco suo non est, major in eo ipso fit macies, quam in brachio; major in hoc, quam in manu. Tum pro 15 sedibus, & pro casibus, qui inciderunt, aut major aut minor usus ejus membri relinquitur: quoque in eo plus usus superest, eo minus id extenuatur.

Quicquid autem loco suo motum est, ante 20 inflammationem reponendum est. Si illa occupavit, dum conquiescat, lacessendum non est: ubi finita est, tentandum est in his membris, quæ id patiuntur. Multum autem eo confert & corporis & nervorum 25 habitus. Nam, si corpus tenue, si humidum est, si nervi infirmi, expeditius os reponitur; sed & multo facilius excidit, & postea minus fideliter continetur. Quæ contraria his sunt, melius continent: sed id, quod ex- 30 pulsum est, difficulter admittunt. Oportet autem ipsam inflammationem levare, succida lana ex aceto superimposita: a cibo, si valentioris articuli casus est, triduo; interdum

dum etiam quinque diebus abstinere: bibere aquam calidam, dum sitis finiatur: curiosiusque hæc facere, his ossibus motis, quæ validis plenisque musculis continentur: 5 si vero etiam febris accessit, multo magis: deinde die quinto fovere ex aqua calida; remotaque lana, ceratum imponere ex cyprino factum; nitro quoque adjecto, donec omnis inflammatio finiatur. Tunc in- 10 frictionem ei membro adhibere: cibis uti bonis; uti vino modice: jamque ad usus quoque suos id membrum promovere; quia motus, ut in dolore pestifer, sic alias saluberrimus corpori est. Hæc communia sunt: 15 nunc de singulis dicam.

CAP. XII.

De Maxilla luxata, a

20 **M**AXILLA in priorem partem propellitur, sed modo altera parte, modo utraque. Si altera, in contrariam partem ipsa mentumque inclinatur: dentes paribus non respondent; sed sub his, qui secant, canini sunt. At, si utraque, totum 25 mentum inclinatur, & in exteriorem partem promovetur; inferioresque dentes longius, quam superiores excedunt; intentique temporum musculi apparent. Primo quoque tempore homo in sedili collocandus 30 est, sic, ut minister a posteriore parte caput ejus contineat, vel sic, ut juxta parietem is sedeat, subjecto inter parietem & caput ejus scorteo pulvino duro, eoque caput per ministrum urgeatur, quo sit immobilius.

M m

tum

a *Æginet. VI. 112.*

tum medici digiti pollices, linteolis vel fasciis, ne dilabantur, involuti in os ejus conjiciendi, cæteri extrinsecus admovendi sunt. ubi vehementer maxilla apprehensa est, si una parte procidit, concutiendum 5 mentum, & ad guttur adducendum est: tunc simul & caput adprehendendum, & excitato mento, maxilla in suam sedem compellenda, & os ejus comprimendum est, sic, ut omnia pene uno momento fiant. Sin 10 utraque parte prolapsa est, omnia eadem facienda; sed æqualiter retro est maxilla agenda. Reposito osse, si cum dolore oculorum & cervicis iste casus incidit, ex brachio sanguis mittendus est. Cum omnibus 15 vero, quorum ossa mota sunt, primo liquidior cibus conveniat, tum his præcipue: adeo ut sermo quoque frequens, motu oris temporum nervos lædat.

C A P. XIII.

20

De Capite luxato.

CAPUT duobus processibus in duos sinus summæ vertebræ demissis super cervicem contineri, in prima parte pro- 25 posui. Hi processus interdum in posteriorem partem excidunt: quo fit, ut nervi sub occipitio extendantur, & mentum petiori adglutinetur, neque bibere is, neque loqui possit, interdum sine voluntate se- 30 men emittat. quibus celerrime mors supervenit. Ponendum autem hoc esse credidi, non quo curatio ejus rei ulla sit; sed ut res iudiciis cognosceretur, & non putarent sibi me-

medicum defuisse, si qui sic aliquem perdidissent.

CAP. XIV.

De Spina luxata. a

5 **I**DEM casus manet eos, quorum in spina vertebræ exciderunt. Id enim non potest fieri, nisi & medulla, quæ per medium; & duabus membranulis, quæ per
10 duos a lateribus processus feruntur; & nervis, qui continent, ruptis. Excidunt autem & in posteriorem partem, & in priorem; & supra septum transversum, & infra. Si in utramvis partem exciderint, a posteriore
15 parte vel tumor, vel sinus erit. Si super septum id incidit, manus resolvuntur, vomitus, aut distentio nervorum sequitur, spiritus difficulter movetur; dolor urget, & aures obtusæ sunt. Si sub septo, femina re-
20 solvuntur, urina supprimitur, interdum etiam sine voluntate prorumpit. Ex ejusmodi casibus, ut tardius, quam ex capitis, sic tamen intra triduum homo moritur. Nam, quod Hippocrates dixit, vertebra in exte-
25 riorem partem prolapsa, pronum hominem collocandum esse, & extendendum, tum calce aliquem super ipsum debere consistere, & intus impellere: in his accipiendum est, quæ paululum excefferunt; non in his, quæ
30 toto loco motæ sunt. Nonnunquam enim nervorum imbecillitas efficit, ut, quamvis non exciderit vertebra, paululum tamen in priorem partem promineat. id non jugulat. Sed ab interiore parte non contingit

M m 2

quidem

a *Æginet. VII. 117.*

quidem propelli. Ab exteriori si quid propulsum est, plerumque iterum redit: nisi, quod admodum rarum est, vis nervis destituta est.

CAP. XV.

De Humero luxato. a

HUMERUS autem modo in alam excidit, modo in partem priorem. Si in alam delapsus est, ei junctus cubitus recedit ab latere, sursumque ad ejusdem partis aurem cum humero porrigi non potest, longiusque altero id brachium est. Si in priorem partem, summum quidem brachium extenditur, minus tamen, quam naturaliter; difficiliusque in priorem partem, quam in posteriorem cubitus porrigitur. 10 15

Igitur, si in alam humerus excidit, & vel puerile adhuc est corpus, vel molle, certe imbecillibus nervis intentum est, satis est collocare id in sedili; & ex duobus ministris alteri imperare, ut caput lati scapularum ossis leniter reducat; alteri, ut brachium extendat: ipsum posteriore parte residentem, humerum genu sub ala ejus cogere, simulque & latum os, & altera manu brachium ejus ad latus impellere. 20 25

At, si vastius corpus, nervive robustiores sunt, necessaria est spatha lignea, quæ & crassitudinem duorum digitorum habet, & longitudine ab ala usque ad digitos pervenit. in qua summa capitulum est rotundum, & leniter cavum; ut recipere particulam aliquam ex capite humeri possit: inque 30

a *Æginet. VI. 114.*

que ea bina foramina tribus locis sunt, inter se spatio distantibus; in quæ lora mollia conjiciuntur. Eaque spatha, fascia involuta, quo minus tactu lædat, ad alam a brachio dirigitur, sic, ut caput ejus summæ alæ subjiciatur: deinde, loris suis ad brachium deligatur; uno loco, paulum infra humeri caput; altero, paulum supra cubitum; tertio, supra manum, cui rei protinus intervalla tunc quoque foraminum aptata sunt. Sic brachium deligatum super scalæ gallinariæ gradum trajicitur, ita altæ, ut consistere homo ipse non possit; simulque in alteram partem corpus demittitur, in alteram brachium intenditur: eoque fit, ut capite ligni caput humeri impulsus in suam sedem, modo cum sono, modo sine hoc compellatur. Multas esse alias rationes, scire facile est uno Hippocrate lecto; sed non alia magis usu comprobata est.

At, si in partem priorem humerus incidit, supinus homo collocandus; fasciaque, aut habena, media ala circumdanda est, capitaque ejus post caput hominis ministro tradenda; brachium alteri; præcipiendumque, ut ille habenam, hic brachium extendat: deinde medicus, caput quidem hominis sinistra debet repellere; dextra vero cubitum cum humero attollere, & os in suam sedem compellere. faciliusque id in hoc casu, quam in priore revertitur. Reposito humero, lana alæ subjicienda est; si in interiore parte os fuit, ut ei opponatur; si in priore, ut tamen commodius deligetur.

tur. Tum fascia, primum sub ala obvoluta, caput ejus debet comprehendere, deinde per pectus ad alteram alam, ab eaque ad scapulas, rursusque ad ejusdem humeri caput tendere, sæpiusque ad eandem rationem circumagi, donec bene id teneat. Vinctus hac ratione humerus commodius continetur, si adductus ad latus sit, & ad id quoque fascia deligetur.

C A P. XVI.

De Cubito luxato. a

IN cubito autem tria coire ossa, humeri, & radii, & cubiti ipsius, ex his, quæ prima parte hujus voluminis posita sunt, intelligi potuit. Si cubitus, qui annexus humero est, ab hoc excidit, radius, qui adjunctus est, interdum distrahitur, interdum subsistit. In omnes vero quatuor partes excidere cubitus potest: sed, si in priorem prolapsus est, extensum brachium est, neque recurvatur: si in posteriorem, brachium curvum est, neque extenditur, breviusque altero est; interdum *b* febrem, vomitumque bilis movet: si in exteriorem, interioremve, brachium porrectum est, sed paululum in eam partem, a qua os recessit, recurvatur.

Quicquid incidit, reponendi ratio una est (neque in cubito tantum, sed in omnibus quoque membris longis, quæ per articulum longa testa junguntur) utrumque membrum in diversas partes extendere, donec spatium inter ossa liberum sit; tum

id

a Hippocr. de Articulis. T. XXI. & Vectar. T. IX. b Hippocr. de Artic. T. XXII. 1.

id os, quod excidit, ab ea parte, in quam prolapsus est, in contrarium impellere. Extendendi tamen alia atque alia genera sunt, prout nervi valent, aut ossa huc il-
 5 lucve se dederunt. Ac modo manibus foliis utendum est, modo quædam alia adhibenda.

Ergo, si in priorem partem cubitus prolapsus est, extendi per duas manus, inter-
 10 dum etiam habenis adjectis, satis est: deinde rotundum aliquid, a lacerti parte ponendum est, & super id repente cubitus ad humerum impellendus est. At in aliis casibus commodissimum est eadem ratione bra-
 15 chium extendere, quæ, fracto humero supra posita est, & tum ossa reponere.

Reliqua curatio eadem est, quæ in omnibus. Celerius tantum sæpiusque id resolvendum est; multoque magis aqua calida
 20 fovendum, & diutius ex oleo & nitro ac sale perfricandum. In cubito enim celerius, quam in ullo alio articulo, sive extra remansit, sive intus revertit, callus circumdatur, isque, si per quietem increvit, fle-
 25 xus illius postea prohibet.

C A P. XVII.

De Manu luxata. a

30 **M**ANUS quoque in omnes quatuor partes prolabitur. Si in posteriorem partem excidit, porrigi digiti non possunt: si in priorem, non inclinantur: si in alterutrum latus, manus in contrarium, id est, aut ad pollicem, aut ad mini-

M m 4 mum

a Hippocr. de Articul. T. XXIII. Vectar. X.

mum digitum convertitur, & reponi non difficillime potest. Super locum autem durum & renitentem ex altera parte intendi manus, ex altera brachium debet, sic, ut prona sit, si in posteriorem partem os excidit; 5
supina, si in priorem; si in interiorem exterioremve, in latus. Ubi satis nervi diducti sunt, si usque in alterutrum latus pro-
cidit, manibus in contrarium repellendum est. At his, quæ in priorem posterioremve 10
partem prolapsa sunt, superimponendum aliquid durum, idque supra prominens os manu urgendum est, per quod os vis adjecta
facilius in suam sedem compellit.

C A P. XVIII.

15

De Palma luxata.

IN palma quoque ossa interdum suis sedibus promoventur, modo in priorem partem, modo in posteriorem. In latus 20
enim moveri, paribus ossibus oppositis, non possunt. Signum id solum est, quod omnium commune est, tumor ab ea parte, in quam os venit: sinus ab ea, a qua recessit. Sed sine intentione, digito tantum- 25
modo bene pressum os in suam sedem revertitur.

C A P. XIX.

De Digitis luxatis.

557, 4.

AT in digitis totidem fere casus, eademque signa sunt, quæ in manibus. Sed in his extendendis non æque vi opus est; quod articuli breviores, & nervi
minus

30

minus validi sunt. Super mensam tantummodo intendi debent, qui vel in priorem vel in posteriorem partem exciderunt; tumque palma compelli: ut ita in locum, unde lapsus est digitus, restituatur.

C A P. XX.

De Femore luxato. a

10 **C**UM de humeris dixerim; de his quoque, quæ in cruribus sunt, videri possum dixisse: siquidem in hoc casu quædam similitudo est femori & humero, tibiæ & cubito, pedi & manui. quædam tamen separatim quoque de his dicenda sunt.

15 Femur in omnes quatuor partes promovetur: sæpissime in *b* interiorem; deinde in anteriorem; raro admodum in priorem, aut posteriorem. Si in interiorem partem prolapsus est, crus longius altero & valgus
20 est: extra enim pes ultimus spectat. Si in anteriorem, brevius, varumque fit, & pes intus inclinatur; calx ingressu terram non contingit, sed planta ima; meliusque id crus superius corpus, quam in priore casu, fert,
25 minusque baculo eget. Si in priorem, crus plicari non potest, extensumque alteri cruri ad calcem par est; sed ima planta minus in priorem partem inclinatur: dolorque in hoc casu præcipuus est; & maxime urina suppri-
30 mitur. Ubi cum dolore inflammatio quievit, commode ingrediuntur, rectusque eorum pes est. Si in posteriorem, extendi non potest crus, breviusque est; ubi consistit, calx quoque terram non contingit.

Ma-

a Æginet. VI. 118. b Hippocr. de Articul. T. LV. Vectar. T. XI.

Magnum autem femori periculum est, ne vel difficulter reponatur, vel repositum rursus excidat. Quidam semper iterum excidere contendunt: sed Hippocrates, & Diocles, & Philotimus, & Nileus, & Heraclides Tarentinus, clari admodum auctores, ex toto se restituisse memoriæ prodiderunt. Neque tot genera machinamentorum quoque, ad extendendum in hoc casu femur, Hippocrates, Andreas, Nileus, Nymphodorus, Protarchus, Heraclides, faber quoque quidam reperissent, si id frustra esset. Sed ut hæc falsa opinio est; sic illud verum: cum ibi valentissimi nervi musculique sint, si suum robur habent, vix admittere, ut reponatur: si non habent, repositum non continere.

Tentandum igitur est, & si tenerius membrum est, satis est habenam alteram ab inguine, alteram a genu intendi: si validius, melius adducent, qui easdem habenas ad valida bacula deligarint; tumque eorum fustium imas partes oppositæ moræ objecerint, superioresque ad se utraque manu traxerint. Etiamnum valentius intenditur membrum super scamnum, cui ab utraque parte axes sunt, ad quos habenæ illæ deligantur: qui, ut in torcularibus, conversi, rumpere quoque, si quis perseveraverit, non solum extendere nervos & musculos possunt. Collocandus autem homo super id scamnum est, aut pronus, aut supinus, aut in latus, sic, ut semper ea pars superior sit, in quam os prolapsus est; ea etiam inferior,

ferior, a qua recessit. Nervis extensis, si in priorem partem os venit, rotundum aliquid super inguen ponendum; subitoque super id genu adducendum est eodem modo, eademque de causa, qua idem in brachio fit; protinusque, si complicari femur potest, intus est.

In cæteris vero casibus, ubi ossa paululum inter se recesserunt, medicus debet id, quod eminet, retro cogere; minister contra coxam propellere. Reposito osse, nihil novi aliud curatio requirit, quam ut diutius is in lecto detineatur; ne, si motum femur fuerit adhuc laxioribus nervis, rursus erumpat. Potest tamen conditus, articulus medius aut summus canaliculo aliquo contineri.

CAP. XXI.

De Genu luxato. a

GENU vero & in anteriorem, & in posteriorem, & in posteriorem partem excidere, notissimum est. In anteriorem non prolabi, plerique scripserunt. potestque id vero proximum esse; cum ibidem opposita patella, ipsa quoque caput tibiæ contineat. Meges tamen eum, cui in anteriorem partem excidisset, a se curatum esse, memoriæ prodidit.

In his casibus intendi nervi rationibus iisdem, quas in femore retuli, possunt. Et id quidem, quod in posteriorem partem excidit, eodem modo rotundo aliquo super poplitem imposito, adductoque eo crure, recondi-

a *Æginet. VI. 119.*

conditur. Cætera vero manibus simul, tum ossa in diversas partes compelluntur.

CAP. XXII.

De Talo luxato.

TALUS quidem in omnes partes prolabitur. Ubi in interiorem partem excidit, ima pars pedis in exteriorem partem convertitur. Ubi huic contrarius casus, contrarium etiam signum est. At, si in prior- 10
rem partem prorumpit, a posteriore latus nervus durus & intentus est; simulque iis pes est. Si in posteriorem, calx pene conditur, planta major fit. Reponitur autem is quoque per manus; prius in diversa pede 15
& crure diductis. Et in hoc quoque casu diutius in lectulo perseverandum est; ne is talus, qui totum corpus sustinet, parum confirmatis nervis, ferendo oneri cedat, rursusque prorumpat. Calceamentis quoque hu- 20
milioribus primo tempore utendum; ne vin-
ctura talum ipsum lædat.

CAP. XXIII.

De Planta luxata.

PLAN TARUM vero ossa iisdem modis, quibus in manibus, prodeunt; iisdemque conduntur. Fascia tantummodo calcem quoque debet comprehendere: ne, cum mediam plantam, inumque ejus vin- 30
ciri necesse est, liber talus in medio relictus, materiam pleniorē recipiat, ideoque suppuret.

CAP.

CAP. XXIV.

De Digitis luxatis. a

5 **I**N digitis nihil ultra fieri debet, quam 552,
quod in his, qui sunt in manu, positum 30.
est.

CAP. XXV.

De his, quæ cum vulnere loco moventur. a

10 **H**ÆC facienda sunt in his casibus,
ubi sine vulnere ossa exciderunt: sæ-
pe tamen cum vulnere loco moventur. Hic
vero & ingens periculum est, & eo gra-
vius, quo majus membrum est, quove va-
15 lidioribus nervis aut musculis continetur.
Ideoque ab humeris, femoribusque, metus
mortis est; ac, si reposita ossa sunt, spes
nulla est: non repositis tamen, nonnullum
periculum est. Eoque major in utroque ti-
20 mor est, quo propius vulnus articulo est.
Nam Hippocrates *b* nihil tuto reponi posse,
præter digitos, & plantas, & manus, dixit:
atque in his quoque diligenter esse agen-
dum, ne præcipitentur ægri. Quidam bra-
25 chia quoque & crura reposuerunt: &, ne
cancri, distentionesque nervorum orirentur
(sub quibus in ejusmodi casu fieri solet mors
matura) sanguinem ex brachio miserunt.
Verum ne digitus quidem (in quo mini-
30 mum, ut malum, sic etiam periculum est)
reponi debet aut in inflammatione, aut po-
stea, cum jam vetus res est. Si quoque, re-
posito osse, nervi distenduntur, rursus id
protinus expellendum est.

Omne

*a Æginet. VI. 116. a Idem V. 121.**b Hippocr. Vætar. XIX. 5.*

Omne autem membrum, quod cum vulnere loco motum, neque repositum est, sic jacere convenit, ut maxime cubantem juvat: tantum ne moveatur, neve dependat. In omni tali morbo magnum ex longa fame præsidium est: deinde ex curatione eadem, quæ proposita est. Ubi ossibus fractis vulnus accessit, si nudum os eminent, impedimento semper futurum est, ideo, quod excedit, abscindendum est; imponendaque super arida linamenta sunt, & medicamenta non pingua; donec, quæ saltem esse in ejusmodi re sanitas potest, veniat. nam & debilitas sequitur, & tenuis cicatrix inducitur: quæ necesse est facile novæ postea pateat.

F I N I S.



BRE-

B R E V I O R A
V A R I O R U M A U C T O R U M
I N
C E L S I L I B R O S
S C H O L I A.

PAg. 10. lin. 22. *Quid optime digeratur*) Legi potest,
sed quam id optime digeratur. Jo. Cæsarius.

p. 10. l. 33. *Non eloquentia, sed remediis curari*)
Hinc Virgilius *mutas artes vocat*. XII. *Æneid.* Ca-
saub. Vide Reies Camp. Elys. jucund. Quæst. Quæst.
VII. pag. 61. & seqq.

p. 11. l. 1. *Discreta*) *Discretus* legit Cæsarius.

p. 11. l. 25. *Nam ne uterum quidem*) Auctor noster
uterum sumit pro ventre seu abdomine, ita enim
lib. IV. cap. 1. *At sub corde atque pulmone, transver-*
sum ex valida membrana septum est, quod a præcordiis
uterum diducit. Martial. l. 3. Epig. 71. Isidorus Orig.
XI. cap. 1. *Uterum solæ mulieres habent in quo conci-*
piunt, ad similitudinem cauliculi. (Martinius Cana-
liculi, forte cuniculi.) Tamen autores uterum pro u-
triusque sexus ventre plerunque ponunt, nec poetæ tan-
tummodo sed & ceteri. Doctissimus Casp. Bartholi-
nus *Exercitatione IX.* observat, Tacitum, *uterum Na-*
vis ob cavitatem dixisse; Lactantius de *Opificio Dei*
c. 11. *uterum* pro vesica aut simili cavo corpore po-
suit. Columell. XII. 4. *quod in utero dolii est*.

p. 19. l. 22. *Facilius in denso cælo, quam in tenui:*
facilius hieme, quam æstate:) Quibusdam videtur
hic legendum potius, *in tenui cælo, quam in denso:*
& *æstate, quam hieme*, propterea quod Hippocrates
dicat lib. I. *Aphor. Ventres hieme & vere sunt calidissi-*
mi.

mi . Quare per ea tempora alimenta copiosiora sunt exhibenda . Et Paulus Aegineta libro itidem primo cap. 53. Hieme quidem & fortiori exercitatione , & plenioris cibo utendum est . Nisi eo referas quod in denso cœlo & per hiemem corpora sunt robustiora , atque ideo etiam facilius quamlibet molestiam ferant . Cæsar.

p. 22. l. 17. *Gravibus*) Hic gravis opponitur salubri . *Const.* Sic ipse explicat pag. 24. *neque ex salubri loco in gravem , neque ex gravi in salubrem transitus satis tutus est .*

p. 25. l. 15. *Os amarum*) Modo biliosus non sit , nam *πικροχόλοις* adversatur inedia , Hippocrat. de Victu Acutor. Galen. Meth. Med. VIII. ergo hic Celsus indistincte . *Constant.*

p. 28. l. 15. *Somnus plenus*) Integer nec abruptus ante justum dormiendi tempus . *Constant.*

p. 36. l. 21. *Qui his opportunus est*) *Opportunus* pro *obnoxius* . Sic p. 42. l. 1. *Corpora periculis opportuna .* 81, 10. *Opportuniores injuriæ partes .* 194, 17. *Opportuniores nervos frigori reddit .* 199, 32. *Partes opportuniores vitio jam sævienti .* Casaub.

p. 42. l. 20. *Ex tempestatibus*) *Tempestas* non est proprie nomen simplex τὸ τὲ ἕτερος τεταρτομόριον , sed ὥρα , hoc est , ἡ ποικίλη κατὰς αἰσιν . Casaub.

p. 43. l. 3. *Regionum sorte*) Pro sorte situs & positura regionum pro climatis varietate . *Constant.*

p. 43. l. 16. *Corpus habilissimum*) Mediæ staturæ explicat Brodæus Miscel. l. 4. c. 19.

p. 45. l. 27. *Quam φρενίτην appellant*) φρενίτην tum hic tum alibi apud Celsum non Phrenesis , sed Phrenitis (ut & Hermolaus Barbarus nos admonet) legendum est . Quamvis apud Martialem Juvenalemque non Phrenitis , sed Phrenesis quoque legant . Idque tamen (ut Barbarus suspicatur) ex vulgari imperitorum consuetudine . Doctiores secundum Despauterium legunt , *Cum furor baud dubius , cum sit manifesta Phrenitis .* Cæsar.

p.46. l.26. *Glandulæ*) Nomen est hic partis , pro ejus morbo atque inflammatione . Hippocrat. *παρίσθαι* i. e. tonsillæ ἀντιάδες , pro parte autem l. 4. c. 1. *Constant.*

p.49. l.22. *Plana*) Prorsus legendum *plena* , hoc enim & Aphor. 11, 35. ubi *πάχος ἔχειν* , &c. & in Prognost. unde & sequentia desumfit . *Constant.*

p.50. l.19. *Sub fine*) Sub finem ; sic *κρίσιν* i. e. judicationem videtur appellare . *Constant.*

p.55. l.11. *Ad viscera transferūt*) Lumbos & ilia i.e. *χαγόνas* vel *κενέωνas* ut habet Hippocrates , & pro *φρένας* vel *διάπρυγνα* , id est , præcordia vel septum transversum , substituit viscera non mendacio sed innovatione . *Constant.*

p.56. l.30. *Diutius trahere*) Sicut dicimus Galli de male sano & affecto , *il traine toujours* , si quis in eo morbo diutius traxit . mox ; *autumno qui cætera anni parte traxerint* , resolvuntur . p.137. l.13. *ægri sub cautioribus medicis trahebantur* , & 138. l. 2. *ægros Medici diutius tractos non expediverunt* . *Casaub.*

p.57. l. 5. *Democritus*) Qui *ὡς ἀπὸ* scripserat , ut quibusdam placet . vid. *ad Laërt.* *Casaub.*

p. 57. l.6. *Certas notas esse , proposuit*) Scaliger ad Manilium l. v. pag. 308. putat , Celsum Democriti librum , *ὡς ἀπὸ* , quem Plinius Heraclidæ adscribit , indigitasse : verum refutat illustrissimum virum clar. Menagius in Observationibus ad Diogen. Laërt. Proœm. pag.5. Ed. Lond.

p. 57. l. 18. *Responderit*) Respondere Celso est *σχέζεσθαι* , vel potius commode cedere , *εὐοδῆσθαι* . & sic passim . *Casaub.*

p. 58. l.26. *Terram edunt*) Id est , malacia aut pica laborant .

p.59. l.4. *Et coxis est*) Coxas pro lumbis , ilia pro lumborum partibus mollioribus posuit . *Constant.*

p.59. l.7. *Desidendi*) Sic honeste *τὸ σκέζειν* exprimit . 86, 24. 224, 33. *Casaub.*

p. 62. l. 20. *Lienis tumet*) *Lienis pro lien* amat dicere Celsus . *Lienes male habent* . 74, 24. & 94, 6. 176, 22. Ita Cato de R. R. Cap. 157. *Si lienes turgent* . Casaub.


p. 62. l. 31. *In pectus*) *Pectus pro septo transverso* posuit . Constant.

p. 76. l. 3. *Isque morbus mediocris vix sanatur*) Ita Hippocrates Section. II. Aph. 42. in quem latius inquit Reies *Campi Elysi Fecundar. Quæstion. Quæstion. LXXIX.* Vide doctissimum Librum *Iusti Cornumini de Morbo Attonito* .

p. 80. l. 1. *Casibus*) Id est , capitis dolore, Aph. V, 68. oculorum , Aph. VI, 31. VII, 46. dysuria , Aph. V, 36. stranguria , Aph. VII, 48.

p. 82. l. 30. *Cucurbitularum vero duo genera sunt : æneum , & corneum .*) Quam frequens cucurbitarum , ut eas vocare amat Cælius Aurelianus , apud veteres fuerit usus norunt ii , qui in antiquis scriptoribus sæpius sese recreant ; testis est Plutarchus in Conviviis , qui dicit *propter usum non parum laudis id remedii genus invenisse* . Has vero in quovis corporis loco agglutinabant , defigebant , & accommodabant , uti loquitur Celsus , vel cum , vel sine ferro , seu scarificatione , quas *leves* vocat Cælius Aurelianus Acut. Morb. I. cap. 11. idque mediante aqua calida , uti refert Albucasis , vel igne , quas idcirco *arentes & siccatas* nominavit idem Cælius Aurelianus Acut. Morb. I. cap. 11. Materiam qua constabant duplicem vocat Celsus . De corneo autem cucurbitularum genere vide sis Thom. Bartholinum de Unicornu c. XXXII. & pag. 322. & seqq. formam vero describit clar. Snetius Antiquitatum Neomagens . pag. 80. hisce verbis : *Cucurbitulae sunt æneae aut figlinae , æneae tres , figlinae septem , forma omnes rotundae , fundo plano , tumido ventre , & in superioris orbis acclivis centro os habent rotundum & patens , quod pollicem crassiusculum admittit . Ligula parva angusto foramine iisdem pro manubrio*

nubrio est. Cujus e cimeliarchio, ut eo melius forma cucurbitularum appareat, effigiem hic apponi curavimus.



p. 91. l. 27. *Lecti fulcimentum*) Celsus accipit non pro fulcro lecti, sed pro quovis fulcimento quod pedi lecti, sive clinopodio subjicitur. Scaliger ad Manil. lib. 1. pag. 195.

p. 93. l. 8. *Arenæ calidæ*) De remedio calentium arenarum & arundinum Augustus apud Suetonium c. LXXX. & Gellius XIX, VIII. Casaub.

p. 95. l. 22. *Utriculi*) Vocantur ἀσχοί sive φασκοί πυρίατοί. Const.

p. 97. l. 20. *Infirmissimus, cibarius panis*) Joan. Cajus Tilebomenius in conjecturis ad Petronii fragm.

Tragurian. pag. 92. tollit distinctionem, & legendum putat, *infirmus cibarius panis*.

p. 97. l. 28. *Surculorum valentiores*) *Ἀκρόδρυα* intelligit *Casaub.*

p. 99. l. 16. *Elota quædam genera frumenti*) Eadem occurrunt infra 103, 16. 131, 9. & alibi passim. an hic cibus commune quid habet cum eo, quem vocamus Galli, *orge mondé*? namque non ex oryza solum, sed ex quovis alio etiam frumenti genere paratur. *Casaub.*

p. 99. l. 18. *Aqua madens panis*) Gall. *potage*, *Casaub.* Hunc unum eundemque esse, quem Galenus (lib. 1. c. 5. *de Alimentor. Facul.*) lotum, Plinius vero (XXII. c. 25.) panem aquaticum vocat, arbitrat *Mercurialis Variar. Lætion. lib. VI. cap. 17.* qui videndus est.

p. 100. l. 4. *Aqua levissima pluvialis*) Vide sis *Brodæi Miscell. l. 4. c. 38.*

p. 101. l. 25. *Trunculique*) Suspicio verbum *trunculi* corruptum esse hoc loco, & legendum esse *ventriculi*, idque *Pfelli* autoritate, apud quem legitur de ratione victus; inter ea quæ crudos humores generant; hoc modo: *Cæterorum animalium partes, ventres, intestina, vulvæ &c.* Et apud eundem non multo post; inibi, inter ea quæ nutriunt multum, & *omnium* inquit *volucrum ventres*. Non tamen me fugit esse doctissimum virum, qui priorem lætionem non improbet. Unde idem trunculos opinatur esse edulii genus frustulatim concisis carnibus constans. *Cæsar.*

p. 102. l. 23. *Petiolis*) Id est, parvis pedibus, a *Catone* *pedicini* in *L. de R. R.* appellati. *Const.*

p. 105. l. 29. *Lactentia*) *Leg. lactaria* & in hac & in sequenti proxime pagina. In historiis sæpe *lactarios* invenias & *dulciarios*. *Casaub.*

p. 110. l. 16. *Git.*) *Μελάνθιον*. sic & 233, 24. *Casaub.* Ita etiam explicat *Marcellus de Medicam. c. XXII. pag. 341.*

p. 118. l. 22. *Ego autem*) Notandum hic, isthæc a Celso dici non tanquam *παρὰ τὸν ἄνθρωπον*, sed potius tanquam Medico artis suæ bene gnaro ac sententiam super illis, quæ in controversiam venere, ferenti. Eandem elocutionem etiam infra videas 143, 24. 176, 1. *Casaub.*

p. 131. l. 8. *Intrita ex aqua calida*) *Ex vino*, infra 153, 13. Et est quidem elegans usus hujus voculæ *ex*, pro *σύν*, vel *ἐν*, apud *Celsum & Plinium*. Noster 344, 19. *emplastrum tetrapharmacum ex aceto subactum*, h. e. *cum*. mox, *terra ex aceto subacta*, h. e. *in*. sic & 361, 3. *Ex aceto terunt*. Vid. *Victor. Var. Lect. xxxii*, iv. *Casaub.*

p. 132. l. 22. *Potio esse debet magis liberalis*) *Liberalis* pro *copiosus & multus* vox Celso peculiaris. *Casaub.*

p. 138. l. 25. *Duo pitacia*) Hic pitacium non pro panniculo, sed corio medicamento illito, capiti aut præcordiis applicando positum rectissime observat Bynæus de Calc. Hebræor. l. 1. c. 2. ubi de pitacio multa.

p. 143. l. 12. *Altero quoque die*) Idem est ac si *tertio quoque die* diceret. 124, 21. *cibus tertio quoque die commodissime datur, ut alter febrem minuatur, alter viribus subveniat*. *Casaub.*

p. 148. l. 23. *Loqui aliena*) Expressio hæc est ab Hippocrate qui *ἀλλοφάσσειν* ait τὸς ὡς ἁφρονέοντας. *Casaub.*

p. 151. l. 7. *Caput impleatur*) Implere caput, hic pro fovere, rigare, *ἐμβρέχειν*. sic lib. 4. c. 2. *Const.*

p. 181. l. 21. *Ut ab egelidis tamen initium fiat*.) Ex hoc facile colligitur, falli eos, qui egelidum pro frigido usurpant, est enim *χλιαρὸς*. *Casaub.*

p. 182. l. 27. *Stomachus interior ad ventriculum feratur*) *Stomachus* Celso ipsa gula, per quam transeunt alimenta priusquam ad ventriculum veniant, qui vulgo *stomachus* appellatur. Medici vocant *œsophagum*. *Casaub.* *Lactant. de Opificio Dei c. xi. fistulam cibalem vocat*.

p. 182. l. 27. *Al. stomachum*) Stomachus hic pro ipsa gula accipitur ut & infra l. 4. c. 5. quamvis aliquando & pro ventriculi parte inferiore stomachi utatur Celsus, ut cum ait: *Stomachus vera intestinorum præcipuum est*. Constant.

p. 195. l. 25. *E pullis*) Alii *a pullis*; sed quidam libri scripti habent *apalis*: ut noster etiam quidam, satis antiquus & fidelis, qui servatur in Medicea Bibliotheca. Cum autem videatur alterum horum, id est aut *apalis*, aut *mollibus* scholion esse, verisimilius est Græcum ἀπαλοῖς declarationē fuisse latinæ vocis *mollibus*, quæ sequitur; quis enim unquam crederet, Romanum scriptorem, & eum quidem purum atque elegantem in media oratione sua Græcam vocem usurpasse, &c. *Victorius Variar. Lect.* lib. xxix. c. 3. Scribonius Larg. *Composit. Medic.* N. CIV. hac voce utitur: *Secundum quæ apala ova proderunt*. Ad quem locum multa congeffit doct. Jo. Rhodius, qui apud Celsum *bapalis* restituendum putat. *Cæl. Aurel. Acut. Morb.* 1, 10. *Marcell. de Medic.* Cap. 20.

p. 201. l. 5. *Pituitam citat*) Hoc est, *mover*, 211, 5. vel *trahit*, ut 211, 33. loquitur. admodum familiare hoc verbum Celso. 210, 7. *humorem citare*. 297, 6. *pus citare*. 450, 16. *sanguinem citare*. & alibi plurimis locis. *Casaub.* *dentem citat*, 383, 8.

p. 202. l. 8. *Aliis vero vinum*.) Columella de *Re Rustica*, lib. 12. cap. 32. commendat ex marrubio; cap. 33. vinum scylliten.

p. 202. l. 12. *Ex gingivis*) Hoc mihi sæpe evenit. *Casaub.* Jacobo Usserio hæc hæmorrhagia erat periodica, teste Arnoldo Bootio, *Observ.* cap. 7.

p. 207. l. 30. *Cutiliarum Sumbruinarumque*) Male quidam *Succutiliarum*. Ald. Manut. de *Quæsit.* per *Epist. Q. I.* Consule de *lacu Cutiliensi* Merulam *Cosmogr. Part. 2.* lib. 4. cap. 12.

p. 207. l. 31. *Sumbruinarumque*) *Subcutiliarumque* mihi legendum videtur. Nam cujusmodi sint *Sumbru-*

bruina aquæ, nondum apud quenquam reperi scriptorem idoneum & probatum: de *Subcutiliis* vero *Plinius* l. 31. c. 2. quas in *Salinis calidissimas* esse dicit, & *suctu* quodam corpora invadere, *apertissimas stomacho*, *nervis*, *universo corpori*. Idem & de *Cutiliis* l. 2. c. 97. & l. 31. c. 6. quas inibi *bituminatis*, aut *nitrosis bibendo utiles esse*, atque *purgationibus* tradit. De *Cutiliis* item *Vitruvius* l. 8. c. 3. ubi scilicet de aquæductibus tractat. *Cæsar*. Adde hic quæ habet *Lilius Gyraldus Dialogismo* X. pag. 424. Tom. 2. *Facis Critic*.

p. 213. l. 13. *Trunculorum*) *Ventriculorum* vel *tyrunculorum*. *Cæsar*.

p. 215. l. 10. *Venterque intentus est*) Ita *Cappadox* apud *Plautum* in *Curcul*. 2, 1.

Nam jam quasi zona liene cinctus ambulo.

Geminos in ventre habere videor filios.

Nihil metuo, nisi ne medius disrumpar miser.

p. 215. l. 16. *Exercitatione & labore*) Hoc remedium *Palinurus* præscribit *Cappadoci* (*Curcul*. 2, 1.) *ambula*, id *lieni optimum est*.

p. 224. l. 17. *Frequens dejiciendi cupiditas*) *Galen*. *ποδύμια τῆ ἀποπατεῖν*. *Casaub*.

p. 235. l. 18. *Nuclei pini*) Omne medium *nucleus* erat veteribus. *Celsus*, quem dixi, aliquoties similiter frequentaverat: at hodie *trunculi* reperies corrupte: *Internuculi* vero sive *nuclei* germanum esse, meliorum aliquando codicum opera monstrassee sperabo. *Pontan. ad Macrob. Saturn*. II, 14.

p. 235. l. 22. *Vitare autem oportet rutam, &c.*) Duo hic præcipit extrema cavenda *Celsus*, primum ne nimium exstinguentibus semen utatur medicamentis, inter quæ refertur *ruta*; dein ne supinus dormiat, qui situs seminis fluxum augere solet. Et *tmuller*. de seminis retentione læsa. An autem *ruta*, *mentha*, & aliæ plantæ calidæ venerem adaugeant, *bebetent*, atque *extinguere valeant* jucundissime inquit

Gaspar a Reies, Quæst. 44. Camp. Elyf. Jucund. Quæst. pag. 309.

p. 241. l. 17. *Herophilus, deductique ab eo viri*) Convenit cum Græca loquendi ratione καὶ οἱ ἀπ' αὐτῶν. *Casaub.*

p. 246. l. 30. *Sordes ex gymnasio*) Γασιὸν intelligit. *Casaub.*

p. 249. l. 2. *In uncia pondus &c.*) Multi sunt qui de ponderibus & mensuris medicis scripsere, quorum indiculus exstat apud Merklinum in Lindano Renovato. Omnium tamen, si Celsum spectamus, optimus est Joan. Rhodius, cujus dissertationem *de ponderibus & mensuris veterum Medicorum, imprimis Corn. Celsi*, edidit Th. Bartholinus Hafniæ 1672. quam huic nostræ editioni subjungere ipsa vetat crassities. Ad pleniorē vero ponderum notarum in Celso occurrentium notitiam Jo. Manardi epistolam, quæ est 4. lib. 18. adjicere consultum duximus.

J. M A N A R D U S .

J. P A U L O C A S T I L I O N O

S. D.

„ Alexandrum Capelinum, licet antea magna
 „ mihi familiaritate conjunctum, tua etiam causa
 „ benignissime excepi, quantumque pro tempore
 „ valui, salutis hominis consului: vix enim duobus
 „ diebus apud nos fuit. Ex eo poteris de mea vale-
 „ tudine intelligere. De Celsi vero characteribus
 „ quid sentiam, breviter subscribam. P. pondo in-
 „ telligo. χ vel * denarium, septimam videlicet
 „ (ut ipsemet seipsum declarat) unciae partem.
 „ Per notas quæ sequuntur, denariorum numerum
 „ accipio. Atque ut hæc exemplis reddantur cla-
 „ riora, ubi in primo malagmate lib. V. legitur,

„ *Æru-*

„ *Æruginis rasæ & thuris singulorū* P. χII. intelligo
 „ accipiendos singulorum, æruginis scilicet & thu-
 „ ris, binos denarios. Ceræ vero & squammæ VIII.
 „ subdit enim XVIII. Sicubi vero in antiquioribus
 „ exemplaribus, jamdiu videlicet excusis, scribun-
 „ tur duo *chi*, ut in malagmate sequente ad jecur
 „ dolens, per primum intelligo pondus denarii:
 „ per secundum, denariorum numerum, ut acci-
 „ piamus *lacrymæ balsami denarios duos & viginti*,
 „ & *costi* cum reliquis, quæ sequuntur, *sexdecim*.
 „ Simili modo in Andreæ malagmate ubi scribitur
 „ P. χχχ. intelligendum pondus viginti denariorū.
 „ Idem in similibus intelligendum, ita tamen ut
 „ sciamus per P. non semper simpliciter pondus ac-
 „ cipiendum, sed interdum pondo, hoc est, li-
 „ bram: ut in Moschi malagmate ubi scribitur
 „ P. II. ego duas libras intelligo: nisi forte in ex-
 „ emplari nota desit denarii, ut scilicet sit legen-
 „ dum P. χII. tunc enim duos denarios intelligere-
 „ mus. Ubi vero P. z. octavam partem libræ: vel
 „ si χ desit, octavam partem denarii: & pro trien-
 „ te, tertiam libræ partem.

„ Legitur & quandoque apud eundem Celsum,
 „ P. sextantem, ubi ego intelligo sextam libræ par-
 „ tem, binas videlicet uncias: sicut & per bessem,
 „ octo uncias. Hæc habui, alioqui in profitendi
 „ munere occupatus, quæ de ponderibus Celsi scri-
 „ berem. Si quid vero adhuc in his desideraveris,
 „ mihi per literas significato. Vale. Ex Ferra-
 „ ria, XII. Calend. Decembr. M. D. XXXIII.

Ad cætera vero quæ in Celso occurrunt intelligen-
 da faciunt Sorani Ephesii verba quæ subungere id-
 circo volumus Cap. xxiii. & Præfatio Plinii de Re
 Medica.

p. 250. l. 7. *Aut cerato*) Leg. ut *cerato*, sic enim
 sæpe emplastra ceratis emolliuntur. ut 517, 24. nec
 emplastra, sed & aliud, ut *cervicem liquido cerato*
 mol-

molliri dicit , p. 520 , 12. *Casaub.*

p. 253. l. 29. *Sub authore Medo*) Forte legendum *Medio* ; Plinius enim N.H. cap.4. lib. 20. Medium quendam producit . Galenus adversus Erasistratæos cap.2. (pag.409. Tom.x. Ed. Chart.) Medium quoque citat , quo tamen loco legendum *Μηδίας* putat Menagius ad Diogen. Laërtium pag.129. B. qui , an idem sint , an diversi hactenus expositum non est . nos nihil certi statuere possumus , expectantes avide Medicorum historiam a viris clarissimis Menagio & Meibomio pollicitam , qui nodum hunc forte sint soluturi .

p. 260. l. 22. *Choacon emplastrum*) Legendum fortassis *Cbiacum*, ut apud Georgium Vallam *de cura oculi*; nisi malis *Coacon* , quod inter Hippocratis opera liber habeatur , qui inscribitur *de Coacis prænotionibus* , unde nomen deductum videri potest . *Cæsar.*

p. 280. l. 19. *Athenionis*) de *Athenione* quodam , sed non Medico (reor) habes in vita Maximini patris & filii apud *Julium Capitolinum* . *Cæsar.*

p.286. l. 26. *Pars per naturam*) Eleganter non minus quam honeste genitales partes naturam vocavit . Sic etiam Cicero de Divinatione l. 2. c. 70. *Parere quædam matrona cupiens , dubitans , essetne prægnans , visa est in quiete obsignatam habere naturam* . Sæpius Plinius aliique . Hippocrates vero ea significatione usus est verbo φύσις . Hesychius Εσχάραι , πυρὰ ἐπὶ ἐδάφους ἀνδρακίαι , καὶ αἱ τῶν γυναικῶν φύσις ἐξώσσαι τετράγωνα . Hieron. epist. 61. *Pars corporis nostri secretior φύσις , a nobis natura dicitur* . Usurpaturque hæc vox tam de muliebribus quam virilibus partibus , uti in commentario ad Carm. xxxviii. Priap. videre est .

p.294. l. 32. *Sæpius fascia circuire debet*) Galli dicimus : *faire plusieurs tours* . p.533. l.8. *Casaub.*

p. 296. l. 22. *Ex aqua frigida*) Videtur ex hoc loco sibi contradicere auctor , siquidem l.3. c.9. dixit frigida

gida inimica vulneri, uti etiam docet Hippocrates Aph. V, 20. Quin mox præcipit ipse sanien aqua calida removendam, quoniam calor naturæ prodest. Sed scitissime Celsus aquam frigidam commendat, quia sanguinis timenda in vulneribus fluxio est, transtulitque hunc locum ex Hippocr. lib. de humid. usu T. xi, 27. τὸ δὲ ψυχρὸν πολέμιον καὶ κτεῖνον, πλὴν ὃ κόσα αἰμορροῖται ἐλπίς. Celsus pag. 293. *Levis plaga juvatur etiam, si ex aqua frigida expressa sponsa imponitur.* Confirmat hoc experimentum, quod refert Doct. Caspar Bartholinus *Exercitatione vii. pag. 129. Panarol. Pentec. v. Obs. 27.*

p. 305. l. 22. *In filice*) Vera lectio: *in filicis hastula.* De filice impacta corpori & arundine eadem habet Marcellus de Medicam. cap. xxxiv. & Plin. xxiv, xi. Casaub.

p. 309. l. 21. *Psylli*) Bochart. Hieroz. T. 2. l. 4. c. 19. p. 587.

p. 309. l. 21. *Psylli*) Miramur vulgo cum legimus, esse, qui venenatas bestias, & serpentes tuto tractent, & eorum venenum adimant. Desinet mirari qui Celsi hæc legerit. Sed & Dio quoque *Psyllis* aliud nihil tribuit, quam τὸ ἐκμυζᾶν. Hodie similis gens vagatur per Italiam, quæ a D. Paulo originem generis stulte refert. Casaub. De *Psyllis* vide Turneb. Advers. xvi, 6. Ettmuller. ad Schroder. p. 184.

p. 311. l. 3. *Spumet.*) Spumare hic est ζυμᾶσθαι, id est fermentari, Galen. de Atra bile. Constant.

p. 313. l. 6. *Cum incubant*) Bochart. Hieroz. Tom. 2. l. 3. cap. xi. pag. 415.

p. 319. l. 16. *Cæno simile*) Constans hæc fere lectio est. Ronssæus in marg. habet *ovo* vel *cavo*. Ego hætenus, quamvis locum sanum non putem, nihil muto. Vir quidam doctus margini editionis Cæsarianæ hanc transpositionem inscripsit: *Id ulcus inæquale est, inestque multus humor glutinosus, cæno similis, odor, &c.*

p. 322. l. 19. *Chironium*) Χειρώνιον ἑλκῶς, quidam ita dictum putant, quod *Chirone* Medico indigeat. Idem & τηλεφίον dicitur a *Telepho*, qui huic vitio obnoxius fuit. *Cæsar*.

p. 323. l. 5. *Ex frigore hiberno ulcera*) Hoc genus ulceris Græcis χίμετλον dicitur. *Hesychius* χίμετλον, inquit, τὸ ἐν χειμῶνι γερόμενον ἑλκῶς ὑπὸ ψύχου. Latinis autem *pernio* dicitur. *Cæsar*.

p. 335. l. 1. *Exigunt*) Editio 1497. Aldina 1528. hanc servant lectionem, alii tamen e codicibus malunt *adigunt*, alii *ambiunt*, minus, ut puto, recte, neque enim *radices exigere*, aut *adigere*, aut *ambire*, apud antiquos legitur, quapropter substituo vel *agunt*, vel *exserunt*, ita enim *Columella* l. 2. c. 10. de nasis quia non in ventrem lateſcunt, sed tenuem radicem deorsum agunt, & 5, 6. ac ne radices altius agunt, alibi exserere radicem dixit.

p. 336. l. 22. φλυζάκιον) *Galenus* Commentario IV. in Hippocrat. de Vi&. Ration. in morb. acut. ait φλυζάκιον significare φλυκταίνην, unum idemque esse pustularum genus. *Celsus* tamen distinguere in duo genera videtur.

p. 338. l. 33. *Sicut de pecoribus proposui*) Nullus dubito quin Auctor indigitat libros suos de *Re Rustica* quorum passim meminit *Columella*. An ad eos referri possit quod dicat lib. 4. c. 7. Attamen sine his rusticos nostros epota ex aqua trixago satis adjuvare dicitur, judicent docti.

p. 340. l. 3. *Sub authore Protarcho*) Ita infra 402, 17. *sub authore Dionysio*. *Casaub.*

p. 344. l. 8. *Ulcus durum*) *Bochart.* Hieroz. part. 2. l. 6. cap. 6. pag. 827.

p. 348. l. 3. *Votumque est*) Eleganter hoc positum pro eo, quod Græci dicebant ἀγαπητὸν ἀν εἶν. *Casaub.*

p. 350. l. 12. *Lana mollis bene carpta*) Cum lanam carpere dicatur de muliere nente ξανῆς, non videtur hæc interpretatio huic *Celsi* loco convenire, qui
de

de *lana* potius *carminata* est intelligendus. Equidem Latine dicimus, *lanam carpere*; sed an *carptam lanam* itidem dixerint Veteres, accuratiori indagatione indiget. *Casaub.*

p. 386. l. 28. *Rhus* quem *Syriacum* vocant) Vide sis de hac herba, Plinium lib. 24. cap. 11. Manardi Epistolam 4. lib. 1. qua contendit, voce Græca *rhos* scribendum esse. Rhodium in Lexico Scriboniano, & Bodæum a Stapel in Theophrasti lib. 3. cap. 18. Histor. Plantar.

p. 403. l. 28. Πτερύγιον Græci appellant) *Reduviam* vel *rediviam* vocant Latini. *Casaub.*


p. 411. l. 14. *Fortuna* huc illucve discernit) *Lege discernit*. *Casaub.*

p. 422. l. 29. Χαλάζια) Bochart. Hieroz. Part. 2. l. 5. c. 9. pag. 721.

p. 424. l. 7. Ρυάδα Græci vocant) *Rhyada* non *Rypada*, ut hætenus, legendum est, idque partim ratione vocabuli ad rei significationem alludentis, respondentisque, partim quod huic lectioni *Symon Genuensis* adstipulari videtur, ex sententia *Demosthenis* cujusdam, quem crebro ille citat, cujus & hæc verba citat, quibus *rhyada* ille ita describit: *Rhyas*, inquit, est *continuus lachrymæ fluor*. Quamquam dicat idem author, qualis qualis est, apud Celsum *rhypada* legi. Quin & huic sententiæ meæ adstipulari videtur *Hermolaus Barbarus* in suis *Corollariis*. Quid quod & apud ipsum *Galenum* l. 14. Θεραπευτικῆς legitur, ubi de oculorum vitiis agit, ρυάδεςque appellat, de quo hic differit *Celsus*, oculorum vitium. *Cæsar.*

p. 455. l. 34. Quæ ἐλυτροειδής) *Nicolaus Loënsis* cum quibusdam codicibus ἐρυθροειδής legendum esse putat, Miscellan. l. 9. c. 7.

p. 473. l. 6. *Infibulare quoque adolescentulos*) *Fibula* hæc simile aliquid habet iis, quæ vocamus *Cadenats*. Mira sunt, quæ super his narrantur de *Monachis Turcarum*. *Casaub.*



p. 477. l. 27. *Plaga lunata*) Vide sis Th. Bartholinum de Unicornu cap. 23. pag. 194.

p. 483. l. 3. *Hapsus lanæ mollis*) *Hapsus* est lanæ particula molliter in globulum formata. *Floccum* dicit *Plin.* 30, 15. reperitur præterea hæc vox etiã apud *Caprum de verbis dubiis*, & in *Glossario Isidori*, ubi tamen *hapsum* ἀντὶ τῆς *hapsus* scribendum esse docetur, ipsaque vox per *vellus lanæ* explicatur. *Casaub.*

p. 483. l. 3. *Hapsus lanæ mollis*) *Hapsus* non est πίλημα (lanas coactas Latini dicunt & coactilia) inepte enim dixisset *hapsum lanæ mollis*. quod coactum molle non est, sed durum. Est vero *hapsus* (παρὰ τὸ ἀπτομαὶ ἀψομαὶ) quantum lanæ uno runcinarum contactu & factu carminatores discriminarunt. Vulgo vocant *paumées* a palma. Ergo lanæ δράκνα & quantum vola capere possit per *hapsum* intelligo. usus est etiam ea voce lib. 4. cap. 6. *Constant.*

p. 488. l. 26. *Quod earum naturalia &c.*) Ἀτρήτες vocari, quos Latini *imperforatos* dicunt, unicuique notum est; at amplissimus *Gisb. Cuperus* in *Harpocrate* pag. 28, 29. novissimæ editionis, *Harpocratianos*, ejusmodi homines vocatos fuisse eleganter ex *Ptolomæo* demonstrat, quem locum etiam interpretatur *Rutgerius Variar. Lection.* lib. 3. c. 18. quod *concreti*, *consertum virginal*, *obsignata natura*, sint, exponit. de *Atretis* & *imperforatis* consule *Schenkium Observation.* l. 4. pag. 529. & seqq. ubi varia exempla recensentur; *Patinum Epistol. Gallicar.* No. 60. edit. tertiæ.

p. 489. l. 7. *Vel vulsella*) *Vulsella* quæ & *volsella* dicitur, instrumentum fuit veteribus usitatissimum, quo non modo partes tenebant aut emplastra, & oscicula ex vulneribus extrahebant, sed virgines quin & viri molliores illius ope pilos, tam e barba quam supercilio evellebant; unde *acum obliquam* apud *Juvenal.* Sat. 2. vers. 94. *volsellam* interpretatur *Ptolom.* *Flavius Conjectaneor.* c. 67. vide *Mercerum ad Ter-*

Tertullian. de Pallio pag. 768. Græcis vocatur in Philoxeni Glossario Τριχολειβίον, μαδισήριον. harum varias figuras in tyronum gratiam adpingi curavimus.

p. 491. l. 3. *Demitti debet uncus*) Mortui fœtus extractionem, uti & instrumenta, quibus veteres medici usi sunt, describit Tertullianus; cujus verba libro de Anima cap. 25. hæc sunt: *At quin & in ipso adhuc utero infans trucidatur, necessaria crudelitate, quum in exitu obliquatus denegat partum, matricida, ni moriturus. Itaque & inter arma medicorum & organum est, quo prius patescere secreta coguntur, tortili temperamento, cum annulo cultrato, quo intus membra caduntur anxio arbitrio, cum hebetè unco, quo totum facinus extrahitur violento puerperio. Est etiam æneum spiculum, quo jugulatio ipsa dirigatur, cæco latrocinio, ἐμβρυοσφάκτεν, appellant, de infanticidii officio utique viventis infantis peremptorium.*

p. 503. l. 24. *Scoptula operata*) Lego: *lata scapularum ossa* 526, 6. 542, 35. 548, 22. Vid. p. 506, 23. & 171, 5. ubi diserte dicit ὠμοπλάτας Græcorum Latine dici *ossa scapularum*. quare ista lectio procul dubio mendosa est, cum nunquam alibi hæc vox reperiatur. *Casaub.*

p. 515. l. 1. *Hippocrates memoriæ tradidit*) Locus est L. v. *Epidem.* Sed eum librum non esse genuinum Hippocratis fœtum existimant eruditi. *Casaub.*

p. 515. l. 4. *Levia ingenia, quia nihil habent, nihil sibi detrahunt*) Vid. *Plutarchum* lib. πῶς ἂν τις αἰσθοῖτο ἑαυτῷ προκόπτοντῳ ἐπ' ἀρετῇ. & *Quint. Inst. Orat. L. M. C. III.* *Casaub.*

p. 533. l. 24. *Alienatur*) ita infra p. 539, 7. *quanto facilius & alienari & occupari cancro vulnus potest.* *Casaub.*

p. 545. l. 33. *Scorteo pulvino*) Pulvinum scorteum vocat Criticus προσκεφάλαιον σκύπνον ἢ δερμάτινον, id est, coriaceum. *Constant.*

JOANNIS BAPTISTAE MORGAGNI
In Patav. Gymnasio Prim. Anat. Profefs. in
AUREL. CORNELIUM CELSUM

EPISTOLA

SECUNDA, & TERTIA

AD JOANN. BAPTISTAM VULPIUM

in ejusdem Gymnasii Anatomico Theatro
Publicum Incisorem.

Jo. Bapt. Morgagnus Jo. Bapt. Vulpio S. P. D.



I vales, bene est; ego quidem valeo. In hac vetusta Alexandri Paduani, Medici olim Doctissimi, Bibliotheca Celsi nostri exemplar inveni, calamo in membranis descriptum. Quod ut paulo attentius inspe- xi, cæpi suspicari, haud veram fortasse esse additam illam ab Henrico Stephano inscriptionem: Aurelii Cornelii Celsi de re medica libri octo, operis ab eo scripti de artibus, pars sexta. In fine enim IV. libri in hoc quidem codice scriptum est: Artium Aurelii Cornelii Celsi liber. VIII. Idem medicinæ liber. III. explicit feliciter; hisque numeris proportionem respondent qui ad plerorumque insequentium librorum calcem adscripti sunt; ut si hanc rationem sequamur, manifesto appareat, octo hos de re medica libros, quos, ut alias ad te scripsi, quinque de re rustica antecede- bant, non sextam operis ab eo scripti de artibus, verum secundam omnino partem fuisse.

Ex illis autem quæ iisdem meis ad te litteris ostendi, minus mihi in Almeloveenii editione probari, nonnulla sunt in quibus hunc etiam codicem inveni ab ea discre-

panthem, mecumque facientem. Neque enim ut illa habet (pag. 148. lin. 17.) assignari possunt; sed assignari non possunt: non (234, 3.) albæ violæ, sed albæ olivæ: non (307, 11.) feræ morsus habent; sed fere morsus habet: non (350, 30.) nisi immodica inflammatio; sed nisi modica inflammatio: non (410, 5.) fluens alvus exercuit; sed fluens alvus exhaurit: non (444, 16, 18.) Quod si fractum --- ut os; sed Quod si factum --- ut is: non (474, 27.) qui subinde ea extenuatur; sed quia subinde ea extenuatur: nec denique (522, 23.) exercitataæ nares, sed excitataæ nares.

*Verum hæc omnia etsi minime contemnenda sunt; nullo tamen pacto videntur mihi cum eo uno quod continuo exponam, comparanda. Memoria, opinor, tenes quod ad te scripseram, non modo de Almeloveeniana, sed de omnibus quas vidissem, Celsi editionibus verba faciens, minime videlicet a me dubitari, quin in libri 4. caput 20. quod est de Vulvæ, hoc est de Uteri, Morbo, temere a librariis contrusa essent quæ in illius calce leguntur de nimia urinæ profusione; quasi vero hoc mali viros nunquam, sed mulieres tantum corriperet, ut propterea inter peculiare earum morbos ita præsertim, nulla scilicet de viris mentione facta, a Celso referri potuisset. Accipe nunc quid ex hoc codice didicerim; intelliges enim, non solum conjecturam illam meam (quod levius est) veram fuisse, sed hoc insuper quod gravissimum, & inexpectatum omnino est, in his Celsi libris, quos nemo (quod sciam) non integerrimos unquam putavit, unum aut alterum caput deesse. Igitur in eo quod diximus, capite, ubi Lindenii, & Almeloveenii editiones hæc habent (pag. 234. lin. 1.) Si maligna purgatio est, subjicienda sunt * coercentia. Id faciunt etiam albæ violæ, nigrum &c; codex post illa verba, subjicienda sunt, non modo ingentem habet lacunam quidquid reliqui est in ea pagina obtinentem, & in proxima demum*

demum paginae initio, coeuntia. id faciunt etiam albæ olivæ: & nigrum &c; sed contra eam lacunam eadem manu in ora scriptum est: Desunt in vetustissimo exemplari duo folia. Hic ex me quæres, in iis duobus foliis quid scriptum a Celso fuisse, existimem. Ego vero etsi nequaquam dubitarem, quin absoluto primum quem instituerat, sermone de morbis qui cum ad uterum spectent, sunt mulierum peculiare, tum ad eos tractandos venisset quos ad proximas, sed utrique sexui communes partes, & nominatim vesicam referret, de cuius videlicet doloribus omnes, quantum memini, editiones, iis dumtaxat quas Lindenius, & Almeloveenius procurarunt, exceptis, hic ipsum exhibent ante loquentem quam de nimia urinæ profusione verba faciat; etsi, inquam, hæc conjectura assequeretur; tamen huius ipsius codicis adjumento comperi quæ essent hic a Celso reapse tractata. Cum enim libris singulis singulos peculiare Indices præponi, animadvertissem, capitum argumenta ex ordine commonstrantes, subiit eum consulere qui libro huic quarto præfixus est, si forte in ea parte integer esset quæ pars in libro desideratur. Hæc igitur, quam quidem ex minime interrupta numerorum serie integerrimam judicavi, ad hunc modum se habet.

CX. Vulva exulcerata est.

CXI. De Vesica.

CXII. De calculis in vesica.

CXIII. In omni dolore vesicæ.

Quæ cum ita sint, cumque numerus CX. in ora codicis eo in loco adscribatur, ut respondeat illis verbis (apud Almeloveenium pag. 233. lin. 26.) Si vero vulva exulcerata est; numerus autem CXIII. contra hæc ferme scriptus sit (p. 234. l. 7.) Præter hæc in omnibus vesicæ doloribus (vesicæ enim in codice legitur; non, ut apud Almeloveenium, vulvæ) hinc præclare, quot, & quæ desiderantur, intelligis, in eo loco, in quo aut nihil, aut unum, vel pauca certe verba deesse, Viri Exercitatissimi, atque Doctissimi existimabant. Is

enim qui primus Celsum formis descripsit, Nicolaus, & Lucas Ant. Junta sic ediderunt: subjicienda sunt coeuntia; Joannes autem Casarius, Gulielmus Pantinus, Henricus Stephanus, & Balduinus Ronssseus: subjicienda sunt coercentia. Vix Manutii in utraque editione, interjecta ad hunc modum lacuna, proposuerunt: subjicienda sunt *

coeuntia. Quæ lacuna sic contracta deinde fuit a Roberto Constantino, ut non aliquot, sed unum fere verbum desiderari, ostenderet, hoc videlicet modo: subjicienda sunt * coercentia, presertim cum hæc in libri margine apposuerit * menses evocantia, quasi ita nihil deesse, crederet, postremumque verbum coeuntia, ab aliis in coercentia, ab ipso in evocantia mutatum, ad sermonem de uteri vitiis pertineret, quod reapse ad caput pertinet vel de vesicæ doloribus, vel de calculis in vesica, enatisque inde noxis per medicamenta videlicet, ac victus rationem, & frequentiora Chirurgiæ auxilia oppugnandis; nam quæ curatio aut iis a quibus urina non redditur, aut calculosis, cum aliter, ut Celsus ipse ait, succurri non potest, a Chirurgo adhibenda sit, libro docet 7. capite 26.

Nunc illud, opinor, expectabis, ut scribam, an conjecturam aliam aliquam meam ejusdem codicis auctoritate comprobaverim. Neque enim ignoras, præter ea quæ in mea ad te Epistola attigi ut inter scribendum succurrerunt; plura adhuc esse quæ mihi quidem in Almeloveenii editione displiceant. Igitur cæteris in aliud tempus omnissis, unum in præsentia memorabo quod simul ad latinam linguam, simul ad rem nostram anatomicam pertinet. Almeloveenius in libri octavi capite primo (pag. 504. lin. 22.) Lindenium, ut solet, secutus, hæc edidit: Superius autem humeri caput rotundius, quam cætera ossa, de quibus adhuc dixi, verticillati scapularum ossi inferitur, ac majore parte extra id situm nervis deligatur. Manutii autem in utraque editione ad hunc modum proposuerant: - verticilla-

eillatis scapularum ossibus parvo excessu inferitur :
 ac maiore parte ex transitu nervis deligatur . Cum
his Constantinus fecit ; quanquam in margine adnota-
vit : parvo excessu deesse in antiquo Codice ; aliosque
legere incessu . Et Joannes quidem Cæsarius , atque
ante hunc Lucas Ant. Junta duas illas voces omise-
rant , cætera ut Manutii , edentes ; nisi quod pro ver-
ticillatis posuerant , verticulatis . Qua in re socios
habuerunt Gul. Pantinum , Henr. Stephanum , Bald.
Ronsseum , qui tamen parvo excessu non omiserunt ;
etsi Ronsseus in libri ora , esse qui omitterent , & qui
non verticulatis , sed verticillatis scriberent , indica-
vit . Ronssei scripturam secutus est PaWius , qui in
commentario ad hunc locum suo vocare Celsum , ait ,
 scapularum ossa verticulata , aut quia cervicibus
 prædita : aut a verticillis exstantium coracoidis &
 spinosi processuum ; verum enimvero quænam in his
 processibus partes sint quas verticilla vocemus , non do-
 cuit . Hanc ego tantam in eodem loco describendo varie-
 tatem cum attenderem ; pro ea qua solet peritia pruden-
 tiaque facere existimaui V. Cl. Jacobum Facciolatum ,
 cum se vehementer dubitare , mihi ostenderet , essetne in-
 ter latinas voces facile recipienda verticillatus , quam
 nimirum qui Lexicis inseruere , hoc uno Celsi loco incer-
 tissimæ procul dubio scripturæ niterentur . Cum vero
 idem miraretur , cur Almeloveenius verticillati scapu-
 larum ossi ; non verticillato , aut verticillatis sca-
 pularum ossibus ; edidisset , ac præterea ex me quære-
 ret , an potius vertebratis (quæ Pliniana vox est libro
 11. c. 37.) scapularum ossibus hic legendum esse , cen-
 serem ; memini me in ea quæ paulo superius (pag. 503.
 lin. 23.) de scapularum ossibus scripta sunt a Celso ;
 hunc enim in manibus habebamus ; continuo oculos con-
 jecisse , & Viro Doctissimo respondisse , mihi vero omni-
 no videri , vertici lati scapularum ossis esse legendum .
 Hæc enim illis de ossibus tradiderat Celsus : a cervice
 duo lata ossa utrinque ad scapulas tendunt : nostri

scutula operta ; ὀμωπλάτας Græci nominant . Ea in summis verticibus sinuata , ab his triangula , paulatimque lateſcentia ad ſpinam tendunt : ex quibus licet intelligi , eam horum offium partem , quam Anatomici ſolent ſcapulæ cervicem vocitare , Corn. Celfum nomine verticis appellaviſſe , ſive quod eam ſummam eſſe illo in offe , crediderit ; ſive quod ut in triangulo offe oppoſitam baſi , vel ut locum ſpectaverit in quo humeri caput vertitur , qua videlicet ratione Polorum uterque (quos alii pariter cardines vocant ab eorum ſimilitudine circa quos valvæ convertuntur) a Virgilio I. Georgic. vertex eſt dictus . Cum igitur ſcapulæ , ſive ut Celfus loqui mavult & in hoc capite (pag. 504. l. 3. ac l. 11.) & ad finem tum ſeptimi (p. 526. l. 6.) tum octavi (pag. 528. l. 6.) & ſub initium tum undecimi (p. 542. l. 33.) tum quintidecimi (pag. 548. l. 22.) lati ſcapularum offis ſinuatam cervicem paulo ante appellaverit verticem ; quid veri eſſe ſimilius poſſit , quam ut porro traditurus , cui parti ejusdem offis , humeri caput inferatur , ad hunc modum ſcripſerit : vertici lati ſcapularum offis inferitur ; præſertim cum in eo Librarii , dictata verba excipientes , perſæpe labi conſueverint , ut ex duabus vocibus unam facerent , & primam conſequentis vocis litteram ad præcedentis etiam poſtremam addentes , duplicarent , unde facillime nova hæc vox verticillatis effingi potuit . Nunc quam in codice ſcripturam offenderim , tibi fideliter describam : parvo exceſſu vertici latis ſcapularum offibus inferitur . ac majore parte : & tranſitu nervis deligatur . Illud quidem minime eſt diſſimulandum , in verſuum intercapedine auſum eſſe aliquem nonnulla addere , videlicet ſuper ultimam vertici litteram , litterulam s , & ſuper & , particulam alteram ex : quo de utroque additamento ſi forte quæris , quid ego ſuſpicer ; ſic habeto . Primum mihi tum codicem , ac ſupra deſcriptas & Almeloveenii , & cæterorum lectiones , tum ipſam anatomicen reſpicienti veri ſimillimum videri , ita a Celſo ſcriptum

ptum fuisse : vertici lati scapularum ossis parvo excessu inferitur , ac maiore parte extra situm , nervis deligatur ; neque enim (quod tu optime nosti) summa pars humeri ita in scapulae cervicem , ut summa pars femoris in ossis innominati acetabulum conditur ; sed parvo tantum excessu , idest ejus capitis quod ab interiore latere extuberat , portione immissa , maiore parte extra sita est , quam etiam ob rem nervis , idest ligamentis atque tendinibus , ne facile excidat , deligatur . Cum ergo Librarii voces illas extra situm describendo , ita vitiaffent , ut alii & transitu , ut Scriptor codicis , alii ex transitu , ut plerique , quibuscum facere codicis Emendator maluit , scriptum reliquerint ; nonnulli denique , in quibus Lindenius , & Almeloveenius , integro ea in parte exemplari usi , priores voces restituerunt , nisi quod perspicuitatis addendae causa , minus , ut puto , necessariam voculam id interjecere . Verba autem illa , parvo excessu etsi ad rem fideliter tradendam , necessaria sunt , iisque perbelle respondent quae sequuntur , maiore ex parte ; cum tamen aliquo in codice , ut supra diximus , omissa essent , minus mirandum est quod in hoc invenerim alium in locum transposita , unde Emendatori occasio data est existimandi , ea cum insequenti voce vertici esse conjungenda , quam propterea in verticis mutare maluit , haud animadvertens , unde factum esset , ut pro lati scriptum esset latis , & ne vox haec minime cohaereret cum voce ossis , hanc in ossibus esse mutatam ; cum tamen non modo alii codices , quibus auctoribus Lindenius , & Almeloveenius ediderunt , verticillati scapularum ossi , aliquanto meliorem in parte indicare possent scripturam ; sed ipse etiam Celsus , cum videlicet non de utroque , sed de alterutro osse humeri hic loquatur , insitum scribere non latis ossibus , sed lato ossi , vel ; quod eodem recidit ; vertici lati scapularum ossis , debuerit . Verum meas hasce conjecturas tanti facies , quanti volueris ; illud mihi satis est a te diligenter attendi , in

hoc codice non verticillatis, sed evidentissima certissimaque divisione legi vertici latis. Hac de re V. Cl. Jac. Facciolatum certiore facito, & meis verbis salvare jubeto. Vale.

Dabam Kal. Sextilib. MDCC XXI. ex Foro Livii.

Jo. Bapt. Morgagnus Jo. Bapt. Vulpio S. P. D.

QUæ nudiustertius duo tibi pollicitus sum, alterum ut quæ nuper Venetiis animadverti, superiorem Epistolam meam cum manu exarato Celsi exemplari conferendo, significarem, alterum ut V. Cl. Jacobi Facciolati ad quosdam Scriptoris ejusdem locos Animadversiones XV. longe doctissimas cum meis nonnullis exiguis illis quidem, sed tamen a te efflagitatis additamentis mitterem; ea his ipsis litteris ambo præstabo. Igitur exemplar id Celsi chartaceum est, illudque ipsum est quo apud Clericos Regulares (Tolentinos ibi vocant) se usum esse, tradidit Rhodius a; nam alterum, idque membraneum b, quod ibidem in Divi Antonii Bibliotheca, plurimis vetustissimis codicibus instructa, versaverat, in hujus incendio perit; quem casum hoc ægrius fero quod quæ illo ex codice excerpserat Rhodius, ea pariter cum Th. Bartholini c Bibliotheca conflagraverunt. Itaque cum Veneto hoc codice quidquid ex Foroliviensi adnotaveram, cum diligenter contenderem, etsi loca sane haud ita pauca inveni discrepantia; ea tamen octo quæ superioribus descripsi litteris, usque adeo (si demas septimum, cujus mihi lectio dubia fuit) mirifice vidi in his quidem verbis in quibus ab Almelo-
veenio

a Vid. Catalog. Auctor. ad Rhodii Scribonium.
b Ibid. & in Notis ad Compos. 20. Scribon. c Vid. Dissert. Th. Bartholini de Bibliothecæ Incendio.

veenio dissensi, inter se congruentia, ut cum in postremo, quem non satis accurate exscriptum forte ad te miseram, pro excitatæ perperam in illo codice scriptum sit excitat, sic in Veneto quoque sit scriptum; verba autem illa ad tertium locum pertinentia: omnis autem fere morsus habet quoddam virus, vetusta quidem, sed non eadem tamen manu, pariter (quod observatione dignum censeo) utroque in codice addita sint.

Sed jam illuc transeo quo properare te, scio, ad eam videlicet ingentem lacunam libri IV. Quid quæris? Longe ea in Veneto codice major est. Nam inter illa: Si maligna purgatio est, subjicienda sunt, atque hæc: coeuntia. Id faciunt &c. quæ nimirum verba tot Editiones conjunxere, albæ grandes paginae relictæ sunt quatuor cum dimidio. Et ne quis casu intermissas putet; hic quoque in margine eadem quæ cætera, manu scriptum est: Desunt in vetustissimo exemplari duo folia; Indicis autem huic libro præpositi quæ pars lacunæ responderet, ac iis quæ proxime antecedunt, & consequuntur, ita nimirum se habet.

CII. Vola (legendum Vulva, vel Volva) exulcerata est.

CIII. De Vesica.

CIII. De Calculis in vesica.

CV. In omni dolore vesicæ.

Vides, mi Vulpi, in iis quæ præcipua hic sunt, ut mirum in modum utrumque conveniat exemplar.

Restat locus ille de humeri, & scapularum ossibus. Sic autem inveni scriptum: parvo excessu verticillatis scapularum ossibus inferitur: ac maiore parte extransitu nervis deligatur. Non est meæ fidei quidquam, tecum præsertim, dissimulare; quin etiam Perhumanum ac Eruditum Virum amplissimæ eorum Clericorum Bibliothecæ Præfectum, qui mihi hæc omnia inspicienti describentique officiosissime aderat, rogavi, ut id recognoscere mecum vellet quod protinus subjiciam. Scilicet inter vertici, & latis subobscurum quoddam (qua-

(qualia in eo exemplari alibi quoque deprehenduntur) veteris lituræ vestigium est, quasi litterula fuisset erasa; eo tamen illud in loco est, ut littera l fuisse omnino non possit, sed brevior quædam instar litteræ s, ut mihi, verticis in hoc etiam codice scriptum facile fuisse; verticillatis certe non fuisse videatur.

Venio nunc ad eas de quibus initio dixi, Animadversiones, quæ quidem a Viro Doctissimo scriptæ sunt cum ut aliquot Celsi loca illustrentur, tum vero maxime ut dictiones aliquæ expendantur, quas optimi Latinitatis Magistri tanquam certas Celso tribuunt, ejusque auctoritate in linguam latinam inducunt. Has quoniam ante quatuor hos menses mihi perlegerat, cum Foroliviensi, & Veneto codice plerasque contuli, quos videlicet memoria comprehenderam, collaturus omnes, si quod nuper, atque adeo modo venit in mentem, id principio venisset, ut earum omnium exemplum ab Humanissimo Viro peterem, quod tecum in eorum commodum qui sive Cornelii nostri, sive linguæ latine sunt studiosi, communicarem. Eas hic fideliter adscribam, & fere singulis quæ mihi adnotata sint in Codicibus, probatisve Editionibus, aut Enarratoribus, subjiciam.

I. Lib. I. Præfat. pag. 7. l. II. Eorum posituram, colorem, figuram, magnitudinem, ordinem, duritiem, mollitiem, lævorem, confractum. Loquitur hic Celsus de partibus corporis humani; nec video, quem locum habeat *Confractus*, quæ vox, si Latina est, fracturam significat. Quinque editiones longe optimæ, quæ apud me sunt, Florentina princeps 1478. utraque Aldina 1528. & 1547. Gryphiana 1542. & Henrici Stephani 1567. habent *contactum*, quæ vox certissimæ Latinitatis est, & sensum reddit idoneum. Non dubito, quin Almeloveenius, præstanti judicio vir, probatis codicibus usus sit: sed hic aliquis diligentiam saltem illam desiderabit, quæ variantes lectiones complectitur, & ceteroquin Transalpinis ingeniis familiarissima est. Hanc si quis,

quis ex nostris damnavit unquam; in quo accusari solemus, ideo damnavit, quod sæpe vertitur circa levía. Ceterum cum aliquid hujusmodi contra vulgatas editiones in libros inducitur, tum vero non utilis modo, sed prorsus necessaria est; præsertim siquid inducatur ita novum, ut nullo præterea locupletis Auctoris testimonio confirmari possit. Talia enim non ad unum aliquem Scriptorem pertinent, sed ad communem totius linguæ rationem, qua de agitur. Exemplo esse possunt cum aliæ voces, quas deinceps recensebo, tum hæc ipsa *Confractus*, quæ Celsi auctoritate in egregium Basilii Fabri Thesaurum allata est, & reliquis Latinis fidei non dubiæ adnumerata.

*Editiones aliæ quinque, idest Juntæ, Casarii, Panti-
tini, Constantini, Ronssei, habent contactum; manifestum enim Operarum errorem puto quod in Juntina
legatur cortactum. Illud mirum est, Ronsseum in
libri margine addidisse: Per lævorem, & contactum,
asperitatem intelligit, & quod illi est contrarium;
quando Constantinus hæc adnotaverat: Contractum
(lege Contactum) exponunt asperitatem vel scabri-
tiem. Sed quis unquam ita usurpavit? in manuscri-
pto legitur contractum. Itaque confractum pro aspe-
ro & confragoso (quod lævigato opponitur) repono.
Hieronymus autem Rubeus in suis ad Celsum Annota-
tionibus cum hæc ferme ipsa Constantini verba, Aucto-
ris nomine dissimulato, retulisset, istiusmodi emenda-
tionem atque interpretationem satis sibi probabilem vi-
deri, negavit, hæcque subjunxit: Forte autem quia
quod contractum est, explicato & ob id lævi oppo-
nitur, per contractum poterit asperum intelligi.
Videtur igitur maluisse contractum, quam quidem vo-
cem in Veneto etiam codice invenimus. Hæc tamen eo-
dumtaxat protulimus, ut tu, mi Vulpi, intelligeres,
Constantinum non veterum exemplarium auctoritate, sed
conjectura ductum, ex contractum illam qua de agi-
tur,*

tur, vocem elicuisse, & huc primum induxisse, confra-
ctum.

II. Lib. 1. c. 3. sect. 2. pag. 28. l. 15. *Somnus plenus, & non multum nimis longus*. Celsi ipsius αὐτόγραφον producat oportet, qui velit nobis persuadere, hoc genus constructionis latinum esse. Quinque Editiones modo allatae ita habent: *somnus & plenus, & non nimis longus*.

Idemque omnino habent aliae praeterea quinque Editiones quas supra memoravimus.

III. Ibidem sect. 7. pag. 31. l. 30. *Humidant autem corpus labor &c.* Hic quoque in quinque Editionibus meis aliter legitur: *Humidum autem corpus efficit labor &c.* Miror autem, ex quo codice verbum hoc *Humido* exierit, & non modo in Celsum, sed & in Basil. Fabri Thesaurum irrepperit ad augendum latinum sermonem. Ego vel inter barbara, vel inter dubia referendum crediderim.

In hoc etiam loco nostrae Editiones nihil discrepant a quinque illis quae in Animadversione indicantur.

IV. Lib. 3. c. 21. pag. 163. l. 34. *Utilis quotidianus, aut altero quoque die post cibum vomitus est*. Quinque Editiones meae habent: *Alternis quoque die*. Itaque Petrus Danetius in suum Lexicon ad Usus Delphini novam hanc vocis *Alternus* Constructionem inducit. Sed latino ingenio satis apparet legendum *altero*, undecumque tandem Almeloveenius acceperit.

Ne hic quidem nostrae discrepant Editiones. Constantinus tamen, atque Ronssseus in libri ora adscripserant, altero. Idque receptum est a Lindenio, cujus nimirum Editionem cum plerisque aliis in locis, tum in iis certe omnibus qui hisce Animadversionibus XV. expenduntur, fideliter expressit Almeloveenius.

V. Eodem lib. 3. c. ult. sect. 2. pag. 180. l. 1. *In lectulo leniter satis diu corpus perfricandum est; deinde retento spiritu in ipsa exercitatione potius superiores partes*

tes

tes movendæ. In omnibus libris duo hæc membra ita dividuntur, sed vereor, ut satis recte: nam *spiritus retentio* non videtur locum habere in ea exercitatione, qua superiores partes moventur, cujusmodi est pilæ ludus, & similia, ut colligitur ex hoc eodem Celsi capite sect. 3. *Pila, similibusque superiores partes dimovendæ*. & ex lib. 1. cap. 6. *Opus est pila, similibusque superiores partes exercere*. Igitur aliter dividendum puto, & ita legendum: *In lectulo leniter satis diu corpus perfricandum est, deinde retento spiritu: in ipsa exercitatione potius superiores partes movendæ*. Id est lenis fricatio satis diu adhibenda est, deinde vehementior per spiritus retentionem, qua uti athletas consuevisse, cum fricantibus intercepto spiritu obnitebantur, scribit Plutarchus de tuend. Valet. Hujus fricationis meminit etiam Cælius Aurelianus de tard. pass. l. 3. c. 1. *In lenimento vero si passio tardaverit, erit adhibenda resumptio gestatione, vocis exercitio, deambulatione, unctione, fricatione corporis retento spiritu*. Etiam verba *In ipsa* laborantendi suspitione; nam in omnibus editionibus meis est *Ab ipsa*; quod genus constructionis aliquanto rarius est, sed tamen latinum. Sic Cicero in Bruto c. 16. *Græcus ab omni laude felicior*. Idem ibid. c. 43. *A Philosophia, a Jure Civili, ab Historia instructior*. Avienus fab. 31. *Ausus ab exiguo fallere dente bovem*. Sensus igitur est: per exercitationem, seu in ipsa exercitatione curandum esse, ut superiores potius partes, quam inferiores agitentur. Porro autem superiores partes, quæ pila exercentur, sunt cervix & brachia. Hinc Athenæus αλεπν. l. 1. c. 12. in hoc ludo maxime commendat τὸ κατὰ τὰς τραχηλιασµὸς ῥωµαλέον, id est robur cervicis, quod acquiritur per multiplicem ejus flexionem.

In verbis Celsi supra allatis ex sect. 3. hujus capituli, in quo hætenus versati sumus, animadvertendum est verbum *Dimoveo* pro simplici *moveo*, agi-

ro, *exerceo* : neque enim similia exempla facile occurrent.

Foroliviensis codex proposita verba sic dividit : perfricandum est . deinde retento spiritu ab ipsa exercitatione &c. *Venerus autem sic* : perfricandum est : deinde retento spiritu ab ipsa exercitatione &c. *Illum Junta Editio representat ; hunc, Pantini . Sed quas Casarius, Constantinus, ac Ronsseus procurarunt, ea vero sic habent* : perfricandum est, deinde retento spiritu, ab ipsa exercitatione &c; quod nisi casu atque incuria factum est ; dubium iis Viris fuisse, ostendit, ad perfricationem, ane ad exercitationem illa esset retentio spiritus referenda . Quamvis enim Caelius Aurelianus in libro etiam 4. Chronion, c. 7. fricationem cum retentione spiritus imperet, imo noster quoque Celsus, etiam in hoc ipso libro 3. c. 21. (pag. 162. lin. 14.) superiores maxime partes sic, *ajac*, esse perfricandas, ut spiritum æger ipse contineat, in proximo autem capite 22. (p. 172. l. 1.) ipsum se, suppresso spiritu perfricare, jubeat ; tamen & idem Caelius lib. 3. c. 2. non modo unctionem ac defricationem, sed & eos motus imperat, qui magis humeros valeant exercere, retento spiritu, & idem Celsus lib. 4. c. 2. sect. 3. (p. 190. l. 24.) exerceri, jubet, retento spiritu, capite autem 4. (p. 201. l. 8.) spiritu retento currere . Quid ergo est ? Mihi quidem totum hunc locum, & quæ consequuntur, perpendenti, vel ipso (ut cætera prætermittam) aurium judicio multo magis placet ita dividere, uti in Animadversione propositum est .

Voces autem illas, ab ipsa, non modo in Codicibus, ut ostensum est, verum etiam in meis omnibus Editionibus inveni . Ronsseus quidem in margine admonuit, esse oblitterandas, secutus, opinor, Constantinum, qui tamen id dumtaxat de præpositione ab monuisse videri potest . Sed, in ipsa, nemo ; quod sciam ; aut scripsit, aut scribendum esse, docuit ante Lindenium .

Cæte-

Cæterum quo rariora apud alios idoneos Scriptores exempla occurrunt verbi dimoveo pro simplici moveo, agito, exerceo usurpati, eo crebriora apud Celsum videor invenisse. Nunc tria quæ succurrunt, adscribam; tu alia perquires. Lib.1. c. 6. (pag. 37. lin. 20.) neque ambulatione quamvis leni dimoveri. Lib. 2. c.14. (p. 90. l. 11.) manus dimovendæ sint. L. 4. c.7. (p. 212. l. 8.) ægrum intra domum tantum dimovere.

VI. Lib.4. c. 16. pag.226. l.15. *Quidquid assumptum est, inconfectum protinus reddunt.* Animadversione digna est vox *Inconfectus*, quæ elegantem hoc loco significationem habet; sed tamen non debuit in Juncherianum Latinitatis Theatrum cum certis referri; nam nec alibi occurrit, & hic Editiones meæ magno consensu habent *Imperfectum*. Quæ quidem lectio non admodum mihi probatur; attamen est hujusmodi, ut indubitata postulantibus negotium exhibere debeat.

Meæ quoque omnes Editiones habent, imperfectum. Quod in Codicibus etiam vidi; non inconfectum.

VII. Lib 7. c.7. sect.1. pag.422. l.1. *Superinungi collyrio debet ex iis aliquo, quo lippientes oculi superinunguntur.* Ad verbum *Superungo* in Theatro Juncheriano, & Fabri Thesauro affertur locus hic. Revera codices variant; & siquidem Scribonius Largus compos. 29. scripsit *superunctum*, non est temere huic verbo auferenda Romana Civitas. Tutius tamen adhibetur *superinungo*, quod hic habent meliores libri, quod repetitur a Celso l.6. c.6.sect.1. quod usurpat etiam Largus compos. 27. Non est prætereundum, verba hæc Celsi, quæ duo membra complectuntur, in Theatro Juncheriano partim ad Celsum, partim ad Largum referri, ut verbum *Superungo* bina auctoritate nitatur. Sed vix credibile est, quam multa in lexicis excudendis peccentur ab Operis.

Edi-

Editiones omnes meæ & superungo, & superinungo exhibent in hoc uno loco. Sic enim proponunt: superungi collyrio debet ex iis aliquo, quo lippientes oculi superinunguntur. Funtina tamen, quam utraque Manutiorum imitata est, sic habet, super ungi -- super inunguntur. Codices quos in altero forte loco inspexi, quem Animadversio quoque memorat (lib. 6. c. 6. sect. 1.) in eo quidem congruunt quod ambas voces in unum jungunt; sed hoc tamen discrepant quod Foroliviensis habet, superinungi; Venetus, superungi. Pariter apud Largum, ut non modo Compos. 27. lego superinungantur, sed etiam Comp. 26. superinungere; sic Comp. 29. in quatuor meis Editionibus, & his quidem Crasandri A. 1529; Manutiorum A. 1547; Stephani A. 1567; Rhodii A. 1655; constanter lego, superunctum.

VIII. Eod. lib. 7. c. 7. sect. 8. pag. 428. l. 1. *Sub ipsis pilorum radicibus angulo immittenda est, ut ea tertiam partem palpebræ transvehat. Non puto, vocem hanc ultimam retineri posse, quamvis etiam in Fabri Thesaurum postrema editione recepta fuerit. In Gryphiana, & aliis quibusdam legitur transuat, quod consonum est verbis paulo post sequentibus: Quidam ajunt, acu transui juxta pilos exteriorem partem palpebræ oportere. Acus autem, & quodlibet instrumentum acui simile transuere dicitur, quoties perforat, tametsi filo careat. Siquis pro transuebat pugnare velit, is ostendere debebit, verbum hoc neutrorum more usurpari posse. In eodem Fabri Thesauro habetur & Traveho, quod firmatur Varronis auctoritate tanquam certa ex lib. 2. R. R. c. 7. Flumen travebundum est. Verum in Editione Veneta principe, & in Aldina leg. Trajiciendum.*

In Foroliviensi codice legimus, transuebat; in Veneto, transueat. Illius scripturam habent Editiones Junta, Casarii, Stephani; hujus ambæ Manutiorum. Pantinus tamen, Constantinus, Ronseus ediderunt,

runt, transeat; hic etiam, in margine adscript, transeat.

IX. Eod. lib. 7. c. 9. pag. 440. l. 8. *Quod etsi in levi mutilatione &c.* Per hunc unum Celsi locum vox *mutilatio* inter latinas obrepfit, & in Juncheri Fabri Thesauro sine ulla controversia sedem posuit. At mihi dubia erit, donec certiore auctoritate firmetur. Hic enim quinque Editiones meæ habent: *Quod in levi mutatione &c.*

Idem habent quinque aliæ meæ; quanquam Constantinus, atque Ronssseus in libri ora scripserunt, *mutilatione*. Quam ego vocem in neutro codice inveni; sed in utroque, *mutatione*.

X. Eod. lib. 7. c. 12. sect. 2. pag. 445. l. 14. *Ἀντιάδες* autem a Græcis appellantur. Græci dicunt *Ἀντιάδες* (vel *παρίσθμια*, ut est apud Pollucem lib. 2. c. 4. sect. 201.) faucium tumores post hypoglottida utrinque prominentes, ab *ἀντιάζω*, *adversus sum*, quod hic morbus rebus glutendis adversetur, vel ut docent Grammatici, ἀπὸ τῆ φάνεσθαι ἀντίας ἀλλήλας κατὰ τὴν διάνοιξιν τῆ σόματος, quod appareant invicem oppositæ aperto ore. Basilii Fabri Thesaurus recepit hanc vocem inter latinas, fortasse quod in Florentina Celsi Editione 1478. latinis litteris scripta sit. Verum Typographus ille Græcis typis carebat, ideoque non hanc solum, sed omnes Græcas voces latinis formis expressit. Affertur etiam in eo lexico lex 14. tit. 1. lib. 21. Digest. Sed ibi quoque optimæ Editiones, imo omnes, quas ego vidi, habent *ἀντιάδες* per Græcis litteras.

Idem dicendum de voce *Rhizagra*, quæ in superiore hujus capitis sectione græce scribitur, sed in Fabri Thesauro latinam formam induit. Est autem *ρίζαγρα* forceps ad evellendas dentium radices a *ρίζα* *radix*, & *ἄγρα* *captura*. Cælius Aurelianus *dentiducum* appellat de tard. pass. cap. 4. prope finem. Quidam codices pro *ρίζαγρα*, habent *ρίζα*.

Eadem, opinor, causa, quæ Nicolaum in Ed. Florentina, coegit Funtam in Veneta A. 1524. edere, antidyades, idque non sine manifesto errore, & rizan. Cæsarius tamen, Pantinus, Constantinus, Ronseus cum primam illam vocem græcis litteris proposuissent, hanc latinis scripsere, rhizan, quanquam duo postremi in margine græcis litteris addiderunt, ρίζα γυναικός.

XI. Eod. lib. 7. cap. 27. pag. 486. l. 6. *Idemque humor clystere intus adigetur.* Hic & Auctor Thesauri linguæ latinæ, & Petrus Danetius cum legissent *adjicietur*, quemadmodum sane habent quinque Editiones meæ, retulere inter latinas constructiones *Adjicere intus*: qui quidem modus indiget certiore auctoritate. Fortasse confirmari potest ex Columel. de Arbor. c. 24. *Truncum findito, & in fissuram cuneum pineæ tedæ adjicito.* Verum cum eandem sententiam iisdem pene verbis expressam repetat Columella l. 5. c. 10. moneo, Aldinos & Gryphianos Codices in hoc secundo loco habere *adigito*; quod placuit & Commelino. Attamen in Veneta principe 1472. utrobique legitur *adjicito*.

In Junta, Cæsarii, & Pantini Editionibus est, adjicietur. Idemque est in ea quam procuravit Ronseus, qui tamen in margine apposuit, injicietur. Hoc ante ipsum fecerat Constantinus, qui edidit, adjiciatur.

XII. Lib. 8. c. 1. pag. 504. l. 24. *Verticillati scapularum ossi inseritur.* Veneta princeps, & utraque Aldina habent: *Verticillatis scapularum ossibus inseritur.* Gryphiana, & Henrici Stephani *Verticillatis*, aliæ *Vertibulatis*. Quam varietatem idcirco significandam existimo, quia *Verticillatus* affertur tanquam vox certæ fidei in Lexico ad Usus Delph. & in Juncheriano Latinitatis Theatro. Hanc ego cum ferre non possem, nec tamen rationem ejus ablegandæ fatis idoneam invenirem, adfuit opportune Jo. Baptista Morgagnus, Vir cum in Anatomicis,

micis, tum in omnibus litterarum studiis præstantissimus, mihiq; omnem sollicitudinem exemit, morbo detecto, remedioque adhibito, de quo Vid. ejus II. in Celsum Epistolam.

XIII. Eodem lib. 8. c. 3. In capite hoc describitur Terebra illa, quæ *Abaptista Terebella* dicitur ab Interprete Galeni. Hinc deceptus Auctor Calepini Passeratiani, & eo duce Andreas Stubelius, vir ceteroquin mirifice industrius, & de postrema The-sauri Fabri Editione meritis optime, duas has voces *Abaptistus*, & *Terebella* inter latinas receperunt. Uterque autem affert Celsum lib. 3. c. 23. ubi hac de re prorsus nihil.

Ad hanc quidem XIII. Animadversionem non est quod addam. Sed ex superiore erat quod demerem, si aliis hæc missurus fuisset quam tibi, qui ut eodem es animo adversum me, ita quod Vir Doctissimus, Amicissimusque de me, benevolentia, opinor, deceptus, scripsit, non difficile approbabis. Equidem etsi talem esse me, valde cuperem, qualem vos creditis; æque tamen gratum est usque adeo a vobis amari, ut is vobis esse videar. Sed ad rem ipsam redeamus.

XIV. Eodem lib. 3. c. 4. pag. 520. l. 3. Collocandusque is loco in tepido. Si ita legendum esset, novam vocem *Intepidus* in latinis numerare oporteret; & quidem numeratur in Thesaurio Fabri 1717. At Gryphii, & Stephani Editio præpositionem *in* separat a *tepido*. Et sane non video, quomodo qui calvaria fractura laborat, collocandus sit in loco non tepido, cum tepor fracturis omnibus, maxime vero iis, quæ caput lædunt, saluberrimus sit. Qua de re legendus hic noster hoc eodem libro cap. 10. sect. 7. & Hippocrates aphor. 17. & 18. sect. 5. Non est igitur tanta vis inferenda simul Medicinæ, simul latinæ linguæ, sed reponendum cum Gryphio, collocandusque is loco in tepido; vel cum Stephano, collocandusque is in loco tepido.

Gryphio adde Caesarium, Pantinum, Ronseum, Palawium, qui ad eundem modum ediderunt; Stephano autem Constantinum. Non me fugit, in Juntina, & Manutiorum utraque Editione legi, in tepido. Sed non ratio modo, atque experientia, verum etiam Codices ambo adversantur. Nam Foroliviensis habet, is loco in tepido; Venetus autem, loco is in tepido.

XV. Eod. lib. 8. c. 7. pag. 526. l. 2. *Intra quod quaque ossa conferventur.* Verbum *Conferveo* quod aliqui latinum est, & usurpatur a Palladio de re rust. lib. 1. tit. 35. apud Celsum tamen non ita bene habitat, ut oppugnatoribus careat. Hic enim quinque Editiones meae habent *conferuntur*. Rursus repetitur eodem libro c. 10. sect. 1. *Quo os quodque confervet.* Et sect. 7. *Inter se ossa confervere.* Sed hoc secundo loco alii legunt *coherere*, alii *coalescere*, ut ipse quoque Almeloveenius monet; in priore autem reliquae Editiones meae habent *confervet*, non sine aliqua ceterorum verborum varietate. Ego quidem malo *confervet*, idque omnino retineo; sed tamen locus non vacat turbis. Basil. Faber in suo Thesau- ro cum posuisset verbum *Conferveo* tanquam certum, verbis item certis confirmare conatus est ex eodem cap. ductis *Confervent ossa mota aut soluta*: quae quidem ipsissima in Celso non sunt; attamen apparet ex illis conflata esse, si quando vero ossa non conferbuerunt, quia saepe soluta, saepe mota sunt. Verum praeteritum *conferbui*, & similia non magnam tribuunt auctoritatem ceteris temporibus eorum verborum, ex quibus oriuntur, cum fere sola in usu sint, ut inchoativis inserviant, cuiusmodi est *Confervesco*, & alia id genus.

Cum quatuor Celsi loca in Animadversione proponantur; accipe quemadmodum pleraque in Codicibus, omnia autem in meis Editionibus deprehenderim. In primo uterque Codex pro confervent habet conservantur; Editiones meae omnes conferuntur, nisi quod Constantinus

tinus in libri ora hæc apponit : *συμφορτα*, confer-
vent 1. 2. c. 10. ubi legendum 1. 8. Alter autem locus
in Codicibus ita scriptus est : quod quoque os confer-
vet. In Junta, & ambabus Manutiorum Editioni-
bus ad eundem proponitur modum. Nec cætera discre-
pant, nisi quod ante quoque habent os, & Constanti-
nus hæc in margine adnotat : quo os quoque confer-
vet ; ubi legendum est, confervet (ut & cap. 10. Si
ossa non conferbuerint) pro quo dixit c. 7. ossa con-
feruntur, i. quasi ferrumine conglutinata coale-
scunt. Porro tertius locus, quem in Codicibus in-
spicere oblitus sum, ab Junta quidem, a Manutiiis se-
mel atque iterum, ab Stephano ipso sic editus est, ut
habeat, confervere ; Cæsarius autem, ac Pantinus
scripserant, cohærere, quod a Ronseo quoque, &
Constantino factum est. Sed cum Cæsarius ad oram ad-
jecerit, coalescere, Ronseus etiam, confervere ; Con-
stantinus (id quod maxime est animadvertendum) sic
adjecit, confervere, Cod; significans nimirum, se id
in Codice aliquo comperisse. Locus denique ultimus
non modo in cunctis Editionibus meis habet, confer-
buerunt, veram etiam in Codice Foroliviensi ; nam in
Veneto scriptum est, confervere, in margine autem sic
omnino ; aliter, confrebruerunt. Quem quidem ad
locum nomen posses addere spongiæ illius, ut Plinius
ait, aquarum dulcium, quam Confervam appella-
bant Latini, propterea quia fractis ossibus conferrumi-
nandis utilissimam experiebantur, ut idem Plinius con-
scripsit lib. 27. c. 8; nisi quæ de verbo Confervesco in
Animadversione admonita sunt, utriusque vocis originem
dubiam redderent.

Habes sedulitatis meæ specimen, quale id cunque est,
in hisce levibus, & ex tempore fuis Additamentis.
Sed in XV. Animadversionibus specimen habes summæ
peritiæ, atque solertiæ qua multo plures ejusdemmodi
Animadversiones ad singulos fere Latinos Scriptores Vir
Cl. confecit. Quo instituto ut nihil utilius est ad bar-

baras a latinis vocibus, dubias a certis distinguendas; ita ipsum hortari, orare, flagitare par est, ut Animadversiones illas universas quamprimum edat: quod etsi cum modestiam ejus, & occupationes plurimas spectro, haud ita facile existimo; attamen cum vicissim incredibile juvandi studium attendo quo incensus & praeclaras omnes Artes, & Latinam linguam, qua ille ferme continentur, si quis alius, hac aetate exornavit, tum vero facillimum puto. Vale.

Patavii Prid. Nonas Decembr. M DCC XXI.



I N D E X

RERUM & VERBORUM.

- A** Bdominis membra- Adolescentium morbi. 47
na interior rupta, Adstringentia. 32. 36. 107
ejusque cheirurgia. Adustionis remedia. 314.
pag. 454 315
- A** bortit mulier, si gravi- Æger de quo securus e-
dæ fuerit alvus sine rat medicus, sæpe mo-
modo fusa. 61 ritur. 57
- A** bstinentiæ duo genera. Ægri natura noscenda
92 est. 14. 27
- A** bstinentia nimia inuti- Æsculapius quare in de-
lis. 23 orum numerum rece-
ptus est. I
- A** bstinentia optima. 114
- A** bstinentia tēpestiva ju- Æstas juvenibus inimi-
vat laborantem. 92 ca. 46
- A** bscessus sub lingua cu- Æstas periculosa est. 42
ratio. 446
- A** bscessuū cheirurgia. 408
- A** bscessuum curatio. 326.
327
- A** ccessionem graviozem Æstate quo cibo uten-
feb. nox levior sequi- dum. 33
tur. 124
- A** cia. 292
- A** copa. 276
- A** κροθύμιον. 334. 335
- A** κροχορδών. *ibid.*
- A** cria quænam. 120
- A** etio naturalis. 6
- A** cutus morbus quis 111.
quî cognoscatur. 113
- A** dolescentia acutis mor-
bis patet. 43
- A** dger de quo securus e-
rat medicus, sæpe mo-
ritur. 57
- A** gri natura noscenda
est. 14. 27
- A** esculapius quare in de-
orum numerum rece-
ptus est. I
- A** estas juvenibus inimi-
ca. 46
- A** estas periculosa est. 42
- A** estas sicca si Aquilones
habuit, & autumno im-
bres austrique sunt,
qui morbi subeunt. 45
- A** estate quo cibo uten-
dum. 33
- A** etas media tutissima.
43
- A** ffectus mutant corpora.
II
- A** γκύλαι. 257
- A** γκυλοβλεφάρη curatio.
425
- A** ιγίλωπ & sanatio. 426
- A** larum abscessus raro
secandi. 401
- A** lba lenia ēplastra. 266

INDEX RERUM

Alexādrinū emplastrum. 264
 Alimētum maximum in pane. 97. 99
 Α'λίπαντα emplastra. 260
 Α'λωπεκία. 344
 Α'λφ@. 341
 Alumen Melium. 403
 Alvum moventia. 32. 106
 Alvum quæ adstringunt. 32. 36. 37. 107
 Alvus fusa mulieri gravidæ abortū causat. 61
 Alvus fusior in juvene melior. 33
 Alvus juvenibus cito plerumque in senectute contrahitur. *ibid.*
 Alvus mala. 52
 Alvus nigra periculosa. 76
 Alvus pestifera quæ. 56
 Ambrosia, antidotū. 275
 Ambulatio quibus convenit, quibus non. 298
 Α'νασომην. 243
 Α'νασώμωσις. 203
 Α'νασώμωτικὰ malagmata. 257
 Anatome necessaria. 20
 Angina. 196. curatio. *ib.*
 Angina subito finita, ad pulmones malum trāsit. 64
 Ani fissis pastillus. 269
 Ani fistula. 414
 Ani vitia. 399

Ani vitiorū cheirurgia. 493
 Α'νθηραι, compositiones. 385. 388. 389. 390. 395
 Α'ντιάδες. 445
 Α'νώδυνα. 278
 Antidotorum apparatus. 274
 Apoplexia. 177
 Α'πυρον sulphur. 254
 Α'φθα. 386
 Aquæ consideratio. 100
 Aqua frigida, distillatione, gravedine, stomacho. laborantibus prodest. 36. 39
 Aqua frigida prodest capiti. 35
 Aqua frigida sanguini supprimendo. 397
 Aqua inter cutem ex acuto morbo orta, raro ad sanitatē perducitur. 72
 Aqua inter cutem sequitur suppressionē hæmorrhoid. 26
 Aqua minime terribilis. 68
 Aquilo quos facit morbos. 44
 Α'ραχνος οculi tunica. 432
 Aranei ictus curatio. 311
 Arearum duo genera. 344
 curatio. 345
 Aridæ medicamentorum mi-

ET VERBORUM.

- mixturæ. 271
 Ars non statim culpan-
 da. 57
 Ἀρσενικόν auripigmen-
 tum. 243
 Arteriæ. 281
 Arteriæ asperæ situs. 182.
 183
 Arteria incisa non coit.
 81
 Artes excitant artificis
 ingenium. 13
 Articulorum dolores. 237
 Articulorum vulnerato-
 rum curatio. 297
 ad Articulos malagma.
 257. 258. 259
 Asclepiades invenit fri-
 ctionem & gestatio-
 nem. 87
 Asclepiades nihil præce-
 pit quod ab Hippocra-
 te non est comprehen-
 sum. 88
 Aspidum morsus. 310
 Ἀσθμα. 198
 Ἀσθμάματα. 420
 Ἀσπρία. 167. curatio.
 168
 Atrophia testiculorum.
 399
 Attalum emplastrū. 262
 Auditorii meatus com-
 pressionis curatio. 375
 Auditus gravis curatio.
 ibid.
 Auribus fractis medendi
 modus. 523
 Aurium doloris curatio.
 370. 371
 Aurium foramina & fi-
 nus. 500
 Aurium mali odoris cu-
 ratio. 372
 Aurium morbi manum
 exigentes. 438
 Aurium sonitus curatio.
 376. 377
 Aurium vermes. 375
 Aurium ulceris tordidi
 curatio. 374
 Auster quos morbos in-
 ducat. 44
 Austri a prima hieme ad
 ultimum ver si conti-
 nuarint, quos generet.
 45
 Ἀντίπυρον. 97
 Autoribus antiquis sua
 reddenda. 88
 Autumnus periculosissi-
 mus est. 42
 Autumnus ficcus Aquil-
 onibus perflatus quos
 morbos inducat. 46
 Auxilium anceps melius
 quam nullum. 79
 Auxilium etiam morbis
 decrescentibus neces-
 sarium est. 89
 Auxilium quid agat. 77
 Auxilium vehemens suc-
 currit vehemēti malo.
 84

Ba-

INDEX RERUM

B

Bacula valida . 554

Balneum ingressurus imbecillus homo quid vitare debeat . 94

Balneum obest gangræna . 304

Balneum quando conveniat . 93

Balneum vulneri parum puro res infestissima . 298

Barbarum emplastrum . 260

Βασιλικόν emplastrum . *ib.*

Brachii ossa . 504

Brachii perfracti medicina . 531. 536

Βεβονοκήλη . 459. curatio . 471

Βρογχοκήλη ejusque cheirurgia . 447

C

KΑχεξία . 167. curatio . 169

Κακόνδεσ . 317. 318

Calceamenta humiliora talo luxato . 556

Calcis os . 507

Calculi ex vesica sectio . 475. ex urethra . 474

Calculi majoris in vesica fissio . 481

Calculo evulso , quæ facienda . 482

Calculo expellendo pa-

stillus . 269

Calculorum diagnostica signa . 480

Calculorum in foeminis curatio . 481

Calculosi quæ dignoscantur . 61

Calefacientia . 105. 110

Calli curatio . 542

ad Callum in articulis malagma . 259

Calor adjuvat quæ frigus infestat . 39

Calor quid efficiat . 40. 44

Calvariae fractæ medela . 514

Calvariae ossa & suturæ . 498

Cancer quæ oriatur . 300. Ejus signa . *ibid.*

Cancris exsecto e vesica calculo supervenientis signa & curatio . 485

Cancris in cole curatio . 396

Cancris oris curatio . 390

Canini dentes . 501

Cantharidum assumptarum curatio . 313

Capillorum profluvium . 342

Capite infirmo laboranti quid agendum . 34. 35

Capiti fracto emplastrum . 261. 263

Capiti prodest aqua frigida . 35. 36

Ca-

ET VERBORUM.

Capitis dolores ex vento quâ finiantur. 70	Cartilaginis narium fra- cturæ curatio. 522. au- rium. 523
Capitis dolores frictio levat. 89	Cassius quâ febrem sana- rit. 18
Capitis dolor ex febre levatur. 138	Cataplasmata calefaciē- tia, iis, quibus cal- culi e vesica exsecti, noxia. 483
Capitis doloris curatio. 188	Catapotiōrū recensio. 278
Capitis subitus dolor. 72	Causæ abditæ quæ. 4
Capitis tubercula. 420	Causæ evidentes quæ. 5
Caput luxatum immedi- cabile. 546	Causa veri quæ dicitur. 16
Carbunculi curatio. 315. 316	Κεφαλαία. 186. Ejus cau- sæ & curatio. 187
Carbunculi in cole nati curatio. 398	Κεφαλικά. 261
Καρκινώδη tubera. 255	Ceraſtis iētus curatio. 311. 312
Carcinomatis leniendis malagma. 256	Κερατοειδὴς oculi tunica. 432
Carcinoma ubi prove- niat. 317. curatio. <i>ibid.</i>	Κερκίς. 504
Cardiacus morbus. 156. ejus curatio. 157	Cerebri ejusve membra- næ percussæ signa. 286
Cariei ossium curatio. 508	Cervicis morbi. 193
Carnem alentia. 247	Cervix inversa mortem indicat. 55
Carni coercendæ empla- strum. 265	Cerussæ epotæ curatio. 314
Carni putri continendæ. 272	Κηρίον ulcus. 333. Ejus duæ species, & cura- tio. <i>ibid.</i>
Carni supercrescenti ex- edendæ. 271. 273	Χαλαζίον curatio. 422
Caro corrupta in pus vertitur. 325	Χάλκανθον. <i>ibid.</i>
Καρόται nervi. 502	Cheirurgiæ præstantia ac origo. 405
Cartilagines in ossium o- mnium extremis. 505	Cheirurgia vetustissima me-

INDEX RERUM

- = medicina pars. 2
 Cheirurgi officia. 406
 Cherfydri ietus curatio. 312
 Χερσφύδης. 489. 516
 Chiragra quæ solvitur. 68
 Chiragra quibus indicatur. 59
 Chironium ulcus quale. 322
 Choacō emplastrum. 260
 Χοινίκιον, modiolus. 510
 Cholera. 217. curatio. 218
 Χόρδα. 221
 Χοειδῆς oculi tunica. 432
 Cibi concoctio quæ fiat. 6
 Cibi varii non facilius coquuntur. 131
 Ciborum variæ proprietates. 100
 Cibus ægro quando dandus. 114. Febricitanti. 119. ad 127. 131.
 Humidus aptissimus. 130. Ex tenuissima materia. 131
 Cibus humidus fatigatis convenit. 26
 Cibus unde debeat incipere. 23
 Cicatrix quomodo inducatur vulneri. 300. 306
 Cicutam si quis bibit, quomodo curari debeat. 313
 Κίρσοκήλη. 458
 Clavi oculorum. 431
 Clavus in pedibus nascitur. 335. curatio. *ibid.*
 Clysteres quando conveniunt & quibus. 85. 86
 Cœlum pessimum quod ægrum fecit. 43
 Cogitatio infirmo capite laboranti tuta non est. 35
 Κοιλιακὸς morbus. 220. curatio. *ibid.*
 Κολικόν Cassii. 223. 224. 281
 Κολικὸς morbus. 221
 Colicus dolor quibus sedatur. 37
 Colis inflammati tumor. 393. Ulcera. 394. Cancer. 396. Phagedæna. 397. Carbunculus. 398
 Collisum corpus quæ tractetur. 294
 Collyrium Acharistum. 352. In Ani fistulis. 415. Andreæ. 359. Asclepias. 362. Βασιλικόν. 365. Casarianum. 364. Cænopite. 362. Cleonis. 351. Cythiū. 352. Διακέρατ. 360. Διακρόκη. 366. Διαλίβαν. 357. Euelpidis. 352. 360. 361. 362. 365. Hermionis. 362. Hieracis.

ET VERBORUM.

racis. 364. Μερυμέ-
 ρον. 360. Nilei. 355.
 Philetis. 357. Philo-
 nis. 351. Phynon.
 361. Pyxinum. 362.
 Rhinion. 365. Smiliō.
 360. Sphæriion. 361.
 Tephriion. 352. Theo-
 doti. *ibid.* Trygodes.
ibid.
 Colubra tuto estur. 309
 Comitialis morbus. 172.
 Ejus medela. 173. *seqq.*
 Comitialis morbus quan-
 do solvitur. 68
 Communia attendi vo-
 luit Themison eaque
 tria. 15. 17
 Communia & propria ob-
 servanda. 17. 18. 19
 Concoctio omnibus vitiis
 occurrit. 39
 Concoctio quæ fiat non
 sciunt eruditi, sed con-
 jectura prosequuntur.
 13
 Concoctio tarda quæ ad-
 juvetur. 38
 Concubitus rarus corpus
 excitat, frequens sol-
 vit. 21. Quis utilis. *ib.*
 Quando cōvenit. *ibid.*
 Condita inutilia. 23
 Condylomatis ani cura-
 tio. 400. 494
 Consuetudini quod con-
 trariatur noxiū est. 27

Contentio post cibum in-
 utilis. 36
 Cordis percussi signa. 285
 Cor musculosum est. 183
 Corpora affectibus mu-
 tantur. 11
 Corporis natura noscen-
 da. 27. 28
 Corporis semper aliqua
 imbecilla pars est. 28
 Corpus exedentia. 245.
 Adurentia. *ibid.*
 Corpus gracile infirmū.
 43
 Corpus integrum quo de-
 notetur. 22
 Corpus obesum hebes. 43
 Corpus quadratum opti-
 mum. *ibid.*
 Corpus quæ commodè
 exercéant. 23
 Corpus quænam calefa-
 ciant. 31
 Corpus quænam humi-
 dent, aut siccant. 31. 32
 Corpus quænam refrige-
 rent. *ibid.*
 Corpus quid extenuet. 28
 Corpus quid impleat. *ib.*
 Corvus, ferramentum
 scroto incidendo. 463
 Κορύζα. 191
 Costarū enumeratio. 503
 Costarum fistulæ. 412
 Costis fractis opitulandi
 ratio. 528
 Coxarum dolor. 235. pro-
 gno-

INDEX RERUM

- gnos. 75. curatio. 236
 Coxarum os. 506
 Cratonis compositio ad
 aurium malum odorē.
 373
 Κρεμασῆρες, nervi. 455
 Creta figularis. 32
 Crimen professoris non
 est artis. 57
 Κριθῆς curatio. 422
 Cruditatem quænam in-
 dicent. 58
 Cruris ossa. 506
 Crurum fractorum sana-
 tio. 531. 537
 Κρυσαλλοειδῆς oculi hu-
 mor. 432
 Cubiti fracti curatio. 537
 Cubiti luxati cheirurgia.
 550
 Cubiti ossa. 505
 Cucurbitulæ æneæ & cor-
 neæ. 82. Earum usus
 præcipuus. 83. In mor-
 bis longis & acutis. *ib.*
 Curtorum in auribus, la-
 biis, ac naribus chei-
 rurgia. 439
 Cutem purgantia. 248
 Κυνικός σπασμός. 189.
 Ejus curatio. 190
- D**
- ΔΑΡΤΩ. 456
 Dejectio infirmat
 hominem. 84
 Dejectio in omnibus
 morbis molita. 84
 Dejectio lippienti pro-
 dest. 69
 Dejectionem subitā quid
 indicet. 59
 Dejectio periculosa ph-
 thificis. 71
 Dejectio quæ aliis. 73
 Dejectio quæ bona. 68.
 69
 Dejectio quando conve-
 niat. 31
 Dejectio quibus medica-
 mentis. 84
 Dejectio supprimitur vo-
 mitu. 69
 Delirium cui prodest. 69
 Denarii pondus. 249
 Denti exeso remediū. 382
 Dentium doloris varia
 remedia. 381
 Dentium ordo. 501
 Dentium vitiatorū chei-
 rurgia. 443
 Desidia & luxuria adver-
 sæ valetudinis causæ. 2
 Desperatus non curan-
 dus. 283
 Destillatio. 190. ejus cu-
 ratio. 191. 192
 Destillationes quæ viten-
 tur. 36
 Διαβρωσις. 203
 Διασπνίδων emplastrū.
 263
 Diæta hiemalis, verna,
 æsti-

ET VERBORUM.

æstiva, & autumnalis.	33. 34	E	Brius qui obmutuit, quî intereat & fervetur.	55
Διάπραγμα.	183	E	κτροπίε curatio.	430
Dies critici.	121	E	λαῶδες pus.	288. 289. 290
Dies sereni saluberrimi.	42	E	λαῶδες acopum.	277
Digerentia malagmata.	253	E	λεφαντίας.	176
Digitorum cohærentiū & curvatorū curatio.	497	E	λεφαντίνου emplastrum.	266
Digitorum fractorum curatio.	531. 537	E	λυτροειδής tunica.	455
Digitorum luxatorū cheirurgia.	552. 557	E	mollientia.	110
Digitorum ossa.	505	E	mpeirici quid statuāt.	8
Digitorum ulcera.	403	E	mpeirici quinam.	3
Dipsadis ictus curatio.	311	E	mplastra, quæ calvariæ causa componūtur.	517
Discutientia.	246	E	mplastrorum differentia.	249
Distentio nervorū quando timenda.	62. 64	E	mplastrorum formulæ.	260
Diuretica cōveniūt morsis a serpentibus.	310	E	mplastrum Barbarum.	ibid.
Dolor deorsum tendens sanabilior.	69	E	μωροστόνον.	193. curatio.
Dolorem qui nō sentiunt iis mens laborat.	62	E	ναιμα emplastrum.	260
ad Dolorem omnem malagma.	257. 258	E	γκανθίδος medicatio.	425
Dolores quinam mortem indicent.	55	E	γχις.	277
Doloribus leniendis catapotia.	278	E	ννεαφάρμακον.	272. 484
Durities testiculorū.	398	E	ντεροκήλη.	456. curatio.
Δυσεντερία.	224. curatio.	E	φηλις.	345. ejus curatio.
Δύσπνοια.	198	E	phesium emplastrū.	266
			Epi-	

INDEX RERUM

- | | |
|--|--|
| <p> Epilepsia . 172
 Επιπληκτις . 336
 Επιπλοκήλη . 456. cura-
 tio . 467
 Επισπαστικά emplastra .
 263
 Επισπαστικόν malagma .
 250
 Ερπης . 319
 Eruditi imbecilles . 21
 Erysipelas periculum ad-
 fert si circa cervicem
 aut caput constitit. 301
 quomodo curandum .
 302
 Evocantia & educentia .
 247
 Εξανθήματα . 336
 Excitare caput , pro at-
 tollere . 517
 Exercitatio cibum ante-
 cedere debet . 23
 Exercitatio implet cor-
 pus . 38
 Exercitationis finis su-
 dor aut lassitudo . 23
 Experiētia plurimum ad
 medelam confert . 13
 Experimenta sunt neces-
 saria . 5. initia medi-
 cinæ . 9
 Experiri quomodo oport-
 teat . 112
 <i>ad</i> Extrahendam mate-
 riam malagma . 250
 Exulceratio stomachi .
 205 </p> | <p> Exusto in sole quid agen-
 dum . 27
 <div style="text-align: center; margin: 10px 0;">F</div> Faber quidam machi-
 namentorum ad ex-
 tendendum femur lu-
 xatum repperit . 554
 Faciei cōtusæ malagma .
 256
 Famem qui ferant faci-
 lius, qui difficulter. 19
 Fames . 24
 Fasciæ sex ad ossa fracta.
 533
 Fascia quæ & qualis re-
 quiratur . 294. æstate,
 hieme . <i>ibid.</i>
 Fatigatio animi inutilis
 post cibum . 36
 Fatigatis ex ambulatio-
 ne quid agendum . 27
 Fatigatis inutilis frigida
 potio . 26
 Fatigatis quid agendum .
 25. 26
 Faucium exulceratio. 199
 Faucium morbi . 196
 <i>ad</i> Favum malagma. 255
 Febriculam instantē quid
 indicet . 59
 Febres longæ abscessus ,
 & articulorum dolores
 indignant . 64
 Febres malæ . 51. 52
 Febris a cubito in poste-
 rio- </p> |
|--|--|

ET VERBORUM.

riora delapso mota . 550
 Febris acuta periculosa . 52
 Febris ardens horrore fanatur . 70. 71
 Febris ardentis curatio . 134
 Febris nulla inordinata . 117
 Febris pestilentis curatio . 133. 134
 Febris præsentis signa , pulsus & calor . 129. alia . 130
 Febris quæ mala vulnere . 296
 Febris quid secundum Erasistratum . 16
 Febris sæpe prodest . 70
 Febris subito finita re-vertitur . 60
 Febrium genera . 115
 Febrium quartanæ simpliciores sunt . *ibid.*
 Febrium quotidianarum varia genera . 116
 Febriū tertianarum duo genera . *ibid.*
 Feminum ossa . 506
 Femoris luxati cheirurgia . 553
 Femorum fractorum curatio . 531. 537
 Fibulas adolescentibus applicandi ratio . 473
 Firmus *pro sano* . 21

Fistularū cheirurgia . 412
 Fistularum genera plura . 328. quomodo dignoscuntur . 329. 330. simplicium curatio . 330. callosarum . 331. duplicium seu multiplicium . 332
 Flatus excitantia . 104
 Fœminarum calculi . 481
 Fœminarum naturalia clausa quæ aperiantur . 488. 489
 Fœtus imbecillitas quæ cognoscatur . 62
 Fœtus mortui eductio . 489
 Fœtus sanitas . 62
 Fomenta calida quæ sint . 95
 Fortunæ in sanandis morbis potentia . 405
 Fortuna non præstat arte in morbo . 111
 Fricatio convenit partibus longe a vulneribus diffitis . 298
 Fricationis utilitas . 194
 Frictio corpus durat , mollit , minuit , implet . 88. longa obest . 89. quando adhibenda . *ibid.* ejus numerus præscribi non potest . 90
 Frictionem aliis auxiliis prætulit Asclepiades . 87

Q q

Fri-

INDEX RERUM.

Frigoris in febribus cura-
ratio . 140
Frigus quibus inimicū. 39
quid efficiat . 39. 40
Frigus quid in febre. 116
Frontis fractura cicatricē
difficulter recipiēs. 521
Fungi in ano vel vulva
curatio . 403
Fungos inutiles si quis
assumserit . 314
Furoris signa . 63. 64
Furunculus. 324. ejus cu-
ratio . 324. 325

G

GRæca litera γ ferra-
menti ad diducen-
dam carnem compara-
ti modulus . 417
Γάγγλια, eorumque chei-
rurgia . 420
Γάγγραινα . 301. in qui-
bus partibus fit, & dif-
ficile sanatur . 301.
ejus curatio . 303. cor-
rupti corporis est. 304
Gallinaceus pullus divi-
sus imponitur morsui
serpentium . 310
Gangrænæ sectio . 497
Gargarizationes . 274
Genua contracta mortem
inducant . 54
Genuini dentes . 501
Genu luxati cheirurgia .
555

Genuum dolor . 237
Gestatio in lethargo pro-
dest . 159
Gestationem invenit Af-
clepiades . 87. Ea qui-
bus convenit morbis .
90. 91. Genera ejus va-
ria . 91
Gingivarum marcescen-
tium curatio . 443
Gingivarum tubercula .
387. ulcera . 388
Glandis contactæ aper-
tio . 472
Glandis nudæ contactio .
471

Glandium plumbearum
extractio . 418
Glandulæ in cervicibus .
518
Græcorum in nominan-
dis absque circuitu
partibus obscænis im-
pudentia . 392
Γραφίσκον Διοκλέους . 418
Gravedines quæ vitentur.
36
Gravedo . 190. Ejus cu-
ratio . 191. 192. 193

H

HÆmorrhoidis ictus
curatio . 311
Hæmorrhoidum cheirur-
gia . 494
Hæmorrhoidum suppres-
sionē quæ sequatur. 62

ET VERBORUM.

Ἀιμορροΐδες earūque cura-
 ratio . 401
 Hami retusi . 436
 Hapsus lanæ mollis. 483
 Hapsus lanæ sulphurata.
 210
 Hederæ bacca dentem
 findit . 383
 Hepatis morbi . 213
 Hepatis vulnerati signa .
 286
Ἡπατικός morbus . 213.
 curatio . 214
 Hernia. 456. curatio. 460
 Hieme quid & quomodo
 esse conveniat . 33
 Hiems salubris est . 42
 Hiems senibus inimica .
 46
 Hiems sicca si septētrio-
 nales ventos habeat ,
 ver pluvias exhibeat ,
 qui morbi subeant . 45
 Hippocrates a futuris de-
 ceptus . 515
 Hippocrates omnia præ-
 sagivit . 41
 Hirundinis pullus an-
 ginæ remedium . 197
Ὠμοπλάται . 503
 Horror a biliosis . 141
 Horroris in febr. cura-
 tio . *ibid.*
 Horror quid . 116
 Humeri fracti curatio .
 531. 535
 Humeri luxati cheirur-

gia . 548
 Humeri ossa . 504
 Humerorum dolores quī
 tollantur . 69
Υαλοειδές . 432
Υδροκέφαλον . 187. 189
Υδροκύλη. 458. curatio .
 468
 Hydrophobiæ curatio .
 308
 Hydropicis quomodo a-
 qua emittatur . 451
 Hydrops . 160. Ejus spe-
 cies & curatio. 160. 161
 Hydrops quartanæ su-
 pervenit . 161
 Hymen imperforatū. 488
 Hyoscyami poti curatio .
 314
Υπόχυσς , 367

I

I *Χωρ* faniei species. 288
 malus . 289
 Ictericis jecur durum fie-
 ri , malum . 74
 Icterus . 175
 Jecinoris vomica . 67
 Jecur . 183
ad Jecur dolens malag-
 ma . 251
ad Jecur sanandum cata-
 potia . 280
 Ignavia corpus hebetat .
 20
ad Ignē sacrum. 274. 277

INDEX RERUM

- Εἰλεός.** 221
Imbecillis quæ observan-
da. 22
Imbres quos morbos cau-
sant. 45
Impetiginis quatuor spe-
cies. 339
Inediam qui facile ferât.
 32
Infanti mortuo ejiciendo
peffus. 271. **catapo-**
tium. 281
Infirmitas omnis morbis
obnoxia. 31
ad Inflammationes vulvæ
peffus. 271
Inflammationis notæ. 139
Inflamatio stomachi. 205
Inflammatiō testiculorū.
 398
Inflammatiō uvæ. 389
Inflatio stomachi. 205
Inguinum abscessus raro
secandi. 408
Infania quando exspe-
ctanda. 62. 63
Intemperantia quæ tu-
tior. 23
Intestini plenioris mor-
bus. 223
Intestini tenuioris morbi
mala signa. 74
Intestini tenuioris mor-
bus. 221
Intestinorum e ventre
vulnerato prolabentiū
cheirurgia. 452
Intestinorum lævitas. 226
Intestinorū lævitas quæ
facile depellatur. 69
Intestinorum lævitas quæ
periculosa. 74
Intestinorum morbi. 217
Intestinorum vulnerato-
rum notæ. 287
Intestinum cæcum. 184
Intestinum jejunum. *ib.*
Intestinum tenuius. *ibid.*
Jugale os. 500
Juguli fracti sanatio. 526
Juvenes hieme optime
valent. 46
L
Λ **Rimæ in cranio fa-**
ciendæ modulus. 518
Laborem qui facile fe-
rant. 25
Labor firmat corpus. 20
Laboris mutatio levat
lassitudinem. 26
Labor vitandus si inedia
futura est. 24
Labrorum curtorum che-
irurgia. 439
Labrorum fissorum cura-
tio. 447
Lac convenit phthificis.
 170. **veneno est in ca-**
pitis doloribus, & a-
cutis febribus. *ibid.*
Lac e mammis profluens
foetum imbecillum no-
tat.

tat. 62
 Lac in mammis, quibus
 menses deficiunt. 76
 Lævania. 247
 Laganum iis, quibus ma-
 xilla perfracta est, co-
 medendum. 526
 Λαγοφθάλμη sanatio. 430
 Lapillus, pulex, & sc.
 quomodo ex aure ex-
 trahantur. 378
 Lassitudinem levat labo-
 ris mutatio. 26
 Lateris doloribus cata-
 potium. 280
 Lateris dolor quando ex-
 spectandus. 62. fini-
 tur. 67
 ad Laterum dolorem ma-
 lagma. 252
 Laterum dolores. 209
 Latinorum a fœdioribus
 verbis abstinentia. 392
 Lavatio calida pueris &
 senibus apta est. 32
 Lectio clara nocet capite
 laboranti. 35
 Lectio promovet conco-
 ctionem. 38
 Λημνίσκος. 489
 Lenia emplastra. 267
 Lenia quænam. 102
 Lenticularum species. 345
 Λεπίς. 513
 Lethargus. 158. curatio.
 159
 Leucophlegmatix cura-

tio. 164
 Λευκά emplastra. 266
 Λεύκη. 341
 Lien. 183
 ad Lienem malagma. 251
 Lienes magni quos cau-
 sent morbos. 62
 Lienis icti signa. 286
 Lienis morb. 215. cura-
 tio. *ibid.*
 Lienosis mala tormina.
 74
 Lingux cum subjecta
 parte junctæ cheirur-
 gia. 446
 Lingux resolutio. 190
 Lingux ulcera. 387
 Λιπαρά emplastra. 267
 Lippientis diæta. 349
 Lippitudinis levioris no-
 tæ. 347
 Lippitudo arida. 364
 Lippitudo quibus indice-
 tur. 60
 Λιδοτόμος. 481
 Livori faciei malagma.
 256
 Longus morbus quis.
 111. acuto par. 112.
 quî cognoscatur. 113
 Lucubratio quando con-
 venit. 22
 Lumbrici lati, teretes.
 227. curatio. *ibid.*
 Lunata plaga. 524
 Lycium. 524. 529

INDEX RERUM

M

M Achaon Æsculapii
filius . 1. vulneri-
bus auxilium attulit. 2
Macor infuetus malum
denotat . 48
Malæ immobiles . 501
Malagmatum differen-
tia . 249
Malagmatum variæ for-
mulæ . 250
Manus luxatæ cheirur-
gia . 551
Manuum cum pedibus si-
militudo . 507
Manuum dolores . 237
Manuum ossa . 505
Materiæ imbecillissimæ
quænam . 97
Materiæ mediæ . 98
Materiæ valentissimæ .
98. 99. 100
Maxillæ fractæ cheirur-
gia . 525
Maxillæ luxatæ cheirur-
gia . 545
Maxillæ partes . 501
Maxillares dentes . *ibid.*
Medicamenta a diis pe-
tita . 2
Medicamenta non omni-
bus profunt . 57. 112
Medicamētorum usus ab
Asclepiade sublatus .
241
Medicina ab experimen-

tis deducta . 9
Medicina apud Græcos
magis exculta . 1
Medicina debet esse ra-
tionalis . 20
Medicinæ genera diffe-
runt pro natura loci . 8
Medicinæ quæ fides est .
13. 57
Medicinæ scientia sapiē-
tiæ pars . 2. quando in
III. partes divisa . 3
Medicina est ars conje-
cturalis . 13. 57
Medicinam mutavit As-
clepiades . 3
Medicina nihil proficit
repugnāte natura . 112
Medicina perpetua præ-
cepta vix habet . 17
Medicina prior inventa ,
dein ratio quæsitæ . 9
Medicina sanitatem pro-
mittit . 1
Medicina ubique est . *ib.*
Medici officium juxta
Asclepiadem . 117
Medici primi Philoso-
phi . 2
Medico parum proficiēti
quando ignoscendum .
112
Medicus amicus utilior
extraneo . 19
Medicus Empiricus . 17
Medicus expertus opti-
mus . 11

Me-

ET VERBORUM.

Medicus non dies sed fe-	Mollientia .	247
bris accessiones nume-	Mollientia malagn.	253
rare debet.	Morbi ad deor. iram re-	
Medicus qui pulsum ex-	lati.	2
plorabit.	Morbi æstivi.	43
Medicus quo loco sede-	Morbi autumnales.	44
bit.	Morbi hiemales.	45
Medicus rationalis.	Morbi incrementis signa.	
Medullæ in spina discif-	113	
æ signa.	Morbi novi incidūt.	5. 13
Μέλας.	Morbi remediis curan-	
Μελίκηρα faniei species.	tur.	10. 11
288. mala.	Morbi vernaes.	43
Μελικηρίδες.	Morborum acutorum no-	
255. cura-	tæ fallaces sunt.	57
tio.	Morborum cognitio ne-	
Membrana calvariã cin-	cessaria.	4. 5
gens scalpro non lace-	Morborum initia famem	
randa.	sitimque desiderant.	92
Membranæ cerebrũ suc-	Morborũ IV. genera.	111
cingentis inflammatio	Morbus Comitialis post	
quomodo tractãda.	annum xxv. ortus diffi-	
520	cile finitur.	73
Membri resoluti progno-	Morbus intestini tenuijo-	
sis.	ris ex urinæ difficulta-	
75	te intra VII. diem oc-	
Membrum ietum certa	cidit.	74
ratione collocari de-	Morbus qui acutus, qui	
bet.	longus.	111. quomo-
298	do dignoscitur.	113
Μηνιγγοφύλαξ.	Mortis certa signa nega-	
512	vit Democritus.	57
Menophili compositio ad	Mortis instantis signa.	
aurium malum odo-	54. 55	
rem.	Morsus aspidis curat.	310
373	Morsus canis rabidi cu-	
Menstrua suppressa capi-	ratio.	307
tis dolores acerbos in-		
dicant.		
59		
Mentum, maxillæ ima		
pars.		
501		
Miscendi ratio.		
248		
Modioli descriptio.		
510		

INDEX RERUM

- ad* Morfus emplastra. 265
 Morfus feræ habent vi-
 rus quoddam. 307
 Morfus serpentium quo-
 modo curentur. 309
 Motus in dolore pesti-
 fer. 545
 Mulier ex partu vehemē-
 tibus doloribus pressa
 in periculo mortis est. 72
 Mulier gravida abortit, si
 mammæ emacuere. 76
 Mulier gravida acuto
 morbo facile consumi-
 tur. 55
 Musculus læsus præci-
 dendus. 291
 Mutatio subitanea no-
 xia. 25
 Μυδρίαις. 368. ejus cu-
 ratio. *ibid.*
 Μυρμήκιον. 335
 Μυροβέλανοι. 216. 251
 N
Nares acutæ mortem
 indicant. 54
 Nares exulceratæ aqua
 calida fovendæ. 378
 Narium curtarum chei-
 rurgia. 439
 Nariū hæmorrhagia quid
 indicet. 62
 Narium ossa & forami-
 na. 500
 Naso fracto medendi ra-
 tio. 521
 Natura ægri noscenda. 14
 Naturæ contemplatio nō
 facit medicum. 13
 Nauseanti ex navigatio-
 ne quid agendum. 27
 Nervi καρόται. 502
 Nervis utilia acopa. 276.
 277
 Nervorum distentio qui-
 bus indicetur. 58
 Nervorum dolor. 179.
 ejus curatio. 180
 Nervorum resolutioni æ-
 tas tenera prodest. 69
 Nervorum tremor. 180.
 ejus curatio. *ibid.*
ad Nervos malagma. 257
 Nervos præcisos debili-
 tas partis sequitur. 297
 Nigritiei ossiū curat. 509
 Nigrum Diogenis em-
 plastrum. 265
 Νόσαι costæ. 503
 Notæ in acutis morbis
 fallaces sunt. 57
 Notitiæ subtrahere. 358
 Noxarum corporis gene-
 ra. 282
 Nuces Græcæ. 200. 201.
 217. 276
 O
Obesi quo morbo in-
 tereunt. 47
 Οβολός. 249
 Ob-

ET VERBORUM.

Obscœnarum partium vitia .	392	Oculorum ulcerum curatio .	361
Ocium .	25	Oleum bibendum qui venenum hausit .	313
Oculi natura .	432	Omenti a vulnere corrupti excisio .	453
Oculi quibus curantur .	348	Omentum .	185
Oculi sponte interdum fanefcentes .	405	Oπίσσις .	345
Oculi tumoris notæ .	347	Oπίσθον .	193. curatio .
Oculi variis casibus patient .	346	Oπίσθονα .	198
Oculorum caliginis curatio .	366. 367	Oricularium specillū .	495
Oculorum carbūculi .	356	Oricularius clyster .	483. 487
Oculorum foramina .	500	Oris cancer .	390
Oculorum iectorum curatio .	369	Oris resolutio alvo cito finitur .	69
Oculorum imbecillitatis curatio .	368	Oris vitia quæ cheirurgum postulant .	443
Oculorū imminutio .	358	Oris ulcerum curatio .	385
Oculorum inflammatio .	363	Os aqua frigida fovendum .	22. quibus .
Oculorum pituitæ cheirurgia .	435	Oσχέον , scrotum .	456
Oculorum pituitæ fluxus cohibendus .	353. 354	Os pectoris .	503
Oculorum pustulæ .	357	ad Offa & nervos malagma .	257
Oculorum resolutionis curatio .	367	Ossibus resolvendis emplastrum .	265
Oculorum scabrorum curatio .	365	Ossium fractorum differentiæ .	524
Oculorum suffusionis curatio .	367	Ossium luxatorum cheirurgia .	542
Oculorum varia collyria .	351. & seqq.	Ossium positus & figura .	498
Oculorum vitia .	421	Ossium vitiatorum signa & curatio .	507. 525. 528

Ozæ-

INDEX RERUM

Ozænæ curatio. 379. chei-
rurgia. 442

P

Palmæ luxatæ chei-
rurgia. 552

Palmulæ. 24

Palpebrarum pili ocu-
lum irritantes. 427

ad Panum malagma. 255

Papularum duo genera.
340. curatio. *ibid.*

Παρακολητικὸν emplastrū.
261

Παράλυσις. 178

Παράσυναγχι. 196

ad Parotidas malagma.
255. 258

Παρώτιδες. 255. 391

Partes aliter homine
mortuo apparent, ali-
ter vivo. 11

Parti laboranti primum
succurrendum. 28

Partium extremarum fri-
gus quādo mortem in-
dicat. 55. 90

ex Partu laborātibus ca-
tapotium. 281

Παραλίδες. 387

Pastillorum differentia.
249

Pastillorum formulæ. 268

Patella, os. 506

Pecten, os. *ibid.*

Pedes cum digitis & un-

guibus in gravi morbo
nigrescunt. 66

Pediculi palpebrarū. 358

Pedum cum manibus si-
militudo. 507

Pedum dolores. 237

Pedum doloribus malag-
ma. 259

Πεπλυμένον ceratum. 250

in Periculo præcipiti
multa recte fiunt alias
omittenda. 150

Περιπνευμονία. 211. cu-
ratio. 212

Περιτόναια. 186. 417

Πεσσοί. 270

Pestilentia occupato quid
observandum. 40. 41

Φακία. 345

Φαγέδαινα in cole orta.
397

Phalangii ictus curatio.
312

Φίμωσις ejusque cheirur-
gia. 472

Φλύκταιναι ἐχκώδεις. 336

Φλυζάκιον. *ibid.*

Phrenitici in tenebris
habiti. 149. in luce.
ibid.

Phrenitis. 148. ejus plu-
ra genera. 149. cura-
tio. 150. *seqq.*

Φθειρίασις. 358

Φθίσις. 167. curatio. 169

Phthificis alvus cita vi-
tanda. 171. vomitus
fre-

ET VERBORUM.

frequēs perniciosus. 171	Potio febricitātibus quā-
Phthisis adolescentibus	do danda . 127. 128
oritur . 71	Potio frigida sudāti per-
Φύγεθαι, panus oriens.	niciosissima . 26
255. 325	Procidentiae ani vel vul-
Φύματα . 70. 254. 325. 396	væ curatio . 402
ad Phymata malagma .	Proprietates rerum quare
254. 255. 256. 258	noscentæ . 96
Pituitæ oculorum chei-	Proprium est aliquid lo-
rurgia . 435	ci, temporis . 18
Pituitam crassiores quæ	Πρόπτωσις . 355
faciunt . 103	Prurigo . 75
Plaga levis aqua frigida	Psoricum quid sit . 366
curatur . 293	Psylli audaces potius
Plantæ luxatæ cheirur-	quam periti . 309
gia . 556	Πτερύγιον . 467
Πλευριτικός morbus . 209.	Πτερυγία medicatio . 423
curatio . <i>ibid.</i>	Ptolemæus Rex . 275
Podagra quæ solvitur. 68	Pueri non curantur ut
Podagra quibus indica-	viri . 134
tur . 59	Pueri vere optime valēt .
ad Podagras calidas ma-	46
lagma . 250	Puerorum morbi . <i>ibid.</i>
Podalirius Æsculapii fi-	Pulmo . 183
lius . 1. vulneribus	Pulmonis icti signa . 285
auxilium attulit . 2	Pulmonis morbi . 211
Polypus narium strangu-	Pulmonis morbi bonum
lat hominem . 380. cu-	signum . 66
ratio . <i>ibid.</i> 441	Pulsus venarum res fal-
ex Pomis medicamenta .	lacissima . 129. quibus
230. 231	concitatur . <i>ibid.</i> non
Ponderum ratio . 249	statim explorandus .
Porrigo . 343. ejus cura-	129
tio . <i>ibid.</i>	Purgantia stomachum læ-
Posca frigida . 208	dunt . 84
Potio fatigatis inutilis .	Purgationes expulit Af-
26	clepiades . 29. 118
	Pur-

INDEX RERUM

Purgationes quæ pernicioſæ . 29. 31

Puri movendo emplaſtrū . 262. 263. 264

Puris natura . 288

Puris ſigna . 289

Puris ſputum ſuppreſſum malum eſt . 72

Pus concoquentia & moventia . 243

Puſtularum varia genera . 336

Πυλωρός . 184

Περίτης lapis . 255

Q

Quartana æſtiva brevis, autumnalis longa . 76

Quartanæ curatio . 144

Quartanæ duplicis curatio . 146

Quartana facile revertitur . 147

Quartana mutatur in quotidianam . 146

Quartana neminem jugulat . *ibid.*

Quartana vetus raro niſi vere ſolvitur . 147

Queſtus ex populo major . 120

Quieſcere poſt cibum oportet . 37

Quies optima . 114

Quotidianæ curatio . 143

R

R Abioſi canis morſus . 307

Ραγάδια eorumque curatio . 399

Ramicis cheirurgia . 468. 471

Reſectio cōvaleſcentium a morbo . 240

Refrigerantia . 105

Regius morbus . 175

Ρήγμοχασμός . 203

Remedia explorata adhibenda . 8

Remediis contrariis ſæpe ægri curantur . 137

Renes . 183

Renum morbi . 216. curatio . 217

Renum percufforum ſigna . 286

Renum vitia quibus indicantur . 60. 61

Reprimentia . 109

Reſolventia malagmata . 253

Rhus Syriacus . 386

Rigor quando timendus . 62

Ριζαγρα forceps . 445

Rubrum emplaſtrū . 266

Rufum emplaſtrum . 261

Ρυάς . 424

Ρυπώδες emplaſtrum . 264. 399. 424

Sa

ET VERBORUM.

S

Sacer ignis . 320. ejus
 duæ species. *ibid.*
 curatio. 321. 322
 Sagittarum educatio. 417
 Sanguinem supprimen-
 tia . 242
 Sanguinem vomere pe-
 stiferum est . 56
 Sanguini evocando pes-
 fus . 270
 Sanguinis color attendē-
 dus . 82
 Sanguinis ex membrana
 cerebri profluvio coer-
 cendo . 273
 Sanguinis in vesica, evul-
 so calculo, concreti si-
 gna & curatio . 483
 Sanguinis profluvium quid
 indicet . 58
 Sanguinis profluvium quod-
 nam malum . 76
 Sanguinis profusio quæ
 curetur . 290
 Sanguinis sputum . 202
 Sanguini supprimendo
 malagma . 256
 Sanguis bonus & malus
 qui . 289
 Sanguis crudo non mit-
 tendus . 79
 Sanguis evulso calculo
 quomodo sistendus . 482
 Sanguis ex vulneribus
 exiens . 288

Sanguis in ventrem con-
 fluxus, in pus conver-
 titur . 62
 Sanguis jugulati gladia-
 toris epilepsia mede-
 tur . 174
 Sanguis quando mitten-
 dus . 79. 80. quando
 sistendus . 82
 Sanguis spumans excre-
 tus pulmonis vitium
 denotat . 61
 Sanguifuga si epota sit
 quid agendum . 314
 Sanguis unde calefcit &
 refrigescit . 194
 Saniei natura . 288
 Sanies mala . 289
 Sanitas quando suspecta .
 48
 Sanus homo quid agere
 debeat . 20
 Σαρκοκήλη . 459. cura-
 tio . 470
 Σαρκόφαγος lapis . 239
 Satietas nimia nunquam
 utilis . 23. ex nimia
 fame . 24
 Scabies . 338. ejus cura-
 tio . *ibid.*
 Scala gallinaria . 549
 Scalper excisorius . 511
 Scapularum ossa . 503
 Σχισόν alumen . 242
 Σκωρία μόλυβδος . 247.
 267
 Scroti incisio . 462
 Scu-

INDEX RERUM

- | | |
|--|--|
| <p>Scutula operta . 503</p> <p> Sectio corporum necessaria . 7</p> <p> Secundæ , velamentum infantis . 492</p> <p> Secunda mensa . 24</p> <p> Secundinis expellendis catapotium . 281</p> <p> Securus est aliquis in his quæ sæpe sine periculo evasit . 49</p> <p> Seminis profusio . 235</p> <p> Senectus longis morbis patet . 43</p> <p> Senes ætate optime valent . 46</p> <p> Senes cancro , theriomate facile corripuntur . 319. sacro igne . 321</p> <p> Senum morbi . 47</p> <p> Σηπτικὰ emplastra . 265</p> <p> Σηπτικὰ medicamenta . 467</p> <p> Septi transversæ fistulæ . 412</p> <p> Septi transversæ percussæ notæ . 288</p> <p> Serpentium jejunorum ictus jejuno maxime nocent . 313</p> <p> Serpentium Italicorum ictus curatio . 312. 313</p> <p> Serpentium morsus quomodo curantur . 309</p> <p> Sextantis pondus . 249</p> <p> Siccitas quos morbos generat . 45</p> | <p> Signa ægrotantium bona . 49</p> <p> Signa longæ valetudinis . 53</p> <p> Signa mala . 50</p> <p> Singultus frequens hepar inflammatum denotat . 62</p> <p> Singultus sternutamento finitur . 69. 76</p> <p> Smaragdinum emplastrum . 261</p> <p> Somnifera . 108</p> <p> Somno arcessendo catapotia . 278. 279. 280</p> <p> Somnus qui malus . 51</p> <p> Somnus utilis phreniticis . 151</p> <p> Sonitus ventris bonum signum . 50</p> <p> Spatha lignea humero reponendo . 548</p> <p> Specilli in explorandis calvariarum vitiis usus . 511. 514</p> <p> Specillum oricularium . 495</p> <p> Spes interdum frustratur . 57</p> <p> Σπασμικὸς pastillus . 268</p> <p> Spinæ descriptio . 501</p> <p> Spina fracta . 531</p> <p> Spina luxata insanabilis . 547</p> <p> Spirandi difficultas . 198. curatio . <i>ibid.</i></p> <p> Sputum quodnam malum . 70</p> <p style="text-align: right;">Spu-</p> |
|--|--|

ET VERBORUM.

Sputum quodnam mor-
tem indicat. 56
Sputum sanguinis. 202.
curatio. 203
Σταφυλώματα & curatio.
431
Statura longa decora. 43
Στεατώματα. 420
ad Sternutamenta exci-
tanda. 274
Sternutamētū bonum. 49
Sternutamentum bonum
lethargicis. 158
Sternutamentum singul-
tum finit. 69. difficile
parturienti prodest. 69
Stomachi cum vesica cō-
fortium. 486
Stomachi morbi. 205.
curatio. *ibid.*
Stomachi percussi signa.
287
Stomacho laborantibus
quæ agenda. 38
Stomacho quæ idonea.
103. quæ aliena. 104
Stomachum infirmū quæ
indicient. 38
Stomachus. 182. 184
Struma quæ. 323. Fati-
gant medicos. *ibid.*
plerūque resurgunt. *ib.*
nascuntur in cervice,
alis, &c. 324. earum
curatio. *ibid.*
ad Strumas malagmata.
254. 255. 258

Succi boni quinam. 101
Succi mali quinam. 101.
102
Sudatio, nervorum vitia
curat. 93. quando con-
ducit. *ibid.* febricitan-
ti quī detergenda. 130
Sudor duobus modis eli-
citur. 93
Sudor frigidus quid indi-
cet. 51. 53. 56. 285
Suffusionis oculorum cu-
ratio. 433
Suppurationes pessimæ
quæ intus tendunt. 71
Suppurationes tolerabi-
les. 67
Suppurationis indicia. 62
Suppurationis signa. 410
Suppurationum interna-
rum curatio. 181
Suppuratio variis modis
excitatur. 64. 65
Sura, os. 507
Surculus quī tollatur. 305
Surditati biliosa alvus
prodest. 70
Suturæ Hippocratem de-
cipientes. 515
Suturarum capitis nume-
rus & locus incertus.
499
Συκωσις. 354
Συνάγχη. 196. Ως συν-
άγχη. *ibid.*

INDEX RERUM

T

TAbem quæ signifi-
cent . 58
Tabes . 167. curatio. 169
Tabes sequitur suppres-
sionem hæmorrhoidū .
62. nimias destillatio-
nes . 64
Tabis sputum quomodo
esse debeat. 67. febris,
alvus . *ibid.*
Tali luxati cheirurgia .
556
Talarum ossa . 507
Τεινεσμός . 228. curatio .
ibid.
Telorum ejectio . 415
Temeritas homines sæpe
restituit . 138
Tempestatum optimæ æ-
quales . 42
Temporis in curationi-
bus morborum haben-
da ratio . 424
Tempus matutinū ægris
remissius est . 125. na-
tura levissimum . *ibid.*
Tempus meridianum æ-
gris gravius . *ibid.*
Τέπος vespertinum pes-
simum . *ibid.*
Terebrarum descriptio .
510
Terra Eretria . 344
Tertianæ curatio . 143
Testiculorū anatome. 455

Testiculorum inflamma-
tio , durities , tumor ,
atrophia . 398. 399
Τέτανος . 193. curatio .
194
Τεθεράπευμένα . 263
Τετραφάρμακον empla-
strum . 228. 262. 396.
399
Θηρίωμα . 319. ejus cu-
ratio . 319. 320
Thoracis doloribus cata-
pot. 280
Tibiæ os . 507
Τιδύμαλον, lactuca ma-
rina . 245
Τομικοὶ dentes . 501
Tonsillarum induratarū
cheirurgia . 445
Tonsillarum tumentium
curatio . 383. exulce-
ratarum . 384
Tormina ab atra bile
mortifera . 74
Tormina intestinorū. 224
Tormina minus pericu-
losa . 69
Tormina profunt lieno-
sis . 70
Torpor quando pernicio-
sus . 75
Transitus ex loco salubri
in gravem tutus non
est . 24
Τροχιόσκι, pastilli. 249
Tubercula capitis . 420
Tubercula ex callo orta
diffi-

ET VERBORUM.

difficile sanantur articuloſis . 73
 Tubercula gingivarū. 387
 Tumoris teſticularū curatio . 399
 Tumorum per ſe ortorum medicatio . 407
 Tunica abſceſſus involvens . 408
 Tunicæ oculorum . 432
ad Tuſſim catapotium. 280
 Tuſſis. 200. curatio . 201
 Tuſſis hydropicis malum ſignum . 72
 Tuſſis in coſtarum fractura infeſtantis medicina . 529
 Tympanitidis curat. 163.
 164

V

Valentiffimum quid. 96
 Valetudinem adverſam futuram quæ denotet . 48. quæ longam . 53
 Varices ventris . 455
 Varicum curatio . 495
 Vari quomodo tollantur. 346
 Venarum in temporibus aduſtio pituitæ oculorum ſanandæ . 407
 Venæſectio cōvenit phreniticis . 150. cachecticis. 169. epilepticis. 172
 Venæſectio elephātia la-

borantibus. 177. attōnitis . 177. 178
 Venæſectio quæ , & quibus conveniat . 77
 Venæſectio quando , quæ & quibus conveniat . 78. 79. ubi . 80. 81. quodie . 80. In febre vehēmenti ea uti , jugulare eſt. *ibid.* imperitis difficilis . 81. Febris quando venæſectionem requirit . 78
 Vena quæ incidenda . 81
 Venenorum maxima pars frigore interimit . 310
 Venenum exſugendū. 309
 Venter ſani qualia reddit . 50
 Venti qui optimi . 43
 Ventriculi vulnerati notæ . 287
 Ventriculus . 184
 Ventris fiſtulæ . 413
 Ventris fluxus . 229. curatio . *ibid.*
 Ventris varices . 455
 Ventris vulnera tractandi ratio . 452
 Venus æſtate & autumno inutilis . 34
 Venus hieme non pernicioſa . 33
 Venus nervorum dolore laborantibus inimica. 39
 Venus noxia phthiſicis . 172. epilepticis . 173

R r

Ve

INDEX RERUM.

- Venus vere tutissima. 33
 Vere qui morbi oriantur. 43
 Vere quis cibus conveniat. 33
 Ver saluberrimum est. 42
 Vertebrae spinæ. 501
 Vesica. 185
 Vesicæ cum stomacho confortium. 486
 Vesicæ vitium quibus indicetur. 61
 Vesicæ vulneratæ signa. 288
 Vesicarum in palpebris medicatio. 421
 Vexatorum curatio. 407
 Vincula iis, quibus calculi evulsi e vesica, non necessaria. 483
 Vinum alvo citæ quodnam. 37
 Vinū lene prodest capite infirmo laboranti. 35
 Vinum noxium dentium dolori. 380
 Vinum quod pueris & senibus conveniat. 32
 Vinum vulnere inimicissimum. 295. 299
 Virginum calculi. 481
 Viride emplastrum. 262. 264
 Viscera vulnerata propriam exigunt curationem. 295
 Viscerum morbi. 211
 Vita otiosa inutilis. 25
 Vitiliginis species variae. 341
 Ulcera digitorum. 403
 Ulcera gingivarum. 388
 Ulcera hydropicorum non facile sanescunt. 160
 Ulcera linguæ. 387
 ad Ulcera mala, malagma. 255
 Ulceribus crustas inducentia. 246. easdem resolventia. *ibid.*
 Ulceribus faucium purgandis catapotium. 280
 Ulceribus purgandis & implendis *εγχαρυστα*. 277
 Ulceribus sordidis pastillus. 269
 Ulceris vetusti oræ livent. 300
 Ulcerum e frigore in pedibus & manibus ortorum curatio. 323
 Ulcerum oris medicatio. 385
 Ulcus aridum mortis indicium. 55
 Ulcus circa fauces quibus indicatur. 60
 Ulcus implentia. 247
 Ulcus vetus quomodo curandum. 301
 Umbilici & secundarum extractio. 492
 Umbilici vitiati cheirurgia. 448
 Um-

ET VERBORUM.

Umbilicorum prominen- tium curatio .	392	Vomitum supprimit deje- ctiones .	69
Unciæ pondus .	249	Ureteres .	185
Unctio cōfert corpori .	88	Urina alba , rufa , quid indicer .	22
Uncus infanti mortuo e- ducendo .	491	Urina bona quænam, ve- sicæ morbo .	66
Ungues pallidi mortem inducant .	55	Urina crassa , caruncu- las , pilos, bullas, ma- lum odorem , arenam habēs, renum vitia de- notat . 60. 61. liquida suppurationem .	63
Unguis oculorum .	423	Urina crassa & alba arti- culorum & viscerum dolores indicat .	60
Unguium ortus .	506	Urinæ difficultati sanan- dæ catapotium .	281
Unguium scabrorum cu- ratio .	404	Urinæ nimix profusio .	234
Voci adjuvandæ catapo- tium .	281	Urina mala .	52
Vomica hepatis .	215	Urinam moventia .	108
post Vomitum quid agen- dum .	30	Urina purulenta vel san- guinolēta ulcus renum vel vesicæ indicat .	60
Vomitum quid exigit .	29	Urina quæ valetudinem longam indicet .	53.
Vomitum biliosus noxius vulnerato .	296	quæ mortem .	56
Vomitum infirmo capite laborāti alienus est .	35	Urina sani qualis .	50
Vomitum luxuriæ causa fieri non debet .	30	Urina viridis , viscerum dolores & tumorē in- dicat .	60
Vomitum non sit quoti- dianus .	<i>ibid.</i>	8 populi vesica .	478
Vomitum prodest biliosis .		Uvæ inflammata excisio .	445
87. epilepticis .	<i>ibid.</i>	Uvæ inflammata pastil- lus .	269
nocet sanis .	<i>ibid.</i>		
Vomitum quando utilis .	29		
Vomitum quibus inutilis .			
<i>ibid.</i>			
Vomitum quibus utilis .	30		
Vomitum rejectus ab Af- clepiade .	29		
Vomitum remedia .	30		

INDEX RERUM & VERB.

Uvæ inflammatio .	389	Vulnus quomodo purgā-	
Vulnera insanabilia .	283.	dum .	298. imple-
difficilia .	<i>ibid.</i> tutio-	dum .	299
ra .	284	Vulpinum jecur ac pul-	
Vulnera , quibus ossa lo-		mones astmathi sanā-	
co moventur , pericu-		do .	199
losa .	557	Vulva .	185
Vulnerato quid agendū .		Vulvæ concubitus non	
295		admittētis curatio .	488
Vulneribus glutinandis		Vulvæ dolenti catapo-	
pastilli .	268	tium .	279
Vulneris collisi curatio .		Vulvæ molliendæ pessus .	
304		270	
Vulneris curatio .	295. 296	Vulvæ morbus .	232. cu-
Vulneris deraşi curatio .		ratio .	<i>ibid.</i>
305		Vulvæ natura mirabilis .	
Vulneris glutinatio .	291.	489	
292		Vulvæ percussæ signa .	
Vulneris ligatio .	294	286	
Vulneris notæ .	295. 296	Vulvæ procidentia .	402
Vulnerum inflammatio-			
nis curatio .	291. 297		
Vulnus aperientia .	243.		
purgantia .	<i>ibid.</i> roden-		
tia .	244		
Vulnus glutinantia .	242		

X

Ξ Ηρόδοτος 364

Z

Ζυγῶδες os . 501

FINIS.

Errata

Errata sic Corrigitur

Pag. iv. lin. 16. librias	libris	
17. quinque d	quinque ad	
xvii. 14. Licinorum	Liciniorum	
xxvii. 20. verum	utrum	
xxiii. 8. cap. 15.	cap. 25.	
193. 30. ἐμπροσθέντων	ἐμπροσθέντων	
165. 1. die	dies) In aliquib. tant. exem- plaribus.
205. 29. quod	quid	
215. 25. dura	duræ	
247. In calce. ὥχρα	ὥχρα	
305. 6. subtrahendum	subtrahendum	
317. 27. feræque	fereque)
449. 33. Adjecerunt, qui-	Adjecerunt qui-	
34. dam -- summam	dam -- summum	
457. 31. gravate	gravatæ	
459. 3. is	his	
492. 9. mulieres	mulieris	
589. 31. αλειπν.	δειπν.	

112. Deest intra textum † etiam in Almelo-
veeniana anni 1713.

217. curare litem putat in calceis

3 Hippocrati ante caesarem

iniquum

2. ~~Strenuus~~ Strenuus corpori inimicus est
2. malis per medicum vnde aliquis de nobis
ad senectutem principem producit.
3. Hippocrati de medicis de senectute
3. sine cognoscere verum naturae munus
et debet medicum esse.
3. serapion in usu et experimentis medici
vitam potuit, de quo suspensum fuit.
4. medicum per morbi naturam diffinitionem.
8. Differre pro natura locorum genus medic
line, et alia quae esse solent, alia
in aegypto, alia de Galdo;
8. et ceteris et exploratis eandem experiri
dum, id est ab illis, quae dependent
in ipsa causationibus docuerit.
8. ab experimentis medicis vnde habuerit
9. ab experimentis deductam esse medic
vitam
9. medicum omni aetate saltem aliam
incedit.
10. morbi non eloquuntur sed remedia vnde
12. Morbum laetitia missum non
est non fedit et aliter plerumque
in morbo se habent.
13. et ipsam causam rationem
nil plus censet quam experiri

13. Meditatio ex art. coniectura.
19. Cum pars scientia ex, ubi est modus,
arbitrii quam excludimus.
20. Iudicio morum corporum. Dilectio missa
um.
20. Hominem operis sequitur se excludit ut
ut dicitur, id quodam, quod corpus habere labor
formae. Operis nullum est genus fignum,
quo fignum utatur.
21. Captus litterarum imbecillitas.
22. Operis habile ad se habere, utrumque habere
unumque solum habere, in eo munda animam
solum, mandatum, se excludit fignum, nura/
fignum atque fignum, nura habere in
22. per habere tota nura concluditur.
24. Id fignum concluditur, qui quodam assumptus,
porene aqua fignum includitur.
26. Celebre fignum fignum per se per se
fignum ex.
26. Idem fignum fignum per se per se.
28. Examine corpus semel in die assumptus
epistola.
31. Purgationis sequitur per se per se.
31. Omnis morbus obnoxiis infirmis ex.
31. Repugnantia addit, et fignum, aliam que
modum.
31. Aliam fignum ex fignum corpus fignum
39. Fignum in modum ex fignum. fignum
in modum, ad.

Re^{tt}. G^e. 806. Dm^a

